

Caput Apis p[er]p[et]uam, sit ante m[en]s[ur]am  
 Amara <sup>caritatis</sup> p[er]p[et]uam, p[er]p[et]uam, p[er]p[et]uam  
 i quod <sup>venti</sup> ~~venti~~ circulatori Testa p[er]p[et]uam  
 r[eg]is curi re p[er]p[et]uam, p[er]p[et]uam, p[er]p[et]uam  
 p[er]p[et]uam, p[er]p[et]uam, p[er]p[et]uam, p[er]p[et]uam  
 p[er]p[et]uam, p[er]p[et]uam, p[er]p[et]uam, p[er]p[et]uam

1568

Crochaturat d[omi]ni

Hebreare p[er]p[et]uam  
 p[er]p[et]uam, p[er]p[et]uam, p[er]p[et]uam

E III M



[illegible]

Hanc quod <sup>venti</sup>~~montis~~ circumstans Testis dicat et  
inquit cum re pto subito mi daret  
At sepulchrum patris lacrimasque coram  
Verbera nil profuit dicere vera expon.

Ex Catalogo Libr. Andree Cognovici  
Frid. Elmyreus

Wfo  
1568

*Crochtophaga*

Hebeane suber  
Cassine com

E III M

Venerissimus huius libri possessor.  
Andreas Cernowic Stud. Eloqui.

Anno 1711  
Jo 42



M. T. CICERONIS

RHETORICORVM ADC. HE

rennium Libri III.

Eiusdem de Inuentione Libri II.

POST NAVGERIANAM ET VICTORI-

anam correctionem emendati à IOAN.

STVRMIO.

*Exemplum Camaldulense*  
Aldine pagine in marginibus notatæ sunt.



Cum Gratia & Priuilegio Cæsareo  
ad decennium.

M. D. LXVIII.



# TYPOGRAPHVS

LECTORI S.



FFERIMVS tibi, lector humanissime,  
 Romanæ eloquentiæ parentis, M. nimirum  
 T. CICERONIS Rhetoricorum  
 ad Herennium libros IIII, nec non  
 de Inuentione libros II, à reliquis eiusdem autoris Rhetorici  
 libellis separatos, idq; in eorum gratiam, Quorum,  
 ut Satyricus ille canit, virtutibus obstat Res  
 angusta domi, & qui ut cum Persio loquamur, no-  
 uerunt, quam fit sibi curta supellex: ne uidelicet,  
 quod antehac fortasse conigit, cum paucis aliquibus  
 ex eorum numero indigeant, omnes emere necesse habe-  
 ant, & hoc modo occasionem de nobis conquerendi qua-  
 lem cunq; sibi arripiant. Huius tamen præmonitum te,  
 lector, uolumus, nihil, quod ad numerum attinet, hanc à  
 priori differre æditionem. Aldinæ enim paginae eodem,  
 quo & antea, modo notatæ sunt, nostræ uerò, æquæ atq;  
 ueteres, cum Thesauro M. NIZOLII Basileæ ædito,  
 conueniunt. Hoc itaq; quicquid id est, si eo, quo à nobis  
 factum est animo, acceperis, in posterum nos quoq;  
 quacunq; in re gratificari tibi modis omnibus  
 conabimur. Tu his fruiere, & feliciter  
 uale. Datum ex officina nostra  
 Anno salutis 1568.



# AD ADAMVM CA-

ROLVM REGIVM CON-

*siliarium, Ioannis Sturmij*

*Præfatio.*



ITTO ad te Rhetoricos  
Ciceronis libros, Ca-  
role, in quibus tu præ-  
clare exercitatus es, ego  
quidem multum & diu  
uersatus: sed in quo ego  
iam annos multos non solùm cogno-  
scendo, uerum etiam interpretando ela-  
boro, id tu iam olim consecutus es, ut  
Latinissimè loquaris, & ornatissimè scri-  
bas. Nam quam rem mihi tribuis, eam i-  
pse arrogare neq; uolo, neq; possum,  
Latini sermonis puritatem, & orationis  
elegantiam: uerùm amicis hanc meis  
multis, quorum doctrina mihi iucunda,  
& eloquentia honorifica est, concedo.  
Quid enim mihi sumerem, qui re ipsa  
comperi, artem, nisi egregium ingeni-  
um consecuta sit, nihil præclarum ede-  
re? Docui Louanii annos duos, Lutetie  
octo, Argentorati iam quartus mihi e-  
xit: & suscepi adolescens harum artium  
professionem. Quæ exercitatio si tuam,  
hoc est meliorè quam mea est, naturam  
habuisset, effecisset aliquid artificiosius:



euitis formam ego quidem uideo, uos  
 autem oratores eam sensibus hominum  
 potestis representare. Vim magnam  
 arshabet, ubi animum acrem & indu-  
 strium semel erudiuit. Nam ut ceteros  
 omittam, ego, tametsi ingenio nihil pos-  
 sum, tamē sentio orationem meam cog-  
 noscendis his libris meliorem esse fa-  
 ctam, non tam Sophistarum quam Phi-  
 losophorū pręceptis. Scis enim tu, He-  
 rennios libros, & illos de Inuentione, ta-  
 met si multa Academica doceant, tamen  
 magna ex parte in Rhetorum officina fa-  
 ctos esse. Partitiones uerò oratorię, &  
 Orator, & de Oratore tres libri, ex Aca-  
 demicorum & Peripateticorum spaciis  
 prodierunt: id quòd non orationis, sed  
 pręceptorum genus ostēdit. Non enim  
 illorum rationem probo, qui propterea  
 solum Ciceronē suos de Oratore libros  
 Aristotelico more scriptos esse dicunt,  
 quòd in illis à Crasso & Antonio in con-  
 trarias partes disceptetur: sed quia The-  
 odoctea sunt quę traduntur, quorū Grę-  
 ci Sophistę non meminerunt, idcirco  
 Aristotelico more conscriptos esse exi-  
 stimo. Antonius dissimulator, ut ita lo-  
 quar, & artis & linguę Gręcorū, in prin-  
 cipio



P R A E F A T I O.

cipio secundi sermonis: Cū pleriq; inquit, temerè ac nulla ratione causas in foro dicant: nonnulli autem propter exercitationem, aut propter consuetudinem aliquā callidius id faciant: non est dubium, quin, si quis animaduernerit, quid sit, quare alii melius quàm alii dicant, id possit notare. Hec quidem Antonius. Sed eadem Aristoteles, quem didicisse nolebat uideri: τὸ μὲν γὰρ πολλῶν οἱ μὲν εἰκὴ ταῦτα δρῶσι, οἱ δὲ καὶ διὰ συνηθειαν ἀπὸ ἐξέως, ἐπεὶ δ' ἀμφοτέρωθεν ἐνδέχεται, δηλονότι εἴη αὐτὰ καὶ ὁδοποιεῖν. δι' ὃ γὰρ ἐπιτυχᾶν εἰσιν οἱ τε διὰ συνηθειαν, καὶ οἱ ἀπο ταυτομάτης, πῶς αἰτίαν θεωρεῖν ἐνδέχεται. Eodem in libro etiam illa partitio Aristotelica est, mutatis quidem uerbis, & cōuerso ordine: sed tamen eadem retenta sententia. Ita ratio omnis dicēdi tribus ad persuadendum rebus est nixa: ut probemus uera esse ea quæ defendimus: ut conciliemus nobis eos qui audiunt: ut animos eorum ad quemcunq; causa postulabit motum uocemus. Aristoteles enim, τῶν δὲ τῶν λόγων περιζομένων τῶν τρία εἶδη εἰσὶν. αἱ μὲν γὰρ εἰσὶν ἐν τῷ ἥθει τῶν λέγοντων, αἱ δὲ ἐν αὐτῷ τῷ λόγῳ διὰ τῶν δεικνύων, ἢ φαίνοντων δεικνύων. Aristotelica etiam sunt, quæ ab



P R A E F A T I O.

eodem de locis & animorum motibus  
differuntur: & quæ à Crasso de uniuerso  
dicendi genere, & de uerborum & ora-  
tionis ornamentis explicantur. Deniq;  
si ex illis libris, quæ Aristotelis & Aca-  
demicorum sunt, auferamus, non multū  
oratoris arti reliquū fiet. Atq; his sanè  
præceptis fateor meam orationem non  
nihil expolitam esse: si tamen politū no-  
minandum est quod puerile est, & (ut  
Sadoletus de me scribit) pubescens ad-  
huc, nondumq; suam quasi maturitatem  
habens. Veruntamen quantulumcunq;  
illud sit, uelim nostris adolescētulis pro-  
bari hos libros, & cæteris omniū Rhetō-  
rū uoluminibus anteferrī. Atq; ut hoc  
consilium meum plus ponderis habeat,  
constituī tibi id exponere: nō quòd ne-  
scias, sed ut magis mihi credatur, si idem  
tu statuere uidearis. Non enim solū a-  
mo mores tuos, sed etiā tantifacio iu-  
diciū tuum, ut nostra coniunctio tua  
authoritate illustrior sit: & facili me abs-  
te & in ignoratione erudiri, ac in errore  
reprehendi patiar: ita ut ego utilitatem,  
tu uerò laudem ex nostro

amore sis perce-  
pturus.



ALDI P. M. AD AN-  
DREAM NAVGERIVM, PATRICIVM

Venetum, compatrem suum, in li-

bros de arte Rhetorica Præfatio.



**O**MNES, Andrea Naugeri, qui se uel com-  
ponendis nouis operibus, uel instaurandis  
corrige disue antiquis tradunt, ut non so-  
lum sibi, sed & alijs prosint (quoniam, ut  
præclare scriptum est à Platone, Non nobis solum nati su-  
mus: sed ortus nostri partem patria, partem parentes  
uendicant, partem amici) otium sibi sumant & quietem:  
ac à coetu hominum, frequentiaq; in solitudinem, tan-  
quam in portum se recipiant. Sacra enim studia litera-  
rum, & Musæ ipsæ, semper quidem otium amant &  
solitudinem: sed tunc præcipue, cum quæ scripturus es,  
uictura cupias,

Atq; linenda cedro, & leui seruanda cupresso.

Quam quidem rem tu, mi Naugeri, persepe & feli-  
citer facis. relictâ enim urbe & frequentia hominum,  
rus te confers, & in loca quietis & tranquillitatis ple-  
nissima: ut superioribus annis in laureta & oliueta Be-  
naci, cum diræ ferro & compagibus arctis clausæ essent  
belli portæ: ubi & tu uacuis curis, & molestijs ijs, quæ  
eunq; impediunt præclara studia literarum,

Tale facis carmen, docta testudine quale

Cynthiaus impositis temperat articulis.

At nahi duo sunt, præter sexcenta alia, quibus studia  
nostra assidua interpellatione impediuntur. Crebræ sci-  
licet literæ uirorum doctorum, quæ undiq; ad me mit-  
tuntur: quibus si respondendum sit, dies totos ac noctes



# ALDI MANVTII

consumam scribendis epistolis. Et ij qui ad nos ueniunt partim salutandi gratia, partim perscrutaturi si quid noui agatur, partim (quæ longè maior est turba) negotij inopia. tunc enim: Eamus, aiunt, ad Aldū. ueniunt igitur frequentes, & sedent oscitabundi,

Non missura cutem, nisi plena cruoris irudo.

Mitto qui ueniunt recitaturi, alij carmen, alij prosa oratione aliquid, quod etiam excusum typis nostris publicari cupiant: idq; rude, & incastrigatum plerunq; quod & eos offendat limæ labor, & mora. Nec aduertunt reprehendendum esse carmen, quod non

Multa dies, & multa litura coërcuit, atq;

Perfectum decies non castigauit ad unguem.

A quibus me cœpi tandem permolestis interpellatoribus uindicare. Nam ijs qui ad me scribunt, uel nihil respondeo, cum quod scribitur non magni intersit: uel, si intersit, Laconicè. Quam quidem rem, quoniam nulla id à me fit superbia, nullo contemptu: sed, ut quicquid est ocij, consumam edendis bonis libris: rogo ne quis grauius ferat, nèue aliorum atq; ego facio accipiat. Eos autem qui uel salutandi, uel quacunq; alia causa ad nos ueniunt: ne posthac molesti esse pergant, nèue impertini interpellent labores & lucubrations nostras: curauimus admonendos Epigrammate, quod quasi aliquod edictum uidere licet supra ianuam cubiculi nostri, his uerbis:

QVISQVIS ES, ROGAT TE ALDVSE  
TIAM ATQVE ETIAM: VT, SI QUID EST,  
QVOD A SE VELIS, PERPAVCIS AGAS:  
DEINDE ACTVTVM ABEAS: NISI TAN-  
QVAM HERCVLES DEFESSO ATLANTE,  
VENERIS SVPPOSITVRVS HVMEROS.  
SEMPER ENIM ERIT, QVOD ET TV A-  
GAS:



PRAEFATIO.

GAS: ET QVOTQVOT HVC ATTVLE-  
RINT PEDES.

Idipsum & hic propterea inseruimus, ut magis magisq; innotescat. Sunt tamen multi & Græcè & Latine docti, qui frequentandæ ædes nostras, Herculem, mihi suppetias ueniendo, sedulo agunt. Ex quibus tu Naugeri excellentissime, hisce M. TVLLII de Præceptis oratoris, deq; dicendi copia & studio eloquentiæ libris, accuratissime cum antiquis exemplaribus conferendo recognoscendis, uel Atlas requiescente me factus es. Idemq; nunc in illius Orationibus, & in diuinis de Philosophia libris assidue, atque adeo feliciter facis, ut breui & correctissimi, ab ijsq; qui passim habentur longè alij exire possint in manus studiosorum. Taceo quam diligenter, quam ingeniose, quam doctè cum alios prosa oratione ex bonis codicibus indefessus emendaueris libros, & penes te habeas: tum præcipuè optimos quosq; poetarum: quos mihi, quæ tua est humanitas, qui tuus amor erga bonas literas, daturum te, cum publicare eos excusos typis nostris uoluerò, benignissime polliceris, imò sepe etiam instas, sic inquit: Alde, quid facis? cur non petis à me Vergilium, Horatium, Tibullum, Ouidium, & alios quosdã? uix credas quàm sint penes me emendati ex antiquis codicibus. Quamobrem sic me tibi deuinxisti, ut te non secus amem, quàm me ipsum: tibiq; æquè ac mihi longissimam uitam exoptem. Nam cùm adeo iuuenis, tantus & prosa & carmine euaseris, ut te uel antiquis, qui utroq; in genere summa cum laude elaborarunt, ferè æquaueris: non dubito quin futurus sis maximum decus & gloria nostrorum temporum, & una cum Bembo nostro Magnæ spes altera Romæ. Et si non



me fugit, hæc te, qui tuus est pudor, non libenter audire: tamen quia scio me uera dicere, & te abs te cognosci quam optimè, atque illud, ὑποβι σκαυτορ, non ad arrogantiam minuendam solum esse dictum, uerum etiam ut bona nostra norimus: sic tibi de te loqui uolui, multorum exemplo, & doctorum uirorum. Et ut taceam cæteros, & Græcos & Latinos, qui hoc ipsum factitarunt: Plinius Iunior in Panegyrico illo ingeniosissimo ac diuino, quem traditurus consulatum Traiano imperatori dixit frequenti Senatu, summas illius laudes coram ipso dicere, dignissimū accommodatissimumq; esse existimauit: quod & uerissimas esse illas certò sciret, & principem suarum uirtutum maximè consciū. Fuit enim Traianus non solum Imperator, sed & homo omnium optimus. Vnde & nunc inter creandum imperatorem, hoc illi primū imprecantur: Sis felicior Augusto, & melior Traiano. Adde quod id est huiusmodi nostrarū uel epistolarum, uel præfationū genus, ut sic licere nobis uel ea ratione uideatur: quod etsi uni priuatim uidemur scribere, publicè tamen ipsq; omnibus scribimus, qui nostra hæc amicè legerint. Ob eam quoq; causam licere nobis arbitramur, ut ei ad quem scribimus, nonnihil quasi argumentum dicamus de ijs libris, in quibus huiusmodi uel epistolas uel præfationes preponimus: non ut ipsum doceamus (arrogantis esset id quidem) sed ut & tueatur nostra, & sit eorundem iudex: & qui nesciunt (semper enim prodesse uolumus) id discant è nobis. Quamobrem idem & hic faciendum censuimus. Et te, Naugeri doctissime, iudicem elegimus, cum propter alia, tum etiam, quod omnia, quæ his libris de Ratione dicendi tractantur, sic teneas, ut digitos unguesq; tuos. Debemus enim, quæ



# PRÆFATIO.

quæ publicanda elucubramus, ijs recitare uel scribere, qui possint, si bona sunt, laudare: sin mala, reprehendere. Ut olim Quintilio poëmata recitabantur: qui cum aliquid non probaret, Corrige sodes hoc, aiebat, & hoc. Laudandus igitur Peripateticus ille Phormio, prudenterq; fecisse existimandus est, quod coram Annibale de officio Imperatoris, & de omni re militari disputauerit, non ut illum doceret (nunquam enim tantum insaniisset Phormio) sed ut Pœnus uel delectaretur ea audiens, quorum esset peritissimus, præsertim si copiose, ornatè, doctè à philosopho dicerentur: uel ut iudicaret potius, an peritè ea de re disputatum esset. Rusticè contrà & inhumaniter fecisse Annibal (semper enim fuisse dicitur insuauis, & difficilis) qui cum Phormionem audisset, & ceteri qui interfuerant, uehementer delectati quæsiuissent, Quidnam ipse de illo philosopho iudicaret? responderit: Multos se deliros senes sæpè uidisse, sed qui magis quàm Phormio deliraret, uidisse neminem. Quod contumeliosum responsum tantopere probari à M. Tulio miror: atque eò magis, quod non propterea delirare Phormionem uisum esse ait, quia ineptè aut indoctè de militari præcepta narrauerit: sed tantum, quia Annibali, cuius nomen erat magna apud omnes gloria, quicq; tot annos de imperio cum populo Romano, omnium gentium uictore, certauerat. Cum potius delirus uerè fuisset Phormio, si apud rusticos, & id genus alios, qui non intelligerent, de re militari disputauisset. Quemadmodum si surdis quispiam suauiter canat, aut narret fabulam: uel si corà cæcis in numerum quis quàm optimè ludat, aut manuum celeritate præstigiatoriam agat.

Tu autem, mi Naugeri, hæc tibi dici à nobis facile patieris:



patieris: quod simul & doctissimus sis & humanissimus: tum etiam quia, cum tibi sic dicuntur, omnibus dicuntur, in quorum manus hæc nostra peruenerint. Quã obrem leges tu quidem quæ breuiter de his libris quasi Argumenta scribuntur: & leges, non ut Phormionem Annibal contumeliosè (barbarũ id quidem) sed benignè, ut soles me, cum ea legeris, dimissurus. Ea uerò sunt hæc:

In primo & secundo libro Rhetoricorum ad C. Herennium, & nonnihil in tertio, de Inuentione, prima ac maxima parte Rhetorices, tractatur. Primus exordium, narrationem, diuisionem, & pauca quædam de confirmatione & confutatione continet. Secundus reliquas inuentionis parteis: & quemadmodũ ad omnem iudicalem causam, inuentionem rerum accommodari oportet, ostendit. Tertius inueniendarum rerum quæ pertinent ad causas deliberatiuas & demonstratiuas, rationem absoluit. Hinc quomodo quæ inuenimus, disponamus, atq; in ordinem redigamus: & quibus rebus ad dicendum pronuntiatio, quibus item inuentorum thesaurus, atque omniũ partium Rhetorices, custos memoria comparanda sit, docet. Quartus, reddita ratione, quare præter Græcorum consuetudinem suis author utatur exemplis, præcepta Elocutionis (quæ est ultima pars ex ijs quinque, quas in Oratore esse oportet) non indiligenter tradit.

Primus autem liber inchoat tantum Operis, exposito genere artis Rhetoricæ, & officio, & fine, & materia, & partibus, continet genera controuersiarum: & inuentiones & constitutiones, deinde partes orationis, & in eas omneis omnia præcepta. Et quoniam in eo cæteris de rebus distinctius dictum est, dispersè autem de confirma-



## PRAEFATIO.

confirmatione & reprehensione: certi in secundo libro confirmandi & reprehendendi in singula causarum genera loci traduntur. Et quia, quo pacto tractari conueniret argumentationes, in primo libro accuratè expositum est: in secundo tantum inuenta unamquaq; in rem exponuntur simpliciter, sine ulla exornatione: ut ex secundo inuenta ipsa, ex primo expolitio inuentorum petatur. Postremo, quoniam omne in cause genus argumentandi ratio tradita est, deq; inuentione satis dictum uidetur: reliquas parteis orationis, quæ Oratori necessariae sunt, se deinceps dicturum Cicero pollicetur: sed postea mutato consilio, sic inchoatum opus reliquit, puto, quia rude uidebatur, sibiq; puero aut adolescentulo, ut ipse in primo libro de Oratore testatur, exciderat. Atque ob eam causam rogatus à fratre, treis libros de omni ratione dicendi adeo doctos, ingeniosos, elegantes, copiosos composuit, ut qui in alijs libris semper omneis, in his seipsum Cicero superauerit. Ipse etiam illos tanti faciebat, ut in epistola quadam ad Leptam hæc scripserit: Oratorem meum tantopere abs te probari, uehementer gaudeo. Mihi quidem sic persuadeo: me, quicquid habuerim iudicij de dicendo, in illū librum contulisse. Qui si est talis, qualem tibi uideri scribis, ego quoque aliquid sum: sin autem aliud, non recuso quin quantum de illo libro, tantundem de iudicij mei fama de trahatur. Hi igitur tres libri de Oratore, ea quæ tribus diebus uiri omnium eloquentissimi clarissimiq;, de omni ratione dicendi uel disseruerant uel docuerant, complectuntur. Quorum librorum argumenta, tum aliorum qui hoc ipso uolumine continentur, breuiter narranda hoc ordine uisa sunt.

In primo



# ALDI MANVTII

In primo libro, Ludorum Romanorum diebus, cum L. Crassus colligendi sui causa, se in Tusculanum suum cum adolescentibus C. Cotta & P. Sulpitio contulisset, uenissetq; eodem Q. Mutius Scauola augur, Crassifocer: & M. Antonius, homo & consiliorum in Repub. socius, & summa cum Crasso familiaritate coniunctus: primo die de temporibus illis, deq; uniuersa Rep. quam ob causam uenerat, multum inter se usque ad extremum tempus diei collocuti dicuntur. Sed ea alibi sunt à M. Tullio mandata literis. Postero autem die, cum illi maiores natusatis quieuisent, atq; in ambulationem uentū esset: & Scauola duobus spacijs, tribusue factis, quod infirmis esset pedibus, dixisset: ut imitantes Socratem illū, qui est in Phædro Platonis, sub platano & ipsi quiescerent: allatis puluinis omnes in ijs sedibus quæ erant sub platano, dicuntur consedisse. Ibi, ut ex pristino sermone relaxarentur animi omnium, cum Crassus sermonem quendam de studio dicendi intulisset: & quædam ab Scauola, quæ dixerat Crassus, comiter dicta fuissent: ab Antonio & Crasso de Rhetorices materia, de ijs quæ Oratori necessaria sunt, in toto primo libro ornatè copioseq; differitur. Cui satis longæ disputationi adfuit quidem senex Scauola: sed quoniam in Tusculanum suum ire constituerat, sermoni qui de arte dicendi instituebatur, non interfuit. Cur autem illius persona ab reliquis libris dimota sit, docet ipse Cicero in quarto libro Epistolarū ad Atticū, his uerbis: Quod in his Oratorijs libris, quos laudas, personam desideras Scauolæ: non eam temerè dimoui. Sed feci idem quod in *πολιτείᾳ* deus ille noster Plato, cum in Peireæum Socrates uenisset, ad Cephalum locupletem & festiuum senem: quoad primus sermo ille habere=



## PRAEFATIO.

haberetur, adest in disputando senex: deinde cum ipse quoque commodissime locutus esset, ad rem diuinam dicit se uelle discedere, neque postea reuertitur. Credo Platonem uix putasse satis consonum fore, si hominem id aetatis in tam longo sermone diutius detinuisset. Multo ego satius hoc mihi cauendum putauit in Scaeuola: qui et aetate, et ualeitudine ea, qua esse meministi, et ijs honoribus, ut uix satis decorum uideretur eum plurcis dies esse in Crassi Tusculano. Et erat primi libri sermo non alienus ab Scaeuolae studijs: reliqui libri Τεχνολογίᾳ habent, ut scis. Huic ioculatoriae disputationi senem illum, ut noras, interesse sanè nolui.

Die tertio, cum iam in Tusculanum Lelii soceri sui abiisset Scaeuola, et Q. Catulus senex et C. Iulius Caesar fratres, è Tusculanis suis in Crassi Tusculanum, ad audiendum Antonium uenissent: cuius esse parteis, ut eo die de arte dicendi loqueretur, ab Scaeuola Iulius, cum ad fratrem ueniret, audiuerat: in secundo quidem libro, ante meridiem, ab Antonio de Inuentione, dispositione, memoria, tribus de quinque quasi membris eloquentiae, interpellantibus interdum alijs, uel interrogando, uel approbando, uel etiam addendo, uel utcumque aliter uideretur, doctissime agitur. Et quoniam suavis est, et uehemèter saepe utilis, iocus et facetiae: haec Iulio pars, quod in eo genere alijs excelleret, consensu omnium datur. Quamobrem ille coram consummatissimis ac diuinis oratoribus, Antonio et Crasso, tanquam in scena gestum spectante Roscio, acturus, uerecundè quidem: sed cum iam defessus esset disputando Antonius, cum per pauca adhuc restarent, per opportunè se interposuit, munusque suum diligenter incundèque peragit.

In tertio



## ALDI MANVTII

In tertio autem, inclinato iam in pomeridianum tempus die, Crassus de elocutione & actione, reliquis Rhetoricæ partibus, quæ ei ab Antonio ex constituto relicte fuerant, disertissimè & copiosissimè loquitur. In his libris non ieuinas Rhetorum arteis, sed locupletissimos Aristotelis libros secutus uidetur Cicero: idq; in Crassi maxime sermone, ut hinc quoq; perspici possit, hoc ab eo uerè in Oratore dictū esse: Se oratorem, si modò sit, uel quicūq; sit, non ex Rhetorum officinis, sed ex Academia spacijs extitisse.

In libro de Claris oratoribus, qui Brutus dicitur, deplorata summo cum dolore morte Hortensij (qui cum Cicero semper coniunctissimè & amantissimè uixerat, focusq; & consors gloriosi laboris fuerat) enumerat, quicūq; usq; ad sua tempora Latini oratores clari extiterant: antè tamen Græcis, qui excelluerant quasi in transcurso breuiter enumeratis.

In libro qui Orator appellatur, cum à Cicerone M. Brutus per literas petiuisset, ut, quod optimum esset genus dicendi, sibi ostenderet: id ille diligentissimè & copiosissimè fecit. Et quamuis de Elocutione tantum ab Bruto requisitus uideretur, nonnulla tamen de Inuentione, dispositione, actione, ut plenius foret opus, adiecit.

In Topicis, de communibus locis, unde argumenta ducuntur, breuiter quidem inter nauigandum, cum etiam libros Cicero non haberet, sed doctè & dilucidè agitur. Exempla tamen, quòd ad Trebatium Iuriconsultum scribatur, ex Iure sumuntur.

In Partitionibus, in omne causarum genus præcepta colliguntur.

In libro, qui de Optimo oratorum genere inscribitur,  
cum



# PRAEFATIO.

cum falsam Cicero eorum uellet opinionem ostendere, qui eos solos Atticè dicere contendebant, qui tenui quodam & sicco scribendi genere uterentur, Aeschinis & Demosthenis inter se contrarias orationes conuertit: ut, cum hi Attici omnium consensu haberentur, neque tenui solum genere, sed amplissimo etiam, ac mediocri nonnunquam uterentur, manifestus illorum error deprehenderetur. Sed ipsae orationes ad nos non peruenerunt: idque quod habetur, praefatio est quaedam.

Sed quoniam sunt, qui libros de Arte Rhetorica ad Herennium, Ciceronis esse contendunt: non ab re facere mihi uideor, si quid ipse ea de re sentiam, hoc loco breuiter disputauero.

Qui librorum ad Herennium authorem esse Cicero nem uolunt, duorum alterum fateantur necesse est: ut aut antè, quam quæ inchoata atque rudia puero aut adulescentulo sibi excidisse ait, aut post, Cicero illos composuerit. Antè, non puto dicturos: quia si puer aut adulescentulus illa imperfecta, hoc est duos illos libros de Inventionem composuit, quando hos ad Herennium componere potuit? num puerulus? quis hoc credat? At à uiro etiam maturæ ætatis, ac patrefamiliæ, & Philosopho compositi illi uidentur. Id quod ex ipso authore facile est cognoscere, cum & hæc dicit: Etsi negotijs familiaribus impediti, uix satis ocium studio suppeditare possumus: & id ipsum quod datur ocij, libentius in Philosophia consumere consueuimus. & hæc quæ habentur in fine quarti libri: Nā et simul libenter exercemur propter amicitiam, cuius initium cognatio fecit, cætera Philosophiæ ratio confirmauit: & nobis non diffidimus, propterea quod & aliquantulum processimus: & alia



meliora sunt, quæ multò intensius petimus in uita: & etiam si non peruenimus in dicendo quò uolumus, parua pars uitæ perfectissimæ desideretur. Impediri negocijs familiaribus, & uix propterea esse ocium ad studendum: & si quid superesset ocij, in philosophia consumere consueuisse: tum paruam uitæ perfectissimæ partem desiderari, non puero, sed uiro conueniunt, & patrifamilias. Adde, quòd cùm consueuisse dicit, quòd daretur ocij, in philosophia consumere, prætermisso studio eloquentiæ, diu uidetur Philosophiæ dedisse operam. Præterea in ijs ipsis libris de Inuentione, fecisset aliquam eorum qui sunt ad Herennium, mentionem: cur scilicet de arte Rhetorica iterum scriberet: quemadmodum in libris Oratorijs eorū meminit, quæ inchoata atque rudia sibi puero aut adolescentulo excidisse refert. Non antè igitur hos ad Herennium, quàm illos de Inuentione libros composuit. Pòst autem si dixerint, parum diligenter uidentur eam rem considerasse. quia si ita sit, sequeretur, politiores & magis cultos esse hos ad Herennium, quàm illi ipsi quos de Inuentione composuit: quòd & doctior, & plures natus annos, eos elucubraffet. Sed longè est secus. Rudes quodammodo hi uidebuntur, si ijs quos de Inuentione composuit, comparentur. Et quanquam sunt docti, tamen longissimo distant intervallo à diuina illa M. Tullij eloquentia. Imò si quis accuratiùs considerauerit, plurima in his ad Herennium libris durè & ieiunè dicta deprehendet. Adde, quòd in libris de Oratore, ubi inchoatorum à se Rhetoricorum meminit, & horum ad Herennium meminisset: atque eò magis quòd perfectæ et absoluta sint, omniaq; artis Rhetoricæ præcepta contineant, ut ipse author ostendit his uerbis:



# PRAEFATIO.

uerbis: Et uiam quam sequamur, habemus: propterea quòd in his libris nihil præteritum est Rhetoricæ præceptionis. Ergo ad Herennium libri, si nec antè, nec post, quàm illi de Inuentione, à Cicerone compositi sunt: non sunt Ciceronis. nam post diuinos illos Oratorios, ad Herennium libròs compositos dicere, amentia est. Illud præterea non præterierim, existimandum esse, Hieronymum, & Priscianum, & alios qui aut illa ætate, aut post extiterunt, huius rei inuestigandæ munum fatigasse: sed alterum alterius indiligenter, ut solet accidere, errorem secutos. Quis autem illorū author fuerit, Grammatici certant, & adhuc sub iudice lis est.

Sunt tamen, qui authorem fuisse dicant M. Gallionem, propterea quòd in libro quodam Rhetoricorum ad Herennium antiquissimo, qui dicitur esse Romæ in bibliotheca Palatina, sic est titulus: M. Gallionis Rhetoricorum ad C. Herennium liber primus. ubi Gallionis deletum esse aiunt, ita tamen ut legi possit: & supra Gallionis scriptum. T. cum binis utrinque punctis: inde Ciceronis. quod si ita est, puto eum qui deleuit, quòd existimarit perperam scriptum Gallionis, deceptum cum prænominè M. G. quod idem in utroq; est titulo: tum similitudine quadam Gallionis & Ciceronis, apposuisse pro Gallionis, T. Ciceronis. Quam quidem rem cum aut ipse uidero, aut ab alio audiuerò cui fidem habeam, tunc credam: curaboq; Gallioni librum suum, quo tot secula uel iniuria temporum, uel ignorantia scriptorum priuatus est, restituendum. Cuiuscunque tamen fuerit liber, ei fatendum est, multum Ciceronis hos, quos diximus, de Inuentione libros, ad ea quæ scripserit præcepta contulisse.



ALDI MANVTII.

Gallionem autem hunc eum crediderim, ad quem Ovidius in quarto libro de Ponto consolatoriam scripsit epistolam, ob mortē uxoris, cuius epistole hoc est initium:

Gallio, crimen erit uix excusabile nobis,  
Carmine te nomen non habuisse meo.

Doctum etiam illum fuisse, his eiusdem epistolæ ostenditur carminibus:

Sed neq3 solari prudentem stultior ausim,  
Verbaq3 doctorum nota referre tibi.

**HÆC** habui, mi Naugeri, quæ super his dicerem,  
pro tempore. Habeo enim assidue plus negocij quam fortasse alius quisquam, uel occupatissimus. Adsit Deus, qui me & his malis, & grauissimis, quibus premor, molestijs eripiat: ac uelit, ut dum amissis agris, & ipse hæc queror,

— En quò discordia ciueis  
Perduxit miseros? en quæis consequimur agros?

*Aut hæc:*

— Viui peruenimus, aduena nostri  
(Quod nunquam ueriti sumus) ut possessor agelli  
Diceret: Hæc mea sunt, ueteres migrate coloni:  
Tu quoque diuinus poeta (es enim alter ab illo) consolans compatrem tuum, mihi aut hæc canas:

Fortunate senex, etiam tua rura manebunt:  
Et longo quoq3 seruitio te exire licebit,  
Et citò præsentis alibi cognoscere diuos:

Aut tale aliquid: quod cum fuero adeptus, saxo, quod tot annos indefessus uoluo, in mōtis apicem tandem perducto, & collocato, recubans sub tegmine fagi, & ipse quam dicere.


— Deus nobis hæc ocia fecit.

**Vale, ingens decus Musarum.**




Illud hic subiungere libuit, considerandum diligentius: utrum in epistola ad Leptam, cum scripsit Cicero, Oratorem meum tantopere à te probari uehementer gaudeo, &c. id dixerit de libris Oratorijs ad Quintum fratrem, an de eo libro quem ad Brutum scripsit, qui quæsiuerat, Quòdnam eloquentiæ genus Cicero probaret maximè, & quale ei uideretur illud, cui nihil addi posset, quod summum & perfectissimum iudicaret. cui libro Oratori inditum est nomen. Idq; quoniam in Præfatione nostra ad Naugerium, de tribus illis de Oratore libris, dixisse Ciceronem scripsimus: cum potius de eo ipso libro ad Brutum illud dixisse uideatur.











Subum est quid ten scriptent an Cio. an boni  
ergo aut Cilio  
Quid quid ad quem a quo



# RHETORICORVM

AD C. HERENNIVM LI=

ber Primus.



**I** T S I negocijs familiaribus impediti, uix satis ocium studio suppeditare possumus: & id ipsum, quod datur ocij, libentius in philosophia consumere consueuimus: tamē tua nos C. Herenni uoluntas commouit, ut de ratione dicendi conscriberemus: ne aut tua causa noluisse aut fugisse nos labore putares. & eō studiosius hoc negocium suscepimus, quod te non sine causa uelle cognoscere Rhetoricam intelligebamus. nō enim parū habet in se fructus copia dicendi, & commoditas orationis, si recta intelligentia, & definita moderatione animi gubernetur. Quas ob res illa, quæ Græci scriptores inanis arrogantia causa sibi assumpserūt, reliquimus. nā illi, ne parum multa scisse uiderentur, ea conquisuerunt, quæ nihil ad propositum attinebant, ut ars difficilior cognitu putaretur. Nos autem ea, quæ uidebantur ad rationem dicendi pertinere, sumpsimus. nō enim spe quæstus, aut gloria cōmoti uenimus ad scribendum, quemadmodum cæteri: sed ut industria nostra tuæ morem geramus uoluntati. Nunc, ne nimium longa sumatur oratio, de re dicere incipiemus: sed, si te unum illud monuerimus, artem sine assiduitate dicendi non multum iuuare: ut intelligas, hanc rationem præceptionis accommodari ad exercitationem oportere.



Ratoris officium est, de his rebus posse dicere, quæ res ad usum ciuilem moribus ac legibus constitutæ sunt, cū assensione auditorum, quoad eius

A

fieri



AD HERENNIVMM

2  
fieri poterit. Tria sunt genera causarum, quæ recipere debet orator: Demonstratiuum, deliberatiuum, iudiciale. Demonstratiuum est, quod attribuitur in alicuius certæ personæ laudem, uel uituperationem. Deliberatiuum est, quod in consultatione positum, habet in se suasionem, & dissuasionem. Iudiciale est, quod positum in controuersia, habet accusationem, aut petitionem cum defensione. Nunc quas res oratorem habere oporteat, docebimus: deinde, quomodo has causas tractari conueniat, ostendemus. Oportet igitur in oratore esse inuentionem, dispositionem, elocutionem, memoriam, & pronunciationem. Inuentio, est excogitatio rerum uerarum, aut uerisimilium, quæ causam probabilem reddant. Dispositio, est ordo & distributio rerum, quæ demonstrat, quid quibus in locis sit collocandum. (b) Elocutio, est idoneorum uerborum & sententiarum ad inuentionem accommodatio. Memoria, est firma animi rerum & uerborum dispositionis perceptio. Pronunciatio, est uocis & uultus & gestus moderatio cum uenustate. Hæc omnia tribus modis assequi poterimus: arte, imitatione, exercitatione. Ars, est præceptio, quæ dat certam uiam, rationemq; dicendi. Imitatio est, quæ impellitur cum diligenti ratione, ut aliquorū similes in dicendo esse ualeamus. Exercitatio, est assiduus usus, cōsuetudoq; dicendi. Quoniam igitur demonstratum est, quas causas oratorem recipere oporteat, quasq; res habere conueniat: nunc, quemadmodum ad orationem possint officia oratoris accommodari, dicendum uidetur.

**I**nuentio in sex parteis orationis consumitur: Exordium, narrationem, diuisionem, confirmationem, confu-



consutationem, conclusionem. Exordium est principium orationis, per quod animus auditoris, aut iudicis constituitur, uel apparatur ad audiendum. Narratio est, rerum gestarum, aut perinde ut gestarum, expositio. Diuisio est, per quam aperimus quid conueniat, et quid in controuersia sit: & per quam exponimus, quibus de rebus simus dicturi. Confirmatio est, nostrorum argumentorum expositio, cum asseratione. Confutatio, est contrariorum locorum dissolutio. Conclusio, est artificiosus terminus orationis. Nunc, quoniam una cum oratoris officijs, quod res cognitu facilius esset, producti sumus, ut de orationis partibus loqueremur, & eas ad inuentionis rationem accommodaremus: de exordio primum dicendum uidetur. CAUSA posita, quo commodius exordiri possimus, genus causae est considerandum. Genera causarum sunt quatuor: Honestum, turpe, dubium, humile. Honestum causae genus putatur, cum aut id defendimus, quod ab omnibus defendendum uidetur: aut id oppugnamus, quod ab omnibus uidetur oppugnari debere: ut pro uiro forti contra parricidam. Turpe genus causae intelligitur, cum aut honestas res oppugnatur, aut defenditur turpis. Dubium genus est, cum habet in se causa & honestatis & turpitudinis partem. Humile genus est, cum contempta res affertur. Cum haec ita sint, conueniet exordiorum rationem ad omne genus causae accommodari. Exordiorum duo sunt genera: Principium, quod Graece ἀρχή appellatur: & Insinuatio, quae ἐπιβολή nominatur.

Principium est, cum statim auditoris animum nobis idoneum reddimus ad audiendum. Id ita sumitur, ut attentos, ut dociles, ut beneuolos auditores habere



possumus. Si genus causæ dubium habebimus, à beneuo-  
 lentia principium cōstituemus, ne quid illa turpitudinis  
 pars nobis obesse possit. Sin humile genus erit causæ, fa-  
 2. ciemus attentos (a) Sin turpe causæ genus, erit: insinua-  
 tione utemur, de qua posterius dicemus: nisi quid nacti  
 erimus, quare aduersarios criminando beneuolentiam  
 captare possumus. Sin honestum causæ genus erit, lice-  
 bit rectè uel uti, uel non uti principio. Si uti principio  
 uolumus, aut id oportebit ostendere, quare causa sit ho-  
 nestæ: aut breuiter quibus de rebus sumus dicturi, expo-  
 nere. Si principio uti nolemus, à lege, à scriptura, aut ab  
 aliquo firmissimo nostræ causæ adiumento principium  
 capere oportebit. Quoniam igitur docilem, beneuo-  
 lum, attentum habere auditorem uolumus, quo modo  
 quidq; eorum confici possit, aperiemus. Dociles audito-  
 res habere poterimus, si summam causæ breuiter expo-  
 nemus, & si attentos eos faciemus. nam docilis est is,  
 qui attentè uult audire. Attentos habebimus, si pollice-  
 bimur, nos de rebus magnis, nouis, inusitatis uerba factu-  
 ros: aut de ijs rebus quæ ad remp. pertineant, aut ad eos  
 ipsos qui audient, aut ad deorum immortalium religio-  
 nem, aut ad pietatem, nos esse dicturos. et si rogabimus,  
 ut attentè audiant: & si numero exponemus res, de qui-  
 bus dicturi sumus. Beneuolos auditores facere quatuor  
 modis possumus: à nostra, ab aduersariorum, ab audito-  
 rum persona, & à rebus ipsis. A nostra persona bene-  
 uolentiam contrahemus, si nostrum officium sine ar-  
 rogantia laudabimus, aut in remp. quales fuerimus, aut  
 in parentes, aut in amicos, aut in eos ipsos qui audiunt,  
 aliquid referemus: dummodo hæc omnia ad eam ipsam  
 rem, de qua agitur, sint accommodata. Item si nostra in-  
 commoda



commoda proferemus, inopiam, solitudinem, calamitatem: et si orabimus, ut nobis sint auxilio, et simul ostendamus, nos in alijs spem noluisse habere. Ab aduersariorum persona beneuolentia captabitur, si eos in odium, in inuidiam, in contemptionem adducemus. In odium rapiemus, si quid eorum spurcè, superbè, perfidiose, crudeliter, confidenter, malitiose, flagitiose factum proferemus. In inuidiam trahemus, si uim, si potentiam, factionem, diuitias, incontinentiam, nobilitatem, clientelas, hospitium, sodalitatem, affinitates aduersariorum proferemus, & his adiumentis magis quàm ueritati eos cōfidere aperiemus. In contemptionem adducemus, si inertiam, ignauiam, desidiam, luxuriam aduersariorum proferemus. Ab auditorum persona beneuolentia colligetur, si res eorum fortiter, sapienter, mansuetè, magnificè iudicatas proferemus: & si quæ de his existimatio, quæ iudicij expectatio sit, aperiemus. A rebus ipsis beneuolum efficiemus auditorem, si nostram causam laudando extollemus, aduersariorum per cōtemptionem deprimemus. Deinceps de Insinuatione aperiendum est. **TRI**A sunt tempora, quibus principio uti non possumus: quæ diligenter sunt considerata: (b) aut cum turpem causam habemus, hoc est, cum ipsa res animum auditoris à nobis alienat: aut cum animus auditoris persuasus esse uideatur ab ijs qui antè cōtradixerunt: aut cum desessus est eos audiendo, qui antè dixerunt. Si causa turpitudinem habebit, exordiri poterimus his rationibus: rem, non hominem: aut hominem, non rem spectari oportere: non placere nobis ipsis quæ facta dicantur ab aduersarijs, & esse indigna, aut nefaria. Deinde, cum diu rem auerimus, nihil simile à nobis factum esse ostendemus, aut



aliquorum iudicium de simili causa, aut de eadem, aut de minore, aut de maiore proferemus. Deinde ad nostram causam pedetentim accedemus, et similitudinem cōferamus. Item, si negabimus nos de aduersarijs, aut de aliqua re eorū dicturos: et tamen occultē dicemus, interiectione uerborū. Si persuasus auditor fuerit, id est, si oratio aduersariortū auditoribus fidem fecerit. (neq; enim nō facile scire poterimus, quoniam non sumus nescij quibus rebus fides fieri soleat.) Ergo si fidē factam putabimus, his rebus nos insinuabimus ad causam, si de eo quod aduersarij firmū sibi adiumentum putauerint, primū nos dicturos pollicebimur, aut ab aduersarij dicto exordiemur, et ab eo maximē quod ille nuperrimē dixerit: aut dubitatione utemur, quid potissimū dicamus, aut cui loco primū respōdeamus, cum admiratione. Si desesi erūt audiendo, ab aliqua re quæ risum mouere possit, exordiemur: ab apologo, à fabula uerisimili, imitatione, deprauatione, inuersione, ambiguo, suspitione, irrisione, stulticia, exuperatione, collatione, adiectione, abiectione, literarum mutatione, præterea expectatione, similitudine, nouitate, historia, uersus aut ab alicuius interpellatione, aut irrisione. Et si promiserimus aliter ac parati fuerimus, nos esse dicturos: nos non eodem modo, ut cæteri soleant, uerba facturos: quid alij soleant, quid nos facturi simus, breuiter exponemus. Inter insinuationem et principium hoc interest, quod principium huiusmodi debet esse, ut statim apertis rationibus, quibus præscripsimus, aut beneuolū, aut attentum, aut docilem faciamus auditorem. At insinuatio eiusmodi debet esse, ut occultē per dissimulationem eadem illa omnia conficiamus, ut ad eandem commoditatem in dicendi opere

uenire

Jena 4<sup>ta</sup>.Jena 5<sup>ta</sup>.Jeni 2<sup>da</sup>.



uenire possumus. Verum hæ tres utilitates, tametsi in tota oratione sunt comparandæ, hoc est, ut auditores sese perpetuò nobis attentos, dociles, beneuolos præbeant: tamen id per exordium causæ maximè comparandū est. Nūc, ne quādo uitioso exordio utamur, quæ uitia uitandā sint, docebo. In exordienda causā seruandū est, ut lenis sit sermo, ut usitata uerborum consuetudo, ut non apparatus oratio uideatur esse. Vitiosum exordium est, quod in plureis causis potest accommodari, (a) quod uulgare dicitur. Item uitiosum est, quo nihilo minus a lucrosius potest uti, quod cōmune appellatur. Itē illud, quo aduersarius poterit uti ex contrario. Item uitiosum est, quod nimis apparatus uerbis compositum est, aut nimis longū est, et quod nō ex ipsa causā natum uidetur, quod separatū uocatur: in quo etiā translātum cōcluditur, ut propriè cohæreat cū narratione: et quod neq; beneuolum, neq; docile, neq; attentum facit auditore. De exordio satis dictum est, deinceps ad narrationē transeamus.

**N**arrationum tria sunt genera. Vnum, quo exponimus rem gestā, et unumquodq; trahimus ad utilitatem nostrā uincendi causā: quod pertinet ad eas causas, de quibus iudicium futurum est.

Alterum genus est narrationis, quod intercurrit nōnunquam, aut fidei, aut criminationis, aut transitionis, aut alicuius apparationis, uel laudationis causā. Tertium genus est id, quod à causā ciuili remotum est, in quo tamen exerceri conuenit, quo commodius illas superiores narrationes in causis tractare possumus. Eius narrationis duo sunt genera: unum quod in negocijs, alterum quod in personis positū est. Id quod in negociorū expositione positum est, treis habet partes: fabulā, historiam,

*Seneca*



argumentū. Fabula est, quæ neq; ueras, neq; uerisimiles  
 continet res: ut eæ quæ tragœdijs traditæ sunt. Historia,  
 est gesta res, sed ab ætatis nostræ memoria remota. Argu-  
 mentum, est ficta res, quæ tamen fieri potuit; uelut argu-  
 menta comœdiarum. Illud genus narrationis quod in  
 personis positum est, debet habere sermonis festiuitatē,  
 animorum dissimilitudinem, grauitatē, lenitatem, spem;  
 metum, suspicionem, desiderium, dissimulationē, erro-  
 rem, misericordiam, rerum uarietates, fortunæ commu-  
 tationem, insperatum incommodum, subitam leticiam,  
 iucundū exitum rerum. uerum hoc in exercendo transi-  
 getur: illud quod ad ueritatē pertinet, quomodo tracta-  
 ri conueniat, aperiemus. Treis conuenit res habere nar-  
 rationem, ut breuis, ut dilucida, ut uerisimilis sit: quæ  
 quoniam fieri oportere scimus, quemadmodū faciamus  
 cognoscendum est. Rem breuiter narrare poterimus, si  
 inde incipiemus narrare, unde necesse erit: & si non ab  
 ultimo initio repetere uolemus: & si summatim, non  
 particulatim narrabimus: & si non ad extremum, sed  
 usq; eò, quò opus erit, prosequemur: & si transitionibus  
 nullis utemur: & si non deerrabimus ab eo quod expe-  
 rimus exponere: & si exitus rerū ita exponemus, ut an-  
 tē quoq; quæ facta sunt, sciri possint, tametsi nos reticue-  
 rimus. quod genus est, si dicam, me ex prouincia redisse,  
 profectum quoq; in prouinciam intelligatur: & omni-  
 no non modò id quod obest, sed etiā id quod neq; (b) ob-  
 est, neq; iuuat, satius est præterire: & ne bis aut sæpius  
 idem dicamus. Cauendū est etiā, ne id quod semel suprā  
 diximus, deinceps dicamus, hoc modo. Athenis Megarā  
 uestperi aduenit Simo: ubi aduenit Megarā, insidias fecit  
 uirgini: insidias postquā fecit, uim in loco attulit. Rem  
 dilucidē

*Sciri tu  
 Quomodo Narrat*

*Quomodo*



dilucidè narrabimus, si ut quicq; primum gestum erit, ita primum exponemus, & rerum ac temporū ordinem cōseruabimus, ut gestæ res erunt, aut ut potuisse geri uidebuntur. Hic erit considerandū, ne quid perturbatè, ne quid contortè, ne quid ambiguè, ne quid nouè dicamus: ne quam in aliam rem transeamus: ne ab ultimo repeta- mus: ne longè persequamur: ne quid, quod ad rem perti- neat, prætereamus. & si persequemur ea, quæ de breui- tate præcepta sunt. nam quo breuior, eo dilucidior & cognitu facilior narratio fiet.)

Verisimilis narratio erit, si ut mos, ut opinio, ut na- tura postulat, dicemus: si spacia temporum, personarum dignitates, consiliorum rationes, locorum opportuni- tates constabunt, ne refelli possit, aut temporis parum fuisse, aut causam nullam, aut locū idoneum non fuisse, aut homines ipsos facere aut pati non potuisse. Si uera res erit, nihilominus hæc omnia narrando conseruanda sunt. nam sepe ueritas, nisi hæc seruata sint, fidē non po- test facere. Sin erunt ficta, eo magis erunt conseruanda. De his rebus cautè cōsfligendū est, quibus in rebus tabu- læ, aut alicuius firma authoritas uidebitur interfuisse.

Adhuc quæ dicta sunt, arbitror mihi constare cum cæteris artis scriptoribus, nisi quia de insinuatione no- ua excogitauimus: quod eam soli præter cæteros in tria tempora diuisimus, ut planè certam uiam & perspi- cuam rationem exordiorū haberemus. Nunc, quod re- liquum est, quoniam de rerum inuentione disputandum est, in qua singulare consumitur oratoris officium: da- bimus operam, ut nihilo minus industriæ, quàm rei uti- litas postulabit, quæsisse uideamur, si prius pauca de causarum diuisione dixerimus.)



**C**AUSARVM diuisio in duas parteis distributa est. Primum, perorata narratione debemus aperire, quid nobis conueniat cum aduersarijs, si ea quæ nobis utilia erunt, conuenient, quid in controuersia relinquatur, hoc modo: Interfectam esse ab Oreste matrem, conuenit mihi cum aduersarijs: iure fecerit, & licuerit nefacere, id est in controuersia. Itē ē contrario: Agamemnonem esse à Clytemnestra occisum, confitentur: cū id ita sit, me ulcisci parentē negant oportuisse. Deinde, cum hoc fecerimus, distributione debemus uti. Ea diuiditur in duas parteis, enumerationem, & expositionem. Enumeratione utemur, cum dicemus numero, quot de (a) rebus dicturi sumus. eam plus quàm trium partium numero esse non oportet. nam & periculosum est, ne quando plus, minusue dicamus: & suspicionem afferet auditori meditationis & artificij, quæ res fidem abrogat orationi. Expositio est, cum res, quibus de rebus dicturi sumus, exponimus breuiter, & absolutē. Nunc ad confirmationem transeamus.

**T**ota spes uincendi, ratioq; persuadendi posita est in confirmatione & confutatione. Nam, cum adiumenta nostra exposuerimus, contrariāq; dissoluerimus, absolutē nimirum munus oratorium consecerimus. Vtrunque igitur facere poterimus, si constitutionem causæ cognouerimus. Causarum constitutiones alij quatuor fecerunt. noster doctor Hermes tres putauit esse, non ut de illorum quicquam detraheret inuentione: sed ut ostenderet, id quod oportuisset simpliciter & singulari modo docere, illos distribuisse dupliciter & bipartitō. Constitutio est prima deprecationis defensoris, cum accusatoris in simulatione coniuncta.

Constit



Constitutiones itaq; , ut diximus, tres sunt: Coniecturalis, Legitima, iudicialis. Coniecturalis est, cum de facto controuersia est, hoc modo: Atax in sylua, postquam rescuit, quæ fecisset per insaniam, gladio incubuit. Vlysses interuenit, occisum conspiciatur, è corpore cruentum telum educit. Teucer interuenit, cum fratrem occisum, & inimicum fratris cum gladio cruento uidet, capitis arcescit. Hic, quoniam coniectura uerum queritur, de facto erit controuersia, & ex eo constitutio causæ coniecturalis nominatur. Legitima constitutio est, cum in scripto, aut ex scriptis aliquid controuersie nascitur. Ea diuiditur in partes sex: scriptum & sententiam, contrarias leges, ambiguum, definitionem, translationem, ratiocinationem. Ex scripto & sententia nascitur controuersia, cum uidetur scriptoris uoluntas cū scripto ipso dissentire, hoc modo: Si lex sit, quæ iubeat eos qui propter tempestatem nauim reliquerint, omnia perdere, eorum nauim ceteraq; esse, si nauis conseruata sit, qui remanserint in naui, magnitudine tempestatis omnes perterriti, nauim reliquerunt, & in scapham conscenderunt, præter unum ægotum: is propter morbum exire & fugere non potuit, casu & fortuitu nauis in portum incolumis delata est, illam ægotus possidet, nauim petit ille cuius fuerat. Hæc constitutio legitima est, ex scripto & sententia. Ex contrarijs legibus controuersia constat, cum alia lex iubet aut permittit, alia uetat quidpiam fieri, hoc modo: Lex uetat, eum qui de pecunijs repetundis damnatus sit, in concione orationem habere. Altera lex iubet, augurem, in demortui locum qui petat, in concione nominare. Augur quidam damnatus de pecunijs repetundis, in demortui locum



locum qui petat, nominavit (b) petitur ab eo multa. Constitutio hæc est legitima, ex contrarijs legibus. Ex ambiguo controuersia nascitur, cum scriptum duas, aut plureis res significat, hoc modo. Paterfamiliās, cum filium hæredem faceret, testamento uasa argentea uxori legauit: Tullius hæres meus Terentie uxori meæ x x x. pondo uasorum argenteorum dato, quæ uolet. Post mortem eius, uasa preciosa & calata magnificè, illa petit. Tullius, se quæ uelit ipse x x x pōdo ei debere dicit. Constitutio est legitima, ex ambiguo. Ex definitione causa constat, cum in controuersia est, quo nomine factum appelletur: ea est huiusmodi. Cum Lucius Saturninus legē frumentariam de semisibus & trientibus laturus esset: Cepio, qui per id temporis quæstor urbanus erat, docuit Senatum, ærarium non posse pati largitionem tantam. Senatus decreuit, si eam legem ad populum ferat, aduersus Rempublicam uideri eum facere. Saturninus ferre cœpit. collegæ intercedere: ille nihilominus cistellā deferre. Cepio, ut illum contra senatusconsultum intercedentibus collegis aduersus Rempublicam uidit ferre, cum uiris bonis impetum facit, pontes disturbat, cistas deiecit: impedimento est, quo secius feratur lex. accersitur Cepio maiestatis. Constitutio est legitima, ex definitione. uocabulum enim definitur ipsum, cum queritur, quid sit minuire maiestatem. Ex translatione controuersia nascitur, cum aut tempus differendum, aut accusatorem mutandum, aut iudices mutandos reus dicit. Hac parte constitutionis Græci in iudicijs, nos in iure ciuili plerunq; utimur. In hac parte nos iuris ciuilis scientia iuuabit: in iudicijs tamen non nihil ea utimur, hoc modo. Si quis peculatus accusatur, quod uasa argentea publica



publica de loco priuato dicatur sustulisse: possit dicere, cum definitione sit usus, quid sit furtum, quid peculatus: secum furti agi, non peculatus oportere. Hæc par- titio legitimæ constitutionis his de causis raro uenit in iudiciū, quod in priuata actione prætorie exceptiones fiunt: et causa cadit is, qui non quemadmodum oportet, egerit: & in publicis questionibus cauetur legibus, ut antè, si reo commodum sit, iudicium de accusatore fiat, utrum illi liceat accusare, nec ne. Ex ratiocinatione con- trouersia constat, cum res sine propria lege uenit in iu- dicio, quæ tamen ab alijs legibus similitudinem quan- dam aucupatur. Ea est huiusmodi.

Lex est: Si furiosus existet, agnatorum gentiliumq; in eo, pecuniaq; eius, potestas esto. & Lex: Qui paren- tem necasse iudicatus erit, is obuolutus et obligatus co- rio, deiciatur in profluentē. & Lex: Paterfamiliās, uti super familia, pecuniaue sua legauerit, ita ius esto. & Lex: Si paterfamiliās intestato moritur, familia, (a) pecuniaq; eius agnatorum, gentiliumq; esto. Malleo- lus iudicatus est matrem necasse: ei damnato statim folli- culo lupino os obuolutum est, & soleæ lignæ pedibus inductæ sunt, & in carcerem ductus est. Qui defende- bant eum, tabulas in carcerem afferunt: testamentum ipso præsentē conscribunt: testes ritè affuerunt: de illo supplicium paulo post sumitur. ij qui heredes erant, te- stamento hereditatem adeunt. Frater minor Malleoli, qui eum oppugnauerat, in eius periculo, suam uocat hæ- reditatem lege agnationis. Hic certa lex in rem nulla affertur: & tamen multæ afferuntur, è quibus ratioci- natio nascitur, quare potuerit, aut non potuerit iure testamentum facere. Constitutio legitima est ex ratio- cinatione.



cunatione. Cuiusmodi partes essent legitimæ constitutionis, ostendimus: nunc de iuridiciali constitutione dicamus. IURIDICIALIS constitutio est, cum factum conuenit: sed iurè, an iniuria factū sit, queritur. Eius constitutionis partes sunt duæ, quarum una absoluta, altera assumptiua nominatur.

Absoluta est, cum id ipsum quod factum est, ut aliud nihil foris assumatur, rectè factum esse dicemus. ea est huiusmodi: Mimus quidam nominatim Accium poëtam compellauit in scenam: cum eo Accius iniuriarum agit. hic nihil aliud defendit, nisi licere nominare eum, cuius nomine scripta dentur agenda. Assumptiua pars est, cum per se defensio infirma est, sed assumpta extranea re comprobatur. Assumptiue partes sunt quatuor: Concessio, remotio criminis, translatio criminis, comparatio. Concessio est, cum reus postulat sibi ignosci. ea diuiditur in purgationem & deprecationem. Purgatio est, cum cōsultō se negat reus fecisse. Ea diuiditur in fortunam, imprudentiam, necessitatem. Fortunam, ut Cæpio ad tribunos pleb. de amissione exercitus. Imprudentiam, ut ille qui de eo seruo qui dominum occiderat, supplicium sumpsit, cui frater esset, antequam tabulas testamenti aperuerit: cum is seruus manumissus testamento esset. Necessitudinem, ut ille qui ad diem commeatus nō uenit, quod eum aquæ interclusissent.

Deprecatio est, cum & peccasse, & consilio fecisse constitetur, & tamen postulat ut sui misereantur. Hoc in iudicio non potest ferè usuuenire, nisi quando pro eo dicimus, cuius multa rectè facta esse constant. Hoc modo, in loco communi per amplificationem inijciemus: quod, si hoc fecisset, tamē ei pro pristinis beneficijs igno-

sci con-



sci conueniret: uerum nihil postulat ignosci. Ergo in iudicium non uenit: at in senatum, aut ante Imperatorem, & in consilium talis causa potest uenire. Ex translatione criminis causa constat, cum fecisse nos non negamus, sed aliorum peccatis coactos fecisse dicimus: ut Orestes, cum se defendit, in matrem (b) confert crimen. Ex remotione criminis causa constat, cum à nobis non crimen, sed culpam ipsam amouemus: & uel in hominem transferimus, uel in rem quampiam conferimus. In hominem transfertur: ut si accusetur is qui Publium Sulpitium se fatetur occidisse, & id iussu consulum defendat: & eos dicat non modò imperasse, sed rationem quoque ostendisse quare id facere liceret. In rem confertur, ut si quis ex testamento, quod facere iussus sit, ex plebiscito uetetur. Ex comparatione criminis causa constat, cum dicimus necesse fuisse alterutrum facere: & id quod fecerimus, satius fuisse facere. Ea causa huiusmodi est. Caius Pompilius, cum à Gallis obsideretur, neque effugere ullo modo posset, uenit cum hostium ducibus in colloctionem: ita discessit, ut impedimenta relinqueret, exercitum educeret: satius esse duxit amittere impedimenta, quam exercitum. exercitum eduxit, impedimenta reliquit, accersitur maiestatis.

Quæ constitutiones, & quæ constitutionum partes sint, satis uideor ostendisse. Nunc quomodo eas, & quauia tractari conueniat, demonstrandum est: si prius aperuerimus, quid oporteat ab ambobus in causa destinari, quò ratio omnis totius orationis conferatur. Constitutione igitur reperta, statim querenda est ratio. Ratio est, quæ causam facit, & continet defensionem, hoc modo, ut docendi causa in hac potissimum consistamus.

Orestes



Orestes, cum confiteatur se occidisse matrem, nisi attulerit facti rationē, peruertit defensionem: ergo assert eam, quæ nisi intercederet, ne causa quidem esset. illa enim, inquit, patrem meum occiderat. Ergo, ut ostendi, ratio ea est, quæ continet defensionem, sine qua nec parua quidem dubitatio potest remorari damnationem. Inuenta ratione, firmamentum querendum est: id est, quod accusationem continet, quod assertur contra rationē defensionis, de qua antè dictum est. Id constituetur hoc modo. Cum usus fuerit Orestes ratione, hoc pacto, iure occidi, illa enim patrem meum occiderat: utetur accusator firmamento, hoc modo. Sed nō abs re tamen occidi, neque indemnata pœnas pendere oportuit. Ex ratione defensionis, & ex firmamento accusationis, iudicii quæstio nascatur oportet: quam nos iudicationem, Græci *ἡ δίκη* appellant. Ea constituitur ex coniunctione firmamenti, & rationis defensione, hoc modo. Cum dicat Orestes, se patris ulciscendi causa matrem occidisse: rectum ne fuerit, à filio, sine iudicio, Clytemnestrā occidi. Ergo hac ratione iudicationem inueniri conuenit. Inuenta iudicatione, omnem rationem totius orationis eō conferri oportebit. In omnibus constitutionibus, et partibus constitutionum, hac uia iudicationes reperiuntur, præterquā in coniecturali constitutione. in ea enim nec ratio queritur, quare (a) fecerit, fecisse enim negatur: nec firmamentū exquiritur, quoniam non subest ratio, quare ex intentione & inficiatione iudicatio constituitur, hoc modo. Intentio, Occidisti Aiace. Inficiatio, Nō occidi. iudicatio, Occiderit ne. Ratio omnis utriusque orationis, ut antè dictum est, ad hanc iudicationem conferenda est. Si plures erunt constitutiones, aut partes constitutionum,



stitutionum, iudicationes quoq; plures erūt in una causa, sed omnes simili ratione reperientur. Sedulò dedimus operam, ut breuiter & dilucidè, quibus de rebus adhuc dicendū fuit, diceremus. Nūc quoniam satis huius uolūminis magnitudo creuit, cōmodius est in altero libro de cæteris rebus deinceps exponere: ne qua propter multitudinē literarum possit animū tuum defatigatio retardare, sed, si quidē hæc tardius, quā studes, absoluentur, cū rerū magnitudini, tum nostris quoq; occupationibus assignare debebis. Veruntamen maturabimus, & quod negotio diminutū fuerit, ex æquabimus industria: ut pro tuo officio, & nostro in te studio munus hoc ac cumulatissimè tuæ largiamur uoluntati.

## RHETORICORVM AD C. HERENNIVM

## Liber II.



N primo libro, Herenni, breuiter exposuimus, quas causas recipere oratorē oporteret, et in quibus officijs artis elaborare cōueniret, et ea officia qua ratione facillimè consequi posset. Verū, quod neq; de omnibus rebus simul dici poterat, et de maximis primū scribendū fuit, quo cætera tibi faciliora cognita uiderētur, ita nobis placitū est, ut ea quæ difficillima essent, potissimū scriberemus. Causarū tria genera sunt: Demonstratiuum, Deliberatiuum, iudiciale. multo difficillimum est iudiciale, ergo id primū absoluemus: hoc et priore libro egimus, cū de oratoris officijs tractabamus, quorum inuentio & prima, & difficillima est: ea quoq; nobis erit hoc in libro propemodū absoluta, et paruam partē eius in terciū uolumē transferemus. De sex partibus orationis primū scribere inceperimus. In primo libro

B

locuti



locuti sumus de exordio, narratione, diuisione: nec pluribus uerbis quam necesse fuit, nec minus dilucidè quam te uelle existimabamus. deinde coniunctè de confirmatione, & confutatione dicendum fuit. quare genera constitutionum, & earum parteis aperuimus: ex quo simul ostendebatur, quomodo constitutionem, & parteis constitutionis, causa posita, reperiri (b) oporteret. Deinde docuimus, iudicationem quemadmodum quaeri conueniret. qua inuenta, curandum, ut omnis ratio totius orationis ad eam conferatur. Postea admonuimus, esse causas quamplures, in quibus plures constitutiones, aut partes constitutionum accommodarentur. Reliquum uidebatur esse, ut ostenderemus, quæ ratio posset inuentionem ad unamquamque constitutionem, aut partem constitutionis accommodare. Et item, quales argumentationes, quas Græci ἐπιχειρήματα appellant, sequi, & quales uitari oporteret: quorum utrumque pertinet ad confirmationem & confutationem. Deinde ad extremum docebimus, cuiusmodi conclusionibus orationum uti oporteat: qui locus erat extremus de sex partibus orationis. Primum ergo quaeremus, quemadmodum quamque causam tractare conueniat. et nimirum coniecturalem, quæ prima & difficillima est, potissimum consideremus.

IN causa coniecturali, narratio accusatoris suspensiones interiectas & dispersas habere debet: ut nihil actum, nihil dictum, nusquam uentum aut abutum, nihil denique factum sine causa putetur. Defensoris narratio, simplicem & dilucidam expositionem debet habere, cum attenuation suspitionis. Huius constitutionis ratio in sex parteis est distributa: Probabile, collationem, si-  
gnum.



gnum, argumentum, consecutionem, approbationem. Horum unumquodq; quid ualeat, aperiemus. Probabile est, per quod probatur expeditur reo peccare, & à simili turpitudine hominem nunquam abfuisse. Id diuiditur in causam, & in uitam. Causa est, ea quæ induxit ad maleficium, commodorum spe, aut incommodorum euitatione. ut cum queritur, num quod commodum maleficio acquisierit, num honorem, num pecuniam, num dominationem: num aliquam cupiditatem amoris, aut huiusmodi libidinis uoluerit explere, aut num quod incommodum uitarit, inimicitias, insaniam, dolorem, supplicium. Hic accusator in spe commodi, cupiditatem ostendet aduersarij: in uitatione incommodi formidinem augebit. Defensor autem negabit fuisse causam, si poterit, aut eam uehementer extenuabit. Deinde iniquum esse dicet, omnes ad quos aliquid emolumenti ex aliqua re peruenerit, in suspicionem maleficij deuocari.

Deinde uita hominis ex antè factis spectabitur. In quo primùm considerabit accusator, num quando simile quid fecerit. Si id non reperiet, quæret, num quando uenerit in similem suspicionem: & in eo debet esse occupatus, ut ad eam causam peccati, quam paulo antè exposuerit, uita hominis possit accommodari, hoc modo: Si dicet pecunie causa fecisse, ostendet eum semper auarum fuisse: si honoris, ambitiosum. ita poterit animi uitium cum causa peccati conglutinare. Si non poterit (a) par uitium cum causa reperire, reperiat dispar. Si non poterit auarum demonstrare, demonstret corruptorem, uel perfidiosum, si quo modo poterit. deniq; aliquo, aut quâ plurimis uitijs contaminabit personam; deinde, qui fecerit illud tam nequiter, eundem hunc tam perperam fecisse



non esse mirandum. Si uehemēter castus & integer existimabitur aduersarius, dicet: facta, non famam spectari oportere: illum antē occultasse sua flagitia, se planum facturum, ab eo maleficiū non abesse. Defensor, primum demonstrabit uitam integram, si poterit: id si non poterit, confugiet ad imprudentiam, stulticiam, adoleſcentiam, uim, persuasione: quibus de rebus, uituperatio eorum, quæ extra id crimen erunt, non debeat assignari. Sin uehementer hominis turpitudine impeditur, & infamia: prius dabit operam, ut falsos rumores dissipatos esse dicat de innocente: & utetur loco communi, rumoribus credi non oportere. Sin nihil horum fieri poterit, utatur extrema defensione, & dicat non se de moribus eius apud censores, sed de criminibus aduersariorum apud iudices dicere. Collatio est, cum accusator id quod aduersarium fecisse criminatur, alij nemini nisi reo bonum fuisse demonstrat: aut alium neminē potuisse perficere nisi aduersarium. aut eum ipsum alijs rationibus aut non potuisse, aut non æquē commodē potuisse: aut eum effugisse alias rationes cōmodiores propter cupiditatem. Hoc loco defensor, ut demonstret oportet, aut alijs quoq; bono fuisse: aut alios quoque id quod ipse insimuletur facere potuisse. Signum est, per quod ostēditur idonea perficiendi facultas esse quaesita. id diuiditur in partes sex: Locum, tempus, spacium, occasionē, spem perficiendi, spem celandi. Locus queritur, celebris an desertus? semper, an tum cū id factum sit, fuerit in eo loco solitudo? sicer, an profanus? publicus, an priuatus fuerit? cuiusmodi loci attingant, num qui est passus, perspectus, & exaudiri esse possit. Horum ad reo, quid accusatori conueniat, perscribere non graua-



grauaremur, nisi facile quicquid causa posita posset iudicare. Initia enim inuentionis ab arte debent proficisci, cetera facile comparabit exercitatio.

Tempus ita queritur, qua parte anni, qua hora, nocte an interdiu, & qua diei, & qua noctis hora factum esse dicatur, et cuiusmodi temporibus. Spacium ita consideratur, satis ne longum fuerit ad eam rem transigendam: & potuerit ne scire, satis ad id perficiendum spacij futurum. Nam parui refert satis spacij fuisse ad id perficiendum, si id ante sciri, & ratione prouideri non potuit. Occasio queritur, idonea ne satis fuerit ad rem adoriendam: an alia melior, quae aut praeterita sit, aut non expectata. Spes perficiendi quae fuerit, spectabitur hoc modo: (b) Si quae supra dicta sunt signa, concurrent, praeterea ex altera parte uires, pecunia, consilium, scientia, apparatus: ex altera parte imbecillitas, inopia, stulticia, imprudentia, inapparatio demonstrabitur fuisse. Quare scire potuerit, utrum diffidendum an confidentum fuerit. Spes celandi quae fuerit, queritur ex conscijs, arbitris, adiutoribus, liberis aut seruis, aut utrisque. Argumentum est, per quod res coarguitur certioribus argumentis, & magis firma suspitione. id diuiditur in tempora tria: praeteritum, instans, consequens. In praeterito tempore oportet considerare, ubi fuerit, ubi uisus sit, quo cum uisus sit, num quid apparuit, num quem conuenerit, num quid dixerit, num quem habuerit de conscijs, de adiutoribus, de adiumentis: num quo in loco praeter consuetudinem fuerit, aut alieno tempore. In instanti tempore queritur, num uisus sit, cum faciebat: num qui strepitus, clamor, crepitus exauditus sit, aut denique, num quid aliquo sensu perceptum



fit, aspectu, auditu, tactu, odoratu, gustatu. nam quibus horum sensus potest conflare suspicionem. In cōsequenti tempore spectabitur, num quid re transacta relictum sit, quod indicet aut factum esse maleficium, aut à quo factum sit. Factum esse, hoc modo: Si tumore, aut liuore decoloratum est corpus mortui, significat eum ueneno necatum. A quo factum sit, hoc modo: Si telum, si uestimentum, si quid eiusmodi relictum sit, aut si uestigium rei fuerit, aut si cruor in uestimentis, si in eo loco comprehensus aut uisus sit transacto negotio, quo in loca res gesta dicitur. Consecutio est, cum quæritur, quæ signa nocentis & innocentis consequi soleant.

*signa* Accusator dicit, si poterit, aduersarium, cum ad eum uentum sit, erubuisse, expalluisse, titubasse, inconstanter locutum esse, concidisse, pollicitum esse aliquid: quæ signa conscientie sunt. Si reus horum nihil fecerit, accusator dicit, eum usque adeo præmeditatum fuisse, quid sibi esset usuuenturum, ut confidentissimè resistens responderet: quæ signa confidentie, non innocentie sunt. Defensor, si pertimuerit, magnitudine periculi, non conscientia peccati commotum esse dicit: si non pertimuerit, fretum innocentia negabit esse commotum. Approbatio est, quæ utimur ad extremum confirmata suspitione. ea habet locos proprios, atque communes. Proprii sunt ij, quibus nisi accusator nemo potest uti: & ij, quibus nisi defensor. Communes sunt, qui alia in causa ab reo, alia ab accusatore tractantur. In causa coniecturali proprius locus accusatoris est, cum dicit malorum miseri non oportere, & cum auget peccati atrocitatem. Defensoris proprius locus est, cum misericordiam capit, & cum accusatorem calumniari criminatur.



Communes loci sunt, cum (a) accusatoris, tum defen-  
 soris, à testibus, contra testes: à quaestionibus, cōtra que-  
 stiones: ab argumentis, contra argumenta: à rumoribus,  
 contra rumores. A testibus dicemus, secundum authori-  
 tatem & uitam testium, & constantiam testimoniorum.  
 Contra testes, uitæ turpitudine, testimoniorū inconstan-  
 tiam: si aut non fieri potuisse dicemus, aut non factum  
 esse quod dicant, aut scire illos non potuisse, aut cupide  
 dicere, & argumentari. hæc et ad improbationē, & ap-  
 probationem testium pertinebunt. A quaestionibus dice-  
 mus, cū demonstrabimus, maiores ueri inueniendi causa  
 tormentis & cruciatibus uoluisse quari, & summo do-  
 lore homines cogi, ut quicquid sciant, dicant. Et præte-  
 rea confirmatio hæc erit disputatio, si quæ dicta erunt  
 argumentando, iisdem uis quibus omnis coniectura tra-  
 ctatur, trabemus ad uerisimilem suspicionem: idemquæ  
 hoc in testimonijs facere oportebit. Contra quaestiones  
 hoc modo dicemus: primum, maiores uoluisse certis in  
 rebus interponi quaestiones: cū, quæ uerè dicerentur, ser-  
 uari, quæ falso in quaestione pronunciarētur, refelli pos-  
 sent, hoc modo: Quo in loco quid positum sit, & si quid  
 esset simile, quod uideri, aut aliquo simili signo percipi  
 posset. deinde, dolori credi nō oportere, quod alius alio  
 recentior sit in dolore, quod ingeniosior ad communi-  
 scendum, quod denique sæpè scire aut suspicari possit,  
 quid quaestor uelit audire: quod cū dixerit, intelligat  
 sibi finem doloris futurum. Hæc disputatio comprobabi-  
 tur, si refellemus quæ in quaestionibus erunt dicta proba-  
 bili argumentatione. idq; partibus coniecturæ, quas an-  
 tē exposuimus, facere oportebit. Ab argumentis, & si-  
 gnis, et cæteris locis, quibus augetur suspicio, dicere hoc



modo conuenit, cum multa concurrant argumenta, & signa quæ inter se consentiant, rem perspicuam non suspiciosam uideri oportere: item plus oportere signis & argumentis credi, quàm testibus. hæc enim eo modo exponi, quo modo reuera sunt gesta: testes corrumpi posse uel precio, uel gratia, uel metu, uel similitate. Contra argumenta, ad signa et ceteras suspensiones dicemus hoc modo: Si demonstrabimus nullam rem esse, quam nō suspensionibus quibus possit criminari: deinde unamquamque suspensionem extenuabimus, & dabimus operam ut ostendamus, nihilo magis in nos eam, quā in aliū quempiam conuenire: indignum facinus esse sine testibus, coniecturam & suspensionem firmamenti satis habere.)

A rumoribus dicemus: si negabimus temerè famam nasci solere quin subsit aliquid: & si dicemus causam nō fuisse, quare quispiam confingeret, & comminisceretur. Et præterea si ceteri falsi soleant esse, argumentabimur hunc esse uerum. Contra rumores dicemus primum, si docebimus (b) multos esse falsos rumores: & exemplis utemur, de quibus falsa fama fuerit: & aut inimicos nostros, aut homines naturā maleuolos & maledicos confinxisse dicemus: & aliquam aut fictam fabulam in aduersarios afferemus, quam dicamus omnibus in ore esse: aut uerum rumorem proferemus, qui illis aliquid turpitudinis afferat: neque tamen ei rumori nos fidem habere dicemus, idcirco quòd quicuius homo possit quemuis turpem de quolibet rumorem proferre, & confictam fabulam dissipare. Veruntamen, si rumor uehementer probabilis esse uidebitur, argumentando famæ fidem poterimus abrogare. Quòd & difficillima tractatu est constitutio coniecturalis, & in ueris causis sepius tractanda est, eo dili-



eo diligentius omneis eius partes perscrutati sumus: ut ne paruula quidem titubatione, aut offensione impedi-  
remur, si ad hanc rationem præceptionis, assiduitatem  
exercitationis accommodaremus. Nunc ad legitimæ con-  
stitutionis parteis transeamus.

Cum uoluntas scriptoris cum scripto dissidere uide-  
bitur, si à scripto dicemus, his locis utemur secundū nar-  
rationem. Primum scriptoris collaudatione: deinde scri-  
pti recitatione: deinde percuntatione: scirent ne aduer-  
sarij id scriptum fuisse in lege, aut in testamento, aut in  
stipulatione, aut in quolibet scripto, quod ad eam rem  
pertineat? Deinde collatione quid scriptum sit, quid ad-  
uersarij se fecisse dicant, quid iudicem sequi conueniat: )  
utrum id quod diligenter perscriptū sit, an id quod acutē  
sit excogitatum? deinde ea sententia quæ ab aduersarijs  
sit excogitata, & scripto attributa, contemnetur, et in-  
firmabitur. Deinde quæretur quid ei obsuerit, si id uo-  
luisse scribere, ut non potuerit perscribere. Deinde à  
nobis sententia reperietur, & causa proferetur, quare  
id scriptor senserit, quod perscripsit: & demonstrabi-  
tur scriptum esse illud dilucidè, breuiter, commodè, per-  
fectè, certa cū ratione. Deinde exempla proferentur, quæ  
res, cum ab aduersarijs sententia redderetur, & uolun-  
tas afferretur, à scripto potius iudicatur sint. Deinde o-  
stendetur, quàm periculosum sit à scripto recedere.

Locus communis, est contra eum, qui, cum fateatur  
se contra id quod legibus sancitum est, aut testamento  
perscriptum sit fecisse: tamen facti quærat defensionem.  
A sententia sic dicemus. Primum laudabimus scriptoris  
commoditatem, atq; breuitatem, quod tantum scripse-  
rit quod necesse fuerit: illud, quod sine scripto intelligi



potuerit, non necessario scribendum putarit. Deinde dicemus, calumniatoris esse officium, uerba & literas sequi, negligere uoluntatē. Deinde, id quod scriptum sit, aut non posse fieri, aut non lege, non more, non natura, non bono & equo posse fieri: quæ omnia uoluisse scriptorem quàm rectissimè fieri, (a) nemo dubitet. At ea quæ à nobis facta sint, iustissimè facta. deinde contrariā sententiam aut nullā esse, aut stultam, aut iniustam, aut non posse fieri, aut nō constare cum superioribus & inferioribus sententijs, aut cum iure communi, aut cum alijs legibus communibus, aut cum rebus iudicatis dissentire. Deinde exemplorū à uoluntate & contra scriptum iudicatorum enumeratione utemur. Deinde legum, & stipulationū breuiter exceptarū, in quibus intelligatur scriptorū uoluntas et expositio. Locus communis contra eum qui scriptum recitet, & uoluntatem scriptoris non interpretetur. Cum duæ leges inter se discrepant, uindendum est primum, num quæ abrogatio aut derogatio sit: deinde, utrum leges ita dissentiant, ut altera inbeat, altera uetetur: an ita ut altera cogat, altera permittat. Infirma enim erit eius defensio, qui negabit se fecisse quod cogeretur, cum altera lex permetteret. plus enim ualet sanctio permissione. Item illa defensio tenuis est, cū ostenditur id factum esse, quod ea lex sanciat, cui legi abrogatū uel derogatū sit: id quod posteriori lege sancitum sit, esse neglectū. Cū hæc erunt considerata, statim nostræ legis expositione, recitatione, collaudatione utemur: deinde contrariæ legis enodabimus uoluntatem, & eam trahemus ad nostræ causæ commodū: deinde de iuridiciali absoluta sumemus rationē iuris, & queremus partem iuris, utrum cum ea faciat, de qua parte posterius disseremus.



seremus. Si ambiguum esse scriptum putabitur, quod in duas aut plureis sententias trahi possit, hoc modo tractandum est. Primum, sit ne ambiguum, querendum est: deinde, quo modo scriptum esset, si id quod aduersarij interpretantur, scriptor fieri uoluisset, ostendendum est: deinde id, quod nos interpretemur & fieri posse, & habere, recte, lege, more, natura, bono & a quo fieri posse, quod aduersarij interpretantur e contrario: nec esse ambiguum scriptum, cum intelligatur utra sententia uera sit. Sunt qui arbitrantur ad hanc causam tractandam uehementer pertinere cognitionem amphibologiarum, ea quae a dialecticis profertur. Nos uero arbitramur, non modo nullo adiumento esse, sed potius maximo impedimento: omnes enim illi amphibologias aucupantur, eas etiam quae ex altera parte sententiam nullam possunt interpretari. Itaque & alieni sermonis molesti interpellatores, & scripti tamen odiosi tum obsecuri interpretes sunt: et dum caute, expeditaeque loqui uolunt, infantissimi reperiuntur. Ita dum metuunt, in dicendo ne quid ambiguum dicant, nomen suum pronunciare non possunt. Verum horum pueriles opiniones, rectissimis rationibus, cum uoles, refellemus. In praesentia haec interferere non alienum fuit, ut huius infantiae garrula disciplinam contemneremus. Cum definitione (b) utemur, primum afferemus breuem uocabuli definitionem, hoc modo. Maiestatem is minuit, qui ea tollit, ex quibus rebus ciuitatis amplitudo constat, quae sunt ea quae capiunt suffragia populi, & magistratus consilia. Nempe igitur tu & populum suffragio, & magistratum consilio priuasti, cum pontes disturbasti. Item ex contrario: Maiestatem is minuit, qui amplitudinem ciuitatis detrimento afficit: Ego non affeci, sed prohibui detrimento.



mento, erarium enim conseruaui, libidini malorum resisti, maiestatem omnem interire non passus sum. Primit̃ igitur uocabuli sententia breuiter, & ad utilitatem accommodatam causæ describetur. Deinde factum nostrum cum uerbi descriptione coniungetur: deinde contrariæ descriptionis ratio refelletur, si aut falsa erit, aut inutilis, aut turpis, aut iniuriosa. Id quoque ex iuris partibus sumetur de iuridicali absoluta, de qua iam loquimur. Queritur in translationibus, primum, num aliquis eius rei actionem, petitionem, aut executionem habeat, quem non oporteat. Num alio modo, alio tempore, alio loco, num alia lege, num alio querente, aut agente: hæc legibus & moribus, æquo & bono reperientur, de quibus dicetur in iuridicali absoluta. In causa rationali primum queretur, Ecquid in rebus maioribus, aut minoribus, aut similibus, similiter scriptum aut iudicatum sit. deinde, utrum ea res similis sit ei rei de qua agitur, an dissimilis. deinde, utrum consulto de ea re scriptum non sit, quod noluerit cauere: an quod satis cautum putarit propter cæterorum scriptorum similitudinem. De partibus legitimæ constitutionis satis dictum est, nunc ad iuridicalem reuertamur. ABSOLUTA iuridicali constitutione utemur, cum ipsam rem, quam nos fecisse confitemur, iurè factam dicemus, sine ulla assumptione extrariæ defensionis. in ea conuenit queri, iure ne factum sit. de eo causa posita dicere poterimus, si ex quibus partibus ius constet cognouerimus. Constat igitur ius ex his partibus: Natura, lege, consuetudine, iudicatio, æquo & bono, pacto. Natura ius est, quod cognitionis, aut pietatis causa obseruatur: quo iure parentes à liberis, & à parentibus liberi coluntur. Lege ius est id, quod



id, quod populi iussu sancitum est: quod genus, ut in ius eas, cum uoceris. Consuetudine ius est id, quod sine lege æquè ac si legitimum sit, usitatum est: quod genus id, quod argentario obtuleris expensum, à socio eius rectè repetere possis. Iudicatum est id, de quo sententia lata est, aut decretum interpositum. ea sepe diuersa sunt, ut aliud alij iudici, aut prætori, aut cōsuli, aut tribuno plebis placitum sit: & fit, ut de eadem re sepe alius aliud decreuerit, aut iudicauerit: quod genus M. Drusus prætor urbanus, quod cum hærede mandati ageretur, iudicium reddidit: Sextus Iulius non reddidit. (a) item Cælius Calius iudex absoluit iniuriarum eum, qui Luciliū poëtā in scena nominatim laferat: Publius Mutius eum, qui L. Accium poëtā nominauerat, condemnauit. Ergo, quia possunt res simili de causa dissimiliter iudicatæ proferri, cum id usuuenerit: iudicem cum iudice, tempus cum tempore, numerum cum numero iudiciorum proferemus. Ex æquo & bono ius constat, quod ad ueritatem & utilitatem communem uidetur pertinere: quod genus, ut maior annis LX. & cui morbus causa est, cognitorem det. Ex eo nouum ius constitui conuenit ex tempore, & hominis dignitate. Ex pacto ius est, si quid inter se pepigerunt, si quid inter quos conuenit. Pacta sunt, quæ legibus obseruanda sunt, hoc modo: Rem ubi pagunt, oratione pagunt, in comitio aut in foro ante meridiem causam conijcito. Sunt item pacta, quæ sine legibus obseruātur ex conuentu, quæ iuri præstare dicuntur. His igitur partibus iniuriam demonstrari, ius confirmari conuenit, idq; in absoluta iuridicali faciendum uidetur. CVM ex comparatione quaeretur, utrum satius fuerit agere id quod reus dicat se fecisse, aut id



aut id quod accusator dicat oportuisse fieri: primū quā-  
 ri conuenit, utrum fuerit utilius ex cōtentione, hoc est,  
 utrum uenustius, facilius, conducibilius: deinde oportet  
 bit quāri, ipsum ne oportuerit iudicare, utrum fuerit u-  
 tilius, an aliorū fuerit statuendi potestas. deinde interpo-  
 netur ab accusatore suspicio ex coniecturali constitutio-  
 ne, quare putetur non ea ratione factum esse, quo me-  
 lius deteriori anteponeretur: sed dolo malo negotium  
 gestum. deinde quaeretur, potuerit ne uitari, ne in eum  
 locū ueniretur. Ab defensore contrā refelletur argumen-  
 tatio coniecturalis aliqua probabili causa, de qua antē  
 dictum est. His locis ita tractatis, accusator utetur loco  
 communi in eum qui inutile utili preposuerit, cum sta-  
 tuendi non habuerit potestatem. Defensor, contra eos  
 qui æquum censeant, rem perniciosam utili præponi, u-  
 tetur loco communi per conquestionem: & simul qua-  
 ret ab accusatoribus, & ab iudicibus ipsis, quid facturi  
 essent, si in eo loco fuissent: & tempus, locum, rem, deli-  
 berationem suam ponet ante oculos.

Translatio criminis est, cum ab reo facti causa in a-  
 liorum peccatum transfertur: in qua primū querē-  
 dum est, iurēne in alium crimen transferatur. deinde  
 spectandum est, an æquē magnū sit illud peccatū, quod  
 in alium transferatur, atq; illud quod reus suscepisse fa-  
 teatur. deinde, oportuerit ne in ea re peccare, in qua  
 alius antē peccarit, deinde, oportuerit ne iudicium antē  
 fieri. deinde, cum factum iudicium non sit de illo crimi-  
 ne, quod in alium transferatur, oporteat ne de ea re iudi-  
 cium fieri, quæ res in iudicium non uenerit. Locus com-  
 munis (b) accusatoris, contra eum qui plus censeat uim  
 quam iudicia ualere oportere: & ab aduersarijs per-  
 cunctis



condemnetur accusator, quid futurū sit, si idem ceteri faciant: ut de indemnatis supplicium sumant, quod eos idem fecisse dicat. quid si ipse accusator idem facere uoluisset? Defensor eorū peccati atrocitatem proferet, in quos crimen transferetur, rem, locū, tempus ante oculos ponet: ut ij qui audient, existiment aut nō potuisse, aut nō fuisse utile rem in iudicium uenire. Concessio est, per quam nobis ignosci postulamus. ea diuiditur in purgationem & deprecationē. Purgatio est, cum consulto à nobis factum negamus. ea diuiditur in necessitudinē, fortunam, imprudentiā. De his primū partibus ostendendū est: deinde ad deprecationem reuertendū uidetur. Primū considerandum est, utrū per culpā uentū sit in necessitudinē: num culpā ueniēdi necessitudo fecerit, deinde querendū est, ex quo modo uis illa uitari potuerit, ac leuari. deinde is qui in necessitudinē causam conferet, expertus ne sit, quid contrā facere, aut excogitare posset. deinde, num quæ suspiciones ex cōiecturali constitutione trahi possint, quæ significant id consulto factū esse, quod necessario accidisse dicitur. deinde, si maximē necessitudo quæpiā fuerit, conueniat ne eam satis idoneā putari. Si autē imprudentia reus se peccasse dicet, primū queretur, utrū potuerit scire, an nō potuerit. deinde, utrū data sit opera ut sciretur, an nō. deinde, utrū casu nescierit, an culpa. nam qui se propter uinū, aut amorē, aut iracundiam fuisse rationem dicet, is animi uitio uidebitur nescisse, non imprudentia. quare non imprudentia se defendet, sed culpa contaminabitur. deinde, coniecturali constitutione queretur, utrum scierit, an ignorauerit: & considerabitur, satis ne in prudentia præsidiij debeat esse, cum factum esse constet. Cum in fortunam causa conferetur,

&amp; ea



& ea re defensor ignosci dicet reo oportere: eadē omnia  
 uidentur consideranda, quæ de necessitudine præscri-  
 pta sunt. etenim hæ tres partes purgationis inter se fi-  
 nitimæ sunt, ut in omnes eadem ferè possint accommo-  
 dari. Loci communes in his causis, Accusatoris, contra  
 eum qui cum se peccasse confiteatur, tamen oratione iu-  
 dices moretur. Defensoris, de humanitate, misericor-  
 dia, uoluntatem in omnibus rebus spectari conuenire:  
 & quæ consultò facta non sint, in ijs fraudem esse non  
 oportere. Deprecatione utemur, cum fatebimur nos  
 peccasse, neq; id imprudenter, aut fortuito, aut necessa-  
 riò fecisse dicemus: & tamē ignosci nobis postulabimus.  
 Hic ignoscendi ratio queritur ex ijs locis, si plura aut  
 maiora officia, quàm maleficia uidebuntur, constare si  
 qua uirtus, aut nobilitas erit in eo qui supplicabit: si  
 qua spes erit, usui futurum, si sine supplicio discesserit: si  
 ipse ille supplex, mansuetus, & misericors in potestati-  
 bus ostendetur (a) fuisse: si ea quæ peccauit, non odio,  
 nō crudelitate, sed officio, & recto studio cōmotus fecit:  
 si tali de causa, alijs quoq; ignotū est: si nihil ab eo peri-  
 culi nobis futurum uidebitur, si eū missum fecerimus: si  
 nulla aut à nostris ciuibus, aut ab aliqua ciuitate uitupe-  
 ratio ex ea re suscipietur. Loci communes, de humanita-  
 te, fortuna, misericordia, rerum commutatione. His locis  
 omnibus ex cōtrario utetur is, qui cōtradicet, cū amplifi-  
 catione et enumeratione omnium peccatorum. Hæc cau-  
 sa iudicialis fieri non potest, ut in primo libro ostendi-  
 mus: sed quòd potest uel ad senatū, uel ad concilium ue-  
 nire, non uisa est supersedenda. Cum à nobis crimen re-  
 mouere uolemus, aut in rem, aut in hominem nostri pec-  
 cati causam conferemus. Si causa in hominem confere-  
 tur, quæ



tur, querendum erit primum, potueritne tantum, quantum reus demonstrabit, is in quem causa conferetur: & ecquonam modo aut honeste, aut sine periculo potuerit obsisti. Si maxime ita sit, num eare concedi reo conueniat, quod alieno inductu fecerit. deinde in coniecturalem trahetur controuersiam, & queretur, num consulto factum sit. Si causa in rem quandam conferetur, et hac eadem ferè, et omnia quæ de necessitudine præcepimus, considerata erunt.) QVONIAM satis ostendisse uidemur, quibus argumentationibus in unoquoque genere cause iudicialis uti conueniret: consequi uidetur, ut doceamus, quemadmodum ipsas argumentationes ornate & absolute tractare possimus, nam ferè non difficile est inuenire, quid sit cause adiumento: difficilimum uerò est, inuentum expolire, & expedite pronunciare. hæc enim res facit, ut neque diutius quam satis sit, in eisdem locis commoremur: neque eodem identidem reuoluamur: neque inchoatam argumentationem relinquamus: neque incommode ad aliam deinceps transeamus. Itaque hæc ratione & ipsi meminisse poterimus, quid quoquo loco dixerimus, & auditor cum totius cause, tum uniuscuiusque argumentationis distributionem percipere & meminisse poterit. Ergo absolutissima & perfectissima argumentatio est ea, quæ in quinque partibus est distributa: Propositionem, rationem, rationis confirmationem, exornationem, complexionem. Propositio est, per quam ostendimus summatim quid sit, quod probare uolumus. Ratio est causa, quæ demonstrat id uerum esse, quod intendimus, breui subiectione. Rationis confirmatio est ea, quæ pluribus argumentis corroborat breuiter expositam rationem. Exornatio est, qua utimur rei honestan-



de, & collocupletandæ causæ, confirmata argumentatione. Complexio est, quæ concludit, breuiter colligens parteis argumentationis. Hiscæ igitur quinque partibus ut absolutissimè utamur, hoc modo tractabimus (b) argumentationem. Causam ostendemus Vlysi fuisse, quare interfecerit Aiace[m], inimicum enim acerrimum de medio tollere uolebat, à quo sibi non iniuria summum periculum metuebat, uidebat, illo incolumi, se incolumem non futurum sperabat, illius morte se salutem sibi comparare consueuerat, si iure non poterat, quauis iniuria inimico exitium machinari. cui rei mors indigna Palamedis testimonium dat. ergo & metus periculi hortabatur eum interimere, à quo supplicium uerebatur: & consuetudo peccandi, maleficij suscipiendi remouebat dubitationem. Omnes enim cum minima peccata cum causa suscipiunt: tum uerò illa, quæ multo maxima sunt maleficia, aliquo certo emolumento inducti suscipere conantur. Si multos induxit in peccatum pecuniæ spes, si complures scelere se contaminauerunt imperij cupiditate, si multi leue compendium fraude maxima conmutauerunt, cui mirum uidebitur, istum à maleficio propter accerrimam formidinem non temperasse? Virum fortissimum, integerrimum, inimicitarum persequentissimum, iniuria lacepsitum, ira excitatum, homo timidus, nocens, conscius sui peccati, insidiosus, inimicum incolumem esse noluit. cui tandem hoc mirum uidebitur? Nam, cum feræ bestias uideamus alacres & erectas uadere, ut alteri bestie noceant: non est incredibile putandū, istius quoque animi ferum, crudelē atque inhumanum cupidē ad inimici perniciem profectum: præsertim cum in bestiis nullam neque bonam neque malam rationem uideamus, in isto



isto plurimas & pessimas rationes semper fuisse intelli-  
 ganus. Si ergo pollicitus sum, me daturum causam, qua  
 inductus Vlysses accesserit ad maleficium: & si inimici-  
 tiarum acerrimam rationem, & periculi metum inter-  
 cessisse demonstraui: non est dubium, quin confiteatur  
 causam maleficij fuisse. Ergo absolutissima est argumen-  
 tatio, ea quæ ex quinque partibus constat: sed ea non sem-  
 per necesse est ui. Tum enim complexione super seden-  
 dum est, si res brevis est, ut facile memoria comprehen-  
 datur: tum exornatio prætermittenda est, si parum loci  
 ples ad amplificandum & exornandum res uidetur es-  
 se. Sin & brevis erit argumentatio, et res tenuis, aut hu-  
 milis, tum exornatione & complexione super sedendum  
 est. In omni argumentatione de duabus partibus postre-  
 mis, hæc quam exposui, ratio est habenda. Ergo amplif-  
 sima est argumentatio quinque partita: breuissima est tri-  
 partita: mediocris, sublata aut exornatione aut comple-  
 xione, quadripartita. GENERA duo sunt uitiosarum  
 argumentationum: unum, quod ab aduersario re-  
 prehendi potest, idque pertinet ad causam: alterum, quod  
 tametsi nugatorium est, tamen non indiget reprehensio-  
 ne. Quæ sint quæ reprehensione cōsūtari conueniat, (a) 12  
 quæ tacite cōtemni atque uitari sine reprehensione, si ex-  
 pla subiecero, intelligere dilucidè poteris. Hæc cognitio  
 uitiosarū argumentationū duplicem utilitatē affert. nam  
 & uitare in argumentatione uitium admonebit, & ab  
 alijs nō uitatum commodè reprehendere docebit. Quo-  
 niam igitur ostendimus perfectam & plenam argumen-  
 tationem ex quinque partibus constare, in unaquaque par-  
 te argumentationis quæ uitia euitanda sunt, considere-  
 mus: ut & ipsi ab his uitijs recedere, & aduersariorum



argumentationes hac præceptione in omnibus partibus tentare, & ab aliqua parte labefactare possumus.

Expositio uitiosa est, cum ab aliqua, aut à maiore parte ad omnes confertur id, quod non necessario est omnibus attributū. ut si quis hoc modo exponat: Omnes qui in paupertate sunt, malunt maleficio parare diuitias, quàm officio paupertatem tueri. Si quis hoc modo exposuerit argumentationē, ut non curet querere, qualis ratio, aut rationis confirmatio sit: ipsam facile reprehendemus expositionem, cum ostendamus, id quod in aliquo paupere improbo sit, in omnes pauperes falso & iniuria conferri. Item uitiosa expositio est, cum id quod raro fit, fieri omnino negatur, hoc modo. Nemo potest uno aspectu, neque præteriens in amorem incidere: nam cum non nemo deuenerit in amorē uno aspectu, & cum ille neminem dixerit, omnino nihil differt raro id fieri, dummodo aliquando fieri, aut posse fieri intelligatur. Item uitiosa expositio est, cum omneis res ostendimus nos collegisse, et aliquam rem idoneam præterimus, hoc modo. Quoniam igitur hominem occisum constat esse, necesse est aut à prædonibus, aut ab inimicis occisum esse, aut abs te, quem ille heredem testamento ex parte faciebat. prædones illo loco nunquam sunt uisi: inimicum nullum habebat: relinquitur, si neq; à prædonibus, neq; ab inimicis occisus est, quod alteri non erant, alteros non habebat, ut abs te sit interemptus. Nam in huiusmodi expositione, reprehensione utemur, si quos, præter eos quos ille dixerit, potuisse suscipere maleficiū ostendimus: uelut in hoc exēplo, cum dixerit necesse esse, aut à prædonibus, aut ab inimicis, aut à nobis occisum esse: dicemus potuisse uel à familia, uel à cohæredibus nostris.

Cum



Cum hoc modo illorum collectionem disturbauerimus, nobis latiorē locum defendendi relinquemus. Ergo hoc quoq; uitandum est in expositione, ne quando, cum omnia collegisse uideamur, aliquam idoneam partem reliquerimus. Item uitiosa expositio est, quæ constat ex falsa enumeratione: ut si, cum plura sunt, pauciora dicamus, hoc modo. Dux res sunt, iudices, quæ omnes ad maleficiū impellunt, luxuries & auaricia. Quid amor, inquit quispiā, quid ambitio, quid (b) religio, quid metus mortis, quid imperij cupiditas, quid deniq; alia per multa? Item falsa enumeratio est, cum pauciora sunt, & plura dicimus, hoc modo.

Tres res sunt, quæ omneis homines sollicitant: metus, cupiditas, ægritudo. Satis fuerat dixisse metum & cupiditatem: quoniam ægritudinem cum utraq; re coniunctam esse necesse est. Item uitiosa expositio est, quæ nimium longè repetitur, hoc modo. Omnium malorum stulticia est mater, quæ parit immensas cupiditates: immensæ porro cupiditates, infinitæ et immoderate sunt: hæ pariunt auariciam: auaricia porro hominē ad quoduis maleficiū impellit: igitur auaricia inducti aduersarij nostri, hoc in se facinus admiserūt. hic id quod extremum dictum est, satis fuit exponere: ne Ennium & ceteros poetæ imitemur, quibus hoc modo loqui concessum est.

Vtinam ne in nemore Pelio securibus  
Case cecidissent abiectæ ad terram trabes:  
Neue inde naus inchoandæ exordium  
Cœpisset, quæ nunc nominatur nomine  
Argo, qua uecti Argiui delecti iuri,  
Petebant illam pellem inauratam arietis  
Colchis, imperio regis Pelie per dolum.



Nam nunquam hera errans mea, domo efferret pedem,  
Medea, animo agra, amore seuo saucia.

Nam hic satis erat dicere, si id modo, quod esset satis,  
curasset poeta:

Vtinam, ne hera errans mea, domo efferret pedem,  
Medea, animo agra, amore seuo saucia.)

Ergo hac quoque ab ultimo repetitione in expositioni-  
bus magnopere super sedendum est. non enim reprehensio-  
ne eget, sicut alia complures, sed sua sponte vitiosa  
est. Vitiosa ratio est, quae ad expositionem non est ac-  
commodata vel propter infirmitatem, vel propter uani-  
tatem. Infirma ratio est, quae non necessario ostendit ita  
esse, quemadmodum expositum est. uelut apud Plautum:  
Amicum castigare ob meritam noxiam,  
Immane est facinus, uerum in etate utile,  
Et conducibile.

Hæc expositio est: uideamus quæ ratio asseratur.

- Nam ego amicum hodie meum

Non castigabo pro commerita noxia.

Ex eo quod ipse facturus est, non ex eo quod fieri  
conuenit, utile quid sit, ratiocinatur. Vana ratio est,  
quæ ex falsa causa constat, hoc modo. Amor fugiendus  
non est: nam ex eo uerissima nascitur amicitia. aut hoc  
13 (a) modo. Philosophia uitanda est: affert enim socordiam  
atque desidiam. Nam hæ rationes nisi falsæ essent, expo-  
sitiones quoque earum ueras esse confiteremur. Item in-  
firma ratio est, quæ non necessariam causam affert ex-  
positionis. uelut Pacuuius:

Fortunam insanam esse, et cæcam, et brutam, perhibent  
philosophi,

Saxo quoque instare globoso prædicant uolubili:

Ideo



ideo quò saxum impulerit, eò cadere fortunā autumant.  
Cecam, ob eam rem iterant, quia nihil cernat, quò sese  
applicet.

Insanam autem aiunt, quia atrox, incerta instabilisq; sit.  
Brutam, quia dignū atq; indignū nequeat internoscere.  
Sunt autem alij philosophi, qui contrā, fortunā negant.  
Misericam esse ulla, sed temeritate omnia regi: id magis  
Verisimile aiunt, quod usus re ab se experiundo edocet:  
Velut Orestes modò fuit rex, modò mendicūs factus est.  
Naufragio res contigit: nēpe ergo haud fortuna obtigit.

Nam hīc Pacuius infirma ratione utitur, cū ait, ue-  
rius esse temeritate quā fortuna res regi. Nam utraq;  
opinionē philosophorū fieri potuit, ut is qui rex fuisset,  
mēdicus factus esset. Item infirma ratio est, quæ uidetur  
pro rationē afferri, sed idem dicit quod in expositione  
dictum est, hoc modo. Magno malo est omnibus auari-  
cia, idcirco quòd homines, magnis & multis incommo-  
dis conflictantur, propter immensam pecuniæ cupidita-  
tem. Nam hīc alijs uerbis idem per rationē dicitur, quod  
dictum est per expositionē. Item infirma ratio est, quæ  
minus idoneam, quā res postulat, causam subijcit expo-  
sitioni, hoc modo. Vtilis est sapientia, propterea quòd  
qui sapientes sunt, pietatē colere consueuerunt. Item, V-  
tile est amicos ueros habere: habes enim quibuscū iocari  
possis. nam huiusmodi in rationibus non uniuersali, neq;  
absoluta, sed extenuata ratione expositio confirmatur.  
Item infirma ratio est, quæ uel alij expositioni potest  
accommodari. ut facit Pacuius, qui eandem assert ra-  
tionem, quare cæca: eandem, quare bruta fortuna dici-  
tur. IN cōfirmatione rationis multa uitanda in nostra,  
et obseruanda in aduersariorum ratione sunt uitia: pro-



ptereaq; diligentius considerata sunt, quod accurata confirmatio rationis totam uehementissimè comprobata argumentationem. Utuntur igitur studiosi in cōfirmanda ratione duplici conclusione, hoc modo:

Iniuria abs te afficior indigna pater.

Nam si improbum Thresspontem existimaueras,

Cur me huic locabas nuptijs? sin est probus,

Cur talem inuitam inuitum cogis linquere?

(b) Quæ hoc modo concludentur, aut ex cōtrario conuertentur, aut ex simplici parte reprehenduntur. Ex cōtrario, hoc modo.)

Nulla te indigna nata afficio iniuria:

Si probus est, bene locaui: sin est improbus,

Diuortio te liberabo incommodis.

Ex simplici parte reprehenduntur, si ex duplici conclusione alterutra pars diluitur, hoc modo.

Nam si improbum Thresspontem existimaueras,

Cur me huic locabas nuptijs? Duxi probum,

Erraui: post cognoui, et fugio cognitum.

Ergo reprehensio huius conclusionis duplex est: acutior illa superior, faciliior hæc posterior ad excogitandum. Item uitiosa est confirmatio rationis, cum ea re quæ plura significat, abutimur pro certo unius rei signo, hoc modo. Neesse est, quoniam pallet, ægrotasse: aut neesse est peperisse, quoniam sustinet puerum infantem. Nam hæc sua sponte certa signa non habent, si non cætera quoq; similia concurrant: quod si concurrerint, nonnihil huiusmodi signa adaugent suspicionem.

Item uitiosum est, cum uel in alium, uel in eum ipsum qui dicit, id quod in aduersarium dicitur, potest conuenire, hoc modo.

Miseri



Miseri sunt, qui uxores ducunt: at tu duxisti alteram.

Item uitiosum est id, quod uulgarem habet defensionem, hoc modo. Iracundia inductus peccauit, aut adolescentia, aut amore. huiusmodi enim deprecationes si probabuntur, impune maxima peccata dilabentur.

Item uitiosum est, cum id pro certo sumitur, quod inter omnes non constat, quia etiam nunc in controuersia est, hoc modo.

Eho tu, dii, quibus est potestas motus superum atque in Pacem inter sese conciliant, conferunt concordiam. (seruum.)

Nam ita pro suo iure, hoc exemplo usum Threspontem Ennius induxit, quasi iam satis certis rationibus ita esse demonstrasset. Item uitiosum est, quod iam quasi sero atque actu negotio dici uidetur, hoc modo. In mentem mihi si uenisset Quirites, non commissem, ut hunc in locum res ueniret: nam hoc aut hoc fecissem, sed motum hæc ratio fugit. Item uitiosum est, cum id quod in aperto delicto positum est, tamen aliqua leui tegitur defensione, hoc modo.

Cum te expetebant omnes, florentissimo Regno reliqui: nunc desertum ab omnibus, Summo periculo sola ut restituam paro.

Item uitiosum est, quod aliam in partem, ac dictum sit, potest accipi: id est huiusmodi, ut si quis potens ac factiosus in concione dixerit, (a) Satius est uti regibus, quam malis legibus: nam hoc, tametsi rei arguendæ causa potest sine malicia dici, tamen propter potestatem eius qui dicit, non dicitur sine atroci suspitione. Item uitiosum est, falsis aut uulgaribus definitionibus uti. Falsæ sunt huiusmodi: si quis dicat iniuriam nullam esse, nisi quæ ex pulsatione aut conuicio constet. Vulgares sunt, quæ



nihilominus in aliam rem transferri possunt. ut si quis dicat: Quadruplator, ut breuiter describā, capitalis est: est enim improbus & pestifer ciuis. nam nihilo magis quadruplatoris, quā furis, quā sicarij aut proditoris attulit definitionem. Item uitiosum est, pro argumento sumere, quod in disquisitione positum est: ut si quis, quem furti arguat, dicat eum esse hominem improbum, auarum, fraudulentū: ei rei testimonium esse, quod sibi furtum fecerit. Item uitiosum est, controuersiam controuersia dissoluere, hoc modo. Non conuenit, censors, istum uobis satisfacere, ex eo quod ait, se non potuisse adesse, ita ut iuratus fuerat. quod si ad exercitiū non uenisset, id ne tribuno militum diceret? Hoc ideo uitiosum est, quia non expedita aut iudicata res, sed impedita, & in simili controuersia posita, exempli loco profertur.

Item uitiosum est, cum id, de quo summa controuersia est, parum expeditur, & quasi transactum sit relinquatur, hoc modo.

Apertè fatur dictio, si intelligas,

Tali dari arma, qualis, qui gessit, fuit.

Iubet, potiri si studeamus Pergamo,

Quæ ego profiteor, esse mea. nam me æquum est frui

Fraternis armis, mihiq; adiudicari,

Vel quod propinquus, uel quod uirtute æmulus.

Item uitiosum est, ipsum sibi in sua oratione dissentire, & contrā ea quæ antè dixerit, dicere, hoc modo.

Qua causa accussem hunc, nequeo exponendo euoluere.

Nam si ueretur, quid eum accussem, qui est probus?

Sin inuerecundum animi ingenium possidet,

Quid eum accussem, qui id parui auditu existimet?

Non incommoda ratione uidetur sibi ostendisse, quare non



re non accusaret. Quid quod postea ait?

Nunc ego te ab summo iam detexam exordio.

Item uitiosum est, quod dicitur contra iudicis uoluntatem, aut eorum qui audiunt, si aut partes quibus illi student, aut homines quos illi caros habent, laedantur, aut aliquo huiusmodi uitio laeditur auditoris uoluntas.

Item uitiosum est, non omnes res confirmare, quas pollicitus sis in expositione. Item uerendum est, ne de alia re dicatur, cū (b) alia de re controuersia sit, inq; huiusmodi uitio cōsiderandum est, ne aut ad rē addatur quid, aut quippiam de re detrahatur, aut tota causa mutata in aliam causam deriuetur. uti apud Pacuuium Zethus cum Amphione, quorum controuersia, cum de musica inducta sit, disputatio in sapientiae rationem & uirtutis utilitatem consumitur. Item considerandum est, ne aliud accusatoris criminatio contineat, aliud defensoris ratio purget: quod saepe cōsultō multi ab reo faciunt, an gustijs causae coacti. uti si quis accusetur ambitu magistratū petisse, ab imperatoribus saepenumero se apud exercitum donatum esse dicat. Hoc si diligēter in aduersariorum oratione obseruauerimus, saepe deprehendemus, & in eiusmodi deprehensione ostendemus, eos de ea re quid dicant non habere. Item uitiosum est, artē aut scientiam, aut studium quodpiā uituperare, propter eorum uitia qui in eo studio sunt: ueluti qui Rhetoricam uituperant propter alicuius oratoris uituperandam uitam.

Item uitiosum est, ex eo quod perperam factum esse constet, putare ostendi à quo homine factum est, hoc modo. Mortuum deformatum, tumore praeditum, corpore decoloratum constat fuisse. Ergo ueneno necatus est.

deinde, si sit usq; adeo in eo occupatus, ut multi faciunt,

uenenum



uenenum datum, uitio non mediocri conflictetur, non enim factum ne sit queritur, sed à quo factum sit.

Item uitiosum est, in comparandis rebus alteram rem efferre, de altera mentionem non facere, aut negligenter disputare: ut si compareretur, utrum satius sit populum frumentum accipere, an non accipere, quæ commoda sint: in altera re curet enumerare, quæ in altera re incommoda sint, uelut depressa prætereat, aut ea quæ minima sunt dicat. Item uitiosum est, in rebus comparandis necesse putare alteram rem uituperari, cum alteram laudes. quod genus, si queratur, utris maior honor habendus sit, Albensibus an Veientinis, quod reip. & populo R. profuerunt: et is qui dicat alteris, alteros ledat, non enim necesse est, si alteros præponas, alteros uituperare. fieri enim potest, ut cum alteros magis laudaris, aliquam alteris partem laudis attribuas, ne cupidè pugnassee contra ueritatem puteris. Item uitiosum est, de nomine & uocabulo eius rei controuersiam struere, quam rem consuetudo optimè potest iudicare. uelut Sulpitius, qui intercesserat, ne exules, quibus causam dicere non licisset, reducerentur. idem posterius immutata uoluntate, cum eandem legem ferret, aliam sese ferre dicebat, propter nominum commutationem. nam non exules, sed uiecictos sereducere aiebat: proinde quasi id fuisset in controuersia, quo illi nomine appellarentur à populo R. aut proinde quasi non omnes quibus aqua & igni interdictum (a) est, exules appellentur. Verum illi fortasse ignoscimus, si cum causa fecit: nos tamen intelligimus uitiosum esse, intendere controuersiam propter minimum mutationem. Quoniam exornatio constat ex similibus, & exemplis, & amplificationibus. & iudicatis re-



tis rebus, & ceteris quæ pertinent ad exaggerandam & collocupletandam argumentationem, quæ sint his rebus uitia consideremus. Simile uitiosum est, quod ex aliqua parte dissimile est, nec habet parem rationem comparationis: aut sibi ipsi obest, qui assert. Exemplum uitiosum est, si aut falsum est, ut reprehendatur: aut si improbum, ut non sit imitandum: aut maius, aut minus, quam res postulat. Res iudicata uitiose proferatur, si aut dissimili de re proferatur: aut de ea re, de qua controuersia non est: aut si improba: aut eiusmodi, ut aut plures, aut magis idoneæ res iudicantur ab aduersarijs proferri possint. Item uitiosum est id, quod aduersarij factum esse confiteantur, de eo argumentari, & planum facere factum esse. nam id tantum augeri oportet.

Itē uitiosum est, id augere, quod conuenit doceri, hoc modo. Ut si quis, quem arguat hominem occidisse, & antequam satis idoneas argumentationes attulerit, augeat peccatum, & dicat, nihil indignius esse quam hominem occidere. non enim, utrum indignum sit, an nō, sed factum ne sit, queritur. Complexio uitiosa est, quæ non ut quicque primum dictum est, primum complectitur: & quæ non breuiter concluditur: & quæ non ex enumeratione certum & constans aliquid relinquit, ut intelligatur quid propositum in argumentatione sit: quid deinde ratione, quid confirmatione, quid tota argumentatione demonstratum sit. Conclusiones, quæ apud Græcos ἐπίλογος nominantur, tripartitæ sunt. nam constant ex enumeratione, amplificatione, & commiseratione. In quatuor locis uti possumus conclusionibus: in principio, secundum narrationem, secundum firmissimam argumentationem, in conclusione. Enumeratio est, +  
per



per quam colligimus & commonemus, quibus de rebus  
uerba fecerimus, breuiter, ut renouetur, nō redintegre-  
tur oratio: & ordine, quicquid erit dictum, referemus:  
ut auditor, si memoriæ mandauerit, ad id quod ipse me-  
minerit, reducat. Item curandum est, ne aut ab exor-  
dio, aut à narratione repetatur orationis enumeratio.  
Ficta enim, & dedita opera comparata oratio uidebi-  
tur esse, artificij significandi, aut ingenij uenditandi, uel  
memoriæ ostentandæ causa. quapropter initium enume-  
rationis sumendū est à diuisione. deinde ordine breuiter  
exponendæ sunt res, quæ tractatæ erunt in confirmatio-  
ne & cōsutatione. Amplificatio est res, quæ per locum  
communem instigationis auditorum causa sumitur. Lo-  
ci communes ex decem præceptis (b) commodissimè su-  
muntur, ad augendi criminis causa. Primus locus sumi-  
tur ab authoritate, cum commemoramus, quantæ curæ  
eares fuerit dijs immortalibus, aut maioribus nostris,  
regibus, ciuitatibus, nationibus, hominibus sapientissi-  
mis, Senatui. item maximè quomodo de his rebus in le-  
gibus sancitū sit. Secundus locus est, cum consideramus,  
illæ res, de quibus criminamur, ad quos pertineant: utrū  
ad omnes, quod atrocissimū est: an ad superiores, quod  
genus hi sunt à quibus authoritatis locus communis su-  
mitur: an ad pares, hoc est in eisdē partibus animi, cor-  
poris, fortunarum positos: an ad inferiores, qui omni-  
bus his rebus antecellunt. Tertiū locus est, quo per-  
cunctamur, quid sit euenturum, si omnibus idem conce-  
datur: & ea re neglecta, ostendemus quid periculorum  
aut incommodorū consequatur. Quartus locus est, quo  
demonstratur, si huic sit remissum, multos alacriores ad  
maleficia futuros, quos adhuc expectatio iudicij remo-  
ratur.



ratur. Quintus locus est, per quem ostendimus, si semel aliter iudicatum sit, nullam rem fore quæ incommodum edere, aut perperam factum aut erratum iudicium corrigere possit. quo in loco non incommodum erit, ut cæterarum rerum comparatione: ut ostendamus, alias res posse aut uetustate sedari, aut consilio corrigi: huius rei aut leniendæ, aut corrigendæ nullam rem adiumento futuram. Sextus locus est, cum ostendimus ex consilio factum, & dicemus uoluntario facinori nullam esse excusationem, sed imprudentiæ iustam deprecationem paratam. Septimus locus est, quo ostendimus tetri facinus, crudele, nefarium, tyrannicum esse: quod genus, iniuriæ mulierum, aut earum rerum aliquid, quarum rerum causa bella suscipiuntur, & cum hostibus de uita dimicatur. Octauus locus est, quo ostendimus, non uulgare, sed singulare esse maleficiū, spurcum, nefarium, inusitatum: quo maturius et atrocius uindicandum sit. Nonus locus constat ex peccatorum comparatione: quasi cum dicemus, maius esse maleficiū stuprare ingenuam, quam sacrum ledere: quod propter egestatem alterum, alterum propter intemperantem superbiam fiat. Decimus locus est, per quem omnia quæ in negotio gerendo acta sunt, quæq; rem consequi solent, exponemus acriter, & criminose, & diligenter, ut agi res, & geri negotiū uideatur rerum consequentium enumeratione. Misericordia commouebitur auditoris animus, si uariam fortunarum commutationem dicemus: si ostendimus, in quibus commodis fuimus, quibusq; in incommodis simus comparatione: si quæ nobis futura sint, nisi causam obtinuerimus, enumerabimus & ostendimus: si supplicabimus, & nos sub eorum, quorum misericordiam captabimus,



16 (a) potestatem subijciemus. si quid nostris parentibus, liberis, ceteris necessariis casurum sit propter nostras calamitates, aperiemus: et simul ostendemus, illorum nos sollicitudine et miseria, non nostris incommodis dolere. si de clementia, humanitate, misericordia nostra, qua in alios usi sumus, aperiemus. si nos semper, aut diu in malis fuisse, ostendemus. si nostrum fatum, aut fortunam conqueremur. si animum nostrum forte, patientem incommodorum ostendemus futurum. Commiserationem breuem esse oportet. Nihil enim lachryma citius arefcit. Fere locos obscurissimos totius artificij tractauimus in hoc libro, quapropter huic uolumini modus hic sit. reliquas preceptiones, quoad uidebitur, in tertium librum transferemus. Hec si ut conqueste conscripsimus, ita tu diligenter fueris consecutus: et nos industria fructus ex tua scientia capiemus, et tute nostram diligentiam laudabis, tuamque perceptionem letaberis. scientior eris preceptorum artificij, nos alacriores ad reliqua persoluumdum. Verum haec futura satis scio: te enim non ignoro. Sed nos deinceps ad caetera precepta transeamus, ut quod libentissime facimus, tuae uoluntati rectissime morem geramus.

RHETORICORVM AD C. HERENNIVM Liber Tertius.



Domne iudicialē causam quemadmodum conueniret inuentionē rerum accommodari, satis abundanter, ut arbitror, superioribus libris demonstratum est. Nunc earum rationem rerum inueniendarum, quae pertinebant ad causas deliberatiuas et demonstratiuas, in hunc librum transfulimus: ut omnis inueniendi praecipitum tibi quamprimum persolueretur. Reliquae



liquæ quatuor partes erant artificij. De tribus partibus in hoc libro dicemus: Dispositione, Pronunciatione, & Memoria. De elocutione, quia plura dicenda uidebantur, in quarto libro cōscribere maluimus: quem, ut arbitror, tibi librū celeriter absolutū mittemus, ne quid tibi Rhetoricæ artis deesse possit. Interea prima quæq; & nobiscū cum uoles, & interdū sine nobis legendo cōsequere, ne quid impedire, quā ad hanc utilitatē pariter nobiscū progredi possis. Nūc tu fac, ut attentum te præbeas: nos proficisci ad instituta pergemus. Deliberationes partim sunt huiusmodi, ut queratur utrum potius faciendum sit: partim huiusmodi, (b) ut quid potissimū faciendum, consideretur. Vtrum potius, hoc modo: Carthago tollenda, an relinquenda uideatur. Quid potissimū, hoc pacto: ut si Annibal cōsultet, cum ex Italia Carthaginem accersitur, an in Italia remaneat, an domum redeat: an in Aegyptum profectus, occupet Alexandriam.

Item deliberationes partim ipse propter se cōsultanda sunt: ut si deliberet Senatus, captiuos ab hostibus redimat, an non. partim propter aliquam extraneam causam ueniunt in deliberationem, & consultationem: ut si deliberet Senatus, bello Italico soluatne legibus Scipionem, ut cum liceat ante tempus Consulem fieri. partim & propter se sunt deliberanda, et magis propter extraneam causam ueniunt in consultationem: ut si deliberet Senatus, bello Italico socijs ciuitatem det, an non. In quibus causis rei natura faciet deliberationem, omnis ratio ad ipsam rem accommodabitur. In quibus extranea causa conficiet deliberationem, in his ea ipsa erit causa adaugenda, aut deprinenda. Omnem orationē eorum qui sententiam dicent, finem sibi cōueniet utilitatis proponere,



nere, ut omnis ad eam totius orationis ratio conferatur. Utilitas in duas partes in civili consultatione dividitur: tutam, & honestam. Tutam est, quæ conficit instantis aut consequentis periculi uitationem qualibet ratione. Hæc distribuitur in uim, & dolum: quorum aut alterum separatim, aut utrumq; sumemus coniuncte. Vis secernitur per exercitus, classes, arma, tormenta, auocationes hominum, & alias huiusmodi res. Dolus consumitur in pecuniâ, pollicitationes, dissimulationes, maturatationes, mentitiones, & ceteras res de quibus magis idoneo tempore loquemur, si quando de re militari, aut de administratione reipub. scribere uelimus. Honestam res diuiditur in rectum & laudabile. Rectum est, quod cum uirtute & officio sit. Id diuiditur in prudentiam, iusticiam, fortitudinem, modestiam. Prudentia est calliditas, quæ ratione quadam potest delectum habere bonorum & malorum. Dicitur item prudentia, scientia cuiusdam artificij. Item appellatur prudentia, multa rerum memoria, & usus complurium negotiorum. Iusticia est æquitas, ius unicuiq; tribuens pro dignitate cuiusq;. Fortitudo est rerum magnarum appetitio, et rerum humilium contemptio, & laboris cum utilitatis ratione perpesio. Modestia est, in animo continens moderatio cupiditatum. Prudentie partibus utemur in dicendo, si commoda cum incommodis conferemus: cum alterum sequi, uitare alterum cohortemur, aut si qua in re cohortabimur aliquem, cuius rei aliquâ disciplinabilem scientiam poterimus habere: & quomodo, aut qua quidq; ratione fieri oporteat (a) ostendemus. Aut si suadebimus quippiam, cuius rei geste aut præsentem, aut audiatam memoriam poterimus habere: qua in re facile id quod uelimus



uelimus, exemplo allato persuadere possumus. Iusticiæ partibus utemur, si aut innocentum, aut supplicum misereri dicemus oportere. Si ostendemus, bene merentibus gratiam referri convenire. Si demonstrabimus, ulcisci male meritos oportere. Si fidem magnoperè censebimus conservandam. Si leges & mores civitatis egregiè dicemus servari oportere. Si societates atque amicitias suadise dicemus coli convenire. Si quod ius in parentes, deos, patriam natura comparavit, id religiose colendum demonstrabimus. Si hospitia, clientelas, cognationes, affinitates castè colendas esse dicemus. Si nec prece, nec precio, nec gratia, nec periculo, nec similitate à via recta ostendemus deduci oportere. Si dicemus, in omnibus æquabile ius statui convenire. His atq; huiusmodi partibus iusticiæ si quam rem in concione, aut in concilio faciendam censebimus, iustam esse ostendemus, contrarijs iniustam: ita fiet, ut eisdem locis & ad suadendū, & ad dissuadendū simus parati. Sin fortitudinis retinendæ causa faciendum quid esse dicemus: ostendemus, res magnas & excelsas sequi, & appeti oportere: & item res humiles, & indignas viris fortibus, viros fortes propterea contemnere oportere, nec idoneas dignitate sua iudicare. Item, à nulla re honesta periculi aut laboris magnitudine deduci oportere: antiquiorem mortem turpitudine haberi: nullo dolore cogi, ut ab officio recedatur: nullius pro rei veritate metuere inimicitias: quod libet pro patria, parentibus, hospitibus, amicis, & ijs rebus quas iusticia colere cogit, adire periculum, & quælibet suscipere laborem. Modestæ partibus utemur: si nimias libidines honoris, pecuniæ, similiumq; rerum vituperabimus: si unamquamq; rem certo naturæ termino definie-



mus, si deniq; quod cuiq; satis sit, ostendemus, et nimium  
 progredi dissuadebimus, & modum unicuiq; rei statuere-  
 mus. Huiusmodi partes sunt uirtutis amplificandæ, si sua  
 debimus: attenuandæ, si ab his dehortabimur, ut hæc at-  
 tenuentur quæ supra demonstraui. nam nemo erit qui  
 censeat à uirtute recedendum, uerum aut res huiusmodi  
 non dicatur esse, ut uirtutē posimus egregiam experiri:  
 aut in contrarijs potius rebus, quàm in his, uirtus con-  
 stare ostendatur. Item, si quo pacto poterimus, quam is  
 qui contradicet, iusticiam uocarit, nos demonstrabimus  
 ignauiam esse, & inertiam, ac prauam libertatē. Quam  
 prudentiam appellarit, ineptam & garrulam, & odio-  
 sam scientiam esse dicemus. Quam ille modestiam di-  
 cet esse, eam nos inertiam, & dissolutam negligentiam  
 dicemus. Quam ille fortitudinem nominarit, eam nos  
 gladiatoriam, & inconsideratam (b) appellabimus te-  
 meritatem. Laudabile est, quod conficit honestam &  
 præsentem & consequentem commemorationem. hoc  
 nos eò à recto separauimus, non quòd hæ quatuor par-  
 tes, quæ subijciuntur sub uocabulo Recti, hæc honestatis  
 commemorationem dare non soleant: sed quanquam ex  
 recto laudabile nascatur, tamen in dicendo seorsum tra-  
 ctandum est hoc ab illo. neque enim solum laudis causa  
 rectum sequi conuenit: sed, si laus consequitur, duplica-  
 tur recti appetendi uoluntas. Cum igitur erit demon-  
 stratum rectum, laudabile esse demonstrabimus, aut ab  
 idoneis hominibus, ut si qua res honestiori ordini pla-  
 ceat, quæ à deteriore ordine improbetur: aut aliquibus  
 socijs, aut omnibus ciuibus, exteris nationibus, posterisq;  
 nostris. Cum huiusmodi locorum diuisio sit in consulta-  
 tione, breuiter aperienda est totius tractatio causæ.

Exordiri



Exordiri licebit uel à principio, uel ab insinuatione, uel  
iisdem rationibus, quibus in iudiciali causa. Si cuius rei  
narratio incidet, eadē ratione narrari oportebit. Quo-  
niam in huiusmodi causis finis est utilitas, & ea diuidi-  
tur in rationem tutam atq; honestam: si utrunq; poteri-  
mus ostendere, utrunq; pollicebimur nos in dicendo de-  
monstraturos esse. sin alterū demonstraturi erimus, sim-  
pliciter quod dicturi sumus, ostendemus. At si nostram  
rationem tutam esse dicemus, diuisione utemur in ulm  
& consilium. Nam quod in docendo rei dilucidandæ  
causa dolum appellauimus, id in dicendo honestius con-  
siliū appellabimus. Si rationis nostræ sententiam re-  
ctam esse dicemus, & omnes partes recti incident, qua-  
drupartita diuisione utemur: si non incident, quot ca-  
runt, tot exponemus in dicendo. In confirmatione &  
confutatione utemur locis, quos antè ostendimus, no-  
stris confirmandis, contrarijs confutandis. Argumenta-  
tionis artificiosæ tractandæ ratio de secundo libro pe-  
tetur. Sed si acciderit, ut in consultatione alteri ab tuta  
ratione, alteri ab honesta sententia sit, ut in deliberatio-  
ne eorum qui à Poenis circumsessi deliberant, quid a-  
gant: qui tutam rationem sequi suadebit, his locis ute-  
tur: Nullam rem utiliore esse incolumitate: uirtutibus  
uti neminem posse, qui suas rationes in tuto non collo-  
carit: nec deos quidem esse auxilio ijs, qui se inconsulto  
in periculum mittant. Honestum nihil oportere existi-  
mari, quod non salutem pariat. Qui tutæ rei præponet  
rationem honestam, his locis utetur: Virtutē nullo tem-  
pore relinquendam: uel dolorem, si is timeatur, uel mor-  
tem, si ea formidetur, dedecore & infamia leuiorem es-  
se: considerare, quæ sit turpitudine consecutura: at non



immortalitatem, neque eternam incolumitatem confes-  
 quinec esse exploratum, illo uitato periculo, nullum in  
 aliud periculum uenturos: uirtute (a) uel ultrò ad mor-  
 tem proficisci, esse præclarum. fortitudini fortunã quo-  
 que esse adiumento solere. eum tutè uiuere, qui honestè  
 uiuat, non qui in præsentia incolumis sit: & eū qui tur-  
 piter uiuat, incolumè in perpetuum esse non posse. Con-  
 clusionibus serè similibus in his & iudicialibus causis  
 uti solemus: nisi quod his maximè conducit, quàm pluri-  
 ma rerum antè gestarum exempla proferre. Nunc ad de-  
 monstratiuum genus cause transcamus.

QVONIAM hæc causa diuiditur in laudem &  
 uituperationem, quibus ex rebus laudem constituere-  
 mus, ex contrarijs rebus erit uituperatio comparanda.  
 Laus igitur potest esse rerum externarum, & cor-  
 poris & animi. Rerum externarum sunt ea, quæ casu,  
 aut fortuna secunda aut aduersa accidere possunt: ut  
 genus, educatio, diuitiæ, potestates, gloria, ciuitates,  
 amicitie, & quæ huiusmodi sunt, & ea quæ his sunt con-  
 traria. Corporis sunt ea, quæ natura corpori attribuit  
 commoda, aut incommoda: ut uelocitas, uires, dignitas,  
 ualeitudo, & quæ contraria sunt. Animi sunt ea, quæ con-  
 silio & cogitatione nostra constant: ut prudentia, iusti-  
 cia, fortitudo, modestia, & quæ contraria sunt. Erit igi-  
 tur hæc confirmatio, & confutatio nobis. in huiusmodi  
 igitur causa principium sumetur aut ab nostra, aut ab  
 eius de quo loquemur, aut ab eorum qui audient, perso-  
 na, aut ab re. Ab nostra, si laudabimus, dicemus aut offi-  
 cio facere, quod causa necessitudinis intercedat: aut stu-  
 dio, quod eiusmodi uirtutis sit, ut omnes commemorare  
 debeant uelle: aut quòd rectū sit ex aliorum laude osten-  
 dere.



dere, qualis noster animus sit. Si uituperabimus, aut merito facere, quod ita tractati sumus: aut studio, quod utile putemus esse ab omnibus unicam maliciam atq; nequiciā cognosci: aut quod placeat ostendi, quid nobis displiceat ex aliorū uituperatione. Ab eius persona de quo loquemur, si laudabimus, dicemus, uereri nos ut illius facta uerbis consequi non possimus: omnes homines illius uirtutes predicare oportere, ipsa facta omnī laudatorū eloquentiam antecire. Si uituperabimus, ea quæ uidemus contraria, paucis uerbis cōmutatis dici posse, dicemus: ut paulo antè supra exēpli causa demonstratū est. Ab auditorū persona, si laudabimus, dicemus, quoniam nō apud ignotos laudemus, nos monēdi causa pauca esse dicturos: aut si erūt ignoti, ut talē uirū uelint cognoscere, petemus: quoniā in eodem uirtutis studio sint, apud quos laudemus, quo ille qui laudatus fuerit: sperare nos facile ijs quib. uelimus, huius facta probaturos. Cōtraria uituperatio, quoniā norint, pauca de nequitia eius nos esse dicturos. quod si ignorēt, petemus ut cognoscāt, uti malitiā uitare possint: quoniam dissimiles sunt qui audiunt, atq; ille qui uituperatur, nos (b) sperare illius uitam uehementer improbaturos. Ab rebus ipsis, incertos esse quid potissimū laudemus: uereri, ne cū multa dixerimus, plura prætereamus: et quæ similes sententias habebunt, quibus sententijs contraria sumuntur à uituperatione. Principio tractato, tum ab re, tum ab aliis quæ harum quas antea commemorauimus, rationum, narratio non erit ulla, quæ necessario consequatur: sed si qua inciderit, cum aliquod factum eius de quo loquemur, nobis narrādum sit cum laude, aut uituperatione, præceptio narrandi de primo libro repetetur. Diuisio



ne hac utemur: primò exponemus quæ res laudaturi sumus, aut uituperaturi: deinde ut quæq; quòuè tempore res erit gesta, ordine dicemus, ut quid, quamq; tute cauteq; egerit, intelligatur. Sed exponere oportebit animi uirtutes, aut uitia: deinde commoda aut incommoda corporis, aut rerum externarum, quomodo ab animo tractata sint, demonstrare. Ordinem hunc adhibere in demonstranda uita debemus. Ab externis rebus, genus in laude, quibus maioribus natus sit, si bono genere, parem aut excelsiorè fuisse: si humili genere, ipsum in suis, non in maiorum uirtutibus habuisse presidium. In uituperatione, si bono genere, dedecori maioribus fuisse: si malo, tamen his ipsis detrimento fuisse. Educatio in laude: benè & honestè, in bonis disciplinis per omnem puericiam educatum esse: in uituperatione, econtrariò. Deinde transire oportet ad corporis commoda. A natura in laude, si sit dignitas atq; forma, laudi fuisse eam, quemadmodum cæteris detrimento atque dedecori. Si uires, atq; uelocitas egregia, honestis hæc exercitationibus & industrijs dicemus comparata. Si ualetudo ex perpetua diligentia, & temperantia cupiditatum. In uituperatione, si erunt hæc corporis commoda, his malè usum dicemus, quæ casu & natura tanquã quilibet gladiator habuerit. Si non erunt, præter formam omnia ipsius culpa & intemperantia non fuisse dicemus. Deinde reuertemur ad extraneas res, & in his animi quæ uirtutes, aut quæ uitia fuerint, considerabimus: diuitiæ, an paupertas fuerit, & quæ potestates, quæ gloriæ, quæ amicitie, quæ inimicitie, et quid fortiter in inimicijs gerendis fecerit, cuius causa susceperit inimicitias: qua fide, beneuolentia, officio gesserit amicitias. In diuitijs quæ  
lis, aut



lis, aut in paupertate cuiusmodi fuerit, quemadmodum habuerit in potestatibus gerendis animum. Si interierit, cuiusmodi mors eius fuerit, cuiusmodi res mortem eius sit consecuta. Ad omnes autem res, in quibus animus hominis maximè consideratur, illæ quatuor animi uirtutes erunt accommodandæ, ut si laudemus, aliud iuste, aliud fortiter, aliud modeste, aliud prudenter factum esse dicamus. Si uituperemus, e contrario. Perspicuum est (a) iam nimirum ex hac dispositione, quemadmodum 19 sit tractanda tripartita diuisio laudis, & uituperationis: si illud etiam assumpserimus, non necesse esse nos omnes has partes in laudem aut uituperationem transferre, propterea quod sepe ne incidunt quidem: sepe ita tenuiter incidunt, ut non sint necessarie dictu. Quapropter eas partibus quæ firmissimæ uidebuntur, legere oportebit. Conclusionibus breuibus utemur, enumeratione ad exitum causæ. in ipsa causâ crebras & breuibus amplificationes interponemus per locos communes: nec hoc genus causæ, eo quod rarò accidit in uita, negligentiùs cõsiderandũ est, neq; enim id quod potest accidere, ut faciendũ sit aliquãdo, nõ oportet uelle quàm accõmodatissimè posse facere. Etsi separatim hæc causa minus sepe tractatur: at in iudicialibus, et in deliberatiuis causis sepe magnæ partes uersantur laudis aut uituperationis. quare in hoc quoq; genere causæ nõnihil industriæ conferendũ putauimus. Nũc absoluta nobis difficillima parte Rhetoricæ, hoc est inuentione perpolitâ, atq; ad omne causæ genus accõmodatâ, tẽpus est ad cæteras partes proficisci. Deinceps igitur de Dispositione dicemus.

QVONIAM dispositio est, per quam illa quæ inuenimus, in ordinem redigimus, ut certo quidque lo-

D 5 co pro-



co pronuncietur: uidendum est, cuiusmodi rationem in disponendo habere cōueniat. Genera dispositionis sunt duo: unum ab institutione artis profectum, alterum ad casum temporis accommodatum. Ex institutione artis disponemus, cum sequemur eam præceptionem, quam in primo libro exposuimus: hoc est, ut utamur principio, narratione, diuisione, confirmatione, consutatione, conclusione. Et hunc ordinem, quemadmodum præceptum est ante, in dicendo sequemur. Item ex institutione artis non modò totas causas per orationem, sed singulas quoque argumentationes disponemus, quemadmodum in secundo libro docuimus: id est, expositionem, rationem, confirmationem rationis, exornationem, complexionem. Hæc igitur duplex dispositio est: una per orationes, altera per argumentationes ab institutione artis profecta. Est autem alia dispositio, quæ, cum ab ordine artificioso recedendum est, oratoris iudicio ad tempus accommodatur. ut si à narratione dicere incipiamus: aut ab aliqua firmissima argumentatione: aut à literarum aliquarum recitatione: aut si secundum principium confirmatione utamur, deinde narratione: aut si quam huiusmodi permutationem ordinis faciamus, quorū nihil, nisi causa postulet, fieri oportebit. Nam si uehementer aures auditorum obtusæ uidebuntur, atq; animi defatigati ab aduersarijs multitudine uerborū, commodè poterimus principio supersedere, et exordiri causam, aut à (b) narratione, aut ab aliqua firma argumentatione. deinde, si commodum erit, quia non semper necesse est, ad principij sententiam reuerti licebit. Si causa nostra magnam difficultatem uidebitur habere, ut nemo æquo animo principium possit audire, à narratione, cum inceperimus,



perimus, ad principij sententiam reuertamur licebit. Si narratio parum probabilis est, exordiemur ab aliqua firma argumentatione. His commutationibus, et translationibus partium sepe uti necesse est: cum ipsares artificiosam dispositionē artificiose cōmutare cogit. In cōfirmatione et confutatione argumentationū dispositiones huiusmodi conuenit habere, firmissimas argumentationes in primis, et in postremis causae partibus collocare mediocres, et neq; inutiles ad dicendum, neq; necessarias ad probandū, quae si separatim ac singule dicantur, infirmæ sunt, cū cæteris cōiunctæ, firmæ et probabiles fiunt, interponi, et in medio collocari oportet. Nam et re narrata, statim expectat animus auditoris, ex qua re causa confirmari possit: quapropter continuo firmam aliquam oportet inferre argumentationem. Et quoniam nuperrimè dictum facile memorie mandatur, utile est, cum dicere desinamus, recentem aliquam relinquere in animis auditorū bene firmam argumentationē. Hæc dispositio locorū, tanquā instructio militum, facillimè in dicendo, sicut illa in pugnando, parere poterit uictoriā.

Pronunciationem multi maximè oratori utilem dixerunt esse, et ad persuadendū plurimum ualere. Nos quid unum de quinque rebus plurimum prosit, non facile dixerimus: nec egregiè magnam esse utilitatem in pronunciatione, audacter confirmauerimus. Nam commode inuentiones, et concinnæ uerborum elocutiones, et partium causæ artificiosæ dispositiones, et horum omnium diligens memoria sine pronunciatione, non plus quàm sine his rebus pronuntiatio sola ualere poterit. Quare? quia nemo de eare diligenter scripsit, nam omnes uix putarunt posse de uoce, uultu, gestu



tu, gestu dilucidè scribi, cū heres ad sensus nostros per-  
tinerent: & quia magnopere ea pars à nobis ad dicen-  
dum comparanda est, non negligenter uidetur tota res  
consideranda. Diuiditur igitur pronuntiatio in uocis  
figurā, & corporis motum. Figura uocis est, quæ suum  
quendam possidet habitum, ratione & industria com-  
paratum. Ea diuiditur in treis partes, magnitudinem,  
firmitudinem, mollitudinem. Magnitudinem uocis maxi-  
mè comparat natura: nonnihil hanc auget, sed maxi-  
mè cura conseruat. Firmitudinem uocis maximè natura  
comparat: nonnihil adaugēt, & maximè conseruat exer-  
citatio declamationis. Mollitudinem uocis, hoc est, ut  
eam torquere pro nostro commodo possimus, maximè  
20 faciet (a) exercitatio declamationis. Quapropter de  
magnitudine uocis, & firmitudinis parte, quoniam al-  
tera natura, altera cura comparatur, nihil ad nos atti-  
net cōmonere, nisi ut ab ijs qui non inscij sunt eius arti-  
ficij, ratio curande uocis petatur. De ea parte firmitudi-  
nis quæ conseruatur ratione declamationis, & de molli-  
tudine uocis, quæ maximè necessaria est oratori, quo-  
niam ea quoque moderatione declamationis compara-  
tur, dicendum uidetur. Firmam igitur quā maximè po-  
terimus in dicendo uocem conseruare, si quā maximè  
sedata & depressa uoce principia dicemus: nam ledun-  
tur arteriæ, si antè, quā leni uoce permulse sunt, acri  
clamore compleantur. Et interuallis longioribus uti cō-  
ueniet: recreatur enim uox spiritu, & arteriæ reticendo  
acquiescunt: & continuum clamorem remittere, & ad  
sermonem transire oportet. Commutationes enim faci-  
unt, ut nullo genere uocis effuso, in omni uoce integri si-  
mus. Et acutas uocis exclamatiōes uitare debemus. ictus

enim



enim sit, & uulnerantur arteriæ acuta atque attenuata nimis acclamatione: et si quis splendor est uocis, confusum clamore uniuersus. & uno spiritu continenter multa dicere, in extrema conuenit oratione: fauces enim calefiunt, & arteriæ complentur, & uox, quæ uariè tractata est, reducit in quendam sonum æquabilem atque constantem. Sæpe rerum naturæ gratia quædam iurè debetur, uelut accidit in hac re. Nam quæ diximus ad uocem seruandam prodesse, eadem attinent ad suauitatem pronuntiationis: ut quod nostræ uoci prodest, idem uoluptate auditoris probetur. utile est ad firmitudinem uocis, sedata uox in principio. quid insuauius, quam clamor in exordio causæ? interualla uocē confirmant: eadē sententias cōcinniores diuisione reddūt, et auditori spaciū cogitandi relinquunt. Conseruat uocem cōtinui clamoris remissio, & auditorem quidem uarietas maxime delectat, cum sermone animum eius retinet, aut exuscitat clamore. Acuta exclamatio uocē & fauces uulnerat. eadem ledit auditorem: habet enim quiddam illiberale, & ad muliebrem potius uociferationem, quam ad uirilem dignitatem in dicendo accommodatum. In extrema oratione continens uox remedio est uoci. Quid? hæc eadem nonne animum uehemētissimè calefacit auditoris, in totius conclusionē causæ? Quoniam igitur res eadem uocis firmitudini, & pronuntiationis suauitudini prosunt, de utraq; re simul erit in præsentia dictum: de firmitudine, quæ uisa sunt, & de suauitate, quæ coniuncta fuerunt: cætera suo loco paulò post dicemus. Mollitudo igitur uocis, quoniam omnis ad rhetoris præceptionem pertinet, diligentius nobis consideranda est. eam diuidimus in sermonem, contentionem, amplificationem. (b)

Sermo



Sermo est oratio remissa, & finitima quotidiana locutioni. Contentio est oratio acris, & ad confirmandum & consutandum accommodata. Amplificatio est oratio, quæ aut ad iracundiam inducit, aut ad misericordiam trahit auditoris animum. Sermo diuiditur in partibus quatuor: dignitatem, demonstrationem, narrationem, locutionem. Dignitas est oratio cum aliqua gravitate, & uocis remissione. Demonstratio est, quæ docet remissa uoce quomodo quid fieri potuerit, aut non potuerit. Narratio est rerum gestarum, aut perinde ut gestarum, expositio. Locutio est oratio, quæ ex aliqua rerisum pudentem & liberalem potest comparare. Contentio diuiditur in continuationem, & distributionem. Continuatio est, orationis enunciandæ acceleratio clamorosa. Distributio est in contentione oratio frequens cum raris & breuibus interuallis, acris uociferatione. Amplificatio diuiditur in cohortationem, & conquestionem. Cohortatio est, quæ aliquod peccatum amplificans, auditorem ad iracundiam adducit. Conquestio est oratio, quæ incommodorum amplificatione animum auditoris ad misericordiam perducit. Quoniam igitur molitudo uocis in tres partes diuisa est, & hæ partes ipsæ in octo partes alias distributæ: harum octo partium, quæ cuiusque idonea pronuntiatio sit, demonstrandum uidetur. Sermo cum est in dignitate, plenis faucibus quam sedatissima & depressissima uoce uti conueniet: ita tamen, ut ne ab oratoria consuetudine ad tragicam transferamus. Cum autem est in demonstratione, uoce paululim attenuata, crebris interuallis & diuisionibus oportet uti: ut ipsa pronuntiatione eas res, quas demonstrabimus, inferere atque interfecare uideamur in animis auditorum.



torum. Cum autem sermo in narratione est, tum uocum uarietate opus est: ut quo quidq; pacto gestū sit, ita narrari uideatur. Strenuē quod uolumus ostendere factum, celeriusculē dicemus: at aliud ociose retardabimus. deinde modō acriter, tum clementer, mœstē, hilariter in omnibus partes commutabimus, ut uerba, ita pronunciationem. Si qua inciderint in narratione dicta, rogata, responsa, si quæ admirationes, de quibus nos narrabimus, diligenter animaduertemus, ut omnium personarum sensus atq; animos uoce exprimamus. Sin erit sermo in iocatione, leniter tremebūdā uoce, cum parua significatione risus, sine ulla suspitione nimie cachinnationis: leniter oportebit à sermone serio torquere ad liberale iocū uocē. Cū autē contendere oportebit, quoniā id aut per cōtinueationē, aut per distributionē faciendū est: in cōtinueatione adaucti mediocriter sono uocis, uerbis continuandis, uocem quoq; adaugere oportebit, & torquere sonum, & celeriter cum clamore uerba conficere, ut uim (a) uolubilem orationis uociferatio consequi possit. In distributione uocem ab imis faucibus exclamatione quā clarissima adhibere oportet: et quantum spaciū per singulas exclamations sumpserimus, tantum in singula interualla spaciū consumere iubemur. In amplificationibus, cum cohortatione utemur uoce attenuatissima, clamore leni, sono æquabili, commutationibus crebris, maxima celeritate. In conquestione utemur uoce depressa, inclinato sono, crebris interuallis, longis spacijs, magnis commutationibus. De figura uocis satis dictum est: nunc de corporis motu dicendū uidetur. Motus est, corporis gestus & uultus moderatio quedam, quæ probabiliora reddit ea quæ pronunciantur. Conuenit



uenit igitur in uultu pudorem & acrimoniam esse. In gestu nec uenustatem cōspiciam, nec turpitudinem esse, ut aut histriones, aut operarij uideamur esse. Ad easdem igitur partes, in quas uox est distributa, motus quoque corporis ratio uidetur esse accommodanda. Nam si erit sermo cum dignitate, stantes in uestigio, leui dextera motu loqui oportebit: hilaritate, tristitia, mediocritate uultus ad sermonis sententias accommodata. Sin erit in demonstratione sermo, paululum corpus à ceruicibus demittemus. Nam hoc est à natura datum, ut quàm proximè tum uultum admoueamus ad auditores, si quam rem docere eos, & uehementer instigare uelimus. Sin erit in narratione sermo, idem motus poterit idoneus esse, qui paulò antè demonstrabatur in dignitate. Sin erit in oratione, uultu quandam debebimus hilaritatem significare, sine commutatione gestus. Sin contendemus per continuationem, brachio celeri, mobili uultu, acri aspectu utemur. Sin contentio fiet per distributionem, celeri porrectione brachij, inambulatione, pedis dextri rara suppositione, acri & defixo aspectu uti oportet. Sin utemur amplificatione per cohortationem, paulò tardiore & consideratione gestu conueniet uti: similibus ceteris rebus atq; in contentione per continuationem. Sin utemur amplificatione per conquestionem, scemineo plangore, & capitis ictu, nonnunquam sedato, & constanti gestu, mœsto & conturbato uultu uti oportebit. Non sum nescius, quantum susceperim negocij, qui motus corporis exprimere uerbis, & imitari scriptura conatus sum uoces. Verum nec hoc confisus sum posse fieri, ut de his rebus satis cōmodè scribi posset: nec si id fieri nō posset, hoc, quod fieri, fore inutile putabā, propterea quod  
hic ad



hic admonere uoluimus, quid oporteret: reliqua trademus exercitationi. Hoc tamen scire oportet, pronuntiationem bonā id perficere, ut res ex animo agi uideatur. Nunc ad thesaurum inuentorum, atq; omnium partium Rhetoricæ custodem memoriam transeamus.

MEMORIA (b) utrum habeat quiddam artificij, an omnis à natura proficiatur, aliud dicendi tempus magis idoneum dabitur. Nunc perinde atque constat in hac re multum ualere artem & præceptionem, ita de eare loquemur. Placet enim nobis esse artificium memorie: quare placeat, aliās ostendimus: in præsentia cuiusmodi sit ea, aperiemus. Sunt igitur duæ memorie: una naturalis, altera artificiosa. Naturalis est ea, quæ nostris animis insita est, & simul cum cogitatione nata. Artificiosa est ea, quam confirmat inductio quædam, & ratio præceptionis. Sed quia in cæteris rebus ingenij bonitas imitatur sæpe doctrinam: ars porro naturæ cōmoda confirmat & auget: ita fit in hac re, ut nōnunquā naturalis memoria, si cui data est egregia, similis sit huic artificiosæ. porro hæc artificiosa naturæ commoda retinet, & amplificat ratione doctrinæ. Quapropter et naturalis memoria præceptione confirmanda est, ut sit egregia: et hæc quæ doctrina datur, indiget ingenij. Nec hoc magis aut minus in hac re, quàm in cæteris artibus fit, ut ingenio, doctrina, præceptione, natura niteatur. Quare et illis qui natura memores sunt, uilis hæc erit institutio, quod tute paulò post poteris intelligere: & si illi freti ingenio, nostra præceptione non indigerent: tamen iusta causa daretur, quare ijs qui minus ingenij habent, adiumento uelimus esse. Nunc de artificiosa memoria loquemur. Constat igitur artificiosa



memoria ex locis, & imaginibus. Locos appellamus eos, qui breuiter, perfectè, insigniter aut natura aut manu sunt absoluti, ut eos facillè naturali memoria comprehendere & amplecti queamus: ut ædes, intercolumnium, angulum, fornicem, & alia quæ his similia sunt. Imagines sunt formæ quædam, & notæ, & simulachra eius rei quam meminisse uolumus: quod genus, equi, leones, aquilæ, quorū memoriā si uolumus habere, imagines eorum certis in locis collocare nos oportebit. Nunc cuiusmodi locos inuenire, & quo pacto reperire, & in locis imagines cōstituere oporteat, ostendemus. Quemadmodum igitur qui literas sciunt, possunt id quod dictum est scribere, & recitare quod scripserunt: ita qui <sup>per uocem</sup> uerba didicerunt, possunt quæ audierunt in locis collocare, & ex his memoriter pronunciare. Loci enim ceræ aut chartæ simillimi sunt, imagines literis, dispositio & collocatio imaginum scripturæ, pronunciatio lectioni. Oportet igitur, si uolumus multa meminisse, multos nobis locos comparare, ut in multis locis multas imagines collocare possimus. Item putamus oportere ex ordine hos locos habere, ne quando perturbatione ordinis impediamur, quò secius quoto quoque loco libebit, uel à superiore, uel ab inferiore, uel ab media parte imagines sequi, ea quæ mandata locis erunt, edere & proferre possimus. Nam ut, si in ordine stantes notos quāplures

22 (a) uiderimus, nihil nostra interfit, utrum à summo, an ab imo, an ab medio nomina eorum dicere incipiamus: item in locis ex ordine collocatis eueniet, ut in quamlibet partem quoto quoque loco libebit, imaginibus cōmoniti dicere possimus id quod locis mandauerimus. Quare placet & ex ordine locos comparare, & locos quos assum-



assumpserimus, egregiè commeditari oportebit: ut perpetuò nobis hæere possint. Nam imagines, sicut literæ delentur, ubi nihil illis utimur: loci tanquam cera remanere debent. Et ne fortè in numero locorum falli possimus, quintum quenq; locum placet notari: quod genus, si in quinto loco manū auream collocemus, & si in decimo aliquem notum, cui prænomen sit Decimo: deinde facile erit similes notas quinto quoq; loco collocare. Itè commodius est in derelicta, quàm in celebri regione locos comparare: propterea quòd frequentia & obambulatio hominum conturbat & infirmat imaginum notas. Solitudo conseruat integras simulachrorū figuras. Præterea dissimiles forma atq; natura loci cõparandi sunt, ut distinctè interlucere possint. nam si quis multa intercolumnia sumpserit, conturbabitur similitudine locorum, ut ignoret quid in quoquo loco collocarit. Et magnitudine modica, & mediocres locos haberi oportet, nam & præter modum ampliagias imagines reddunt, & nimis angusti sæpe nō uidentur posse capere imaginū collocationē. Tū nec nimis illustres, nec uehementer obscuros locos haberi oportet: ne aut obæcentur tenebris imagines, aut splendore præfulgeant. Interualla locorum mediocria placet esse ferè paulò plus aut minus pedum tricenum. nam ut aspectus, ita cogitatio minus ualet, siue nimis procul amoueris, siue uehementer propè admoueris id quod oportet uideri. Sed quàm facilè est ei qui paulò plura explorauerit, quamuis multos & idoneos locos comparare: tamen, si quis ad ista satis idoneos inuenire se non putabit, ipse sibi constituat quàm uolet multos licebit. Cogitatio enim quamuis regionem potest amplecti, & in ea situm loci cuiusdam ad



suum arbitrium fabricari, & architectari. Quare licet  
huius si hac prompta copia contenti non erimus, nosmet-  
ipsum nobis cogitatione nostra regionem constituere, &  
idoneorum locorum commodissimam distinctionem com-  
parare. De locis satis dictum est, nunc ad imaginum ra-  
tionem transeamus. Quoniam ergo rerum similes ima-  
gines esse oportet, & ex omnibus uerbis notas nobis si-  
militudines eligere debemus, duplices similitudines esse  
debent: una rerum, altera uerborum. Rerum similitudi-  
nes exprimuntur, cum summatim ipsorum negotiorum  
imagines comparamus. Verborum similitudines consti-  
tuuntur, cum uniuscuiusque nominis, & uocabuli (b) me-  
moriam imagine notatur. Rei totius memoriam saepe una  
nota, & imagine simplici comprehendemus, hoc mo-  
do. Ut si accusator dixerit, ab reo hominem ueneno ne-  
catum, & hereditatis causa factum arguerit, & eius rei  
multos dixerit testes & consocios esse. Si hoc primum, ut  
ad defendendum nobis expeditum sit, meminisse uolumus,  
in primo loco rei totius imaginem conformabimus. æ-  
grotum in lecto cubantem faciemus ipsum illum de quo  
agatur, si formam eius detinebimus: si eum non agnoue-  
rimus, aliquem ægrotum non de minimo loco sumemus,  
ut citò in mentem uenire possit, & reum ad lectum eius  
adstitemus, dextra poculū, sinistra tabulas, medico te-  
sticulos arietinos tenentem. Hoc modo et testium, et hæ-  
reditatis, & ueneno necati memoriā habere poterimus.  
Item deinceps cetera crimina ex ordine in locis pone-  
mus, & quotiescunque rem meminisse uolumus, si forma-  
rum dispositione & imaginum diligenti notatione ute-  
mur, facile ea quæ uolumus, memoria consequemur. Cū  
uerborū similitudines imaginibus exprimere uolumus,  
plus



plus negocij suscipimus, et magis ingenij nostrū exercēbimus. id nos hoc modo facere oportebit. iam domultionem reges Atride parant. in loco constituere oportet manus ad cœlum tollentē Domitium, cum à regibus Martijs loris cadatur. hoc erit, iam domultionem reges. In altero loco Aesopum, & Cimbrum subornare Iphigeniam, Agamemnonē, et Menelaum: hoc erit, Atride parant. hoc modo omnia uerba erunt expressa. Sed hæc imaginum conformatio tum ualet, si naturalem memoriam exuscitauerimus hac notatione: ut uersu posito, ipsi nobiscum primū transeamus bis aut ter eum uersum: deinde cū imaginibus uerba exprimamus: hoc modo naturæ suppediet doctrina. nam utraq; altera separata, minus erit firma: ita tamen, ut multo plus in doctrina atq; arte præsidij sit: quod docere non grauaremur, ni metueremus, ne cum ab instituto nostro recessissemus, minus commodè seruaretur hæc dilucida breuitas præceptionis. Nunc, quoniam solet accidere ut imagines partim firmæ & ad monendum idoneæ sint, partim imbecilles & infirmæ, quæ uix memoriam possint excitare, qua de causa utrunq; fiat, considerandum est: ut cognita causa, quas uitemus, & quas sequamur imagines, scire possimus. Docet igitur nos ipsa natura, quid oporteat fieri, nam si quas res in uita uidemus paruas, usitatas, quotidianas, eas meminisse nō solemus, propterea quod nulla nisi noua, aut admirabili re commouetur animus: at si quid uidemus aut audimus egregie turpe, aut honestum, inusitatum, magnum, incredibile, ridiculum, id diu meminisse consueuimus. Itemq; quas res ante ora uidemus, aut audimus, obliuiscimur (a) plerun-

23



pe: nec hoc alia de causa potest accidere, nisi quod usitata res facile è memoria elabuntur, insignes & nouæ manent diutius. Solis exortus, cursus, occasus, nemo admiratur, propterea quod quotidie fiunt: at eclipses solis mirantur, quia rarò accidunt: & solis eclipses magis mirantur quàm lunæ, quoniam hæ crebriores sunt. Docet ergo se natura uulgari & usitata re nò exuscitari, nouitate uerò & insigni quodam negotio commoueri. Imitetur igitur ars naturam: & quod ea desiderat, inueniet, si quod ostendit, sequatur. Nihil est enim quod aut natura extremum inuenerit, aut doctrina primum: sed rerum principia ab ingenio profecta sunt, & exitus disciplina comparantur. Imagines igitur nos in eo genere constituere oportebit, quod genus in memoria manere diutissimè potest, id accidet, si quàm maximè notas similitudines constituemus: si non mutas, nec uagas, sed aliquid agentes imagines ponemus: si egregiam pulchritudinem, aut unicam turpitudinem eis attribuemus: si aliqua re exornabimus, ut si coronis, aut ueste purpurea, quo nobis notior sit similitudo: aut si qua re deformabimus, ut si crucentam, aut cœno oblitam, aut rubrica delibutam inducamus, quò magis insignita sit forma: aut si ridiculas res aliquas imaginibus attribuamus. Nam ea res quoq; faciet, ut facilius meminisse possimus. nam quas res ueras facile meminimus, easdem fictas, & diligenter notatas meminisse non est difficile. Sed illud facere oportebit, ut identidem primos quosq; locos imaginum renouandarum causa celeriter animo percurramus. Scio plerosq; Græcos, qui de memoria scripserunt, fecisse, ut multorum uerborum imagines conscriberent: uti qui eas ediscere uellent, paratas haberent, ne quid in querendo consumerent.



merent opera: quorū rationem aliquot de causis impro-  
bamus. Primum, quod in uerborum innumerabiliū mul-  
titudine ridiculum sit mille uerborum imagines compa-  
rare. Quantulū enim potuerunt hęc ualere, cū ex in-  
finita uerborum copia modō aliud, modō aliud nos uer-  
bum meminisse oportebit? Deinde, cur uolumus ab indu-  
stria quenquam remouere, ut ne quid ipse quærat, cū  
nos illi omnia parata quæ sitaq; tradamus? Præterea si  
multitudine alia alius magis cōmouetur. nam, ut sæpe for-  
mam si quam similem cuiuspiam dixerimus esse, non om-  
nes habemus assensores, quod alij uidetur aliud: ita fit in  
imaginibus, ut quæ nobis diligenter notæ sint, eæ parum  
uideantur insignes alijs. Quare sibi quęq; suo commo-  
do conuenit imagines comparare: Postremo, præcepto-  
ris est docere, quemadmodum quæri quidq; conueniat,  
aut unum aliquod, aut alterum, non omnia, quæ eius ge-  
neris erunt, exempli causa subiungere, quo res possit (b)  
esse dilucidior. ut cū de proœmijs quærendis disputa-  
mus, rationē damus quærendi, non mille proœmiorum  
genera conscribimus: ita arbitramur de imaginibus fieri  
conuenire. Nunc, ne fortē uerborum memoriam aut ni-  
mis difficilem, aut parum utilem arbitreris, & ipsarum  
memoria rerum contentus sis, quod & utiliores sint, &  
plus habeant facilitatis: admonendus es, quare uerborū  
memoriam non improbemus. Nam putamus oportere  
eos, qui uelint res faciliores sine labore & molestia fa-  
cilē meminisse, in rebus difficilioribus esse antē exercita-  
tos. Nec nos hanc uerborum memoriam inductimus, ut  
uersus meminisse possimus: sed ut hac exercitatione illa  
rerum memoria, quæ pertinet ad utilitatem, confirme-  
tur: ut ab hac difficili consuetudine sine labore ad illam



facilitatem transire possimus. Sed cum in omni disciplina infirma est artis præceptio, sine summa assiduitate exercitationis: tum uerò in mnemonicis minimum ualet doctrina, nisi industria, studio, labore, diligentia cōprobetur: quàm plurimos locos ut habeas, et quàm maximè ad præcepta accommodatos, curare debebis. In imaginibus collocandis exerceri quotidie conueniet. nō enim, sicut in cæteris studijs abducimur nonnunquā occupatione, ita ab hac re nos potest causa deducere aliqua. Nūquam est enim, quin aliquid memoriæ tradere uelimus, et tum maximè, cum aliquo maiore negotio detinemur. Quare cum sit utile, faciliè meminisse, non te fallit, quod tantopere utile sit, quanto labore sit appetendum: quod poteris existimare, utilitate cognita. Pluribus uerbis ad eam te hortari non est sententia: ne aut tu nostro, aut nos tuo studio dissidere, aut minus quàm res postulat dixisse uideamur. De quinta parte Rhetoricæ deinceps dicemus. tu primas quasque partes in animo frequenta: et quod maximè necesse est, exercitatione confirma.

RHETORICORVM AD C. HERENNIVM. Liber IIII.



Quoniam in hoc libro C. Herenni de elocutione conscripsimus, et quibus in rebus opus fuit exemplis uti, nostris exemplis usi sumus, et id fecimus præter consuetudinem Græcorum, qui de hac re scripserunt: necessariò faciendū est, ut paucis rationē nostri consilij demus. Atque hoc nos necessitudine facere, nō studio, satis erit signi: quod in superioribus libris nihil neque ante rem, neque præter rem locuti sumus. Nunc, si pauca  
 24. quæ res postulat, dixerimus, tibi id quod reliquū (a) est  
 artis,



artis, ita uti instituiamus, persoluamus. Sed facilius nostrā rationem intelliges, si prius quid illi dicant cognoueris. Cōpluribus de causis putant oportere, cū ipsi praeceperint, quo pacto oporteat ornare elocutionē, uniuscuiusq; generis ab oratore aut poēta probato sumptum ponere exemplū. Et primū se id modestia cōmotos facere dicūt, propterea quod uideatur esse ostentatio quaedā, non satis habere praecipere de artificio: sed ipsos etiam uideri uelle artificiosē gignere exemplum: hoc est, inquit, ostentare se, non artem ostendere. Quare pudor in primis est ad eam rem impedimēto, ne nos solos probare, nos amare, alios contemnere & deridere uideamur. Etenim, cū possumus ab Ennio sumptum, aut à Graccho ponere exemplū, uidetur esse arrogantia; illa relinquere, & ad sua deuenire. Præterea, exempla testimoniorum locum obtinent. Id enim, quod ammonuerit, & leuiter fecerit præceptio, exemplo, sicut testimonio cōprobatur. Non igitur ridiculus sit, si quis in lite, aut in iudicio domestico pugnet, et sui ipsius testimonio abutatur? ut enim testimonium, sic exemplum rei confirmandæ causa sumitur. Non ergo oportet hoc, nisi à probatissimo sumi: ne quod aliud confirmare debeat, egeat ipsum confirmatio nis. etenim necesse est, aut se omnibus antepoñant, et sua maximè probent: aut negent optima esse exempla, quæ à probatissimis oratoribus aut poētis sumpta sunt. Si se omnibus antepoñant, intolerabili arrogantia sunt; si quos sibi proponant, & eorum exempla suis exemplis non putent præstare, non possunt dicere, quare sibi illos antepoñāt. Quid igitur ipsa authoritas antiquorū? Nā tū res probabiliores, tum hominū studia ad imitandū alacriora reddit. imò erigit omnium cupiditates, & acuit



industriam, cum spes iniecta est posse imitando Gracchi aut Crassi consequi facultatem. Postremo hoc ipsum est summum artificium, res varias & dispares in tot poematibus & orationibus sparsas, & uagè disiectas, ita diligenter eligere, ut unumquodque genus exemplorum sub singulos artis locos subijcere possis. Hoc si industria solum fieri posset, tamen essemus laudandi, cum talem laborem non fugissemus. nunc uerò sine summo artificio non potest fieri. Quis est enim qui non, cum summe teneat artem, possit ea quæ iubeat ars, de tanta & tam diffusa scriptura notare, & separare? Ceteri, cum legunt orationes bonas, aut poemata, probant oratores & poetas, neque intelligunt quare commoti probent: quod scire non possunt ubi sit, nec quid sit, nec quomodo factum sit id, quod eos maxime delectet. At is qui & hæc omnia intelligit, & idonea maxime eligit, & omnia in arte maxime scribenda, redigit in singulas (b) rationes præceptionis, necesse est eius rei summus artifex sit. Hoc igitur ipsum maximum artificium est, in arte sua posse & alienis exemplis uti. Hæc illi cum dicunt, magis nos autoritate sua commouent, quam ueritate disputationis. Illud enim ueremur, ne cui satis sit ad contrariam rationem probandam, quod ab ea steterint ij qui & inuentores huius artificij fuerunt, & uetustate iam satis omnibus probati sunt. Quod si illorum autoritate remota, res omnes uolent cum re comparare, intelligent non omnia esse concedenda antiquitati. Primum igitur quod ab eis modestia dicitur, uideamus ne nimium inutiliter & pueriliter proferatur. Nam si tacere, & nihil scribere modestia est: cur quicquam scribunt, aut loquuntur? Sin aliquid suum scribunt, cur quo secius omnia



tia scribant, impediuntur modestia? Quasi si quis ad  
 Olympicum uenerit cursum, & steterit, ut mittatur,  
 impudentisq; illos dicat esse, qui currere coeperint, ip-  
 se intra carcerem stet, & narret alijs quomodo Ladæ,  
 aut Boiæ cum Sicyonijs cursitarit. Sic isti, cum in artis  
 curriculum descenderunt, illos qui in eo, quod est arti-  
 ficij, elaborent, aiunt facere immodestè: ipsi aliquem an-  
 tiqum oratorem, aut poetam laudant, aut scripturam,  
 sic ut in stadium Rhetoricæ artis prodire non audeant.  
 Non ausim dicere, sed tamen uereor, ne qua in re lau-  
 dem modestiæ uenentur, in ea ipsa re sint impudentes.  
 Quid enim tibi uis, aliquis inquiet? artem tuam scribis:  
 gignis nobis nouas præceptiones: eas ipse confirmare nō  
 potes; ab alijs exempla sumis: uide ne facias impudētē,  
 qui tuo nomini uelis ex aliorū laboribus libare laudem.  
 Nam, si eorum uolumina prehenderint antiqui orato-  
 res & poëtæ, & suum quisq; de libris suis tulerint: ni-  
 hil istis, quod suū uelint, relinquetur. At exempla, quo-  
 niam testimoniorum similia sunt, item conuenit ut testi-  
 monia ab hominibus probatissimis sumi. Primum om-  
 nium exempla ponuntur hic non confirmandi, neq; te-  
 stificandi causa, sed demonstrandi. Non enim, cum dici-  
 mus esse exornationem, quæ uerbi causa constet ex simi-  
 liter desinentibus uerbis, & ponimus hoc exemplum à  
 Crasso, quod possumus & debemus, testimonium collo-  
 camus, sed exemplum. Hoc igitur interest inter exem-  
 plum & testimonium. Exemplo demonstratur id, quod  
 dicimus cuiusmodi sit. Testimonio, esse illud ita, ut nos di-  
 cimus, confirmatur. Præterea oportet testimonium cum  
 re conuenire. aliter enim rem non potest confirmare. at  
 id quod illi faciunt, cum re nō conuenit. Quid ita? quia  
 pollicent-



pollicentur artem se scribere, & exempla proferunt ab  
 ijs plerunq; qui artem nescierunt: tum quis est, qui pos-  
 sit id, quod de arte scripserit, comprobare? nisi aliquid  
 scribat ex arte. Contraq; faciunt, quàm polliceri uiden-  
 25 tur. nam cum (a) scribere artem instituunt, uidentur di-  
 cere se excogitasse, quod alios docerent: cum uerò scri-  
 bunt, ostendunt nobis quid alij excogitarint. At hoc ip-  
 sum est difficile, inquiunt, eligere de multis. quid dicitis  
 difficile? utrum laboriosum, an artificiosum? Si laborio-  
 sum, non statim præclarum. Sunt enim multa laborio-  
 sa, quæ si faciatis, non continuò gloriemini: nisi etiã,  
 si uestra manu fabulas aut orationes totas transcripse-  
 setis, gloriosum putaretis. sin autem istud, artificium e-  
 gregium dicitis: uidete, ne insueti rerum maiorum uide-  
 amini, si uos parua res sicuti magna delectat. Nam isto  
 modo eligere rudis quidem nemo potest: sed sine sum-  
 mo artificio multi. Quisquis enim audierit de arte pau-  
 lò plus, in elocutione præsertim, omnia uidere poterit,  
 quæ ex arte dicuntur: facere nemo poterit, nisi eruditus.  
 Ita ut, si de tragœdijs Ennij uelis sententias eligere, aut  
 de Pacuuianis periodos: sed quia planè rudis id facere  
 nemo poterit, cum feceris, te literatissimum putes, ine-  
 ptus sis: propterea quod id facile faciat quiuis mediocri-  
 ter literatus. Item si cum ex orationibus aut poemati-  
 bus elegeris exempla, quæ certis signis artificij notata  
 sunt, quia rudis id nemo facere possit, artificiosissimè te  
 fecisse putes, erras: propterea quod isto signo uidemus  
 te nonnihil eius scire, alijs signis te scire multa intelligen-  
 mus. Quod si artificiosum est intelligere, quæ sunt ex  
 arte scripta: multò est artificiosius ipsum scribere ex ar-  
 te. qui enim scribit artificiosè, ab alijs commodè scripta,  
 faciliè



facile intelligere poterit: qui eliget facile, non continuo ipse commodè scribit: & si est maxime artificiosum, alio tempore utantur ea facultate, non tum, cum parere ipsi & gignere & proferre debent. Postremo in eo um artificij consumant, ut ipsi ab alijs potius eligendi, quàm aliorum boni electores existimentur: contra ea, quæ ab ijs dicuntur, qui dicunt alienis se exemplis uti oportere, satis est dictum. Nunc quæ separatim dici possint, consideremus. Dicimus ergo eos omnes, ideo quod alienis utantur, peccare: tum etiam magis delinquere, quod à multis exempla sumant, et de eo quod postea diximus, antè uideamus. Si concederem aliena oportere assumere exempla, uincerè unius oportere. Primum, quod contra hoc nulla staret eorum ratio. liceret enim eligerent, & probarent quemlibet, qui sibi in omnes res suppedi- taret exempla, uel poëtam, uel oratorem, cuius auctori- tate niterentur. Deinde interest magni eius qui discere uult, utrum unum omnia, an omnia neminem, sed aliud alium putet cōsequi posse. Si enim putabit posse omnia penes unū consistere, ipse quoq; ad omnium nitetur fa- cultatem: si id desperarit, in paucis se exercebit, ipsis en- tiam contentus erit: nec mirum, cum ipse præceptor ar- tis omnia penes unum (b) reperire non potuerit. allatis igitur exemplis à Catone, à Gracchis, à Lælio, à Scipio- ne, Galba, Porcina, Crasso, Antonio, cæterisq; itē sum- ptis alijs à poëtis, et historiarum scriptoribus, necesse e- rit eū qui discet, ab omnibus putare omnia, ab uno pau- ca uix potuisse sumi. Quare si unius alicuius esse similè satis habebit, omnia quæ omnes habuerint, solum habe- re se posse diffidet. ergo inutile est ei qui discere uult, putare non unum omnia posse. Igitur nemo in hanc in- cideret



cideret opinionē, si ab uno exēpla sumpsissent. nunc hoc signi est ipsos artis scriptores non putasse, unum potuisse in omnibus elocutionis partibus emere: quoniam neque sua protulerunt, neque unius alicuius, aut denique duorum, sed ab omnibus oratoribus et poetis exempla sumpserunt. Deinde si quis uelit artem demonstrare, nihil prodesse ad discendum: non male utatur hoc adiumento, quod unus omnes artis partes consequi nemo potuerit. Quod igitur iuuat horum rationem, qui omnino improbant artem, id non ridiculum est, ipsum scriptorem artis suo iudicio comprobare? ergo ab uno sumenda fuisse docuimus exempla, si semper aliunde sumerentur. Nunc omnino aliunde sic intelligemus sumenda non fuisse. Primum omnium, quod ab artis scriptore affertur exemplum, de eius artificio debet esse, non, ut si quis purpuram, aut aliud quippiam uendens, dicat, Sume à me: sed huius exemplū aliunde rogabo, tibiq; ostendam. Si merces ipsi qui uenditant, aliunde exemplum queritent aliud mercis, acervos se dicant tritici habere, et eorum exemplum pugno non habeant, quod ostendant. Si Triptolemus, cum omnibus semen largiretur, ipse ab alijs hominibus id mutaretur: aut si Prometheus, cum mortalibus ignem diuidere uellet, ipse à uicinis cum testabulans, carbunculos corrogaret, non ridiculum uideretur? Isti magistri omnium dicendi preceptores, non uidentur sibi ridiculū facere, cum id quod alijs pollicentur, ab alijs querunt. Si, qui se fontes maximos penitus absconditos aperuisse dicat, et hæc sitiens quā maxime loquatur, neque habeat quo sitim sedet, non irrideatur? Isti, cum non modò dominos se fontium, sed se ipsos fontes esse dicant, et omnium rigare debeant ingenia,



non putant fore ridiculum, si cum id polliceantur alijs, arescant ipsi siccitate? Chares à Lysippo statuas facere non isto modo didicit: ut Lysippus caput ostenderet Mironis, brachia Praxitelis, pectus Polycleti: sed omnia coràm magistrum facientem uidebat, cæterorum opera uel sua sponte considerare poterat. Isti credunt eos qui hæc uelint discere, alia ratione doceri posse cōmodius. Præterea, nec possunt quidem ea quæ sumuntur ab alijs exempla, tam esse accommodata ad artem, (a) quàm 26 propria: propterea quòd in dicendo leuiter unusquisque locus plerunq; tangitur, ne ars appareat. In præcipiendo, expressè conscripta ponere oportet exempla, ut in artis formam conuenire possint: & post in dicendo, ne possit ars eminere, et ab omnibus uideri, facultate oratoris occultatur. Ergo etiam, ut magis ars cognoscatur, suis exemplis melius est uti. Postremò hæc quoque res duxit nos ad hanc rationem, quod nomina rerum Græca, quæ conuertimus, ea remota sunt à consuetudine. Quæ enim res apud nostros non erant, earum rerum nomina non poterant esse usitata. Ergo hæc asperiora primò uideantur necesse est: idque fiet rei, non nostra difficultate. Reliquum scripturæ consumetur in exemplis. hæc aliena si posuissimus, factum esset, ut quod commodius esset in hoc libro, id nostrum non esset: quod asperius, & inusitatum, id propriè nobis attribueretur. Ergo hanc quoque incommoditatem fugimus. His de causis, cum artis inuentionem Græcorum probassimus, exemplorum rationem secuti non sumus. Nunc tempus postulat, ut ad elocutionis præcepta transeamus. Bipartita erit igitur uobis elocutionis præceptio. Primum dicemus, quibus in generibus semper omnis oratoria elocutio debeat esse.



esse. deinde ostendemus, quas res semper habere debeat.

SVNT igitur tria genera, quæ nos figuras appellamus, in quibus omnis oratio nõ vitiosa consumitur: unã grauem, alteram mediocrem, tertiam extenuatam uocamus. Grauis est, quæ constat ex uerborũ grauiũ magna & ornata constructione. Mediocris est, quæ constat ex humiliore, neq; tamẽ ex infima et peruulgatissima uerborum dignitate. Attenuata est, quæ demissa est usq; ad usitatissimam puri consuetudinẽ sermonis. In graui consumetur oratio figura, si, quæ cuiusq; rei poterũt ornatisissima uerba reperiri, siue propria, siue translata, ad uanamquãq; rem accommodabuntur: & si graues sententiae, quæ in amplificatione & cõmiseratione tractantur, eligentur: & si exornationes sententiarum aut uerborum, quæ grauitatem habebũt, de quibus post dicemus, adhibebuntur. In hoc genere figuræ erit hoc exemplũ. Nam quis est uestrũ, iudices, qui satis idoneam possit in eum pœnam excogitare, qui proderet hostibus patriã cogitarit: quod maleficio cum hoc scelere comparari, quod huic maleficio dignum supplicium potest inueniri? In ijs qui uiolassent ingenuam, matrem familiã constuprassent, pulsassent aliquem, aut postremò necassent, maxima supplicia maiores nostri consumpserunt: huic truculentissimo ac nefario facinori singularem poenam nõ reliquerunt. Atq; (b) in alijs maleficijs ad singulos, aut ad paucos ex alieno peccato iniuria peruenit. huius sceleris qui sunt affines, uno consilio uniuersis ciuibus atrocissimas calamitates machinantur. O feros animos: ô crueles cogitationes: ô derelictos ab humanitate homines. Quid agere ausi sunt, aut cogitare potuerunt? Quo pacto hostes reuulsis maiorum sepulchris, deiectis

moenibus,



moenibus, ouantes irruerent in ciuitatem? quomodo deum spoliatis templis, optimatibus trucidatis, alijs arreptis in seruitutem, matribus familiâs & ingenuis sub hostilem libidinem subiectis, urbs acerbissimo concidat incendio conflagrata? qui se non putant id quod uoluerint ad exitum perduxisse, nisi sanctissimæ patriæ miserandum scelerati uiderint cinerem? Nequeo uerbis consequi, iudices, indignitatem rei: sed negligentius id fero, quia uos mei non indigetis. Vester enim uos animus amatissimus reip. facile edocet, ut cum qui fortunas omnium uoluerit prodere, præcipit perturbetis ex ea ciuitate, quam iste spurcissimorum hostium dominatu nefario uoluerit obruere. In mediocri figura uersabitur oratio, si hæc, ut antè dixi, aliquantulum demiserimus: neq; tamen ad infirmum descenderimus, sic. Quibus cum bellum gerimus, iudices, uidetis, cum socijs, qui pro nobis pugnare, & imperium nostrum nobiscum simul uirtute & industria conseruare soliti sunt. Hi cum se, & opes suas, & copiam necessariorum norunt: tum uerò nihilominus propter propinquitatem & omnium rerum societatem, quid in omnibus rebus populus Romanus posset, scire & æstimare poterant. Hi, cum deliberassent nobiscum bellum gerere, quæso quæ res erat, qua freti, bellum suscipere conarentur? cum multo maximam sociorum partem in officio manere intelligerent: cum sibi non multitudinē militum, non idoneos imperatores, non pecuniam publicam præstò esse uiderent: non deniq; ullam rem, quæ res pertinet ad bellum administrandum. Si cum finitimis de finibus bellum gererent, si totum certamen in uno prælio positum putarent: tamen omnibus rebus instructiores ac paratiores uenirent, nedum illud



imperium orbis terræ, cui imperio omnes gentes, reges, nationes, partim ui, partim uoluntate cōsenferunt, cum aut armis, aut liberalitate à populo Rom. superati essent, ad se transferre tantulis uiribus conarentur. Quæret aliquis: Quid Fregellani non sua spontè conati sunt? Eò quidem minus isti faciliè conarentur, quò illi, quem admodum descissent, uidebant. Nam rerum imperiti, qui uniuscuiusq; rei de rebus antè gestis exempla petere non possunt, ij per imprudentiam faciliè deducuntur in fraudem. at ij qui sciunt quid alijs acciderit, faciliè ex aliorum euentibus suis rationibus possunt providere.

27 Nulla (a) igitur re inducti, nulla spe freti arma sustulerunt? Quis hoc credat, tantam auerentiam quenquam tenuisse, ut imperium populi Romani tentare auderet nullis copijs fretus? Ergo aliquid fuisse necesse est. quid aliud, nisi id quod dico, potest esse? In attenuato figuræ genere, quod ad infimum et quotidianum sermonem demissum est, hoc erit exemplum: Nam, ut fortè hic in balneas uenit, cœpit, postquam persusus est, defricari: deinde, ubi uisum ut in alueum descenderet, ecce ibi iste de transuerso: Heus, inquit, adotescens, pueri tui modò me pulsauerunt, satisfacias oportet. Hic, qui id ætatis ab ignoto præter consuetudinem appellatus esset, erubuit. Iste clarius eadem, & alia dicere cœpit. Hic uix tandem inquit: Sine me considerare. Tū uero iste cœpit uoce clamare ista, quæ faciliè cuius rubores eicere posset: ita petulans es atq; acer, ut ne ad solarium quidè idoneus, ut mihi uidetur, sed penes scenam & in eiusmodi locis exercitus sis? Conturbatus est adolescens. nec mirum, cui etiam nunc pædagogi lites ad auriculas uersarentur, imperito eiusmodi conuiciorum. Vbi enim iste uidisset

scurrans



*seurram exhausto rubore, qui se putaret nihil habere quod de existimatione perderet, ut omnia sine fame detrimento facere posset: Igitur genera figurarum ex ipsis exemplis intelligi poterunt. Erit enim et attenuata uerborum constructio quaedam, & item alia in grauitate, alia posita in mediocritate. Est autem cauendum, ne dum hæc genera conspectemur, in finitima & propinqua uitia ueniamus. Nam graui figura, quæ laudanda est, propinqua est ea quæ fugienda est: quæ rectè uidetur appellari, si sufflata nominabitur. Nam ita, ut corporis bonam habitudinem tumor imitatur sæpe: ita grauis oratio sæpe imperitis uidetur ea, quæ turget & inflata est: cum aut nouis, aut priscis uerbis, aut duriter aliunde translatis, aut grauioribus quàm res postulat, aliquid dicitur, hoc modo: Nam qui perduellionibus uendit patriam, non satis supplicij dederit, si præceps in Neptunias depultus erit lacunas. Pœnitet igitur istum qui montes belli fabricatus est, campos sustulit pacis. In hoc genus plerique cum declinassent, & ab eo quò profecti sunt aberrauerunt, & specie grauitatis falluntur, nec prospicere possunt orationis tumorem. Qui in medio genus orationis profecti sunt, si peruenire eò non potuerunt, errantes perueniunt ad consine genus eius generis, quod appellamus fluctuans et dissolutum: eò quòd sine neruis & articulis fluctuat huc & illuc, nec potest confirmare, nec uiriliter sese expedire. Id est huiusmodi: Socij nostri cum belligerare nobiscum uellent, profectò ratiocinati essent etiam atque etiam, quid possent facere, siquidem (b) sua sponte facerent, & non haberent hinc adiutores multos, & malos homines, & audaces. Solent enim diu cogitare omnes, qui magna negocia uo-*



lunt agere. Nō potest huiusmodi sermo tenere attentum  
 auditorem. diffuit enim totus, neq; quicquam compre-  
 hendens perfectis uerbis amplectitur. Qui non possunt  
 in illa facetissima uerborum attenuatōe commodē uer-  
 sari, ueniunt ad aridum & exangue genus orationis,  
 quod nō alienum est Exile nominari: cuiusmodi est hoc.  
 Nam istic ad balneas accessit: ad hunc postea dixit: hic  
 tuus seruus me pulsauit. postea dixit hic illi, Considera-  
 bo: post ille conuicium fecit, & magis magisq; præsenti-  
 bus multis clamauit. Friuolus hic quidem iam, & illi-  
 beralis est sermo: non enim adeptus est id quod habet at-  
 tenuata figura puris uerbis & electis compositam ora-  
 tionem. Omne genus orationis, & graue, & medio-  
 cre, & attenuatum dignitate efficiunt exornationes, de  
 quibus post loquemur: quæ si raræ disponentur, distin-  
 ctam sicuti coloribus: si crebræ collocabuntur, oblitam  
 reddunt orationem. Sed figuram in dicendo commutari  
 oportet, ut grauem mediocrem, mediocrem excipiat atte-  
 nuata. Deinde identidem cōmutentur, ut faciliē facietas  
 uarietate uitetur. QVONIAM quibus in generibus  
 elocutio uersari debeat, dictum est: uideamus nunc, quas  
 res debeat habere elocutio commoda & perfecta. Quæ  
 maximē admodum oratori accommodata est, treis res in  
 se debet habere: elegantiam, cōpositionem, dignitatem.  
 ELEGANTIA est, quæ facit, ut unumquodq; purē  
 et aperte dici uideatur. Hæc distribuitur in Latinitatem  
 & Explanationem. Latinitas est, quæ sermonem pu-  
 rum conseruat, ab omni uitio remotum. Vitia in sermo-  
 ne, quo minus is Latine sit, duo possunt esse: Solæcismus  
 & Barbarismus. Solæcismus est; cū uerbis pluribus  
 consequens uerbum superiori non accommodatur. Bar-  
 barismus



Barissimus est, cum uerbum aliquo uitio se effertur. Hæc  
 qua ratione uitare possumus, in arte Grammatica dilu-  
 cidè discemus. Explanatio est, qua redit aperiam &  
 dilucidam orationem. ea comparatur duabus rebus: u-  
 sitatis uerbis, & proprijs. Usitata sunt ea, quæ uersan-  
 tur in sermone & consuetudine quotidiana. Propria,  
 quæ eius rei uerba sunt, aut esse possunt, quæ de loque-  
 mur. COMPOSITIO est uerborum constructio,  
 quæ facit omneis parteis orationis æqualiter perpoli-  
 tas. ea conseruabitur, si fugiemus crebras uocalium con-  
 cursionones, quæ uastam atq; hiantem orationem redunt.  
 ut hoc est: Baccæ enee amoenissimæ impendebant. Et si  
 uitabimus eiusdem literæ nimiam assiduitatem, cui ui-  
 tio uersus hic erit exemplo: (nam hic nihil prohibet in  
 uitijs, alienis exemplis (a) uti:) O Tite tute Tati tibi 28  
 tanta tyranne tulisti. & hic eiusdem poetæ. Quicquam  
 quisquam, cuiquam quod cõueniat, neget. Et si eiusdem  
 uerbi assiduitatem nimiam fugiemus. ea est huiusmodi:  
 Nam cuius rationis ratio non extet, ei rationi ratio non  
 est fidem habere. Et si non utemur continenter simili-  
 ter cadentibus uerbis, hoc modo: Flentes, plorantes, la-  
 chrymantes, obtestantes. Et si uerborum transiectionem  
 uitabimus, nisi quæ erit concinna: quæ de re postertius  
 loquemur. quo in uitio est Lucilius assiduus, ut hoc est  
 in priore libro: Has res ad te scriptas Luci misimus Aeli.  
 Item fugere oportet longam uerborum continuationem,  
 quæ & auditoris aures, & oratoris spiritum lædit. His  
 uitijs in compositione uitatis, reliquum operis consu-  
 mendum est in dignitate. DIGNITAS est, quæ red-  
 dit ornatam orationem, uarietate distinguens. hæc &  
 in uerborum & sententiarum exornationem diuiditur.



Verborum exornatio est, quæ ipsius sermonis insignita continetur perpolitione. Sententiarum exornatio est, quæ non in uerbis, sed in ipsis rebus quandam habet dignitatē. REPETITIO est, cum continenter ab uno atq; eodem uerbo in rebus similibus & diuersis, principia sumuntur, hoc modo: Vobis istud attribuendum est, uobis gratia habenda, uobis res ista erit honori. Item: Scipio Numantiam sustulit, Scipio Carthaginē deleuit, Scipio pacem peperit, Scipio ciuitatem seruauit. Item: Tu in forum prodire, tu lucē conspicere, tu in horū conspectum uenire conaris: audes uerbū facere, audes quicquam ab istis petere, audes supplicium deprecari? Quid est quod possis defendere? quid est quod audeas postulare? quid est quod tibi putes concedi oportere? Nō iusurandum reliquisti? non amicos prodidisti? non parenti manus intulisti? non deniq; in omni dedecore uolutatus es? Hæc exornatio cum multum uenustatis habet, tum grauitatis & acrimonie plurimum. Quare uidetur esse adhibenda & ad exornandam, & ad augendam orationem. CONVERSIO est, per quam non ut antè primum repetimus uerbum, sed ad postremum continenter reuertimur, hoc modo: Pœnos populus Romanus iusticia uicit, armis uicit, liberalitate uicit. Item: Ex quo tempore concordia de ciuitate sublata est, libertas sublata est, fides sublata est, amicitia sublata est. Item: C. Lælius homo nouus erat, ingeniosus erat, doctus erat, bonis uiris & studiosis amicus erat: ergo in ciuitate primus erat. Item: Nam cum istos ut absoluant terogas, ut peierent rogas, ut existimationem negligant rogas, ut leges populi Rom. tuæ libidini largiantur rogas. COMPLEXIO est, quæ utramque comple-

Futur



Fitur exornationem, & (b) hanc, & quam antè exposuimus, ut & repetatur idem primum uerbum sepius, & crebrò ad idem postremum reuertamur, hoc modo: Qui sunt qui fœdera sepe ruperunt? Carthaginenses. qui sunt qui crudele bellum in Italia gesserunt? Carthaginenses. qui sunt qui Italiam deformauerunt? Carthaginenses. qui sunt qui sibi postulant ignosci? Carthaginenses. uidete ergo, quid cõueniat eos impetrare. Item: Quẽ senatus damnarit, quẽ populus Rom. damnarit, quẽ omnium existimatio damnarit, cũ uos sententijs uestris absoluetis? TRADUCTIO est, quæ facit, ut cùm idem uerbum crebrius ponatur, non modò non offendat animũ sed etiam cõcinniorẽ orationẽ reddat, hoc pacto: Qui nihil habet in uita iucundius uita, is cũ uirtute uitam nõ potest colere. Item: Eum tu hominem appellas, qui si fuisset homo, nunquã tam crudeliter uitam hominis petisset: at erat inimicus, ergo inimicũ sic ulcisci uoluit, ut ipse sibi reperiretur inimicus. Itẽ: Diuitias sine diuitũ esse, tu uerò uirtutem præfer diuitijs. nam si uoles diuitias cũ uirtute cõparare, uix satis idoneæ tibi uidebuntur diuitiæ, quæ uirtutis pedisse quæ sint. Ex eodem genere est exornationis, cùm idem uerbum modò ponitur in hac, modò in altera re, hoc modo: Cur eam rem tam studiose curas, quæ multas tibi dabit curas? Item: Ameri iucundũ est, si curetur, ne quid insit amari. Item: Veniam ad uos, si mihi senatus det ueniam. In his quatuor generibus exornationum quæ adhuc propositæ sunt, non inopia uerborum fit, ut ad idem uerbum redeatur sepius: sed in festiuitas quædam, quæ facilius auribus disjudicari quàm uerbis demonstrari potest. CONTENTIO est, cùm ex contrarijs uerbis oratio conficitur, hoc pacto:



Habet assentatio iucunda principia: eadem exitus amarissimos affert. Item, inimicis te placabilem, amicis inexorabilem præbes. Item, in ocio tumultuarius, in tumultu solus es octosus. In re frigidissima cales, in feruentissima friges. Tacito cum opus est, clamas: cum loqui conuenit, obmutescis. Ades, abesse uis: abes, reuerti cupis. In pace bellum queritas: in bello pacem desideras. In concione de uirtute loqueris: in prælio per ignauiam tubæ sonitum perferre non potes. Hoc genere si distinguemus orationem, et ornati, et graues poterimus esse. EXCLAMATIO est, quæ conficit significationem doloris, aut indignationis alicuius, per hominis, aut urbis, aut loci, aut rei cuiuspiam compellationem, hoc modo: Tenunc alloquor Africane, cuius mortui quoque non men splendori ac decori est ciuitati. Tui clarissimi nepotes, suo sanguine abluerunt inimicorum crudelitatem. Item: O perfidiosa Fregella, quam facile scelere uestro contabuisistis: ut cuius nitor urbis (a) Italiam nuper illustrauit, eius nunc uix fundamentorum reliquæ maneant. Item, Bonorum insidatores latrocinio uitam innocentissimi cuiusque petistis: tantam ne ex iniquitate iudiciorum uestris calumnijs assumitis facultatem? Hac exclamatio ne si loco utemur, et raro, et cum rei magnitudo postulare uidebitur, ad quam uolumus indignationem animum auditoris adducemus. INTERROGATIO non omnis grauis est, neque concinna: sed hæc, quæ, cum enumerata sunt ea quæ obsunt causæ aduersariorum, confirmat superiorem orationem, hoc pacto. Cum igitur hæc omnia faceres, diceres, administrares, utrum animos sociorum ab re publica remouebas, et alienabas? an non? et utrum ne aliquem exornari oportuit, qui ista prohiberet, ac fieri non



non sinneret? an non? RATIO CINATIO est, per quam nos ipsi à nobis rationem poscimus, quare quidq; dicamus: et crebrò nosmet à nobis petimus uniuscuiusq; propositionis explanationem. Ea est huiusmodi. Maiores nostri, si quam unius peccati mulierem damnabant, simplici iudicio multorum maleficiorum conuictam putabant. Quo pacto? Quoniam, quam impudicam iudicabant, eam ueneficij quoq; damnatā existimabant. Quid ita? Quia necesse est eā quā suum corpus addiderit turpissime cupiditati, timere permultos. Quos istos? Virū, parentes, ceteros, ad quos uidet sui dedecoris infamiam pertinere. Quid postea? Quos tantopere timeat, eos necesse est ut quoquo modo possit, ueneficio petat. Cur? Quia nulla potest honesta ratio retinere eam, quam magnitudo peccati facit timidam, intemperantia audacem, natura muliebris inconsideratam. Quid ueneficij damnatam? quid? putabant impudicam quoque necessario. Quare? Quia nulla facilius ad id maleficij causa, quā turpis amor & intemperans libido commouere potuit: cum cuius animus mulieris esset corruptus, eius corpus castum esse non putarint. Quid in uiris? idem ne hoc obseruabant? Minime. Quid ita? Quia uiros ad unū quodque maleficium singulae cupiditates impellunt: mulieres ad omnia maleficia cupiditas una ducit. Item, Bene maiores nostri hoc comparauerunt, ut neminem regem, quem armis cepissent, uita priuarent. Quid ita? Quia quam nobis facultatem fortuna dedisset, iniquum erat in eorum supplicio consumere, quos eadem fortuna paulò antè in amplissimo statu collocarat. Quid quod exercitū contrā duxit? Desino meminisse. Quid ita? Quia uiri fortis est, qui de uictoria contendant, eos hostes putare:



qui uicti sunt, eos homines iudicare: ut possit bellum fortitudo minuere, pacem humanitas augere. & ille si uicisset, num idem fecisset: nō profecto tam sapiens fuisset. Quid igitur ei parcis? quia talem (b) stulticiam cōtemnere, non imitari consueui. Hæc exornatio ad sermonem uehementer accommodata est, & animum auditoris reddit attentum, tum uenustate sermonis, tum rationum expectatione. SENTENTIA est oratio sumpta de uita, quæ aut quid sit, aut quicquid esse oporteat, in uita breuiter ostendit, hoc modo: Difficile est primum uirtutem reuereri, qui semper secunda fortuna sit usus. Itē: Liber est existimandus, qui nulli turpitudini seruit. Itē: Egeus æquē est is qui non satis habet, & is cui nihil satis potest esse. Item: Optima uiuendi ratio est eligenda: eam uicundam consuetudo reddet. Huiusmodi sententiæ simplices non sunt improbandæ: propterea quod habet breuis expositio, si rationis nullius indiget, magnam delectationem. Sed illud quoque probandum est genus sententiæ, quod confirmatur subiectione rationis, hoc modo: Omnes bene uiuendi rationes in uirtute sunt collocandæ, propterea quod sola uirtus in sua potestate est: omnia præter eam subiecta sunt fortunæ dominationi. Itē: Qui fortunis alicuius inducti amicitiam eius secuti sunt: hi simul ac fortuna dilapsa est, deuolant omnes. Cum enim recesserit ea res quæ fuit consuetudinis causa: nihil superest, quare possint in amicitia retineri.

Sunt itē sententiæ, quæ duplices efferuntur, hoc modo, sine ratione: Errant qui in prosperis rebus omnes impetus fortunæ se putant fugisse: Sapienter cogitant, qui temporibus secundis casus aduersos reformidant. Cum ratione, hoc pacto: Qui adolescentium peccatis ignoscere putant



putant oportere, falluntur, propterea quod ætas illa non est impedimento bonis studijs. at hi sapienter faciunt, qui adolescentes maxime castigant: ut quibus uirtutibus omnem uitam tueri possint, eas in ætate maturissima uelint comparare. Sententias interponi raro conuenit: ut rei actores, non uiuendi præceptores esse uideamur: cum ita interponentur, multum afferent ornamenti. Nam necesse est animo eam comprobeat tacitus auditor, cum ad causam uideat accommodari rem certam ex uita, & moribus sumptam. CONTRARIUM idem ferè est, quod contentio. Contrarium est, quod ex rebus diuersis duabus, altera breuiter & facile confirmat, hoc pacto: Nam qui suis rationibus inimicus fuerit semper, cum quomodo alienis rebus amicū fore speres? Et item: Nam quem in amicitia perfidiosum esse cognoueris: eum quare putes inimicitias cum fide habere posse? Et qui priuatus intolerabili superbia fuerit: eum commodum, & sui cognoscentem uidere in potestate quis speret? Et qui in sermonibus & conuentu amicorum uerum dixerit nunquam, eum sibi in concionibus credis à mendacio temperaturum? Item: Quos ex collibus deiecimus: (a) cum his in campo metuimus dimicare? Qui, cum plures erant, paucis nobis exæquari non poterant: hi, postquam pauciores sunt, metuimus, ne sint superiores? Hoc exornationis genus breuibus & continuatis uerbis perfectum esse debet; & cum commodum est auditu propter breuem & absolutam cōclusionem: tum uerò uehementer id quod opus est oratori, comprobatur contrariare: & ex eo quod dubium non est, expedit illud quod dubium est, ut aut dilui non possit, aut multò difficillime possit. MEMBRUM orationis appellatur res breuiter absoluta



*luta sine totius sententiæ demonstratione: quæ denuo alio membro orationis excipitur, hoc modo. Et inimico proderas: id est unum, quod appellatur membrum. dein de hoc excipiat oportet ab altero. Et amicum ledebas.*

*Ex duobus membris solis hæc exornatio potest constare. sed commodissima et absolutissima est, quæ ex tribus constat, hoc pacto. Et inimico proderas, et amicum ledebas, et tibi ipsi non consulebas. Item, Nec reipub. consulisti, nec amicis profuisti, nec inimicis restitisti.*

**ARTICVLVS** dicitur, cū singula uerba interuallis distinguuntur cæsa oratione, hoc modo. Acrimonia, uoce, uultu, aduersarios perterruisti. Item, Inimicos inuidia, iniurijs, potentia, perfidia sustulisti. Inter huius generis, et illius superioris uehementiam hoc interest: quod illud tardius et rarius uenit, hoc crebrius et celerius peruenit. Itaque in illo genere ex remotione brachij, et contortione dextræ gladius ad corpus afferri: in hoc autem, crebro et celeri uulnere corpus consauciari uidetur.

**CONTINVATIO**, est densa et continens frequentatio uerborum, cum absolutione sententiarum. ea utemur commodissime tripartito: in sententia, in contrario, in conclusione. In sententia, hoc pacto. Ei non multum potest obesse fortuna, qui sibi firmitus in uirtute, quam in casu præsidium collocauit. In contrario, hoc modo. Nam si quis spei non multum collocarit in casu, quid est quod ei magnopere casus obesse posset? In conclusione, hoc pacto. Quod si in eos plurimū fortuna potest, qui suas rationes omnes in casum contulerunt: non sunt omnia committenda fortunæ, ne magnam nimis in nos habeat dominationem. In his tribus generibus ad continuationis uim adeo frequentatio est necessaria, ut infirma



infirma facultas oratoris uideatur, nisi sententiā, & contrariū, & conclusionem frequentibus efferat uerbis: sed & aliās quoq; nonnunquam, non alienum est, tametsi necesse non est, eloqui res aliquas per huiusmodi continuationes. COMPAR appellatur, quod habet in se membra orationis, de quibus antè diximus, quæ cōstant (b) ex pari serè numero syllabarum. hoc nō de enumeratione nostra fiet, nam id quidē puerile est: sed tantum affert usus & exercitatio facultatis, ut animi quodam sensu par membrum superiori referre possimus, hoc modo. In prælio mortem pater oppetebat, domi filius nuptias comparabat, hæc omnia graueis casus administrabant. Item, illi fortuna fœlicitatem dedit, huic industria uirtutem comparauit. In hoc genere sæpe fieri potest, ut non planè par sit numerus syllabarum, & tamen esse uideatur: si una, aut etiam altera syllaba est alterū breuius: aut, si cum in altero plures sunt, in altero longior aut longiores, plenior aut pleniores syllabæ erunt, ut longitudo aut plenitudo harum, multitudinem alterius assequatur, & exæquet. SIMILITER cadens exornatio dicitur, cum in eadem constructione uerborum duo aut plura sunt uerba, quæ similiter iisdem casibus efferuntur, hoc modo. Hominem laudas egentem uirtutis, abundantiē fœlicitatis. Item, Cuius omnis in pecunia spes est, eius à sapientia est animus remotus. Diligentia comparat diuitias, negligentia corrumpit animum: & tamen, cum ita uiuit, neminem præ se ducit hominem. SIMILITER desinens est, cum tametsi casus non insunt in uerbis, tamen similes exitus sunt, hoc pacto. Turpiter audes facere, nequiter studes dicere. Viuis inuidiose, delinquis studiose, loqueris odiose.

Item,



Item, Audacter terribitas, humiliter placas. Hæc duo genera, quorum alterum in exitus, alterum in casus similitudine uersatur, inter se uehementer conueniunt: & ea re, qui his bene utuntur, plerumq; simul ea collocant in iisdem partibus orationis. Id hoc pacto facere oportet. Perditissima ratio est amorem petere, pudorem fugere, diligere formam, negligere famam. Hic & ea uerba quæ casus habent, ad casus similes: & illa quæ non habent, ad similes exitus ueniunt. ANNOMINATIO est, cum ad idem uerbum acceditur commutatione unius literæ, aut literarum, aut ad res dissimiles similia uerba accommodantur. Ea multis & uarijs rationibus conficitur, at tenuatione, aut complexione eiusdem literæ, sic: Hic qui se magnifice iactat, atque ostentat, uenit à te ante, quam Romam uenit. Ex cōtrario: Hic quos homines alea uincit, eos ferro statim uincit. Productione eiusdem literæ, hoc modo: Hunc auium dulcedo ducit ad auium. Breuitate eiusdem literæ, hoc modo: Hic tametsi uidetur esse honoris cupidus, tamen non tantum curiam diligit, quantum Curiam. Addendis literis, hoc pacto: Hic sibi posset temperare, nisi amor mallet obtemperare. Demendis literis, sic: Si lenones tanquam leones uitasset, uitæ se tradidisset. Transferendis literis, sic: Videte iudices utrū homini nauo, an uano credere malitis. Itē: Nolo (a) esse laudator, ne uidear adulator. Commutandis, hoc modo: Deligere oportet, quem uelis diligere. Hæ sunt annominationes, quæ in literarum commutatione, breuitate, aut productione, aut translatione, aut aliquo huiusmodi genere uersantur. Sunt autem aliæ, quæ non habent tam propinquam in uerbis similitudinem, & tamen dissimiles non sunt: quibus de generibus unum est huiusmodi



iusmodi: Quid ueniam, qui sim, quare ueniam, quem in-  
 similem, cui pro sim, quem postulem, breui cognoscetis.  
 Nam hic est in quibusdā uerbis quādam similitudo non  
 tā affectanda, quā illa superiores, sed tamen adhiben-  
 da nōnunquam. Alterum genus huiusmodi: Demus ope-  
 ram Quirites, ne omnino Patres conscripti circumscri-  
 pti putentur. hæc annominatio magis accedit ad simili-  
 tudinē, quā illa superior, sed minus quā illa superio-  
 res: propterea quod nō solum additæ, sed uno tempore  
 demptæ quoq; literæ sunt. Tertiū genus est, quod uersa-  
 tur in casuum commutatione, aut unius, aut plurium no-  
 minū. unius nominis, hoc modo: Alexāder Macedo sum-  
 mo labore animū ad uirtutes à pueritia cōfirmauit: Ale-  
 xandri uirtutes per orbem terræ cum laude & gloria  
 uulgatæ sunt: Alexandrum omnes maximē metuerunt,  
 item plurimum dilexerunt: Alexandro si uita data lon-  
 gior esset, Oceanum Macedonum gloria transuolasset.

Variè hic unum nomen in commutatione casuum uo-  
 lutatum est. Plura nomina casibus commutatis, hoc mo-  
 do facient annominationem. Tiberiū Gracchum Remp.  
 administrantem indigna prohibuit nex diutius in ea re  
 commorari. C. Graccho similiter occisio oblata est, quæ  
 uirum reip. amantiſsimū subito de sinu ciuitatis eripuit.  
 Saturninum fide captum, malorum perfidia per scelus  
 uita priuauit. Tuus ô Druse sanguis domesticos parietes  
 & uultū parentis asperſit. Sulpitio, cui paulo antè om-  
 nia concedebant, eum breui spacio non modò uiuere,  
 sed etiam sepeliri prohibuerunt. Hæc tria genera pro-  
 xima exornationum (quorum unum in similiter ca-  
 dentibus, alterum in similiter desinentibus uerbis, ter-  
 tium in annominationibus positū est) perrarò sumen-  
 da sunt.



da sunt, cum in ueritate dicemus: propterea quod non  
 haec uidentur reperiri posse sine elaboratione, et operæ  
 consumptione. Eiusmodi autem studia ad delectationē,  
 quam ad ueritatem, uidentur accommodatiora. Quare  
 fides, & grauitas, & seueritas oratoria minuitur his ex-  
 ornationibus frequēter collocatis: & nō modò tollitur  
 auctoritas dicendi, sed offenditur quoq; in eiusmodi or-  
 ratione auditor: propterea quod est in his lepos & se-  
 stinitas, non dignitas neq; pulchritudo. Quare, quæ  
 sunt ampla & pulchra, diu placere possunt: quæ lepi-  
 da & concinna, citò satietate afficiunt (b) aurium sen-  
 sum fastidiosissimum. Quomodo igitur, si crebrò his ge-  
 neribus utemur, puerili uidebimur elocutione delectari:  
 ita si rarò has interferemus exornationes, & in causa  
 tota uariè dispergemus, commodè luminibus distinctis il-  
 lustrabimus orationē. **SUBIECTIO** est, cum interro-  
 gamus aduersarios, aut quarimus ipsi quid ab illis, aut  
 quid contra nos dici possit. deinde subiicimus id quod di-  
 ci oportet, aut quod non oportet, aut nobis adiumento  
 futurum sit, aut offuturum illis è contrario, hoc modo.  
 Quæro igitur, unde iste tam pecuniosus factus sit? am-  
 plum patrimonium relictum est? At patris bona uenie-  
 runt. hereditas aliqua obuenit? non potest dici, sed etiā  
 à necessarijs omnib. exhereditatus est. præmiū aliquod  
 ex lite aut iudicio cepit? non modò id non fecit, sed etiā  
 insuper ipse grandi sponsione uictus est. Ergo si his ra-  
 tionibus locupletatus non est, sicut omnes uidetis: aut  
 isti domi nascitur aurum, aut unde licitum non est pe-  
 cunias accepit. Item: Sæpe iudices animaduerti, multos  
 aliqua ex honesta re, quam ne inimici quidem criminari  
 possint, sibi præsidium petere: quorum nihil potest ad-  
 uersarius



uersarius facere. nam utrum ad patris eius uirtutem con-  
fugiet? at eum uos iurati capite damnastis. an ad suam  
reuertetur antiquam uitam, alicubi honestè tractatam?  
nam hic quidem ante oculos uestros quomodo uixerit,  
scitis omnes. An cognatos suos enumerabit, quibus uos  
conueniat commoueri? at hi quidem nulli sunt. amicos  
proferet? at nemo est qui sibi non putet turpe, istius ami-  
cum nominari. Item: Credo inimicum, quem nocentem  
putabas, in iudicium adduxisti? non: nam indemnatum  
necasti. leges, quæ id facere prohibent, ueritus es? at ne  
scriptas quidè iudicasti. cum ipse te ueteris amicitie com-  
monesceret, commotus es? at nihilo minus, sed etiam  
studiosius occidisti quid, cum tibi pueri ad pedes uoluta-  
rentur, misericordia motus es? at eorum patrem crude-  
lissimè se pultura quoq; prohibuisti. Multum inest acri-  
monie & grauitatis in hac exornatione, propterea  
quod, cum quesitum est quid oporteat, subijcitur id nō  
esse factum: quare facillimè fit, ut augeatur indignitas  
negocij. Ex eodem genere, ut ad nostram quoq; perso-  
nam referamus subiectionem, sic. Nam quid me facere  
conueniret, cum à tanta multitudine Gallorum circum-  
federer? an dimicarem? at cum parua manu tum prodi-  
remus, locum quoq; inimicissimum habeamus. Sederem  
in castris? at neq; subsidium, quod expectarem, habeba-  
mus: neq; erat, quo uitam produceremus. Castrarelin-  
querem? at obsidebamus. Vitam militum negligerem? at  
ea uidebar eos accepisse conditione, ut quoad possem in-  
columes patriæ & parentibus conferiarem. (a.) Ho- 32  
stium conditionem repudiarem? at silus antiquior est  
militum, quàm impedimentorum. Huiusmodi conse-  
quuntur identidem subiectiones, ut ex omnibus osten-  
di uideat



di uideatur, nihil potius quàm quod factum sit, faciundum fuisse. GRADATIO est, in qua non antè ad consequens uerbum descenditur, quàm ad superius consequens est, hoc modo: Nam quæ reliqua spes manet libertatis, si illis & quod libet licet, & quod licet possunt, & quod possunt audet, & quod audent faciunt, et quod faciunt uobis molestum non est. Item: Non sensi hoc, & non suasi: neq; suasi, & non ipse statim facere coepi: neque facere coepi, & non perfeci: neque perfeci, & non probaui. Item: Africano industria uirtutem, uirtus gloriam, gloria æmulos comparauit. Item: Imperium Græciæ fuit apud Athenienses, Atheniensium potiti sunt Spartiatæ, Spartiatas superauere Thebani, Thebanos Macedones uicerunt, qui ad imperium Græciæ breui tempore adiunxerunt Asiam bello subactam. Habet in se quendam leporem superioris cuiusq; crebra repetitio uerbi, quæ propria est huius exornationis. DEFINITIO est, quæ rei alicuius proprias amplectitur potestates breuiter & absolute, hoc modo: Maiestas Reipub. est, in qua continetur dignitas & amplitudo ciuitatis. Item: Iniuriæ sunt, quæ aut pulsatione corpus, aut cōuicio aures, aut aliqua turpitudine uitæ cuiuspiam uiolant. Itē: Non est ista diligentia, sed auaricia: eo quod diligentia est accurata conseruatio suorum, auaricia iniuriosa appetitio alienorum. Item: Non est ista fortitudo, sed temeritas: propterea quod fortitudo est cōtemptio laboris & periculi, cum ratione utilitatis & compensatione commodorum: temeritas est, cum inconsiderata laborum perpeffione gladiatoria periculorum susceptio.

Hec igitur commoda putatur exornatio, quod omnem rei cuiuspiam uim & potestatem ita dilucide proponit,



pōnit, & breuiter explicat, ut neque pluribus uerbis oportuisse dici uideatur, neque lucidius potuisse dici putetur. TRANSITIO uocatur, quæ cum ostendit breuiter quod dictum sit, proponit item breui quod consequatur, hoc modo: In patriam cuiusmodi fuerit habetis, nunc in parentes qualis extiterit considerate. Item: Mea in istum beneficia cognoscitis, nunc quomodo iste mihi gratiam retulerit accipite. Proficit hæc aliquantum exornatio ad duas res: nam & quid dixerit comonet, & ad reliquum comparat auditorē. CORRECTIO est, quæ tollit id quod dictū est, & pro eo id quod magis idoneū uidetur reponit, hoc pacto: Quod si iste suos hospites rogasset, imò innuisset modò, hoc facillè perfici posset. Item: Nam postquam isti uicerūt, atque (b) adeo uicti sunt, eam quomodo uictoriam appellē, quæ uictoribus plus calamitatis quam boni dederit? O uirtutis comes inuidia, quæ bonos insequeris plerumque, imò adeo insectaris. Comouetur hoc genere animus auditoris: res enim cōmuni uerbo elata tantummodo dicta uidetur, ea post ipsius oratoris correctionē magis idonea fit pronuntiatione. Nō igitur satius esset, dicet aliquis, ab initio, præsertim cum scribas, ad optimū et electissimū uerbum deuenire? Est cum nō est satius, si cōmutatio uerbi id erit demonstratura, eiusmodi rem esse: ut cum eam cōmuni uerbo appellaris, leuius dixisse uidearis: cum ad electius uerbum accedas, insigniorem rem facias. quod si continuò uenisses ad id uerbum, nec rei nec uerbi gratia animaduersa esset. OCCVPATIO est, cum dicimus nos præterire, aut non scire, aut nolle dicere id quod tunc maximè dicimus, hoc modo: Nam de pueritia quidem tua, quam tuis omni intemperantiæ addixisti, dicerem, si hoc tempus



idoneum putarem: nunc consulto relinquo, & illud prætereo, quod rei militaris te infrequentem tradidisti. Deinde, quod iniuriarū satisfecisti Labeoni, nihil ad rem pertinere puto. horum nihil dico, reuertor ad illud de quo iudicium est. Item: Non dico te ab socijs pecunias accepisse: non sum in eo occupatus, quod ciuitates, regna, domus omnium depeculatus es: fūrta, rapinas omnes tuas omitto. Hæc utilis est exornatio, si aut rem quam non pertineat alijs ostendere, occultè ammonuisse prodest: aut si longum est, aut ignobile, aut planum, aut non potest fieri, aut facile potest reprehendi: ut utilius, si occultè fecisse suspicionem, quam huiusmodi intendisse orationem, quæ redarguatur. **DISIVNCTIO** est, cum eorum de quibus dicimus, aut utrunq; aut unumquodq; certo concluditur uerbo, sic. Populus Ro. Numantiam deleuit, Carthaginem sustulit, Corinthum disiecit, Fregellas euertit. Nihil Numantinis uires corporis auxiliae sunt: nihil Carthaginensibus scientia rei militaris adiumento fuit: nihil Corinthijs erudita calliditas præsidij tulit: nihil Fregellanis morum, & sermonis societas opitulata est. Item: Formæ dignitas aut morbo deflorescit, aut uetustate extinguitur. Hic utrunq; & in superiore exemplo unamquamq; rem certo uerbo cōcludi uidemus. **CONIUNCTIO** est, cum interpositione uerbi & superiores orationis partes comprehenduntur, & inferiores: hoc modo. Formæ dignitas aut morbo deflorescit, aut uetustate. **ADIVNCTIO** est, cum uerbum, quo res comprehenditur, non interponimus: sed aut primum, aut postremū collocamus. Primum hoc pacto: Deflorescit formæ dignitas aut morbo, aut uetustate. Postremum sic: Aut morbo aut uetustate formæ dignitas deflorescit.



rescit. Ad festiuitatem(a) disiunctio est appositae: quare 33  
 rarius utemur ea, ne satietatem pariat. Ad breuitatem  
 coniunctio: quare saepius adhibenda est. Haec tres exorna-  
 tiones de simplici genere manant. **CONDVPLICATIO** est, cum ratione amplificationis aut cōmiseratio-  
 nis, eiusdē unius aut plurimū uerborū iteratio: hoc modo.  
 Tumultus C. Gracchi, tumultus domesticos et intestinos  
 comparat. Itē: Cōmotus non es, cum tibi mater pedes am-  
 plexaretur, non es cōmotus. Item: Nunc etiam audes in  
 horum conspectum uenire proditor patriae, proditor in-  
 quam patriae uenire audes in horum conspectum? Vche-  
 menter auditorem cōmouet eiusdem redintegratio uer-  
 bi, & uulnus maius efficit in contrario causa, quasi ali-  
 quod telum saepius perueniat in eandē partem corporis.  
**INTERPRETATIO** est, quae non iterans idem redin-  
 tegrat uerbum: sed id cōmutat, quod positū est, alio uer-  
 bo, quod idem ualeat, hoc modo: Remp. radicū euer-  
 sti, ciuitatem funditus deiecisti. Item: Patrem nefariē uer-  
 beraſti, parenti manus sceleratē intulisti. Neceſſe est eius,  
 qui audit animum cōmoueri, cum grauitas prioris dicti  
 renouatur interpretatione uerborū. **COMMVTATIO**  
 est, cū duae sententiæ inter se discrepantes extrāſe-  
 ctione ita eſſerūtur, ut à priore posterior cōtraria prio-  
 ri proficiſcatur, hoc modo: Eſſe oportet ut uiuas, non ui-  
 uere ut edas. Itē: Ea re poëmata nō facio, quia cuiusmo-  
 di uolo nō poſſum, cuiusmodi poſſum nolo. Itē: Quae de  
 illo dicuntur, dici non poſſunt: quae dici poſſunt, non di-  
 cuntur. Item: Si poëma, loquens pictura eſt, pictura taci-  
 tum poëma debet eſſe. Item: Quia ſtultus es, ea re taces:  
 non tamen quia taces, ea re ſtultus es. Non poteſt dici,  
 quin cōmodè fiat, cum contrariæ ſententiæ translatione



uerba quoq; conuertantur. Plura subieciimus exempla: ut quoniam difficile est hoc genus exornationis inuētū, dilucidum esset: ut cum benè esset intellectum, facilius in dicendo inueniretur. **PERMISSIO** est, cum ostendimus in dicendo nos aliquam rem totam tradere, et concedere alicuius uoluntati, sic: Quoniā omnibus rebus ereptis, solū mihi superest animus & corpus: hæc ipsa, quæ mihi de multis sola relicta sunt, uobis, & uestre condono potestati. Vos me, quo pacto uobis uidetur, utamini atque abutamini licebit impune: in me quicquid libet statuere, dicite, atque obtemperabo. Hoc genus tametsi aliās quoq; nōnunquam tractandum est, tamen ad misericordiam commouendam uehementissimè est accōmodatū. **DVBITATIO** est, cum querere uidetur orator, utrū de duobus potius, aut quid de pluribus potissimum dicat, hoc modo: Obsuit eo tēpore plurimū Reip. consulum, siue stulticiam, siue maliciam dicere oportet, siue utrunque. Item: Tu istud ausus es dicere (b) homo omnium mortalium? quero, quōnam te digno moribus tuis appellē nomine? **EXPEDITIO** est, cum rationibus cōpluribus enumeratis, quibus aliqua res aut fieri aut non fieri potuerit, ceteræ tolluntur, una relinquitur, quam nos intendimus, hoc modo: Necessè est, cūns constet istum nostrum fundum fuisse, ostendas te aut uacuum possedisse, aut usu tuum fecisse, aut emisse, aut hæreditate tibi uenisse. Vacuum, cum ego adessē, possidere non potuisti. Tuum usu fecisse etiam nunc non potes: Emptio nulla profertur. Hereditate tibi me uiuo mea pecunia uenire nō potuit. Relinquitur ergo, ut me uide meo fundo deleceris. Hæc exornatio plurimum iuuabit coniecturales argumētationes, sed nō erit tanquā in ple



risq; ut cum uelimus ea possumus uti. nam facere id non poterimus, nisi nobis ipsa negocij natura dabit facultatem. DISSOLVTIO est, quæ coniunctionibus uerborum è medio sublatis, separatis partibus effertur, hoc modo: Gere morem parenti, pare cognotis, obsequere amicis, obtempera legibus. Item: Descende in integram defensionem, noli quicquã recusare, da seruos in quaestionem, stude uerum inuenire. Hoc genus et acrimoniam habet, et uehementissimum est, et ad breuitatem accommodatum. PRAECISIO est, cum dictis quibusdam reliquum quod coeptum est dici, relinquitur audientium iudicio, sic: Mihi tecum præcertatio non est, ideo quod populus Romæ, nolo dicere, ne cui fortè arrogans uidear: te autem sepe ignominia dignum putauit. Item: Tu ista nunc audes dicere: qui nuper alienæ domui, non ausim dicere: ne cum te digna dixerò, me indignum quippiam dixisse uidear. Hic atrocior tacita suspicio, quàm diserta explanatio facta est. CONCLUSIO est, quæ breui argumentatione ex ijs quæ antè dicta sunt, aut facta, conficit id quod necessariò consequatur, hoc modo: Quod si Danaïs datum erat oraculum, non posse capi Troiam, sine Philoctetæ sagittis: hæ autem nihil aliud fecerunt, nisi Alexandrum perculerunt: hunc extinguere, id nimirum capi fuit Troiam. Restant etiam decem exornationes uerborum, quas idcirco non uagè dispersimus, sed à superioribus separauimus, quod omnes in uno genere posita sunt. Nam earum omnium hoc proprium est, ut ab usitata uerborum potestate recedatur, atq; in aliam rationem cum quadã uenustate oratio conferatur. De quibus exornationibus Nominatio est prima, quæ nos admonet, ut cui rei nomen aut non sit, aut satis idoneum



non sit, eam nosmet idoneo uerbo nominemus, aut imitationis, aut significationis causa. Imitationis, hoc modo: Ut maiores rudere, & uagire, et mugire, et murmurare, & sibillare appellauerunt. Significandæ rei causa, sic: Postquam iste in remp. fecit impetum, fragor cuius  
 34 tatis (a) in primis est auditus. Hoc genere raro est utendum, ne noui uerbi assiduitas odium pariat: sed si com-  
 modè quis eo utatur, & raro, non modò non offendet nouitate, sed etiam exornabit orationem. PRONOMINATIO est, qua sicuti cognomine quodam extraneo, demonstrat id, quod suo nomine appellari non potest. ut si quis, cum loquatur de Grachis: At non Africani nepotes, inquiet, istiusmodi fuerunt. Item, si quis de aduersario dicat: Videte nunc, inquit iudices, quemadmodum me Plagiosippus iste tractarit. Hoc pacto non inornatè poterimus & in laudando, et in ledendo, aut in corpore, aut in animo, aut in extraneis rebus dicere, sicuti cognomen, quod pro certo nomine collocamus. DENOMINATIO est, quæ à propinquis & finitimis rebus trahit orationem, qua possit intelligi res, quæ non suo uocabulo sit appellata. id aut ab inuentore conficitur: ut si quis de Tarpeio loquens, cum Capitolinum nominet, aut ab inuento: ut si quis pro Libero uinum, pro Cere re frugem appellet. Aut ab instrumento dominum: ut si quis Macedonas appellarit hoc modo. Non tam citò Sarsissæ Græcia potite sunt. aut idem Gallos significans diceat: Nec tam facili ex italia armatura transalpina depulsa est. Aut id quod fit, ab eo qui facit: ut si quis, cum bello uult ostendere aliquid quempiam fecisse, dicat: Mars istud necessario te facere coëgit. Aut si quod facit, ab eo quod fit: ut cum desidiosam artem dicemus, quia desidiosos



diosos facit: & frigus pigrum, quia pigros efficit. Ab eo quod continetur, id quod continetur, hoc modo denominabitur: Armis Italia non potest uinci, nec Græcia disceplinis, nam hic pro Græcis & Italis, quæ continent, notata sunt. Ab eo quod continetur, id quod continetur: ut si quis aurum, uel argentum, aut ebur nominet, cum diuitias uelit nominare. Harum omnium denominatio num magis in præcipiendo diuisio, quàm in querendo difficilis inuentio est: ideo quod plena consuetudo est, non modò poëtarum & oratorum, sed etiam quotidiani sermonis, huiusmodi denominationum. CIRCUMSCRIPTIO est, oratio rem simplicè assumptā circūscribens elocutione, hoc pacto: Scipionis prouidentia Carthaginis opes fregit. Nam hic, nisi ornandi ratio quædā esset habita, Scipio potuit & Carthago simpliciter appellari. TRANSGRESSIO est, quæ uerborum perturbat ordinem peruersione, aut transiectione. Peruersione, sic: Hoc uobis deos immortales arbitror dedisse uirtute pro uestra. Transiectione, hoc modo: Instabilis in istum plurimum fortuna ualuit, omnes inuidiosè eripuit tibi benè uiuendi casus facultates. Huiusmodi transiectio, quæ rem non reddit obscuram, multum proderit ad continuationes, de quibus antè dictum est: in quibus oportet uerba (b) sicut à poëtis, in quendam extruere numerum, ut perfectè & perpolitissimè possint esse absolute. SUPERLATIO est, oratio superans ueritatem, alicuius augendi minuendique causa. hæc sumitur separatim, aut cum comparatione. Separatim sic: Quod si concordiam retinebimus in ciuitate, imperij magnitudinem solis ortu atq; occasu metiemur. Cum cōparatione, aut à similitudine, aut à præstantia superlatio sumitur.



A similitudine sic: Corpore niuum candorem, aspectus ignem ardorem assequebatur. A prestantia, hoc modo: Cuius ore sermo melle dulcior profluebat. Ex eodem genere hoc est: Tantus erat in armis splendor, ut solis fulgor obscurior uideretur. INTELLECTIO est, cum res tota parua de parte cognoscitur, aut de toto pars. De parte totum sic intelligitur: Non ille te nuptiales tibiae eius matrimonij commonebant? nam hic omnis sanctimonia nuptiarum uno signo tibiarum intelligitur. De toto pars: ut si quis ei qui uestitum, aut ornatum sumptuosum ostendet, dicat: Ostentas mihi diuitias, et locupletes copias iactas. Ab uno plura intelliguntur hoc modo: Pater non fuit Hispanus auxilio: fuit immanis ille transalpinus: in Italia quoque non nemo sensit idem togatus. A pluribus unum sic intelligitur: Atrox calamitas pectora merore pulsabat, itaque anhelans ex imis pulmonibus pro cura spiritus ducebatur. Nam in superioribus plures Hispani, et Galli, et togati: hic unum pectus, et unus pulmo intelligitur. et erit illic diminutus numerus festiuitatis, hic adauctus grauitatis gratia. ABUSIO est, quae uerbo simili et propinquo pro certo et proprio abutitur, hoc modo: Vires hominis breues sunt, aut parua statura, aut longum in homine consilium, aut oratio magna, aut uti paucosermone. Nam hic facile est intellectu, finitima uerba rerum dissimilium, ratione abusionis esse traducta.

TRANSLATIO est, cum uerbum in quandam rem transfertur ex alia re, quod propter similitudinem recte uidetur posse transferri. ea utimur rei ante oculos ponendae causa, sic: Hic Italiam tumultus expergescit terrore subito. Breuitatis causa, sic: Recens aduentus exercitus subito ciuitate extinxit. Obscurnitatis uitandae causa, sic:



sic: Cuius mater quotidianis nuptijs delectatur. Augendi  
 causa, sic: Nullius inieror et calamitas istius explere ini-  
 micitias, & nefariam saturare crudelitatem potuit. Mi-  
 nuendi causa, sic: Magno se prædicat auxilio fuisse, quia  
 paululum in rebus difficillimis aspirauit. Ornandi cau-  
 sa, sic: Aliquando Reipub. rationes, quæ malitia nocen-  
 tum exaruerant, uirtute optimatum reuirescunt. Trans-  
 lationem dicunt prudentem esse oportere, ut cum ratio-  
 ne in consimilem rem transeat, ne sine delectu temerè &  
 cupidè uideatur in dissimilem transcurrere. PERMV-  
 TATIO est, oratio aliud uerbis (a) aliud sententia de- 35  
 monstrans. Ea diuiditur in tres partes, similitudinem,  
 argumentum, contrarium. Per similitudinem sumitur,  
 cum translationes unâ, aut plures frequenter ponuntur  
 à simplici ratione ductæ, sic: Nam cum canes fungantur  
 officijs luporum, cui nam præsidio pecuaria credimus?  
 Per argumentum tractatur, cum à persona, aut à loco,  
 aut à re aliqua similitudo augendi aut minuendi causa  
 ducitur: ut si quis Drusum, Gracchum, Numitorem ob-  
 soletum dicat, Ex contrario ducitur sic: ut si quis homi-  
 nem prodigum & luxuriosum illudens, parcum & di-  
 ligentem appellet. Et in hoc postremo, quod ex contra-  
 rio sumitur, & illo primo quod à similitudine ducitur,  
 per translationem argumento poterimus uti. Per simili-  
 tudinem sic: Quid ait hic rex, atq; Agamemnon noster,  
 siue, ut crudelitas est, potius Atreus? Ex contrario, si  
 quem impium, qui patrem uerberauerit, Aeneam uoce-  
 mus: intemperantem & adulterum, Hippolytum nomi-  
 nemus. Hæc sunt ferè quæ dicenda uidebantur de uerbo-  
 rum exornationibus. nunc res ipsa monet, ut deinceps ad  
 sententiarum exornationes transeamus.

DISTRIB-



**DISTRIBVTIO** est, cum in plures res aut personas certas negocia quædã differtuntur, hoc modo: **Quiræstrum**, iudices, nomen **Senatus** diligit, hunc oderit necesse est: petulantissimè enim semper iste oppugnavit **Senatum**, qui equestrem locum splendidissimum cupit esse in ciuitate, is oportet istum maximas pœnas dedisse uelit, ne iste sua turpitudine ordini honestissimo macule atque dedecori sit. qui parentes habetis, ostendite istius supplicio uobis homines impios non placere: quibus liberi sunt, statuite exemplum, quantæ pœnæ in ciuitate sint hominibus huiusmodi comparatæ. Item: **Senatus officium** est, consilio ciuitatem iuuare: **magistratus officium** est, opera & diligentia consequi uoluntatem **senatus**: **Populi officium** est, res optimas & homines idoneos maximè suis sententijs eligere & probare: **accusatoris officium** est, inferre crimina: **defensoris**, diluere & propulsare: **testis** est, dicere quæ scierit, aut audierit: **Quæsitores** est, unumquenque horum in officio suo continere. Quare **L. Cassi**, si testem, præterquam quod sciat, aut audierit, argumentari, & coniectura prosequi patieris, ius accusatoris cum iure testimonij commiscebis: testis improbi cupiditatem confirmabis, reo duplicem defensionem parabis. Est hæc exornatio copiosa: comprehendit enim breui multa, & suum cuique tribuens, officium separat, & res diuidit plures.

**LICENTIA** est, cum apud eos quos aut uereri aut metuere debemus, tamen aliquid pro iure nostro dicimus, quod eos minime offendat: aut quos hi diligunt, cum in aliquo errato uerè reprehendi posse uideantur, (b) hoc modo. **Miranini**, **Quirites**, quod ab omnibus uestre rationes deferantur: quod causam uestram nemo suscipiat:



suscipiat: quod se nemo uestri defensorem profiteatur: id tribuite uestre culpæ, atq; desinite istud mirari, quid enim est, quare non omnes istam rē fugere ac uitare debeant? Recor damini, quos habueritis defensores: studia eorum uobis ante oculos proponite. deinde omnium exitus considerate: tū uobis ueniat in mentem, ut uerē dicam, negligentia uestra, siue ignauia potius: illos omnes ante oculos uestros trucidatos esse: inimicos eorum uestris suffragijs in amplissimum locum peruenisse. Item, Nam quid fuit, iudices, quare in sententijs ferendis dubitaueritis? aut istum hominem nefarium ampliaueritis? nō apertissimæ res erant crimini data? nō omnes hæc testibus comprobata? non contratenuiter & nugatorie responsum? hic uos ueriti estis, si primo cœtu cōdemnassetis, ne crudeles existimaremini. dum eam uitastis uituperationem, quæ longē à uobis erat absutura, eam inuenistis, ut timidi atque ignaui putaremini. Maximas & priuatas & publicas calamitates accepistis: cum etiam maiores impendere uideantur, sedetis, et oscitamini. Lucē noctem, noctē lucē expectatis. Aliquid quotidie acerbū atq; incommodi nunciatur: & eum, cuius opera nobis hæc accidunt, remoramini diutius, & alitis, ac Reip. perniciem retinetis, quoad potestis in ciuitate. Eiusmodi licentia si nimium uidebitur acrimoniæ habere, multis mitigationibus lenietur. nam cōtinuū aliquid huiusmodi licebit inferre. Hic ego uirtutem uestram quero, sapientiam desidero, uetrem consuetudinem requiro: ut quod erit commotum licentia, id laude mitigetur, ut altera res ab iracundia & molestia remoueat, altera res ab errato deterreat. Hæc res, sicut in amicitia, ita in dicendo, si loco sit, maxime facit, ut & illi qui audient,  
à culpa



à culpa absint: & nos qui dicimus, amici eorum & ue-  
 ritatis esse uideamur. Est autem quoddam genus licen-  
 tiæ in dicendo, quod astutius ratione comparatur: cum  
 aut ita obiurgamus eos qui audiūt, quomodo ipsi se cu-  
 piunt obiurgari: aut id quod scimus facile omnes audi-  
 turos, dicimus nos timere quomodo accipiant: sed tamē  
 ueritate commoueri, ut nihilo secius dicamus. horū am-  
 borum generum exempla subiiciemus. Prioris huiusmo-  
 di: Nimum, Quirites, animis estis simplicibus & man-  
 suetis: nimium creditis unicuique: existimatis unumquemque  
 eniti, ut perficiat quæ uobis pollicitus sit: erratis, et fru-  
 stra falsa spe iam diu detinemini: stulticia uestra est, quia  
 quod erat in uestra potestate, ab alijs petere, quàm ipsi  
 sumere maluistis. Posterioris licentiæ hoc erit exemplū:  
 36 Mihi cum isto, iudices, fuit amicitia: sed ista tamē amici-  
 tia, tamen si uereor quomodo (a) accepturi sitis, uos me  
 priuastis. Quid ita? quia, ut uobis essem probatus, eum  
 qui uos oppugnabat, inimicum, quàm amicum habere  
 malui. Ergo hæc exornatio, cui licentiæ nomē est, sicuti  
 demonstrauius, duplici ratione tractabitur: acrimo-  
 nia, quæ si nimium fuerit aspera, mitigabitur laude &  
 assimilatione, de qua superius diximus, quæ nō indiget  
 mitigationis, propterea quod imitatur licentiam, et sua  
 sponte ad animum auditoris se accommodat. DIMI-  
 NVTIO est, cum aliquid esse in nobis, aut in ijs quos  
 defendimus, aut natura, aut fortuna, aut industria dice-  
 mus egregium: quod ne qua significetur arrogans osten-  
 tatio, diminuitur & attenuatur oratione, hoc modo:  
 Nam hoc pro meo iure, iudices, dico: me labore et indu-  
 stria curasse, ut disciplinam militarem non in postremis  
 tenerem. Hic si quis dixisset, ut optime tenerem, tamen si  
 uere



uerè dixisset, tamen arrogans uisus esset. Nunc et ad inuidiam uitandam, et ad laudem comparandam satis dictum est. Item: Vtrum igitur auaricie causa, an egestatis accessit ad maleficium? Auaricie? at largissimus fuit in amicos, quod signum liberalitatis est, quæ contraria auaricie est. Egestatis? at huic quidem pater, nolo nimis dicere, non tenuissimum patrimonium reliquit. Hic quoque uitatum est, ne magnum, aut maximum diceretur. Hoc igitur in nostris, aut eorum quos defendemus, egregijs commodis proferendis obseruabimus. Nam eiusmodi res et inuidiam contrahunt in uita, et odium in oratione, si inconsideratè tractes. Quare quemadmodum in uiuendi ratione fugitur inuidia, sic in dicendo confilio uitatur odium. DESCRIPTIO nominatur, quæ rerum consequentium continet perspicuam et dilucidam cum grauitate expositionem, hoc modo: Quod si istam, iudices, uestris sententijs liberaueritis, statim sicut è cauea leo missus, aut aliqua teterrima bellua soluta ex cathenis uolitabit, et uagabitur in foro: acuens dentes multos in cuiusq; fortunæ, in omnes amicos atq; inimicos, notos atq; ignotos incursans, aliorum samam depulans, aliorum caput oppugnans, aliorum domum, ac omnem familiam perfringens, rempub. funditus labefactans: quare, iudices, eijcite eum de ciuitate: liberate omnes formidine, uobisq; ipsis consulite. nam si istum impunitum dimiseritis: in uosmet ipsos, mihi credite, feram et truculentam bestiam, iudices, immiseritis. Item: Nam si de hoc iudices grauem sententiam tuleritis, uno iudicio simul multos iugulaueritis: grandis natu parens, cuius spes senectutis omnis in huius adoleſcētia posita est, quare uelit in uita manere, nō habebit. filij parui priuati patris



patris auxilio, ludibrio & despectui parentis inimicis  
 erant oppositi tota domus (b) huius indigna concidit  
 calamitate: et inimici statim sanguinolenta palma, cru-  
 delissima uictoria potiti, insultabunt in horum miseria,  
 & superbia re simul & uerbis inuehentur. item: Nam  
 neminē uestrū fugit, Quirites, capta urbe, quæ mise-  
 ria consequi soleant: arma quæ cōtra tulerint, statim cru-  
 delissime trucidantur: ceteri qui possunt per ætatem &  
 uires laborem ferre, rapiuntur in seruitutē: qui non pos-  
 sunt, uita priuantur: uno deniq; atq; eodem tempore do-  
 mus hostili flagrat incendio, & quos natura aut uolun-  
 tas necessitudine aut beneuolentia coniunxerit, distra-  
 huntur: liberi partim ē gremijs parentū diripiuntur, par-  
 tim in sinu iugulantur, partim ante pedes constupran-  
 tur. nemo (iudices) est qui possit satis rem consequi uer-  
 bis, nec referre oratione magnitudinem calamitatis. Hoc  
 genere exornationis uel indignatio, uel misericordia po-  
 test commoueri, cum res consequentes comprehensæ  
 uniuersæ, perspicua breuiter exprimuntur oratione.

DIVISIO est, quæ rem semouens à re, utranque  
 absoluit ratione subiecta, hoc modo. Cur ego nunc tibi  
 quicquam obijciam: si probus es, nō meruisti: si impro-  
 bus, non commoueris. Item: Quid nunc ego de meis pro-  
 prijs meritis prædicem: si meministi, obtundam: si ob-  
 liti es, cum re nihil egerim, quid est quod uerbis prosi-  
 cere possim? Item: Duæ res sunt, quæ possunt homines ad  
 turpe compendium commouere: inopia, atq; auaricia. Te  
 auarum in fraterna diuisione cognouimus, inopem atq;  
 egentem nunc uidemus. qui potes igitur ostendere cau-  
 sam maleficij non fuisse? Inter hanc diuisionem, & illā  
 quæ de partibus orationis tertia est, de qua in libro pri-  
 mo di-



mo diximus, secundum narrationē, hoc interest illa di-  
 uidit per enumerationem aut per expositionem, quibus  
 de rebus in tota oratione disputatio futura sit: hæc se sta-  
 tim explicat, & breui duabus aut pluribus partibus sub-  
 iiciens rationes, exornat orationem. FREQUENTA-  
 TIO est, cum res in tota causa dispersæ coguntur unū in  
 locum: quò grauior, aut acrior, aut criminiosior oratio  
 sit, hoc pacto. A quo tādē abest iste uitio? quid est, iudi-  
 ces, cur uelitis eum liberare? Suae pudicitiae proditor est,  
 insidiator alienæ: cupidus, intemperas, petulans, super-  
 bus, impius in parētes, ingratus in amicos, infestus in co-  
 gnatos, in superiores contumax, in æquos & pares fasti-  
 diosus, in inferiores crudelis, deniq; in omnes intolerabi-  
 lis. Eiusdem generis est illa frequentatio, quæ plurimum  
 coniecturalibus causis opitulatur: cum suspiciones, quæ  
 separatim dictæ minutæ & infirmæ erant, unū in locum  
 coactæ rem uidentur perspicuā facere, non suspiciosam,  
 hoc pacto. Nolite igitur, iudices, nolite ea quæ dixi sepa-  
 ratim spectare, sed omnia colligite & conferte in unum.  
 Si & commodum ad istum ex morte illius ueniebat, &  
 uita est turpissima(a) hominis, animus auarissimus, for- 37  
 tune familiaris rei attenuatissima, & res ista bono ne-  
 mini præter istum fuit, neq; alius quisquam æquè commo-  
 dè, neq; iste alijs comodioribus rationibus facere potuit,  
 neq; præteritū quicquam est ab isto quod opus fuerit ad  
 maleficium, neq; factum quod opus non fuerit: & cum  
 locus idoneus maximè questus, tum occasio aggrediēdi  
 commodæ, tempus aduēdi opportunissimū, spatiū con-  
 ficiendi longissimū sumptum est, non sine maxima oc-  
 cultandi & perficiendi maleficii spe: & præterea antè  
 quàm occisus homo is est, iste usus est in eo loco in quo



est occisio facta, solus Paulò post in ipso loco maleficij, uox illius qui occidebatur audita est: deinde post occisionem, ipsum multa nocte domũ rediisse constat: postera die titubanter et inconstanter de occisione illius locutũ. hæc partim testimonijs, partim quæstionibus et argumētis omnia comprobantur, et rumore populi, quem ex argumētis natum necesse est esse uerum. uestrũ, iudices, est his unum in locum collatis, certum sumere scientiam, nõ suspicionem maleficij. Nam unum aliquid aut alterum potest in ipsum casu cecidisse suspiciose: ut omnia inter se à primo ad postremum conueniant maleficia, necesse est casu non posse fieri. Vehemens est hæc exornatio, & in coniecturali cõsitutione causæ ferme semper necessaria: & in ceteris generibus causarum, & in omni oratione adhibenda nonnunquam. **EXPOLITIO** est, cum in eodẽ loco manemus, & aliud atq; aliud dicere uidemur. Ea dupliciter fit, si aut eandẽ planẽ dicimus rem, aut de eadẽ re. Eandẽ rem dicimus non eodẽ modo, nam id quidem obtundere auditorem est, non rem expolire, sed cõmutare. Commutabimus tripliciter: uerbis, pronunciando, tractando. Verbis commutabimus, cum re semel dicta, iterum aut sæpius alijs uerbis quæ idem ualeant, eadem res proferetur, hoc modo: Nullum tantum est periculum, quod sapiens pro salute patriæ uitandum arbitretur. Cum augetur incolumitas perpetua ciuitatis, qui bonis erit rationibus præditus, profecto nullum uitæ discrimen sibi pro fortunis reip. fugiendum putabit: & erit in ea sententia semper, ut pro patria studiose quamuis in magnam descendat uitæ dimicationem. Pronunciando cõmutabimus, si tum in sermone, tum in acrimonia, tum in alio atq; alio genere uocis atque gestus, eadem



eadem uerbis commutando, pronuntiatione quoq; uehementius immutabimus. hoc neq; commodissime scribi potest, neq; parum est apertum, quare nō eget exempli.

Tertium genus est commutationis, quod tractando conficitur, si sententiam traſciemus, aut ad sermocinationem, aut ad exuscitationem. Sermocinatio est, de qua planius paulō post suo loco dicemus: nunc breuiter ad hāc rem (b) quod satis sit attingemus, in qua cōſtituetur alicuius personae oratio accōmodata ad dignitatem, hoc modo, ut quō facilius res cognosci possit, ne ab eadem sententia recedamus. Sapiens, qui omnia reip. causa suscipienda pericula putabit, saepe ipse secū loquitur: Non mihi soli, sed etiam, atq; adeo multo potius natus sum patriae: uita, quae fato debetur, saluti patriae potissimum soluatur. Aluit haec me, tute atq; honeste produxit usq; ad hanc aetatem, munijt meas rationes bonis legibus, optimis moribus, honestissimis disciplinis.

Quid est, quod à me satis ei persolui possit: unde haec accepta sunt? quia haec loquitur secum sapiens, saepe ego in periculis Reip. nullum ipse periculum fugi. Item mutatur res tractando, si traducitur ad exuscitationem, cum & nos commoti dicere uideamur, et auditoris animum commouemus, sic: Quis est tam tenui cogitatione praeditus, cuius animus tantis angustijs inuidiae continetur, qui non hunc hominem studiosissime laudet, & sapientissimum iudicet? qui pro salute patriae, pro incolūmitate ciuitatis, pro Reip. fortunis, quamuis magnum atq; atrox periculum studiose suscipiat, & libenter subeat. equidem hunc hominem magis cupio satis laudare, quam posſim, idemq; hoc certō scio uobis omnibus usu uenire. Eadem res igitur his tribus in dicendo commu-



tabitur rebus: uerbis, pronunciando, tractando: sed tractando dupliciter, sermocinatione & exuscitatione. Sed de eadem re cum dicemus, pluribus utemur commutationibus. Nam cum rem simpliciter pronunciauerimus, rationem poterimus subijcere. Deinde duplicem, uel sine rationibus, uel cum rationibus pronunciare sententiam. Deinde asserre contrarium, de quibus omnibus diximus in uerborum exornationibus. Deinde simile & exemplum, de quo suo loco plura dicemus. Deinde conclusionem, de qua in secundo libro, quæ opus fuerit, diximus, demonstrantes argumentationem quemadmodum concludere oporteat. in hoc libro docuimus, cuiusmodi esset exornatio uerbi, cui conclusioni nomen est. Ergo huiusmodi reuoluerunt ornata poterit esse expositio, quæ constabit ex frequentibus uerborum exornationibus, & sententiarum. Hoc modo igitur septem partibus tractabitur: sed ab eiusdem sententiæ non recedamus exemplo, ut scire possis, quàm facile præceptione Rhetorica res simplex multiplici ratione tractetur. Sapiens nullum pro rebus, periculum uitabit: ideo quod sæpe fit, ut cum pro Rebus, perire noluerit, necessario cum Rebus, pereat: et quoniam sunt omnia commoda à patria accepta, nullum incommodum pro patria graue putandum est. ergo qui fugiunt id periculum quod pro Rebus, subeundum est, stulte faciunt. nam neque effugere incommoda possunt, & ingrati (a) in ciuitatem reperiuntur. At qui patriæ pericula suo periculo expetunt, hi sapientes putandi sunt: cum & eum quem debent honorem Reipub. reddunt, et pro multis perire malunt quàm cum multis. Etenim uehementer est iniquum, uitam, quam à natura acceptam propter patriam conseruaueris, naturæ cum cogat reddere,



dere patrie cum roget non dare: et cum possis cum summa uirtute et honore pro patria interire, malle per dedecus et ignauiam uiuere: et cum pro amicis et parentibus et ceteris necessarijs adire periculi uelis, pro Repub. in qua et hoc et illud sanctissimum nomen patrie continetur, nolle in discrimen uenire. Itaque uti contemnendus est, qui in nauigando se quam nauim mauult incolumem: ita uituperandus, qui in Reipublice discrimine, suo plus quam communi saluti consulit. Naue enim fracta multi incolumes euaserunt: ex naufragio patrie saluus nemo potest enatare. Quod mihi bene uidetur Decius intellexisse, qui se deuouisse dicitur, et pro legionibus in hostes misisse medios: unde amisit uitam, ac non perdidit. Re enim uilissima et parua maximam redemit: dedit uitam, accepit patriam: amisit animam, positus est gloria, quae cum summa laude prodita, uetustate quotidie magis enitescit. Quod si pro Republica debere accedere ad periculum, et ratione demonstratum est, et exemplo comprobatum: hi sapientes sunt existimandi, qui nullum pro salute patrie periculum uitant. In his igitur generibus expolitio uersatur, de qua producti sumus ut plura diceremus: quod non modo cum causam dicimus, adiuuat et exornat orationem, sed multo maxime per eam exercentur ad elocutionis facultatem. Quare conuenit extra causam in exercendo rationes adhibere expolitionis, in dicendo uti cum exornabimus argumentationem, de qua diximus in libro secundo. COMMORATIO est, cum in loco firmissimo, quo tota causa continetur, manetur diutius, et eodem sepius reditur. Hac uti maxime conuenit, et id est oratoris boni maxime proprium. Non enim datur auditori potestas



animum de re firmissima dimouendi. huic exemplū satis idoneum subijci nō potuit: propterea quōd hic locus nō est à tota causa separatus sicut membrū aliquod, sed tanquam sanguis profusus est per totum corpus orationis. CONTENTIO est, per quam contraria referuntur. Ea est in uerborum exornationibus, ut antè docuimus, eiusmodi:

Inimicis te placabilem, amicis inexorabilem præbes.

In sententiarum, huiusmodi: Vos huius incommodis lugeatis, iste Reipublicæ calamitate letatur: uos uestria fortunis diffiditis, iste solus suis eō magis confidit. Inter hæc duo contentionum genera (b) hoc interest: illud ex uerbis celeriter relatis constat, hic sententiæ contrariæ ex comparatione referantur oportet. SIMILITUDO est, oratio traducens ad rem quampiam aliquid ex re dispari simile. Ea sumitur aut ornandi causa, aut probandi, aut apertius dicendi, aut ante oculos ponēdi. Quomodo igitur quatuor de causis sumitur, ita quatuor modis dicitur: per contrarium, per negationē, per breuitatem, per collationem. ad unamquamq; sumendæ causam similitudinis, accommodabimus singulos modos pronuncian- di. Ornandi causa sumitur per cōtrarium, sic: Non enim quemadmodum in palaestra, qui tēdas candētes accipit, celerior est in cursu continuo, quā ille qui tradit: ita melior imperator nouus qui accipit exercitum, quā ille qui decedit: propterea quōd defatigatus cursor integro facem, hic peritus imperator imperito exercitum tradit. Hoc sine simili satis planè & perspicuè & probabiliter dici potuit, hoc modo: Dicitur, minus bonos imperatores à melioribus exercitum accipere solere, sed ornandi causa simile sumptum est, ut orationi dignitas quædam



quedam comparatur. dictum est autem per contrarium. Nam tunc similitudo sumitur per contrarium, cum ei res quam nos probamus, aliquā rem negamus esse similem, ut paulò antè, cum de cursoribus afferebamus. Per negationem dicitur probandi causa, hoc modo: Neq; equus indomitus, quamuis natura benè compositus sit, idoneus potest esse ad eas utilitates, & aptus, quæ desiderantur ab equo: neq; homo indoctus, quamuis sit ingeniosus, ad uirtutem potest peruenire. hoc probabilius factum est, quod magis est uerisimile, non posse uirtutem sine doctrina comparari: quoniam nec equus quidem indomitus idoneus possit esse. ergo sumptum est probandi causa, dictum est autem per negationem: id enim perspicuum est de primo similitudinis uerbo. Apertius dicendi causa similitudo dicitur per breuitatem, hoc modo: In amicitia gerenda, sicut in certamine currendi, non ita conuenit exerceri, ut quoad necesse sit peruenire possis: sed ut productus studio & uiribus ultra facile procurras. Nam hoc simile est, ut apertius intelligatur: mala ratione facere, qui reprehendant eos qui uerbi causa post mortem amici liberos eius custodiant: propterea quod in cursore tantum uelocitatis esse oporteat, ut offeratur usq; ad finem: in amico tantum beneuolentie studium, ut ultra quam amicus sentire possit, procuret amicitie studio. dictum autem simile est per breuitatem: non enim ita ut in cæteris rebus res ab re separata est, sed utraq; res coniuncte & confuse pronuntiatæ. Ante oculos ponendi negotij causa, sumetur similitudo per collationem, sic: Vti citharædus, cum prodierit optime uestitus, palla inaurata indutus, cum chlamyde purpurea coloribus uariis intexta, et cum corona aurea magnis (a) fulgentibus



gemma illuminata, citharam tenens exornatissimam auro & ebore distinctam: ipse præterea forma & specie sit, & statura appositæ ad dignitatem: si cum magnam populo commoueri his rebus expectationem, repente silentio facto, uocem emittat acerbissimam, cum turpissimo corporis motu: quod melius ornatus, & magis fuerit expectatus, eò magis derisus & contemptus eijcitur: ita si quis in excelsa loco, & in magnis ac locupletibus copiis collocatus, fortune muneribus & naturæ commodis omnibus abundabit: si uirtutis & artium, quæ uirtutis magistræ sunt, egebit: quod magis cæteris rebus erit copiosus & illustris & expectatus, eò uehementius derisus & contemptus, ex omni conuentu bonorum eijcitur. Hoc simile exornatione utriusque rei, & alterius inscitia artificij, alterius stulticia similitudine collata, sub aspectu omnium rem subiecit. Dictum autem est per collationem, propterea quod proposita similitudine, paria sunt relata omnia. In similibus obseruare oportet diligenter, ut cum rem afferamus similem, cuius rei causa similitudinem attulerimus: uerba quoque ad similitudinem habeamus accommodata, id est huiusmodi. Ita ut hirundines æstiuo tempore præsto sunt, frigore pulse recedunt: ex eadem similitudine nunc per translationem uerba sumimus: ita falsi amici sereno uitæ tempore præsto sunt, simulatque hyemæ fortune uiderint, deuolant omnes. Sed inuentio similium facilis erit, si quis sibi omnes res animatas & inanimatas, mutas & loquētes, feras & mansuetas, terrestres & cœlestes & maritimas, artificio, casu, natura comparatas, usitatas, atque inusitatas, frequenter ante oculos poterit ponere, & ex his aliquam uenari similitudinem, quæ aut ornare, aut docere, aut apertiore



apertiore rem facere, aut ponere ante oculos possit. Non enim res tota toti rei necesse est similis sit, sed ad ipsum, ad quod conferetur, similitudinē habeat oportet.

EXEMPLVM est, alicuius facti aut dicti præteriti, cum certi authoris nomine propositio. Id sumitur iisdē de causis, de quibus similitudo. Rem ornatiorem facit, cum nullius rei nisi dignitatis causa sumitur. apertio = rem, cum id quod sit obscurius, magis dilucidum reddit. probabiliorem, cum magis uerisimilem facit. Ante oculos ponit, cū exprimit omnia perspicue, ut res dicta prope manu tētari possit. Vniuscuiusq; generis singula subiecissimus exempla, nisi exemplum, quod genus esset in expolitione demonstrassemus, et causas sumendi in similitudine aperuissimus. quare nolimus, neq; pauca, quominus intelligeretur, neq; re intellecta, plura conscribere. IMAGO est, formæ cum forma, cum quadam similitudine collatio. Hæc sumitur aut laudis aut uituperationis causa. Laudis causa, sic: Ibant in prælium corpore, (b) tauri ualidissimi, impetu leonis acerrimi similes. Vituperationis, ut in odium, aut in inuidiam, aut in contemptionem adducat. ut in odium, hoc modo: Iste quotidie per forum medium tanquam iubatus draco serpit, aspectu rabido circumspectans huc & illuc, si quem reperiatur cui aliquid mali faucibus afflare, quem ore attingere, dentibus infecare, lingua aspergere possit. ut in inuidiam adducat, hoc modo: Iste, qui diuitias suas iactat, sicut Gallus è Phrygia, aut ariolus quispiā depressus & oneratus auro clamat, & deierat. ut in contemptionem adducat, sic: Iste, tanquam coclea abscondens & retentans sese tacitus, quo sit tutus, comeditur cum domo sua, & aufertur.



EFFICTIO est, cum exprimitur & effingitur uer-  
 bis corporis cuiuspiam forma, quoad satis sit ad intelli-  
 gendum, hoc modo: Hunc dico iudices rubrum, breuem,  
 incuruum, canum, subcrispum, caesum, cui sanè magna  
 est in mento cicatrix, si quo modo potest uobis in me-  
 moriam redire. Habet hæc exornatio cum utilitatem, si  
 quem uelis ostendere: tum uenustatem, si breuiter & di-  
 lucidè facta est. NOTATIO est, cū alicuius natura cer-  
 tis describitur signis, quæ sicuti notæ quedam nature  
 sunt attributa. Vt si uelis nō diuītē, sed ostentatorem pe-  
 cuniosum describere: Iste, inquires, iudices, qui se dici di-  
 uītē putat esse præclarū, primū nunc uidete, quo uul-  
 tu nos intueatur: nonne uobis uidetur dicere, darem, si  
 mihi molesti nō essetis? cū uerō sinistra mentū subleuat,  
 existimat se gemmæ nitore, & auri splendore aspectus  
 omnium perstringere. Cum puerum respicit hunc unum,  
 quem ego noui, uos nō arbitror nouisse, alio nomine ap-  
 pellat, deinde alio atq; alio. Heus tu inquit, ueni Sannio,  
 ne quid isti barbari perturbent, ut ignoti qui audiunt,  
 unū putent eligi de multis: ei dicit in aurem, aut ut domi  
 lectuli sternantur, aut ab auunculo rogetur æthiops qui  
 ad balneas ueniat: aut asturconi locus ante ostium suum  
 detur: aut aliquid fragile falsæ coragiū gloriæ compare-  
 tur. Deinde exclamat, ut omnes audiant: Videto ut dili-  
 gēter enumeretur, si potest ante noctē. puer, qui iam be-  
 nē hominis naturā nouit, Tu illō plures mittas oportet,  
 inquit, si hodie uis trāsnumerari. age, inquit, duc tecum  
 Libanū, & Sosiam. sanè. Deinde casu fleniunt hospites  
 homini, qui istum splendidē, dū peregrinaretur, recepe-  
 runt: ex eare homo hercle sanè conturbatur, sed tamen  
 a uita naturæ nō recedit. Benè, inquit, facitis, cū uenitis:  
 sed re-



sed rectius fecissetis, si ad me domum recta adissetis. Id fecissemus, inquiunt illi, si domum nouissemus. At istud quidem facile fuit unde libet inuenire. Verum ite mecum sequuntur illi. sermo interea huius consumitur omnis in ostentatione. (a) *Quaritur in agris cuiusmodi frumenta sint, negat se, quia uille incense sint, accedere posse: nec edificare etiam nunc audere, tamen si in Thusculano quidem coepi insanire, et in iisdem fundamentis edificare.* Dum haec loquitur, uenit in aedes quasdam, in quibus solatium erat eodem die futurum: quod iste pro noticia domini aditum ingreditur cum hospitibus. hic, inquit, habito. perspicit argentum, quod erat expositum. uisit triclinium stratum. probant. Accedit seruulus, dicit homini clare, domum iam uenturum, si uelit exire. ita ne, inquit? eamus hospites, frater uenit ex Falerno, ego illi obuiam pergam. uos huc decima uenitote. hospites discedunt. iste seraptem domum suam conijcit. illi decima, quod iusserat, ueniunt. querunt hunc: reperiunt domus cuius sit. in diuersorium derisi conferunt sese. Vident hominem postera die: narrant, exposcunt, accusant. ait iste, eos similitudine loci deceptos, angiporro toto deerrasse: contra ualitudinem suam se ad multam noctem expectasse. Sannioni puero negotium dederat, ut uasa, uestimenta, pueros corrogaret. seruulus non inurbanus, satis strenue concinne comparat. iste hospites domum deducit. Ait se aedes maximas cuidam amico ad nuptias accommodasse. nunciat interea puer argentum repeti: pertinuerat enim, qui commodarat. Apagete, inquit, aedes commodauimus, familiam dedi, argentum quoque uult? tamen si hospites habeo, tamen utatur licet: nos famijs delectabimur. Quid ego, quae deinde efficiat, narrem? eiusmodi est homi-



est hominis natura, ut quæ singulis diebus efficiat gloria atque ostentatione, ea uix annuo sermone enarrare possim. Huiusmodi notationes, quæ describunt, quod consentaneum sit uniuscuiusque naturæ, uehementer habent magnam delectationem. totam enim naturam cuiuspiam ponunt ante oculos, aut gloriosi, ut nos exempli causa coeperamus: aut inuidi, timidi, aut auari, ambitiosi, amatoris, luxuriosi, furis, quadruplatoris. denique cuiusuis studium protrahi potest in medium tali notatione. **SERMOCINATIO** est, cū alicui personæ sermo attribuitur, et is exponitur cum ratione dignitatis, hoc pacto: Cum militibus urbs redundaret, et omnes timore oppressi domi continerentur: uenit iste cum saggo, gladio succinctus, tenens iaculum: quinque adolescentes hominem simili ornatu subsequuntur. irrumpit in ædes subito. deinde magna uoce, Vbi est iste beatus, inquit, ædium dominus? quin mihi præstò fuit? quid tacetis? hic alij omnes stupidi timore obmutuerunt. uxor illius infelicissimi cum maximo fletu ad istius pedes abiicit sese: Parce, inquit, et per ea quæ tibi dulcissima sunt in uita (b) miserere nostri, noli extinguere extinctos. Fer mansuetè fortunam. nos quoque fuimus beati. nosce te esse hominē. At ille: Quin illum mihi datis? at uos auri-  
bus meis opplorare desinitis, non abibit. illi nunciatur interea uenisse istum, et clamore maximo mortem minari. quod simul ut audiuit: Heus, inquit, Gorgia pedisse qua puerorum, absconde pueros. defende: fac, ut incolumes ad adolescentiā perducas. Vix hæc dixerat, cum ecce iste præstò: Sedes, inquit, audax. nō uox mea tibi uultū ademit. exple meas inimicitias, et iracundiam saturata tuo sanguine. Ille cū magno spiritu: Metuebā, inquit, ne plañe uictus



nē uictus essem: nunc uideo, in iudicio mecum contendere non uis, ubi superari turpissimum est, superare pulcherrimum. interficere me uis. occidar equidem, sed uictus non peribo. At ille: In extremo uitæ tempore etiam sententiose loqueris: neque ei, quem uides dominari, uis supplicare. Tum mulier: Immo quidem iste rogat, et supplicat, sed tu quæso commoueare. et tu per deos, inquit, hunc amplexare. dominus est, uicit hic te. uince tu nunc animum. Cur non desinis, inquit, uxor loqui, quæ me digna non sunt. tace, et quæ curanda sunt, cura. tu cessas mihi uitam, tibi omnem bene uiuendi spem mea morte eripere. Iste mulierem repulit ab se lamentantem. ille nescio quid incipienti dicere, quod dignum uidelicet illius uirtute esset, gladium in latere defixit. Puto in hoc exemplo datos esse unicuique sermones ad dignitatem accommodatos: id quod oportet in hoc genere obseruare. Sunt item sermocinationes consequentes hoc genus: Nam quid putamus illos dicturos, si hoc iudicaueritis? nonne hac omnes utentur oratione? deinde subijcere sermonem. CONFIRMATIO est, cum aliqua quæ non adest persona, confingitur quasi ad sit: aut cum res muta aut informis sit eloquens et formata, et ei oratio attribuitur ad dignitatem accommodata, aut actio quædam, hoc pacto. Quod si nunc hæc urbs inuictissima uocem emitat, non hoc pacto loquatur? Ego illa plurimis trophæis ornata, triumphis ditata certissimis, clarissimis locupletata uictorijs, nunc uestris seditionibus, o ciues, uxor. quæ dolis malitiosa Carthago, uiribus probata Numantia, disciplinis erudita Corinthus labefactare non potuit, eam patiemiini nunc ab homunculis deterrimis proteri atque conculcari? Itē: Quod si nunc Lucius ille Brutus reuiuiscat,



uiuifcat, & hic ante pedes uestros adsit, non hac utetur oratione: Ego reges eieci: uos tyrānos introducit. ego libertatem, quæ non erat, peperit: uos partem seruare nō uultis. ego capitis mei periculo patriam liberaui: uos liberi sine periculo esse non curatis. Hæc conformatio, licet in plures res, mutas atq; inanimatas transferatur, proficit plurimum in amplificationis partibus, & commiseratione. SIGNIFICATIO est, quæ plus in suspicione  
 41 ne relinquit, quàm positiuū (a) est in oratione. ea fit per exuperationē, ambiguum, consequentiā, abscisionē, si-  
 militudinem. Per exuperationem, cum plus dictum est quàm patitur ueritas augendæ suspicionis causa, sic: Hic de tāto patrimonio tam citō testam, quæ sibi petat ignē, non relinquit. Per ambiguum, cum uerbum potest in duas, plures uē sententias accipi: sed accipitur in eam partem quam uult is qui dixit. ut de eo si dicas, qui multas hereditates adierit: Prospice tu, qui plurimum cernis. Ambigua quemadmodum uitanda sunt, quæ obscuram reddunt orationem: ita hæc consequenda, quæ conficiunt huiusmodi significationem. Ea reperiuntur facili, si nouerimus & animaduuerterimus uerborum ancipites aut multiplices potestates. Per consequentiā significatio fit, cum res, quæ sequuntur aliquam rem, dicuntur, ex quibus tota res relinquitur in suspitione. ut si salsamentarii filio dicas: Quiesce tu, cuius pater cubito se emigere solebat. Per abscisionem, si cum incipimus aliquid dicere, præcidimus, & ex eo quod iam diximus, satis relinquitur suspitionis, sic: Qui ista forma et ætate nuper alienæ domui, nolo plura dicere. Per similitudinem, cum aliqua re simili allata, nihil amplius dicimus, sed ex ea significamus, quid sentiamus, hoc modo: Noli Saturnine



nimum populi frequentia fretus esse: inulti iacent Gracchi. Hæc exornatio plurimū festiuitatis habet interdum, & dignitatis. Sinit enim quiddam tacito oratore ipsum auditorem suspicari. BREUITAS est res ipsis tantummodo uerbis necessarijs expedita, hoc modo: Lemnum præteriens cepit: inde Tharsi præsidium reliquit: post urbem in Bithynia sustulit. inde pulsus in Hellepontū: statim potitur Abido. Item: Modò consul, quondam tribunus, deinde primus erat ciuitatis, tum proficiscitur in Asiam, deinde exul, & hostis est dictus: post imperator, postremò consul factus est. Habet paucis comprehensa breuitas multarum rerum expeditionem. Quare adhibenda sepe est, cum aut res non egent longa orationis, aut tempus non sinit commorari.

DEMONSTRATIO est, cum ita res uerbis exprimitur, ut geri negotium, & res ante oculos esse uideatur. Id fieri poterit, si quæ ante, & post, & in ipsa facta erunt, comprehendemus: aut à rebus consequētibus, aut à circumstantibus non recedemus, hoc modo: Quod simulatq; Gracchus prospexit fluctuare populum, uerentem, ne ipse autoritate Senatus commotus à sententia desisteret, iubet aduocari concionem, iste interea sceelere & malis cogitationibus redundans, euolat ex templo Iouis, & sudans, oculis ardentibus, erecto capillo, contorta toga, cum pluribus alijs ire celerius coepit. Illi præco faciebat audientiam: hic subsellium quoddam calce premens, dextra pedem defringit, (b) & alios hoc idem iubet facere. Cū Gracchus deos inciperet precari: cursim isti impetū faciunt: ex alijs alijsq; partibus cōuolant, atq; è populo unus: Fuge, inquit, Tiberi fuge. Non uides? respice inquam. Deinde uaga multitudo subito

timore



timore perterrita fugere cœpit. at iste spumans ex ore scelus, anhelans ex infimo pectore crudelitatem, cōtorquet brachium, & dubitanti Graccho quid esset, neq; tamen locum in quo consisterat relinquenti, percutit tempus. Ille nulla uoce delibans instam uirtutem, concidit tacitus. iste uiri fortissimi miserando sanguine aspersus, quasi facinus præclarissimum fecisset, circumspectans et hilaris, sceleratam gratulantibus manū porrigens, in templum Iouis contulit sese. Hæc exornatio in amplificanda & commiseranda re plurimum prodest, et in huiusmodi narrationibus: statuit enim totam rem, & propè ponit ante oculos. Omnes rationes honestandæ elocutionis studiosè collegimus: in quibus, Herenni, si te diligenter exercueris: & grauitatē, & dignitatem, et suauitatē habere in dicendo poteris, ut oratoriē planè loquaris, ne nuda atq; inornata inuentio uulgari sermone efferatur. Nunc identidē nosmetipsi nobis instemus: res enim communis agitur, ut frequenter et assiduè consequamur artis rationem studio & exercitatione. Quod alij cum molestia tribus de causis maximè faciunt: aut si cū quibus libenter exerceantur non habent, aut si sibi diffidunt, aut si nesciunt quam uiam sequi debeant: quæ à nobis absunt omnes difficultates. Nam & simul libenter exercemur propter amicitiam, cuius initium cognatio fecit, cætera philosophiæ ratio confirmauit: & nobis nō diffidimus, propterea quod & aliquantulum processimus, & alia meliora sunt quæ multo intentius petimus in uita: ut etiā si non peruenerimus in dicendo quò uolumus, parua pars uite perfectissima desideretur. Et uiam quam sequamur habemus, propterea quod in his libris nihil præteritū est Rhetoricæ præceptionis. Demonstratum



est enim, quomodo res in omnibus generibus causarum inueniri oporteat: dictū est, quo pacto eas disponere cōueniat: traditum est, qua ratione esset pronunciandum: præceptum est, qua uia meminisse possemus: demonstratum est, quibus modis perfecta elocutio comparetur. Quæ si sequamur, acutè & citò reperiemus, distinctè & ordinatè disponemus, grauiter & uenustè pronunciamus, firmè & perpetuò meminerimus, ornate & suauiter eloquemur. Ergo in arte Rhetorica nihil est amplius. Hæc omnia adipiscemur, si rationes præceptionis diligentia consequemur, & exercitatione.

## RHETORICORVM AD C.

Herennium Finis.

## M. T. CICERONIS

## DE INVENTIONE RHETO-

rica Liber I.

(a)



AEPE & multum hoc mecum cogi- 42  
taui, boni ne an mali plus attulerit ho-  
minibus & ciuitatibus copia dicendi,  
ac summum eloquentiæ studium. Nam  
& cum nostræ Reipublice detrimen-  
ta considero, & maximarum ciuitatum ueteres animo  
colligo calamitates: non minimam uideo per disertissi-  
mos homines inuectam esse partem incommodorum. Cū  
autem res ab nostra memoria propter uetustatem remo-  
tas ex literarū monumentis repetere instituo: multas ur-  
bes constitutas, plurima bella restincta, firmissimas socie-  
tates, sanctissimas amicitias intelligo, tum animi ratione,



tum facilius eloquentia comparatas. Ac me quidem diu cogitantē ratio ipsa in hanc potissimum sententiam duxit, ut existimem sapientiam sine eloquentia parum prodesse ciuitatibus; eloquentiam uerò sine sapientia nimium obesse plerumque, prodesse nunquam. Quare si quis omnis rectissimis atque honestissimis studiis rationis et officij, consumit omnem operam in exercitatione dicendi; is inutilis sibi, perniciosus patriæ ciuis alitur. qui uerò ita se armat eloquentia, ut non oppugnare comoda patriæ, sed pro his pugnare possit: is mihi uir et suus, et publicis rationibus utilissimus, atque amicissimus ciuis fore uidetur. Ac si uolumus huius rei quæ uocatur eloquentia, siue artis, siue studij, siue exercitationis cuiusdam, siue facultatis à natura profectæ considerare principium: reperiemus id ex honestissimis causis natum, atque optimis rationibus profectum. Nam fuit quoddam tempus, cum in agris homines passim bestiarum more uagabantur, et sibi uictu ferino uitam propagabāt: nec ratione animi quicquam, sed pleraque uiribus corporis administrabant. Nondum diuinæ religionis, non humani officij ratio colebatur. nemo legitimas uiderat nuptias, non certos quisquam inspexerat liberos: non ius æquabile quid utilitatis haberet, acceperat. Ita propter errorem atque inscitiam, cæca ac temeraria dominatrix animi cupiditas ad se explendam uiribus corporis abutebatur, perniciosissimis satellitibus. Quo tempore quidam, magnus uidelicet uir et sapiens, cognouit, quæ materia esset, et quanta ad maximas res opportunitas in animis inesset hominum, si quis eam posset elicere, et præcipiendo meliorem reddere. Qui dispersos homines in agris, et in tectis siluestribus abditos, ratione quadam compulit in unum locum, et congregauit:



et eos in unamquang rem inducens utilem atq; honestam, primò propter insolentiam reclamantes, (b) dein de propter rationē atq; orationem studiosius audientes, ex feris et immanibus mites reddidit et mansuetos. Ac mihi quidē uidetur hoc nec tacita, nec inops dicendi sapientia perficere potuisse, ut homines à cōsuetudine subito conuerteret, et ad diuersas uitæ rationes traduceret. Age uerò, urbibus constitutis ut fidem colere et iusticiam retinere discerent, et alijs prære sua uoluntate consuescerent: ac non modò labores excipiendos cōmunis causa commodi, sed etiam uitam amittendam existimarent, qui tandem fieri potuit, nisi homines ea quæ ratione inuenissent, eloquentia persuadere potuissent?

Profectò nemo nisi graui ac suaui cōmotus oratione, cum uiribus plurimum posset, ad ius uoluisset sine ui descendere: ut inter quos posset excellere, cum ijs se pateretur æquari, et sua uoluntate à iucundissima consuetudine recederet, quæ præsertim iam naturæ uim obtineret propter uetustatem. Ac primò quidem sic et nata et progressa longius eloquentia uidetur, et item postea maximis in rebus pacis et belli cum summis hominū utilitatibus esse uersata. Postquam uerò cōmoditas quædam, praua uirtutis imitatrix, sine ratione officij dicendi cōpiam cōsecuta est: tum ingenio freta malicia, peruertere urbes, et uitas hominum labefactare assueuit. Atq; huius quoq; exordium mali, quoniam principium boni diximus, explicemus. Verisimillimū mihi uidetur, quod à tempore neq; in publicis rebus infantes et insipientes homines solitos esse uersari, nec uerò ad priuatas causas magnos ac disertos homines accedere: sed cum à summis uiri maximæ res administraretur, arbitror alios fuisse nō



incallidos homines, qui ad paruas controuersias priuato-  
 torum accederent. Quibus in controuersijs cum saepe à mer-  
 dacio contra uerum homines stare consue- erent, dicendi  
 assiduitas aluit audaciam: ut necessario superiores illi pro-  
 pter iniurias ciuium resistere audacibus, et opitulari suis  
 quisque necessarijs cogerentur. itaque cum in dicendo saepe  
 par, nonnunquam etiam superior uisus esset is, qui omisso  
 studio sapientiae, nihil sibi praeter eloquentiam comparas-  
 set: fiebat, ut et multitudinis et suo iudicio dignus, qui  
 Rempublicam gereret, uideretur. Hinc nimirum non iniuria, cum  
 ad gubernacula Reipublicae temerarij atque audaces homines  
 accesserant, maxima ac miserrima naufragia fiebant.  
 Quibus rebus tantum odij atque inuidiae suscepit eloquen-  
 tia, ut homines ingeniosissimi quasi ex turbida tempe-  
 state in portum, sic ex seditiosa et tumultuosa uita se  
 in studium aliquod traderent quietum. Quare mihi uide-  
 ntur postea cetera studia recta atque honesta per ocium  
 coelebrata ab optimis enituisse, hoc uero à plerisque eo-  
 rum desertum obsoleuisse eo tempore, quo multo uehe-  
 34 mentius erat retinendum (a) et studiosius ad augendum.  
 Nam quò indignius rem honestissimam et rectissimam  
 uiolabat stultorum et improborum temeritas et auda-  
 cia, summo cum Reipublicae detrimento: eò studiosius et illis  
 resistendum fuit, et Reipublicae consulendum. Quod nostrum  
 illum non fugit Catonem, neque Laelium, neque horum (ut  
 uerè dicam) discipulum Africanum, neque Gracchos Afri-  
 cani nepotes: quibus in hominibus erat summa uirtus, et  
 summa uirtute amplificata autoritas, et quae his rebus  
 ornamento et Reipublicae praesidio esset eloquentia. Qua-  
 re meo quidem animo nihilominus eloquentiae studendum  
 est, etsi ea quidam et priuatim, et publice peruersè  
 abutun-



abuntur: sed eo uehementius, ne mali magno cū detrimento bonorum et cōmuni omnium perniciē plurimum possint, cū præsertim hoc unum sit quod ad omnes res & priuatas et publicas maximē pertineat: hoc tuta, hoc honesta, hoc illustris, hoc eodem uita iucunda fiat. Nam hinc ad remp. plurima commoda ueniunt, si moderatrix omnium rerum præsens est sapientia. Hinc ad ipsos qui eam adepti sunt, laus, honor, dignitas confluit. Hinc a micis quoq; eorum certissimum ac tutissimū præsidium comparatur. Ac mihi quidem uidentur homines, cū multis rebus humiliores & infirmiores sint, hac re maxime bestiis præsistere, quod loqui possunt. Quare praeclarum mihi quiddam uidetur adeptus is, qui quare homines bestiis præsistat, ea in re hominibus ipsis antecellat. Hoc si fortē non natura modō, neq; exercitatione conficitur, uerū etiam artificio quoddā cōparatur: non aliēnū est uidere, quae dicant ij qui quaedā eius rei praecepta nobis reliquerūt. Sed ante quā de praeceptis oratoris dicamus, uidetur dicendū de genere ipsius artis, de officio, de fine, de materia, de partibus. Nam hi rebus cognitis, facilius et expeditius uniuscuiusq; animus, ipsam rationem ac uiam artis considerare poterit.

CIVILIS quaedam ratio est, quae multis & magnis ex rebus constat. Etus quaedam magna et ampla pars est artificiosa eloquentia, quam Rhetoricam uocant. Nam neq; cū is sentimus, qui ciuile scientiā eloquentia nō putant indigeret ab is qui eam putant omnē Rhetoris uel & artificio contineri, magnopere dissentimus. Quare hanc oratoriam facultate in eo genere ponemus, ut eam ciuile scientiē partē esse dicamus. Officium autem eius facultatis uidetur esse, dicere appositē ad persuasionem.



Finis, persuadere dictione. Inter officium autē & finem hoc interest: quod in officio quid fieri, in fine quid officio conveniat, consideratur. Ut medici officium dicimus esse, curare appositē ad sanandū: finē, curatione (b) sanare. Itē oratoris quid officium & quid finem esse dicamus, intelligemus, cum id quod facere debet, officium esse dicemus: illud cuius causa facere debet, finem appellabimus. Materiam artis eam dicimus, in qua omnis ars, & ea facultas quae conficitur ex arte, versatur: ut si medicina materiam dicamus morbos ac vulnere, quod in his omnis medicina versetur: item quibus in rebus versatur ars & facultas oratoria, eas res materiam artis Rhetorica nominamus. Has autē res alij plures, alij pauciores existimaverunt. Nā Gorgias Leontinus, antiquissimus fere Rhetor, omnibus de rebus oratorem optime posse dicere existimavit: hic infinitā & immensam huic artificio materiam subijcere videtur. Aristoteles autem, qui huic arti plurima adiumenta atq; ornamenta subministravit, tribus in generibus rerū versari Rhetoris officium putavit: demonstratiū, deliberatiū, iudiciali. Demonstratiū est, quod tribuitur in alicuius certae personae laudem aut vituperationem. Deliberatiū est, quod positum in disceptatione & consultatione civili, habet in se sententię dictionē. Iudiciale est, quod positū in iudicio, habet in se accusationem & defensionem, aut petitionem & recusationem. Et quemadmodum nostra quidem fert opinio, Oratoris ars & facultas in hac materia tripartita versari existimanda est. Nam Hermagoras quidem nec quid dicat attendere, nec quid pollicetur intelligere videtur: qui oratoris materiam in causam & questionem diuidat. Causam esse dicat, rem quae

habeat



habeat in se controuersiam in dicendo positam, cū per-  
sonarum certarum interpositione: quam nos quoque or-  
ratori dicimus esse attributam. nam ei tres parteis, quas  
ante diximus, supponimus: iudicialem, deliberatiuam,  
demonstratiuam. Quæstionem autem eam appellat, quæ  
habeat in se controuersiam in dicendo positam, sine cer-  
tarum personarū interpositione, ad hunc modū: Vt quid  
sit bonum in uita præter honestatem: ueri ne sint sensus:  
quæ sit mūdi forma: quæ sit solis magnitudo. Quas quæ-  
stiones procul ab oratoris officio remotas, facile omnes  
intelligere existimamus. Nā quibus in rebus summa inge-  
nia philosophorū plurimo cū labore consumpta intelli-  
gimus, eas sicut aliquas paruas res oratori attribuere  
magna amētia uidetur. Quod si magnā in his Hermago-  
ras habuissent facultatē, studio et disciplina cōparatā: ui-  
deretur, freius sua scientia, falsum quiddā constituisse de  
oratoris officio: et nō quid ars, sed quid ipse posset, expo-  
suisse. Nunc uerō ea uis est in homine, ut ei multo Rhe-  
toricam citius quis ademerit, quā philosophiam con-  
cesserit. Neq; eo dico, quod eius ars quā edidit, mihi men-  
dosissimē scripta uideatur: (nam satis in ea uidetur ex  
antiquis artibus ingeniose & diligenter (a) electas res 44  
collocasse, & nonnihil ipse quoq; noui protulisse) ue-  
rū oratori minimum est de arte loqui, quod hic fecit:  
multo maximum ex arte dicere, quod eum minime po-  
tuisse omnes uidemus. Quare materia quidē nobis Rhe-  
torica uidetur artis ea, quam Aristoteli uisam esse dixi-  
mus. Partes autem hæ sunt, quas pleriq; dixerunt: In-  
uentio, Dispositio, Elocutio, Memoria, Pronunciatio.  
Inuentio est, excogitatio rerum uerarum aut uerisimi-  
lium, quæ causam probabilem reddant. Dispositio est,



rerum inuentarum in ordinem distributio. Elocutio est, idoneorum uerborum, et sententiarum ad inuentionem accommodatio. Memoria est, firma animi rerum ac uerborum ad inuentionem perceptio. Pronunciatio est, ex rerum et uerborum dignitate, uocis et corporis moderatio. Nunc his rebus breuiter constitutis, eas rationes, quibus ostendere possimus genus et officium et finem huius artis, aliud in tempus differemus. Nam et multorum uerborum indigent, et non tantopere ad artis descriptionem et praecepta tradenda pertinent. Eum autem qui artem rhetoricam scribat, de duabus reliquis rebus, de materia artis, ac partibus scribere oportere existimamus. Ac mihi quidē uidetur coniunctum agendum de materia, ac partibus. Quare inuentio, quae princeps est omnium partium potissimum in omni causarum genere, qualis debeat esse, consideretur.

Omnes res quae habet in se positā in dictione aut disceptatione aliquā cōtrouersiam, aut facti, aut nominis, aut generis, aut actionis continet quæstionē. Eam igitur quæstionē, ex qua causa nascitur, constitutionem appellamus. Constitutio est prima conflictio causarum, ex depulsione intentionis profecta, hoc modo. Fecisti: nō feci, aut iure feci. Cū facti cōtrouersia est, quoniam coniecturis causa firmatur, constitutio coniecturalis appellatur. Cum autē nominis, quia uis uocabuli definienda uerbis est, constitutio descriptiua nominatur. Cū uero qualis sit res queritur, quia et de ui, et de genere negotij cōtrouersia est, constitutio generalis uocatur. At cum causa ex eo pendet, quod non aut is agere uidetur quem oportet, aut non cum eo qui cum oportet, aut non apud quos, quo tempore, qua lege, quo crimine, qua poena oportet:



translatiua dicitur constitutio, quia actio translationis  
& commutationis indigere uidetur. Atq; harum aliquā  
in omne causa genus incidere necesse est. nam in quam  
non inciderit, in ea nihil esse poterit controuersie. Qua  
re eam nec causam quidem conuenit putari. Ac facti qui  
dem cōtrouersia in omnia tēpora potest distribui. Nam  
quid factum (b) sit, potest quæri hoc modo. Occiderit  
ne Aiace[m] Vlysses. & quid fiat, hoc modo. Bono ne ani  
mo sint erga pop. Rom. Fregellari. & quid futurum sit,  
hoc modo. Si Carthaginem reliquerimus incolumem,  
num quid sit incommodi ad remp. peruenturum. Nomi  
nis controuersia est, cum de facto conuenit, & quæri  
tur id quod factum est, quo nomine appelletur. Quo  
in genere necesse est ideo nominis esse controuersiam,  
non quòd de re ipsa non conueniat: non quòd de facto  
non constet, sed quòd id quod factum sit, aliud alij ui  
deatur esse, & idcirco alius alio nomine id appellet.  
Quare in huiusmodi generibus definienda res erit uer  
bis, & breuiter describenda: ut si quis sacrum ex priua  
to surripuerit, utrum fur, an sacrilegus sit iudicandus.  
Nam id cum quæritur, necesse erit definire utrumque:  
quid sit fur, quid sacrilegus: & sua descriptione osten  
dere, alio nomine illam rem, de qua agitur, appellari  
oportere, atque aduersarij dicunt. Generis est contro  
uersia, cum & quid factum sit, conuenit: & quo id fa  
ctum nomine appellari oporteat, constat; et tamen quan  
tum, & cuiusmodi, & omnino quale sit, quæritur, hoc  
modo. Iustum, an iniustum, utile, an inutile. & omnia,  
in quibus quale sit id quod factum est, quæritur, sine  
ulla nominis controuersia. Huic generi Hermagoras  
parteis quatuor supposuit: deliberatiuam, demon



stratiuam, iuridicialem, negocialem. Quod eius, ut nos  
 putamus, non mediocre peccatum reprehendendum ui-  
 detur: uerum breui, ne si aut taciti praterierimus, sine  
 causa non secuti eum putemur: aut si diutius in hoc con-  
 stiterimus, moram, atque impedimentum reliquis præ-  
 ceptis intulisse uideamur. Si deliberatio & demonstra-  
 tio genera sunt causarum: non possunt rectè partes ali-  
 cuius generis causæ putari. Eadem enim res alij genus  
 esse, alij pars potest: eidem genus esse & pars, non po-  
 test. Deliberatio autem, & demonstratio, genera sunt  
 causarum. Nam aut nullum causæ genus est, aut iudicia-  
 le solum: aut & iudiciale, & demonstratiuum, & deli-  
 beratiuum. Nullum dicere causæ esse genus, cum causas  
 esse multas dicat, et in eas præcepta det, amentia est. V-  
 num autem iudiciale solum esse qui potest cum delibe-  
 ratio, & demonstratio, neque ipsæ similes inter se sint,  
 & ab iudicali genere plurimum dissideant, & suum  
 quæque finem habeat, quò referri debeat. Relinquitur  
 ergo, ut omnia tria genera sint causarum. Deliberatio  
 igitur, & demonstratio non possunt rectè parteis ali-  
 cuius generis causæ putari. Malè igitur eas generalis  
 constitutionis parteis esse dixit. Quod si generis cau-  
 sæ parteis non possunt rectè putari, multò minus rectè  
 partis causæ partes putabuntur. Pars autem causæ con-  
 stitutio est omnis. Non enim causa ad constitutionem,  
 45 sed constitutio ad causam (a) accommodatur. sed de-  
 monstratio et deliberatio generis causæ, partes nō pos-  
 sunt rectè putari, quòd ipsa sunt genera. Multò igitur  
 minus rectè partis eius, quod hic dicit, partes puta-  
 buntur. Deinde, si constitutio & ipsa, & pars eius quæ-  
 libet, intentionis depulsio est: quæ intentionis depul-  
 sio non



sio non est, ea nec constitutio, nec pars constitutionis est. at si quæ intentionis depulsio non est, ea nec constitutio, nec pars cōstitutionis est: demonstratio & deliberatio, neq; constitutio, nec pars constitutionis est. Si igitur constitutio, & ipsa, & pars eius qualibet intentionis depulsio est: deliberatio & demonstratio, neque constitutio, neque pars constitutionis est. placet autem ipsi, constitutionem intentionis esse depulsionē. Placeat igitur oportet, demonstrationem & deliberationem nec esse constitutionem, nec partem constitutionis. Atq; hoc eodem incommodo urgebitur: siue cōstitutionem primam causæ accusatoris confirmationem dixerit, siue defensoris primam deprecationem. nam eum eadem omnia incommoda sequuntur. Deinde coniecturalis causa non potest simul ex eadem parte, eodem in genere & coniecturalis esse, & definitiua. Rursus nec definitiua causa potest simul ex eadem parte, eodem in genere, & definitiua esse, & translatiua. Et omnino nulla constitutio, nec pars constitutionis potest simul & suam habere, & alterius in se uim continere: ideo quod unaquæq; ex se, et ex sua natura simpliciter consideratur. Altera autem assumpta, numerus constitutionum duplicatur, non uis constitutionis augetur. At deliberatiua causa simul ex eadem parte eodem in genere & coniecturalem, & generalem, & definitiuam, & translatiuam solet habere constitutionem: & unam aliquando, & plures nonnunquam, ergo ipsa nec constitutio est, nec pars constitutionis. Idem in demonstratione solet usu euenire. Genera ergo, ut antè diximus, hæc causarum putanda sunt, non partes alicuius constitutionis. Hæc ergo constitutio, quam generalem nominamus, partis nobis uidetur duas



duas habere, iuridicalem & negocialem. Iuridicalis est, in qua æqui & recti natura, aut præmiij aut pœnæ ratio quæritur. Negocialis est, in qua quid iuris ex civili more et æquitate sit, consideratur: cui diligentie præesse apud nos iurisconsulti existimantur. Ac iuridicalis quidem ipsa in duas distribuitur parteis: absolutam, & assumptiuam. Absoluta est, quæ ipsa in se continet iuris & iniuriæ quæstionem. Assumptiua est, quæ ipsa ex se nihil firmi dat ad recusationem, foris autem aliquid defensionis assumit. eius partes sunt quatuor: concessio, remotio criminis, relatio criminis, comparatio. Concessio est, cum reus non id quod factum est defendit, sed ut ignoscatur postulat. hæc in duas parteis diuiditur, purgationem, & deprecationem. Purgatio (b) est, cum factum conceditur, culpa remouetur. Hæc parteis habet tres: imprudentiam, casum, necessitatem. Deprecatio est, cum & peccasse, et consulto peccasse reus se confitetur: & tamen, ut ignoscatur, postulat: quod genus perraro potest accidere. Remotio criminis est, cum id crimen quod infertur, ab se & à sua culpa, ut & potestate in alium reus remouere conatur. Id dupliciter fieri poterit: si aut causa, aut factum in aliū transferatur. Causa transfertur, cum aliena dicitur, ut, & potestate. Factum autem, cum alius aut debuisse, aut potuisse facere dicitur. Relatio criminis est, cum ideo iure factum dicitur, quod alius antè iniuria laceßierit. Comparatio est, cum aliud aliud quod factum rectum aut utile contenditur, quod ut fieret, illud quod arguitur, dicitur esse commissum. In quarta constitutione, quam translatiuā nonnāmus, eius constitutionis est controuersia: cum aut quem, aut quicum, aut quomodo, aut apud quos, aut quo iure, aut quo tem-

pore



pore agere oporteat, queritur: aut omnino aliquid de commutatione aut infirmatione actionis agitur. Huius constitutionis Hermagoras inuentor esse existimatur: nō quia nō usi sint ea ueteres oratores saepe multi, sed quia non animaduuerint artis scriptores eam superiores, nec retulerint in numerū constitutionū. Post autē ab hoc inuentam multi reprehenderūt: quos nō tam imprudentia falli putamus (res enim perspicua est) quā inuidia atq; obrectatione quadam impediri. Et constitutiones quidem, & earum parteis exposuimus: exempla autem cuiusq; generis tunc commodius exposituri uidemur, cū in unumquodq; eorū argumentorum copiam dabimus. Nam argumentandi ratio dilucidior erit, cū et ad genus, & ad exemplū causae statim poterit accommodari. Constitutione causae reperta statim placet considerare, utrum causa sit simplex, an cōiuncta: & si coniuncta erit, utrū sit ex pluribus questionibus iuncta, an ex aliqua comparatione. Simplex est, quae absolutā in se cōtinet unā questionem, hoc modo. Corinthijs bellū indicamus, an non? Cōiuncta ex pluribus questionibus, in qua plura querūtur, hoc modo. Vtrum Carthago diruatur, an Carthaginensibus reddatur, an eō colonia deducatur. Ex comparatione, in qua per contentionem, utrū potius, aut quid potissimum sit, queritur, ad hunc modum. Vtrum exercitus in Macedoniam contra Philippū mittatur, qui socijs sit auxilio: an teneatur in Italia, ut quā maxime cōtra Annibalē copiae sint. Deinde considerandum est, an in ratione, an in scripto sit controuersia. nam scripti controuersia est ea, quae ex scriptionis genere nascitur. Eius autē genera, quae sunt separata à constitutionibus, quinque sunt. nam tum uerba ipsa uidentur cum sententia s. ri.



tia scriptoris disidere: tum inter se due leges, aut plu-  
 46 res discrepare: tum (a) id quod scriptū est, duas aut plu-  
 res res significare uidetur: tum ex eo quod scriptum est,  
 aliud quoq; quod non scriptum est, inueniri: tū uis uer-  
 bi, quasi in definitiua constitutione, in quo posita sit,  
 queri. Quare primum genus de scripto et sententia: se-  
 cundum ex contrarijs legibus: tertium ambiguum: quar-  
 tum ratiocinatum: quintum definitiuum nominamus.  
 Ratio est autē, cū omnis questio nō in scripture, sed in  
 aliqua argumentatione cōsistit. Ac tū cōsiderato genere  
 causę, et cognita cōstitutione, cū simplex ne an cōiun-  
 cta sit, intellexeris, & scripti an rationis habeat contro-  
 uersiam uideris: deinceps erit uidendum, quę questio,  
 quę ratio, quę iudicatio, quod firmamentum causę sit:  
 quę omnia à cōstitutione proficiantur oportet. Quę-  
 stio est ea, quę ex conflictione causarum gignitur contro-  
 uersia, hoc modo: Nō iure fecisti: iure feci. Causarum au-  
 tem hæc est conflictio, in qua constitutio constat. Ex ea  
 igitur nascitur controuersia, quam quęstionem dicimus,  
 hoc modo: Iurē ne fecerit. Ratio est ea, quę continet cau-  
 sam: quę si sublata sit, nihil in causa controuersię relin-  
 quetur: hoc modo, ut docendi causa in facili, & peruul-  
 gato exemplo consistamus. Orestes si accusetur matri-  
 cidij, nisi hoc d'eat, iure feci, illa enim patrem meum oc-  
 ciderat, nō habet defensionem: qua sublata, omnis quo-  
 que controuersia sublata sit. Ergo eius causę ratio est,  
 quod illa Agamemnonem occiderit. Iudicatio est, quę  
 ex infirmatione & confirmatione rationis nascitur con-  
 trouersia. Nam sit ea nobis exposita ratio, quam paulō  
 antē exposuimus. Illa enim, inquit, patrem occiderat. At  
 non (inquit aduersarius) abs te filio matrē necari opor-  
 tuit.



tuit. potuit enim sine tuo scelere illius factum puniri. Ex hac deductione rationis summa nascitur controuersia, quam iudicationem appellamus. ea est huiusmodi: Rectum ne fuerit, ab Oreste matrem occidi, cum illa Orestis patrem occidisset. Firmamentum est firmissima argumentatio defensoris, & aptissima ad iudicationem. ut si uelit Orestes dicere: Eiusmodi animum matris suae fuisse in patrem suum, in se ipsum ac sorores, in regnum, in famam generis, & familiae, ut ab ea poenas liberi sui potissimum petere debuerint. Et in ceteris quidem constitutionibus ad hunc modum iudicationes reperiuntur: in coniecturali autem constitutione, quia ratio non est (factum enim non conceditur) non potest ex deductione rationis nasci iudicatio. Quare necesse est eandem esse questionem & iudicationem, ut Factum est, Factum non est: factum ne sit. Quot autem in causa constitutiones, aut earum partes erunt, totidem necesse erit questiones, rationes, iudicationes, firmamenta reperiiri. His omnibus in causa repertis, tum denique singulae partes totius causae considerandae sunt. Nam non ut quodque dicendum primum, ita primum animaduertendum (b) uidetur: ideo quod illa quae prima dicuntur, si uehementer uelis congruere & coherere cum causa, ex eis ducas oportet, quae post dicenda sunt. Quare cum iudicatio, et ea quae ad iudicationem oportet inueniri argumenta, diligenter erunt artificio reperta, cura & cogitatione pertractata: tunc denique ordinandae sunt ceterae partes orationis. Haec partes sex esse omnino nobis uidentur: Exordium, Narratio, Partitio, Confirmatio, Reprehensio, Conclusio. Nunc quoniam exordium princeps omnium esse debet, nos quoque primum in ratione exordiendi praecipua dabimus.

EXOR=



EXORDIVM est, oratio animum auditoris idonee comparans ad reliquam dictionem : quod eveniet, si eum beneuolum, attentum, docilem fecerit. Quare qui bene exordiri causam uolet, eum necesse est genus suae causae diligenter ante cognoscere. Genera causarum sunt quinque: Honestum, admirabile, humile, anceps, obscurum. Honestum genus est, cui statim sine oratione nostra auditoris fauet animus. Admirabile, a quo alienatus est animus eorum qui audituri sunt. Humile, quod negligitur ab auditore, & non magnopere attendendum uidetur. Anceps, in quo aut iudicatio dubia est, aut causa & honestatis & turpitudinis particeps, ut beneuolentiam pariat & offensionem. Obscurum, in quo aut tardi auditores sunt, aut difficilioribus ad cognoscendum negocijs causa implicata est. Quare cum tam diuersa sint genera causarum, exordiri quoque a dispari ratione in unoquoque genere necesse est. Igitur exordium in duas partes diuiditur, in principium et insinuationem. Principium est, oratio perspicue & protinus perficiens auditorem beneuolum, aut docilem, aut attentum. Insinuatio est, oratio quadam dissimulatione & circuitione obscure subiens auditoris animum. In admirabili genere causae, si non omnino infesti auditores erunt, principio beneuolentiam comparare licebit: sin erunt uehementer abalienati, confugere necesse erit ad insinuationem. Nam ab iratis si perspicue pax & beneuolentia petitur, non modo ea non inuenitur, sed augetur atque inflammatur odium. In humili autem genere causae, contemptio nis tollendae causa necesse erit attentum efficere auditorem. Anceps genus causae si dubiam iudicationem habebit, ab ipsa iudicatione exordiendum est: sin aut partem turpitudinis



pitudinis & partem honestatis habebit, benevolentiam  
captare oportebit, ut in genus honestum causa transla=  
ta uideatur. Cum aut erit honestū causæ genus, uel præ=  
teriri principiū poterit: et si cōmodum fuerit, aut à nar=  
ratione incipiemus, aut à lege, aut ab aliqua firmissima  
ratione nostræ dictionis. Vel si uti principio placebit,  
(a) benevolentie partibus utendum est, ut id quod est 47  
augeatur. In obscuro autē genere causæ per principium  
dociles auditores efficere oportebit. Nūc, quoniam quas  
res exordio conficere oporteat dictū est, reliquum est, ut  
ostendatur, quibus quæque res rationibus confici possit.  
Benevolentia quatuor ex locis comparatur: ab nostra,  
ab aduersariorum, ab iudicum persona, ab ipsa causa.  
Ab nostra, si de nostris factis & officiis sine arrogantia  
dicemus: si crimina illata, & aliquas minus honestas su=  
spiciones iniectas diluamus: si quæ incommoda accide=  
rint, aut quæ insent difficultates, proferemus: si prece  
& obsecratione humili ac supplici utemur. Ab aduer=  
sariorum autem, si eos aut in odium, aut in inuidiam,  
aut in contemtionē adducemus. In odium adducentur,  
si quid eorum spurcè, superbè, crudeliter, maliciose fa=  
ctum proferetur. In inuidiam, si uis eorum, potentia, di=  
uitiæ, cognatio, pecuniæ proferentur, atque eorum usus  
arrogans & intolerabilis: ut his rebus magis uidean=  
tur quàm causæ suæ confidere. In contemtionem addu=  
centur, si eorum inertia, negligentia, ignauia, desidio=  
sum studium, et luxuriosum ocium proferetur. Ab audi=  
torum persona benevolentia captabitur, si res ab his for=  
titer, sapienter, mansuetè gestæ proferentur: ut ne qua as=  
sentatio nimia significetur: & si de his quàm honesta  
existimatio, quantaq; eorū iudicij et authoritatis expe=



statio sit, ostendetur. Ab ipsis rebus, si nostram causam laudando extollemus, aduersariorum causam per contemptum deprimemus. Attentos autem faciemus, si demonstrabimus ea quæ dicturi crimus, magna, noua, incredibilia esse, aut ad omnes, aut ad eos qui audiunt, aut ad aliquos illustres homines, aut ad deos immortales, aut ad summam Reip. pertinere. Et si pollicemur nos breui nostram causam demonstraturos: atq; exponemus indicationem, aut indicationes, si plures erunt. Dociles auditores faciemus, si apertè & breuiter summam causæ exponemus: hoc est, in quo consistat controuersia. Nam & cum docilem uelis facere, simul attentum facias oportet. Nam is maximè docilis est, qui attentissimè est paratus audire. Nunc, insinuationes quemadmodum tractari conueniat, deinceps dicendum uidetur. Insinuatione igitur utendum est, cum admirabile genus cause est: hoc est, ut antè diximus, cum animus auditoris infestus est. Id autem tribus ex causis fit maximè: si aut inest in ipsa causa quedam turpitudine: aut si ab ijs qui antè dixerunt, iam quiddam auditori persuasum uidetur: aut si eo tempore locus dicendi datur, cum iam illi quos audire oportet, defessi sunt audiendo. Nam ex hac quoque re non minus quàm ex primis duabus, in oratorem nonnunquam animus auditoris offenditur. Si cause turpitudine contrahet offensionem, aut pro eo homine in quo offenditur, alium hominem qui diligitur interponi oportet: aut pro re in qua offenditur, aliam rem quæ probatur: aut pro re hominem, aut pro homine rem: ut ab eo quod odit, ad id quod diligit, auditoris animus traducatur: & dissimulare id te defensurum, quod existimeris defensurus. Deinde, cum iam mitior factus erit auditor, ingredi



ingredi pedetentim in defensionem, et dicere ea quæ indignantur aduersarij, tibi quoq; indigna uideri. Deinde cum lenieris cum qui audiet, demonstrare nihil eorum ad te pertinere, et negare te quicquam de aduersarijs esse dicturum: neq; hoc, neq; illud: ut neq; aperte ledas eos qui diliguntur: et tamen id obscure faciens, quoad possis alienes ab eis auditorum uoluntatem, et aliquorum iudicium simili de re, aut authoritatem proferre imitatione dignam. Deinde, aut eandem, aut consimilem, aut maiorem, aut minorem agi rem in praesentia demonstrare. Sin oratio aduersariorum fidem uidebitur auditoribus fecisse, quod ei qui intelligit quibus rebus fides fiat, facile erit cognitu: oportet aut de eo quod aduersarij sibi firmissimum putarint, et maxime ij qui audierint probarint, primum te dicturum polliceri: aut ab aduersarij dicto exordiri, et ab eo potissimum quod ille nuperrime dixerit: aut dubitatione uti quid primum dicas, aut cui potissimum loco respondeas cum admiratione. Nam auditor, cum eum quem aduersarij perturbatum putant oratione, uidet animo firmissimo contradicere paratū: plerunq; se potius temerè assensisse, quam illum sine causa confidere arbitratur. Sin auditoris studium defatigatio abalienauit à causa, te breuius quam paratus fueris esse dicturum, commodum est polliceri, non imitaturum aduersarium. Sin res dabit, non inutile est ab aliqua re noua et ridicula incipere, aut ex tempore quæ nata sit: quod genus, strepitum, acclamationem: aut iam parata, quæ uel apologum, uel fabulam, uel aliquam contineat irrisionem: aut si rei dignitas adimet iocandi facultatem, aliquid trisæ, nouum, horribile statim non incommodum est iniicere. nam ut cibi



satietas & fastidium aut subamara aliqua re releuatur,  
 aut dulci mitigatur : sic animus defessus audiendo, aut  
 admiratione integratur, aut risu renouatur. Ac sepa-  
 ratim quidem, quæ de principio & insinuatione dicen-  
 da uidebantur, hæc ferè sunt. Nunc quiddam breue com-  
 muniter de utroque præciendum uidetur. Exordium  
 sententiarum & grauitatis plurimum debet habere, &  
 omnino omnia, quæ pertinent ad dignitatem continere  
 in se : propterea quòd id optimè faciendum est, quod o-  
 ratorem auditori maximè commendat. Splendoris, &  
 festiuitatis, & concinnitudinis minimum, propterea  
 quòd ex his suspicio quædam apparationis atque artifi-  
 48 ciosæ diligentiae nascitur: quæ maximè orationi (a) fidē,  
 oratori adimit auctoritatem. Vitia uerò hæc sunt cer-  
 tissima exordiorum, quæ summo opere uitare oportebit:  
 uulgare, commune, cōmutabile, longum, separatū, trans-  
 latum, cōtra præcepta. Vulgare est, quod in plures cau-  
 sas potest accommodari, ut conuenire uideatur. Commu-  
 ne est, quod nihilo minus in hanc quàm in contrariam  
 partem causæ potest conuenire. Commutabile est, quod  
 ab aduersario potest leuiter mutatum ex contraria par-  
 te dici. Longum est, quod pluribus uerbis aut senten-  
 tijs ultra quàm satis est producit. Separatum est,  
 quod nō ex ipsa causa ductum est, nec sicut aliquod mē-  
 brum annexum orationi. Translatum est, quod aliud  
 conficit quàm causæ genus postulat : ut si quis docilem  
 faciat auditorem, cū beneuolentiam causæ desideret:  
 aut si principio utatur, cū insinuationem res postu-  
 lat. Contra præcepta est, quod nihil eorum efficit quo-  
 rum causa de exordijs præcepta tradūtur: hoc est, quod  
 cum qui audit neq; beneuolum, neq; attentum, neq; do-  
 cilem



cilem reddit, aut (quo profectò nihil peius est) ut contra sit, facit. Ac de exordio quidem satis dictum est.

NARRATIO est, rerum gestarum aut ut gestarum expositio. Narrationum tria sunt genera: Vnum genus est, in quo ipsa causa & omnis ratio controuersiae continetur. Alterum, in quo digressio aliqua extra causam, aut criminationis, aut similitudinis, aut delectationis non alienae ab eo negotio quo de agitur, aut amplificationis causa interponitur. Tertium genus est, remotum à ciuilibus causis, quod delectationis causa, non inuitili cum exercitatione dicitur & scribitur. Eius partes sunt duae: quarum altera in negocijs, altera in personis maxime uersatur. Ea quae in negotiorum expositione posita est, tres habet partes: fabulam, historiam, argumentum. Fabula est, in qua nec uerae nec uerisimiles res continentur, cuiusmodi est:

Angues ingentes alites iunchi iugo.

Historia est, gesta res ab aetatis nostrae memoria remota. quod genus: Appius indixit Carthaginensibus bellum. Argumentum est, ficta res, quae tamen fieri potuit. huiusmodi apud Terentium:

Nam is postquam excessit ex ephebis, Sofia.

Illa autem narratio quae uersatur in personis, eiusmodi est, ut in ea simul cum rebus ipsis personarum sermones & animi perspicui possint, hoc modo.

Venit ad me sepe clamitans: Quid agis Mitio?

Cur perdis adolescentem nobis? cur amat?

Cur potat? cur tu his rebus sumptus suggeris?

Vestitu nimio indulges, nimium ineptus es:

Nimium ipse durus est praeter (b) equum & bonum.

Hoc in genere narrationis, multa inesse debet festiuitas, con-



tas, cōfecta ex rerum uarietate, animorū dissimilitudine, gravitate, lenitate, spe, metu, suspitione, desiderio, dissimulatione, errore, misericordia, fortuna, cōmutatione, in sperato incōmodo, subita leticia, iucundo exitu rerū. Verū hæc ex ijs quæ postea de elocutione præcipientur, ornamenta sumuntur. Nunc de narratione ea quæ causæ continet expositionē, dicendum uidetur. Oportet igitur eam tres habere res: ut breuis, ut aperta, ut probabilis sit. Breuis erit, si unde necesse est, inde initium sumetur, et non ab ultimo repetetur: & si cuius rei satis erit summam dixisse, eius partes non dicentur. nam sæpè satis est quid factum sit dicere, non ut enarres quemadmodum sit factum: & si non longius quàm quod scitu opus est, in narrando procedetur: et si nullam in rem aliam transibitur: & ita si dicetur, ut nonnunquam ex eo quod dictum sit, id quod dictum non sit intelligatur: & si non modo id quod obest, uerū etiam id quod nec obest, nec adiuvat, præteribitur: & si semel unumquodq; dicetur: & si non ab eo in quo proximè desitum erit, deinceps incipietur. Ac multos imitatio decipit breuitatis, ut cū se breues putent esse, longissimi sint, cū dent operam ut res multas breuiter dicant, non ut omnino paucae res dicant, & non plures quàm necesse sit, nam plerisque breuiter dicere uidetur, qui ita dicit: Acceſsi ad ædes, puerum euocaui: respondit, quæſiui dominum; domini negauit esse. tametsi tot res breuius nō potuit dicere, tamen quia satis fuerat dixisse, Domini negauit esse: sit rerum multitudine longus. Quare hoc quoq; in genere uitanda est breuitatis imitatio: & non minus rerum non necessariarum, quàm uerborum multitudine superſcandendum est. Aperta autem narratio poterit esse, si ut quidq;



quidq; primū gestum erit, ita primū exponetur, & rerum ac temporum ordo seruabitur, ut ita narrentur ut gestæ res erunt, aut ut potuisse geri uidebuntur. Hic considerandū erit, ne quid perturbatē, ne quid contortē dicatur, ne quam in aliam rem trāseat, ne ab ultimo repetatur, ne ad extremum prodeatur, ne quid quod ad rem pertineat prateratur: & omnino quæ præcepta de breuitate sunt, hoc quoq; in genere sunt conseruanda. nam sepe res parum est intellecta longitudine magis quā obscuritate narrationis. Ac uerbis quoque dilucidis utendum est: quo de genere dicendum est in præceptis elocutionis. Probabilis erit narratio, si in ea uidebuntur inesse ea quæ solent apparere in ueritate, si personarum dignitates seruabuntur, si causæ factorum extabunt, si fuisse facultates faciendi uidebūt, si tempus idoneum, si spaciū satis, si locus opportunus ad eandem rem quæ dēre(a) narrabitur, fuisse ostendetur: si res & 49 ad eorum qui agunt naturam, & ad uulgi rumorem, & ad eorum qui audiunt, opinionem accommodabitur. ac ueri quidem similis ex his rationibus esse poterit. Illud autem præterea considerare oportebit, ne aut cum obest narratio, aut cum nihil profit, tūc interponatur: aut non loco, aut non quemadmodum causa postulat, narretur.

Obest tūc, cum ipsius rei gestæ expositio magnā excipit offensionem, quam argumentando et causam agendo leniri oportebit. Quod cum acciderit, membratim oportebit parteis rei gestæ dispergere in causam, & ad unamquāq; confestim rationem accommodare: ut uulueri præsto medicamentum sit, et odium statim defensio mitiget. Nihil prodest narratio tunc, cum ab aduersarijs re exposita, nostra nihil interest iterum aut alio mo-



do narrare: aut cum ab ijs qui audiunt ita tenetur nego-  
cium, ut nostra nihil intersit eos alio pacto docere. quod  
cum acciderit, omnino narratione super sedendum est.

Non loco dicitur, cum non in ea parte orationis col-  
locatur, in qua res postulat: quo de genere agemus tum,  
cum de dispositione dicemus. nam hoc ad dispositionem  
pertinet. Non quemadmodum causa postulat, narratur,  
cum aut id quod aduersario prodest, dilucide et exor-  
natè exponitur: aut id quod seipsum adiuuat, obscure  
dicitur, et negligenter. Quare ut hoc uitium uitetur, om-  
nia torquenda sunt ad commodum sue cause: contraria  
que preteriri poterunt, pretereundo: que illius erunt,  
leuiter attingendo: sua diligenter et enodatè narrando.  
Ac de narratione quidem satis dictum uidetur: deinceps  
ad partitionem transeamus.

Rectè habita in causa partitio, illustrem et perspi-  
cuam totam efficit orationem. Eius partes due sunt, qua-  
rum utraq; magnopere ad aperiendam causam, et consti-  
tuendam pertinet controuersiam. Vna pars est, que quid  
cum aduersarijs conueniat, et quid in controuersia rea-  
linguatur, ostendit: ex qua certum quiddam designatur  
auditori, in quo animum debeat habere occupatum. Al-  
tera est, in quarerum earum, de quibus erimus dicturi,  
breuiter expositio ponitur distributa: ex qua conficitur  
ut certas animo res teneat auditor, quibus dictis intelli-  
gat fore peroratum. Nunc utroque genere partitionis  
quemadmodum conueniat uti, breuiter dicendum uidetur.

Que partitio, quid conueniat aut quid non conue-  
niat, ostendit. hæc debet illud quod conuenit, inclinare  
ad sue cause commodum, hoc modo: Interfectam matrem  
esse à filio, conuenit mihi cum aduersarijs. Item contra:  
Interfe-



Interfectum esse à Clytemnestra Agamemnonem conuenit. nam hic uterque & id posuit quod conueniebat, & tamen suæ causæ commodo (b) consuluit. Deinde, quid in controuersia sit, ponendum est in iudicationis expositione: quæ quemadmodū inueniretur, antè dictum est. Quæ autem partitio rerum distributā continet expositionem, hæc habere debet breuitatē, absolutionem, paucitatem. Breuitas est, cum nisi necessarium nullum assumitur uerbum. hæc in hoc genere idcirco utilis est, quod rebus ipsis & partibus causæ, non uerbis, neque extraneis ornamentis animus auditoris tenendus est. Absolutio est, per quam omnia quæ incidunt in causam generā, de quibus postea dicendum est, amplectimur partitione. In qua uidendū est, ne aut aliquod genus utile relinquitur, aut serò extra partitionem id quod uitiosissimū ac turpissimū est, inferatur. Paucitas in partitione seruatur, si genera ipsa rerū ponuntur, neque permiscē cū partibus implicantur: nā genus est, quod plures partibus amplectitur, ut animal: pars est, quæ subest generi, ut equus. sed sæpè eadē res aliq̃ genus, aliq̃ pars est: nam homo animalis pars est, Thebani aut Troiani genus. Hæc ideo diligentius inducitur præscriptio, ut apertè intellecta generali partitione, paucitas generū in partitione seruari possit. nam qui ita partitur: Ostendam propter cupiditatem & audaciā & auariciam aduersariorū omnia incōmoda ad Remp. peruenisse: is non intellexit, in partitione exposito genere, partem se generis admiscuisse. nam genus est, omnium nimirum libidinū cupiditas: eius autē generis sine dubio pars est auaricia. hoc igitur uitandū est, ne cuius genus posueris, eius secū aliquā sicuti diuersam & dissimilem partem ponas in eadē partitione.



tionem. Quod si quod in genus plures incidet partes, id cum in prima partitione cause erit simpliciter expositum, distribuetur eo tempore commodissime, cum ad ipsum uentum erit explicandum in cause dictione post partitionem. Atque illud quoque pertinet ad paucitatem, ne aut plura quam satis est demonstraturos nos esse dicamus, hoc modo: Ostendam aduersarios, quod arguimus, et potuisse facere, et uoluisse, et fecisse. nam fecisse ostendere, satis est. Aut cum in causa partitione nulla sit, et quiddam simplex agatur, tamen utamur distributione: idque per rari potest accidere. Ac sunt alia quoque precepta partitionum, quae ad hunc usum oratorum non tantopere pertinent, quae uersantur in philosophia: ex quibus haec ipsa transudimus quae conuenire uidebantur, quorum nihil in ceteris artibus inueniebamus. Atque his de partitione preceptis, in omni dictione meminisse oportebit: ut et prima quaeque pars, ut exposita est in partitione, sic ordine transigatur: et omnibus explicatis, peroratum sit hoc modo, ut nequid posterius praeter conclusionem inferatur.

- 50 Partitur autem apud Terentium breuiter (a) et comode senex in Andria, quae cognoscere libertum uelit. Eo pacto et nati uitam, et consilium meum Cognosces, et quid facere in hac re te uelim.

Itaque quemadmodum in partitione proposuit, ita narrat. primum nati uitam:

Nam is postquam excessit ex ephēbis, Sofia.

Deinde suum consilium: Et nunc id operam do. post haec, quid Sofia uelit facere, id quod postremum posuit in partitione, postremum dicit: Nunc tuum est officium. Quemadmodum igitur hic et ad primam quamque partem primum accessit, et omnibus absolutis fine dicendi fecit: sic nobis



nobis placet & ad singulas parteis accedere, & omnibus absolutis perorare. Nunc de confirmatione, deinceps ita ut ordo ipse postulat, præcipiendum uidetur.

Confirmatio est, per quã argumentando nostre causæ fidem & auctoritatem & firmamentum adiungit oratio. Huius partis certa sunt præcepta, quæ in singula causarum genera diuidentur. Veruntamen non incommodum uidetur, quandã syluam atq; materiam uniuersam antè permixtam & confusam exponere omnium argumentationũ. Post autem tradere, quemadmodũ unumquodq; genus causæ, hinc omnibus argumentandi rationibus tractis, confirmare oporteat. Omnes res argumentando confirmantur, aut ex eo quod personis, aut ex eo quod negocijs est attributũ. Ac personis has res attributas putamus: nomen, naturam, uictum, fortunam, habitum, affectionem, studia, consilia, facta, casus, orationes. Nomen est, quod unicuiq; personæ datur, quo suo quæque proprio & certo uocabulo appellatur. Naturam ipsam definire difficile est. Partes autem eius enumerare eas quarum indigemus ad hanc præceptionem, facilius est. hæ autem partim diuino, partim mortali in genere uersantur. Mortalium autem, pars in hominum, pars in bestiarum genere enumeratur. Atq; hominum genus & in sexu consideratur, uirile an muliebre sit: & in natione, patria, cognatione, etate. Natione, Grauius an barbarus: Patria, Atheniensis an Lacedæmonius; Cognatione, quibus maioribus, quibus consanguineis: Etate, puer an adolescens, natu grandior an senex. Præterea comoda & incommoda considerantur ab natura data animo aut corpori, hoc modo: ualens an imbecillis, longus an brevis, formosus an deformis, uelox an tardus sit, acut-



fit, acutus an hebetior, memor an obliuioſus, comis, of-  
 ſicioſus, patiens, prudens, an contrā: & omnino, quæ à  
 natura data animo & corpori conſiderabuntur, in na-  
 tura conſideranda ſunt. Nam quæ induſtria comparan-  
 tur, ad habitum pertinent, de quo poſterius (b) dicen-  
 dum eſt. In uictu conſiderare oportet, apud quos, et quo  
 more, & cuius arbitratu ſit educatus: quos habuerit ar-  
 tium liberalium magiſtros, quos uiuendi præceptores,  
 quibus amicis utatur, quo in negotio, quæſtu, artiſicio  
 ſit occupatus, quomodo rem familiarē adminiſtret, qua  
 conſuetudine domeſtica ſit. In fortuna quæritur, ſeruus  
 ſit an liber, pecunioſus an tenuis, priuatus an cum po-  
 teſtate, ſi cum poteſtate, iure an iniuria: felix, clarus, an  
 contrā: quales liberos habeat. Ac ſi de non uiuo quære-  
 tur, etiā quali morte ſit affectus erit conſiderandum.  
 Habitum autem appellamus, animi aut corporis con-  
 ſtantiem et abſolutam aliqua in re perfectionem, aut uir-  
 tutis aut artis perceptionē alicuius, aut quamuis ſcien-  
 tiam. Et item corporis aliquam commoditatem non  
 natura datam, ſed ſtudio & induſtria comparatam. Af-  
 fectio eſt, animi aut corporis ex tempore aliqua de cau-  
 ſa commutatio: ut leticia, cupiditas, metus, moleſtia, mor-  
 bus, debilitas, & alia quæ genere in eodem reperiun-  
 tur. Studium eſt autem, animi aſidua & uehemens ad  
 aliquam rem applicata magna cum uoluntate occupa-  
 tio: ut philoſophiæ, poëtices, geometriæ, literarum.  
 Conſilium eſt, aliquid faciendi aut nō faciendi uerē ex-  
 cogitataratio. Facta autem, & caſus, & orationes tri-  
 bus ex temporibus conſiderabuntur: quid fecerit, aut  
 quid ipſi acciderit, aut quid dixerit, aut quid faciat, quid  
 ipſi accidat, quid dicat, aut quid facturus ſit, quid ipſi  
 caſurum



casurum sit, qua sit usus oratione: ac personis quidem hæc uidentur esse attributa. Negocijs autē quæ sunt attributa, partim sunt continentia cum ipso negotio, partim in gestione negotij considerantur, partim adiuncta negotio sunt, partim gestū negotiū consequuntur. Continentia cū ipso negotio sunt, ea quæ semper affixa esse uidentur ad rem, neq; ab ea possunt separari. Ex his prima est, brevis cōplexio totius negotij, quæ summā continet facti, hoc modo: Parentis occisio, patriæ proditio. Deinde causa eius summa, per quā, & quamobrem & cuius rei causa factum sit, queritur. Deinde ante rem gestam quæ facta sunt continentur, usq; ad ipsum negotiū. Deinde in ipso gerendo negotio quid actum sit. Deinde quid postea factum sit. In gestione autem negotij, qui locus secundus erat de ijs quæ negocijs attributa sunt, queritur locus, tempus, modus, occasio, facultas. Locus consideratur, in quo res gesta sit ex opportunitate, quā uideatur habuisse ad negotium administrandū. Ea autem opportunitas queritur ex magnitudine, intervallo, longinquitate, propinquitate, solitudine, celebritate, natura ipsius loci, & uicinitate totius regionis. Ex his etiam attributionibus, sacer an profanus, publicus an priuatus, alienus an ipsius de quo agitur (a) locus sit, an fuerit. Tempus autem est, id quo nunc utimur (nam ipsum quidem generaliter definire difficile est) pars quædam æternitatis, cū alicuius annui, mēstrui, diurni, nocturniue spacij certa significatione. In hoc et quæ præterierūt considerantur, & eorū ipsorū quæ propter uetustatem oboluerunt, ut incredibilia uideantur, & iam in fabularum numerum reponantur, & quæ iamdiu gesta & à memoria nostra remota, tamen faciant fidem uerè tradita esse,



ta esse, quod eorum monumenta certa in literis extant: quae nuper gesta sint, quae scire plerique possint: & item quae insint in praesentia, & quae maxime fiant, & quae consequantur. In quibus potest considerari, quid ocysus & quid serius futurum sit. & item communiter in tempore perspiciendo longinquitas eius est consideranda. nam saepe oportet commetiri cum tempore negotium, & uidere, potuerit ne aut magnitudo negotij, aut multitudo rerum in eo transigi tempore. Consideratur autem tempus & anni, & mensis, & diei, & noctis, & uigiliae, & horae, & in aliqua parte alicuius horum. Occasio autem est pars temporis, habens in se alicuius rei idoneam faciendi aut non faciendi opportunitatem. Quare cum tempore hoc differt. Nam genere quidem utrumque idem esse intelligitur. uerum in tempore spacium quodammodo declaratur, quod in annis, aut in anno, aut in aliqua anni parte spectatur. In occasione ad spaciū temporis faciendi quaedam opportunitas intelligitur adiuncta. Quare cum genere idem sit, fit aliud, quod quadam parte & specie, ut diximus, differat. Hoc distribuitur in tria generatim publicum, commune, singulare. Publicum est, quod ciuitas uniuersa aliqua de causa frequenterat: ut ludi, dies festus, bellum. Commune est, quod accidit omnibus eodem serè tempore: ut mensis, uindemia, calor, frigus. Singulare autem est, quod aliqua de causa priuatim solet alicui accidere: ut nuptiae, sacrificium, funus, conuiuium, somnus. Modus autem est, in quo, quemadmodum, & quo animo factum sit, quaeritur. Eius partes sunt, prudentia & imprudentia. Prudentiae autem ratio quaeritur ex ijs quae clam, palam, ui, persuasione fecerit. Imprudentia autem in purgationem confertur.



cuius partes sunt inscientia, casus, necessitas: & in affectionem animi, hoc est, molestiam, iracundiam, amorem, & cetera quæ in simili genere uersantur. Facultates sunt, aut quibus facilius fit, aut sine quibus aliquid confici non potest. Adiunctum autem negotio id intelligitur, quod maius, & quod minus, & quod simile erit ei negotio de quo agitur, & quod æquè magnum, & quod contrarium, & quod disparatum, & genus, & pars, & euentus. Maius & minus, & æquè (b) magnum ex ui & ex numero, & ex figura negotij, sicut ex statura corporis consideratur. Simile autem ex specie comparabili: comparabile autem ex conferenda atque assimilanda natura iudicatur. Contrariū est, quod positum in genere diuerso, ab eodem, cui contrarium esse dicitur, plurimum distat: ut frigus calori, uita mors. Disparatum autem est, id quod ab aliqua re per oppositionem negationis separatur, hoc modo: Sapere, & non sapere. Genus est, quod parteis alias amplectitur, ut cupiditas. Pars est, quæ subest generi: ut cupiditati amor, auaricia. Euentus est, alicuius exitus negotij, in quo quæri solet quid ex quaque re euenit, eueniat, euenturumque sit. Quare hoc in genere, ut commodius quid euenturum sit, antè animo colligi possit, quid quaque ex re soleat euenire considerandum est, hoc modo: ex arrogantia odium, ex insolentia arrogantia. Quarta autem pars est ex ijs, quas negotijs dicebamus esse attributas, consecutio. In hac hæres quæruntur, quæ gestum negotium consequuntur. Primum, quod factum est, quo id nomine appellari conueniat. Deinde, eius facti qui sint principes, & inuentores: qui denique authoritatis eius, & inuentionis comprobatores atque



res atque emuli. Deinde, ecquæ ea de re aut eius rei sit lex, consuetudo, actio, iudicium, scientia, artificium. Deinde, natura eius euenire vulgò soleat, an insolenter et rarò. Postea, homines id sua autoritate comprobare, an offendi in his consueuerint: et cætera, quæ factum aliquod similiter confestim aut ex interuallo solent consequi. Deinde postremò attendendum est, num quæ res ex ijs rebus quæ sunt positæ in partibus honestatis aut utilitatis cõsequantur, de quibus in deliberatio genere causa distinctius erit dicendum. Ac negocijs quidẽ ferè res ea quas commemorauimus, sunt attributæ. Omnis autem argumentatio, quæ ex ijs locis quos commemorauimus sumetur, aut probabilis aut necessaria debet esse. Etenim, ut breuiter describamus, argumentatio uidetur esse inuentum ex aliquo genere, rem aliquam aut probabiliter ostendens, aut necessariè demonstrans. Necessariè demonstrantur ea, quæ aliter ac dicuntur, nec fieri nec probari possunt, hoc modo: Si peperit, cum uiro concubuit. Hoc genus argumentandi, quod in necessaria demonstratione uersatur, maxime tractatur in dicendo, aut per complexione, aut per enumerationem, aut per simplicem conclusionem. Complexio est, in qua utrum concesseris reprehenditur, ad hunc modum: Si improbus es, cur uteris? si probus, cur accusas? Enumeratio est, in qua pluribus rebus expositis, et cæteris in firmatis, una reliqua necessariò confirmatur, hoc pacto: Neesse est aut inimicitiarum (a) causa ab hoc esse occisum, aut metus, aut spei, aut alicuius amici gratia, aut si horum nihil est, ab hoc non esse occisum. Nam sine causa maleficium susceptum esse non potest. Sed neque inimicitie fuerunt, nec metus ullus, nec spes ex morte



ex morte illius alicuius commodi, neque ad amicum huius aliquem mors eius pertinebat: relinquitur igitur, ut ab hoc non sit occisus. Simplex autem conclusio ex necessaria consuetudine conficitur, hoc modo. Si uos me istud eo tempore fecisse dicitis, ego autem eo ipso tempore trans mare fui: relinquitur, ut id quod dicitis non modo non fecerim, sed ne potuerim quidem facere. Atque hoc diligenter uidere oportebit, ne quo pacto genus hoc refelli possit: ut ne confirmatio modum in se argumentationis solum habeat, & quandam similitudinem necessariae conclusionis, uerum ipsa argumentatio ex necessaria ratione consistat. Probabile autem est, id quod ferè fieri solet, aut quod in opinione positum est, aut quod habet in se ad hoc quandam similitudinem, siue id falsum est, siue uerum. In eo genere quod ferè solet fieri probabile, huiusmodi est. Si mater est, diligit filium. Si auarus est, negligit iusiurandum. In eo autem, quod in opinione positum est, huiusmodi sunt probabilia. Impiis apud inferos poenas esse preparatas. Eos qui philosophiæ dent operam, non arbitrari deos esse. Similitudo autem in contrariis, & in paribus, & in ijs rebus quæ sub eandem cadunt rationem, maxime spectatur. In contrariis, hoc modo. Nam si ijs qui imprudentes læserunt, ignosci conuenit: ijs qui necessario profuerunt, haberi gratiam non oportet. Ex pari, sic. Nam ut locus in mari sine portu nauibus esse non potest tutus, sic animus sine fide stabilis amicis non potest esse. In ijs rebus quæ sub eandem rationem cadunt, hoc modo probabile consideratur. Nam si Rhodijs turpe non est portorium locare, ne Hermacreonti quidem turpe est conducere. Hæc tum uera sunt, hoc pacto:

L

Quoniam



Quoniam cicatrix est, fuit uulnus. Tum uerisimilia hoc modo: Si multus erat in calceis puluis, ex itinere eū uenire oportebat. Omne autem, ut certas quasdam in parteis distribuamus, probabile, quod sumitur ad argumentationem, aut signū est, aut credibile, aut iudicatum, aut comparabile. Signum est, quod sub sensum aliquem cadit, et quiddam significat quod ex ipso profectum uidetur, quod aut ante fuerit, aut in ipso negotio, aut post sit consecutum, & tamen indiget testimonij et grauioris confirmationis: ut cruor, fuga, pallor, puluis, & quæ his sunt similia. Credibile est, quod sine ullo teste, auditoris opinione firmatur, (b) hoc modo: Nemo est qui non liberos suos incolumes & beatos esse cupiat. Iudicatum est, res assensione, aut autoritate, aut iudicio alicuius aut aliquorum comprobata. Id tribus in generibus spectatur: religioso, communi, approbato. Religiosum est, quod iurati legibus iudicauerunt. Commune est, quod omnes uulgò probauerunt & secuti sunt: huiusmodi, ut maioribus natu assurgatur, ut supplicum misereatur. Approbatum est, quod homines, cum dubium esset quale haberi oporteret, sua constituerunt autoritate: uelut Gracchi patris factum, quem populus Rom. ob id factum, quod insciente collega in censura nihil egisset, post censuram Consulem fecit. Comparabile autem est, quod in rebus diuersis similem aliquam rationem continet. Eius sunt partes tres: imago, collatio, exemplum. Imago est, oratio demonstrans corporum aut naturarum similitudinem. Collatio est, oratio rem cum re ex similitudine conferens. Exemplum est, quod rem autoritate, aut casu alicuius hominis aut negotij confirmat, aut infirmat. Horum exempla & descriptiones in preceptis



ceptis elocutionis cognoscuntur. Ac fons quidem confirmationis, ut facultas tulit, apertus est, nec nūus dilucidum quā rei natura ferebat demonstratus est. Quemadmodum autem quæq; constitutio, et pars constitutionis, et omnis controversia, siue in ratione, siue in scripto uersetur, tractari debeat: et quæ in quasq; argumentationes conueniant, singillatim in secundo libro de unoquoque genere dicemus. In presentia tantūmodo numeros, et modos, et parteis argumentandi confuse et permistē dispersimus, post discretē et electē in genus quodq; causæ, quid cuiq; cōueniat, ex hac copia digeremus atq; inueniri quidē omnis ex his locis argumentatio poterit inuentam exornari, et certas in parteis distingui et suauissimum est, et summē necessarium, et ab artis scriptoribus maxime neglectum. Quare et de ea præceptione nobis et in hoc loco dicendum uisum est, ut ad inuentio- nem argumenti absolutio quoq; argumentandi adiungeretur: et magna cum cura et diligentia locus hic omnis considerandus est, quod nō rei solū magna utilitas est, sed præcipiendi quoq; summa difficultas.

OMNIS igitur argumentatio aut per inductio- nem tractanda est, aut per ratiocinationem. Inductio est, oratio quæ rebus non dubijs captat assensionem eius qui cum instituta est: quibus assensionibus facit, ut illi dubia quædam res propter similitudinem earum rerum quibus assensit, probetur: uelut apud Socraticum Aeschinē demonstrat Socrates, cum Xenophontis uxore, et cum ipso Xenophonte Aspasiā locutam: Dic mihi, inquit, quæso Xenophontis, (a) uxor, si ui- 53  
cina tua melius habeat aurum quā tu habes, utrum illius, an tuum malis? Illius, inquit. Quod si uestem,



Et ceterum ornatum muliebrem precij maioris habeat  
 quàm tu habes, tuum ne an illius malis? illius uerò, respon-  
 dit. Age, inquit, si uirum illa meliorem habeat quàm tu  
 habes, utrum ne tuum, an illius malis? Hic mulier eru-  
 buit. Aspasia autem cum ipso Xenophonte sermonem  
 instituit: Quæso, inquit, Xenophon, si uicinus tuus me-  
 liorem equum habeat quàm tuus est, tuum ne equum  
 malis, an illius? illius, inquit. Quod si fundum meliorem  
 habeat quàm tu habes, utrum tandem fundum habere  
 malis? illum, inquit, meliorem scilicet. Quod si uxorem  
 meliorem habeat quàm tu habes, utrum illius malis? at-  
 que hic Xenophon quoque ipse tacuit. Post Aspasia:  
 Quoniam uterque uestrum, inquit, id mihi solum non  
 respondit, quod ego solum audire uolueram: egomet di-  
 cam quid uterq; cogitet. Nam et tu mulier optimum ui-  
 rû mauis habere, et tu Xenophon uxore habere lectis-  
 simam maximè uis. Quare nisi hoc perfeceritis, ut neq;  
 uir melior, neq; fœmina lector in terris sit, profectò id  
 semper quod optimum putabitis esse, multò maximè re-  
 quiretis: et tu ut maritus sis quàm optimæ mulieris, et  
 hæc quàm optimo uiro nupta sit. Hic cum rebus nõ du-  
 bijs esset assensum, factum est propter similitudinem, ut  
 etiam illud quod dubium uidebatur, si quis separatim  
 quæreret, id pro certo propter rationem rogandi, con-  
 cederetur. Hoc modo sermonis plurimum Socrates usus  
 est, propterea quod nihil ipse asserre ad persuadendum  
 uolebat, sed ex eo quod sibi ille dederat, quî cum dispu-  
 tabat, aliquid conficere malebat, quod ille ex eo quod  
 iam concessisset, necessario approbare deberet. Hoc in  
 genere præcipiendum nobis uidetur: Primum, ut illud  
 quod inducimus per similitudinē eiusmodi sit, ut sit ne-  
 cesse



cesse cōcedi. Nam ex quo postulabimus nobis illud quod dubium sit concedi, dubium esse id ipsum nō oportebit. Deinde illud cuius confirmandi causa fiet inductio, uidendum est, ut simile ijs rebus sit, quas res quasi non dubias antē induxerimus. Nam antē aliquid nobis concessum esse nihil proderit, si ei dissimile erit id cuius causa illud concedi primū uoluerimus. Deinde non intelligat quō spectent illae primae inductiones, & ad quem sint exitū peruenturæ. Nam qui uidet, si ei rei quæ primō rogetur rectē assenserit, illam quoq; rem quæ sibi displiceat esse necessario cōcedendam, plerūq; aut non respondendo, aut malē respondēdo longius procedere rogationē non finit. Quare ratione rogationis imprudens ab eo quod concessit, ad id quod non uult concedere, deducendus est. Extremum autem ut taceatur oportet, (b) aut cōcedatur, aut negetur. Si negabitur, aut ostendenda est similitudo earū rerū quæ antē concessæ sunt, aut alia utendum inductione. Si concedetur, concludenda est argumentatio. Si tacebitur, aut elicienda est responsio: aut, quoniam taciturnitas imitatur cōfessionem, pro eo ac si cōcessum sit, cōcludere oportebit argumentationē. Ita sit hoc genus argumentandi tripartitū: Prima pars constat ex similitudine una, pluribusue. Altera ex eo quod concedi uolumus, cuius causa similitudines adhibite sunt. Tertia ex conclusione, quæ aut confirmat cōfessionem, aut quod ex ea conficiatur ostendit. Sed quia non satis uidebitur alicui dilucidē demonstratum, nisi quod ex ciuili causarū genere exēptū subiecerimus, uidetur huiusmodi quoq; utendum exemplo: nō quō præceptio differat, aut aliter hoc in sermone atq; in dicendo sit utendū: sed ut eorum uoluntati satisfiat, qui quod aliquo in loco



uiderint, alio in loco nisi demonstratum est, nequeunt cognoscere. Ergo in hac causa quæ apud Græcos est peruagata, quod Epaminundas Thebanorū imperator, ei qui sibi ex lege prætor successerat exercitum non tradidit, & cum paucos ipse dies contra legem exercitum tenuisset, Lacedæmonios funditus uicit: poterit accusator argumentatione uti per inductionem, cum scriptum legis contra sententiam defendat, ad hunc modū. Si, iudices, id quod Epaminundas ait legis scriptorem sensisse, adscribat ad legem, & addat exceptionem hanc, extra quam, si quis reipublicæ causa exercitum non tradiderit, patiemini? non opinor. Quod si uosmetipsi, quod à uestra religione & sapientia remotissimum est, istius honoris causa hanc eandem exceptionem iniussu populi ad legē adscribi iubeatis, populus Thebanus patietur ne id fieri? profecto non patietur. Quod ergo adscribi ad legem nefas est, id sequi quasi adscriptum sit, rectum uobis uideatur? Noui uestram intelligentiam: non potest ita uideri, iudices. Quod si literis corrigi neque ab illo neque à uobis scriptoris uoluntas potest: uidete, ne multo indignius sit id re & iudicio uestro mutari, quod ne uerbo quidem commutari potest. Ac de inductione quidem satis in præsentia dictum uidetur. Nunc deinceps ratio cinationis ulm & naturam consideremus. **RATIOCINATIO** est, oratio ex ipsa re probabile aliquid eliciens, quod expositum & per se cognitum sua se ui & ratione confirmet. Hoc de genere qui diligentius considerandum putauerunt, cum idem in usu dicendi sequerentur, paulum in præcipiendi ratione dissenserunt. Nam partim quæque eius partis esse dixerunt, partim non plus quam



in (a) tres partes posse distribui putauerunt. Eorum 54  
 controuersiam non incommodum uidetur cum utro-  
 runque ratione exponere. Nam & breuis est, & non  
 eiusmodi ut alteri prorsus nihil dicere putentur: et locus  
 hic nobis in dicendo minimè negligendus uidetur. Qui  
 putant in quinque distribui partes oportere, aiunt primū  
 cōuenire exponere summā argumentationis ad hūc mo-  
 dū. Melius accurantur quæ cōsilio geruntur, quā quæ  
 sine cōsilio administrantur. Hanc primā partem nume-  
 rant. eam deinceps rationibus uarijs, & quā copiosiss-  
 simis uerbis approbati putant oportere, hoc modo. Do-  
 mus ea quæ ratione regitur, omnibus instructior est re-  
 bus, & apparatior, quā ea quæ temerè & nullo cō-  
 silio administratur. Exercitus is cui præpositus est sa-  
 piens & callidus Imperator, omnibus partibus commo-  
 dius regitur, quā is qui stulticia & temeritate alicu-  
 ius administratur. Eadem nauigij ratio est: nam nauis  
 optimè cursum conficit ea, quæ scientissimo gubernato-  
 re utitur. Cum propositio sit hoc pacto approbata, &  
 due partes transferint ratiocinationis, tertia in parte  
 aiunt, quod ostendere uelis, id ex ui propositionis opor-  
 tere assumere, hoc pacto: Nihil autē omnium rerum me-  
 lius, quā omnis mundus administratur. Huius assum-  
 ptionis quarto in loco aliam porrò inducūt approbatio-  
 nem, hoc modo. Nam & signorū ortus & obitus defini-  
 tum quendam ordinem seruant, & annuæ commutatio-  
 nes non modò quadam ex necessitate semper eodem mo-  
 do fiunt, uerū ad utilitates quoque rerum omnium  
 sunt accommodatæ: & diurnæ nocturnæq; uicissitudi-  
 nes, nulla in re unquam mutatur quicquam nocuerunt.  
 Quæ signo sunt omnia, nō mediocri quodam cōsilio na-



turam mundi administrari. Quinto inducunt loco complexionē eam, quæ aut id infert solum quod ex omnibus partibus cogitur, hoc modo: Consilio igitur mundus administratur. aut unum in locum cum cōduxerit breuiter propositionem & assumptionem, id adiungit quod ex his conficiatur, ad hunc modum: Quod si melius geruntur ea quæ consilio, quàm quæ sine consilio administrantur, nihil autē omnium rerum melius quàm omnis mundus administratur: consilio igitur mundus administratur. Quinquepartitam igitur hoc pacto putant esse argumentationem. Qui autem tripartitam esse dicunt, ij non aliter putant tractari oportere argumentationem, sed partitionē horum reprehendunt. Negant enim neq; à propositione, neq; ab assumptione approbationes earum separari oportere: neq; propositionem absolutam, neq; assumptionē (b) sibi perfectam uideri, quæ approbatione confirmata non sit. Quare quas illi duas partibus numerant, propositionem & approbationem, sibi unam partem uideri propositionem: quæ si approbata non sit, propositio non sit argumentationis. Item, quæ ab illis assumptio & assumptionis approbatio dicitur, eandem sibi assumptionem solam uideri. Ita fit, ut eadem ratione argumētatio tractata, alijs tripartita, alijs quinquepartita uideatur. Quare euenit, ut res non tam ad usum dicendi pertineat, quàm ad rationem præceptionis. Nobis autem commodior illa partitio uidetur esse, quæ in quinque partibus distributa est: quam omnes ab Aristotele et Theophrasto profecti, maxime secuti sunt. Nam quemadmodum illud superius genus argumentandi, quod per inductionem sumitur, maxime Socrates & Socratici tractauerunt: sic hoc quod per ratiocinationem



nem expolitur, summè est ab Aristotele atque Peripateticis & Theophrasto frequentatum: deinde à Rhetoribus ijs, qui elegantissimi atque artificiosissimi putati sunt. Quare autem nobis illa magis partitio probetur, dicendum uidetur, ne temerè secuti putemur. & breuiter dicendum, ne in huiusmodi rebus diutius quàm ratio præcipiendi postulat, cōmoremur. Si quadam in argumentatione satis est uti propositione, & non oportet adiungere approbationem propositioni: quadam autem in argumentatione infirma est propositio, nisi adiuncta sit approbatio: separatam quiddam est à propositione approbatio. Quod enim adiungi & separari ab aliquo potest, id non potest idem esse, quod est id ad quod adiungitur, & à quo separatur. Est autem quedam argumentatio, in qua propositio non indiget approbatione: & quedam, in qua nihil ualet absque approbatione, ut ostendemus. Separata est igitur à propositione approbatio. Ostendemus autem id quod polliciti sumus, hoc modo: Quæ propositio in se quiddam continet perspicuum, eo quod constare inter omnes necesse est: hanc uelle approbare, & firmare nihil attinet. Ea est huiusmodi: Si quo die ista cades Romæ facta est, ego Athenis eo die fui, interesse in cæde non potui. hoc quia perspicuè uerum est, nihil attinet approbari. Quare assumi statim oportet, hoc modo: Fui autem Athenis eo die. hoc si non constat, indiget approbationis: qua inducta, complexio consequetur, Igitur in cæde interesse non potui. Est igitur quedam propositio, quæ nō indiget approbatione: nā esse quidē quandā quæ indigeat, quid attinet ostendere: quod cuius facile perspicuū est. Quod si ita est, ex hoc, & ex eo quod proposueram



mus, hoc conficitur, separatim esse quiddam à propositione approbationem: Si autem ita est, falsum est non esse plus quàm tripartitam argumentationē. Simili modo liquet, alteram (a) quoque approbationem separatam esse à assumptione, nam si quadam in argumentatione satis est uti assumptione, & non oportet adiungere approbationem assumptioni: quadam autem in argumentatione infirma est assumptio, nisi adiuncta sit approbatio: separatim quiddam est extra assumptionem approbatio. Est autem argumentatio quaedam, in qua assumptio non indiget approbationis: quaedam autem, in qua nihil ualet sine approbatione, ut ostendemus. Separata est igitur ab assumptione approbatio. Ostendimus autem quod polliciti sumus, hoc modo: Quæ perspicua omnibus ueritatem continet assumptio, nihil indiget approbationis. ea est eiusmodi: Si oportet sapere, dare operam philosophiæ conuenit. hæc propositio indiget approbationis: non enim perspicua est, neque constat inter omnes, propterea quod multi nihil prodesse philosophiam, plerique etiam obesse arbitrantur. Assumptio perspicua est hæc: Oportet autem sapere, hoc autem quia ipsum ex re perspicitur, & uerum esse intelligitur, nihil attinet approbari. Quare statim concludenda est argumentatio: Igitur dare operam philosophiæ conuenit. Est ergo assumptio quaedam, quæ approbationis non indiget. nam quandam indigere, perspicuum est. Separata est igitur ab assumptione approbatio. Falsum ergo est, non esse plus quàm tripartitam argumentationem. Atque ex his illud iam perspicuum est, esse quandam argumentationem, in qua neque propositio neque assumptio indigeat approbationis huiusmodi, ut certū quiddam,  
 & bre-



Et breue exēpli causa ponamus: Si summopere sapientia petenda est, summopere stulticia uitanda est: Summopere autem sapientia petenda est: summopere igitur stulticia uitanda est. hic et assumptio, et propositio perspicua est. Quare neutra quoq; indiget approbatione. Ex his omnibus illud perspicuum est: approbationē tum adiungi, tum non adiungi. ex quo cognoscitur, neq; in propositione, neq; in assumptione contineri approbationem: sed utranq; suo loco positam, uim suam tanquā certam et propriam obtinere. Quod si ita est, commode partiti sunt illi qui in quinque partes distribuerunt argumentationem. Quinq; sunt igitur partes eius argumentationis, quæ per ratio cinationem tractatur. Propositio, per quam breuiter locus is exponitur, ex quo omnis uis oportet emanet ratio cinationis. Approbatio, per quam id quod breuiter expositum est, rationibus affirmatum, probabilius et apertius fit. Assumptio, per quam id quod ex propositione ad ostendendum pertinet, assumitur. Assumptionis approbatio, per quam id quod assumptum est, rationibus firmatur. Complexio, per quam id quod conficitur ex omni argumentatione, breuiter exponitur. (b) Quæ plurimas habet argumentatio parteis, ea constat ex his quinque partibus. Secunda est quadripartita, tertia tripartita. Dein bipartita, quod in controuersia est. De una quoq; parte potest alicui uideri posse argumentationem consistere. Eorum igitur quæ constant, exempla ponemus. Horum quæ dubia sunt, rationes afferemus. Quinque partita argumentatio est huiusmodi: Omnes leges, iudices, ad commodū Reipub. referri oportet: et eas ex utilitate communi, non ex scriptione quæ in literis est, interpretari. Ea  
enim



enim uirtute & sapientia maiores nostri fuerunt, ut in legibus scribendis nihil sibi aliud nisi salutem atque utilitatem Reipub. proponerent. Neque enim ipsi quod obesset, scribere uolebant: & si scripsissent, cum esset intellectum, repudiatum iri legem intelligebant. Nemo enim leges legum causa saluas esse uult, sed Reipublicæ: quod ex legibus omneis Respub. optimè putant administrari. Quam ob rem igitur leges seruari oportet, ad eam causam scripta omnia interpretari conuenit: hoc est, quoniam Reipub. seruimus, ex Reipublicæ commodo atque utilitate leges interpretemur. Nam ut ex medicina nihil oportet putare proficisci: nisi quod ad corporis utilitatem spectat, quoniam eius causa est instituta: sic a legibus nihil cõuenit arbitrari, nisi quod Reipub. conducat, proficisci: quoniã eius causa sunt comparata. Ergo in hoc quoque iudicio definite literas legis perscrutari: et legem, ut æquum est, ex utilitate Reipublicæ considerare, quod hic fecit. Quid enim magis utile Thebanis fuit, quam Lacedæmonios opprimi? Quid magis Epaminundam Thebanorum imperatorem, quam uictoriæ Thebanorum consulere decuit? Quid hunc tanta Thebanorum gloria, tam claro atque exornato trophæo carius atque antiquius habere conuenit? Scripto uidelicet legis omisso, scriptoris sententiam considerare debebat. Atque hoc quidem satis consideratum est, nullam esse legem, nisi reipublicæ causa scriptam. Summam igitur amentiam esse existimabat, quod scriptum esset Reipub. salutis causa, id non ex Reipub. salute interpretari. Quod si leges omnes ad utilitatem Reipub. referri conuenit, hic autem saluti Reipublicæ profuit: profectò non potest eodem facto, & communibus for-

tunis



tunis consuluisse, & legibus non obtemperasse. Quatuor autem partibus constat argumentatio, cum aut proponimus, aut assumimus sine approbatione. Id facere oportet, cum aut propositio ex se intelligitur, aut assumptio perspicua est, & nullius approbationis indiget. Propositionis approbatione præterita, quatuor ex partibus argumentatio tractatur, ad hunc modum: Iudices, qui ex (a) lege iurati iudicatis, legibus obtemperare debetis. Obtemperare autem legibus non potestis, nisi quod scriptum est in lege sequamini. Quod enim certius legis scriptor testimonium uoluntatis suæ relinquere potuit, quam quod ipse magna cum cura atq; diligentia scripsit? Quod si literæ non extarent, magnopere eas requireremus, ut ex his scriptoris uoluntas cognosceretur. nec tamen Epaminundæ permitteremus, nisi extra iudicium quid esset, ut is nobis sententiam legis interpretaretur: nedum nunc istud patiamur, cum præstò lex sit, nō ex eo quod apertissime scriptum est: sed ex eo, quod suæ causæ conuenit, scriptoris uoluntatem interpretari. Quod si uos, iudices, legibus obtemperare debetis, & id facere non potestis, nisi quod scriptum est in lege sequamini: quid causæ est, quin istum contra legem fecisse iudicetis? Assumptionis autem approbatione præterita, quadripartita sic fiet argumentatio: Qui sæpenumero nos per fidem fefellerunt, eorum orationi fidem habere non debemus. Si quid enim perfidia illorum detrimenti acceperimus, nemo erit, præter nosmetipsos, quem iure accusare possumus: ac primò quidem decipi incommodum est, iterum stultum, tertio turpe. Carthaginenses autem per sepe iam nos fefellerunt: summa igitur amentia est, in eorum fide



fide spem habere, quorum perfidia toties deceptus sis. Vtraq; approbatione præterita, tripartita sit, hoc pacto: Aut metuamus Carthaginenses oportet, si incolumes eos reliquerimus: aut eorum urbem diruamus. Ac metuere quidem non oportet: restat igitur, ut urbem diruamus. Sunt autem qui putant, nonnunquam complexione supersederi oportere, cum id perspicuum sit quod conficiatur ex ratiocinatione. Quod si fiat, bipartitam quoq; fieri argumentationem, hoc modo. Si peperit, uirgo non est: peperit autem. hic satis esse dicunt proponere & assumere, quoniam perspicuum sit quod conficiatur, complexionis rem non indigere. Nobis autem uidetur & omnis ratiocinatio concludenda esse: & illud uitium quod illis displicet, magnopere uitandum est: ne quod perspicuum sit, id in complexionem inferamus. Hoc autem fieri poterit, si complexio-num genera intelligantur. Nam aut ita complectemur, ut in unum conducamus propositionem & assumptionem, hoc modo: Quod si leges omnes ad utilitatem Reipub. referri conuenit, hic autem saluti reipub. profuit: profectò non potest eodem facto & saluti cõmuni consuluisse, & legibus non obtemperasse. Aut ita, ut ex contraria sententia conficiatur, hoc modo: Summa igitur amentia est, in eorum fide spem habere, quorum perfidia toties deceptus sis. Aut ita, ut id (b) solū quod conficitur inferatur, ad hunc modum: Urbem igitur diruamus. Aut ut id quod eam rem quæ conficitur, sequatur necessesse est, id est huiusmodi: Si peperit, cum uiro concubuit: peperit autem. conficitur hoc: Concubuit igitur cum uiro. hoc si nolis inferre, & inferas id quod sequitur, Fecit igitur incestum, et cõcluseris argumentationem, & perspicuans



spiciam fugeris complexionem. Quare in longis argumentationibus, ex cōductionibus aut ex contrario complecti oportet: in breuibus id solum quod conficitur, ex ponere: in ijs in quibus exitus perspicuus est, consecutione uti. Si qui autem ex una quoq; parte putabūt consistare argumentationem, poterunt dicere sepe satis esse, hoc modo argumentationem facere: Quoniam peperit, cū uiro concubuit. nam hoc nullius neq; approbationis, neq; assumptionis, uel eius approbationis, neq; complexionis indigere: sed nobis ambiguitate nominis uidetur errare. Nam & argumentatio nomine uno res duas significat. ideo quod & inuentum aliquā in rem probabile, aut necessarium argumentatio uocatur: & eius inuenti artificiosa expolitio. Quando igitur proferent aliquid huiusmodi: Quoniam peperit, cum uiro concubuit: inuentum proferent, nō expolitionem. Nos autē de expolitionis partibus loquimur. Nihil igitur ad hanc rem ratio illa pertinebit. atque hac distinctione alia quoque, quæ uidebūtur officere huic partitioni, propulsabimus: si qui aut assumptionē aliquando tolli posse putent, aut propositionē. Quæ si quid habet probabile aut necessarium, quoquo modo cōmoueat auditorem necesse est: quod si solum spectaretur id quod esset inuentū, ac nihil quo pacto tractaretur id quod esset excogitatū referret, nequaquā tantū inter summos oratores & mediocres interesse existimaretur. Variare autē orationem magnopere oportebit. Nā omnibus in rebus similitudo est satiatis mater. id fieri poterit, si nō similiter semper ingrediamur in argumentationem. Nam primū omnium generibus ipsis distinguere conuenit orationē: hoc est, tum inductione uti, tū ratiocinatione. Deinde in ipsa argumen-

tatione



tatione non semper à propositione incipere, nec semper  
 quinq; partibus abuti, neq; eadem ratione expolire par  
 titiones: sed tum ab assumptione incipere licet, tum ab  
 approbatione alterutra, tum utraq; tum hoc, tum illo  
 genere complexionis uti. Id ut perspiciatur, aut scriba=  
 mus, aut in quolibet exemplo de ijs quæ proposita sunt,  
 hoc idē exerceamus, ut quam facile sit factū. Ac de par=  
 tibus quidē argumentationis satis nobis dictū uidetur.  
 Illud autē uolumus intelligi, nos probē tenere, alijs quo=  
 que rationibus tractari argumētationes in philosophia  
 multis et obscuris, de quibus certū est artificiiū constitu=  
 57 tū. Verūm (a) illa nobis abhorrere ab usu oratorio uiden=  
 tur. Quæ pertinere autē ad dicendum putamus, ea nos  
 commodius quā ceteros attendisse nō affirmamus, sed  
 perquisitius & diligentius cōscripsisse pollicemur. Nūc  
 ut instituimus, proficisci ordine ad reliqua pergemus.

REPREHENSIO est, per quam argumentando ad=  
 uersariorū confirmatio diluitur, aut infirmatur, aut al=  
 leuatur. Hæc fonte inuentionis eodē utetur, quo utitur  
 confirmatio, propterea quòd quibus ex locis aliquares  
 cōfirmari potest, iisdē potest ex locis infirmari. Nihil e=  
 nim cōsiderandū est in his omnibus inuentionibus, nisi id  
 quod personis aut negocijs attributū est. Quare inuen=  
 tionē, & argumentationū expolitionē ex illis quæ antē  
 præcepta sunt, hanc quoq; in partē orationis transferri  
 oporteret. Veruntamē ut quædā præceptio detur huius  
 quoq; partis, exponemus modos reprehensionis: quos qui  
 obseruabunt, facilius ea quæ contradicentur, diluere aut  
 infirmare poterunt. Omnis argumentatio reprehendi=  
 tur, si aut ex ijs quæ sumpta sunt, nō conceditur aliquod  
 unum plurāue: aut his concessis, complexio confici ex  
 his ne=



his negatur : aut si genus ipsum argumentationis uitio-  
sum ostenditur : aut si contra firmam argumentationem  
alia æquè firma aut firmior ponitur. Ex ijs quæ sumun-  
tur, aliquid non conceditur : cum aut id quod credibile  
dicunt, negatur esse huiusmodi: aut quod cōparabile pu-  
tant, dissimile ostenditur: aut iudicatum aliam in partem  
traducitur : aut omnino iudicium improbat: aut quod  
signum esse aduersarij dixerunt, id eiusmodi negatur ef-  
se: aut si complexio, aut una, aut ex utraq; parte repre-  
henditur : aut si enumeratio falsa ostenditur: aut si sim-  
plex conclusio falsi aliquid continere demonstratur. Nā  
omne quod sumitur ad argumentandum siue pro proba-  
bili siue pro necessario, necesse est sumatur ex his locis,  
ut antè ostendimus. Quod pro credibili sumptum erit, id  
infirmabitur, si aut perspicuè falsum erit, hoc modo: Ne-  
mo est qui non pecuniam, quàm sapientiam malit. aut  
ex contrario quoq; credibile aliquid habebit, hoc modo:  
Quis est, qui nō officij cupidior sit, quàm pecuniæ? aut  
erit omnino incredibile: ut si quis, quem constet esse aua-  
rum, dicat alicuius mediocris officij causa se maxi-  
mam pecuniam neglexisse, aut si quod in quibusdam re-  
bus aut hominibus accidit, id omnibus dicatur usu eue-  
nire, hoc pacto: Qui pauperes sunt, ijs antiquior offi-  
cio pecunia est. Qui locus desertus est, in eo eadem fa-  
ctam esse oportet. In loco celebri homo occidi quī po-  
tuit? Aut si id quod rarò sit, fieri omnino negatur. ut  
Curius pro Fulvio: Nemo potest uno aspectu, neq; præ-  
teriens in amorem incidere. Quod autem (b) pro si-  
gno sumetur, id ex ijsdem locis quibus confirmatur, in-  
firmabitur. Nam in signo primum uerum esse ostendi  
oportet: deinde eius esse rei signum proprium, qua de re



agitur, ut cruorem cedis. Deinde, factum esse quod non oportuerit, aut non factum quod oportuerit. Postremo, scisse eum, de qua quaeritur, eius rei legem & consuetudinem. nam eae res sunt signo attributae, quas diligentius aperiemus, cum separatim de ipsa coniecturali constitutione dicemus. Ergo horum unumquodque in reprehensione aut non esse signum, aut parum magnum esse, aut à se potius quam ab aduersariis stare, aut omnino falso dici, aut in aliam quoque suspicionem duci posse demonstrabitur. Cum autem pro comparabili aliquid inducetur, quoniam id per similitudinem maxime tractatur, in reprehendendo conueniet, simile id negare esse, quod conferretur ei cui cum conferretur. Id fieri poterit, si demonstrabitur diuersum esse genere, natura, ui, magnitudine, tempore, loco, persona, opinione: ac si quo in numero illud quod per similitudinem afferretur, & quo in loco hoc genus cuius causa afferretur, haberi conueniat, ostendatur. Deinde quid res cum re differat, demonstrabitur: ex quo docebimus aliud de eo quod comparabitur, & de eo qui cum comparabitur, existimari oportere. Huius facultatis maxime indigemus, cum ea ipsa argumentatio quae per inductionem tractatur, erit reprehendenda, si iudicatum aliquod inferretur: quoniam id ex his locis maxime firmatur, laude eorum qui iudicarunt, similitudine eius rei qua de agitur, ad eam rem qua de iudicatum est, commemorando non modo non esse reprehensum iudicium, sed ab omnibus approbatum: & demonstrando difficilius et maius fuisse id iudicatum quod afferatur, quam id quod instet. Ex contrariis locis, si res aut uera aut uerisimilis permittet, infirmari oportebit: atque erit obseruandum diligenter, ne nihil ad id quod



quod agatur, pertineat id quod indicatū sit: & uidendū est, ne ea res proferatur, in qua sit offensum, ut de ipso qui indicarit, iudicium fieri uideatur. Oportet autem animaduertere, ne cum aliter multa sint iudicata, solitarium aliquod aut rarum iudicatum asseratur. nam his rebus autoritas iudicati maxime potest infirmari. Atque ea quidem argumenta, quæ quasi probabilia sumuntur, ad hunc modum tentari oportebit. Quæ uero sicuti necessaria inducentur, ea si forte imitabuntur modo necessariam argumentationem, neque erunt eiusmodi, sic reprehenduntur. Primum complexio, quæ utrum concesseris debet tollere: si uera est, nunquam reprehendetur, si falsa, duobus modis: aut conuersione, aut alterius partis infirmatione. Conuersione, hoc modo.

(a) Nam si ueretur, quid eum accuses qui est probus? 58  
 Sin inuerecundum animi ingenium possidet,  
 Quid eum accuses, qui id parui auditu aestimet?

Hic siue uereri dixeris, siue non uereri, concludendū hoc putat, ut neges esse accusandum. Quod conuersione sic reprehendetur. Immo uero accusandus est. nam si ueretur, accuses: non enim parui auditu aestimabit. Sin inuerecundū animi ingenium possidet, tamen accuses: non enim probus est. Alterius autem partis infirmatione hoc modo reprehendetur. Verum si ueretur, accusatione tua correctus, ab errato recedet. Enumeratio uitiōsa intelligitur, si aut præteritum quiddam dicimus quod uelimus concedere: aut infirmum aliquid annumeratum, quod aut contradici possit: aut causa non sit quare non honeste possimus concedere. Præteritur quiddā in eiusmodi enumerationibus. Quoniam habes istum equum, aut emeris oportet, aut hereditate possideas, aut munera



re acceperis, aut domi tibi natus sit: aut si horum nihil est, surripueris necesse est. Sed neq; emisti, neq; hereditate uenit, neq; domi natus est, neque donatus est: necesse est ergo surripueris. Hoc commodè reprehenditur, si dici possit ex hostibus equus esse captus, cuius prædæ sectio nō uenierit: quo illato, infirmatur enumeratio: quoniam id sit inductum, quod præteritum sit in enumeratione. Altero autem modo reprehendetur: si aut cōtrā aliquid dicetur, hoc est, si (exempli causa, ut in eodem uersetur) poterit ostendi hereditate uenisse, aut si extremum illud non erit turpe concedere: ut si quis, cūm dixerint aduersarij, aut insidias facere uoluisse, aut amico morē gessisse, aut cupiditate elatus es, amico se morē gessisse fateatur. Simplex autem conclusio reprehenditur, si id quod sequitur, non uideatur necessariò cum eo quod antecessit coherere. Nam hoc quidem, si spiritum ducit, uiuit: Si dies est, lucet: eiusmodi est, ut cum priore necessariò posterius coherere uideatur. Hoc autem, si mater est, diligit: Si aliquando peccauit, nunquam corrigetur: sic conueniet reprehendi, ut demonstretur non necessariò cum priore posterius coherere. hoc genus & cetera necessaria, & omnino omnis argumentatio & eius reprehensio, maiorem quandam uim continet, & latius patet quàm hic exponitur: sed eius artificij cognitio huiusmodi est, ut non ad huius artis partem aliquam adiungi possit: sed ipsa separatim longi temporis, & magnæ atque arduæ cognitionis indigeat. Quare illa nobis alio tempore, atq; ad aliud institutum, si facultas erit, explicabuntur. Nunc his præceptionibus Rhetorum, ad usum oratorum contentos nos esse oportebit. Cūm igitur ex ijs quæ sumuntur (b) aliquid nō conceditur, sic infirmabitur.



bitur. Cum autē his concessis, complexio ex his non conficitur, hæc erunt consideranda, num aliud conficiatur, aliud dicatur, hoc modo: si cum aliquis dicat se profectū esse ad exercitum, contraq; eum quis uelit hac argumentatione uti: Si uenisses ad exercitiū, à Tribunis militari-  
bus uisus esses: non es autem uisus ab his: non es igitur profectus ad exercitum. Hic cum cōcesseris propositio-  
nem & assumptionem, complexio est infirmanda. Aliud enim, quā cogeatur, illatum est. Ac nunc quidem quò facilius res cognosceretur, perspicuo & grandi ui-  
tio præditum posuimus exemplum: sed sæpe obscurius positum uitium pro uero probatur, cum aut parum me-  
mineris quod concesseris, aut ambiguum aliquod pro certo concesseris. Ambiguum, si concesseris ex ea parte, quam ipse intellexeris: eam partem si aduersarius ad aliam partem per complexionem uelit accommodare, de-  
monstrare oportebit, non ex eo, quod ipse concesseris, sed ex eo quod ille sumpserit, confici complexionem, ad hunc modum. Si pecunia indigetis, pecuniam non habetis: si pecuniam non habetis, pauperes estis. indigetis autem pecunia: mercaturæ enim, nisi ita esset, operam non daretis: pauperes igitur estis. Hoc sic reprehenditur: Cū dicebas, Si indigetis pecuniæ, pecuniam non habetis, hoc intelligebam: si propter inopiam in egestate estis, pecuniam non habetis, & idcirco concedebam: cum autem hoc sumebas, Indigetis autem pecuniæ, illud accipiebam: uultis aut pecuniæ plus habere, ex quibus concessionibus non conficitur hoc, Pauperes igitur estis. conficeretur autem, si tibi primò quoq; hoc concessissem: Qui pecuniam maiorem uellet habere, eum pecuniam non habere. Sæpè autem oblitam putant quid concesseris, & idcir-



cò id quod non conficitur, quasi conficiatur in conclusione infertur, hoc modo. Si ad illū hereditas ueniebat, uerisimile est ab illo esse necatū. Deinde hoc approbant plurimis uerbis. pòst assumūt. Ad illū aut hereditas ueniebat; deinde infertur, ille igitur occidit. Id ex ijs quæ sumpserant, non conficitur. Quare obseruare diligenter oportet, & quid sumatur, & quid ex his conficiatur. Ipsū aut genus argumentationis uitiosum his de causis ostendetur: si aut in ipso uitium erit, aut si non ad id quod instituitur, accommodabitur. Atque in ipso uitium erit, si omnino totum falsum erit, si commune, si uulgare, si leue, si remotum, si mala definitio, si cōtrouersum, si perspicuum, si non concessum, si turpe, si offensum, si contrarium, si inconstans, si aduersum. Falsum est, in quo perspicuè mendacium est, hoc modo: Nō potest esse sapiens, qui pecuniam negligit: Socrates autem pecuniam negligebat, non igitur sapiens erat. Commune est, 59 quod nūlo magis (a) ab aduersarijs quā a nobis facit, hoc modo: Idcirco, iudices, quia ueram causam habebā, breui perorauī. Vulgare est, quod in aliam quoque rem non probabilem, si nunc cōcessum sit, transferri possit, hoc modo: Si ueram causam non haberet, uobis se, iudices, non cōmisset. Leue est, quod aut post tempus dicitur, hoc modo: Si in mentem uenisset, non commisset, aut perspicuè rem turpem leui tegere uult defensione. Cū te expetebant omnes florentissimo in regno reliqui, nunc desertum ab omnibus, Summo periculo, sola ut restituam, paro.

Remotum est, quod ultra quā satis est petitur, hoc modo: Quod si non P. Scipio Corneliam filiam Tib. Graccho collocasset, atq; ex ea duos Gracchos procreasset,



creasset, tantæ seditiones natæ non essent. quare hoc in commodum Scipioni adscribendum uidetur. Huiusmodi est illa quoque conquestio.

Vtinam, ne in nemore Pelio securibus

Cæsa cecidisset abieгна ad terram trabes.

Longius enim repetita est, quàm res postulabat. Mala definitio est, cum aut communia describit, hoc modo: Seductus est is, qui malus atque inutilis est ciuis. nam hoc non magis seductus, quàm ambitiosus, quàm calumniatoris, quàm alicuius improbi hominis uim describit. Aut falsum quiddam dicit, hoc pacto: Sapientia est, pecunie acquirende intelligentia. Aut aliquid non graue nec magnū continens, sic: Stulticia est, immensæ gloriæ cupiditas. est hæc quidē stulticia, sed ex parte quadam, nō ex omni genere definita. Controuersum est, in quo ad dubium demonstrandū dubia causa assertur, hoc modo. Eho tu, di, quibus est potestas motus superū atque inferū, Pacem inter sese conciliant, conserunt concordiam.

Perspicuum est, de quo nō est controuersia: ut si quis cum Orestem accuset, planum faciat ab eo matrem esse occisam. Non concessum est, cum id quod augetur, in controuersia est: ut si quis cum Ulyssē accuset, in hoc maxime commoretur, indignum esse ab homine ignauissimo uirum fortissimum Atacem necatum. Turpe est, quod aut eo loco in quo dicitur, aut eo homine qui dicit, aut eo tempore quo dicitur, aut ijs qui audiunt, aut eare de qua agitur, indignum propter inhonestam rem uidetur. Offensum est, quod eorum qui audiunt. uo uinitatē ledit: ut si quis apud equites Romanos cupio iudicandi Cæpionis legem iudiciariam laudet. Contrarium est, quod contra ea dicitur que ijs qui audiunt fecerunt.



runt : ut si quis apud Alexandrum Macedonem contra aliquem urbis expugnatorem diceret, Nihil esse crudelius (b) quàm urbes diruere, cum ipse Alexander Thebas diruisset. Inconstans est, quod ab eodem de eadem re diuerse dicitur : ut si quis, cum dixerit, qui uirtutem habeat, eum nullius rei ad benè uiuendum indigere : neget postea sine bona ualitudine posse benè uiuere, aut se amico adesse propter beneuolentiam : sperare enim aliquid commodi ad se peruenturum. Aduersum est, quod ipsi causæ aliqua ex parte officit: ut si quis hostium uim, et copias, et felicitatem augeat, cum ad pugnam milites hortetur. Si non ad id quod instituitur, accommodabitur aliqua pars argumentationis, horum aliquo in uitio reperiatur. Si plura pollicitus, pauciora demonstrabit: aut si cum totum debet ostendere, de parte aliqua loquatur, hoc modo: Mulierum genus auarum est. nam Eriphyle auro uiri uitam uendidit. Aut si non id quod accusabitur, defendet: ut si quis, cum ambitus accusabitur, manu se fortè esse defendet, ut Amphion apud Euripidem. item apud Pacuuium, qui uituperata musica, sapientiam laudat. Aut si res ex hominis uitio uituperabitur: ut si quis doctrinam ex alicuius docti uitij reprehēdat. Aut si quis, cum aliquem uolet laudare, de felicitate eius, non de uirtute dicat. Aut si quis rem cum re ita comparabit, ut alteram se non putet laudare; nisi alteram uituperarit: aut si alteram ita laudet, ut alterius non faciat mentionem. ut si quis, cum aliqui deliberent, bellum geratur an non, pacem laudet omnino, non illud bellum inutile esse demonstrat. Aut si, cum de certare quaeretur, de communi instituetur oratio. Aut si ratio alicuius rei reddetur falsa, hoc modo: Pecunia bonum est, propterea quod ea maxi-



ea maximè uitā beatā efficiat. Aut si infirma, ut Plautus:  
Amicum castigare ob meritam noxiam,  
Immane est facinus, uerū in ætate utile,  
Et conducibile: nam ego amicum hodie meum  
Non castigabo, pro commerita noxia.

Aut eadem, hoc modo: Maximum malum est auaricia, multos enim magnis incommodis afficit pecuniæ cupiditas. Aut parum idonea, hoc modo: Maximum bonum est amicitia. plurimæ enim delectationes sunt in amicitia. Quartus modus erat reprehensionis, per quem contra firmam argumentationem, æquè firma, aut firmior ponebatur. Hoc genus in deliberationibus maximè uersatur, cū aliquid quod contrā dicatur, æquum esse concedimus: sed id quod nos defendimus, necessarium esse demonstramus. Aut cū id quod illi defendant, utile esse fateamur: quod nos dicamus, demonstramus esse honestum. Ac de reprehensione hæc quidem existimauimus esse dicenda. (a) Deinceps nunc 60  
de conclusionem ponemus. Hermagoras autem digressionem, deinde tum postremam conclusionem ponit. In hac autem digressionem, ille putat oportere quandam inferri orationem, à causa atque à iudicatione ipsa remotam: quæ aut sui laudem, aut aduersarij uituperationem contineat, aut in aliam causam deducat, ex qua conficiat aliquid confirmationis aut reprehensionis, non argumentando, sed augendo, per quandam amplificationem. Hanc si quis partem putarit orationis, sequatur licebit. Nam et augendi, et laudandi, et uituperandi præcepta, à nobis partim data sunt, partim suo loco dabuntur. Nobis autem non placet hanc partem in numero reponi, quod de causa digredi,



nisi per locum communem displicet: quo de genere potestariius est dicendum. Laudes autem et uituperationes non separatim placet tractari, sed in ipsis argumentationibus esse implicitas. Nunc de conclusione dicemus.

Conclusio est, exitus et determinatio totius orationis. Hæc habet parteis tres: enumerationem, indignationem, conquestionem. Enumeratio est, per quam res dispersæ et diffuse dictæ unum in locum coguntur, et reuniscendi causa unum sub aspectum subiiciuntur. hæc si semper eodem modo tractabitur, perspicue ab omnibus artificio quodam tractari intelligetur. Sin uariè fiet, et hanc suspicionem, et satietatem uitare poterit. Quare tum oportebit ita facere ut plerique faciunt propter facilitatem, singillatim unamquamque rem attingere, et ita omnes transire breuiter argumentationes: tum autem, id quod difficilius est, dicere quas parteis exposueris in partitione, de quibus te pollicitus sis dicturum: et reducere in memoriam, quibus rationibus unamquamque partem confirmaris: tum ab ijs qui audiunt, querere quid sit quod sibi uelle debeant demonstrari, hoc modo: Docuimus hoc, illud planum fecimus. ita simul et in memoria redibit auditor, et putabit nihil esse præterea quod debeat desiderare. Atque in his generibus (ut antè dictum est) tum tuas argumentationes transire separatim, tum id quod artificio suus est, cum tuis contrarias coniungere: et cum tuam argumentationem dixeris, tum contra eam quod afferebatur, quemadmodum dilueris, ostendere. Ita per breuem comparisonem auditoris memoria et de confirmatione, et de reprehensione redintegrabitur. Atque hæc alijs actionis quoque modis uariare oportebit. Nam tum ex tua persona enumerare possis, ut quid  
et quo



Et quo loco quidq; dixeris admoneas: tum uerò perso-  
 nam aut rem aliquam inducere, (b) et enumerationem  
 ei totam attribuere Personam, hoc modo: Nam si legis  
 scriptor existat, et querat à uobis quid dubitetis, quid  
 possitis dicere, cum uobis hoc et hoc sit demonstratum?  
 Atq; hic item ut in nostra persona licebit aliàs singilla-  
 tim transire omnes argumentationes, aliàs ad partitio-  
 nes singula genera referre, aliàs ab auditore quid desi-  
 deret querere, aliàs hæc facere per comparationē sua-  
 rum et contrariarum argumentationum. Res autem in-  
 ducetur, si alicui rei huiusmodi, legi, loco, urbi, moni-  
 mento attribuetur oratio per enumerationem, hoc mo-  
 do: Quid si leges loqui possent, nō ne hæc apud uos que-  
 rerentur? Quid nam amplius desideratis, iudices, cum  
 uobis hoc et hoc planum factum sit? In hoc quoq; ge-  
 nere omnibus eisdem modis ubi licebit. Commune autem  
 præceptum hoc datur ad enumerationem, ut ex una-  
 quaque argumentatione, quoniam tota iterum dici non  
 potest, id eligatur quod erit grauißimum: et unum-  
 quodq; quā breuißimè transeat, ut memoria, non o-  
 ratio renouata uideatur. Indignatio est, oratio per quam  
 conficitur, ut in aliquem hominem magnum odium, aut  
 in rem grauis offensio concitetur. In hoc genere illud  
 primū intelligi uolumus, posse omnibus ex locis ijs  
 quos in confirmandi præceptis posuimus, tractari indi-  
 gnationem. Nam ex ijs rebus quæ personis atque ne-  
 gocijs attributæ sunt, quæuis amplificationes et indi-  
 gnationes nasci possunt: sed tamen ea quæ separatim  
 de indignatione præcipi possunt, consideremus. Pri-  
 mus locus sumitur ab authoritate, cum commemora-  
 mus, quantæ curæ res ea fuerit aut dijs immortalibus,  
 aut eis



aut eis quorū authoritas grauissima debeat esse: qui locus sumetur ex sortibus, oraculis, uatibus, ostentis, prodigijs, responsis, similibus rebus. Item ex maioribus nostris, regibus, ciuitatibus, gentibus, hominibus sapientissimis, senatu, populo, legū scriptoribus. Secundus locus est, per quem illares ad quos pertineat, cum amplificatione per indignationem ostenditur, an ad omnes, an ad maiorem partem, quod atrocissimum est, an ad superiores, quales sunt ij quorum ex authoritate indignatio sumitur, quod indignissimum est: an ad pares, animo, fortuna, corpore, quod iniquissimum est: an ad inferiores, quod superbissimum est. Tertius locus est, per quē querimus, quid nam sit euenturum, si idem ceteri faciant: et simul ostendimus, huic si cōcessum sit, multos emulos eiusdem audaciæ futuros, ex quo quid mali sit euenturū demonstrabimus. Quartus locus est, per quem demonstramus multos alacres expectare quid statuatur: ut ex eo quod uni concessum sit, sibi quoq; tali dere quid liceat, intelligere possint. Quintus locus est, per quem ostendimus ceteras res perperam constitutas, (a) intellecta ueritate commutatas corrigi posse: hanc esse rem, quæ si sit, si semel iudicata, neque alio cōmutari iudicio, neque ulla potestate corrigi possit. Sextus locus est, per quē consulto & de industria factum esse demonstratur: & illud adiungitur, uoluntario maleficio ueniā dari nō oportere: imprudentiæ concedi nonnunquam conuenire. Septimus locus est, per quem indignamur, quod terribile, crudele, nefarium, tyrannicum factū esse dicamus, per uim, per manū opulentam, quæ res ab legibus, ab æquabili iure remotissima sit. Octauus locus est, per quem demonstramus non uulgare, neq; factitatum esse ne ab audā



audacissimis quidē hominibus id maleficium, de quo agitur: atq; id à feris quoq; hominibus & à barbaris gentibus, & immanibus bestiis remotū esse. Hæc erunt, quæ in parentes, liberos, coniuges, consanguineos, supplices crudeliter facta dicentur. & deinceps si qua proferantur in maiores natu, in hospites, in uicinos, in amicos, in eos quibus cum uitam egeris, in eos apud quos educatus sis, in eos à quibus eruditus sis: in mortuos, in miserōs, & misericordia dignos: in homines claros, nobiles, & honore usos. in eos qui neq; ledere alium, nec se defendere potuerunt, ut in pueros, senes, mulieres: quibus omnibus acriter excitata indignatio, summum in eū qui uiolarit horum aliquid odium commouere poterit. Nonus locus est, per quem cum alijs quæ constant esse peccata, hoc quo de quæstio est comparatur: & ita per contentionem, quanto atrocius & indignius sit illud de quo agitur, ostenditur. Decimus locus est, per quē omnia quæ in negotio gerendo acta sunt, quæq; post negocium consecuta sunt, cum uniuscuiusq; indignatione & criminatione colligimus: et rem uerbis quā maxime ante oculos eius apud quem dicitur, ponimus: ut id quod indignū est, perinde illi uideatur indignū, ac si ipse interfuerit, ac præsens uiderit. Undecimus locus est, per quem ostendimus ab eo factum à quo minimē oportuerit, & à quo, si alius faceret, prohiberi conueniret. Duodecimus locus est, per quem indignamur, quod nobis hoc primis acciderit, nec alicui unquam usu euenerit. Tertiusdecimus locus est, si cum iniuria contumelia iuncta demonstratur, per quem locum in superbiam & arrogantiam odium concitatur. Quartusdecimus locus est, per quem petimus ab ijs qui audiunt, ut ad suas res, nostras iniurias



iniurias referant: si ad pueros pertinebit, de liberis suis cogitent: si ad mulieres, de uxoribus: si ad senes, de patribus aut parentibus. Quintusdecimus est locus, per quem dicimus inimicis quoque et hostibus ea quæ nobis acciderint, indigna uideri solere: et indignatio quidem his ferre de locus grauissimè sumetur. Conquestionis autem huiusmodi (b) de rebus parteis petere oportebit.

Conquestio est, oratio auditorum misericordiam capiens. In hac primum animum auditoris mitem et misericordem conficere oportet, quò facilius conquestione commoueri possit. Id locis communibus efficere oportebit, per quos fortunæ uis in omnes et hominum infirmitas ostenditur, qua oratione habita, grauitè et sententiosè maximè demittitur animus hominum, et ad misericordiam comparatur, cum in alieno malo suam infirmitatem considerabit. Deinde primus locus est misericordie, per quem quibus in bonis fuerint, et nunc quibus in malis sint, ostenditur. Secundus, qui in temporibus tribuitur, per quem, quibus in malis fuerint, et sint, et futuri sint, demonstratur. Tertius, per quem unumquodque deploratur incommodum, ut in morte filij puericie delectatio, amor, spes, solatium, educatio, et si qua simili in genere quolibet de incommodo per conquestionem dici poterunt. Quartus, per quem res turpes, et humiles, et illiberales proferuntur, et indignæ ætate, genere, fortuna, pristino honore, beneficijs, quas passi perpassuri uè sint. Quintus est, per quem omnia ante oculos singillatim incommoda ponuntur, ut uideatur is qui audit, uidere, et re quoque ipsa quasi adsit, non uerbis solum ad misericordiam ducatur. Sextus, per quem præter spem in miserijs demonstratur esse, et cum ali-

quid



quid expectaret, non modò id non adeptum esse, sed in summas miseras incidisse. Septimus, per quem ad ipsos qui audiunt, similem casum conuertimus: et petimus, ut de suis liberis, aut parentibus, aut aliquo qui illis carus debeat esse, nos cum uideant, recordentur. Octauus, per quem aliquid dicitur esse factum quod non oportuerit, aut non factum quod oportuerit, hoc modo: Non asfui, non uidi, non postremam eius uocem audiui, nõ extremum eius spiritum excepi. Item: Inimicorum in manibus mortuus est, hostili in terra turpiter iacuit insepultus, à feris diu uexatus, communi quoque honore in morte caruit. Nonus, per quem oratio ad mutas et expectantes animi res refertur: ut si ad equum, domum, uestem sermonem alicuius accommodes: quibus animus eorum qui audiunt, et aliquem dilexerunt, uehementer commouetur. Decimus, per quem inopia, infirmitas, solitudo demonstratur. Undecimus, per quem aut liberorum, aut parentum, aut sui corporis sepeliendi, aut alicuius eiusmodi rei commendatio fit. Duodecimus, per quem disunctio deploratur ab aliquo, cum deducaris ab eo qui cum libentissimè uixeris, ut à parente, filio, fratre, familiarari. Tertiusdecimus, per quem cum indignatione conquerimur, quod ab ijs à quibus minimè conueniat, malè tractemur, propinquis, amicis, quibus benè fecerimus, (a) quos adiutores fore putauerimus: aut à quibus indignum est, ut seruis, libertis, clientibus, supplicibus. Quartusdecimus, qui per obsecrationem sumitur, in quo orantur modò illi qui audiunt, humili et supplicis oratione, ut misereantur. Quintusdecimus, per quem non nostras, sed eorum qui carì nobis debent esse, fortunas, conqueri nos demonstramus. Sextusdecimus est,

per



per quem animum nostrū in alios misericordē esse ostendimus: et tamen amplū, et excelsū, & patientē incōmodū esse, et futurum, si quid acciderit, demonstramus. nam sēpē uirtus & magnificentia, in quo grauitas et auctoritas est, plus proficit ad misericordiā cōmouendam, quā humilitas et obsecratio. Commotis autem animis, diutius in conuestione morari nō oportebit. Quemadmodū enim dixit Rhetor Appollonius: Lachryma nihil citius arefcit. Sed quoniam & satis, ut uidemur, de omnibus partibus orationis diximus, et huius uoluminis magnitudo longius processit, quā sequuntur deinceps in Secundo libro dicemus.

## M. T. CICERONIS DE INVENTIONE

## Rhetorica Liber Secundus.



ROTONIATAE quondam, cūm florent omnibus copijs, et in Italia, cūm in primis beati numerarentur: templū iunonis, quod religiosissimē colebāt, egregijs picturis locupletare uoluerunt. Itaq; Heraclēotē Zeusim, qui tū longē ceteris excellere pictoribus existimabatur, magno precio conductū adhibuerūt. Is & ceteras tabulas complures pinxit, quarū nonnulla pars usq; ad nostrā memoriā propter fanī religionē remansit: & ut excellentē muliebris formae pulchritudinē muta in sese imago contineret, Helenae se pingere simulachrū uelle dixit. Quod Crotoniata, qui eum muliebri in corpore pingendo plurimū alijs prestare sēpē acceperant, libenter audierunt. putauerunt enim eū, si quo in genere plurimū posset, in eo magnopere elaborasset, egrēgium sibi opus illo infano relicturum. Neque tum eos illa opinio fefellit. Nam Zeusis illicō quāsiuit ab his, quas nam



quas nam uirgines formosas haberent. Illi autem statim hominem duxerūt in palestram, atq; ei pueros ostenderunt multos, magna præditos (b) dignitate. Etenim quodam tempore Crotoniatæ multum omnibus corporum uiribus & dignitatibus antè steterunt, atque honestissimas ex gymnico certamine uictorias domum, cum maxima laude retulerunt. Cum puerorum igitur formas & corpora magno hic opere miraretur: Horum, inquit illi, sorores sunt apud nos uirgines. Quare quæ sint illæ dignitate, potes ex his suspicari. Præbete igitur mihi quæso, inquit, ex istis uirginibus formosissimas, dum pingo id quod pollicitus sum uobis: ut mutum in simulachrum ex animali exemplo ueritas transferatur. Tunc Crotoniatæ, publico de consilio, uirgines unum in locum conduxerunt, & pictori quam uellet eligendi potestatem dederunt. Ille autem quinque delegit, quarum nomina multi poetæ memoriæ tradiderunt, quod eius essent iudicio probatæ, qui uerissimum pulchritudinis habere iudicium debuisset. Neq; enim putauit omnia quæ quæreret ad uenustatem, uno in corpore se reperire posse, ideo quod nihil simplici in genere, omni ex parte perfectum Natura expoliuit. Itaq; tanquam cæteris non sit habitura quod largiatur, si uni cuncta concesserit, aliud alij commodi aliquo adiuncto incommodo muneratur. Quod quoniam nobis quoq; uoluntatis accidit, ut artem dicendi perscriberemus, non unum aliud quod proposuimus exemplum, cuius omnes partes quocumq; essent in genere exprimendæ nobis necessariò uiderentur: sed omnibus unum in locum coactis scriptoribus, quod quisq; commodissime præpere uidebatur, excerptimus, et ex uarijs ingenijs, excellentissima quæq; libauimus.



bauimus. ex ijs enim qui nomine & memoria digni sunt,  
 nec nihil optimè, nec omnia præclarissimè quisquam di-  
 cere nobis uidebatur. Quapropter stulticia nobis uisa  
 est, aut à benè inuentis alicuius recedere, si quo in uitio  
 eius offenderemur: aut ad uitia quoq; eius accedere, cuius  
 aliquo bono præcepto duceremur. Quòd si in cate-  
 ris quoq; studijs à multis eligere homines commodissi-  
 mū quodq;, quàm sese uni alicui certo uellent addicere,  
 minus in arrogantiam offenderet: nō tantopere in uitijs  
 perseverarent: aliquantō ex inscitia leuius laborarent.  
 Ac si par in nobis huius artis, atq; in illo picturæ scientia  
 fuisset, fortasse magis hoc suo in genere opus nostrū quā  
 ille in sua pictura nobilis eniteret. Ex maiore enim co-  
 pia nobis, quā illi, fuit exemplorum eligendi potestas.  
 Ille una ex urbe, et ex eo numero uirginū quæ tū erāt,  
 eligere potuit: nobis omnium quicumque fuerunt ab  
 ultimo principio huius præceptionis usq; ad hoc tem-  
 pus expositis copijs, quodcūq; placeret, eligendi pote-  
 stas fuit. Ac ueteres quidem scriptores artis usque  
 ab principe illo atque inuentore Tysia repetitos unum  
 63 in locum (a) conduxit Aristoteles, & nominatim cuius-  
 que præcepta magna conquisita cura perspicuè scripsit,  
 atq; enodata diligenter exposuit: ac tantum inuentori-  
 bus ipsis suauitate & breuitate dicendi præstitit, ut ne-  
 mo illorum præcepta ex ipsorū libris cognoscat: sed o-  
 mnes, qui quoq; illi præcipiant, uelint intelligere, ad hūc  
 quasi ad quandam multo commodiorem explicatorem  
 reuertantur. Atq; hic quidem ipse & sese ipsum nobis,  
 & eos qui ante se fuerant, in medio posuit: ut ceteros &  
 seipsum per se cognosceremus. Ab hoc autem qui pro-  
 fecti sunt, quanquam in maximis philosophiæ partibus  
 operæ



opere plurimum consumpserunt, sicut & ipse cuius instituta sequebantur fecerat: tamen permulta nobis præcepta dicendi reliquerunt. Atque alij quoque alio ex fonte præceptores dicendi emanauerunt: qui item permultum ad dicendum, si quid ars proficit, opitulati sunt. Nam fuit tempore eodem quo Aristoteles, magnus & nobilis Rhetor Isocrates: cuius ipsius quam constet esse artem, non inuenimus: discipulorum autem, atque eorum qui protinus ab hac sunt disciplina profecti, multa de arte præcepta reperimus. Ex his duabus diuersis sicuti familijs (quarum altera cum uersaretur in philosophia, nonnullam Rhetoricæ quoque artis sibi curam assumebat: altera uero omnis in dicendi erat studio & præceptione occupata) unum quoddam est conflatum genus à posterioribus, qui ab utrisque ea quæ commodè dici uidebantur, in suas artes contulerunt: quos ipsos simul atque illos superiores nos nobis omnes, quoad facultas tulit, proposuimus, et ex nostro quoque nonnihil in commune contulimus. Quod si ea quæ in his libris exponuntur, tantopere eligenda fuerunt, quanto studio electa sunt: profecto neque nos, neque alios industriæ nostræ poenitebit. Sin autem temerè aliquid alicuius præterisse, aut non satis eleganter secuti uidebimur: docti ab aliquo facillè et libenter sententiam commutabimus. Non enim parum cognosse, sed in parum cognito stultè & diu perseuerasse turpe est: propterea quod alterum cõmuni hominum infirmitati, alterum singulari uniuscuiusque uitio est attributum. Quare nos quidem sine ulla affirmatione simul querentes dubitanter unumquodque dicemus: ne dum paruum hoc consequimur, ut satis commodè hæc præscripsisse uideamur, illud amittamus quod maximum est: ut



ne cui rei temerè atq; arroganter assenserimus. Verùm hoc quidem nos, & in hoc tempore, & in omni uita studiosè, quoad facultas feret, consequemur. Nunc autem, ne longius oratio progressa uideatur, de reliquis quæ præcipienda uidentur esse, dicemus. Igitur primus liber exposito genere huius artis, & officio, & fine, & materia, & partibus, genera controuersiarum, & inuentiones, & (b) constitutiones continebat. Deinde partes orationis, & in eas omnes omnia præcepta. Quare cum in eo cæteris de rebus distinctius dictum sit, disseperse autè de confirmatione & de reprehensione: nunc certos confirmandi & reprehendendi in singula causarum genera locos tradendos arbitramur. Et quia quo pacto tractari conueniret argumentationes, in libro primo non indiligenter expositum est: hic tantum ipsa inuenta unamquamque in re exponitur simpliciter, sine ulla exornatione: ut ex hoc inuenta ipsa, ex superiore autè expositio inuentorū petatur. Quare hæc quæ nunc præcipientur, ad confirmationis & reprehensionis partes referre oportebit.

Omnis & demonstratiua, & deliberatiua, & iudicialis causa necesse est in aliquo, eorum quæ antè exposita sunt, constitutionis genere uno, pluribusue uersetur. Hoc quanquā ita est, tamen cum cōmuniter quædā de omnibus præcipi possint, separatim quoque aliæ sunt cuiusque generis, & diuersæ præceptiones. Aliud enim laus ut uituperatio, aliud sententiæ dictio, aliud accusatio aut recusatio cōficere debet. In iudicijs quid æquū sit queritur: in demonstrationibus, quid honestū: in deliberationibus, ut nos arbitramur, quid honestū sit, et quid utile. Nam cæteri utilitatis modò finem in suadendo & in dissuadendo exponi oportere arbitrati sunt. Quorū igitur gene-



rum fines et exitus diuersi sunt, eorum præcepta eadem esse non possunt. Neque nunc hoc dicimus, non easdem incidere constitutiones: ueruntamen oratio quedam ex ipso fine & genere causa nascitur, quæ pertineat ad uitæ alicuius demonstrationem, aut ad sententiæ dictionem. Quare nunc exponendis cōtrouersijs in iudiciali genere causarum & præceptorum uersabimur. Ex quo pleraque in cætera quoque causarum genera simili implicita controuersia, nulla cum difficultate transferentur: post autem separatim de reliquis dicemus. Nunc à coniecturali constitutione proficiscemur, cuius exemplū sit hoc expositū. In itinere quidam proficiscentē ad mercatum quendam, et secū aliquantum numorum ferentem est comitatus: cum hoc, ut ferè sit, in uia sermonem contulit, ex quo factum est, ut illud iter familiarius facere uellent. Quare cum in quandam tabernam diuertissent, simul coenare, & in eodem loco somnum capere uoluerunt. Cocnati discubuerunt ibidem: caupo autem (nam ita dicitur post inuentum, cum in alio maleficio deprehensus esset) cum illum alterum, uidelicet qui numos haberet, animaduertisset, noctu, postquam illos archius, ut sit, iam ex lassitudine dormire sensit, accessit, & alterius eorum, qui sine numis erat, gladium propter appositum è uagina eduxit, & illum alterum occidit, nummos abstulit, gladium cruentum in uaginam (a) recondidit, ipse sese in lectum suum recepit. Ille autem cuius gladio occisus erat facta, multò ante lucem surrexit, comitē illum suum inclamauit semel & sæpius: illum somno impeditū non respondere existimauit. ipse gladium et cætera quæ secum attulerat, sustulit: solus profectus est. Caupo non multò post conclamauit, hominem esse occisum, & cum quibusdam

64



diuersoribus illum qui antè exierat, consequitur: in itinere hominem cōprehendit, gladium eius ē uagina educit, reperit cruentum: homo in urbem ab illis deducitur, ac reus fit. In hac intentio est criminis, Occidisti: depulso, Non occidi. ex quibus, constitutio est. Questio eadem in coniecturali, quæ iudicat: Occiderit ne. Nunc exponemus locos, quorum pars aliqua in omnem coniecturalem incidit controuersiam. Hęc autem & in horum locorum expositione, & in ceterorum oportebit attendere, non omnes in omnem causam conuenire. Vt enim omne nomen ex aliquibus, non ex omnibus literis scribitur: sic omnem in causam non omnis argumentorum copia, sed eorum necessaria pars aliqua conueniet. Omnis igitur ex causa, ex persona, ex facto ipso coniectura capienda est. Causa distribuitur in impulsione, & in ratiocinationem. Impulsio est, quæ sine cogitatione per quandam affectionem animi facere aliquid hortatur: ut amor, iracundia, ægritudo, uimolentia, & omnino omnia, in quibus animus ita uidetur affectus fuisse, ut rem perspicere cum consilio & cura non potuerit, & id quod fecit, impetu quodam animi potius quàm cogitatione fecerit. Ratiocinatio autem est, diligens & considerata faciendi aliquid, aut non faciendi excogitatio. Ea dicitur tum interfuisse, cum aliquid faciendum aut non faciendum certa de causa uitasse aut secutus esse animus uidetur: ut si amicitia quid causa factum dicetur, si inimici ulciscendi, si metus, si gloria, si pecunie, si denique, ut omnia generatim amplectamur, alicuius retinendi, augendi, adipiscendiue commodi, aut contrà reiiciendi, diminuendi, deuitandiue incommodi causa. Nam horum in genus alterutrum illa quoque incident, in quibus  
 aut



aut incommodum aliquod maioris uitandi incommodi causa, aut maioris adipiscendi commodi suscipitur, aut commodum aliquod maioris adipiscendi commodi, aut maioris uitandi incommodi præteritur. Hic locus, sicut aliquod fundamentum est huius constitutionis. nam nihil factum esse cuiquam probatur, nisi aliquid quare factum sit, ostenditur. Ergo accusator cum aliquid impulsione factum esse dicet, illum impetum & quandam commotionem animi affectionemq; uerbis & sententijs amplificare debet, et ostendere quanta uis amoris sit, quanta animi perturbatio ex iracundia fiat, aut ex aliqua causa earum, qua impulsus aliquem (b) id fecisse dicet. Hic & exemplorum commemoratione, qui simili impulsu aliquid commiserint, & similitudinum collatione, & ipsius animi affectionis explicatione curandum est, ut non mirum uideatur, si quod ad facinus tali perturbatione commotus animus accesserit. Cum autem non impulsione, uerum rationatione aliquem commisisse quid dicet: quid commodi sit secutus, aut quid incommodi fuerit, demonstrabit: & id augebit quam maxime poterit, ut quoad eius fieri possit, idonea quam maxime causa ad peccandum hortata uideatur. Si glorie causa, quantam gloriam consecuturam existimari. Item si dominationis, si pecunie, si amicitie, si inimicitiarum, & omnino quicquid erit quod cause fuisse dicet, id summe augere debet: & hoc eum magnopere considerare oportebit, non quid in ueritate modo, uerum etiam uehementius, quid in opinione eius quem arguet, fuerit. Nihil enim refert non fuisse aut non esse aliquid commodi aut incommodi, si ostendi potest ei uisum esse qui arguatur. Nam opinio dupliciter fallit homines: cum aut res



aliusmodi est ac putatur, aut non is euentus est quem arbitrati sunt. Res aliusmodi est tum, cum aut id quod bonum est malum putant, aut contra quod malum est, bonum; aut quod nec malum est nec bonum, malum aut bonum: aut quod malum aut bonum est, nec malum nec bonum. Hoc intellecto, si quis negabit ullam esse pecuniam fratris, aut amici uita, aut denique officio suo antiquiorem aut suauiore, non erit hoc accusatori negandum: nam in eum culpa et summum odium transferretur, qui id quod tam uere et pie dicitur, negabit. Verum illud dicendum erit illi non esse ita uisum, quod sumi oportet ex ijs, quæ ad personam pertinent: de quo post dicendum est. Euentus autem tum fallit, cum aliter accidit atque ij qui arguuntur arbitrati esse dicuntur: ut si quis dicatur alium occidisse ac uoluerit, quod aut similitudine, aut suspitione, aut demonstratione falsa deceptus sit: aut eum necasse cuius testamento non sit heres, quod eius testamento se heredem arbitratus sit. Non enim ex euentu cogitationem spectari oportere: sed qua cogitatione et spe ad maleficium profectus sit, considerare: et quo animo quid quisque faciat, non quo casu utatur, ad rem pertinere. In hoc autem loco, caput illud erit accusatori, si demonstrare poterit, alij nemini causam fuisse faciendi. Secundarium, si tantam aut tam idoneam nemini. Sin fuisse alijs quoque causa faciendi uidebitur, aut potestas alijs defuisse demonstranda est, aut facultas, aut uoluntas. Potestas, si aut nescisse, aut non affuisse, aut conficere aliquid non potuisse dicitur. Facultas, si ratio, adiutores, adiumenta, et cætera, quæ ad rem pertinebunt, defuisse alicui demonstrabuntur. Voluntas, si

65 animus (a) à talibus factus uacuus et integer esse dicitur.



tur. Postremo, quas ad defensionem rationes reo dabi-  
mus, ijs accusator ad alios ex culpa eximēdos abutetur.  
Verum id breui faciendum est, & in unum multa sunt  
conducenda: ut ne alterius defendendi causa hunc accu-  
sare, sed huius accusandi causa defendere alterum uidea-  
tur. atq; accusatori quidē hęc ferē sunt in causa facien-  
da & consideranda. defensor autem ex contrario, pri-  
mū impulsionem aut nullam fuisse dicet: aut si fuisse  
concedet, extenuabit, & paruulam quādam fuisse de-  
monstrabit, aut non ex ea solere huiusmodi facta nasci  
docebit. Quo erit in loco demonstrandum, quæ uis &  
natura eius sit affectionis, qua impulsus aliquid reus cō-  
misisse dicitur: in quo et exempla, et similitudines erunt  
proferendæ, & ipsa diligenter natura eius affectionis  
quā leuissimē quietissimā ad partem explicanda: ut et  
res ipsa ē factō crudeli & turbulento, ad quoddā mitius  
et tranquillius traducatur: et oratio tamē ad animū eius  
qui audiet, et ad animi quendā intimum sensum accom-  
modetur. Ratiocinationis autē suspiciones infirmabit,  
si aut cōmodum nullum fuisse, aut parū, aut alijs magis  
fuisse, aut nihilo sibi magis quā alijs, aut incōmodum  
sibi maius quā commodum dicet: ut nequaquam fue-  
rit illius commodi quod expetitur dicatur magnitudo,  
aut cum eo incommodo quod acciderit, aut cum illo pe-  
riculo quod subeatur, comparanda. qui omnes loci simi-  
liter incommodi quoq; uitatione tractabuntur. Sin ac-  
cusator dixerit, eum id esse secutum, quod ei uisum sit  
commodum, aut id fugisse quod putarit esse incommo-  
dum, quanquam in falsa fuerit opinio: demonstrandū  
erit defensori, neminem tantæ esse stulticiæ qui tali in re  
possit ueritatem ignorare. Quod si id concedatur, illud



non concessum iri, nec dubitasse quidem hunc quid eius iuris esset, sed id quod falsum fuerit, sine ulla dubitatio-  
ne pro falso, quod uerū pro uero probasse. Quod si du-  
bitauerit, summā fuisse amētīæ, dubia spe impulsus, cer-  
tum in periculum se committere. Quemadmodum au-  
tem accusator, cum ab alijs culpam dimouebit, defenso-  
ris locis utetur: sic ijs locis qui accusatori dati sunt, ute-  
tur reus, cum in alios ab se crimen uolet transferre. EX  
PERSONA autem coniectura capietur, si cæ res quæ  
personis attributæ sunt, diligenter cōsiderabuntur: quas  
omnes in primo libro exposuimus. nam & de nomine  
nonnunquā aliquid suspicionis nascitur. Nomen autem  
cum dicimus, cognomen quoq; & agnomen intelliga-  
tur oportet. De hominis enim certo & proprio uocabu-  
lo agitur: ut si dicamus idcirco aliquem Callidium uoca-  
ri, quod temerario & repentino cōsilio sit: (b) aut si ea  
de re hominibus Græcos imperitis uerba dedisse, quod  
Clodius, aut Cæcilius, aut Mutius uocarentur. Et de na-  
tura licet aliquantulum dicere suspicionis, omnia enim  
hæc, uir an mulier, huius an illius ciuitatis sit, quibus sit  
maioribus, quibus cōsanguineis, qua etate, quo animo,  
quo corpore, quæ naturæ sunt attributa, ad aliquā con-  
iecturam faciendam pertinebunt. Et ex uictu multæ tra-  
huntur suspensiones, cum quemadmodum, & apud quos,  
& à quibus educatus & eruditus sit queritur, & qui-  
buscum uiuat, qua ratione uitæ, quo more domestico ui-  
uat. Et ex fortuna sæpè argumentatio nascitur, cum ser-  
uus an liber, pecuniosus an pauper, nobilis an ignobi-  
lis, felix an infelix, priuatus an cum potestate sit aut fue-  
rit, aut futurus sit, consideratur: aut denique aliquid eo-  
rum queritur, quæ fortune esse attributa intelliguntur.

Habitus



Habitus autem, quoniam in aliqua perfecta & constanti animi aut corporis absoluteione consistit, quo in genere est uirtus, scientia et quæ contraria sunt: res ipsa causa posita docebit, ecquid hic quoque locus suspicionis ostendat. Nam affectionis quidem ratio perspicuam solet præ se gerere coniecturam, ut amor, iracundia, molestia: propterea quod & ipsorum uis intelligitur, et quæ res harum aliquam rem consequantur, faciles cognitæ sunt. Studium autem, quoniam est assidua & uehemens ad aliquam rem applicata magna cum uoluntate occupatio: facile ex eo ducetur argumentatio, quam res ipsa desiderabit in causa. Item ex consilio sumitur aliquid suspicionis. Nam consiliū est, aliquid faciendi non faciendi uel excogitata ratio. Item facta, & casus, & orationes, quæ sunt omnia (ut in confirmationis præceptis dictum est) in tria tempora distributa, facile erit uidere, ecquid afferant ad coniecturam cōfirmandam suspicio- nis. Ac personis quidem res eæ sunt attributæ, ex quibus omnibus unum in locum coactis accusatoris erit impro- batione hominis uti. Nam causa facti parum firmitudi- nis habet, nisi animus eius qui insinulatur in eam suspi- cionem adducetur, ut à tali culpa non uideatur abhor- ruisse. Vt enim animum alicuius improbare nihil atti- net, cum causa quare peccauerit non intercesserit: sic causam peccati intercedere leue est, si animus nulli mi- nus honestæ rationi affinis ostendetur. Quare uitā eius quem arguit, ex antè factis accusator improbare debe- bit, & ostendere si quo in pari antè peccato conuictus sit. Si id nō poterit, si quam in similem antè suspicionem uenerit: ac maxime si fieri poterit, simili aliquo in gene- re eiusmodi causa aliqua commotū peccasse, aut in æquæ  
magna



magnare, aut in maiore, aut in minore: ut si quis pecunia dicat inductum fecisse, possit demonstrare aliqua in  
 66 re eius aliquod factum (a) auarum. Item in omni causa naturam, aut uictum, aut studium, aut fortunam, aut aliquid eorum quæ personis attributa sunt, ad eam causam, qua commotum peccasse dicet, adiungere: atque ex diffari quoque genere culparum, si ex pari sumendi facultas non erit, improbare animum aduersarij oportebit. si auaricia inductum arguas fecisse, & auarum eum quem accuses demonstrare non possis, alijs affinem esse uitij doceas: & ex ea re non esse mirandum, qui in illa re turpis, aut cupidus, aut petulans fuerit, hac quoque in re eum deliquisse. Quantum enim de honestate & auctoritate eius qui arguitur detractum est, tantum de facultate totius est defensionis diminutum. Si nulli affinis poterit uitio reus ante admissio demonstrari, locus inducetur ille, per quem hortandi iudices erunt, ut ueterem famam hominis nihil ad rem putent pertinere: nam eum ante celasse, nunc manifesto teneri. Quare non oportere hanc rem ex superiori uita spectari, sed superiorem uitam ex hac re improbari. & aut potestatem ante peccandi non fuisse, aut causam: aut si hæc dici non poterunt, dicendum erit, illud extremum non esse mirum, si nunc primum deliquerit. Nam necesse est eum qui uelit peccare, aliquando primum delinquere. Sin uita ante acta igrabitur, hoc loco præterito, & cur prætereatur demonstrato, argumentis accusationem statim confirmare oportebit. Defensor autem primum, si poterit, debeat uitam eius, qui insimulabitur, quam honestissimam demonstrare. Id faciet, si ostendet aliqua eius nota & communia officia: quod genus in parentes, cognata



cognatos, amicos, affines necessarios etiam quæ magis rara & eximia sunt, si ab eo cum magno aliquo labore, aut periculo, aut utraque re, cum necesse non esset, officij causa, aut in Rempub. aut in parentes, aut in aliquos eorū qui modò expositi sunt, facta esse dicet. Deinde, si nihil deliquisse, nulla cupiditate impeditum ab officio recessisse: quod eò confirmatius erit, si cum potestas impunè aliquid faciendi minus honestè fuisse dicitur: uoluntas ei faciendi demonstrabitur abfuisse. Hoc autem ipsum genus erit eò firmitus, si eo ipso in genere, quo arguetur, integer antea fuisse demonstrabitur: ut si cum auariciæ causa fecisse arguatur, minime omni in uita pecuniæ cupidus fuisse doceatur. Hic illa magna cum grauitate inducetur indignatio, iuncta conquestio- ni, per quam miserum facinus esse et indignum demonstrabitur: cum animus omni in uita fuerit à uitijs remotissimus, eam causam putare quæ homines audaces in fraudem rapere soleat, castissimum quoque hominem ad peccandum potuisse impellere: aut iniquum esse, & optimo cuique perniciosissimum, non uitam honestè ætatem tali in tempore quàm (b) plurimum prodesse, sed subita ex criminatione quæ confingi facile possit, non ex antè acta uita, quæ neque ad tempus fingi, neque ullo modo immutari possit, facere iudicium. Sin autem in antè acta uita aliquæ turpitudines erunt, aut falsò uenisse in eam existimationem dicetur, aut ex aliquorum inuidia aut obrectatione, aut falsa opinione, aut imprudentiæ, necessitudini, aut persuasioni, adolescentiæ, aut alicui non malitiose animi affectioni attribuentur: aut dissimili in genere uitiorum, ut animus non omnino integer, sed à tali culpa remotus esse uideatur. Ac si nullo modo



lo modo uitæ turpitudine aut infamia leniri poterit oratione, negare oportebit de uitæ eius & moribus quæri, sed de eo crimine quo de arguatur: quare antè factis omiſſis, illud quod inſtet agi oportere. **EX FACTO** autè ipſo ſuſpicionē ducetur, ſi totius adminiſtratio negotij ex omnibus partibus percentabitur, atq; ſuſpicionē partim ex negotio ſeparatim, partim communiter ex perſonis, atq; ex negotio proficiſcentur. Ex negotio duci poterunt, ſi eas res quæ negotijs attributæ ſunt, diligenter conſiderabimus. Ex ijs igitur in conſtitutionem conuenire uidentur genera eorum omnia, partes generum pleræq; Videre igitur primū oportebit, quæ ſint continentia cum ipſo negotio: hoc eſt, quæ ab re ſeparari non poſſunt. Quo in loco ſatis erit diligenter conſiderare, quid ſit ante rem factum: ex quo ſpes perficiendū nata, & faciendi facultas quæ ſita uideatur: quid in ipſa re gerenda, quid poſtea conſecutum ſit: deinde ipſius eſt negotij geſtio pertractanda. Nam hoc genus earum rerum quæ negotio attributæ ſunt, ſecundo in loco nobis eſt expoſitū. Hoc ergo in genere ſpectabitur locus, tempus, occaſio, facultas: quorum uniuſcuiuſq; uis diligenter in confirmationis præceptis explicatæ eſt. Quare ne aut hīc nō admonuiſſe, aut ne eadem iterum dixiſſe uideamur: breuiter demonſtrabimus, quid quæque in parte conſiderari oporteat. In loco igitur opportunitas, in tempore longinquitas, in occaſione commoditas ad faciendum idonea, in facultate copia & poteſtas earum rerum, propter quas aliquid facilius ſit, aut ſine quibus omnino conſici non poteſt, conſideranda eſt. Deinde uidendum eſt quid adiunctum ſit negotio, hoc eſt, quid maius, quid minus, quid æquè magnum ſit, quid ſi-

miles;



mille: ex quibus coniectura quædam ducitur, si quemadmodum res maiores, minores, æquæ magnæ, similesq; agi soleant, diligenter considerabitur. Quo in genere euentus quoq; uidendus erit, hoc est, quid ex unaquaq; re soleat euenire, magnopere considerandum est: ut metus, læticia, titubatio. Quanta autem pars erat ex ijs quas negocijs dicebamus esse attributâs, consecutio. In ea queruntur ea, quæ gestum negocium (a) confestim aut ex interuallo cõsequuntur: in qua uidebimus, ecquæ consuetudo sit, ecquæ lex, ecquæ actio, ecquod eius rei artificii sit, aut usus, aut exercitatio hominum, aut approbatio, aut offensio, ex quibus nonnunquam elicitur aliquid suspicionis. Sunt autem aliquæ suspensiones quæ communiter, & ex negociorum, & ex personarum attributionibus sumuntur. Nam ex fortuna, et ex natura, & ex uictu, studio, factis, casu, orationibus, consilio, & ex habitu animi aut corporis pleraq; pertinent ad easdem res, quæ rem credibilem aut incredibilem facere possunt, & cum facti suspensione iunguntur. Maxime enim queri oportet in hac constitutione, primum potuerit ne aliquid fieri: deinde, ecquo ab alio potuerit: deinde facultas, de qua antè diximus: deinde, utrum id facinus sit, quod poenitere fuerit necesse: itè, quod spem celandi haberet: deinde necessitudo, in qua, num necesse fuerit id aut fieri, aut ita fieri, queritur. Quorum pars ad consilium pertinet, quod personis attributum est. ut in ea causa, quam exposuimus: Ante rem erit, quòd in itinere se tam familiariter applicauerit, quòd sermonis causam quæsiuerit, quòd simul diuerterit, dehinc cenarit. In re: nox, somnus. Post rem, quòd solus exierit, quòd illum tam familiarem comitem, tam æquo



æquo animo reliquerit, quod cruentum gladium habuerit horum pars ad consilium pertinet. Queritur enim, utrum uideatur diligenter ratio faciendi esse habita & excogitata, an ita temerè, ut non uerisimile sit quenquã tam temerè ad maleficium accessisse. In quo queritur, num quo alio modo commodius potuerit fieri, uel à fortuna administrari. Nam sepè si pecunie adiumenta, si adiutores desint, facultas fuisse faciendi non uidetur. hoc modo si diligenter attendamus, apta inter se esse intelligemus hæc, quæ negocijs, & illa quæ personis sunt attributa. Hic neq; facile est, neq; necessariũ distinguerè, ut in superioribus partibus, quo pacto quidq; accusatorem, & quomodo defensorem tractare oporteat. Non necessarium, propterea quod causa posita quid in qua quæ conueniat, res ipsa docebit eos, qui non omnia hic se inuenturos putabunt: sed ad ea quæ præcepta sunt, comparationis modo quandam in commune methodicrem intelligentiam conferent. Non facile autem, quod & infinitum est tot de rebus utranque in partem singillatim de unaquaque explicare: & alias aliter hæc in utranq; partem causæ solent conuenire. Quare considerare hæc quæ exposuimus, oportebit. Facilius autem ad inuentionem animus incedet, si gesti negocij & suam & aduersarij narrationem sepè & diligenter pertractabit: & quid quæq; pars suspicionis habebit, eliciens considerabit. Quare quo consilio, qua spe perficiendi (b) quidq; factum sit, cur hoc modo potius quàm illo, cur ab hoc potius quàm ab illo, cur nullo adiutore, aut cur hoc, cur nemo sit conscius, aut cur sit, aut cur hic sit, cur hoc antè factum sit, cur hoc antè factum non sit, cur hoc in ipso negotio, cur hoc post negotiũ, aut quid fa-

Etum de



etiam de industria, aut quid rem ipsam consecutum sit: Conset ne oratio aut cum re, aut ipsa secum: hoc huius nerei sit signum, an illius, an huius & illius, & utrius potius: quid factum sit quod non oportuerit, aut non factum, quod oportuerit. Cum animus hac intentione omnes totius negocij partes considerabit, tum illi ipsi in medium conseruati loci procedent, de quibus ante dictum est: & cum ex singulis, tum ex coniunctis argumenta certa nascentur: quorum argumentorum pars probabili, pars necessario in genere uersabitur. Accedunt autem ad coniecturam sepe quaestiones, testimonia, rumores: quae contra omnia uterq; simili uia praeceptorum torquere ad suae causae commodum debet. Nam & ex quaestione suspiciones, & ex testimonio, & ex rumore aliquo pari ratione ut ex causa, et ex persona, et ex facto duci oportebit. Quare nobis et ij uidetur errare, qui hoc genus suspitionum artificij non putant indigere: & ij qui aliter hoc de genere ac de omni coniectura praecipendum putant. Omnis enim iisdem ex locis coniectura sumenda est. Nam & eius qui in quaestione aliquid dixerit, & eius qui in testimonio, & ipsius rumoris causa, & ueritas ex iisdem attributionibus reperiretur. Omni autem in causa pars argumentorum est adiuncta ei causae solum quae dicitur, & ab ipsa ita ducta, ut ab ea separatim in omnes eiusdem generis causas transferri non satis commode possit. Pars autem est peruagatior, & aut in omnes eiusdem generis, aut in plerasque causas accommodata. Haec ergo argumenta quae transferri in multas causas possunt, locos communes nominamus. Nam locus communis, aut certae rei quandam continet amplificationem: ut si quis hoc uelit ostendere, cum qui paren-



tem necarit, maximo supplicio esse dignum : quo loco nisi perorata & probata causa, non est utendum. Aut dubia, quæ ex contrario quoque habeat probabiles rationes argumentandi : ut, suspicionibus credi oportere : & contra, suspicionibus credi non oportere. Ac pars locorum communium aut per indignationem, aut per questionem inducitur, de quibus antè dictum est, pars per aliquam probabilem utraq; ex parte rationem. Distinguitur autem oratio, atque illustratur maximè, raro inducendus locis communibus, & aliquo loco, iam certioribus illis auditoribus, & argumentis confirmatis.

- 68 Nam & tum conceditur commune quiddam dicere, (a) cum diligenter aliquis proprius causæ locus tractatus est, & auditoris animus aut renouatur ad ea quæ restant, aut omnibus iam dictis, exuscitatur. Omnia enim ornamenta elocutionis, in quibus & suauitatis, & grauitatis plurimum consistit, & omnia quæ in inuentione uerborum & sententiarum aliquid habent dignitatis, in communes locos conferuntur. Quare non ut causarum, sic oratorum quoque multorum communes loci sunt. nam nisi ab ijs qui multa exercitatione magnam sibi & uerborum & sententiarum copiam comparauerint, tractari non poterunt ornate & grauitè, quemadmodum natura ipsorum desiderat. Atque hoc sit nobis dictum communiter de omni genere locorum communium. Nunc exponemus in coniecturalem constitutionem qui loci communes incidere soleant. Suspicionibus credi oportere, & non oportere. Rumoribus credi oportere, & non oportere. Testibus credi oportere, & non oportere. Questionibus credi oportere, & non oportere. Vitam antè actam spectari oportere, & non oportere.



oportere. Eiusdem esse, qui in illare peccarit, & hoc quoque admisisse: & non esse eiusdem. Maxime spectari causam oportere, & non oportere. Atque hi quidem, et si qui eiusmodi ex proprio argumento communes loci nascuntur, in contrarias partes diducuntur. Certus autem locus est accusatoris, per quem auget facti atrocitatem: & alter, per quem negat malorum misereri oportere. Defensoris, per quem calumnia accusatorum cum indignatione ostenditur: & per quem cum cōquestione misericordia captatur. Hi & ceteri omnes loci communes ex iisdem praeceptis sumuntur, quibus ceterae argumentationes, sed illae tenuius, et acutius, et subtilius tractantur: hi autem grauius, & ornatius, & cum uerbis, tum etiam sententijs excellentibus. In illis enim finis est, ut id quod dicitur, uerum esse uideatur: in his tametsi hoc quoque uideri oportet, tamen finis est amplitudo. Nunc ad aliam constitutionem transeamus.

Cum est nominis cōtrouersia, quia uis uocabuli definienda uerbis est, constitutio definitiua dicitur. Eius generis exemplo nobis posita sit haec causa. C. Flaminius, is qui consul Remp. malè gessit bello Punico secundo, cum tribunus plebis esset, inuito senatu, et omnino cōtra uoluntatē omnium optimatum per seditionē ad populū legē agrariā ferebat. Hūc pater suus cōcilium plebis habentē de tēplo deduxit. Accersitur maiestatis. Intētio est: Maiestātē minuiisti, quod tribunum plebis de tēplo deduxisti. Depulsio est: Nō minui maiestātē. Quæstio est: Maiestatem ne minuerit. (b) Ratio: In filiū enim quā habebā potestatem, ea usus sum. Rationis infirmatio: At enim qui patria potestate, hoc est, priuata quadam, tribunitiam potestatem, hoc est populi potestatem infirmat, minuit



is maiestatem. Iudicatio est: Minuat ne is maiestatem, qui in tribuniciam potestatem patria potestate utatur. Ad hanc iudicationē argumentationes omnes afferri oportebit. Ac ne quis fortē arbitretur nos non intelligere aliam quoq; incidere constitutionem in hanc causam: eam nos partem solam sumimus, in qua praecepta nobis data sunt. Omnibus autem partibus hoc in libro explicatis, quibus omni in causa, si diligenter attendet, omnes uidebit constitutiones, & earum parteis, & controuersias, si quae fortē in eas incident. nam de omnibus perscribemus. Primus ergo accusatoris locus est, eius nominis cuius de ui queritur, breuis & aperta, & ex hominum opinione definitio, hoc modo: Maiestatem minuere, est de dignitate, aut amplitudine, aut potestate populi, aut eorum quibus populus potestatem dedit, aliquid derogare. Hoc sic breuiter expositum, pluribus uerbis est & rationibus confirmandum, & ita esse ut describeris, ostendendum. Postea ad id quod definiris, factum eius qui accusabitur, adiungere oportebit: & ex eo quod ostenderis esse, uerbi causa, maiestatem minuere, docere aduersarium maiestatem minuisse: et hunc locum totum communi loco confirmare, per quem ipsius facti atrocitas, aut indignitas, aut omnino culpa cū indignatione augeatur. post erit infirmanda aduersariorum descriptio. Ea autem infirmabitur, si falsa demonstrabitur. hoc ex opinione hominum sumetur: cū quemadmodum, & quibus in rebus homines in consuetudine scribendi aut fermocinandi eo uerbo uti soleant, cōsiderabitur. Item infirmabitur, si turpis aut inutilis esse ostendatur eius descriptionis approbatio: & si, quae incōmoda consequutura sint, eo concessio, ostendatur. Id autem ex honestatis



statis et utilitatis partibus sumetur, de quibus in deliberationis preceptis exponemus. Et si cum definitione nostra aduersariorum definitionem conferemus: et nostram ueram, honestam, utile esse demonstrabimus, illorum contra. Queremus autem res aut maiori, aut minori, aut pari in negotio similes: ex quibus affirmetur nostra descriptio. Iam si res plures erunt definiendae: ut si queratur, fur sit an sacrilegus, qui uasa ex priuato sacra surripuerit, erit utendum pluribus definitionibus. Deinde similitudine causa tractanda. Locus autem communis in eius maliciam, qui non modo rerum, uerum etiam uerborum potestatem sibi arrogare conetur, ut et faciat quod uelit, et id quod fecerit, quo uelit nomine appellet. Deinde defensoris primus locus est, item nominis breuis (a) et 69 aperta, et ex opinione hominum descriptio, hoc modo. Maiestatem minuire, est aliquid de rep. cum potestatem non habeas, administrare. Deinde huius confirmatio est, similibus et exemplis, et rationibus: postea sui facti ab illa definitione separatio. Deinde locus communis, per quem facti utilitas aut honestas adaugetur. Deinde sequitur aduersariorum definitionis reprehensio, quae iisdem ex locis omnibus quos accusatori praescripsimus, conficitur: et cetera post eadem praeter communem locum inducentur. Locus autem communis erit defensoris, is per quem indignabitur, accusatorem sui periculi causa non res solum conuertere, uerum etiam uerba commutare conari. Nam illi quidem communes loci, qui aut calumniae accusatorum demonstrandae, aut misericordiae captandae, aut facti indignandi, aut a misericordia deterrendi causa sumuntur, ex periculi magnitudine, non ex causa genere ducuntur. Quare non in omnem causam,



causam, sed in omne causæ genus incidunt. Eorum mentionem in coniecturali constitutione fecimus. Inductione autem eorum, cum causa postulabit, utemur.

Cum autē actio translationis aut cōmutationis indigere uideatur, quod nō aut is agit, quem oportet, aut cum eo, qui cum oportet, aut apud quos, qua lege, qua pœna, quo crimine, quo tēpore oportet: constitutio translatiua appellatur. Huius nobis exempla per multa opus sunt, si singula translationum genera queramus: sed quia ratio præceptorū similis est, exemplorū multitudine superse- dendū est. Atq; in nostra quidem cōsuetudine multis de causis fit, ut rarius incidant translationes. Nam & prætoris exceptionibus multæ excluduntur actiones: & ita ius ciuile habemus constitutum, ut causa cadat is, qui nō quemadmodum oportet, egerit. Quare in iure plerunq; uersantur: ibi enim et exceptiones postulantur, & quodammodo agendi potestas datur, et omnis cōceptio priuatorum iudiciorum constituitur. In ipsis autem iudicijs rarius incidunt: & tamen si quando incidunt, eiusmodi sunt, ut per se minus habeant firmitudinis: confirmentur autem assumpta alia aliqua constitutione. Vt in quodam iudicio, cum uenefici cuiusdam nomen esset delatum: & quia parricidij causa subscripta esset, extra ordinem esset acceptum, cum in accusatione alia quædam crimina testibus et argumentis confirmarentur: parricidij autem solum mentio facta esset. Defensor in hoc ipso multum oportet ut diu cōsistat. cum de nece parentis nihil demonstratum sit, indignum facinus esse ea pœna afficere eum, qua parricide afficiuntur. id autem, si damnaretur, fieri necesse esset: quoniam & id causæ subscriptum, & ex ea re nomen extra (b) ordinem sit acceptum. Ea igitur  
pœna



poena si afficere um non oporteat, damnari quoq; non oportere: quoniam ea poena damnatione necessario consequatur. Hic defensor poenae commutationem ex translatiuo genere inducendo, totam infirmabit accusatione. Veruntamen cæteris quoq; criminibus defendendis conjecturali constitutione translationem confirmabit.

Exemplū autem translationis in causa nobis positum sit huiusmodi. Cum ad uim faciendam quidam armati uenissent, armati contra præsto fuerunt: & cuidam equiti Romano quidam ex armatis resistenti gladio manum præcidit. Agit is cui manus præcisa est, inturiarum: postulat is qui cum agitur, à pretore exceptionem, extra quam in reum capitis præiudicium fiat. Hic is qui agit, iudicium purum postulat: ille qui cum agitur, exceptionem addi ait oportere. Quæstio est: Excipiendum sit, an non? Ratio: Non enim oportet in recuperatorio iudicio eius maleficij, de quo inter sicarios queritur, præiudicium fieri. Infirmitas orationis: Eiusmodi sunt iniuriæ, ut de his indignum sit non primo quoq; tempore iudicari. Iudicatio: Atrocitas iniuriarum, satis ne cause sit: quare dum de ea iudicetur, de aliquo maiore maleficio, de quo iudicium comparatum sit, præiudicetur. atq; exemplum quidem hoc est. In omni autem causa ab utroq; queri oportebit, à quo, et per quos, & quomodo, & quo tempore aut agi, aut iudicari, aut quid statui de ea re conueniat. Id ex partibus iuris, de quibus post dicendum est, sumi oportebit: & ratiocinari, quid in similibus rebus fieri soleat: & uidere utrum malicia quid aliud agatur, aliud simuletur: an stulticia, an necessitudine, quod alio modo agi non possit: an occasione agendi sic sit iudicium aut actio constituta: an recte sine



ullare eiusmodi res agatur. Locus autē communis contra eum qui translationem inducet, fugere iudicium ac poenam, quia cause diffidat. A translatione autem, omnium fore perturbationem, si non ita res agatur, & in iudicium ueniat, quo pacto oporteat: hoc est, si aut cum eo agatur qui cum non oporteat: aut alia poena, alio crimine, alio tempore: atq; hanc rationem ad perturbationem iudiciorum omnium pertinere. Tres igitur eae constitutiones, quae partes non habent, ad hunc modum tractabuntur. Nunc generalem constitutionem, & partes eius consideremus.

Cum & facto, & facti nomine concessio, neq; ulla actionis illata controuersia, uis, & natura, & genus negocij ipsius quaeritur, constitutionem generalem appellamus. Huius primas esse parteis duas nobis uideri diximus, negocialem & iuridicialem. Negocialis est, quae in ipso negotio iuris ciuilis habet implicitam (a) controuersiam. Ea est huiusmodi. Quidam pupillum heredem fecit: pupillus autem antē mortuus est, quā in suam tutelam ueniret. De hereditate ea quae pupillo uenit, inter eos qui patris pupilli heredes secundi sunt, & inter agnatos pupilli controuersia est. possessio heredum secundorum est. Intentio est agnatorum: Nostra pecunia est, de qua is cuius agnati sumus, testatus non est. Depulsio est: Immo nostra, qui heredes secundi testamento patris sumus. Quaestio est: Virorum sit. Ratio est: Pater enim & sibi & filio testamentum scripsit, dum is pupillus esset: quare, quae filij fuerunt, testamento patris nostra fiant necesse est. Infirmatio est rationis: Immo pater sibi scripsit, & secundum heredem non filio, sed sibi iussit esse. Quare praeterquam quod ipsius fuit in testamento,



mento, ullius uestrum esse non potest. Iudicatio: possit ne quisquam de filij pupilli re testari: an heredes secundi ipsius patris familias, non filij quoque eius pupilli heredes sint. Atque hoc non alienum est, quod ad multa pertineat: ne aut nusquam, aut usquequaque dicatur hic admonere. Sunt causae quae plures habent rationes in simplici constitutione: quod fit, cum id quod factum est, aut quod defenditur, pluribus de causis rectum aut probabile uideri potest. ut in hac ipsa causa. supponatur enim ab heredibus haec ratio. Vnius enim pecuniae plures dissimilibus de causis heredes esse non possunt: nec unquam factum est, ut eiusdem pecuniae alius testamento, alius lege heres esset. Infirmitas autem haec erit: Non est una pecunia, propterea quod altera iam erat pupilli aduentitia: cuius heres non illo in tempore in testamento quisquam scriptus erat, si quid pupillo accidisset: & de altera patris etiam nunc mortui uoluntas plurimum ualebat, quae iam mortuo pupillo suis heredibus concedebat. Iudicatio est, una ne pecunia fuerit. ac si hac erunt usi infirmatione, posse plures esse unius heredes pecuniae dissimilibus de causis, de eo ipso iudicatio nascitur: Possint ne eiusdem pecuniae plures dissimilibus generibus esse heredes. Ergo una in constitutione intellectum est, quomodo & rationes, & rationum infirmationes, & praeterea iudicationes plures fiant. Nunc huius generis praecpta uideamus. Vtrisque, aut etiam omnibus si plures ambigent, ius ex quibus rebus constet, est considerandum. Initium ergo eius ab natura ductum uidetur. Quaedam autem ex utilitatis ratione, aut perspicua nobis, aut obscura, in consuetudinem uenisse. Post autem approbata



quædam aut à consuetudine, aut uero utilia uisa, legibus esse firmata. Ac naturæ quidem ius est, quod nobis non opinio, sed quædam innata uis afferat: ut religionem, pietatem, gratiam, uindicationem, obseruantiam, ueritatem. (b) Religionem, eam quæ in metu & ceremonia deorum sit, appellant. Pietatem, quæ erga patriam, aut parentes, aut alios sanguine coniunctos officium conseruare moneat. Gratiam, quæ in memoria & remuneratione officiorum & honorum, & amicitiarum obseruantiam teneat. Vindicationem, per quam uim & contumeliam defendendo aut ulciscendo propulsamus à nobis, & à nostris qui nobis esse cari debent: & per quam peccata punimus. Obseruantiam, per quam etate, aut sapientia, aut honore, aut aliqua dignitate antecedentes reueremur & colimus. Veritatem, per quam damus operam, ne quid aliter quàm confirmauerimus, fiat, aut factum, aut futurum sit. Ac naturæ quidem iura minus ipsa quærentur ad hanc controuersiam, quod neque in hoc ciuili iure uersantur, & à uulgari intelligentia remotiora sunt: ad similitudinem uero aliquã, aut ad rem amplificandam sæpè sunt inferenda. Consuetudinis autem ius esse putatur id, quod uoluntate omnium sine lege uetustas comprobarit. In ea autem iura sunt quædam ipsa iam certa propter uetustatem. Quo in genere & alia sunt multa, & eorum multò maxima pars, quæ prætores edicere consueuerunt. Quædam autem genera iuris iam certa consuetudine facta sunt: quod genus, pactum, par, iudicatum. Pactum est, quod inter aliquos conuenit, quod iam ita iustum putatur, ut iuri præstare dicatur. Par, quod inter omnes æquabile est. Iudicatum, de quo iam antè sententia alicuius aut aliquorum con-

stituta



stituta est. Iam iura legitima ex legibus cognosci oportebit. His ergo ex partibus iuris quicquid aut ex ipsa re, aut ex simili, aut ex maiore, aut ex minore nasci uidebitur, quæque attendere, atque elicere pertentando unamquamque partem iuris oportebit. Locorum autem communium, quoniam (ut antè dictum est) duo sunt generæ: quorum alterum dubiæ rei, alterum certæ continet amplificationem, quid ipsa causa det, & quid augeri per communem locum possit, & oporteat, considerabitur. Nam certi, qui in omnes incident loci præscribi non possunt, in plerisque fortasse ab autoritate iurisperitorum, & contra autoritatem dici oportebit. Attendendum est autem in hac & in omnibus, num quos locos communes, præter eos quos exposuimus, ipsa res ostendat. Nunc iuridiciale genus, & partis eius consideremus.

IVRIDICIALIS est, in qua æqui et iniqui natura, & præmij aut pœnæ ratio quæritur. Huius partes sunt duæ: quarum alteram absolutam, alteram assumptiuam nominamus. Absoluta est, quæ ipsa in se, non ut negotialis implicite, & abscondite: sed patentius, & expeditius recti, & non recti questionem continet. ea est huiusmodi: (a) Cùm Thebani Lacedæmonios bello superauissent, 71 & ferè mos esset Graijs, cùm inter se bellum gessissent, ut ij qui uicissent, trophæum aliquod in finibus statueret uictorie, modò in præsentia declarandæ causæ, non ut in perpetuum belli memoria maneret, æneum statuerunt trophæum. Accusantur apud Amphictyonas, id est, apud commune Græciæ conciliū. Intètio est: Nō oportuit. Depulsio est: Oportuit. Quæstio est: oportuerit ne? Ratio est: Eā enim ex bello gloriā uirtute peperimus, ut eius æterna insignia posteris nostris relinquere uellemus. Infirmatio est: Attamē æternum



æternum inimicitiarū monumentū Graios de Graijs statuere non oportet. Iudicatio est: Cū summæ uirtutis celebrandæ causa Graij de Graijs æternum inimicitiarum monumentum statuerint, rectè ne an contrà fecerint? Hanc ideo rationem subieciimus, ut hoc causæ genus ipsū de quo agimus, cognosceretur. Nam si eam supposuissēmus, quæ fortasse usi sunt, Non enim iustè, neq; piè bellum gessistis: in relationem criminis dilaberemur, de qua post loquemur. Vtrūq; autem causæ genus in hanc causam incidere perspicuum est. In hanc argumentationes ex iisdem locis sumendæ sunt, atq; in causam negocialem, de qua antè dictum est. Locos autem communes et ex causa ipsa, si quid meriti indignationis, aut cōquestionis: & ex iuris utilitate, & natura multos & graues sumere licebit, & oportebit, si causæ dignitas uidebitur postulare. Nunc assumptiuam partem iuridicalis consideremus. ASSUMPTIVA igitur tunc dicitur, cū ipsum ex se factum probari non potest, aliquo autē foris adiuncto argumento defenditur. Eius partes sunt quatuor: Comparatio, Relatio criminis, Remotio criminis, Concessio. Comparatio est, cū aliquod factum quod per se ipsum non sit probandū, ex eo cuius id causa factum est, defenditur. Ea est huiusmodi: Quidam Imperator, cū ab hostibus circumsideretur, neq; effugere ullo modo posset, depactus est cum eis, ut arma & impedimenta relinqueret, milites educeret. Itaq; fecit, armis & impedimentis amissis, præter spem milites conseruauit. Accusatur maiestatis. Incurrit hūc definitio, quid sit lædere maiestatem. sed nos hunc locum de quo agimus, cōsideremus. Intentio est: Nō oportuit arma et impedimenta relinquere. Depulsio est: Oportuit. fio



stio est: Oportuerit ne? Ratio est: Milites enim omnes per-  
riissent. Infirmatio est, aut coniecturalis: Nō perriissent.  
aut altera coniecturalis: Non ideo fecisti. Ex quibus sunt  
iudicationes: Perriissent ne? et ideo ne fecerit? aut hæc cō-  
paratiua, cuius nūc indigemus. At enim satius fuit amit-  
tere milites, quā arma & impedimenta hostibus conce-  
dere. Ex qua iudicatio nascitur: Cum omnes perituri mi-  
lites essent, nisi ad hanc pactionem (b) uenissent, utrum  
satius fuerit amittere milites, an ad hanc cōditionem ue-  
nire. Hoc cause genus ex his locis tractari cōueniet. O-  
portebit adhibere cæterarū quoq; constitutionū ratio-  
nem, atq; præcepta: ac maximè coniecturis faciendis in-  
firmare illud, quod cum eo quod crimini dabitur, ij qui  
accusabuntur, comparabuntur. Id fiet, si aut id quod di-  
cent defensores futurum fuisse, nisi id factum esset, quo  
de facto iudicium est, futurū fuisse negabitur: aut si alia  
ratione, & aliam ob causam, ac dicet se reus fecisse, de-  
monstrabitur esse factum. Eius rei confirmatio, & item  
contraria de parte infirmatio ex coniecturali constitu-  
tione sumetur. Sin autem certo nomine maleficij uoca-  
bitur in iudicium, sicut in hac causa, Nam maiestatis ac-  
cerisitur: definitione, & definitionis præceptis uti opor-  
tebit. Atque hæc quidē plerunq; in hoc genere incidunt,  
ut coniectura et definitione utendum sit. Sin aliud quo-  
que aliquod genus incidet, eius generis præcepta licebit  
hūc pari ratione transferre. Nam accusatori maximè est  
in hoc elaborandum, ut id ipsum factum, propter quod  
sibi reus concedi putat oportere, quamplurimis infir-  
met rationibus: quod facile est, si quamplurimis constitu-  
tionibus aggrediatur id improbare. Ipsa autē compara-  
tio separata à cæteris generibus controuersiarum, sic ex  
sua



sua ui considerabitur: si illud, quod comparabitur aut  
 non honestum, aut non utile, aut non necessarium fuisse,  
 aut non tantopere utile, aut non tantopere honestum,  
 aut non tantopere necessarium fuisse demonstrabitur.  
 Deinde oportet accusatorem illud quod ipse arguat, ab  
 eo quod defensor comparat, separare. Id autem faciet, si  
 demonstrabit non ita fieri solere, neq; oportere, neq; es-  
 se rationem, quare hoc propter hoc fiat: ut propter sa-  
 lutem militum, ea quæ salutis causa comparata sunt, ho-  
 stibus tradantur. Postea comparare oportebit cum bene-  
 ficio maleficium, & omnino id quod arguitur, cum eo  
 quod factum ab defensore laudatur: aut faciendum fuisse  
 demonstratur, contendere. & hoc extenuando maleficij  
 magnitudinem simul adaugere. Id fieri poterit, si demon-  
 strabitur honestius, utilius, magis necessarium fuisse il-  
 lud quod uitarit reus, quàm illud quod fecerit. Honesti  
 autem, & utilis, & necessarij uis & natura in delibera-  
 tionis præceptis cognoscetur. Deinde oportebit ipsam  
 illam comparatiuam iudicationem exponere tanquam  
 causam deliberatiuam, & de ea ex deliberationis præce-  
 ptis deinceps dicere. Sit enim hæc iudicatio, quam antè  
 exposuimus. Cum omnes perituri milites essent, nisi ad  
 hanc pactionem uenissent: uirū satius fuerit perire mili-  
 tes, an ad hanc pactionem uenire. Hoc ex locis delibera-  
 tionis, quasi aliquam in consultationem res ueniat, tra-  
 ctari oportebit. (a) Defensor autem quibus in locis ab  
 accusatore aliæ constitutiones erunt inductæ, in ijs ipse  
 quoq; ex ijsdem constitutionibus defensionē compara-  
 bit: ceteros autem omnes locos qui ad ipsam compara-  
 tionem pertinebunt, ex contrario tractabit. Loci autem  
 cōmunes erunt accusatoris, in eum qui cū de facto tur-  
 pi aliq



pi aliquo, aut inutili, aut utroq; fateatur: quærat tamen aliquam defensionem, & facti inutilitatem, aut turpitudinem cum indignatione proferre. Defensoris est nulum factum inutile, neq; turpe, neq; item utile, neq; honestum putari oportere, nisi quo animo, quo tempore, qua de causa factum sit, intelligatur. Qui locus ita communis est, ut benè tractatus in hac causa, magno ad persuadendum momento futurus sit. Et alter locus, per quē magna cum amplificatione beneficii magnitudo ex utilitate, aut honestate, aut facti necessitudine demonstratur. Et tertius, per quem res expressa uerbis ante oculos eorum qui audiunt, ponitur: ut ipsi se quoque idem facturos fuisse arbitrentur, si sibi illa res atq; ea faciendi causa per idem tempus accidisset.

RELATIO criminis est, cum reus id quod arguitur confessus, alterius se inductum peccato iure fecisse demonstrat. Ea est huiusmodi: Horatius occisis tribus Curiatibus, & duobus amissis fratribus, domum se uictor recepit. Is animaduertit sororem suam de fratrum morte non laborantem, sponsi autem nomen appellantem, identidem Curiatis cum gemitu & lamentatione, indigne passus uirginem occidit: accusatur. Intentio est: Iniuria sororem occidisti. Depulsio est: iure occidi. Quæstio est: iure ne occiderit? Ratio est: illa enim hostiū mortem lugebat, fratrum negligebat: me & populum Romanum uicisse moleste ferebat. Infirmatio est: Tamen à fratre indemnata necari non oportuit. ex qua iudicatio fit. Cum Horatia fratrum mortem negligeret, hostiū lugeret, de fratris & populi Romani uictoria non gauderet, oportuerit ne eam à fratre indemnata necari. Hoc in genere cause, primum, si quid ex cæteris dabitur constitutionibus



tutionibus sumi oportebit, sicut in comparatione præceptum est. Postea si qua facultas erit, per aliquam constitutionem illum in quem crimen transfertur, defendere. Deinde leuius esse illud quod in alterum peccatum reus transferat, quàm quod ipse susceperit. Postea translationis partibus uti, & ostendere à quo, & per quos, & quomodo, et quo tempore aut agi, aut iudicari, aut statui de ea re conuenerit: ac simul ostendere, non oportuisse antè supplicium, quàm iudicium interponere. Tum leges quoque & iudicia demonstranda sunt, per quæ potuerit id peccatum, quòd (b) sponte sua reus punitus sit, moribus & iudicio uindicari. Deinde negare debebit, audiri oportere, id quod in eū criminis conferatur, de quo is ipse qui conferat, iudicium fieri noluerit: & id quod iudicatum non sit, pro infecto haberi oportere. Postea impudentiam demonstrare eorum qui eum nunc apud iudices accusent, quem sine iudicibus ipsi condemnarint: & de eo iudicium faciant, de quo iam ipsi supplicium sumpserint. Postea perturbationem iudicij futuram dicemus, & iudices longius quàm potestatem habeant progressuros, si semel & de reo, & de eo quem reus arguat, iudicarint. Deinde hoc si constitutum sit, ut peccata homines peccatis, et iniurias iniurijs ulciscantur, quantū in commodorum consequatur. Ac si idem facere ipse qui nunc accusat uoluisset, ne hoc quidem ipso quicquam opus fuisset iudicio. Si uerò ceteri quoque idem faciāt, omnino iudicium nullum futurū. Postea demonstrabitur, ne si iudicio quidem illa damnata esset, in quam id crimen ab reo conferatur: potuisse hunc ipsum de illa supplicium sumere. Quare esse indignū, eum qui ne de damnata quidem poenas sumere potuisset,



potuisset, de ea supplicium sumpsisse, quæ ne adducta quidem sit in iudicium. Deinde postulabit, ut legem, quæ lege fecerit, proferat. Deinde (quemadmodum in comparatione præcipiebamus) ut illud quod comparabitur, extenuaretur ab accusatore quàm maximè: sic in hoc genere oportebit illius culpam in quem crimen transfertur, cum huius maleficio qui se iure fecisse dicat, comparare. Postea demonstrandum est, non esse illud eiusmodi, ut ob id hoc fieri conueniret. Extrema est, ut in comparatione, assumptio indicationis, & de ea per amplificationem ex deliberationis præceptis dictio. Defensor autem, quæ per alias constitutiones inducitur, ex ijs locis qui traditi sunt, infirmabit. Ipsam autem relationem comprobabit: Primum augendo eius in quem refert crimen, culpam et audaciam, et quàm maximè per indignationem, si res feret, iuncta cõquestione ante oculos ponendo. Postea leuius demonstrando reum punitum, quàm sit ille promeritus: & suum supplicium cum illius iniuria conferendo. Deinde oportebit eos locos qui ita erunt ab accusatore tractati, ut refelli & contrariam in partem conueriti possint, quo in genere sunt tres extremi, contrarijs rationibus infirmare. Illa autem acerrima accusatorum criminatio, per quam perturbationem fore omnium iudiciorum demonstrant, si de indemnato supplicij sumendi potestas data sit, leuabitur. Primum, si eiusmodi demonstrabitur iniuria, ut non modò uiro bono, uerùm etiam homini libero uideatur non fuisse toleranda. Deinde ita perspicua, ut ne ab ipso quidem qui fecisset, in dubium uocaretur. Deinde eiusmodi, ut in eam (a) is maximè debuerit animaduvertere, qui animaduuerit: ut nō tam rectum, non tam fuerit honestum, in iudicium illam



rem peruenire, quàm eo modo atq; ab eo uindicari, quo modo & ab quo sit uindicata. Postea sic rem fuisse apertam, ut iudicium de ea re fieri nihil attinuerit. Atq; hinc demonstrandum est rationibus & rebus similibus, per multas ita atroces & perspicuas res esse, ut de his non modò non necesse sit, sed ne utile quidem, quin mox iudicium fiat, expectare. Locus communis accusatoris in eum, qui cùm id quod arguitur, negare non possit: tamen aliquid sibi spei comparet ex iudiciorum perturbatione. Atque hinc utilitatis iudiciorum demonstratio, & de eo conquestio qui supplicium dederit indemnatus: in eius autem qui sumpserit, audaciam et crudelitatem, indignatio. Ab defensore, in eius quem ultus sit, audaciam sui cōquestione: rem nō ex nomine ipsius negocij, sed ex consilio eius qui fecerit, & causa, & tempore considerari oportere: quid mali futurum sit, aut ex iniuria, aut ex scelere alicuius, nisi tanta & tam perspicua audacia ab eo, ad cuius famam, aut ad parentes, aut ad liberos pertinuerit, aut ad aliquam rem quam caram esse omnibus aut necesse est, aut oportet esse, fuerit uindicata.

RE MOTIO criminis est, cùm eius intentio facti quod ab aduersario infertur, in alium, aut in aliud diuertitur. Id fit bipartitò: nam tum causa, tum res ipsa remouetur. Cause remotiois, hoc nobis exemplo sit. Rhodij quosdam legarunt Athenas: Legatis quæstores sumptuum, quem oportebat dari, non dederunt: Legati profecti non sunt: accusantur. Intentio est: Proficisci oportuit. Depulsio est: Non oportuit. Quæstio est: Oportuerit ne. Ratio est: Sumptus enim qui de publico dari solet, is ab quæstore non est datus. Infirmatio est: Vos tamen id quod publicè nobis datū erat negocij, conficere oportebat.



bat. Iudicatio est: Cum ijs qui legati erant, sumptus qui debebatur, de publico nō daretur, oportuerit ne eos con-  
ficere nihilominus legationem. Hoc in genere primum,  
sicut in cæteris, si quid aut ex coniecturali, aut ex alia  
constitutione sumi possit, uideri oportebit: deinde ple-  
raq; ex comparatione, & ex relatione criminis in hanc  
quoq; causam conuenire poterunt. Accusator autem il-  
lum cuius culpa id factum reus dicet, primum defendet  
si poterit: sin minus poterit, negabit ad hoc iudicium il-  
lius, sed huius quem ipse accuset, culpam pertinere, po-  
tēta dicet, suo quēq; officio consulere oportere: nec si il-  
le peccasset, hunc oportuisse peccare. deinde si illa deli-  
querit, separatim illum sicut hunc accusari oportere, &  
non cum huius defensione coniungi illius accusationem.  
Defensor autem, cum cætera, si qua ex alijs incident con-  
stitutionibus (b) pertractarit, de ipsa remotione sic ar-  
gumentabitur. Primum, cuius acciderit culpa, demon-  
strabit: deinde, cum id aliena culpa accidisset, ostendet se  
aut non potuisse, aut non debuisse id facere, quod accu-  
sator dicat oportuisse. quod non potuerit, ex utilitatis  
partibus, in quibus est necessitudinis uis implicata, de-  
monstrabit: quod non debuerit, ex honestate considera-  
bitur. De utroq; distinctius in deliberatiuo genere dice-  
tur. Deinde, omnia facta esse ab reo, quæ in ipsius fue-  
rint potestate: quod minus quàm conuenerit factum sit,  
culpa id alterius accidisse. Deinde, in alterius culpa expo-  
nenda demonstrandum est, quantum uoluntatis et studij  
fuerit in ipso: & id signis confirmandum huiusmodi, ex  
cætera diligentia, ex antè factis aut dictis: atq; hoc ipse  
utile fuisse facere, inutile autem non facere: & cum cæ-  
tera uita magis hoc fuisse consentaneū, quàm quod pro-



pter alterius culpam non fecerit. Sin autem non in ho-  
 minem certum, sed in rem aliquam causa remouebitur:  
 ut in hac eadē re, si qua stor mortuus esset, & idcirco le-  
 gatis pecunia data non esset: accusatione alterius & cul-  
 pae depulsione dempta, ceteris similiter uti locis opor-  
 tebit: & ex concessionis partibus quae conuenient, assu-  
 mere, de quibus post nobis dicendum erit. Loci autē com-  
 munes iisdem utrisq; firē, qui superioribus assumptiuis  
 incident. Hi tamen certissimi: Accusatoris, facti indigna-  
 tio: Defensoris, cum in alio culpa sit, aut in ipso non sit,  
 supplicio reum affici non oportere. Ipsius autem rei fit  
 remotio, cum id quod datur crimini, negat neque ad se,  
 neq; ad officiū suū reus pertinuisse: nec si quod in eo sit  
 delictū, sibi attribui oportere. Id genus causae est huius-  
 modi. In eo foedere quod factum est quondam cum Sa-  
 mnitibus, quidā adolescens nobilis porcā sustinuit ius-  
 su imperatoris. Foedere autem ab senatu improbato, &  
 imperatore Samnitibus dedito, quidam in senatu eum  
 quoq; dicit, qui porcā tenuerit, dedi oportere. Inten-  
 tio est: Dedi oportet. Depulsio est: Non oportet. Que-  
 stio est: Oporteat ne. Ratio est: Non enim meum fuit offi-  
 ciū, nec mea potestas: cum & id aetatis & priuatus esē,  
 & esset summa cū authoritate & potestate imperator,  
 qui uideret ut satis honestū foedus feriretur. Infirmatio  
 est: Attamen quoniam tu particeps factus es in turpissi-  
 mo foedere summae religionis, dedi te conuenit. Iudicatio  
 est: Cum is qui potestatis nihil habuerit, iussu imperato-  
 ris in foedere, & in tanta religione interfuerit, dedendus  
 ne sit hostibus, nec ne. Hoc genus causae à superiore hoc  
 differt, quod in illo concedit se reus oportuisse facere id  
 quod fieri dicat accusator oportuisse, sed alicui rei aut  
 homini



homini causam attribuit, quæ uoluntati suæ fuerit impedimento sine concessionis partibus. (a) Nam earum quædam maior uis est, quod paulo possit intelligitur. In hoc autem non accusare alterum, nec culpam in alium transferre debet : sed demonstrare eam rem nec ad se, nec ad potestatem, neq; ad officium suum pertinuisse, aut pertinere. Atq; in hoc genere hoc accidit noui, quod accusator quoq; sæpè ex remotione criminatione conficit. Ut si quis eum accuset, qui cum prætor esset, in expeditione ad arma populum uocarit, cum consules adessent. Nam ut in superiore exemplo, reus ab suo officio ac potestate factum dimouebat : sic in hoc ab eius officio ac potestate qui accusatur, ipse accusator factum remouendo, hac ipsa ratione confirmat accusationem. In hac ab utroq; ex omnibus partibus honestatis, & omnibus utilitatis partibus, exemplis, signis, ratiocinando quid cuiusq; officij, iuris, potestatis sit, quæri oportebit : & fuerit ne ei quod de agitur, id iuris, officij, potestatis attributum, nec ne. Locos autem communes ex ipsa re, si quid indignationis ac conquestionis habebit, sumi oportebit.

CONCESSIO est, per quam non factum ipsum improbatur ab reo : sed ut ignoscatur, id petitur. Cuius partes sunt duæ, purgatio & deprecatio. Purgatio est, per quam eius qui accusatur, non factum ipsum, sed uoluntas defenditur. Ea habet partes tres : imprudentiam, casum, necessitudinem. Imprudentia est, cum scisse aliquid is qui arguitur, negatur. Ut apud quosdam lex erat, ne quis Dianæ uittulum immolaret. Nautæ quidam cum aduersa tempestate in alto iactarentur, uouerunt, si eo portu quem conspiciebant potiti essent, ei deo qui ibi esset se uittulum immolatueros. Casu erat



in eo portu fanum Dianæ eius, cui vitulum immolari non licebat. Imprudentes legis cum exissent, vitulum immolauerunt: Accusantur. Intentio est: Vitulum immolasti ei deo, cui non licebat. Depulsio est in concessione posita. Ratio est: Nesciui non licere. Infirmatio est: Tamen quoniam fecisti quod non licebat, ex lege supplicio dignus es. Iudicatio est: Cum id fecerit quod non oportuerit, & id non oportere nescierit, sitne supplicio dignus. Casus autem inferetur in concessionem, cum demonstrabitur aliqua fortunæ uis uoluntati obstitisse: ut in hac. Cum Lacedæmonijs lex esset, ut hostias, nisi ad sacrificium quoddam redemptor præbisset, capitale esset. hostias is qui redemerat, cum sacrificij dies instaret, in urbem ex agro coepit agere: tum subito magnis commotus tempestatibus fluius Eurotas, is qui propter Lacedæmonem fluit, ita magnus & uehemens factus est, ut eò traduci uictimæ nullo modo possent. Redemptor suæ uoluntatis ostendendæ causa, hostias constituit (b) omnes in littore: ut qui trans flumen essent, uidere possent. Cum omnes studio eius subitam fluminis magnitudinem scirent fuisse impedimento, tamen quidam capitis accersierunt. Intentio est: Hostiæ quas debuisti, ad sacrificium præsto non fuerunt. Depulsio est, concessio. Ratio: Flumen enim subito creuit, & eare traduci non potuerunt. Infirmatio est: Tamen quoniam quod lex iubet factum non est, supplicio dignus es. Iudicatio est: Cum in ea re redemptor contra legem aliquid fecerit, qua in re studio eius subita fluminis obstitit magnitudo, supplicione dignus sit? Necessitudo autem inferitur, cum ui quadam reus id quod fecerit, fecisse defenditur, hoc modo. Lex est apud Rhodios, ut si quaro-

strata



strata in portu nauis deprehēsa sit, publicetur. cū magna in alio tēpestas esset, uis uentorū inuitis nautis Rhodiorum in portū nauim coēgit. Quēstor nauim populi uocat. Nauis dominus negat publicari oportere. Intentio est: Rostrata nauis in portu deprehēsa est. Depulsio est concessio. Ratio: Vi et necessario sumus in portum coacti. Infirmatio est: Nauim ex lege tamen populi esse oportet. Iudicatio est: Cū rostratam nauim in portu deprehensam lex publicarit, cumq; hęc nauis inuitis nautis ui tempestatis in portum coniecta sit, oportet ne eam publicari? Horum trium generum idcirco unum in locum cōtulimus exempla, quod similis in ea præceptio argumentorum traditur. Nam in his omnibus primum, si quid res ipsa dabit facultatis, coniecturam ab accusatore induci oportebit: ut id quod uoluntate factum negabitur, consulto factum suspitione aliqua demonstratur. Deinde inducere definitionē necessitudinis, aut casus, aut imprudentiæ: et exempla ad eam definitionem adiungere, in quibus imprudentia fuisse uideatur, aut casus, aut necessitudo: et ab his id quod reus inferat, separare, id est, ostendere dissimile, quod leuius, facilius, non ignorabile, non fortuitum, non necessarium fuerit. Postea demonstrare potuisse euitari, et hac ratione prouideri potuisse, si hoc aut illud fecisset, aut nisi fecisset, præcaueri: et definitionibus ostendere non hanc imprudentiam, aut casum, aut necessitudinem, sed inertiam, negligentiam, fatuitatem nominari oportere. Ac si quæ necessitudo turpitudinem uidebitur habere, oportebit per locorum communium implicationem r. d. arguentem demonstrare: quiduis perpeti, mori denique satius fuisse, quàm eiusmodi necessitudini obtemperare. Atque



tum ex ijs locis de quibus in negotiali parte dictum est, iuris et equitatis naturam oportebit querere: et quasi in absoluta iuridicali per se hoc ipsum ab rebus omnibus separatim considerare. Atque hoc in loco, si facultas erit, exemplis uti oportebit, quibus in simili excusatione (a) non sit ignotum: et contentione, magis illis ignoscendum fuisse: et ex deliberationis partibus, turpe aut inutile esse concedi eam rem, quæ ab aduersario commissa sit: permagnum esse, et magno futurum detrimento, si ea res ab ijs qui potestatem habent iudicandi, neglecta sit. Defensor autem conuersis omnibus his partibus poterit uti. Maxime aut in uoluntate defendenda commorabitur, et in ea re adaugenda quæ uoluntati fuerit impedimento: et se plus quam fecerit, facere non potuisse: et in omnibus rebus uoluntatem spectari oportere: et se conuinci non posse, quod non absit à culpa: et ex suo nomine communem hominum infirmitatem posse damari. Deinde nihil indignius esse, quam eum qui culpa careat, supplicio non carere. Loci autem communes accusatoris, unus in confessione, et alter quanta potestas peccandi relinquatur, si semel institutum sit, ut non de facto, sed de facti causa queratur. Defensoris autem, conuestio calamitatis eius, quæ non culpa, sed ui maiore quadam acciderit: et de fortunæ potestate, et hominum infirmitate, et uti suum animum, non euentum considerent. In quibus omnibus conuestionem suarum arumnarum, et crudelitatis aduersariorum indignationem inesse oportebit. Ac neminem mirari conueniet, si aut in ijs, aut in alijs exemplis scripti quoque controuersiam adiunctam uidebit. Quo de genere post erit nobis separatim dicendum, propterea quod quedam genera causarum simpli-



simpliciter & ex sua ui considerantur : quædam autem sibi aliud quoq; aliquod controuersie genus assumunt. Quare omnibus cognitis , non erit difficile , in unam=quand; causam transferre, quod ex eo quoq; genere conueniet: ut in his exemplis concessionis inest omnibus scripti controuersia ea quæ ex scripto & sententia non=atur. Sed quia de concessione loquebamur, in eam præcepta dedimus. Alio autem loco de scripto & sententia dicemus. nunc in alteram concessionis partem considerationem intendemus. DEPRECATIO est, in qua non defensio facti, sed ignoscendi postulatio continetur. Hoc genus uix in iudicio probari potest: ideo quod cōcesso peccato, difficile est ab eo qui peccatorū uindex esse debet, ut ignoscat impetrare. Quare parte eius generis, cum causam nō in eo constitueris, uti licebit. Vt si pro aliquo claro aut forti uiro, cuius in remp. multa sint beneficia, dixeris: possis, cum uidearis nō uti deprecatione, uti tamen ad hunc modū: Quod si, iudices, hic pro suis beneficijs, pro suo studio quod in uos habuit semper, tali suo tēpore multorum suorū rectē factorum causa, uni delicto ut ignosceretis, postularet: tamen dignū uestra mansuetudine, dignum uirtute ductum est, a uobis hanc rem hoc postulante impetrari. Deinde augere (b) beneficia licebit, et iudices per locum cōmunem ad ignoscendi uoluntatē ducere. Quare hoc genus, quanquam in iudicijs nō uersatur, nisi quadā ex parte: tamē quia & pars ipsa inducenda nonnunquā est, & in Senatu aut concilio sæpè omni in genere tractanda, in id quoq; præcepta ponemus. Nā in Senatu & in concilio de Siphace diu deliberatum est: & de Q. Numitorio Pullo, apud L. Optimum, & eius cōsiliū diu dictum est: & magis in hoc



quidem ignoscēdi, quā cognoscendi postulatio ualuit. Nam semper animo bono se in populum Ro. fuisse, non tam facile probabat, cum coniecturali constitutione uteretur: quā ut propter posterius beneficiū sibi ignoscetur, cum deprecationis parteis adiungeret. Oportebat igitur eum, qui sibi ut ignoscatur postulabit, commemorare, si qua sua poterit beneficia: & si poterit, ostendere ea maiora esse, quā hęc quę deliquerit, ut plus ab eo boni quā mali profectum esse uideatur. Deinde maiorum suorum beneficia, si qua extabunt, proferre. Deinde ostendere, nō odio, neq; crudelitate fecisse, quod fecerit: sed aut stulticia, aut impulsu alicuius, aut aliqua honesta aut probabili causa. Postea polliceri & confirmare, se & hoc peccato doctum, et beneficio eorum qui sibi ignouerint, cōfirmatum, omni tempore à tali ratione absuturum. Deinde spem ostendere aliquo se in loco, magno ijs qui sibi cōcesserint, usui futurum. Postea si facultas erit, se aut consanguineum, aut iam à maioribus in primis amicum esse demonstrabit: & amplitudinem suę uoluntatis, & nobilitatem generis eorum qui se saluum uelint, & dignitatem ostendere, & cetera ea quę personis ad honestatē & amplitudinem sunt attributa, cum conuestione sine arrogantia in se esse demonstrabit: ut honore potius aliquo, quā ullo supplicio dignus esse uideatur. Deinde ceteros proferre, quibus maiora delicta concessa sunt: ac multum proficiet, si se misericordem in potestate, & propensum ad ignoscendum fuisse ostendet. Atque ipsum illud peccatū erit extenuandum, ut quā minimum obfuisse uideatur: & aut turpe, aut inutile demonstrandum, tali de homine supplicium sumere. Deinde locis communibus misericordiam captare



captare oportebit ex ijs præceptis, quæ in primo libro sunt exposita. Aduersarius autem malefacta augebit: nihil imprudenter, sed omnia ex crudelitate & malicia facta dicit. Ipsum inuiscerem, superbum fuisse: & si poterit, ostendet semper inimicum fuisse, et amicum fieri nullo modo posse. Si beneficia proferet, aut aliqua de causa facta, non propter beneuolentiam demonstrabit, aut postea odium esse acre susceptum: aut illa omnia maleficijs esse deleta, aut leuiora beneficia quam maleficia, (a) aut cum beneficijs honos habitus sit, pro maleficio 76 poenam sumi oportere. Deinde turpe esse, aut inutile, ignosci. Deinde, de quo, ut potestas esset, sæpè optarint, in eum potestate non uti, summam esse stulticiam: et cogitare oportere, quem animum in eum, uel quale odium habuerint. Locus autẽ cõmunis erit, indignatio maleficij: & alter locus, eorum misereri oportere, qui propter fortunam, nõ propter maliciam in miserijs sint. Quoniã igitur in generali cõsitutione tamdiu propter eius partium multitudinem commoramur, ne fortè uarietate & dissimilitudine rerum deductus alicuius animus in quendam errorem deferatur: quid etiam nobis ex eo genere restet, & quare restet, admonendũ uidetur. Iuridicalem causam esse dicebamus, in qua æqui & iniqui natura, præmij aut poenæ ratio quæreretur. Eas causas, in quibus de æquo & iniquo quæritur, exposuimus: Nunc restat ut de præmio, & de poenâ explicemus. Sunt enim multe causæ, quæ ex præmij alicuius petitione cõstant. Nam et apud iudices de præmio sæpè accusatorum quæritur: & à senatu, aut concilio aliquod præmium sæpè petitur. Ac neminem conueniet arbitrari nos, cum aliquod exemplum ponamus quod in senatu agatur, ab iuridicali



diciali genere exemplorum recedere. Quicquid enim de homine probando aut improbando dicitur, cum ad eam dictionem sententiarum quoque ratio accommodetur: id non, si per sententiæ dictionem agitur, deliberatiuum est: sed quia de homine statuitur, iudiciale est habendū. Omnino autem qui diligenter omnium causarum uim et naturam cognouerit, cum genere primò, tum etiam forma eas intelliget disidere. Cæteris autem partibus aptas inter se omnes, et aliam in aliam implicatam uidebit. Nunc de præmijs consideremus. L. Licinius Crassus consul, quosdam in citeriore Gallia, nullo illustri, neque certo duce, neque eo nomine, neque numero præditos, ut digni essent qui hostes Romani populi esse dicerentur: quòd tamen excursionibus et latrocinijs infestam prouinciam redderent, consecratus est, et consecit: Romanus redijt: triumphum ab Senatu postulat. Hic, ut et in deprecatione nihil ad nos attinet, rationibus et infirmitatibus rationum supponendis ad iudicationem peruenire: propterea quòd nisi alia quoque incidet constitutio, aut pars constitutionis, simplex erit iudicatio, et in questione ipsa continebitur. In deprecatione, huiusmodi: Oporteat ne poena affici. In hac, huiusmodi: Oporteat ne præmium dari. Nunc ad præmij questionem appositos locos exponemus. Ratio igitur præmij quatuor est in parteis distributa: in beneficia, in hominem, in præmij genus, in facultates. Beneficia ex sua ui, ex tempore, ex animo (b) eius qui fecerit, ex casu considerantur. Ex sua ui quaeruntur, hoc modo: Magna an parua, facilia an difficilia, singularia sint an uulgaria, uera an falsa quadam ex oratione honestentur. Ex tempore autem, si tum cum indigeremus, cum

ceteri



ceteri non possent aut nollent opitulari: si tūc cum spes  
deferuisset, opitulatus sit. Ex animo, si non sui com=  
modi causa, sed consilio fecit omnia, ut hoc conficere  
posset. Ex casu, si non fortuna, sed industria factum ui=  
debitur, aut si industriae fortuna obfiterit. In hominem  
autem: Quibus rationibus uiixerit: quid sumptus in  
eam rem aut laboris insumpserit: & si quid aliquando  
tale fecerit: num alieni laboris aut deorum bonitatis  
præmium sibi postulet: num aliquando ipse talem ob  
causam aliquem præmio affici negarit oportere: aut  
num iam satis pro eo quod fecerit honos habitus sit:  
aut num necesse fuerit ei facere id quod fecerit: aut num  
huiusmodi sit factum, ut nisi fecisset, supplicio dignus  
esset, non quia fecerit, præmio: aut num ante tempus  
præmium petat, & spem incertam certo uenditet præ=  
cio: aut num quo supplicium aliquod uitet, eo præ=  
mium postulet, uti de se præiudicium factum esse ui=  
deatur. In præmij autem genere, quid, & quantum,  
& quamobrem postuletur, & quo, & quanto quæ=  
que res præmio digna sit, considerabitur. Deinde apud  
maiores, quibus hominibus, et quibus de causis talis ho=  
nos sit habitus, quæretur. Deinde, ne is honos nimium  
peruagetur. Atque hic eius qui contra aliquem præmiū  
postulantem dicet, locus erit communis: præmia uir=  
tutis & officij sancta & casta esse oportere: neque ea  
aut cum improbis communicari, aut in mediocribus ho=  
minibus peruulgari. Et alter, minus homines uirtutis cu=  
pidos fore uirtutis præmio peruulgato. quæ enim rara  
& ardua sint, ea ex præmio pulchra & iucunda homi=  
nibus uideri. Et tertius, si existant qui apud maio=  
res nostros ob egregiam uirtutem tali honore dignati  
sunt:



sunt: nonne de sua gloria, cum pari premio tales homines affici uideant, deliberari putent et eorum enumeratio, & cum eis quos contra dicat comparatio. Eius autem qui premium petet, facti sui amplificatio, et eorum qui premio affecti sunt, cum suis factis contentio. Deinde ceteros à uirtutis studio repulsum iri, si ipse premio non sit affectus. Facultates autem considerantur, cum aliquod pecuniarum premium postuletur: in quo utrum copia ne sit agri, uectigalium, pecunie, an penuria, consideratur. Loci communes: facultates augere, non minuire oportere: & impudente esse, qui pro beneficio non gratiam, uerum mercedem postulet. contra autem de pecunia ratiocinari sordidum esse, cum de gratia referenda deliberetur: & se non precium pro facto, sed honorem, ita ut facilitatum (a) sit, pro beneficio postulare. Ac de constitutionibus quidem satis dictum est: nunc de ijs controuersijs quæ in scripto uersantur, dicendum uidetur.

77

IN SCRIPTO uersatur controuersia, cum ex scriptonis ratione aliquid dubij nascitur. Id fit ex ambiguo, ex scripto, & sententia, ex contrarijs legibus, ex rationatione, ex definitione. E X Ambiguo autem nascitur controuersia, cum quid senserit scriptor, obscurum est: quod scriptum duas, plures uel res significat, ad hunc modum. Pater familias, cum filium heredem faceret, uasorum argenteorum centum pondo uxori suæ sic legauit: Heres meus uxori meæ uasorum argenteorum pondo centum, quæ uolet, dato. Post mortem eius uasa magnifica, & preciosæ celata, petit à filio mater. ille se, quæ ipse uellet, debere dicit. Primum si fieri poterit, demonstrandum est, non esse ambiguum scriptum: propterea quod omnes in consuetudine sermonis sic uti solent eo uerbo uno, pluribus uel in ea sententiâ,



sententia, in qua is qui dicit accipiendū esse demonstra-  
bit. Deinde ex superiore, et ex inferiore scriptura docen-  
dū, id quod queratur, fieri perspicuū. Quare si ipsa sepa-  
ratim ex se uerba cōsiderentur, omnia, aut pleraq; ambi-  
gua uisum iri. Quæ autē ex omni considerata scriptura  
perspicua fiant, hæc ambigua non oportere existimari.  
Deinde, qua in sententia scriptor fuerit, ex cæteris eius  
scriptis, ex factis, ex dictis, animo atq; uita eius sumi o-  
portebit: et eam ipsam scripturā, in qua inerat illud am-  
biguū de quo queritur, totā omnibus ex partibus per-  
tentare: si quid aut ad id appositum sit quod nos inter-  
pretemur, aut ei quod aduersarius intelligat aduerse-  
tur. Nā facile, quid uerisimile sit eū uoluisse qui scripsit,  
ex omni scriptura, et ex persona scriptoris, atq; ijs re-  
bus quæ personis attributæ sunt, considerabitur. Deim-  
de erit demonstrandū, si quid ex ipsa re dabitur faculta-  
tis, id quod aduersarius intelligat, multo minus commo-  
dē fieri posse, quā id quod nos accepimus: quod illius  
rei neq; administratio, neq; exitus ullus extet: nos quod  
dicamus, facile et commodē transigi posse, ut in hac le-  
ge: (nihil enim prohibet fictam legem exempli loco po-  
nere, quod facilius res intelligatur.) Meretrix coronā au-  
ream ne habeto: si habuerit, publica esto. contra eum qui  
meretricem publicari dicat ex lege oportere, posset di-  
ci, neq; administrationem esse ullam publicæ meretricis:  
neq; exitum legis in meretrice publicanda, at in auro  
publicando, et administrationem et exitum facilem es-  
se, et incommodi nihil inesse. Ac diligenter illud quo-  
que attendere oportebit, num illo probato quod aduer-  
sarius intelligat, utilior res, aut honestior, aut magis ne-  
cessaria, à scriptore neglecta uideatur. (b) Id fiet, si id  
quod



quod nos demonstrabimus, honestum, aut utile, aut necessarium demonstrabimus: & si id quod ab aduersarijs dicetur, minime eiusmodi dicemus esse. Deinde si in lege erit ex ambiguo controuersia, dare operam oportebit, ut de eo quod aduersarius intelligat, alia in lege cautum esse doceatur. Permultum autem proficiet illud demonstrare, quemadmodum scripsisset: si id quod aduersarius accipiat, fieri aut intelligi uoluisset. ut in hac causa, in qua de uasis argenteis queritur, possit mulier dicere: nihil attinuisse adscribi quae uolet, si heredis uoluntati permitteret. eo enim non adscripto, nihil inesse dubitationis, quin haeres quae ipse uellet daret. Amentiam igitur fuisse, cum heredi uellet cauere, id adscribere, quo non adscripto nihilo minus heredi caueretur. Quare hoc genere magnopere talibus in causis uti oportebit: Si hoc modo scripsisset, isto uerbo usus non esset, non isto loco uerbum istud collocasset. Nam ex his sententia scriptoris maxime perspicitur. Deinde quo tempore scriptum sit, querendum est: ut quod eum uoluisse in eiusmodi tempore uerisimile sit, intelligatur. Post ex deliberationis partibus, quid utilius, & quid honestius, & illi adscribendum, & his ad comprobandum sit demonstrandum: & ex his si quid amplificationis dabitur, communibus utrumque locis uti oportebit. EX Scripto & sententia controuersia consistit, cum alter uerbis quae scripta sunt, utitur: alter ad id quod scriptorem sensisse dicet, omnem adiungit dictionem. Scriptoris autem sententia ab eo qui sententia se defendet, tum semper ad idem spectare, & idem uelle demonstrabitur: cum aut ex facto, aut ex euentu aliquo ad tempus id quod instituit, accommodabitur. Semper ad idem spectare, hoc modo



modo. Paterfamilias, cum liberorum nihil haberet, uxorem autem haberet, in testamento ita scripsit: Si mihi filius genitus fuerit unus pluresue, is mihi heres esto. Deinde, quæ assolent: Postea, si filius ante moritur, quam in tutelam suam uenerit, tu mihi, dicebat, secundus heres esto. Filius non est natus, ambigunt agnati cum eo qui est secundus heres, si filius ante quam in tutelam ueniat mortuus sit. In hoc genere non potest hoc dici, ad tempus aut ad euentum aliquem sententiam scriptoris oportere accommodari: propterea quod ea sola demonstratur, qua fretus ille qui contra scriptum dicet, suam esse hereditatem defendit. Alterum autem genus est eorum, qui sententiam inducunt: in quo non simplex uoluntas scriptoris ostenditur, quæ in omne tempus, & in omne factum ualeat, sed ex quodam facto aut euentu ad tempus interpretanda dicitur. Ea partibus iuridicalis assumptionis maxime sustinetur. Nam tum inducitur (a) comparatio: ut in eum, qui, cum lex aperiri portas noctu uetaret, aperuit quodam in bello, & auxilia quædam in oppidum recepit, ne ab hostibus opprimerentur, si fortis essent, quod prope muros castra hostes haberent. Tum relatio criminis: ut in eo, qui, cum communis lex omnium hominem occidere uetaret, tribunum militum suum, qui uim sibi inferre conabatur, occidit. Tum remotio criminis: ut in eo, qui, cum lex quibus diebus in legationem profisceretur, præstituerat, quia sumptum non dedit quæstor, profectus non est. Tum concessio per purgationem, & per imprudentiam, ut in uituli immolatione: & per uim, ut in naui rostrata: & per casum, ut in Eurotæ fluminis magnitudine. quare autem sententia inducetur, ut unum quoddam uoluisse scripser



ptior demonstretur : aut sic, ut in eiusmodi re & tempore hoc uoluisse doceatur. Ergo is qui scriptum defendet, his locis plerunque omnibus, maiore autem parte semper poterit uti. Primum scriptoris collaudatione, & loco communi : nihil eos qui iudicent, nisi id quod scriptum sit, spectare oportere : & hoc eo magis, si legitimum scriptum proferetur, id est, aut lex ipsa, aut ex lege aliquid. Postea, quod uehementissimum est, facti aut intentionis aduersariorum cum ipso scripto contentione, quid scriptum sit, quid factum, quid iuratus iudex, quem locum multis modis uariare oportebit, tum ipsum secum admirantem, quid nam contra dici possit : tum ad iudicis officium reuertentem, & ab eo querentem, quid præterea audire aut expectare debeat, tum ipsum aduersarium quasi intentantis loco producendo, hoc interrogando, utrum scriptum neget esse eo modo : an ab se contra factum esse, aut contra contendendum neget, utrum negare ausus sit se dicere desitutum. Si neget, & contra tamen dicat nihil esse, quo hominem impudentiorem quisquam se uisurum arbitretur. In hoc ita commorari conueniet, quasi præterea nihil dicendum sit, & quasi contra dici nihil possit, sæpè id quod scriptum est recitando, sæpè cum scripto factum aduersarij confligendo, atque interdum acriter ad iudicem ipsum reuertendo. Quo in loco iudici demonstrandum est, quid iuratus sit, quid sequi debeat : duabus de causis iudicem dubitare oportere, si aut scriptum sit obscure, aut neget aliquid aduersarius. Cum & scriptum sit apertè, & aduersarius omnia consiteatur : tum iudicem legi parère, non interpretari legem oportere. Hoc loco confirmato, tum diluere ea quæ contra dici poterant



rant oportebit. Contrà autem dicitur, si aut prorsus aliud sensisse scriptor, & scripsisse aliud demonstrabitur. ut in illa de testamento, quam posuimus, controuersia, aut causa assumptiua inferretur, quamobrem scripto (b) non potuerit aut non oportuerit obtemperari. Si aliud sensisse scriptor, aliud scripsisse dicitur, is qui scripto utetur, hoc dicit non oportere de eius uoluntate nos argumentari, qui ne id facere possemus, indicium nobis reliquerit sue uoluntatis. multa incommoda consequi, si instituat, ut à scripto recedatur. Nam & eos qui alia quid scribant, non existimaturos id quod scripserint ratum futurum: & eos qui iudicent, certum quid sequantur nihil habituros, si semel à scripto recedere consueuerint. Quòd si uoluntas scriptoris conseruanda sit, se, non aduersarios, à uoluntate eius stare. Nam multò propius accedere ad scriptoris uoluntatem, eum qui ex ipsius eam literis interpretetur, quàm illum qui sententiam scriptoris non ex ipsius scripto spectet, quod ille sue uoluntatis quasi imaginem reliquerit, sed domesticis suspicionibus perscrutetur. Sin causam afferet is qui à sententia stabit, primum erit contradicendum, quàm absurdum, non negare contrà legem fecisse, sed quare fecerit, causam aliquam inuenire. Deinde, conuersa omnia esse: antè solitos esse accusatores iudicibus persuadere, affinem esse alicuius culpæ eum qui accusaretur, causam proferre quæ eum ad peccandum impulisset: nunc ipsum reum causam afferre, quare deliquerit. Deinde hanc inducere partitionem, cuius in singulas partes multe conuenient argumentationes: Primum, nulla in lege ullam causam contra scriptum accipi conuenire. Deinde, si in cæteris legibus conueniat, hanc esse



huiusmodi legem, ut in ea non oporteat. Postremo si in hac quoque lege oporteat, hanc quidem causam accipi minime oportere. Prima pars his serè locis confirmabitur, scriptorineque ingenium, neque operam, neque ullam facultatem defuisse, quò minus posset aperte perscribere id quod cogitaret. Nec fuisse ei graue, nec difficile, eam causam excipere, quam aduersarij proferant, si quicquam excipiendum putasset. consueuisse eos qui legem scribant, exceptionibus uti. Deinde oportet recitare leges cum exceptionibus scriptas: & maximè uidere, si qua in ea ipsa lege, qua de agitur, sit exceptio aliquo in capite, aut apud eundem legis scriptorem, quò magis eum probetur fuisse excepturum, si quid excipiendum putaret: & ostendere, causam accipere nihil aliud esse, nisi legem tollere: ideo quòd cum semel causa consideretur, nihil attineat eam ex lege considerare, quippe quæ in lege scripta non sit. Quod si sit institutum, omnibus causam dari & potestatem peccandi. cum intellexerint uos ex ingenio eius qui contra legem fecerit, non ex lege in qua iurati sitis, rem iudicare: deinde & ipsis iudicibus iudicandi, & ceteris ciuibus uiuendi rationes perturbatum iri, si semel à legibus recessum sit. Nam & iudices neque quid sequantur habituros, (a) si ab eo quod scriptum sit recedant: neque quo pacto alios improbare possint, quòd contra legem iudicarint: & ceteros ciues quid agant ignoraturos, si ex suo quisque consilio, & ex ea ratione quæ in mentem aut in libidinem uenerit, non ex communi prescripto ciuitatis unamquamq; rem administrabit. Postea querere à iudicibus ipsis, quare in alienis detineantur negocijs, cur Reipublicæ munere impediuntur,



pediantur, cum sapius suis rebus et commodis seruire possint, cur in certa uerba iurent : cur certo tempore conueniant, certo discedant. nihil quisquam afferat cause, quò minus frequenter operam Reipublice det, nisi quæ causa ex lege excepta sit : an se legibus obstrictos tantis molestijs esse æquum censeant : aduersarios nostros leges negligere concedant. Deinde item querere ab iudicibus, si eius rei causam, propter quam se reus contra legem fecisse dicat, exceptionem ipse in lege adscribat, passuri ne sint. Postea hoc quod faciat, indignius et impudentius esse, quàm si adscribat. Age porro, quid si ipsi uelint iudices adscribere, passurus ne sit populus : atque hoc esse indignius, quam rem uerbo et literis mutare non possint, eam re ipsa et iudicio maxime commutare. Deinde indignum esse, de lege aliquid derogari, aut legem abrogari, aut aliqua ex parte commutari : cum populo cognoscendi et probandi aut improbandi potestas nulla fiat, hoc ipsis iudicibus inuidiosissimum futurum. Non hunc locum esse, neque hoc tempus legum corrigendarum : apud populum hoc, et per populum agi conuenire : quòd si nunc id agant, uelle se scire qui lator sit, qui sint accepturi : se actiones uidere, et dissuadere uelle. Quòd si hæc cum summè inutilia, tum multo turpissima sint, legem cuiuscumodi sit in presentia conseruari à iudicibus, post si displiceat à populo corrigi conuenire. Deinde, si scriptum non extaret, magnopere quæreremus : neque illi, nisi extra periculum quidem esset, crederemus. Nunc cum scriptum sit, amentiam esse eius qui peccarit potius, quàm legis ipsius uerba cognoscere. His et huiusmodi rationibus ostenditur, causam extra scriptum accipi non oportere.



Secunda pars est, in qua est ostendendū, si in cæteris legibus oporteat, in hac non oportere. Hoc demonstrabitur, si lex aut ad res maximas, utilissimas, honestissimas, religiosissimas uidebitur pertinere: aut inutile, aut turpe, aut nefas esse tali in re non diligentissimè legi obtemperare. aut ita lex diligenter perscripta demonstrabitur, ita cautum unaquaq; de re, & ita quod oportuerit exceptum: ut minimè conueniat quicquam in tam diligenti scriptura præteritum arbitrari. Tertius locus est ei qui pro scripto dicet, maximè necessarius: per quem ostendit oportet, si (b) eò ueniat, causam contra scriptū accipi, eam tamen minimè oportere, quæ ab aduersarij afferatur. qui locus idcirco est huic necessarius, quod semper is qui contra scriptum dicit, æquitatis aliquid afferat oportet. Nam summa impudentia est, eum qui contra quod scriptum sit, aliquid probare uelit: non æquitatis præsidio id facere conari. Siquidem igitur ex hac ipsa quippiam accusator deroget, omnibus partibus iustius & probabilius accusare uideatur. Nam superior oratio hoc omnis faciebat, uti iudices etiam si nollent, necesse esset: hæc autem etiam si necesse non esset, ut uellent, contra iudicare, id autem fiet, si quibus ex locis culpa demonstrabitur: non esse in eo qui comparatione, aut remotione, aut relatione criminis, aut concessionis partibus se defendit, de quibus antè ut potuimus diligenter perscripsimus: de his locis, quæ res postulabit, ad causam aduersariorū improbandam transferemus: aut causas & rationes afferrentur, quare & quo consilio ita sit in lege aut in testamento scriptum, ut sententia quæque & uoluntate scriptoris, non ipsa solum scripturæ causa confirmatum esse uideatur: aut alijs quoque constitutionibus



tutionibus factum coarguetur. Contra scriptum autem  
 qui dicet, primum cum inducet locum per quem equi-  
 tas causæ demonstratur, aut ostendet quo animo, quo cō-  
 silio, qua de causa fecerit: et quamcunq; causam assu-  
 met, assumptionis partibus se defendet, de quibus ante  
 dictum est. Atq; hoc in loco cum diutius commoratus sui  
 facti rationem et æquitatem causæ exornauerit: tum  
 ex his locis ferè contra aduersarios dicet oportere cau-  
 sas accipi: demonstrabit nullam esse legem, quæ aliquam  
 rem inutilem aut iniquam fieri uelit: omnia supplicia  
 quæ à legibus proficiantur, culpæ ac malitiæ uindican-  
 dæ causa constituta esse. Scriptorem ipsum si existat, fa-  
 ctum hoc probaturum: et idem ipsum, si ei talis res ac-  
 cidisset, facturum fuisse: et eare legis scriptorem certo  
 ex ordine iudices certa ætate præditos consituisse, ut es-  
 sent nō qui scriptum suum recitarent, quod quibus puer  
 facere posset, sed qui cogitationē assequi possent, et uo-  
 luntatem interpretari. Deinde illum scriptorem, si scri-  
 pta sua stultis hominibus et barbaris iudicibus commit-  
 teret, omnia summa diligentia perscripturum fuisse.  
 nunc uerò quòd intelligeret quales uiri iudicaturi es-  
 sent, idcirco eum quæ perspicua uideret esse, non adscri-  
 psisse: neq; enim uos scripti sui recitatores, sed uolunta-  
 tis interpretes fore putauit. Postea querere ab aduersa-  
 rijs, Quid si hoc fecissem? quid si hoc accidisset? eorum  
 aliquid, in quibus aut causa sit honestissima, aut neces-  
 situdo certissima, tum ne accusaretis? Atqui hoc lex nuf-  
 quam excepit. Nō ergo omnia scriptis, sed quedam quæ  
 perspicua sunt, tacitis (a) exceptionibus caueri. Deinde 80  
 de nullam rem neq; legibus, neq; scriptura ulla, deniq; ne  
 in sermone quidem quotidiano, atq; imperijs domesti-



eis recte posse administrari, si unusquisque uelit uerba spe-  
 ctare, & non ad uoluntatem eius qui uerba habuerit ac-  
 cedere. Deinde ex utilitatis & honestatis partibus osten-  
 dere, quam inutile, aut quam turpe sit id quod aduersa-  
 rij dicant fieri oportuisse, aut oportere: & id quod nos  
 fecerimus, aut postulemus, quam utile, aut quam hone-  
 stum sit. Deinde leges nobis caras esse non propter lite-  
 ras, quæ tenues & obscuræ notæ sint uoluntatis: sed pro-  
 pter earum rerum quibus de scriptum est utilitatem, &  
 eorum qui scripserunt sapientiam et diligentiam. Postea  
 quid sit lex describere, ut ea uideatur in sententijs, non  
 in uerbis consistere: & iudex is uideatur legi obtempe-  
 rare, qui sententiam eius, non qui scripturam sequatur.  
 Deinde quam indignum sit, eodem affici supplicio eum qui  
 propter aliquod scelus & audaciam contra legem fece-  
 rit: & cum qui honesta aut necessaria de causa non ab sen-  
 tentia, sed ab literis legis recesserit. atque his & huiusmo-  
 di rationibus & accipi causam, & in hac lege accipi, &  
 eam causam quam ipse afferat, oportere accipi demon-  
 strabit: Et quemadmodum ei dicebamus qui à scripto di-  
 ceret, hoc fore utilissimum, si quid de æquitate ea quæ cum  
 aduersario staret, derogasset: sic huic qui contra scriptum  
 dicet, plurimum proderit ex ipsa scriptura aliquid ad suam  
 causam conuertere, aut ambiguum aliquid scriptum ostende-  
 re. Deinde ex illo ambiguo eam partem quæ sibi profit  
 defendere, aut uerbi definitionem inducere: & illius uerbi  
 uim quo urgeri uideatur, ad suæ causæ commodum tradu-  
 cere: aut ex scripto, non scriptum aliquid inducere per ra-  
 tionem, de qua post dicemus: quacumque autem in re quam-  
 uis leuiter probabili scripto ipso se defenderit, etiam cum  
 æquitate causa abundabit, necessario multum proficiet:

ideò



ideo quod si id quo nititur, aduersariorum causa subdu-  
xerit, omnem illam eius uim & acrimoniam lenierit, ac  
diluierit. Loci autem communes certis ex assumptionis  
partibus in utranque partem conuenient. Præterea eius  
qui à scripto dicet, leges ex se, non ex eius qui cōtrā com-  
miserit, utilitate spectari oportere: & legibus antiquius  
haberi nihil oportere. contra scriptum: leges in consilio  
scriptoris, & utilitate communi, non in uerbis consiste-  
re. Quam indignum sit æquitatem literis urgeri, quæ  
uoluntate eius qui scripserit defendatur.

EX contrarijs autem legibus controuersia nascitur,  
cū inter se duæ uidentur leges aut plures discrepare,  
hoc modo. Lex est: Qui tyrannum occiderit, Olympio-  
nicarum præmium capito: & quam uolet sibi rem à ma-  
gistratu depositeo, & magistratus ei concedito. Et alte-  
ra lex: Tyranno occiso quinq; eius proximos (b) cognā-  
tione magistratus necato. Alexandrum, qui apud Phæ-  
reos in Thessalia tyrannidem occuparat, uxor sua cui  
Thebe nomen fuit, noctu cū simul cubaret, occidit. Hæc  
filium suum quem ex tyranno habebat, sibi præmij loco  
deposcit. Sunt qui ex lege puerum occidi dicant oportere.  
Res in iudicio est. In hoc genere utraq; in partem  
ijdem loci, atq; eadem præcepta conuenient: ideo quod  
uterq; suam legem confirmare, cōtrariam infirmare de-  
bebit. Primum igitur leges oportet contendere, consi-  
derando utra lex ad maiores, hoc est ad utiliores, ad ho-  
nestiores, ac magis necessarias res pertineat. Ex quo con-  
fiscitur, ut si leges duæ, aut si plures, aut quotquot erunt  
conseruari non possint, quia discrepent inter se: ea maxi-  
mè conseruanda putetur, quæ ad maximas res pertinere  
uideatur. Deinde utra lex posterius lata sit: nam postre-



ma quæq; grauissima est. Deinde, utra lex iubeat aliquid, utra permittat. nam id quod imperatur, necessarium: illud quod permittitur, uoluntarium est. Deinde, in utra lege, si non obtemperatum sit, poena afficiatur: aut in utra maior poena statuatur. Nam maxime conseruanda est ea, quæ diligentissima & sancta est. Deinde, utra lex iubeat, utra uetet: nam sæpe ea quæ uetat, quasi exceptione quadam corrigere uidetur illam quæ iubet. Deinde, utra lex de genere omni, utra de parte quadam, utra cõmuniter in plures, utra in aliquã certam rem scripta uideatur, nam quæ in partem aliquã, & quæ in certam quandam rem scripta est: promptius ad causam accedere uidetur, & ad iudicium magis pertinere. Deinde, ex lege utrum statim fieri necesse sit, utrum habeat aliquam moram & sustentationem: nam id quod statim faciendum sit, perfici prius oportet. Deinde operam dare, ut sua lex ipso scripto uideatur niti. Cõtraria autem aut per ambiguum, aut per ratiocinationem, aut per definitionem induci: quò sanctius & firmitus id uideatur esse, quod apertius descriptum sit. deinde suæ legis ad scriptum, ipsam sententiam quoq; adiungere: contrariam legem item ad aliam sententiam traducere, ut si fieri poterit, ne discrepare quidem uideantur inter se. Postremo facere, si causa dabit facultatẽ, ut nostraratione utraq; lex conseruari uideatur, & aduersariorum ratione altera sit necessariò negligenda. Locos autem communes, & quos ipsa causa det, uidere oportebit: & ex utilitatibus & honestatis amplissimis partibus sumere, demonstrantem per amplificationem, ad utram potius legem accedere oporteat.

EX Ratiocinatione nascitur controuersia, cum ex eo quod



quod uspiam est, ad id quod nusquam scriptum est, uenitur, hoc pacto. LEX: Si furiosus est, agnatum gentiliūq; in eo pecuniāq; eius potestas esto. (a) Et LEX: Paterfamilias uii super familia pecuniāq; sua legauerit, ita ius esto. Et LEX: Si paterfamilias intestato moritur, familia pecuniāq; eius agnatorum gentiliūq; esto. Quidam iudicatus est parentē occidisse rei statim, quod effugienti potestas non fuit, lignee soleae in pedes inductae sunt, os autem obuolutum est folliculo, & praeligatum: deinde est in carcerem deductus, ut ibi esset tantisper, dum euleus in quem coniectus in profluentem deferretur, compararetur. Interea quidam eius familiares in carcerem tabulas afferunt, & testes adducunt. Hæredes, quos ipse iubet, scribunt: tabulae obsignantur. De illo post supplicium sumitur. Inter eos qui hæredes in tabulis scripti sunt, & inter agnatos de hereditate controuersia est. Hic certa lex, quæ testamenti faciendi ijs qui in eo loco sint, adimat potestatem, nulla profertur. Ex cæteris legibus, & quæ hunc ipsum supplicio huiusmodi afficiunt, & quæ ad testamenti faciendi potestatem pertinent, per ratiocinationem ueniendum est ad eiusmodi rationem, ut queratur, habuerit ne testamenti faciendi potestatem. Locos autem in hoc genere argumentandi hos, & huiusmodi quosdam esse arbitramur. Primum, eius scripti, quod proferas, laudationem, & confirmationem. Deinde, eius rei qua de queratur, cum eo de quo constat collationem eiusmodi: ut id de quo queritur, rei de qua constet, simile esse uideatur. Postea admirationem per cunctatione, qui fieri possit, ut qui hoc æquum esse concedat, illud neget: quod aut æquius, aut eodem sit in genere:



nere: Deinde idcirco de hac re nihil esse scriptum, quod cum de illa re esset scriptum, de re is qui scribebat, neminem dubitaturum arbitratus sit. Postea multis in legibus multa esse præterita: quæ idcirco præterita nemo arbitretur, quod ex cæteris de quibus scriptum sit, intelligi possint. Deinde æquitas rei demonstranda est, ut in iuridicali absoluta. Contrà autem qui dicet, similitudinem infirmare debet: quod faciet, si demonstrabit istud quod conferatur ab eo cui conferatur, diuersum esse genere, natura, ui, magnitudine, tempore, loco, persona, opinione: si quo in numero illud quod per similitudinem afferretur, et quo in loco illud cuius causa afferretur, haberi conueniat, ostendetur. Deinde quid res cum re differat, demonstrabitur: ut non idem uideatur, de utraque existimari oportere. Ac si ipse quoque poterit rationationibus uti, iisdem rationationibus quibus antè prædictum est, utetur: si non poterit, negabit oportere quicquam, nisi quod scriptum sit, considerare. periclitari omnia iura, si similitudines accipiantur: nihil esse penè, quod non alteri simile esse uideatur: multis dissimilibus rebus, in unamquamque rem tantum singulas esse leges, omnia posse inter se (b) uel similia uel dissimilia demonstrari. Loci communes à rationatione oportere coniectura ex eo quod scriptum sit, ad id quod non sit scriptum, peruenire: et neminem posse omnes res per scripturam amplecti: sed eum commodissimè scribere, qui curet ut quædam ex quibusdam intelligantur. Contrà rationationem huiusmodi coniecturam diuinationem esse: et stulti scriptoris esse, non posse omnibus de rebus cauere, quibus uelit. DEFINITIO est, cum in scripto uerbum aliquod est positum, cuius de ui quæritur,



ritur, hoc modo. Lex: Qui in aduersa tempestate nauim reliquerint, omnia amittunto: eorum nauis & onera sunt, qui in nauī remanserint. Duo quidam, cū iam in alto nauigarent, & eorum alterius nauis, alterius onus esset, naufragum quendam natantem, & manus ad se tendentem animaduēterunt: misericordia commoti, nauim applicauerunt, hominem ad se sustulerunt. Postea aliquantō ipsos quoque tempestas uehementius idētare cōcepit, usque adeo ut dominus nauis, cū idem gubernator esset, in scapham confugeret: & inde funiculo, qui à puppi religatus scapham annexam trahebat, nauī quoad posset moderaretur: ille autem cuius merces erant, in gladium in nauī ibidem incumberet. Hic ille naufragus ad gubernaculum accessit, & nauī, quoad potuit, est opitulatus. Sedatis autem fluctibus, & tempestate iam commutata, nauis in portum prouehitur. Ille autem qui in gladium incubuerat, leuiter sauciū, facile est ex uulnere recreatus. Nauim cum onere, horum trium suam quisq; esse dicit. Hic omnes scripto ad causam accedunt, & ex nominis uī nascitur controuersia. nam & relinquere nauem, & remanere in nauī: denique nauis ipsa quid sit, definitionibus queritur. iisdem autem ex locis omnibus, quibus definitiua constitutio, tractabitur. Nunc expositis ijs argumentationibus quę in iudiciale causarum genus accommodantur, deinceps in deliberatiuum genus, & demonstratiuum argumentandi locos & pręcepta dabimus: non, quod non in aliqua constitutione omnis semper causa uersetur: sed quia proprii tantū harum causarum quidā loci sunt, non à cōstitutione separati, sed ad fines horum generum accommodati. Nam placet in iudicali genere finem esse æquitatem.



æquitatem, hoc est, partem quandam honestatis. In deliberatio autem Aristoteli placet utilitatem, nobis et honestatem et utilitatem. In demonstratio autem, honestatem. Quare in quôq; genere causæ, quædam argumentationes communiter ac similiter tractabuntur, quædam separatius ad finem, quò referri omnem rationem oportet, adiunguntur: atq; uniuscuiusq; constitutionis exemplum supponere non grauaremur, nisi illud uideremus, **62** quemadmodum res obscuræ (a) dicendo fierent apertiores: sic res apertas obscuriores fieri oratione. Nunc ad Deliberationis præcepta pergamus.

RERVM expetendarum tria genera sunt: par autem numerus uitandarum ex contraria parte. Nam est quiddam, quod sua ui nos alliciat ad sese, non emolumento captans aliquo, sed trahens sua dignitate: quod genus, uirtus, scientia, ueritas est. Aliud autem non propter suam uim et naturam, sed propter fructum atque utilitatem, quod pecunia est. Est porro quiddam ex horum partibus iunctum, quod et sua ui et dignitate nos inductos ducit, et præ se gerit quandam utilitatem, quò magis expetatur, ut amicitia, bona existimatio. Atq; ex his horum contraria facile tacentibus nobis intelligentur. Sed ut expeditius ratio tradatur, ea quæ posuimus, breui nominabuntur. Nam in primo genere quæ sunt, honesta appellabuntur. Quæ autem in secundo, utilia: hæc autem tertia, quia partem honestatis et utilitatis continent: et quia maior est uis honestatis, iunctæ res omnino ex duplici genere intelligentur: sed in meliorem partem uocabili conferantur, et honesta nominentur. Ex his illud conficitur, ut appetendarum rerum partes sint honestas, et utilitas: uitandarum, turpitudo et inutilitas.



His igitur duabus rebus due res grandes sunt attributa, necessitudo, & affectio: quarum altera ex ui, altera ex re & personis consideratur. De utraq; postea pertius perscribemus. Nunc honestatis rationes primum explicemus.

Quod autem totum, aut aliqua ex parte propter se petitur, honestum nominabimus. Quare cum eius due partes sint, quarum altera simplex altera iuncta sit, simplicem prius consideremus. Est igitur in eo genere omnes res una ui atque uno nomine amplexa uirtus. Nam uirtus est, animi habitus nature modo rationi consentaneus. Quamobrem omnibus eius partibus cognitis, tota uis erit simplicis honestatis considerata. Habet igitur parteis quatuor, prudentiam, iusticiam, fortitudinem, temperantiam. Prudentia est, rerum bonarum & malarum, & utrarumque scientia. Partes eius, memoria, intelligentia, prouidentia. Memoria est, per quam animus repetit illa quae fuerunt. Intelligentia est, per quam ea perspicis quae sunt. Prouidentia est, per quam futurum aliquid uidetur ante quam factum sit. Iusticia est, habitus animi communi utilitate conseruata, suam cuique tribuens dignitatem. Eius initium est ab natura profectum. Deinde quaedam in consuetudinem ex utilitatis ratione uenerunt. Postea res & ab natura profectas, & ab consuetudine probatas, legum metus & religio sanxit. Natura ius est, quod non opinio genuit, (b) sed quaedam innata uis inseruit: ut religionem, pietatem, gratiam, uindicationem, obseruantiam, ueritatem. Religio est, quae superioris cuiusdam naturae, quam diuinam uocant, curam, cerimoniamq; affert. Pietas, per quam sanguine coniunctis, patriaq; beneuolis offi-



lis officium, & diligens tribuitur cultus. Gratia, in qua amicitiarum & officiorum alterius memoria, & alterius remunerandi uoluntas continetur. Vindicatio est, per quam uis, & iniuria, & omnino omne quod obfuturum est, defendendo aut ulciscendo propulsatur. Obseruantia est, per quam homines aliqua dignitate antecedentes, cultu quodam & honore dignantur. Veritas est, per quam immutata ea quæ sunt, aut antea fuerunt, aut futura sunt, dicuntur. Consuetudine ius est, quod aut leuiter à natura tractum aluit, & maius fecit usus, ut religionem: aut si quid eorū quæ antea diximus, ab natura profectum, maius factum propter consuetudinem uidemus: aut quod in morem uetustas uulgi approbatione perduxit, quod genus pactum, par, iudicatum. Pactum est, quod inter aliquos conuenit. Par, quod in omnes æquabile est. Iudicatum, de quo alicuius aut aliquorum iam sententijs constitutum est. Lege ius est, quod in eo scripto quod populo expositum est, ut obseruet, continetur. Fortitudo est, considerata periculorum susceptio, & laborum perpesio. Eius partes: magnificencia, fidentia, patientia, perseuerantia. Magnificencia est, rerum magnarum & excelsarum cum animi ampla quadam & splendida propositione agitatio atque administratio. Fidentia est, per quam magnis & honestis in rebus multum ipse animus in se fiducia certa cum spe collocauit. Patientia est, honestatis aut utilitatis causa, rerum arduarum ac difficilium, uoluntaria ac diuturna perpesio. Perseuerantia est, in ratione bene considerata stabilis & perpetua permansio. Temperantia est, rationis in libidinem atque in alios non rectos impetus animi firma & moderata dominatio. Eius partes



tes sunt: continentia, clementia, modestia. Continentia est, per quam cupiditas consilij gubernatione regitur. Clementia, per quam animi temere in odium alicuius inuersionis conciliati, comitate retinentur. Modestia, per quam pudor honestus claram & stabilem comparat auctoritatem. Atque hæc omnia propter se solum, ut nihil adiungatur emolumentum, petenda sunt. Quod ut demonstraretur, neq; ad hoc nostrum institutum pertinet, & à breuitate præcipiendi remotum est. Propter se autem uitanda sunt non ea modo quæ his contraria sunt, ut fortitudini ignauia, et iusticia iniusticia: uerum etiam illa quæ propinqua uidentur & finitima esse, absunt autem longissime: quod genus, fidentia contrarium est (a) Sz diffidentia, & eare uitium est. Audacia non contrarium, sed appositum est ac propinquum, & tamen uitium est. Sic unicuique uirtuti finitimum uitium reperiatur, aut certo iam nomine appellatum, aut audacia quæ fidentia, pertinacia quæ perseuerantia finitima est, superstitio quæ religioni propinqua est: aut sine ullo certo nomine, quæ omnia item uti contraria rerum bonarum in rebus uitandis reponemus. Ac de eo quidē genere honestatis, quod omni ex parte propter se petitur, satis dictum est. Nunc de eo in quo utilitas quoq; adiungitur, quod tamen honestum uocamus, dicendum uidetur. Sunt igitur multa, quæ nos cum dignitate, tum fructu quoq; suo ducunt ad se: quo in genere est gloria, dignitas, amplitudo, amicitia. Gloria est, frequens de aliquo fama cum laude. Dignitas, alicuius honesta & cultus, & honore, & uerecundia digna auctoritas. Amplitudo, potentie, aut maiestatis, aut aliquarum copiarum magna abundantia. Amicitia, uoluntas erga aliquem rerum bonarum



narū illius ipsius causa quē diligit, cum eius pari uoluntate. Hic, quia de civilibus causis loquimur, fructus ad amicitiam adiungimus, ut eorum quoq; causa petenda uideatur: ne fortē, qui nos de omni amicitia dicere existimant, reprehendere incipiant. quanquam sunt qui propter utilitatem modō petendam putant amicitiam, sunt qui propter se solum, sicut qui propter se et utilitatem: quorum quid uerissimē constituatur, alius locus erit considerandus. Nunc hoc sic ad usum oratorū relinquatur, utramq; propter rem amicitiam esse expetendam. Amicitiarum autem ratio, quoniam partim sunt religionibus iunctæ, partim nō sunt, et quia partim ueteres sunt, partim nouæ, partim ab illorum, partim ab nostro beneficio profectæ, partim utiliores, partim minus utiles: ex causarum dignitatibus, ex temporū opportunitatibus, ex officijs, ex religionibus, ex uetustatibus habebitur. Utilitas autem aut in corpore posita est, aut in extrarijs rebus: quarum tamen rerum multo maxima pars ad corporis commodum reuertitur. ut in repub. quædam sunt, quæ (ut sic dicam) ad corpus pertinent ciuitatis: ut agri, portus, pecunia, classes, nautæ, milites, socij, quibus rebus incolumitatem ac libertatem retinent ciuitates. Alia uerō, quæ iam quiddam magis amplum, et minus necessarium conficiunt: ut urbis egregia exornatio atq; amplitudo, ut quædam excellens pecuniæ magnitudo, amicitiarum ac societatum multitudo. Quibus rebus nō illud solum conficitur ut saluæ et incolumes, uerū etiam ut ample atq; potentes sint ciuitates. Quare utilitatis duæ partes uidentur esse, incolumitas et potentia. Incolumitas est, salutis tuta atq; integra conseruatio. Potentia est, ad sua conseruanda, et (b) alterius obtinenda ido-

nearum



nearum rerum facultas. Atque in ijs omnibus quæ ante dicta sunt, quid difficulter fieri, & quid facile fieri possit, oportet considerare. Facile fieri id dicimus, quod sine magno aut sine ullo labore, sumptu, molestia, quàm breuissimo tempore confici potest. Difficile autem fieri, quod quanquam laboris, sumptus, molestia, longinquitatis indiget, atq; aut omnes, aut plurimas, aut maximas causas habet difficultatis: tamen his susceptis difficultatibus, compleri atque ad exitum perducì potest. Quoniam ergo de honestate et de utilitate diximus, nunc restat ut de ijs rebus quas his attributas esse dicebamus, necessitudine & affectione perscribamus. Puto igitur esse hanc necessitudinem, cui nulla uiresistit potest, quæ neque mutari neque leniri potest. Atque ut apertius hoc sit, exemplis licet uim rei, qualis & quanta sit, cognoscamus. Vri posse flamma ligneam materiam necessesse est. Corpus mortale aliquo tempore interire necessesse est: atq; ita necessesse, ut uis ea postulat quam modò describebamus necessitudinis, cui nulla ui resistit potest, quæ neq; mutari neq; leniri potest. huiusmodi necessitudines cum in dicendi rationes incident, recte necessitudines appellabuntur. Sin aliquæ res incident difficiles, in illa superiori possit ne fieri questione, considerabimus. Atq; etiam hoc mihi uideor uidere, esse quasdam cum adiunctione necessitudines, quasdam simplices & absolutas. Nam aliter dicere solemus, Neccessesse est Casilinenes se dedere Annibali: aliter autem, Neccessesse est Casilinum uenire in Annibalis potestatem. Illic in superiore adiunctio est hæc, Nisi malint fame perire: si enim id malunt, non est necessesse hoc. Inferius non item, propterea quòd siue uelint Casilinenes se dedere, siue famem per-



peti, atq; ita perire, necesse est Casilinum uenire in Annibalis potestatem. Quid igitur perficere potest hac necessitudinis distributio? Propè dicam, plurimum: cum is locus necessitudinis uidebitur incurrere. Nam cum simplex erit necessitudo, nihil erit quod multa dicamus, cum eam nulla ratione lenire possimus: cum autè ita necesse erit, ut aliquid effugere aut adipisci uelimus, tum adiunctio illa quid habeat utilitatis, aut quid honestatis, erit considerandum. Nam si uelis attendere, ita tamen ut id queras quod conueniat ad usum ciuitatis: reperiās nullam esse rem quam facere necesse sit, nisi propter aliquam causam, quam adiunctionem nominamus. Præter hæc autè esse multas inuenias res necessitudinis, ad quas similis adiunctio non accedit. Quod genus, ut homines mortales necesse est interire sine adiunctione, ut cibo utantur non necesse est: nisi cum illa exceptione, extra quam si nolint fame perire. Ergo (a) ut dixi, illud quod

84 adiungitur, semper cuiusmodi sit, erit considerandum. Nam omni tempore id pertinebit, ut aut ad honestatem hoc modo exponenda necessitudo sit, necesse est hoc faciamus, si honestè uolumus uiuere: aut ad incolumitatem, hoc modo necesse est, si incolumes uolumus esse: aut ad commoditatem, hoc modo necesse est, si sine incòmodo uolumus uiuere. ac summa quidem necessitudo uidetur esse honestatis, huic proxima incolumitatis, tertia ac leuissima commoditatis, quæ cū his nunquam poterit duabus contendere. Hæc autè inter se sæpè necesse est comparari, ut quanquam præstat honestas incolumitati, tamen utri potissimum consulendum sit deliberetur. Cuius rei certum quiddam præscriptum uidetur in perpetuum dari posse. Nam quæ in re fieri poterit, ut cum incolumi-



t. ti consulerimus, quod sit in presentia de honestate delibatum, uirtute aliquando & industria recuperetur, incolumitatis ratio uidebitur habenda: cum autem id non poterit, honestas. Ita in huiusmodi quoque cum incolumitati uidebimur consulere, uerè poterimus dicere, nos honestatis rationem habere: quoniam sine incolumitate eam nullo tempore possumus adipisci. Quæ in re uel concedere alteri, uel ad conditionem alterius descendere, & in presentia quiescere, atq; aliud tempus expectare oportebit. In commoditatis uerò ratione modò illud attendatur, dignæ ne causa uideatur ea quæ ad utilitatem pertinebit, quare aut de magnificentia, aut de honestate quiddam derogetur, atque in hoc loco mihi caput illud uidetur esse, ut queramus quid sit illud, quod si adipisci aut effugere uelimus, aliqua res nobis sit necessaria: hoc est, quæ sit adiunctio, ut proinde uti quæq; res erit, laboremus, & grauissimam quamq; causam uehementissimè necessariam iudicemus. AFFECTIONIO est, quædam ex tempore, aut ex negotiorum euentu, aut administratione, aut studio hominum commutatio rerum: ut non tales, quales antè habitæ sint, aut plerunque haberi soleant, habendæ uideantur esse, ut ad hostes transire turpe uideatur esse, at non illo animo quo Ulysses transiit: & pecuniam in mare deijcere inutile, at nò eo consilio quo Aristippus fecit. Sunt igitur res quædam ex tempore & ex consilio, non ex sua natura considerandæ: quibus in omnibus quid tempora petant, aut quid personis dignum sit, considerandum est: & non quid sed quo quidq; animo, qui cum, quo tēpore, quamdiu fiat, attendendum est. His ex partibus ad sententiam dicendam locos sumi oportere arbitramur.



(b) Laudes autem & uituperationes ex ijs locis sumen-  
tur, qui loci personis sunt attributi, de quibus ante di-  
ctum est. Sin distributius tractare quis uolet, parti-  
tur in animum, & corpus, & extraneas res licebit.  
Animi est uirtus, cuius de partibus paulo ante dictum  
est, Corporis, ualetudo, dignitas, uires, uelocitas. Extra-  
neæ, honos, pecuniæ, affinitas, genus, amici, patria, poten-  
tia, et cætera quæ simili esse in genere intelligentur. Atq;  
in his id quod in omnia ualet, ualere oportebit: contra-  
ria quoq; & quæ, & qualia sint, intelligemus. Videre  
autem in laudando & in uituperando oportebit, non  
tàm quæ in corpore aut in extrarijs rebus habuerit is  
de quo agatur, quàm quo pacto his rebus usus sit. Nam  
fortunam quidem & laudare stulticia, & uituperare  
superbia est. Animi autem & laus honesta, & uitupera-  
tio uehemens est. Nunc quoniam omne in causæ ge-  
nus argumentandi ratio tradita est, de Inuentione, pri-  
ma ac maxima parte Rhetoricæ, satis dictum uidetur.  
Quare quoniam & una pars ad exitum hunc ab  
superiore libro producta est, & hic liber  
non parū continet literarum, quæ  
restant, in reliquis di-  
cemus.

FINIS.



# RERVM ET VERBORVM IN HOC

VOLVME MEMORABILIVM,

Index.

<b>A</b> Bargumentis quomodo dic- carur	163 23	<b>AE</b> schines Socraticus	
<b>A</b> bsoluta constitutio	14	<b>AE</b> sopus	69
<b>A</b> bsolutæ iuridicialis constitutionis usus	28	<b>A</b> ffectio quid	154. 261
<b>A</b> bsolutissima argu- mentatio	33	<b>A</b> fricanus	98
<b>A</b> bsoluta pars	140	<b>A</b> gamemnon	69
<b>A</b> bsolutio quid	106	<b>A</b> lbenſes, Vegentini	44
<b>A</b> cuta exclamatio quæ incommoda afferat	61	<b>A</b> lexander rex Mace- donum	95
<b>A</b> ccusatoris officium	108	<b>A</b> mbigua cur euitan- da	126
<b>A</b> ctio una indicendo dominatur	104	<b>A</b> micitia quid	258
<b>A</b> d iunctum negotio quid	159	<b>A</b> mphion	184
<b>A</b> dmirabile genus quale	144	<b>A</b> mphictyones	219
<b>A</b> dversum genus ar- gumentationis	184	<b>A</b> mplificatio quid	46. 62
<b>A</b> equi & boni ius	29	<b>A</b> mplitudo quid	257
		<b>A</b> nceps genus quale	144
		<b>A</b> nimilauſ	54 (94)
		<b>A</b> nnominatio quid	
		<b>A</b> nnominationes fiunt per literarum com- mutationem	ibid.
		<b>A</b> perta narratio quomodo	
		<b>R</b>	iiiij modo



# INDEX.

modo esse possit	150	Attidæ	69
Approbatio quid	22	B	
171		Barbarismus quid	85
Approbatū quid	162	Beneuolī auditores	
A quæstionibus quo		quomodo fiant	4
modo dicatur	23	Beneuolentia ex qua	
Argumentationis cō		tuor locis compara	
ture genus	132	tur	145
Argumentationis ge		Boius cursor	75
nus falsum	ibid.	Breuis narratio quo	
Argumentationes	18	modo	152
Argumenta quid	21	Breuitas quid	127. 153
Argumentationum		C	
uitiosarum genera		C. Flaminius	211
35		C. Gracchus	95. 101
Aristippus	261	C. Lælius	88
Ars quid	2	C. Pompilius	15
Articulus quid	92	Carthago	100. 125
A rumoribus quomo		Causa	19 134
do dicitur	24	Causarum genera	
A sententia quomodo		quot	3. 17
dicitur	25	Causarum genera	
Assumptiua constitu		quinq;	144
tio	140	Causarum tria genera	
Assumptiua pars	14	2	
Assumptio quid	173	Cepio	86
Assumptiua pars iuri		Chares	79
dicialis	220	Cimber	69
Aspasia	163	Circuitio	105
A restibus quomodo		Clementia quid	257
dicitur	23	Clytemnestra	152
Attenti auditores quo		Cohortatio quid	63
modo habentur	4	Collatio quid	20. 162
Athenienses	98	Commiseratio	48
		Com	



# INDEX.

Commoratio quid	117	Consilium quid	158
Compar quid	93	Constitutio	10 136
Comparabile quid	162	Constitutio definitiua	
Comparatio	140. 220		137
Componere ex arte ne		Constitutio generalis	
mo potest nisi eru-			138
ditus	76	Constitutiones quot	
Compositio quid	85		10. 216
Complexio quid	34.	Contentio quid	257
	86. 160. 171	Continuatio quid	62
Complexio uitiosa	45		92
Commune quid	148	Contrarium genus ar	
	162	gumentationis	182
Communes loci qui	22	Contrarium quid	91.
Commutabile uicium			159
exordiorum	148	Contra argumenta	
Commutatio	103	quomodo dicitur	24
Concessio quid	31. 140	Contra quaestiones	
Conclusio	45	quomodo dicitur	23
Conclusio quid	3 103.	Contra rumores quo-	
	186	modo dicitur	24
Conduplicatio quid		Contra testes quomo-	
	101	do dicitur	23
Confirmatio quid	3.	Controuersia ex con-	
	155	trarijs legibus	249
Confirmatio rationis		Controuersia ex seris	
uitiosa	49	pro & sententia	241
Conformatio quid	125	Controuersia ex ratio	
Confutatio quid	3	cinacione	250
Coniecturalis constitu		Controuersia generis	
tio quæ	11		137
Coniuncta Causa	142	Controuersia nomi-	
Conquestio quid	62	nis	ibidem.
Consecutio quid	22	Controuersia quomo-	
		R v do	



# INDEX.

do ex ambiguo na	Deprecatio	14. 140. 233
scitur	Deprecationis usus	32
Controuersia quomo	Descriptio quid	111
do in scripto uersatur	Dignitas in oratore	
238	quid	62. 85. 257.
Controuersum genus	Diminutio quid	110
argumentationis	Discretio ex institutio	
Consuetudinis ius	ne artis	58
Conuersio quid	Disiunctio quid	100
Correctio qualis	Dissolutio quid	103
Corinthus	Disparatum quid	159
Corporis laus	Dispositionis genera	
Credibile	duo	57
<i>ΚΡΙΝΟΜΕΝΟΝ</i>	Dispositio quid	2. 135
Crotoniatæ in Italia	Distributio quid	62.
florentissimi		108.
Curius	Diuisionis usus in ge	
D	nere demonstratio	
Decius	Diuisio quid	3. 113. 156
Definitio quid	Dociles auditores quo	
Definitiuū genus	modo parentur	4
Definitiones falsæ	Dolus	50
Definitiones uulgares	Domitius	69
ibid.	Draco iubarus	121
Deliberatio	Drusus	107
Deliberationes quales	Dubitatio quid	102
Deliberatiuum genus	Dubiū genus causæ	4
2. 134	E	
Demonstratio	Effectio quid	122
Demonstratio in ora	Elegantia quid	84
tione quid	Elocutio quid	2 35
Demonstratiuum ge	Enumeratio falsa quæ	
nus	Enumerationis usus	10
Denominatio quid	Enumera, quid	45. 186
	Enu	



# INDEX.

Enumeratio uitiosa	Expolitio quid	114	
quæ	179	Expositio quæ	10
Epaminundas	166	Expositio uitiosa quæ	
ἐπιλόγοι	45	36	
ἐπιχειρήματα	18	Ex ratiocinatione con-	
ἐπιφύλαξις	3	trouersia	13
Eriphyle	184	Ex scripto & sententia	
Euentus quid	159	controuersia	11
Euroras propter Lace-		Ex translatione con-	
dæmonē fuit	230	trouersia	12
Ex ambiguo contro-		F	
uersia	12	Fabula quid	8. 149
Exclamatio quid	88	Facultates quid	159
Ex contrarijs legibus		Fidentia quid	256
controuersia	11	Figura attenuata	80
Exempla testimonio-		Figura grauis	ibid.
rum locū obtinent	73	Figura mediocris	80
Exempli probatio	75	Figura uocis quæ	69
Exemplū quid	121 162	Finis oratoriæ faculta-	
Exemplū uitiosum	45	tis	134
Exercitatio quid	2	Firmamenti usus	16
Exordium quale esse		Firmamentum quid	
debeat	148	143	
Exordium quid	3 144	Firmitudo uocis unde	
Exordij usus	53	fiat	30. 57.
Exordium uitiosum		Fortitudinis causa	51
quomodo	7	quid facere oportet	
Exornatio quid	33	Fortitudo quid	50. 256
Exornatio sententiæ		Fortuna	14
rum quid	86	Fregellani	100
Exornatio uerborum		Fregellæ	90
quid	ibid.	Frequentationis usus	
Expositio quid	102	in coniecturalibus	
Explanatio quid	85	causis	113.
		Fres	



# INDEX.

Frequentatio quid	113	Inficitatio	15
G		Infirmatio quæ	38
Genus quid	159	Insinuationis & prin-	6
Gloria quid	257	cipij discrimen	6
Gorgias Leontinus	134	Insinuationis usus	146
Gracchus	127	Insinuatio quid	144
Gradatio quid	98	Intellectio	106
Gratia	218 256	Intelligentia quid	255
H		Intentio	16
Habitus quid	158	Interpretatio	191
Helmius Maucia	210	Interrogatio qualis	88
Hermagoras	135	Inuentio in quot par-	
Hermes	10	teis diuiditur	2
Historia quid	8.149(53)	Inuentio quid	2 135
Honestæ rationis usus		locatio quid	62
Honestum causæ ge-		Iphigenia	69
nus	3 (144)	ludicatio	16 142 212
Honestū genus quale		ludicatum	218
Hortensij laus	144	ludicatum quid	29. 162
Humile genus causæ	39 256		
Humile genus quale		ludiciale genus	2134.
I	(144)	ludiciale genus unum	
Imagines quid	66	esse non posse	138
Imago quid	121 162	luridicialis pars	149
Imitatio	104	luridicialis constitutio	
Imprudencia quid	14 219		
	158 229	lustritiæ partiū usus	51
Impulsio quid	198	lustritia quid	50 219
Inconstans genus argu-		L	
mentationis	184	Ladas Cursor	75
Indignatio quid	187	Latinitas quid	84
Inductio quid	163	Laudabile quid	52
Ineptus quid apud La-		Laus rerum externa-	
tinos	33	rum	54
		Legis	



# INDEX

Legis ius	28	Memoria duplex	63
Legitima constitutio		Memoria naturalis	65
quæ	11	Menelaus	69
Lemnus	127	Misericordia quomodo	
Leue genus argumen-		do comoueat	47
tationis	182	ditoris animus	47
Libanus	122	Modestia	50. 257
Liber Attici de tempo-		Modestie partium usus	51
ribus ad Ciceronem		Modus quid	158
16 259		Mollitudo uocis quæ	
Licentia quid	108	Motus	63 (60
Lisippus	79	N	
Loci communes ex qui-		Narratio quid	3 62 149
bus preceptis sumun-		Narratio uerisimilis	
tur	46 (66	quomodo efficiatur	9
Loci in memoria quid		Narrationis conditio-	
Longum uitium exor-		nes	8
diorum	148	Narrationum genera	7
Lucilius	29	Naturæ ius	28
Lucius Accius	29	Necessitudo	14
L. Brutus	125	Negotialis constitutio	
M	216 140		
Magistratus officium	108	Nomen quid	155
Magnificetia quid	236	Nominatio	103
Magnitudo uocis un-		Notatio quid	122
deparetur	60	Numitor obsoletus	
Maestas	98	107	
Maestatem minuere	212	O	
M. Drusus	29	Obscurum genus qua-	
Marius Cratidianus	30	le	144
Materia facultatis	134	Oseruantia	218
Membrum quid	91	Occasio quid	158
Memoria artificiosa	65	Occasio quomodo	
Memoria quid	2 65 136	queratur	21

Occu



# INDEX.

Occupatio quid	99	coniecturali	19
Offensum genus argu		Probabile quid	161
mentationis	183	Probabilis narratio	
Orationis usus in figur	151		
ra graui.	79	Prometheus	87
Oratoris facultatis of		Pronominatio	104
ficium	133	Pronunciatio	259 136
Oratoris officium qua	<i>ὑποπόριον</i>		3
le	1	Propositio quid	53 171
Oratoris materia quo		Propria uerba	85
modo diuidatur	134	Proprii loci qui	22
Ordinis usus	56	Prudentia	50 158 255
P		Publicum quid	158
Pacta, pactum	29 218	P. Mutius	129
256		P. Sulpitius	15
Pacti ius	ibid.	Purgatio	14.31. 140
Par quid	218 258		229
Pars quid	159	Q	
Partitio	151	Quæstio in oratore	135
Patientia quid	256	Quæstio quid	142
Paucitas in partitione		Q. Mutius	53
153			
Permissio quid	102	R	
Permutatio	107	Ratiocinatio quid	89
Perseuerantia	257	95 198	
Perspicuum genus Ar		Ratio quid	15 33
gumentationis	183	Honestas	53
Philoctetes	103	infirma	38
Pietas	218 255	tuta	53
Populi officium	108	uana	38
Præcisio quid	103	uitiosa	ibid.
Praxiteles	79	Rationis confirmatio	
Principium	3. 144	33	
Principium in caula		Arctum quid	50 52
		Rela	



# INDEX.

Relatio criminis quid	140 223	Similiter cadens seu desinens	93
Religio	218	Similitudines rerum	
Religiosum	162	quomodo consti- tuantur	68
Remotio criminis quid	29 140	item uerborum ibid.	
Remotum genus Ar- gumentationis	132	Similitudo quid	118
Repetitio breuis om- nium quæ in libro ad Herennium dicta sunt	129	Simplex causa	141
Repetitio quid	86	Simplicis cõclusionis reprehensio	180
Reprehensio	176	Singulare quid	158
Rex nullus captiuus interficiebatur	89	Socratis institutũ	164
S		Solæcismus quid	84
Sannio	122	Sofia	120
Sapiens	115	Spacij consideratio	21
Sapientis officium	116	Spes perficiendi	ibid
Sarissæ	104	Studium quid	156
Saturninus	95 126	Subiectio quid	96
Scipio	86	Sulpitius	44
Senatus officium	108	Superlatio	105
Sententia quid	90	Suspicio ex facto	206
Seperatum ex ordiorũ uitium	148	ex negotio	ibid.
Sermocinatio	115, 124	T	
Sermo quid	61	Tarpeius mons	104
Sextus Iulius	29	Temperantia quid	256
Significatio	126	Tempus	157
Signum quid	45	quomodo quæra- tur	21
Simile quid	159	Testimonij probatio	
Simile uitiosum	45	Testis officium	108
		Tharsus	127
		Transgressio	105
		Transitio qualis	99
		Trans-	



# INDEX.

Translatio	106	Veritas	218 256
Translatio Criminis		Vindicatio	218.256
30		Vitata uerba	85
Translatiua constitu-		Vtilitas	53
tio	140	duplex in ciuili con-	
Translatum uitium		sulatione	50
exordiorum	148	Vtilitatis diuifio	53
Triptolemus	78	Vulgare uitium exor-	
Turpe genus argu-		diorum	148
mentationis	183	X	
causæ	3	Xenophon	163
Turæ rationis usus	53	Z	
Tuta Vtilitas	50	Zethus Pacuuianus	
V		23	
Veientini	24	Zeusis pictor	193

## FINIS.

ARGENTORATI PER IOSIAM RI-

helum, Anno Salutis humane

M D L X V I I I . Mense

Mai.

M. C. Ciceronis Brutus




# M. T. CICERONIS

Brutus, siue de claris Oratoribus	Lib. I.
Orator ad Brutum	Lib. I.
Topica ad Trebatium	Lib. I.
Oratoriæ partitiones	Lib. I.
De optimo genere oratorum, præfatio quædam.	

POST NAVGERIANAM ET VICTORI-  
anam correctionem emendati à IOAN.

STVRMIO.

*Aldine pagine in marginibus notatæ sunt.*



Cum Gratia & Priuilegio Cæsareo  
ad decennium.

M. D. LXVIII.



# TYPOGRAPHVS

LECTORI S.



CCIPE, beneuole & candide Lector, quos in præsentiarum Ciceronis tibi damus libros Rhetoricos, non illos quidem omnes, verum quos apud hæc vnâ cum reliquis impressos vidisti, eosdem iam separaturus sum. Mirari verò te consilium nostrum non ignoro, & fortassis iure quidem, quòd sic Ciceronis nobilissimi illius, concessu omnium inter Romanos oratoris, libri de arte oratoria, distrahi & diuelli videantur. Verum, quid consilij nos ad illud impulerit, breuiter narrabo. Sunt sanè corruptissimo hoc nostro seculo longè plurimi, quos patrimonij raritas à tot tantisq; autoribus, quibus commodè ad excolenda ingenia vti possent, auocat. Horum igitur vt (quod decet) ratio quædam habeatur, consilium hoc, post longam deliberationem & meditationem inuentum, ineundum esse duximus, ut ex libris illis Oratorijs in Tomos 3 distinctis, eos quibus opus foret, sibi cõparare possent. Facta est illa distributio absq; iniuria & detrimento autoris, neq; quidquam omninò à prius ædito Cicerone hic idem noster Cicero differt. Siquidem & Aldinæ & antiquæ nostræ paginæ obseruatæ sunt, ita vt per coniunctionem quandam catenæ instar factam numerus Tomorum 3 Rhetoricorum sibi inuicem cohæreat.

Nullam igitur meritò nos culpam incurere posse confidimus. Vale. Datum ex officina nostra.



510

# M. T. CICERONIS

## DE CLARIS ORATORIBUS,

bus, qui dicitur Brutus.

(a)

165



VM ē Cilicia decedens Rhodum uenif-  
 sem, <sup>et eo mihi de Q. Hortensij mor-</sup>  
 te esset allatum: opinione omnium ma-  
 iorem animo cepi dolorem. Nam et  
 amico amisso, cum consuetudine iucun-  
 da, tum multorum officiorum coniunctione me priua-  
 tum uidebam: et interitu talis auguris dignitatem no-  
 stri collegij diminutam dolebam. quā in cogitatione, et  
 cooptatum me ab eo in collegium recordabar, in quo iu-  
 ratum iudicium dignitatis meae fecerat: et inauguratum  
 ab eodem, ex quo augurū institutis in parentis cum lo-  
 co colere debebam. Augebat etiam molestiam, quod ma-  
 gna sapientium ciuium, bonorumq; penuria, uir egregi-  
 us, coniunctissimusq; mecum consiliorū omnium socie-  
 tate, alienissimo reipub. tempore extinctus, et autori-  
 tatis et prudentiae suae triste nobis desiderium reliquerat.  
 Dolebamq; quod non, ut pleriq; putabant, aduersarium,  
 aut obtrectatorem laudum mearū, sed socium potius, et  
 consortem gloriosi laboris amiseram. Etenim si in leuior-  
 um artium studio memoriae proditum est, poetas nobi-  
 les poetarum aequaliū morte doluisse: quo tandem ani-  
 mo eius interitum ferre debui, cum quo certare erat glo-  
 riosius, quā omnino aduersarium nō habere: cum prae-  
 sertim non modò nunquam sit aut illius à me cursus im-  
 peditus, aut ab illo meus: sed contrā semper alter ab al-  
 tero adiutus, et cōmunicando, et monendo, et fauendo.

a ij



Sed quoniam perpetua quadā felicitate usus ille, cessit ē uita, suo magis quā suorum ciuū tempore: & tum occidit, cū lugere facilius repub. posset, si uiueret, quā iuuare: uixitq; tam diu, quā licuit in ciuitate bene beateq; uiuere: nostro incōmodo detrimentoq;, si est ita necesse, doleamus: illius uerō mortis opportunitatem beneuolentia potius quā misericordia prosequamur: ut quotiescunq; de clarissimo & beatissimo uiro cogitemus, illū potius quā nosmetipsos diligere uideamur. Nam si dolemus, quod eo iam frui nobis nō licet, nostrū est id malum, quod modicē feramus: ne id non ad amicitiam, sed ad domesticam utilitatē referre uideamur. sin tanquam illi ipsi acerbitatis aliquid acciderit, angimur, summam eius felicitatem nō satis grato animo interpretamur. Etenim si uiueret Q. Hortensius, cætera fortasse desideraret unā cum reliquis bonis & fortibus ciuibus: hunc autem & (b) præter ceteros, aut cum paucis sustineret dolorem, cū forum Populi R. quod fuisset quasi theatrum illius ingenij, uoce erudita, & Romanis Græcisq; auribus digna, spoliatum atq; orbatum uideret. Equidem angor animo, non consilij, nō ingenij, non auctoritatis armis egere repub. quæ didicerā tractare, quibusq; me assuefecerā, quæq; erant propria cū præstantis in repub. uiri, tum benē moratæ & bene constitutæ ciuitatis. Quod si fuit in repub. tempus ullum, cū extorquere arma posset ē manibus iratorum ciuū boni ciuis auctoritas, & oratio: tum profectō fuit, cū patrociniū pacis exclusum est aut errore hominum, aut timore. Ita nobismetipsis accidit, ut quanquā essent multō magis alia lugenda: tamen hoc doleremus, quod quō tēpore etas nostra perfunctā rebus amplissimis tanquā  
in poro



in portum confugere deberet, non inertie neq; desidia,  
sed ocij moderati atq; honesti: cumq; ipsa oratio iam no-  
stra canesceret, haberetq; suam quandam maturitatem,  
& quasi senectutem: tum arma sunt ea sumpta, quibus  
illi ipsi qui didicerant eis uti gloriose, quemadmodum  
salutariter uterentur, non reperiebant. Itaq; ij mihi ui-  
dentur fortunatè beateq; uixisse, cum in cæteris ciuita-  
tibus, tum maximè in nostris: quibus cum autoritate,  
rerumq; gestarum gloria, tum etiam sapientie laude  
perfrui licuit. Quorum memoria & recordatio in maxi-  
mis nostris grauisimisq; curis iucunda sanè fuit, cum in  
eam nuper ex sermone quodam incidissemus. Nam cum  
inambularem in xysto, & essem otiosus domi, M. ad me  
Brutus, ut consueuerat, cū Tito Pomponio uenerat: ho-  
mines cum inter se coniuncti, tum mihi ita cari, itaq; iu-  
cundi, ut corū aspectu omnis, quæ me angebat, de Rep.  
cura cōfederit. quos postquā salutauī, Quid uos, inquā,  
Brute & Attice, nunc quid tandem noui? Nihil sanè, in-  
quit Brutus, quod quidem aut tu audire uelis, aut ego  
pro certo dicere audeam. Tum Atticus: Eo, inquit, ad te  
animo uenimus, ut de Repub. esset silentium: & aliquid  
audiremus potius ex te, quàm te afficeremus ulla mole-  
stia. Vos uerò, inquā, Attice, & presentem me cura le-  
uatis, & absenti magna solatia dedistis. nam uestris pri-  
mum literis recreatus, me ad pristina studia reuocauī.  
Tum ille: Legi, inquit, perlubèter epistolam, quam ad te  
Brutus misit ex Asia: qua mihi usus est & monere te  
prudèter, et consolari amicissimè. Rectè, inquā, est ui-  
sus, nam me istis scito literis, ex diuturna perturbatione  
totius ualetudinis, tanquam ad aspiciendam lucem esse  
reuocatum. Atque ut post Cannensem illam calamita-



tem primum Marcelli ad Nolam prælio populus se Ro-  
manus erexit, posteaq; prosperæ res deinceps multæ cõ-  
secute sunt: sic post rerum nostrarum, & communium  
166 (a) grauissimos casus, nihil ante epistolâ Bruti mihi ac-  
cidit, quod uellẽ, aut quod aliqua ex parte solitudines  
alleuaret meas. Tum Brutus, uolui id quidem efficere  
certẽ, & capio magnum fructum: siquidem quod uolui,  
tanta in re consecutus sum. Sed scire cupio quæ te Attici  
literæ delectauerint? Iste uerò inquam, Brute, non mo-  
dò delectationem mihi, sed etiam, ut spero, salutem attu-  
lerunt. Salutem, inquit ille? quod nam tandem genus  
istuc tam præclarum literarum fuit? An mihi potuit  
inquam esse aut gratior ulla salutatio, aut ad hoc tem-  
pus aptior, quàm illius libri: quo me hic affatus, quasi ia-  
centem excitauit? Tum ille, nempe cum dicis, inquit,  
quo iste omnem rerum memoriam breuiter, & ut mihi  
quidem uisum est, perdiligenter complexus est. Istum  
ipsum inquam, Brute, dico librũ mihi saluti fuisse. Tum  
Atticus: Optatissimum mihi quidem est, quod dicis. sed  
quid tandem habuit liber iste, quod tibi aut nouũ, aut tã-  
to usui posset esse? Ille uerò, & noua, inquã, mihi quidẽ  
multa, & eam utilitatem, quam requirebam, ut explica-  
tis ordinibus temporũ, uno in conspectu omnia uiderẽ,  
quæ cùm studiosẽ tractare cõpissẽ, ipsa mihi tractatio  
literarũ salutaris fuit: admonuitq;, Pomponi, ut à te ipso  
sumerem aliquid ad me resciciendũ, teq; remunerandum,  
si non pari, at grato tamen munere. quãquã illud Hesio  
diũ laudatur à doctis, quod eadẽ mensura reddere iu-  
bet qua acceperis: aut etiã cumulatiorẽ, si possis. Ego au-  
tem uoluntatem tibi profectò ematiar: sed ipsam nondũ  
posse uideor; idq; ut ignoscas, à te peto. Nec enim ex no-



uis ( ut agricolæ solent ) fructibus est, unde tibi reddam, quod accepi: sic omnis fœtus repressus, exustusq; flos siti ueteris ubertatis exaruit: nec ex conditis, qui iacent in tenebris, & ad quos omnis nobis aditus, qui penè solis patuit, obstructus est. Seremus igitur aliquid, tanquã in inculto & derelicto solo: quod ita diligenter colamus, ut impendijs etiã augere possimus largitatẽ tui muneris. modò idem noster animus efficere possit, quod ager: qui, cum multos annos quieuit, uberiores efferre fruges solet. Tum ille: Ego uerò & expectabo ea quæ polliceris, neq; exigam nisi tuo commodo: & erunt mihi pergrata, si solueris. Mihi quoq; inquit Brutus, & expectanda sunt ea quæ Attico polliceris: & si fortasse ego à te huius uoluntarius procurator petam, quod ipse cui debes, incommodo exacturum negat.

At uerò, inquam, tibi ego, Brute, non soluam, nisi prius à te cauero, amplius eo nomine neminem, cuius petitiõ sit, petiturum. Non mehercule, inquit, tibi repromittere istuc quidem ausus sim: nam hunc qui negat, uideo flagitatorem, non illum quidem tibi molestum, sed assiduum (b) tamen & acrem fore. Tum Pomponius: Ego uerò, inquit, Brutum nihil mentiri puto. Videor enim iam te ausurius esse appellare, quoniam longo interuallo modò primum animaduerti paulò te hilariorẽ. Itaq; quoniam hic quod mihi deberetur se exacturum professus est, quod huic debes, ego à te peto.

Quid nam id, inquam? Vt scribas, inquit, aliquid. iam pridem enim cõticuerũt tuæ literæ. Nam, ut illos de rep. libros edidisti, nihil à te sanè postea accepimus: eisq; nosmetipsi ad rerũ memoriã comprehendendã impulsĩ atq; incẽsi sumus. Sed illa, cũ poteris, atq; ut possis



rogo. Nunc uerò, inquit, si es animo uacuo, expone nobis, quod querimus. Quidnam est id, inquam? Quod mihi nuper in Tusculano inchoasti de oratoribus, quando esse cœpissent: qui etiā, & quales fuissent. Quem ego sermonem cum ad Brutum tuum, uel nostrū potius, detulissem, magnoperè hic audire se uelle dixit. Itaq; hunc elegimus diem, cum te sciremus esse uacuum. Quare si tibi est commodum, ede illa quæ cœperas, & Bruto, & mihi. Ego uerò, inquam, si potuero, faciam uobis satis. Poteris, inquit: relaxa modò paulum animum, aut sanè (si potes) libera. Nempè igitur hinc tum; Pomponi, ductus est sermo: quod erat à me mentio facta, causam Deiotari fidelissimi atq; optimi regis, ornatisimè & copiosissimè à Bruto me audisse defensam. Scio, inquit, ab isto initio tractum esse sermonem: teq; Bruti dolentem uicem, quasi defleuisse iudiciorum uasitatem, & fori. Feci, inquam, istuc quidem, & sepe facio. Nam mihi, Brute, in te intuenti, crebrò in mentem uenit uereri, eequod'nam curriculum aliquando sit habitura tua & natura admirabilis, & exquisita doctrina, & singularis industria. Cum enim in maximis causis uersatus esses, et cum tibi ætas nostra tam cederet, fascesq; summitteret, subito in ciuitate cū alia ceciderunt: tum etiam ea ipsa, de qua disputare ordimur, eloquentia obmutuit. Tum ille: Caterarum rerū causa, inquit, istuc & doleo, & dolendum puto. Dicendi autem me: non tam fructus, & gloria, quàm studium ipsum, exercitatioq; delectat: quod mihi nulla res eripiet, te præsentim tam studioso. Etenim dicere bene nemo potest, nisi qui prudenter intelligit. Quare qui eloquentiæ ueræ dat operam, dat prudentiæ: quæ ne maximis quidē in bellis æquo animo

carere

*Eloquentia et in  
bellis ualeat*



carere quisquam potest. Præclare inquam, Brute dicis. eoq; magis ista dicendi laude delector, quod cætera, quæ sunt quondam habita in ciuitate pulcherrima, nemo est tam humilis, qui se non aut posse adipisci, aut adeptum putet. Eloquentem neminem uideo factum esse uictoria. Sed quò facilius sermo explicetur, sedentes, si uidetur, agamus. Cum idem placuisset (a) illis, tum in pratulo 167 propter Platonis statuam consedimus. Hic ego: Laudari igitur eloquentiam, & quanta uis sit eius expromere, quantamq; ijs qui sint eam consecuti, dignitatem asferat, neq; propositum nobis est hoc loco, neq; necessarium. Hoc uerò sine ulla dubitatione confirmauerim, siue illa arte pariatur aliqua, siue exercitatione quadam, siue natura, rem unam esse omnium difficilissimam: quibus enim ex quinq; rebus constare dicitur, earum unaquæq; est ars ipsa magna per sese. Quare quinq; artium concursus maximarum, quantam uim, quantamq; difficultatem habeant, existimari potest. Testis est Græcia, quæ cum eloquentiæ studio sit incensa, iamdiuq; exellat in ea, præstetq; cæteris: tamen omneis artes uetustiores habet, & multo antè non inuentas solum, sed etiam perfectas, quàm hæc est à Græcis elaborata dicendi uis atq; copia. In quam cum intueor, maximè mihi occurrit, Attice, & quasi lucet Athenæ tuæ: qua in urbe primum se orator extulit, primumq; etiam monumentis & literis oratio est cœpta mandari: tamen ante Periclem, cuius scripta quedam feruntur, & Thucydidem, qui non nascentibus Athenis, sed iam adultis fuerunt, litera nulla est quæ quidem ornatum aliquem habeat, & oratoris esse uideatur. Quamquam opinio est, & cum qui multis annis ante hos fuerit, Pisistratum, & paulò

*Arts ad com-  
mendandam eloquentiam  
non multum con-  
ferunt*



seniorem etiam Solonem, posteaq; Clisthenem multum  
 (ut temporibus illis) ualuisse dicendo. Post hanc aetatem  
 aliquot annis, ut ex Attici monumentis potest perspicui,  
 Themistocles fuit, quem constat cum prudentia, tum etiam  
 eloquentia praestitisse: post Pericles, qui cum flore-  
 ret omni genere uirtutis, hac tamen fuit laude clarissi-  
 mus. Cleonem etiam temporibus illis turbulentum illum  
 quidem ciuem, sed tamen eloquentem constat fuisse, huius  
 aetati suppare Alcibiades, Critias, Theramenes: quibus  
 temporibus, quod dicendi genus uiguerit, ex Thucydi-  
 dis scriptis, qui ipse tum fuit, intelligi maxime potest.  
 Grandes erant uerbis, crebri sententijs, compressione re-  
 rum breues, & ob eam ipsam causam interdum subob-  
 scuri. Sed ut intellectum est, quantam uim haberet accu-  
 rata, & facta quodammodo oratio, tum etiam magistri  
 dicendi multi subito extiterunt, tum Leontinus Gorgias,  
 Thrasimachus Chalcedonius, Protagoras Abderites,  
 Prodicus Chius, Hippas Elaeus in honore magno fuit:  
 alijq; multi temporibus eisdem docere se profitebantur,  
 arrogatibus sane uerbis, quemadmodum causa inferior  
 (ita enim loquebantur) dicendo fieri superior posset. His  
 opposuit sese Socrates, qui subtilitate quadam disputan-  
 di refellere corum instituta solebat uerbis. Huius ex uber-  
 rimis sermonibus extiterunt doctissimi uiri, primumq;  
 tum philosophia, (b) non illa de natura, quae fuerat anti-  
 quior, sed haec, in qua de bonis rebus & malis, deq; ho-  
 minum uita & moribus disputatur, inuenta dicitur.  
 quod quoniam genus ab hoc quod proposuimus abhor-  
 ret, Philosophos aliud in tempus reijciamus: ad orato-  
 res, a quibus digressi sumus, reuertamur. Extitit igitur  
 iam senibus illis, quos paulo ante diximus, Socrates,

*Leontinus Gorgias  
 non uultu ualens,  
 sed & uerbis do-  
 cebat Auditoria.*

*Socrati*



cuius domus cunctæ Græciæ quasi ludus quidam patuit,  
 atq; officina dicendi magnus orator, & perfectus magi-  
 ster: quanquam forensi luce caruit, intraq; parietes alu-  
 it eam gloriâ, quam nemo quidem meo iudicio, est po-  
 stea consecutus. is & ipse scripsit multa præclare, & do-  
 cuit alios: & cum cætera melius quàm superiores, tum  
 primus intellexit etiam in soluta oratione, dum uersum  
 effugeres, modum tamen & numerum quendam opor-  
 tere seruari. Ante hunc enim uerborum quasi structura,  
 & quædã ad numerum conclusio nulla erat: aut si quan-  
 do erat, non apparebat eam dedita opera esse quæsità:  
 quæ forsitan laus sit, ueruntamen natura magis, tū casu  
 nonnunquam, quàm aut ratione aliqua, aut observatio-  
 ne fiebat. Ipsa enim natura circumscriptione quadam  
 uerborum comprehendit, concluditq; sententiam. Quæ  
 cum aptis constricta uerbis est, cadit etiam plerunque  
 numerosè. Nam & aures ipse quid plenum, quid inane  
 sit, iudicant: & spiritu quasi necessitate aliqua, uerbo-  
 rum comprehensio terminatur: in quo nõ modo defici,  
 sed etiam laborare turpe est. Tum fuit Lysias ipse qui-  
 dem in causis forensibus non uersatus, sed egregiè subti-  
 lis scriptor atq; elegans: quem iam prope audeas ora-  
 torem perfectum dicere. nam planè quidem perfectum,  
 & cui nihil admodum desit, Demosthenem facile dixe-  
 ris, nihil acutè inueniri potuit in eis causis, quas scri-  
 psit, nihil (ut ita dicã) subdole, nihil uersutè, quod ille  
 non uiderit: nihil subtiliter dici, nihil pressè, nihil enu-  
 cleatè, quo fieri possit aliquid limatius: nihil cõtrã gran-  
 de, nihil incitatum, nihil ornatum uel uerborum graui-  
 tate, uel sententiarum, quo quicquam esset elatius. Huius  
 Hyperides proximus, & Aeschines fuit, & Lycurgus,



& Dinarchus, & is cuius nulla extant scripta, Demas-  
 des, alijq; plures. Hæc enim ætas effudit hanc copiã: &  
 ut opinio mea fert, succus ille, & sanguis incorruptus  
 usq; ad hanc ætatẽ oratorũ fuit, in qua naturalis inesset,  
 nõ fucatus nitor. Phalereus enim successit eis senib; ado-  
 lescens, eruditissimus ille quidẽ horũ omnium, sed nõ tam  
 armis institutus, quàm palestra: itaq; delectabat magis  
 Athenienses, quàm inflammabat. processerat enim in so-  
 lem & puluerem, non ut è militari tabernaculo, sed ut è  
 168 Theophrasti doctissimi (a) hominis umbraculis: hic pri-  
 mus inflexit orationem, et eã mollem tenerãq; reddidit.  
 & suavis, sicut fuit, uideri maluit, quàm grauis: sed sua-  
 uitate eã, qua persunderet animos, nõ qua perfringeret:  
 & tantũ ut memoriã cõcinnitatis suæ, nõ quemadmodũ  
 de Pericle scripsit Eupolis, cũ delectatione aculeos etiã  
 relinqueret in animis eorũ à quibus esset auditus. Vidẽs  
 ne igitur, ut in eã ipsa urbe, in qua & nata & alta sit  
 eloquentia, quàm eã serò prodierit in lucem? Siquidem  
 ante Solonis ætatem, & Pisistrati, de nullo, ut diserto,  
 memoriæ proditum est. At hi quidem, ut Populi Ro.  
 ætas est, senes, ut Atheniensium secla numerantur, adole-  
 scentes debent uideri. Nam etsi Seruio Tullo regnante  
 uiguerunt, tamen multò diutius Athenæ iã erant, quàm  
 est Roma ad hodiernum diem: nec tamen dubito, quin  
 habuerit uim magnam semper oratio. Neq; enim iam  
 Troicis temporibus tãtum laudis in dicendo Vlysi tri-  
 buisset Homerus, & Nestori, quorum alterum uim habe-  
 re uoluit, alterum suauitatem, nisi iam tum esset honos  
 eloquentia. neq; ipse Poëta hic eã idem ornatus in dicen-  
 do, ac planè orator fuisset, cuius etsi incerta sunt tempo-  
 ra, tamen annis multis fuit ante Romulum: siquidẽ non  
 infra



infra superiorem Lycurgum fuit, à quo est disciplina Lacedæmoniorum astricta legibus. Sed studium eius generis, maiorq; uis agnoscitur in Pisistrato. Deniq; hunc proximo seculo Themistocles infecutus est: ut apud nos, per antiquus: ut apud Athenienses, non ita sanè uetus. fuit enim regnante iam Græcia, nostra aut cuitate non ita pridem dominatu regio liberata, nā bellum Volscorum illud grauissimum, cui Coriolanus exul interfuit, eodem ferè tempore, quo Persarū bellum fuit, similisq; fortuna clarorum uirorum, siquidem uterq; cum ciuis egregius fuisset, populi ingrati pulsus iniuriā, se ad hostes contulit, conatumq; iracundiæ suæ morte sedauit. nam etsi aliter est apud te, Attice, de Coriolano: concede tamen, ut huic generi mortis potius assentiar. At ille ridens: Tuo uerò, inquit, arbitrato, quoniā quidem concessum est rhetoribus ementiri & in historijs, ut aliquid dicere possint argutius. ut enim tu nūc de Coriolano: sic Clitarchus, sic Stratocles de Themistocle finxit. Nam quem Thucydides, qui & Atheniensis erat, & summo loco natus, summusq; uir, & paulò etate posterior, tantum mortuum scripsit, & in Attica clām humatum, addidit fuisse suspicionem ueneno sibi consciuisse mortem: hunc isti aiunt, cum taurum immolauisset, excepisse sanguinem patera, & eo poto, mortuum concidisse. hanc enim mortem rhetoricè: & tragicè ornare potuerunt, illa mors uulgaris nullam præbebat materiem ad ornatū. Quare quoniā tibi quadrat, omnia (b) fuisse in Themistocle paria, & Coriolano, pateram quoq; à me sumas licet: præbebo etiam hostiam, ut Coriolanus sit plañe alter Themistocles. Sit sanè, inquam, ut lubet de isto & ego cautiùs posthac historiam attingam te audieme,

quere



quem rerum Romanarum autorem laudare possum religiosissimum. Sed tum ferè Pericles Xantippi filius, de quo antè dixi, primus adhibuit doctrinā: quæ quanquā tum nullā erat dicendi, tamen ab Anaxagora physico eruditus exercitationem mentis à reconditis abstrusisq; rebus ad causas forenses, popularesq; facillè traduxerat, huius suauitate maximè hilaratæ sunt Athenæ, huius ubertatem & copiam admiratæ, eiusdem uim dicendi, terroremq; timuerunt. Hæc igitur ætas prima Athenis oratorem propè perfectū tulit, Nec enim in constituentibus reip. nec in bella gerentibus, nec in impeditis, ac regum dominatione deuinctis, nasci cupiditas dicendi solet. Pacis est comes, oculiq; socia, & iam bene constitutæ ciuitatis quasi alumna quædā eloquentia. Itaq; ait Aristoteles, cum sublatis in Siciliam tyrannis res priuatæ longo intervallo iudicijs repeterentur: tum primum, quod esset acuta illa gens & controuersa naturā, artes & præcepta Siculos Coracem & Tisiam conscripsisse. Nam antea neminem solitum uia nec arte, sed accuratè tamen, & de scripto plerosq; dicere: scriptasq; fuisse: & puratas à Protagora rerum illustrium disputationes, quæ nunc communes appellantur loci. Quod idem fecisse Gorgiam, cum singularem rerum laudes, uituperationesq; conscripsisset, quod iudicaret hoc oratoris esse maxime proprium, rem augere posse laudando, uituperandoq; rursus affligere. Huic Antiphontem Rhamnusium similia quædam habuisse cōscripta, quo neminem unquam melius ullam orauisse capitis causam, cum se ipse defenderet, se audiente locuples author scripsit Thucydides. Nam Lysiam primò profiteri solitum artem esse dicendi, deinde quod Theodorus esset in arte subtilior,



subtilior, in orationibus autem ieiunior: orationes eum scribere alijs cœpisse, artem remouisse. Similiter Isocratem primò artè dicendi esse negauisse, scribere aut alijs solitum orationes, quibus in iudicijs uterentur: sed cum ex eo, quia quasi committeret contra legem, quo quis iudicio circumueniretur, sæpè ipse in iudiciũ uocaretur, orationes alijs destituisse scribere, totiq; se ad artes componendas transulisse. Et Græciæ quidem oratorũ par-  
tus atq; fontis uides ad nostrorum annalium rationem ueteres, ad ipsorũ sanè recentes. Nā antequàm delectata est Atheniensũ ciuitas hac laude dicendi, multa iam memorabilia & in domesticis, & in bellicis rebus effe-  
rat. Hoc aut studiũ nō erat cōmune Græciæ. (a) sed pro-  
priũ Athenarũ. quis enim aut Argiũ oratorẽ, aut Co-  
rinthium, aut Thebanum scit fuisse tēporibus illis: nisi  
quid de Epaminunda docto homine suspicari licet. Lace-  
dæmoniũ uerò usq; ad hoc tempus audiui fuisse nennĩ.  
Menelaum ipsum, dulcem illũ quidem tradit Homerus,  
sed pauca dicentem. breuitas autem laus est interdum in  
aliqua parte dicendi, in uniuersa eloquentia laudem nō  
habet. Ac uerò extra Græciã magna dicendi studia fue-  
runt, maximiq; huic laudi habiti honores illustre orato-  
rum nomen reddiderunt. Nam, ut semelè Peireæo elo-  
quentia euecta est, omnes peragrauit insulas, atq; ita pe-  
regrinata tota Asia est, ut se externis oblineret mori-  
bus, omnemq; illam salubritatem Atticæ dictionis, quasi  
sanitatem perderet, ac loqui penè dedisceret. Hinc Asiati  
ci oratores nō contemnendi quidem, nec celeritate, nec  
copia: sed parum pressi, & nimis redundantes. Rhodij  
saniores, & Atticorũ similes. sed de Græcis hæcenus.  
Et enim hæc ipsa forsitan fuerunt non necessaria. Tum

Brutus:



Brutus: Ista uerò, inquit, quàm necessaria fuerint, nō facile dixerim: iucunda certè mihi fuerunt, neq; solū nō longa, sed etiam breuiora quàm uellem. Optimè, inquit: sed ueniamus ad nostros, de quibus difficile est plus intel ligere, quàm quantū ex monimētis suspicari licet. Quis enim putet aut celeritatē ingenij L. Bruto illi nobilitatis uestre principi defuisse? qui de matre suauanda ex oraculo Apollinis tā acutè arguteq; coniecerit, qui summam prudentiā simulatione stulticie texerit, qui potentissimū regem, clarissimū regis filium expulerit, ciuitatemq; perpetuo dominatu liberatā, magistratibus annu is, legibus, iudicijsq; deuinxerit: qui collegæ suo imperiū abrogauerit, ut è ciuitate regalis nominis memoriā tolleret: quod certè effici non potuisset, nisi esset oratione persuasum. Videmus item paucis annis post reges exactos, cum plebs prope ripā Anienis ad tertium miliariū cōsedisset, eumq; montē, qui Sacer appellatus est, occupauisset, M. Valeriū dictatōrē dicendo sedauisse discordias, eiq; ob eam rem honores amplissimos habitos, et eum primū ob eā ipsam causam Maximū esse appellatū. Ne L. Valerium quidē potitū arbitror, non aliquid potuisse dicendo, qui post decemuralem inuidiam plebem in partes incitatam, legibus et concionibus suis mitigauerit. Possumus Appium Claudium suspicari disertum, quia senatū iam iam inclinatum, à Pyrrhi pace reuocauerit. Possumus C. Fabricium, quia sit ad Pyrrhum de captiuis recuperandis missus orator: T. Coruncanum, quòd ex pontificum commentarijs longè plurimum ingenio ualuisse uideatur. M. Curium, quòd is tribunus pl. inter rege Appio Cœco diserto homine comitia contra leges habente, (b) cum de plebe consulem non accipieb.



accipiebat, patres ante authores fieri coëgerit, quod fuerit permagnum, nondum lege Menia lata. Licet aliquid etiã de M. Popilij ingenio suspicari, qui cum consul esset, eodemq; tempore sacrificium publicũ cum lana faceret, quod erat flamen Carmentalis, plebis contra patres concitatione & seditione nunciata, ut erat lana amictus, ita uenit in concionem, seditionemq; cum auctoritate, tum oratione sedauit. Sed eos oratores habitos esse, aut omnino tum ullum eloquentiæ præmium fuisse, nihil sanè mihi legisse uideor, tantummodò coniectura duor ad suspicandum. Dicitur etiam C. Flaminius, is qui tribunus pl. legem de agro Gallico & Piceno uiritim diuidendo tulerit, qui consul apud Trasimenũ sit interfectus, ad populum ualuisse dicèdo. Quintus etiam Maximus Verrucosus orator habitus est temporibus illis, et Q. Metellus, is qui bello Punico secundo cum L. Veturio collega Philoni consul fuit. Quem uerò extet, & de quo sit memoriæ proditum eloquentem fuisse, & ita esse habitum, primus est M. Cornelius Cethegus, cuius eloquentiæ est author, & idoneus quidem mea sententia, Q. Ennius, præsertim cum & ipse cum audiuerit, & scribat de mortuo, ex quo nulla suspicio est, amicitia causa esse mentitum. Est igitur sic apud illũ in nono (ut opinor) Annali:

Additur orator Cornelius suauiloquenti  
Ore Cethegus Marcus Tuditano collega,

Marci filius, & oratorẽ appellat, & suauiloquentiã tribuit, quæ nunc quidẽ non tam est in plerisque, latrant enim iam quidam oratores, nõ loquũtur: sed est ea laus eloquentiæ certè maxima.

Is dictus ollis popularibus olim,

*Lana è uisus  
multiebat ab  
longo, quod  
est caput  
et uerba.*



Qui tum uiuebant homines, atq; æuū agitabant,  
Flos delibatus populi. ( Probe uerò. ut enim hominis  
decus ingenium, sic ingenij ipsius lumen est eloquentia,  
qua uirum excellentem præclare tum illi homines florē  
populi esse dixerunt: ) — Suadēq; medulla.

*παιδα* quam uocant Græci, cuius effector est ora-  
tor, hanc Suadam appellauit Ennius, eius autem Cethe-  
gum medullam fuisse uult, ut quā deam in Periclis la-  
bris scripsit Eupolis seſſitauisse, huius hic medullam no-  
strum oratorem fuisse dixerit. At hic Cethegus Cos.  
cum P. Tuditano fuit bello Punico secundo, quæstorq;  
his consulibus M. Cato, modò planè annis c x l ante  
me consulem, & id ipsum nisi unius esset Ennij testi-  
monio cognitum, hunc uetustas, ut alios fortasse mul-  
tos, obliuione obruisset. Illius autem ætatis qui sermo  
fuerit, ex Næuianis scriptis intelligi potest. his enim  
170 consulibus, ut in ueteribus (a) commentarijs scriptum  
est, Næuius est mortuus. quanquam Varro noster di-  
ligentissimus inuestigator antiquitatis, putat in hoc er-  
ratum, uitamq; Næuij producit longius. Nam Plautus  
P. Claudio, L. Tertio uiginti annis post illos, quos ante  
dixi, consules mortuus est, Catone censore. Hunc igitur  
Cethegum consecutus est ætate Cato, qui annis i x post  
eum fuit consul. Eum nos, ut per ueterem habemus,  
qui L. Martio, M. Manilio Coss. mortuus est annis  
l x x x i i i, ipsis ante me consulem. Nec uerò hæ-  
beo quenquam antiquiorem, cuius quidem scripta pro-  
ferenda putem, nisi quem Appij Cæci oratio hæc ipsa  
de Pyrrho, & nonnullæ mortuorum laudationes fortè  
delectant. & hercules hæc quidem extant: ipse enim sa-  
mulie sua quasi ornamenta ac monimenta seruabant,  
& ad



Et ad usum, si quis eiusdem generis occidisset, et ad  
 memoriam laudum domesticarum, et ad illustrandum  
 nobilitatem suam, quanquam his laudationibus histo-  
 ria rerum nostrarum est facta mendosior. multa enim  
 scripta sunt in eis, quae facta non sunt, falsi triumphi,  
 plures consulatus, genera etiam falsa, et ad plebē tran-  
 sitiones, cum homines humiliores in alienum eiusdem  
 nominis infunderentur genus: ut si ego me à M. Tullio  
 esse dicerem, qui patricius cum Seruio Sulpitio consul  
 anno decimo post exactos reges fuit. Catonis aut oratio-  
 nes non minus multae ferè sunt, quam Attici Lysiae, cuius  
 arbitror plurimas esse. est enim Atticus, quoniam certè  
 Athenis est et natus, et mortuus, et functus omni ciuium  
 munere: quanquā Timaeus eū, quasi Licinia et Mutia le-  
 ge, repetit Syracusas. et quodammodo est nonnulla in ijs  
 etiam inter ipsos similitudo: acuti sunt, elegantes, faceti,  
 breues. Sed ille Graecus ab omni laude felicitior. habet e-  
 nim certos sui studiosos, qui non tam habitus corporis  
 opimos, quam gracilitates consecretentur, quos, ualetudo  
 modò bona sit, tenuitas ipsa delectat. quanquā in Lysia  
 sunt saepe etiam lacerti, sic ut et fieri nihil posset ualen-  
 tius: uerū est certè genere toto strigiosior, sed habet tamē  
 suos laudatores, qui hac ipsa eius subtilitate admodum  
 gaudeant. Catonē uerò quis nostrorū oratorū, qui qui-  
 dem nunc sunt, legit? aut quis nouit omnino? At quē ui-  
 rum (dij boni) nullo ciuem, aut senatorem, aut impera-  
 rem? oratore enim hoc loco querimus. quis illo grauior  
 in laudando? acerbior in uituperando? in sententijs argu-  
 tior? in dicendo edifferendoq; subtilior? Refertae sunt o-  
 rationes amplius centū quinquaginta, quas quidem ad-  
 huc inuenerim, et legerim, et uerbis et rebus illustri-



bus: licet ex his eligant ea quæ natione & laude digna  
sint, oēs oratoriæ uirtutes in eis reperientur. Iā uerò ori-  
gines eius quæ florē, aut quod lumē eloquētiæ nō habēt?  
amatores huic desunt, sicuti multis iam antē (b) seculis,  
& Philisto Syracusio, & ipsi Thucydidi. Nam, ut horū  
cōcisis sententijs, interdū etiā nō satis apertis cū breui-  
tate, tum nimio acumine, officit Theopompus elatione  
atq; altitudine orationis suæ, quod idē Lysia Demosthe-  
nes: sic Catonis luminibus obstruxit hæc posteriorū qua-  
si exaggerata altius oratio. Sed & in nostris inscitia est,  
quod ij ipsi qui in Græcis antiquitate delectantur, eaq;  
subtilitate, quam Atticā appellant, hāc in Catone nō no-  
uerūt quidem: Hyperida uolūt esse, & Lysia, laudo. sed  
cur nolunt Catonis? Attico genere dicendi se gaudere di-  
cūt: sapienter id quidem. atq; utinā imitarentur, nec ossa  
solū, sed etiā sanguinem: gratum est tamen quod uolunt.  
cur igitur Lysias & Hyperides amatur, cū penitus igno-  
retur Cato? antiquior est huius sermo, & quædam hor-  
ridiora uerba. ita enim tum loquebantur. id muta, quod  
tum ille nō potuit: & adde numeros, et aptior sit oratio:  
ipsa uerba cōpone, & quasi coagmenta, quod ne Græci  
quidem ueteres factitauerūt, iā neminē antepones Cato-  
ni. Ornari orationem Græci putāt, si uerborum immuta-  
tionibus utantur, quos appellant τροπῆς: & sententia-  
rū orationisq; formis, quæ uocat σχῆματα: nō uerisimī-  
le est, quā sit in utroq; genere & creber & distinctus  
Cato. Nec uerò ignoro, nondū esse satis politū hūc orato-  
rē, & querendū esse aliquid perfectius: quippe cū ita sit  
ad nostrorum temporū rationē uetus, ut nullius scriptū  
extet dignū quidē lectione, quod sit antiquius. sed maio-  
re honore in omnib; artibus, quā in hac una dicendi,  
uersatur antiquitas. Quis enim eorum qui hæc minora

Theopompus  
quid?



animaduertunt, non intelligit Canachi signa rigidiora esse quam ut imitentur ueritatem? Calamidis dura illa quidem, sed tamē molliora, quam Canachi. nōdum Myronis satis ad ueritatem adducta: iā tamen quæ nō dubites pulchra dicere: pulchriora etiam Polycleti, & iam planē perfectā, ut mihi quidem uideri solent. Similis in pictura ratio est, in qua Zeuxis, & Polygnotus, & Timantem, & eorū qui nō sunt usi plusquam quatuor coloribus, formas & liniamenta laudamus. At in Eetione, Nicomacho, Protogene, Appelle iam perfectē sunt omnia: & nescio an reliquis in reb. omnibus idem eueniat. nihil est enim simul & inuentum, & perfectum. Nec dubitari debet, quin fuerint ante Homerum poetæ, quod ex eis carminibus intelligi potest, quæ apud illum, & in Phæacum, & in procorū epulis canuntur. Quid nostri ueteres uersus, ubi sunt?

— Quos olim Fauni, uatesq; canebant,

Cum neq; Musarum scopulos quisquam superarat, nec dicti studiosus erat ante hunc. ait ipse de se, nec mentitur in gloriando sic enim sese res(a) habet. nam & Odyssea Latina est sic, tanquam opus aliquod Dædali: & Liuiana fabulæ non satis dignæ, quæ iterum legantur. Atq; hic Liuius, qui primus fabulam C. Clodio Cæci filio, & M. Tuditano Coss. docuit, anno ipso antē quam natus est Ennius: post Romam conditā autem quartodecimo & quingentesimo, ut hic ait, quē nos sequimur, est enim inter scriptores de numero annorum controuersia. Accius autem à Q. Maximo quintum consule, captum Tarento scripsit Liuium annis xxx. postquam eum fabulam docuisse, & Atticus scribit, & nos in antiquis commentarijs inuenimus. Docuisse autem fabulam annis



post x l. C. Cornelio, Qu. Minutio Coss. ludis iuuentutis, quos Salinator Senensi praelio uouerat, in quo tantus error Accij fuit, ut his Coss. x l. annos natus Ennius fuerit. cui cum equalis fuerit Liuius, minor fuit aliquato is, qui primus fabulam dedit, quam ij qui multas docuerant ante hos Coss. & Plautus, & Nauius. Hæc si minus apta uidetur huic sermoni, Brute, Attico assigna, qui me inflammauit studio illustrium hominum ætates & tempora persequendi. Ego uerò, inquit Brutus, & delector ista quasi notatione temporum: & ad id quod instituisti, oratorum genera distinguere ætatibus, istam diligentiam esse accommodatam puto. Rectè, inquam, Brute intelligis: atq; utinam extarent illa carmina, quæ multis seclis ante suam ætatem in epulis esse cantitata à singulis cõuiuis, de clarorum uirorum laudibus, in Originibus scriptum reliquit Catortamen illius quem in uatibus & Faunis enumerat Ennius, bellum Punicum, quasi Myronis opus delectat: Sit Ennius sanè, ut est certè, perfectior: qui si illum, ut simulat, contemnerei, non omnia bella persequens, primum illud Punicum acerrimum bellum reliquisset. Sed ipse dicit, cur id faciat. Scripsere, inquit, alij rem uersibus, & luculentè quidem scripserunt, etiamsi minus, quàm tu, politè. Nec uerò tibi aliter uideri debet, qui à Næuio uel sumpsisti multa, si fateris: uel si negas, surripuisti. Cum hoc Catone grandiores natu fuerunt C. Plautius, C. Varro, Q. Maximus, Q. Metellus, P. Lentulus, P. Crassus, qui cū superiore Africano cons. fuit. Ipsum Scipionem accepimus non infantem fuisse. filius quidè eius, is qui hunc minorem Scipionem à Paulo adoptauit, si corpore ualuisset, in primis habitus esset disertus, indicant cū oratiuncula,

tum



tū historia quēdā Græca, scripta dulcissimē. Numerosq;  
eodē fuit Sex. Aelius, iuris quidē ciuilis omniū peritissi-  
mus, sed etiā ad dicendum paratus. De minoribus autē C.  
Sulpitius Gallus, qui maximē omniū nobiliū Græcis li-  
teris studuit, isq; oratorum in numero est habitus, &  
fuit reliquis rebus ornatus, atq; elegans. iam enim erat  
unctor quēdā, splendidiorq; (b) cōsuetudo loquendi.  
Nam hoc pratore ludos Apollini faciente, cū Thyesten  
fabulā docuisset Q. Martio, Gn. Seruilio Coss. mortem  
obiit Ennius. Erat iisdem temporibus T. Gracchus P. F.  
qui bis consul et censor fuit, cuius est oratio Græca apud  
Rhodios, quē ciuē cūm graue, tū etiā eloquentem cōstat  
fuisse. P. etiā Scipionem Nasicā, qui est Corculū appella-  
tus, qui item bis consul & censor fuit, habitum eloquen-  
tem: M. aliū, illius qui sacra acceperit. filiū: dicunt etiā  
L. Lentulū, qui cum C. Figulo consul fuit Q. nobiliorem  
M. filiū, iam patrio instituto deditum studio literarum:  
qui etiā Q. Ennium, qui cum patre eius in Aetolia mili-  
tauerat, ciuitate donauit, cū triumphū coloniam deduxis-  
set, et T. Annīū Luscū, huius Q. Fuluij collegā, nō indi-  
seriū dicunt fuisse. Atq; etiā L. Paulus Africani pater,  
personā principis ciuis faciliē dicendo tuebatur. At uerō  
etiam cum Catone uiuo, qui annos quinq; & lxxx  
natus excessit ē uita, cū quidem eo ipso anno cōtra Ser-  
uiū Galbā ad populū summa cōtentione dixisset, quā  
etiam orationem scriptā reliquit: sed uiuo Catone mino-  
res natu multi uno tempore oratores floruerunt. Nam  
& A. Albinus, is qui Græcē scripsit historiā, qui consul  
cum L. Lucullo fuit, & literatus & disertus fuit: & te-  
nuit cum hoc locum quendā, etiam Ser. Fuluius, & unā  
Ser. Fabius Pictor, & iuris & literarum & antiquitatis



tis bene peritus. Q. que Fabius Labeo fuit ornatus ipsa  
 dem ferè laudibus. Nam Q. Metellus, is cuius quatuor  
 filij cōsulares fuerunt, in primis est habitus eloquēs, qui  
 pro L. Cotta dixit, accusante Africano: cuius et alie  
 sunt orationes, et contra T. Gracchum exposita est in  
 C. Fannij annalibus. tum ipse L. Cotta ueterator habi-  
 tus: sed C. Lælius, et P. Africanus in primis eloquentes,  
 quorum extant orationes, ex quibus existimari de inge-  
 nijs oratorū potest. Sed inter hos etate paulū his ante-  
 cedens sine controuersia Ser. Galba eloquētia præsistit.  
 et nimirū is princeps ex Latinis, illa oratorum propria  
 et quasi legitima opera tractauit, ut egrederetur a pro-  
 posito ornandi causa, ut delectaret animos, aut permo-  
 ueret: ut auget rem, ut miserationibus, ut cōmunibus  
 locis uteretur. Sed nescio quomodo huius quē cōstat elo-  
 quentia præsistisse, exiliores orationes sunt, et redolen-  
 tes magis antiquitatem, quā aut Lælij, Scipionis, aut  
 etiam ipsius Catonis. Itaq; exaruerunt, uix iam ut ap-  
 pareant. De ipsius Lælij, et Scipionis ingenio, quanq̃  
 ea est iam, ut plurimum tribuatur ambobus, dicendi ta-  
 men laus est in Lælio illustrior. At oratio Lælij de colle-  
 gis non melior, quā de multis, quā uoles, Scipionis:  
 172 non quo illa Lælij quicquam sit dulcius, aut (a) quod de  
 religione dici possit augustius: sed multo tamen uetusti-  
 or et horridior ille quā Scipio. et cū sint in dicēdo ua-  
 ria uolūtates, delectari mihi magis antiquitate uidetur,  
 et libenter uerbis etiam uti paulo magis priscis Lælius.  
 Sed est mos hominū, ut nolint eundem pluribus rebus ex-  
 cellere. Nam ut ex bellica laude aspirare ad Africanū ne-  
 mo potest, in qua ipsa egregiū Viriati bello reperimus  
 fuisse Læliū: sic ingenij, literarū, eloquentiæ, sapientiæ  
 deniq;



deniq; & si utriq; primas, prioreis tamen libenter def-  
runt Lælio. Nec mihi cæterorū iudicio solum uidetur,  
sed etiam ipsorū inter ipsos concessu, ita tributū fuisse.  
Erat omnino tum mos, ut in reliquis rebus melior, sic in  
hoc ipso humanior, ut faciles essent in suū cuiq; tribuen-  
do. memoria teneo Smyrnæ me ex P. Rutilio Rufo au-  
diuisse, cū diceret adolescentulo se accidisse, ut ex S. C.  
P. Scipio & D. Brutus (ut opinor) cos. de re atroci  
magnaq; quærerēt. Nam cum ✕ sylua sua facta cædes  
esset, notiq; homines interfecti, insimulareturq; fami-  
lia, partim etiā liberi, societatis eius, quæ picarias de P.  
Cornelio, L. Mummiō censoribus redemisset, decreuisse  
senatū, ut de ea re cognoscerent, & statuerent consules:  
causam pro publicanis accuratē, ut semper solitus esset,  
elegantēq; dixisse Læliū. Cū cōsules re audita, amplius  
de consilij sententia pronunciauissent, paucis interposi-  
tis diebus iterū Læliū multō diligentius, meliusq; dixis-  
se, iterumq; eodē modo à consulibus rem esse prolatam:  
tum Læliū, eum cum socij domū reduxissent, egissentq;  
gratias, & ne defatigeretur, orauissent, locutum esse ita:  
se quæ fecisset honoris eorum causa, studiosē accuratēq;  
fecisse: sed se arbitrari, causam illam à Seruio Galba,  
quod is in dicendo ornatioꝝ acriorq; esset, grauius &  
uehementius posse defendi. Itaq; authoritate C. Lælij  
publicanos causam detulisse ad Galbam. Illū aut, quod  
ei uiro succedendum esset, uerecundē & dubitanter re-  
cepisse: unū quasi cōperendinatus, medium diem fuisse,  
quem totum Galbam in consideranda causa, cōponen-  
daq; posuisse, & cū cognitionis dies esset, & ipse Ru-  
tilius rogatu sociorum domum ad Galbam manē uenisse  
fet, ut eum admoneret, & ad dicendi tempus adduceret,



usq; illum quoad ei nunciatum esset, cōsules descendisse,  
 omnibus exclusis commentatum in quadam testudine  
 cum seruis literatis fuisse, quorū aliud dictare eodem à  
 tempore solitus esset. interim cū esset ei nunciatū tem-  
 pus esse, exisse in aedes eo colore & ijs oculis, ut egisse  
 causam, non commentatū putares. Addebat etiam, idq;  
 ad rem pertinere putabat, scriptores illos malè multatos  
 exisse cum Galba. Ex quo significabat, illum nō in agen-  
 do solum, sed etiam in meditando uehementem (b) atq;  
 incensum fuisse. Quid multas magna expectatione, pluri-  
 mis audientibus coram ipso Lelio, sic illam causam, tan-  
 ta ui, tantaq; gravitate dixisse Galbā, ut nulla ferè pars  
 orationis silentio præteriretur. Itaq; multis querelis,  
 multaq; miseratōne adhibita, socios, omnibus appro-  
 bantibus, illa die questione liberatos esse. Ex hac Ruti-  
 liana narratione suspicari licet, cū duæ summæ sint in  
 oratore laudes, una subtiliter disputandi ad docendum,  
 altera grauius agendi ad animos audientū permouen-  
 dos: multoq; plus proficiat is qui inflammet iudicem,  
 quàm ille qui doceat, elegantiam in Lelio, uim in Gal-  
 ba fuisse. Quæ quidem uis tum maximè cognita est, cum  
 Lusitanis à Seruio Galba prætor, contra interpositam,  
 ut existimabatur, fidē interfecisset, T. Libone tribuno pl.  
 populum incitante & rogationem in Galbam priuile-  
 gij similem ferente, summa senectute (ut antè dixi) M.  
 Cato legem suadens in Galbam multa dixit, quam ora-  
 tionem in origines suas retulit, paucis antè quàm mor-  
 tuus est, an diebus, an mensibus? Tum igitur recusans  
 Galba pro sese, & populi R. fidem implorans, cū suos  
 pueros, tum C. Galli etiam filium flens commendabat,  
 cuius orbitas & fletus mirè miserabilis fuit propter  
 recentem



recentem memoriā clarissimi patris: isq; se tum eripuit flamma, propter pueros misericordia populi commota, sicut idem scriptum reliquit Cato. Atq; etiam ipsum Libonem nō infantem uideo fuisse, ut ex orationibus eius intelligi potest. Cum hæc dixissem, & paulū interquiescuissem: Quid igitur, inquit, est causæ, Brutus, si tanta uirtus in oratore Galba fuit, cur ea nulla in orationibus eius apparet? quod mirari non possum in eis qui nihil omnino scripti reliquerunt. Nec enim est eadem, inquā Brute, causā nō scribendi, & nō tam bene scribendi, quā dixerint. Nam uidemus alios oratores inertia nihil scripsisse, ne domesticus etiam labor accederet ad forenses: plerq; enim scribuntur orationes habitæ iam, non ut habeantur, alios non laborare, ut meliores fiant: nulla enim res tantum ad dicendum proficit, quantum scriptio. memoriā aut in posterum ingenij sui non desiderant, cum se putant satis magnā adeptos esse dicendi gloriam, eamq; etiam maiorem uisum iri si in existimantium arbitrium sua scripta non uenerint.

Alios, quod melius putent dicere se posse, quā scribere: quod peringentiosis hominibus, neq; satis doctis plerunq; contigit, ut ipsi Galbæ, quem fortasse uis non ingenij solum, sed etiam animi, & naturalis quidam dolor dicentem incendebat, efficiebatq; ut & incitata, & grauis, & uehemens esset oratio: dem cum ociosus stylum prehenderat, motusq; omnis animi tanquam uentus hominem defecerat, (a) flaccebat oratio: quod 173  
ijs qui limatiꝯ dicendi consecrantur genus, accidere nō solet, propterea quod prudentia nunquā deficit oratorum, qua ille utens eodem modo possit & dicere & scribere. Ardor animi non semper adest, isq; cum confedit,  
omnis



omnis illa uis, & quasi flamma oratoris extinguitur. Hanc igitur ob causam uidetur Lælij mens spirare etiam in scriptis, Galbæ autem uis occidisse. Fuerunt etiam in oratorum numero mediocrium L. & Sp. Mummiij fratres, quorum extant amborum orationes. Simplex quidem Lucius, et antiquus: Spurius aut nihil ille quidem ornator, sed tamen astrictior: fuit enim doctus ex disciplina Stoicorum. Multæ sunt Sp. Albini orationes, sunt etiam L. & C. Aureliorū Orestarum, quos aliquo uideo in numero oratorum fuisse. P. etiam Popilius cum ciuis egregius, tum nō indifertus fuit: C. uerò filius eius disertus. Caiusq; Tuditanus cum omni uita atq; uictu excultus atq; expolitus, tum eius elegans est habitum etiā orationis genus. Eodemq; in genere est habitus is, qui iniuria accepta fregit T. Gracchum patientia, ciuis in rebus optimis cōstantissimus M. Octavius. At uerò M. Aemilius Lepidus, qui est Porcina dictus, ijsdem temporibus ferè, quibus Galba, sed paulò minor natu, & summus orator est habitus: & fuit, ut apparet ex orationibus, scriptor sanè bonus. Hoc in oratore Latino primum nō hi uidetur & lenitas apparuisse illa Græcorū, & uerborum cōprehensio, etiā artifex, ut ita dicam, stylus. Hunc studiosè duo adolescentes ingeniosissimi & propè æquales C. Carbo, & T. Gracchus audire soliti sunt, de quibus iam dicendi locus erit, cū de senioribus pauca dixerō. Q. enim Pompeius non contemptus orator temporibus illis fuit, qui summos honores, homo per se cognitus, sine ulla commendatione maiorum est adeptus.

Tum L. Cassius multum potuit, non eloquentia, sed dicendo tamen, homo nō liberalitate, ut alij, sed ipsa trisficia & seueritate popularis: cuius quidē legi tabellariæ

M. Antius



M. Antius Briso tribunus pl. diu resitit, M. Lepido consule adiuuante. Eaꝫ res Publico Africano uituperationi fuit, quòd eius authoritate de sententia deductus Briso putabatur. Tum duo Cephones multum clientes consilio & lingua, plus authoritate tamen & gratia subleuabant. Sed Pompeij sunt scripta, nec nimis extentata, quanquam ueterum est similis & plena prudentiæ. P. Crassum ualde probatum oratorem iisdem ferè temporibus accepimus, qui & ingenio ualuit, & studio: & habuit quasdam etiã domesticas disciplinas. Nam & cum summo illo oratore Seruio Galba, cuius C. filio filiã suã collocauerat, affinitate sese deuinxerat: & cum esset P. Mutij filius, fratremq; haberet P. Scauolam (b) domi ius ciuile cognouerat, in eo industriam constat summam fuisse, maximamq; gratiam, cum & consuleretur plurimum, & diceret. Horum ætatibus adiuncti duo C. Fannij, Caij Marci filij fuerunt: quorum Caij filius, qui consul cum Domitio fuit, unam orationem de socijs, & nomine Latino contra Gracchum reliquit, sanè & bonam & nobilem. Tum Atticus: Quid ergo? est ne ista Fannij? nam uaria opinio pueris nobis erat, alij à C. Persio literato homine scriptam esse aiebant, illo quem significat ualde doctũ esse Lucilius: alij multos nobiles, quod quisq; potuisset, in illam orationem contulisse. Tum ego: Audiui equidẽ ista, inquam, de maioribus natu, sed nunquam sum adductus ut crederem: eamq; suspicionẽ propter hanc causam credo fuisse, quòd Fannius in mediocribus oratoribus habitus esset: oratio autẽ uel optima esset illo quidem tempore orationum omnium, sed nec eiusmodi est, ut à pluribus confusa uideatur. unus enim sonus est totius orationis, & idem stylus. nec de Persio



Persio reticisset Gracchus, cum & Fannius de Mene-  
 lao Maratheno, & de cæteris obieciſſet, præſertim cum  
 Fannius nunquam ſit habitus elinguis. nam & cauſas  
 deſenſitauit: & tribunatus eius arbitrio & authorita-  
 te P. Africani geſtus, non obſcuro ſuit. Alter autem C.  
 Fannius M.F.C. Lælij gener, & moribus, & ipſo gene-  
 re dicendi durior: iſ ſoceri inſtituto, quem quia coapta-  
 tus in augurum collegium non erat, non admodum dili-  
 gebat, præſertim cum ille Q. Scauolam ſibi, minorem  
 natu generum, prætuliffet, cui tamen Lælius ſe excuſans,  
 non genero minori dixit ſe illud, ſed maiori filię detuliſ-  
 ſe. Is tamen inſtituto Lælij Panætium audiuerat. Eius  
 omnis in dicendo facultas, ex hiſtoria ipſius non inele-  
 gâter ſcripta perſpici poteſt, quæ neq; nimis eſt infans,  
 neq; perfectè diſerta. Mutius autem augur, quod per ſe  
 opus erat, ipſe dicebat, ut de pecunijs repetundis contra  
 T. Albutium, iſ oratorum in numero non fuit: iuris ci-  
 uilis intelligentia atq; omni prudentiæ genere præſtitit.  
 L. Cælius Antipater ſcriptor, quem admodum uidetis,  
 fuit, ut temporibus illis luculentus, iuris ualde peritus.  
 multorum etiam, ut L. Craſſi, magiſter. Vtinam in Tibe-  
 rio Graccho, Caioq; Carbone talis mens ad rempubli-  
 cam bene gerendâ fuiſſet, quale ingenium ad bene dicen-  
 dum fuit: proſectò nemo his uiris gloria præſtituiſſet, ſed  
 eorum alter propter turbulentiffimum tribunatum, ad  
 quem ex inuidia ſcøderis Numatini bonis iratus acceſſe-  
 rat, ab ipſa repub. eſt interfectus. Alter propter perpe-  
 tuam in populari ratione leuitatē, morte uoluntaria ſe  
 à ſeueritate iudicum uindicauit. Sed fuit uterq; ſummus  
 orator: atq; hoc memoria patrum teſte dicimus. Nam &



satis splendida uerbis, sed acutas, prudentiæq; plenissi-  
 mas. Fuit Gracchus diligentia Corneliæ matris à puero  
 doctus, & Græcis literis eruditus. Nam semper habuit  
 exquisitos è Græcia magistros. In eis iam adolescens  
 Diophanē Mitylenæū Græciæ tēporibus illis disertissi-  
 mum, sed & breue tempus ingenij augendi & declaran-  
 di fuit. Carbo, quod uita suppeditaui, est in multis iudi-  
 cijs, causisq; cognitus. Hunc qui audierāt prudentes ho-  
 mines, in quibus familiaris noster L. Gellius, qui se illi  
 contubernalem in cōsulatu fuisse narrabat, canorū ora-  
 torem, & uolubilem, & satis acrem, atq; eundem & ue-  
 hementem, & ualde dulcem, & persacetum fuisse dice-  
 bat. Addebat, industrium etiam, & diligentem, & in  
 exercitationibus, commentationibusq; multum operæ  
 solitum esse ponere. Hic optimus illis temporibus est pa-  
 tronus habitus, eoq; forum tenente plura fieri iudicia  
 coeperunt. Nam & quæstiones perpetuæ hoc adolescentē  
 cōstitutæ sunt, quæ antea nullæ fuerunt. L. enim Piso  
 Tr. pl. legem primus de pecunijs repetundis Censorino  
 et Manilio Coss. tulit. Ipse etiā Piso et causas egit, et mul-  
 tarum legum aut author, aut dissuasor fuit. Isq; & ora-  
 tiones reliquit quæ iam euanuerūt, & annales sanè exi-  
 liter scriptos: & iudicia populi, quibus aderat Carbo,  
 iam magis patronum desiderabāt: tabella data, quam le-  
 gem L. Cassius Lepido & Mancino cōsulibus tulit. Ve-  
 ster etiam D. Brutus, M. filius, ut ex familiari eius L.  
 Accio poëta sum audire solitus, & dicere nō incultè so-  
 lebat, & erat cū literis Latinis, tum etiā Græcis, ut  
 temporibus illis, eruditus. Quæ tribuerat idem Accius  
 etiam Q. Maximo L. Pauli nepoti: & uerò ante Ma-  
 ximū illum Scipionem, quo duce priuato T. Gracchus  
 occisus



occisus esset, cum omnibus in rebus uehementem, tum  
 acrem aiebat in dicendo fuisse. Tum etiam P. Lentulus  
 ille princeps, ad rempub. duntaxat quod opus esset, sa-  
 tis habuisse eloquentiæ dicitur. iisdemq; temporibus L.  
 Furius Pilus perbene Latine loqui putabatur, literas  
 tiusq; quam ceteri. P. Scauola ualde prudenter, &  
 acutè, paulò etiam copiosius, nec multò minùs pruden-  
 ter M. Manilius. Appij Claudij uolubilis, sed paulò fer-  
 uidior erat oratio. In aliquo numero etiam M. Fuluius  
 Flaccus, et C. Cato Africani sororis filius, mediocres ora-  
 tores: etsi Flacci scripta sunt, sed ut studiosi literarum.  
 Flacci autè æmulus P. Decius fuit, non infans ille quidè,  
 sed ut uita, sic oratione etiam turbulentus. M. Drusus  
 C. F. qui in tribunatu C. Gracchum collegam iterum tri-  
 bunum fecit, uir & oratione grauis & authoritate, eiq;  
 proximè adiunctus C. Drusus frater fuit. tuus etiam gen-  
 tilis, Brute, M. Pennus, facillè (b) agitanit in tribunatu,  
 paulum C. Gracchum ætate antecedens. Fuit enim M.  
 Lepido & L. Oreste consulibus, quæstor Gracchus,  
 trib. Pennus, illius M. F. qui cum Q. Aelio consule fuit:  
 sed omnia is summa sperans, ædilitius est mortuus. Nam  
 de T. Flaminio, quem ipse uidi, nihil accepi, nisi Lati-  
 nè diligenter locutum. Iis adiuncti sunt C. Curio, M.  
 Scaurus, P. Rutilius, C. Gracchus. De Scauro & Ru-  
 tilio breuiter licet dicere, quorū neuter summi oratoris  
 habuit laudem, & uterq; in multis causis uersatus erat  
 in quibusdam laudandis uiris, etiamsi maximi ingenij  
 non essent, probabilis tamen industria: quanquam ijs  
 quidem non omnino ingenium, sed oratorij ingenium  
 defuit. neq; enim refert uidere quid dicendum sit, nisi id  
 queas solutè & suauiter dicere: ne id quidem satis est,  
 nisi



nisi id quod dicitur, sit uoce, uultu, motuq; conditius. Quid dicā opus esse doctrina: sine qua etiam si quid bene dicitur adiuuante natura, tamen id quia fortuito fit, semper paratum esse non potest. In Scauri oratione sapientis hominis, & recti, grauitas summa, & naturalis quædam inerat authoritas: nō ut causam, sed ut testimonium dicere putares, cum pro reo diceret. hoc dicendi genus ad patrocinia mediocriter aptū uidebatur: ad sententia uerò sententiam, cuius erat ille princeps, uel maximè, significabat enim nō prudentiam solum, sed quod maximè rem continebat, fidem. habebat hoc à natura ipsa, quod à doctrina non facile posset. quanquā huius quoq; ipsius rei, quemadmodum scis, præcepta sunt: huius & orationes sunt, & tres ad L. Fufidium libri scripti de uita ipsius acta, sanè utiles, quos nemo legit. at Cyri uitam, & disciplinam legunt: præclaram illam quidem, sed neq; tam rebus nostris aptam, nec tamē Scauri laudibus antepponendam. Ipse etiam Fufidius, in aliquo patronorum numero fuit: Rutilius autem in quodā trifsi & seuerio genere dicendi uersatus est, & uterq; natura uehemens & acer. Itaq; cum unā consulatū petiuisent, non ille solum qui repulsam tulerat, accusauit ambitus designatum competitorem: sed Scaurus etiam absolutus, Rutilium in iudicium uocauit. multaq; opera, multaq; industria Rutilius fuit: quæ erat propterea gratior, quod idem magnum munus de iure respondendi sustinebat. sunt eius orationes ieiunæ, multa præclara de iure, doctus uir, et Græcis literis eruditus, Panætij auditor, propè perfectus in Stoicis, quorum peracutū & artius plenū orationis genus, sed tamē exile, nec satis populari assensionī accommodatum. Itaq; illa quæ propria



est huius disciplinæ philosophorum de se ipsorum opinio, firma in hoc uiro & stabilis inuenta est: qui quum innocentissimus in iudicium uocatus esset, quo iudicio  
 175 (a) cōuulsam penitus scimus esse remp. cum essent eo tempore eloquentissimi uiri L. Crassus & M. Antonius consulares, eorum adhibere neutrum uoluit: dixit ipse pro sese, & pauca C. Cotta, quod sororis erat filius: & is quidem tamen ut orator, quanquam erat admodum adolescens. Sed Q. Mutius enucleatè ille quidem, & politè, ut solebat, nequaquam autem ea ut atq; copia, quam genus illud iudicij & magnitudo causæ postulabat. Habemus igitur in Stoicis oratoribus Rutilium, Scaurum in antiquis, utrūq; tamen laudemus: quoniam per illos ne hæc quidem in ciuitate genera hac oratoria laude caruerunt. Volo enim ut in scena, sic etiam in foro, non eos modò laudari, qui celeri motu & difficili utantur: sed eos etiam quos statarios appellant, quorum sit illa simplex in agendo ueritas nō molesta. Et quoniā Stoicorum est facta mentio, Q. Aelius Tubero fuit illo tempore L. Pauli nepos, nullo in oratorum numero: sed uita seuerus, & congruens cum ea disciplina, quā colebat: paulo etiā durior, qui quidem in triumuiratu iudicationem augures, quò minus iudicijs operam darent, non habere: sed ut uita, sic oratione durus, incultus, horridus, itaq; honoribus maiorum respondere non potuit. Fuit autem constans ciuis, & fortis, & in primis Graccho molestus, quod indicat Gracchi in eum oratio. Sunt etiam in Gracchum Tiberonis: is fuit mediocris in dicendo, doctissimus in disputando. Tum Brutus: Quam hoc idem in nostris contingere intelligo, quod in Græcis, ut  
 omnes



omnes ferè Stoici prudentissimi in differendo sint, & id arte faciant, sintq; architecti penè uerborū: ijdem traducti à disputando ad dicendū, inopes reperiuntur. Vnum excipio Catonem: in quo perfectissimo Stoico summam eloquentiam non desiderem, quam exiguam in Fannio, ne in Rutilio quidem magnam, in Tuberone nullam uideo fuisse. Et ego non, inquam, Brute, sine causa, propterea quòd istorum in dialecticis omnis cura consumitur. Vagum illud orationis, & fuscum, & multiplex non adhibetur genus. Tuus aut auunculus, quemadmodum scis, habet à Stoicis id, quod ab illis petendum fuit: sed dicere didicit à dicendi magistris, eorūq; more se exercuit, quòd si omnia à philosophis essent petenda, Peripateticorum institutis commodius fingeretur oratio. Quò magis tuum, Brute, iudicium probo, qui eorum, id est, ex uetere Academia philosophorum sectam secutus es, quorum in doctrina atq; præceptis differendi ratio coniungitur cum suauitate dicendi & copia. quanquam ea ipsa Peripateticorum Academicorumq; consuetudo in ratione dicendi talis est, ut nec perficere oratorē possit ipsa per sese, nec sine ea (b) orator esse perfectus. Nam ut Stoicorū astrictior est oratio, aliquantōq; contractior, quàm aures populi requirūt: sic illorū liberior & latior, quàm patitur consuetudo iudiciorum & fori. Quis enim uberior in dicendo Platone? Iouem sic, ut aiunt philosophi, si Græcè loquatur, loqui. Quis Aristotele neruosior? Theophrasto dulcior? lectitauisse Platonem studiose, audiuisse etiam Demosthenes dicitur. Idq; apparet ex genere & granditate uerborum. Dicit etiam in quadā epistola hoc ipse de sese: sed & huius oratio in philosophiā translata pugnacior (ut ita dicā) uidetur.



Et illorum in iudicia pacator. Nunc reliquorum ora-  
 torum etates, si placet, et gradus persequamur. Nobis  
 uerò, inquit Atticus, et uehementer quidem, ut pro Bru-  
 to etiam respondeam. Curio fuit igitur eiusdem etatis  
 ferè, sanè illustris orator, cuius de ingenio ex orationi-  
 bus eius existimari potest. Sunt enim et alia, et pro Ser-  
 uio Fulvio de incestu nobilis oratio. Nobis quidè pueris  
 hæc omnium optima putabatur, quæ uix iam cõparet in  
 hac turba nouorum uoluminum. Præclare, inquit Brutus,  
 teneo, qui istam turbam uoluminum effecerit. Et ego  
 inquam intelligo, Brute, quem dicas. certè enim et boni  
 aliquid attulimus iuuentuti, magnificentius quàm fue-  
 rat genus dicendi, et ornatius: et nocuimus fortasse, quòd  
 ueteres orationes post nostras, non à me quidem, meis  
 enim illas antepono, sed à plerisque legi sunt desitæ. Enu-  
 mera, inquit, me in plerisque: quanquàm uideo mihi multa  
 legenda iam te authore, quæ antea cõtemnebam. Atqui  
 hæc, inquam, de incestu laudata oratio, puerilis est locis  
 multis, de amore, de tormentis, de rumore, loci sanè ina-  
 nes, ueruntamen nondum tritis nostrorum hominum auri-  
 bus, nec erudita ciuitate tolerabiles. Scripsit etiam alia  
 nonnulla et multa dixit, et illustria, et in numero patro-  
 norum fuit: ut eum mirer, et cum uita suppeditauiisset, et splen-  
 dor ei non defuisset, consulem non fuisse. Sed ecce in mani-  
 bus uir, et præstantissimo ingenio, et flagranti studio,  
 et doctus à puero C. Gracchus. Noli enim putare quen-  
 quam, Brute, pleniorē et uberiorē ad dicendū fuisse.  
 Et ille: Sic prorsus, inquit, sic existimo, atque istum de  
 superioribus penè solum lego. Immò planè, inquam  
 Brute, legas censeo. damnum enim illius immaturo in-  
 heritu res Romanæ, Latinaque literæ fecerunt: utinā non  
 tanta



tam fratri pietatem, quàm patriæ præstare uoluisset, quàm ille facillè tali ingenio, diutius si uiuisset, uel paternam esset, uel auitâ gloriâ consecutus. Eloquentia quidem nescio an habuisset parem neminem: grandis est uerbis, sapiens sententijs, genere toto grauis. manus extrema nō accessit operibus eius: præclare inchoata multa, perfectâ non planè: legendus inquam est hic orator (a) Brute, si quisquam alius, uiuenti. non enim solùm 176 acuerè, sed etiam alere ingenium potest. Huic successit ætati P. Galba, Seruij illius eloquentissimi uiri filius, P. Crassi eloquentis et iuris periti gener. Laudabāt hunc patres nostri, fauebant etiā propter patris memoriâ, sed cecidit in cursu. Nam rogatione Manilia, Iugurthine cōiurationis inuidia, cū pro sese ipse dixisset, oppressus est. extat eius peroratio, quæ epilógus dicitur: qui tãto in honore pueris nobis erat, ut eū etiam edisceremus. hic, qui in collegio sacerdotū esset, primus post Romā cōditâ iudicio publico est cōdēnatus. P. Scipio, qui est in cōsulatu mortuus, non multū ille quidē, nec sæpe dicebat: sed et Latine loquendo cuius erat par, et omnes sale, facetijsq; superabat. Eius collega L. Bestia, bonis initijs orsus tribunatus. nam P. Popiliū uel C. Gracchi expulsū sua rogatione resituit, uir et acer, et non indifertus: tristis exitus habuit consulatus. nā inuidiosa lege Manilia quæstio C. Galbam sacerdotem, et quatuor cōsulares L. Bestiā, C. Catonem, Sp. Albinū, ciuemq; præstatiissimū L. Opimū Gracchi interfectorem à populo absolutū, cū is contra populi studium stetisset, Gracchani iudices sustulerunt. Huius dissimilis in tribunatu, reliquaq; omni uita cuius improbus C. Licinius Nerua non indifertus fuit. C. Fimbria temporibus ijsdem ferè, sed longius ætate



prouectus, habitus est sanè (ut ita dicam) luculentus patronus, asper, maledicus, genere toto paulò feruidior, atq; commotior: diligentia tamen & uirtute animi atq; uita bonus author in senatu. Idem tolerabilis patronus, nec rudis in iure ciuili, & cum uirtute, tum etià ipso orationis genere liber: cuius orationes pueri legebamus, quas iam reperire uix possumus. Atq; etiam ingenio & sermone eleganti, ualetudine incommoda C. Sextius Caluinus fuit: qui, etsi cum remiserant dolores pedum, non deerat in causis, tamen id non saepe faciebat. Itaq; cōsilio eius, cum uolebant, homines utebantur: patrociniò, cum licebat. Isdem temporibus M. Brutus, in quo magnū fuit Brute, dedecus generi uestro, qui cum tāto nomine esset, patremq; optimū uirum habuisset, & iuris peritissimū, accusationem factitauerit, ut Athenis Lycurgus. is magistratus non petiuit, sed fuit accusator uehemens et molestus, ut faciliè cerneretis naturale quoddā stirpis bonum, degenerauisse uitio deprauatæ uolūtatis. Atq; eodē tempore accusator de plebe L. Cæsulenus fuit, quem ego audiui iam senem, cum ab L. Sabelio multam lege Aquilia de iusticia petiuisset. Non fecissem hominis penè infimi mentionem, nisi iudicarem, qui suspiciosius aut criminosis diceret, audiuisse me neminem. Doctus etià Græcis T. Albitius, uel potius penè Græcus (loquor, ut opinor) sed licet ex orationibus (b) iudicare. Fuit autem Athenis adolescens, perfectus Epicureus euaserat, minime aptum ad dicendum genus. Iamq; Q. Catulus non antiquo illo more, sed hoc nostro, nisi quid fieri potest perfectius, eruditus, multæ literæ: summa, non uitæ solum atq; naturæ, sed orationis etiam comitas, incorrupta quædā Latini sermonis integritas, quæ perspicui cum



ex orationibus eius potest, tū facilius ex eo libro quem de consulatu, & de rebus gestis suis conscriptum, molli & Xenophonteio genere sermonis, misit ad A. Furium Poëtam familiarem suum: qui liber nihilo notior est, quàm illi tres de quibus antè dixi, Scauri libri. Tum Brutus: Mihi quidem nec iste notus est, nec illi: sed nec mea culpa est. nunquā enim in manus inciderunt. Nunc autem & à te sumam, & conquiram ista posthac curiosius. Fuit igitur in Catulo sermo Latinus, quæ laus dicendi nō mediocris ab oratoribus plerisque neglecta est. nam de sono uocis, & suauitate appellandarum literarum, quoniam filiū cognouisti, noli expectare quid dicam: quanquam filius quidem non fuit in oratorum numero, sed non deerat ei tamen in sententia dicenda cum prudentia, tum elegans quoddam & eruditum orationis genus. Nec habitus est tamē pater ipse Catulus princeps in numero patronorū: sed erat talis, ut cum quosdam audires, qui tum erant præstantes, uideretur esse inferior. Cum autem ipsum audires sine comparatione, non modò contentus esses, sed melius non quærerēs. Q. Metellus Numidicus, & eius collega M. Syllanus, dicebant de R. P. quod esset illis uiris & consulari dignitati satis. M. Aurelius Scaurus, non sæpè dicebat, sed politè, Latine uerò in primis est elegāter locutus: quæ laus eadē in Aulo Albino bene loquēdi fuit. nam Flamen Albinus etiam in numero est habitus disertorum. Q. etiam Cæpio, uir acer & fortis, cui fortuna belli crimini, inuidia populi calamitati fuit. Tum etiā C. & L. Memmij fuerunt oratores mediocres, accusatores acres atque acerbi. Itaque in iudicium capitis multos uocauerunt, pro reis non sæpè dixerunt. Sp. Torius satis ualuit in



populari genere dicendi, is qui agrum publicum uitiosa  
 & inutili lege, uectigali leuauit. M. Marcellus Aferni-  
 ni pater, non ille quidem in patronis, sed & in promptis  
 tamen, & non inexercitatis ad dicendum fuit, ut filius  
 eius P. Lentulus L. etiam Cotta prætorius in mediocri-  
 um oratorum numero, dicendi non ita multum laude pro-  
 cefferat, sed de industria cum uerbis, tum etiam ipso sono  
 quasi subrustico prosequatur atque imitabatur antiqui-  
 tatem. Atque ego & in hoc ipso Cotta, et in alijs pluribus  
 intelligo me non ita disertos homines & retulisse in ora-  
 torum numerum, & relaturum. Est enim propositum  
 177 colligere eos, qui (a) hoc munere in ciuitate functi  
 sint, ut tenerent oratorum locum, quorum quidem quæ  
 fuerit assensio, & quam in omnibus rebus difficilis opti-  
 mi perfectio atque absolutio, ex eo quod dicam, existima-  
 ri potest. Quam multi enim iam oratores commemorati  
 sunt, & quandiu in eorum enumeratione uersamur: cum  
 tamen spisse atque uix, ut dudum ad Demosthenem &  
 Hyperidem, sic nunc ad Antonium, Crassumque; perueni-  
 mus. Nam ego sic existimo, hos oratores fuisse maximos,  
 & in his primum cum Græcorum gloria, Latine dicendi  
 copia æquatâ. Omnia ueniebât Antonio in mentem, eaque  
 suo loco, ubi plurimum proficere & ualere possent. ut  
 ab imperatore equites, pedites, leuis armatura: sic ab  
 illo in maxime opportunis orationis partibus colloca-  
 bantur. Erat memoria summa, nulla meditationis suspi-  
 cio. imparatus semper aggredi ad dicendum ut debatur:  
 sed ita erat paratus, ut iudices illo dicente nonnunquam ui-  
 derentur non satis parati ad cauendum fuisse. Verba im-  
 pfa, non illa quidem elegantissimo sermone: itaque dili-  
 genter loquendi laude caruit. neque tamen est admodum  
 inquinatæ



inquinatè locutus: sed illa, quæ propriè laus oratoris est, in uerbis. nam ipsum Latine loqui, est illud quidem ( ut paulò antè dixi ) in magna laude ponendū, sed non tam sua sponte, quàm quòd est à plerisq; neglectū. non enim tam præclarū est scire Latine, quàm turpe nescire: neq; tam id mihi oratoris boni, quàm ciuis Romani propriū uidetur. sed tamen Antonius in uerbis & eligendis, neq; id ipsum tam lepōris causa, quàm ponderis: & collocandis, & compressione deuinciendis, nihil non ad rationem, & tanquam ad artem dirigebat. uerum multo magis hoc idem in sententiarum ornamentis, & conformationibus: quo genere quia præstat omnibus Demosthenes, idcirco à doctis oratorum est princeps iudicatus. Quarta enim quæ uocant Græci, ea maxime ornant oratorem: eaq; non tam in uerbis pingendis habent pondus, quàm in illuminandis sententijs. sed cū hæc magna in Antonio, tum actio singularis, quæ si partienda est in gestum atq; uocem, gestus erat non uerba exprimens, sed cum sententijs cōgruens, manus, humeri, latera, supplexio pedis, status, incessus, omnisq; motus cum uerbis sententijsq; consentiens, uox permanens, uerū subrauca naturat: sed hoc uitium huic uni in bonum conuertebat. habebat enim flebile quiddā in quæstionibus, aptumq; cum ad fidem faciendam, tum ad misericordiam commouendam: ut uerum uideretur in hoc illud, quod Demosthenem ferunt, ei qui quæsiuisset quid primum esset in dicendo, actionem, quid secundum, idem, & idem tertium respondisse. Nulla res magis penetrat in animos, eosq; fingit, format, flectit, taleisq; oratores uideri facit, quales ipsi uideri uolunt. Huic alij parem ( b ) esse dicebant, alij anteponebant L. Crassum: illud quidem ceriè omnes



ita iudicabant, neminem esse qui horū alterutro patrono cuiusquam ingenū requireret. Equidem quanquam Antonio tantum tribuo, quantū supra dixi, tamen Crasso nihil statuo fieri potuisse perfectius: erat summa grauitas, erat cum grauitate iunctus facetiarum & urbanitatis oratorius, non scurrilis lepos: Latine loquendi accurata, & sine molestia diligens elegantia, in differendo mira explicatio, cum de iure ciuili, cum de equo & bono disputaretur, argumentorum & similitudinū copia. Nam ut Antonius coniectura mouenda, aut sedanda suspitione, aut excitanda, incredibilem vim habebat: sic in interpretando, in definiendo, in explicanda æquitate, nihil erat Crasso copiosius: idq; cū sepe alias, tum apud centumuiros in M. Curij causa cognitum est. Ita enim multa tum contra scriptum pro equo & bono dixit, ut hominem acutissimum Q. Scæuolam, & in iure, in quo illa causa uertebatur, paratissimum obrueret argumentorum exemplorumq; copia: atq; ita tum ab his patronis æqualibus, etiam consularibus causa illa dicta est, cum uterq; ex contraria parte ius ciuile defenderet, ut eloquentium iuris peritissimus Crassus, iurisperitorum eloquentissimus Scæuola putaretur. qui quidē cum peracutus esset ad excogitandum, quid in iure, aut in equo, uerum aut esset, aut non esset, tum uerbis erat ad rem cum summa breuitate mirabiliter aptus. Quare sit nobis orator in hoc interpretandi, explanandiq; & differendi genere mirabilis, sic ut simile uihil uiderim: in augendo, in ornando, in refellendo magis exestimato metuendus, quā admirandus orator. Verū ad Crassum reuertamur. Tum Brutus: Etsi satis, inquit, mihi uidebar habere cognitum Scæuolam, ex ijs rebus quas audiebam sepe



ſæpe ex C. Rutilio, quo utebatur propter familiaritatē  
 Scæuolæ noſtri: tamen iſta mihi eius dicendi tanta laus  
 nota non erat. itaq; cepi uoluptatem, tam ornatum uirū,  
 tamq; excellens ingeniū fuiſſe in noſtra repub. Hic ego:  
 Noli, inquam, Brute, exiſtimare his duobus quicquā fuiſ-  
 ſe in noſtra ciuitate præſtantius. nam (ut paulo antè di-  
 xi) conſultorum alterum diſertiſſimum, diſertorum al-  
 terum conſultiſſimum fuiſſe: ſic in reliquis rebus ita diſti-  
 miles erant inter ſeſe, ſtatuerē ut tamen non poſſes, utri-  
 uſ te malles ſimiliorem. Crāſſus erat elegantium parciſi-  
 ſimus, Scæuola parcorum elegantiffimus. Crāſſus in  
 ſumma comitate habebat etiam ſeueritatis ſatis: Scæuo-  
 læ multa in ſeueritate non deerat tamen comitas, licet  
 omnia hoc modo. ſed uereor, ne ſingi uideantur hæc, ut  
 dicantur à me quodammodo: res ſe tamen ſic habet, cum  
 omnis uirtus ſit, ut ueſtra, Brute, uetus Academia dixit  
 (a) mediocritas: uterq; horū medium quiddam uolebat 178  
 ſequi: ſed ita cadebat, ut alter ex alterius laude partem,  
 uterq; autem ſuam totam haberet. Tum Brutus: Cum ex  
 tua oratione mihi uideor, inquit bene Crāſſum & Scæ-  
 uolam cognouiſſe: dum de te & de Seruio Sulpicio co-  
 gitans eſſe, quandam uobis cum illis ſimilitudinem iudi-  
 co. Quonam, inquam, iſtuc modo? Quia mihi & tu  
 uidēris, inquit, tantum iuris ciuiliſ ſcire uoluiſſe, quan-  
 tum ſatis eſſet oratori: & Seruius eloquentiæ tantum  
 aſſumpſiſſe, ut ius ciuile facile poſſit tueri; ætatesq; ue-  
 ſtræ ut illorum, nihil, aut non ſerè multum diſſerunt.  
 Et ego: De me, inquā, dicere nihil eſt neceſſe: de Seruio  
 autem & tu probè dicis, & ego dicam quod ſentio.  
 Non enim facilè quem dixerim plus ſtudij, quā illum,  
 & ad dicendum, & ad omnes bonarum rerum diſcipli-



nas adhibuisse. nam & in ijsden exercitationibus ineunte etate fuimus, & postea Rhodum unâ ille etiam profectus est, quò melior esset, & doctior: & inde ut rediit, uidetur mihi in secunda arte primus esse maluisse, quàm in prima secundus. Atq; haud scio an par principibus esse potuisset: sed fortasse maluit, id quod est adeptus, longè omnium non eiusdem modò etatis, sed eorum etiam qui fuissent, in iure ciuili esse princeps. Hic Brutus: Ait tu, inquit? etiâne Q. Scæuolæ Seruium nostrum anteponis? Sic enim, inquã, Brute, existimo, iuris ciuilis magnum usum & apud Scæuolam, & apud multos fuisse: artem in hoc uno. quod nunquam effecisset ipsius iuris scientia, nisi eam præterea didicisset artem, quæ doceret rem uniuersam tribuere in partes, latentem explicare definiendo, obscuram explanare interpretando, ambiguum primum uidere, deinde distinguere: postremò habere regulam, qua uera & falsa iudicarentur, & quæ quibus propositis essent, quæq; nō essent, consequentia. Hic enim attulit hæc artem omnium artium maximam, quasi lucem, ad ea quæ confuse ab alijs aut respondebantur, aut agebantur. Dialecticam mihi uidēris dicere, inquit. Rectè, inquam, intelligis, sed adiunxit etiam & literarum scientiam, & loquendi elegantiam, quæ ex scriptis eius, quorū similia nulla sunt, faciliè perspicere potest. Cumq; dicendi causa duobus peritis sumis operam dedisset, L. Lucilio Balbo, C. Aquilio Gallo: Galli hominis acuti & exercitati, promptā & paratam in agendo, & in respondendo celeritatem subtilitate diligentiaq; superauit. Balbi, docti et eruditi hominis in utraq; re consideratā tarditatē uicit, expediendis cōficiendisq; rebus, sic & habet, quod uterq; eorū habuit: et expleuit, quod



quod utriq; defuit. Itaq; ut Crassus mihi uidetur sapientius fecisse, quam Scauola (hic enim causas studiosè recipiebat, in quibus à Crasso superabatur: ille se cōsuli solebat, (b) ne qua in re inferior esset quàm Scauola) sic Seruius sapientissimè, cum duo ciuiles artes ac forenses plurimum & laudis haberent & gratiæ, perfecit, ut altera præstaret omnibus: ex altera tantum assumeret, quantum esset & ad tuendum ius ciuile, & obtinendam consulari dignitatem satis. Tum Brutus: Ita prorsus, inquit, & antea putabam. Audiui enim nuper cum studiosè & frequenter Sami, cum ex eo ius nostrum pontificium, qua ex parte cum iure ciuili coniunctū esset, uellem cognoscere: & nunc meum iudiciū multò magis cōfirmo testimonio & iudicio tuo: simul illud gaudio, quod & æqualitas uestra, & pares honorum gradus, & artium studiorumq; quasi finitima uicinitas, tantum abest ab obtrectatione inuidiæ quæ solet lacerare pleurosq; uti ea non modò non exulcerare uestram gratiam, sed etiam conciliare uideatur. quali enim te erga illum perspicio, tali illum in te uoluntate iudicioq; cognoui. Itaq; doleo & illius consilio, & tua uoce Populum Romanum carere tandiu. quod cum per se dolendum est, tum multo magis, consideranti ad quos ista nō translata sint, sed nescio quo pacto deuenerint. Hic Atticus: Dixerā, inquit, à principio, de repub. ut sileremus: itaq; faciamus. nam si isto modo uolumus singulas res desiderare, non modò querendi, sed ne lugendi quidem finem reperiemus. Pergamus ergo, inquam, ad reliqua, & institutum ordinem persequamur. Paratus igitur ueniebat Crassus, expectabatur, audiebatur à principio statim, quod erat apud eū semper accuratum: expectatione dignus uidebatur, non

multa



multa iactatio corporis, non inclinatio uocis, nulla inambulatio, non crebra suppositio pedis: uehemens, & interdum irata, & plena iusti doloris oratio: multa, & cum grauitate facit: quodq; difficile est, idem & perornatus, & perbreuis. Iam in altercando inuenit partem neminem. uersatus est in omni ferè genere causarum: maturè in locum principum oratorum uenit. Accusauit C. Carbonem eloquentissimum hominem admodum adolescens: summam ingenij non laudem modò, sed etiam admirationem est consecutus. Defendit postea Liciniam uirginem, cum annos xxvii natus esset. in ea ipsa causa fuit eloquentissimus, orationisq; eius scriptas quasdam partes reliquit. Voluit adolescens in colonia Narbonensi causæ popularis aliquid attingere, eaq; coloniam, ut fecit, ipse deducere. Extat in eam legem senior (ut ita dicā) quā atas illa ferebat, oratio. Multe deinde causæ, sed ita tacitus tribunatus, ut nisi in eo magistratu coenauisset apud præconem Granium, idq; nobis bis narrauisset Lucilius, tribunum pl. nesciremus fuisse. Ita prorsus, inquit Brutus. Sed ne de Scæuolæ quidem tribunatu quicquam audiuisse uideor, & eū col-  
 179 legem Crassi credo fuisse. (a) Omnibus quidē alijs, inquam, in magistratibus, sed tribunus anno post fuit: eoq; in rostris sedente, suasisit Seruiliam legem Crassus. nam censuram sine Scæuola gessit. eum enim magistratum nemo unquam Scæuolarum petiuit. Sed hæc Crassi cum edita oratio est, quam te sæpe legisse certò scio, quatuor & triginta tum habebat annos, totidemq; annis mihi ætate præstabat. His enim consulibus eam legem suasisit, quibus nati sumus cum ipse esset Q. Capione Cos. natus, & C. Lælio, triennio ipso minor quā Antonius.



tonius. quod idcirco posui, ut dicendi Latine prima maturitas, in qua etate extitisset, posset notari: & intel- ligeretur iam ad summum penè esse perductam, ut eò ni- hil ferme quisquā addere posset, nisi qui à philosophia, à iure ciuili, ab historia fuisset instructor. Erit, inquit, M. Brutus, aut iam est, iste quem expectas? Nescio, in- quam: sed est etiam L. Crassi in censura, pro Q. Cæ- pione defensione iuncta, non breuis, ut laudatio: ut ora- tio autem, breuis, postrema censoris oratio, qua anno duodequingagesimo usus est. In his omnibus inest qui- dam sine ullo fuco ueritatis color, quin etiam cōprehen- sio, & ambitus ille uerborum (si sic periodum appellari placet) erat apud illū contractus & breuis: & in mem- bra quædam, quæ nōdā Græci uocant, dissipiebat ora- tionem lubentiùs. Hoc loco Brutus: Quandoquidem tu istos oratores, inquit, tantopere laudas, uellem aliquid Antonio præter illum de oratore dicendi, sanè exilem libellum, plura Crasso libuisset scribere: cum enim omni- bus memoriam sui, tum etiam disciplinam dicendi nobis reliquissent. Nam Scauolæ dicendi elegantiam satis ex ijs orationibus quas reliquit, habemus cognitā. Et ego: Mihi quidē à pueritia quasi magistra fuit, inquam, illa in legem Cæpionis oratio, in qua & authoritas orna- tur senatus, quo pro ordine illa dicuntur, & inuidia cō- citatur in iudicum & in accusatorum factionem, con- tra quorum potentiam populariter tum dicendum fuit: multa in illa oratione grauitè, multa leniter, multa asperè, multa facetè dicta sunt, plura etiam dicta quàm scripta: quod ex quibusdam capitibus expositis, nec ex- plicatis intelligi potest. Ipsa illa censoria contra Cn. Domitiū collegam non est oratio, sed quasi capita rerū,



Et orationis commentarium paulò plenius. Nulla est  
 enim altercatio clamoribus unquam habita maioribus.  
 Et uerò fuit in hoc et popularis dictio excellens. Anto-  
 nij genus dicendi multò aptius iudicijs, quàm concioni-  
 bus. Hoc loco ipsum Domitium non relinquo. nam etsi  
 non fuit in oratorum numero, tamen pono satis in eo fuis-  
 se orationis atq; ingenij, quo et magistratus personam,  
 et cōsularem dignitatem tueretur. quod idem de C. Cae-  
 lio dixerim, (b) industriā in eo summā fuisse, summasq;  
 uirtutes: eloquentiæ tantū, quod esset in rebus priuatis  
 amicis eius, in rep. ipsius dignitati satis. eodem tempo-  
 re M. Herennius in mediocribus oratoribus Latine et  
 diligenter loquentibus numeratus est: qui tamen summa  
 nobilitate hominē, cognitione, sodalitate, collegio, sum-  
 ma etiam eloquentia L. Philippum in consulatus peti-  
 tione superauit. Eodem tempore C. Clodius, et si pro-  
 pter summam nobilitatem, et singularem potentiam  
 magnus erat, tamen etiam eloquentiæ quandam medio-  
 critatem afferebat. Eiusdem ferè temporis fuit eques Ro-  
 manus, C. Tytius, q̄ meo iudicio eò peruenisse uidetur,  
 quo potuit ferè Latinus orator sine Græcis literis, et si-  
 ne multo usu peruenire. Huius orationes tantū argutia-  
 rum, tantū exēplorum, tantū urbanitatis habent, ut penè At-  
 tico stylo scriptæ esse uideātur. Easde argutias in tragœ-  
 dias, satis quidē ille acutè, sed parū tragicè trāstulit: quē  
 studebat imitari L. Afranius poëta, homo perargutus in  
 fabulis qdē etiā, ut scitis, disertus. Fuit etiam Q. Rubrius  
 Varro, q̄ a senatu hostis cū C. Mario iudicatus est, acer  
 et uehemens accusator. In eo genere sanè probabilis, do-  
 ctus aut Græcis literis, propinquus noster, factus ad dicē-  
 dū M. Gratidius, M. Antonij pfamiliaris, cuius præfectus  
 cum



cum esset in Cilicia, est interfectus: qui accusauit C. Fimbriam, M. Marij Gratidiani patrem. atq; etiam apud socios et Latinos, oratores habiti sunt, Q. Vectus Vectianus è Marfis, quē ipse cognoui, prudens uir, et in dicendo breuis: Q. D. Valerij Sorani uicini, & familiares mei, non tam in dicendo admirabiles, quā docti & Græcis literis & Latinis: C. Rusticellus Bononiensis, is quidem & exercitatus, & natura uolubilis. Omnium autem eloquentissimus extra hanc urbem, T. Betutius Barrus Asculanus, cuius sunt aliquot orationes Asculi habite. Illa Romæ contra Cæpionem, nobilis sanè, cui orationi Cæpionis ore respondit Aelius, qui scriptitauit orationes multas: orator ipse nunquam fuit. Apud maiores autem nostros uideo disertissimum habitum ex Latino L. Papyrium Fregellanum, T. Grachi P. F. ferè ætate: eius autem oratio est pro Fregellanis, colonisq; Latinis habita in senatu. Tum Brutus: Quid tu igitur, inquit, tribuis istis externis quasi oratoribus? Quid censes, inquā? nisi idem quod urbanis: præter unū, quod non est eorum urbanitate quadam quasi colorata oratio. Et Brutus: Qui est, inquit, iste tandem urbanitatis color? Nescio, inquam: tantum esse quendam scio. Id tu Brutem iam intelliges, cum in Galliam ueneris. audies tu quidem etiam uerba quædam non trita Romæ: sed mutari, dedisci: possunt. Illud est maius, quod in uocibus nostrorum oratorum recinit quiddam & (a) resonat urbanus. 180 Nec hoc in oratoribus modo apparet, sed etiam in ceteris. Ego memini T. Tincam Placentinum, hominem facetissimum, cum familiari nostro Q. Granio præcone, dicacitate certare.

Eon', inquit Brutus, de quo multa Lucilius?



Isto ipso. sed Tincam non minus multa ridiculè dicentem Granius obruebat, nescio quo sapore uernaculo: ut ego iam non mirer, illud Theophrasto accidisse, quod dicitur, cum percunctaretur ex anicula quadam, quanti aliquid uenderet: et respondisset illas, atq; addidisset, Hospes non potè minoris, tulisse cum molestè. se nō effigere hospitis speciem, cum etatem ageret Athenis, optimeq; loqueretur. Omnium (sicut opinor) in nostris est quidam urbanorum, sicut ille Atticorum sonus: sed domum redeamus, id est ad nostros reuertamur. Duobus igitur summis Crasso & Antonio, L. Philippus proximus accedebat, sed longo interuallo tamen proximus. Itaque cum, etsi nemo intercedebat qui se illi anteferreret, neq; secundum tamen, neq; tertium dixerim. Nec enim in quadrigis eum secundum numerauerim, aut tertium, qui uix ē carceribus exierit, cum palmā iam primus acceperit: nec in oratoribus, qui tantam absit à primo, uix ut in eodem curriculo esse uideatur. sed tamen erant ea in Philippo, quæ qui sine comparatione illorum spectaret, satis magna diceret: summa libertas in oratione, multæ facetiæ: satis creber in reperiendis, solutus in explicandis sententijs. erat etiam in primis, ut temporibus illis, Græcis doctrinis institutus, in altercando cum aliquo aculeo et maledicto facetus. Horū etati propè coniunctus L. Gellius, non tam uendibilis orator, quàm ut nescires quid ei deesset. nec enim erat indoctus, nec tardus ad excogitandum, nec Romanarū rerum immemor, et uerbis solutus satis. sed in magnos oratores inciderat eius etas: multam tamen operam amicis, & utilem præbuit: atq; ita diu uixit, ut multarum etatū oratoribus implicaretur, multum etiam in causis uersaretur. Iisdem fere



temporibus D. Brutus, is qui consul cum Mamerco fuit, homo et Græcis doctus literis, et Latinis. Dicebat etiam L. Scipio non imperitè: Cneusq; Pompeius Sexti F. aliquem numerum obtinebat: nam Sex. frater eius præstantissimum ingenium contulerat ad summam iuris ciuilis, et ad perfectam geometriæ et rerû Stoicarum scientiam. Item in iure, et ante hos M. Brutus, et paulo post eum C. Bilienus, homo per se magnus, propè simili ratione summus euaserat: qui consul factus esset, nisi in Mariæ nos consulatus, et in eas petitionis angustias incidisset, Cn. aut Octauij eloquentia, quæ fuerat ante cōsulatum, ignorata in consulatu, multis concionibus est uehementer probata: sed ab eis, qui tantū in dicentū numero, nō (b) in oratorū fuerūt. Iam ad oratores reuertamur. Censeo, inquit Atticus: eloquentes enim uidebare, non sedulos uelle cōquirere. Festiuitate igitur, et facetijs, inquam, C. Iulius, L. F. et superioribus et equalibus suis omnibus, præstitit, oratorq; fuit minime ille quidē uehementē sed nemo unquam urbanitate, nemo lepore, nemo suauitate conditior. Sunt eius aliquot orationes, ex quibus, siue ex eiusdem tragædijs, lenitas eius sine neruis perspicui potest. Eius equalis P. Cethegus, cui de Rep. satis supereditabat oratio. totam enim tenebat eam, penitusq; cognorat. Itaq; in senatu consularium auctoritatem assequabatur: sed in causis publicis nihil, priuatis satis ueterrator uidebatur. Et in priuatis causis Q. Lucretius Vespillo et acutus, et iurisperitus: nam Offella aptior concionibus quàm iudicijs: prudens etiam T. Annius Velina, et in eius generis causa orator sanè tolerabilis. In eodem genere causarum multum erat T. Iuuentius, nimis ille quidem lentus in dicendo, et penè frigidus: sed



& callidus, et in capiendo aduersario uersutus: & præ-  
 terea nec indoctus, et magna cum iuris ciuilis intelligen-  
 tia. cuius auditor P. Orbius, meus ferè æqualis, in dicen-  
 do non nimis exercitatus: in iure autem ciuili non infe-  
 rior, quàm magister fuit. Nam T. Aufidius, qui uixit ad  
 summam senectutem, uolebat esse similis horum: era-  
 q; & bonus uir, & innocens, sed dicebat parum. Nec sanè  
 plus frater eius M. Virgilius, qui tribunus pl. L. Syllæ  
 imperatori diem dixit. Eius collega P. Magius, in dicen-  
 do paulo tamè copiosior. Sed omnium oratorum siue raba-  
 larum, qui & planè indocti, aut inurbani, aut rustici e-  
 tiam fuerunt, quos quidem ego cognouerim, solutissimè  
 in dicendo, et acutissimum iudico nostri ordinis Q. Ser-  
 torium, equestris C. Gorgonium. fuit etiam facilis &  
 expeditus ad dicendum, & uitæ splendore multo, et in-  
 genio satis probabili, T. Iunius L. filius tribunicius: quo  
 accusante P. Sextius, Pr. designatus, damnatus est ambi-  
 tus: is processisset honoribus longius, nisi semper infirma  
 atq; etiam ægra ualeitudine fuisset. Atq; ego præclare in-  
 telligo, me in eorum cōmemoratione uersari, qui nec ha-  
 biti sint oratores, neq; fuerint, præteririq; à me aliquot  
 ex ueteribus commemoratione aut laude dignos: sed  
 hoc quidem ignoratione. quid enim est superioris æta-  
 tis, quod scribi possit de ijs, de quibus nulla monumenta  
 loquuntur, nec aliorum, nec ipsorum? De ijs autem  
 quos ipsi uidimus, neminem ferè prætermittimus eorum  
 quos aliquando dicētes uidimus. Nolo enim sciri in tan-  
 ta & tam uetere Repub. maximis præmijs eloquentiæ  
 propositis, omneis cupisse dicere, non plurimos ausos es-  
 se, potuisse paucos. Ego tamen ita de unoquoq; dicam  
 181 (a) ut intelligi possit quem existimè clamatorem, quem



oratorem fuisse. iisdem ferè temporibus, etate inferiores paulo quàm Iulius, sed æquales propemodum fuerunt, C. Cotta, P. Sulpitius, Qu. Varius, Cn. Pomponius, C. Curio, L. Fufius, M. Drusus particius: nec ulla etate uerbior oratorum foetus fuit. Ex his Cotta & Sulpitius cum meo iudicio, tū omnium, facile primas tulerunt. Hic Atticus: Quomodo istuc dicis, inquit, cum tuo iudicio, tū omnium? semper ne in oratore probando aut improbando, uulgi iudicium cum intelligentium iudicio congruit? An alij probantur multitudini alij autem ijs, qui intelligūt? Rectè requiris, inquam, Attice: sed audies ex me fortasse, quod non omnes probent. An tu, inquit, id laboras, si huic modo Bruto probaturus es? Plane, inquam, Attice disputationem hanc de oratore probando, aut improbando, multo malim tibi et Bruto placere: eloquentiam autem meam populo probari uelim. Etenim necesse est, qui ita dicat, ut à multitudine probetur, eundem doctis probari. nam quid in dicendo rectum sit, aut prauum, ego iudicabo: si modò is sum, qui id possem, aut sciam iudicare. qualis uerò sit orator, ex eo quod is dicendo efficiet, poterit intelligi. Tria sunt enim, ut quidem ego sentio, quæ sint efficienda dicendo: ut doceatur is apud quem dicitur, ut delectetur, ut moueatur uerbementius: quibus uirtutibus oratoris horum quicque efficiatur, aut quibus uitijs orator aut non assequatur hæc, aut etiam in his labatur & cadat, artifex aliquis iudicabit. Efficiatur autem ab oratore, nec ne, ut ij qui audiunt, ita afficiantur ut orator uelit, uulgi assensu & populari approbatione iudicari solet. Itaque nunquam de bono oratore, aut non bono, doctis hominibus cum populo dissensio fuit. An censes, dum illi uiguerunt quos



antè dixi, non eosdem gradus oratorum vulgi iudicio;  
 & doctorum fuisse? De populo si quem ita rogauisses,  
 Quis est in hac ciuitate eloquentissimus? in Antonio &  
 Crasso aut dubitaret, aut hunc alius, illum alius diceret.  
 nemòne Philippum tam suauem oratorem, tam grauem,  
 tam facetum his anteferebat? quem nosmetipsi qui hæc  
 arte aliqua uolumus expendere, proximum illis fuisse  
 diximus. nemo profecto: id enim ipsum est summi orato-  
 ris, summum oratorem populo uideri. Quare tibi cen  
 Antigenidas dixerit discipulo sanè frigenti ad populum,  
 Mihi cane, et musis. Ego huic Bruto dicenti, ut solet apud  
 multitudinē, mihi cane, et populo, mi Brute, dixerim: ut  
 qui audient, quid efficiatur, ego etiam cur ita efficiatur  
 intelligā. Credit ijs quæ dicuntur, qui audit oratorem, uer-  
 ra putat, assentitur, probat, fidē facit oratio. Tu artifex  
 quid queris amplius? delectatur audiens multitudo, &  
 ducitur oratione, & quasi (b) uoluptate quadā persun-  
 ditur, quid habes quod disputes? gaudet, dolet, ridet, plo-  
 rat, fauet, odit, contemnit, inuidet, ad misericordiam in-  
 ducitur, ad pudendum, ad pigendum irascitur, miratur,  
 sperat, timet: hæc perinde accidunt, ut eorum qui ad-  
 sunt, mentes, uerbis & sententijs & actione tractantur.  
 Quid est quod expectetur docti alicuius sententia? quod  
 enim probat multitudo, hoc idem doctus probandum est:  
 deniq; hoc specimen est popularis iudicij, in quo nunquā  
 fuit populo cum doctis intelligentibusq; dissensio. Cum  
 multi essent oratores in uario genere dicendi, quis un-  
 quam ex his excellere iudicatus est vulgi iudicio, qui nō  
 idē a doctis probaretur? Quando aut dubiū fuisse, apud  
 patres nostros eligendi cui patroni daretur optio, quis  
 aut Antonium optaret, aut Crassum? Aderant multi



alij: tamen utrum de his potius dubitasset aliquis, quin alterū, nemo. Quid adolescentibus nobis cum esset Cotta & Hortensius, num quis, cui quidem eligendi potestas esset, quenquā his anteponebat? Tum Brutus: Quid tu, inquit, queris alios? de te ipso, nōne quid optarent rei, quid ipse Hortensius iudicaret, uidebamus? qui cum partiretur tecum causis (sæpē enim interfuit) perorandi locum, ubi plurimū pollet oratio, semper tibi relinquebat. Faciebat ille quidem, inquam, et mihi beneuolentia credo ductus tribuebat omnia. Sed ego quæ de me populi sit opinio, nescio; de reliquis hoc affirmo, qui uulgi opinione disertissimi habiti sint, eosdem intelligentium quoq; iudicio fuisse probatissimos. Nec enim posset idem Demosthenes dicere, quod dixisse Antimachum clarum poetam ferunt: qui, cum conuocatis auditoribus legeret, eis magnum illud, quod nouisset, uolument suum, & eum legentem omnes præter Platonē reliquissent. Legam, inquit, nihilominus: Plato enim mihi unus instar est omnium. Hæc illum, & rectē. Poëma enim reconditū paucorum approbatione, oratio popularis ad sensum uulgi debet moueri. At si eundem hunc Platonem unum auditorē haberet Demosthenes, cum esset relictus à cæteris, uerbum facere non posset. Quid tu, Brute, posses? si te ut Curionem quondā concio reliquisset? Ego uerò, inquit ille, ut me tibi indicem, in eis etiam causis in quibus omnis res nobis cum iudicibus est, non cum populo: tamen si à corona relictus sim, non queam dicere. Ita se, inquam, res habet, ut si tibiæ inflatæ non referant sonum, abijciendas eas sibi tibicen putet. Sic oratori populi aures tanquam tibiæ sunt: & si inflatum non recipiunt, aut si auditor omnino tanquam equus non facit, agitandi



finis faciendus est. Hoc tamen interest, quòd uulgus interdum non probandum oratorem probat : sed probat sine comparatione, cum à mediocri, aut (a) etiam à malo delectatur, eo est contentus, esse melius non sentit : illud quod est, qualecunq; est, probat. Tenet enim aures uel mediocris orator, sit modò aliquid in eo, nec res ulla plus apud animos hominũ, quàm ordo, & ornatus orationis ualet. Quare quis ex populo, cum Q. Scaeuolam, pro M. Coponio dicentẽ audiret in ea causa de qua antè dixi, quicquam politius, aut elegantius, aut omnino melius aut expectaret, aut posse fieri putaret? Cum is hoc probare uellet, M. Curium, cũ ita hares institutus esset, si pupillus antè mortuus esset, quàm in suam tutelam uenisset, pupillo non nato heredem esse nõ posse. Quid ille non dixit de testamentorum iure, de antiquis formulis? quemadmodum scribi oportuisset, si etiam filio non nato hares institueretur. Quàm captiosum esse populo quod scriptum esset negligi, & opinione queri uoluntates, & interpretatione disertorum scripta simplicium hominũ pervertere: quàm ille multa de autoritate patris sui, qui semper ius illud esse defenderat? quàm omnino multa de conseruando iure ciuili: quæ quidem omnia cum peritè, & scienter, tum & breuiter & pressè, & satis ornate, & pereleganter diceret, quis esset in populo, qui aut expectaret, aut fieri posse quicquam melius putaret? At uerò ut cõtra Crassus ab adolescente delicato, qui in littore ambulans scalum reperisset, ob eamq; rem ædificare nauem concupiuisset, exorsus est: similiter Scaeuolã ex uno scalmo captionis centumuirale iudiciũ hereditatis effecisse: hoc in illo initio consecutus, multis eiusdem generis sententijs delectauit animosq; omnium



qui aderant, in hilaritatem à seueritate traduxit, quod est unum ex tribus, quæ dixi ab oratore effici debere. de inde hoc uoluisse eum qui testamentum fecisset, hoc sensisse, quo quomodo filius non esset, qui in suam tutelā ueniret, siue non natus, siue antè mortuus: Curius heres ut esset, ita scribere plerosq; et id ualere, et ualuisse semper. Hæc et multa eiusmodi dicens fidem faciebat, quod est ex tribus oratoris officijs alterū. deinde æquum, bonum, testamentorum sententiās uoluntatesq; tutatus est, quanta esset in uerbis captio cum in cæteris rebus, tum in testamentis, si negligenter uoluntates: quantam sibi potentiā Scæuola assumeret, si nemo auderet testamētū facere postea, nisi de illius sententia hæc cū grauitertum ab exemplis copiose, tum uariè, tum etiā ridiculè et facetè explicans, eam admirationē assensionemq; commouit, dixisse ut contrā nemo uideretur. hoc erat oratoris officium partitione tertium, genere maximum. Hic ille de populo iudex, qui separatim alterū admiratus esset, idem audito altero, iudiciū suum contemneret. At uerò intelligens et doctus, audiens Scæuolam, (b) sentiret esse quoddam uberiùs dicendi genus, et ornatiùs: ab utroque autem causa perorata, si quæreretur uter præstaret orator, nunquā profectō sapientis iudiciū à iudicio uulgi discreparet. Quid præstat igitur intelligens imperito? magna re et difficili: siquidem magnum est scire quibus rebus efficiatur, amittaturue dicendo illud, quicquid est, quod aut effici dicendo oportet, aut amitti non oportet. Præstat etiam illo doctus auditor indocto, quod sæpè cum oratores duo aut plures populi iudicio probantur, quod dicendi genus optimū sit, intelligit. Nā illud quod populo nō probatur, ne intelligenti quidē



auditori probari potest. Vt enim ex nervorum sono in  
 fidibus, quàm scienter ij pulsi sint, intelligi solet: sic ex  
 animorum motu cernitur, quid tractandis his perficiat  
 orator. Itaq; intelligens dicendi existimator nō assidens,  
 & attentē audiens, sed uno aspectu, & præteriens de  
 oratore sæpè iudicat. Videt oscitantem iudicem, lo-  
 quentem cum altero, nonnunquam etiam circulantem,  
 mittentem ad horas quæsitorem, ut dimittat rogantem:  
 intelligit oratorem in ea causa non adesse, qui posuit ani-  
 mis iudicum admouere orationem, tanquā fidibus ma-  
 num. Idem si præteriens aspexerit, erectos intuentes  
 iudices, ut aut doceri de re, idq; etiam uultu probare  
 uideantur, aut ut auem cantu aliquo: sic illos uiderit ora-  
 tione quasi suspensos teneri, aut id quod maximè opus  
 est, misericordia, odio, motu animi aliquo perturbatos  
 esse uehementius: ea si præteriens (ut dixi) aspexerit,  
 si nihil audierit: tamen oratorem uersari in illo iudicio,  
 & opus oratorium fieri, aut perfectum iam esse, profe-  
 ctō intelliget. Cum hæc differuissem, uterq; assensus est.  
 & ego tanquam de integro ordiens: Quando igitur, in-  
 quam, à Cotta & Sulpitio hæc omnis fluxit oratio, cum  
 hos maximè iudicio illorum hominum, & illius ætatis  
 dixissem probatos, reuertar ad eos ipsos: tum reliquos,  
 ut institui, deinceps persequar. Quoniam ergo orato-  
 rum bonorum (hos enim quærimus) duo genera sunt:  
 unum attenuatè, pressèq;: alterum sublatè, ampleq; di-  
 centium: etsi id melius est, quod splendidius & magnifi-  
 centius: tamē in bonis omnia quæ summa sunt, iurè lau-  
 dantur. sed cauenda est presso illi oratori, inopia & ie-  
 iunitas: amplo autem, inflatum & corruptum oratio-  
 nis genus. Inueniebat igitur acutè Cotta, dicebat purè



æsolutè: & ut ad infirmitatem laterum perscipienter con-  
 tentionem omnem remiserat, sic ad uirū imbecillitatem  
 dicendi accommodabat genus. Nihil erat in eius oratio-  
 ne nisi sincerum, nihil nisi siccum atq; sanum: illudq;  
 maximum, quod cum contentione orationis flectere ani-  
 mos iudicum uix posset, nec omnino eo genere diceret.  
 tractando tamē impellebat, ut idem facerent à se (a) com-  
 moti, quod à Sulpitio concitati. Fuit enim Sulpitius uel  
 maximè omnium, quos quidem ego audiuerim, grandis,  
 & ut ita dicam, tragicus orator. Vox cum magna,  
 tum suavis & splendida: gestus & motus corporis ita  
 uenustus, ut tamen ad forum, non ad scenam institutus  
 uideretur. Incitata & uolubilis: nec ea redundans ta-  
 men, nec circūfluens oratio. Crassum hic uolebat imita-  
 ri, Cotta malebat Antoniū: sed ab hoc uis aberat Anto-  
 nij, Crassi ab illo lepos. O magnam, inquit, artē, Brutus:  
 siquidē istis, cum summi essent oratores, due res maxi-  
 me altera alteri defuit. Atq; in his oratoribus, inquam,  
 animaduertendū est: posse esse summos, qui inter se sint  
 dissimiles. Nihil enim tam dissimile, quā Cotta Sulpi-  
 tior: & uterq; æqualibus suis plurimum præstitit. Qua-  
 re hoc doctoris intelligentis est, uidere quò ferat natura  
 sua queng; & ea duce utentem sic instituere, ut Isocra-  
 tē in acerrimo ingenio Theopompi, & lenissimo Epho-  
 ri dixisse traditum est: alteri se calcaria adhibere, al-  
 teri frenos. Sulpitij orationes quæ feruntur, eas post mor-  
 tem eius scripssisse P. Canutius putatur, æqualis meus, ho-  
 mo extra nostrum ordinem meo iudicio disertissimus.  
 Ipsius Sulpitij nulla oratio est: sæpeq; ex eo audiui, cum  
 se scribere neque consuesse, neque posse diceret. Cotta  
 pro se lege Varia, quæ inscribitur, eam L. Aelius



scripsit Cotta rogatu. Fuit is omnino uir egregius, ex-  
 eques Romanus cum primis honestus: idemq; eruditissi-  
 mus et Græcis literis, et Latinis, antiquitatisq; nostræ,  
 et in inuentis rebus et in actis, scriptorumq; ueterū lite-  
 ratē peritus: quam scientiam Varro noster acceptam ab  
 illo, auctamq; per sese uir ingenio præstans, omniq; do-  
 ctrina, pluribus et illustrioribus literis explicauit: sed  
 idem Aelius Stoicus noluit. orator autem nec studuit un-  
 quam, nec fuit: scribebat tamen orationes, quas alij dice-  
 rent, ut Q. Metello F. ut Q. Cæpioni, ut Q. Pompeio Ru-  
 fo: quanquam is etiam ipse scripsit eas, quibus pro se est  
 usus, sed non sine Aelio. His enim scriptis etiam ipse in-  
 tersui, cum essem apud Aeliū adolescens, eumq; audire  
 per studiose solem. Cottam autē miror summum ipsum  
 oratorem, minimeq; ineptū, Aelianas leuissimas orationu-  
 las uoluisse existimari suas. His duobus eiusdē ætatis an-  
 numerabatur nemo tertius: sed mihi placebat Pomponi-  
 us maxime, uel dicā minime displicebat. locus erat omni-  
 no in maximis causis, præter eos, de quibus supra dixi,  
 nemini: propterea quod Antonius, qui maxime expete-  
 batur, facilis in causis recipiendis erat: fastidiosior Cra-  
 sus: sed tamen recipiebat, horum qui neutrum habebat:  
 confugiebat ad Philippum serē, aut ad Cæsarem: Cotta,  
 Sulpitius expetebantur. ita ab ijs sex patronis causæ il-  
 lustres agebantur: neq; tam (b) multa, quam nostra æta-  
 te, iudicia fiebant: neq; hoc, quod nunc fit, ut causæ sin-  
 gula defenderentur à pluribus, quo nihil est uitiosius.  
 Respondemus ijs quos non audiuius: in quo primum  
 sæpe aliter est dictum, aliter ad nos relatum: deinde ma-  
 gni interest coram uidere me, quemadmodum aduersa-  
 rius de quaque re asseueret. maxime autem, quemad-



modū quæq; res audiatur. sed nihil uitiosius, quàm cum unū corpus debeat esse defensionis, nasci de integro causam, cum sit ab altero perorata. Omnium enim causarum unum est naturale principium, una peroratio: reliquæ partes, quasi membra suo quæq; loco locata, suam et uim et dignitatem tenent. Cum autem difficile sit in longa oratione non aliquando aliquid ita dicere, ut sibi ipse non conueniat: quanto difficilius cauere, ne quid dicas quod non conueniat eius orationi, qui ante te dixerit. Sed quia et labor multo maior est totam causam quàm partem dicere: et quia plures ineuntur gratiæ, si uno tempore dicas pro pluribus, idcirco hanc consuetudinem lubenter asciuiimus. Erant tamen quibus uideretur illius ætatis tertius Curio, quia splendidioribus fortasse uerbis utebatur, et quia Latinè non pessimè loquebatur, usu credo aliquo domestico: nam literariū admodum nihil sciebat. sed magni interest, quos quisq; audiat quotidie domi, quibus cum loquatur à puero, quemodmodum patres, pædagogi, matres etiam loquantur. Legimus epistolas Cornelie matris Gracchorum: apparet filios non ita in gremio educatos, quàm in sermone matris. Auditus est nobis Lælie Caij filie sæpè sermo. ergo illam patris elegantia tinctam uidimus, et filias eius Murtias ambas, quarū sermo mihi fuit notus, et neptes Licinias, quas nos quidem ambas: hanc uerò Scipionis etiam tu Brute credo aliquando audisti loquentē. Ego uerò ac libenter quidem, inquit Brutus: et eo lubentius, quod L. Crassi erat filia. Quid Crassum, inquam, illum censes, isti Licinie filiū, Crassi testamento qui fuit adoptatus? Summo iste quidē dicitur ingenio fuisse, inquit. Et uerò hic Scipio collega meus, mihi sanè bene et loqui uidetur.



et dicere. Rectè, inquã, iudicas Brute. Etenim istius ge-  
 nus est ex ipsius sapientie stirpe generatum. Nam et de  
 duobus auis iam diximus, Scipione et Crasso: et de tri-  
 bus proavis: Q. Metello, cuius quatuor filij, P. Scipione  
 qui ex dominatu T. Gracchi priuatus in libertatẽ rep.  
 vindicauit: Q. Scauola augure, qui peritissimus iuris,  
 idemq; percomis est habitus. Iam duorum abauorum  
 quã est illustre nomen: P. Scipionis, qui bis consul fuit,  
 qui est Corculum dictus: alterius omnium sapientissimi,  
 C. Lelij. O generosam, inquit, stirpem, et tanquam in  
 unam arborem plura genera, sic in istam domum multo-  
 184 rum(a) insitam atq; illuminatam sapientiam. Simili-  
 ter igitur suspicor (ut conferamus parua magnis) Curio-  
 nis, etsi pupillus relictus est, patrio fuisse instituto puro  
 sermone assuetam domum: et eo magis hoc iudico,  
 quod neminem ex ijs quidem, qui aliquo in numero fue-  
 rant, cognoui in omni genere honestarũ artium tam in-  
 doctum, tam rudem. Nullum ille poetam nouerat, nul-  
 lum legerat oratorem, nullam memoriam antiquitatis  
 collegerat: non publicum ius, non priuatum et ciuile  
 cognouerat. quanquam id quidem fuit etiam in alijs, et  
 magnis quidem oratoribus, quos parum his instructos  
 artibus uidimus: ut Sulpitium, ut Antoniũ. Sed ij tamen  
 unum illud habebant dicendi opus elaboratũ: idq; cum  
 constaret ex quinq; notissimis partibus, nemo in aliqua  
 parte earũ omnino nihil poterat. In quacunq; enim una  
 planè claudicaret, orator esse non posset: sed tamen alius  
 in alia excellebat. magis reperiēbat quid dici opus esset,  
 et quomodo preparari, et quo loco locari, memoriãq;  
 ea comprehendebat. Antonius: excellebat autem actione,  
 etantq; ei quedã ex his paria cum Crasso, quedã etiã



superiora. At Crassi magis enitebat oratio: nec uerò Sul-  
pitio, neq; Cottæ dicere possumus, neq; cuiquā bono ora-  
tori rem ulla ex illis quinq; partibus planè atq; omni-  
no defuisse. Itaq; in Curione hoc uerissimè iudicari po-  
test, nullare una magis oratorem cōmendari, quàm uer-  
borū splendore et copia. Nam cū tardus in cogitando,  
tū in instruendo dissipatus fuit. Reliqua duo sunt, agere  
et meminisse, in utroq; cachinnos irridētū cōmouebat.  
Motus erat is, quem & C. Iulius in perpetuum notauit:  
cum ex eo in utranq; partē toto corpore uacillante quæ-  
siuit, quis loqueretur è lintre. Et Cn. Sicinius homo im-  
purus, sed admodū ridiculus: neq; aliud in eo oratoris  
simile quicquam. Is, cum tribunus plebis Curionem &  
Octauū Coss. produxisset, Curioq; multa dixisset seden-  
te Cn. Octauio collega, qui deuinctus erat fascijs, et mul-  
tis medicamentis propter dolorem artuum delibutus:  
Nunquam, inquit, Octauī, collegæ tuo gratiam referes,  
qui nisi se suo more iactauisset, hodie te istic muscæ com-  
medissent. Memoria autem ita fuit nulla, ut aliquoties  
tria cum proposuisset, aut quartum adderet, aut tertium  
quereret. qui in iudicio priuato, uel maximo, cum ego  
pro Titinia Cottæ perorauissem, ille contra me pro Ser-  
uio Næuio diceret, subito totam causam oblitus est: idq;  
ueneficijs & cantionibus Titiniæ factum esse dicebat.  
Magna hæc immemoris ingenij signa: sed nihil turpius,  
quàm quod etiam in scriptis obliuisceretur, quid paulo  
antè posuisset: ut in eo libro, ubi se exeuntem è senatu,  
& cum Pansa nostro, & cum Curione filio colloquen-  
tem facit, cum senatum Cæsar consul (b) habuisset, om-  
nisq; ille sermo ductus è percunctatione filij, quid in  
senatu esset actum. In quo multis uerbis cum inuehe-



retur in Caesarem Curio, disputatioq; esset inter eos, ut est consuetudo Dialogorum: cum sermo esset institutus senatu misso, quem Senatū Caesar cons. habuisset, reprehendit eas res quas idem Caesar anno post, & deinceps reliquis annis administruisset in Gallia. Tū Brutus admirans: Tantā ne fuisse obliuionē, inquit, in scripto praefertim, ut ne legens quidem unquam senserit, quantum flagitij commisisset? Quid autem, inquam, Brute stultius, quā si ea uituperare uolebat quae uituperauit, nō eo tempore instituere sermonem, cum illarum rerum iam tempora praeterissent? Sed ita totus errat, ut in eodem sermone dicat, in senatū se Caesare consule non accedere: sed id dicat ipso Cons. exiens ē senatu. Iam qui hac parte animi quae custos est ceterarū ingenij partiū, tam debilis esset, ut ne in scripto quidem meminisset quid paulō antē posuisset: huic minimē mirum est, ex tempore dicenti solitam effluere mentem. Itaq; cum ei nec officium deesset, & flagraret studio dicendi, per pauca ad eū causae deferrebantur. Orator autē, uiuis eius aequalibus, proximus optimis numerabatur, propter uerborum bonitatem, ut antē dixi, & expeditam ac profluentem quodammodo celeritatem. Itaq; eius orationes aspiciendas tamen censeo. sunt illae quidem languidiores: ueruntamen possunt augere, & quasi alere id bonum quod in illo mediocriter fuisse cōcedimus: quod habet tantā uim, ut solum sine alijs in Curione speciem oratoris alicuius effecerit. Sed ad instituta redeamus. In eodem igitur numero eiusdem aetatis C. Carbo fuit, illius eloquentissimi uiri filius, nō satis acutus orator: sed tamē orator numeratus est. Erat in uerbis grauitas, & faciliē dicebat, et auctoritatē naturalē quandā habebat oratio. Acutior Q.



Variis rebus inueniendis, nec minus uerbis expeditus: fortis uerò actor & uehemens, & uerbis nec inops, nec abiectus: & quem planè oratorem dicere auderes. Cn. Pomponius lateribus pugnans, incitans animos, acer, acerbus, criminofus. Multum ab ijs aberat L. Fufius, tamē ex accusatione M. Aquilij diligentia fructum ceperat. Nam M. Drusum tuum magnū auunculum, grauē oratorem, ita duntaxat cum de Repub. diceret: L. autem Lucillum etiam acutum, patremquē tuum, Brute, iuris quoque & publici & priuati sanè peritum M. Lucillum, M. Octauium Cn. filium, qui tantū autoritate dicendoq; ualuit, ut legē Semproniam frumentariam populi frequentis suffragijs abrogauerit: M. Octauium M. filium, M. Catonem patrem, Q. etiam Catulum filium abducamus ex acie, id est à iudicijs, et in praesidijs Reip. cui facile satisfacere possint, collocemus. Eòdem Q. Caepionem referrem, nisi nimis (a) equestri ordini deditus, à senatu dissedisset. Cn. Carbonem, M. Marium, et ex eodem genere cōplureis minimè dignos elegantis conuentus auribus, aptissimos cognoui turbulentis concionibus. quo in genere (ut in ijs perturbem etatū ordinem) nuper L. Quintius fuit, aptior autē etiā Palicanus auribus imperitorū. Et quoniam huius generis facta mentio est, seditioforum omnium post Gracchos L. Apuleius Saturninus eloquentissimus uisus est: magis specie tamē, & motu, atq; ipso amictu capiebat homines, quā aut dicendi copia, aut mediocritate prudentiae. Longē autē tē post natos homines improbiſſimus C. Seruilius Glaucia, sed peracutus & callidus, in primisq; ridiculus. Is ex summis & fortunae & uitae sordibus in praetura confectus esset, si rationem eius habere licere iudicatū esset.



Nam & plebem tenebat, & equestrem ordinem beneficio legis deuinxerat. Is prætor eodem die, quo Saturninus tribunus pl. Mario et Flacco Coss. publicè est interfectus. homo simillimus Atheniensis Hyperboli, cuius improbitatem ueteres Atticorum comœdiæ notauerunt. Quos Sex. Titius consecutus, homo loquax sanè, & satis acutus: sed tam solutus & mollis in gestu, ut saltatio quædam nasceretur, cui saltationi Titius nomen esset. Ita cauendum est, ne quid in agendo dicendo ue facias, cuius imitatio rideatur. Sed ad paulo superiorè ætatem reuerti sumus. nunc ad eam, de qua aliquantū locuti sumus, reuertamur. Coniunctus igitur Sulpitij ætati P. Antistius fuit, rabula sanè probabilis, qui multos cū tacuisset annos, neq; contemni solum, sed irrideri etiam solitus esset, in tribunatu primū contra C. Iulij illam consularis petitionem extraordinariam, ueram causam agens est probatus: et eò magis, quod eandem causam cum ageret, eius collega ille ipse Sulpitius hic plura & acutiora dicebat. Itaq; post tribunatum primò multæ ad eum causas, deinde omnes, maximæ quæcunq; erant, deferebātur. Rem uidebat acutè, componebat diligenter, memoria ualebat: uerbis non ille quidem ornatis utebatur, sed tamē non abiectis. Expedita autem erat, & perfacile curans oratio, & erat eius quidem tanquam habitus non inurbanus. Actio paulū cum uitio uocis, tum etiam ineptijs claudicabat. Hic temporibus floruit ijs, quibus inter professionem reditumq; L. Syllæ sine iure fuit, & sine ulla dignitate Respub. Hoc autem magis probabatur, quod erat ab oratoribus quædam in foro solitudo. Sulpitius occiderat, Cotta aberat, & Curio. uiuebat è reliquis patronis eius ætatis nemo præter Carbonem, &



Pomponium, quorum utrūq; facile superabat. Inferioris autem ætatis erat proximus L. Sisenna doctus uir, & studijs optimis deditus, benè Latine loquens, (b) gnarus Reipub. non sine facetijs: sed neq; laboris multi, nec satis uersatus in causis, interiectusq; inter duas ætates Hortensij & Sulpitij: nec maiores consequi poterat, & minori necesse erat cedere. Huius omnis facultas ex historia ipsius perspicui potest, quæ cū facile omnes uincat superiores, tum indicat tamē quantū absit à summo, quamq; genus hoc scriptionis nondū sit satis Latinis literis illustratū. nam Q. Hortensij admodum adolescentis ingenium, ut Phidie signum, simul aspectum & probatum est. Is L. Crasso, Q. Scauola Coss. primum in foro dixit, et apud hos quidem ipsos consules: & cū eorum qui affuerunt, tum ipsorum consulum, qui omnis intelligentia anteibant, iudicio discessit probatus. unde uiginti annos natus erat eo tempore. Est autem L. Paulo, C. Marcello Coss. mortuus: ex quo uidemus eum in patrum numero annos quatuor, et X. L. fuisse. Hoc de oratore, paulò post plura dicemus. Hoc autē loco uoluimus ætatem in disparē oratorū ætatem includere, quanquam id quidem omnibus usu uenire necesse fuit, quibus paulò longior uita contigit, ut & cum multo maioribus natus quàm essent ipsi, & cum aliquanto minoribus compararentur. ut Accius ijsdem ædilibus ait se et Pacuuium docuisse fabulam, cum ille octuaginta, ipse triginta annos natus esset. Sic Hortensius non cum suis æqualibus solū, sed & mea cum ætate, et cum tua Brute, et cum aliquanto superiore coniungitur. Siquidem et Crasso uiuo dicere solebat, & magis iam etiam uigebat Antonio, & cum Philippo iam sene pro Cn. Pompeij bonis dicente, in illa



causa adolescens cum esset, princeps fuit : & in eorum quos in Sulpitij ætate posui, numerum facillè peruenerat, & suos inter æquales M. Pisonem, M. Crassum, Cn. Lentulum. P. Lentulum Suram longè præstitit : & me adolescentem nactus octo annis minorè quàm erat ipse, multos annos in studio eiusdem laudis exercuit et tecum simul, sicut ego pro multis, sic ille pro Appio Claudio dixit, paulò ante mortem. Vides igitur, ut ad te oratorum, Brute, peruenierimus, tam multis inter nostrum tuumq; initiũ dicendi interpositis oratoribus? ex quibus, quoniam in hoc sermone nostro statui neminem eorum qui uiuerent nominare, ne uos curiosius eligeretis ex me quid de quòque iudicarem, eos qui iam sunt mortui nominabo. Tum Brutus : Non est, inquit, ista causa, quam dicis : quamobrem de ijs qui uiuunt nihil uelis dicere. Quenám igitur, inquam, est? Vereri te, inquit, arbitror, ne per nos hic sermo tuus emanet, & ij tibi succenseant, quos præterieris. Quid uos, inquam, tacere non poteritis? Nos quidem, inquit, facillimè : sed tamen te arbitror male id ipsum tacere, quàm taciturnitatem nostram ex-

periri. Tum ego: Verè (a) inquam tibi Brute dicam: non me existimaui in hoc sermone usque ad hanc ætatem esse uenturum, sed ita traxit ordo ætatũ orationem, ut iam ad minores etiã peruenerim. Interpone igitur, inquit, si quos uidetur: deinde redeamus ad te, & ad Hortensium. Immo uerò, inquam ad Hortensium, de me alij dicent, si qui uolent. Minimè uerò, inquit : nam & si me facillè omni tuo sermone tenuisti, tamen is mihi longior uidetur, quod propero audire de te: nec uerò tã de uirtutib. dicẽdi tuis, quæ cũ omnibus tũ certè mihi notissimæ sunt, quã quòd gradus tuos, et quasi processus dicẽdi sũdeo cogno-



scere. Geretur, inquam, tibi mos, quoniam me nō ingenij  
 prædicatorem esse uis, sed laboris mei. Verū interpo=  
 nam, ut placet, alios, & à M. Crasso qui fuit æqualis  
 Hortensij, exordiar. Is igitur mediocriter à doctrina in=  
 structus, angustius etiam à natura, labore & industria:  
 & quod adhibebat ad obtinendas causas, curam etiam  
 & gratiam, in principibus patronis aliquot annos fuit.  
 In huius oratione sermo Latinus erat, uerba nō abiecta,  
 res compositæ diligenter: nullus flos tamen, neq; lumen  
 ullum: animi magna, uocis parua contentio: omnia ferè  
 ut similiter atq; uno modo dicerentur. Nam huius æqua=  
 lis, & inimicus C. Fimbria non ita diu lactare se potuit,  
 qui omnia magna uoce dicens, uerborum sanè bonorum  
 cursu quodam incitato: ita furebat tamen, ut mirarer  
 tam alias res agere populum, ut esset insano inter diser=  
 tos locus. Cn. autem Lentulus multò maiorem opinio=  
 nem dicendi actione faciebat, quàm quanta in eo facul=  
 tas erat: qui cum esset nec peracutus (quanquam ex facie  
 et ex uultu uidebatur) nec abundans uerbis, & si falle=  
 bat in eo ipso, sic interuallis, exclamationibus, uoce sua=  
 ui & canora, admirando irridebat, calebat in agendo, ut  
 ea quæ deerant, non desiderarentur. Ita, tanquam Cu=  
 rio copia nonnulla uerborum, nullo alio bono tenuit  
 oratorum locum: sic Lentulus cæterarum uirtutum di=  
 cendi mediocritatem actione occultauit, in qua excel=  
 lens fuit. Neq; multò secus P. Lentulus, cuius & excogi=  
 tandi, & loquendi tarditatem tegebat forma dignitas:  
 corporis motus plenus & artis & uenustatis, uocis &  
 suauitas & magnitudo: sic in hoc nihil præter actionem  
 fuit. Cætera etiam minora, quàm in superiore. M. Piso  
 quicquid habuit, habuit ex disciplina: maximeq; ex



omnibus qui antè fuerūt, Græcis doctrinis eruditus fuit. Habuit à natura genus quoddam acuminis, quod etiam arte limauerat, quod erat in reprehendendis uerbis uersutum & solers: sed sæpè stomachosum, nonnunquā frigidum, interdum etiam facetum. Is laborem quasi cursum forensem diutius non tulit: quod et corpore erat infirmo, & hominum ineptias ac stulticias, quæ (b) deorandæ nobis sunt, non ferebat, iracundiusq; respuebat, siue morose, ut putabatur, siue ingenuo liberoq; fastidio. Is cum satis florisset adolescens, minor haberi est cœptus postea: deinde ex uirginum iudicio magnā laudem est adeptus, & ex eo tempore quasi reuocatus in cursum tenui locum tamdiu, quam ferre potuit laborem: postea quantum detraxit ex studio, tantū amisit ex gloria. P. Murena mediocri ingenio, sed magno studio rerū, ueterum literarum et studiosus, & non imperitus, multæ industriæ, et magni laboris fuit. C. Censorinus Græcis literis satis doctus, quod proposuerat explicans expeditè, non inuenustus actor, sed iners, & inimicus fori. L. Turrus paruo ingenio, sed multo labore, quòquo modo poterat, sæpè dicebat. itaq; & pauca centuriæ ad consulum defuerunt. C. Macer autoritate semper eguit, sed fuit patronus propemodū diligentissimus. huius si uita, si mores, si uultus deniq; nō omnem cōmendationem ingenij euerteret, maius nomen in patronis fuisset, nō erat abundans, non inops tamen, non ualde nitens: non plane horrida oratio, uox, gestus, et omnis actio sine lepore. at inueniendis, componendisq; rebus mira accuratio, ut non facîle in ullo diligentiore maioremq; cognouerim: sed eam ut citius ueteratoriam, quā oratoriam, diceret. hic si etiam in publicis causis probabatur, tamen in



priuatis illustriorem obtinebat locum. C. deinde Piso,  
 statutus, & sermonis plenus orator, minimè ille qui-  
 dem tardus in excogitando, ueruntamen uultu et simu-  
 latione, multo etiam acutior quàm erat, uidebatur. nam  
 eius æqualem M. Glabriorem benè institutum aui Scæ-  
 uolæ diligentia, socors ipsius natura, negligensq; tarda-  
 uerat. Etiam L. Torquatus elegans in dicendo, in existi-  
 mando admodum prudens, toto genere perurbanus. Meus  
 autè æqualis Gn. Pompeius, uir ad omnia summa natus,  
 maiore dicendi gloriam habuisset, nisi cum maioris glo-  
 riæ cupiditas ad bellicas laudes abstraxisset. erat ora-  
 tione satis amplius, rem prudenter uidebat: actio uerò  
 eius habebat & in uoce magnum splendorem, & in mo-  
 tu summa n dignitatem. Noster item æqualis D. Syllanus  
 uictoricius tuus, studij ille quidem habuit non multum, sed  
 acuminis, & orationis satis. Q. Pompeius, A.F. qui Bi-  
 thynicus dictus est, biennio quàm nos fortasse maior,  
 summo studio dicendi, multaq; doctrina, incredibili la-  
 bore atq; industria, quod scire possum: fuit enim mecum,  
 et cum M. Pisone, cum amicitia tum studijs exercitatio-  
 nibusq; coniunctus. huius actio non satis commendabat  
 orationem: in hac enim satis erat copiae, in illa autem le-  
 pōris parum. Erat eius æqualis P. Antronius uoce pera-  
 cuta atque magna, nec aliare ulla probabilis. (a) Et L. 187.  
 Octauius Reatinus, qui cum multas iam causas diceret,  
 adolescens est mortuus: is tamen ad dicendum ueniebat  
 magis audacter, quàm paratè. Et C. Stalenus qui se ipse  
 adoptauerat, et de Staleno Aelium fecerat, feruido quo-  
 dam & petulanti & furioso genere dicendi: quod quia  
 multis gratum erat, et probabatur, ascendisset ad hono-  
 res, nisi in facinore manifesto deprehensus, poenas legi-



bus & iudicio dedisset. Eodē tempore C. L. Capasij fratres fuerunt: qui multa opera ignoti homines, et repentinī, quaestores celeriter facti sunt, oppidano quodam & incondito genere dicendi. Addamus huc etiam, ne quem uocalem prateriisse uideamur, C. Cosconium Calidianū, qui nullo acumine, eam tamen uerborū copiam, si quam habebat, praebebat populo cum multa concursatione, magnoq; clamore. Quod idem faciebat Q. Arrius, qui fuit M. Craesi quasi secundarius. Is omnibus exemplo debet esse, quantum in hac urbe polleat multorum obedire tempori, multorumq; uel honori uel periculo seruire. His enim rebus infimo loco natus, & honores & pecuniam et gratiam consecutus, etiam in patronorū sine doctrina, sine ingenio aliquem numerum peruenerat. sed ut pugiles in exercitati, etiam si pugnos et plagas Olympiorum cupidi ferre possunt: solem tamen saepe ferre nō possunt: sic ille cum omni iam fortuna prosperē functus, labores etiam magnos excepisset, illius iudicialis anni seueritatem quasi solem non tulit. Tum Atticus: Tu quidem de sece, inquit, hauris, idq; iam dudum, sed tacebam: hoc uerō non putabam, te usque ad Stalenos & Antro-nios esse uenturum. Non puto inquam existimare te ambitione me labi, quippe de mortuis: sed ordinem sequens, in memoriam notam & aequalem necessariō incurro. Volo autem hoc perspicere, omnibus conquisitis qui in multitudine dicere ausi sint; memoria quidem dignos per paucos: uerū qui omnino nomen habuerunt, non ita multos fuisse. Sed ad sermonem institutum reuertamur, Titus Torquatus, Titi filius, et doctus uir ex Rhodia disciplina Molonis, & à natura ad dicendum satis solutus atque expeditus: cui si uita suppeditauisset,



sublato ambitu consul factus esset, plus facultatis habuit  
 ad dicendum, quàm uoluntatis. Itaq; studio huic non sa-  
 tis fecit: officio uero nec in suorum necessariorū causis,  
 nec in sententia senatoria defuit. Etia M. Pontidius mu-  
 niceps noster multas priuatas causas agitauit, celeriter  
 sanè uerba uoluens, nec hebes in causis: uel dicam plus  
 etiam, quàm non hebes, sed efferuescens in dicendo sto-  
 macho sepe, iracundiāq; uehementius, ut non cū aduer-  
 sario solum, sed etiam (quod mirabile esset) cum iudice  
 ipso, cuius delinitor esse debet orator, iurgio sepe con-  
 tenderet. M. Messala minor natu (b) quā nos nullo mo-  
 do inops, sed non nimis ornatus genere uerborum, pru-  
 dens, acutus, minime incautus, patronus in causis cogno-  
 scendis componendisq; diligens, magni laboris, multæ  
 operæ, multarumq; causarum. Duo etiam Metelli Ce-  
 ler & Nepos, nihil in causis uersati, nec sine ingenio,  
 nec indocti, hoc erant popolare dicendi genus assecuti.  
 C. autem Lentulus Marcellinus, nec unquam indisertus,  
 & in consolatū pereloquens uisus est, non tardus sen-  
 tentijs, non inops uerbis, uoce canora facetus satis. C.  
 Memmius L. filius perfectus literis, sed Græcis: fastidio-  
 sus sanè Latinarū: argutus orator, uerbisq; dulcis: sed fig-  
 giens non modò dicendi, uerum etiā cogitandi laborem:  
 tantum sibi de facultate detraxit, quantum imminuit in-  
 dustriæ. Hoc loco Brutus: Quàm uellem, inquit, de his  
 etiam oratorib. qui hodie sunt, tibi dicere luberet: &  
 si de alijs minus, de duobus tamē, quos à te scio laudari  
 solere, Cesare & Marcello. audirem non minus luben-  
 ter, quàm audiui de ijs qui fuerūt. Cur tandem, inquam?  
 an expectas quid ego iudicem de istis, qui tibi sunt æquē  
 noti ac mihi? Mihi mehercule, inquit, Marcellus satis est



notus, Cæsar autē parū illum enim sepē audiui: hic, cū ego iudicare iam aliquid possem, absuit. Quid igitur de illo iudicas, quem sepē audisti? Quid censes, inquit, nisi id, quod habiturus es similem tui? Næ ego, inquam, si ita est, uelim tibi eū placere quā maximē. Atq; & ita est, inquit, & uehementer placet, nec uerō sine causa. nam & dicit: & omīsis cæteris studijs, unum id egit, seseq; quotidianis commentationibus acerrimē exercuit. Itaq; & lectis utitur uerbis, & frequentibus, & splendore uocis, dignitate motus sit speciosum & illustre quod dicitur: Omniaq; sic suppetunt, ut ei nullam deesse uirtutem oratoris putem: maximeq; laudandus, qui hoc tempore ipso cū liceat in hoc communi nostro & quasi fatali malo consoletur se, cū conscientia optimæ mentis, tū etiam usurpatione & renouatione doctrinæ. Vidi enim Mitylenis nuper uirum, atq; (ut dixi) uidi planē uirum. Itaq; cū eum antea tui similem in dicendo uiderim, tū uerō nunc à doctissimo uiro, tibiq; ut intellexi, amicissimo Cratippo instructū omni copia, multo uidebam similiore. Hic ego: Etsi, inquam, de optimi uiri, nobisq; amicissimi laudibus lubenter audio: tamen incurro in memoriam communium miseriarum, quarum obliuionem quærens hunc ipsum sermonem produxi longius. Sed de Cæsare cupio audire, quid tandē Atticus iudicet. Et ille: Præclarē, inquit, tibi constas, ut de ijs qui nunc sunt, nihil uelis ipse dicere. & herclē si sic ageres, ut de ijs egisti qui iam mortui sunt, neminem ut prætermitteres, nā tu in multos Antronios & Stalenos  
188 (a) incurreres. Quare siue hanc turbā effugere uoluisti, siue ueritus ne quis se aut præteritum, aut non satis laudatum queri possit, de Cæsare tamen potuisti dicere:



præsertim cum & tuū de illius ingenio notissimum iudi-  
 cium esset, nec illius de tuo obscurum. Sed tamen Brute,  
 inquit Atticus, de Cæsare & ipse ita iudico, & de hoc  
 huius generis acerrimo existimatore sapissimè audio,  
 illū omnium ferè oratorū Latinè loqui elegantissimè: nec  
 id solum domestica cōsuetudine, ut dudū de Læliorū &  
 Mutiorū familijs audiebamus, sed quanquā id quoq; cre-  
 do fuisse, tamen ut esset perfecta illa benè loquendi laus  
 multis literis, & ijs quidē reconditis & exquisitis, sum-  
 moq; studio et diligentia est cōsecutus: quin etiam in ma-  
 ximis occupationibus cum ad te ipsum, inquit, in me in-  
 tuens de ratione Latinè loquendi accuratissimè scripse-  
 rit, primoq; in libro dixerit uerborū delectū originē es-  
 se eloquentiæ, tribueritq; mi Brute, huic nostro, qui de  
 me illo maluit quā se dicere, laudē singulārē. Nā scri-  
 psit his uerbis cum hūc nomine esset affatus: Ac si cogi-  
 tata præclarè eloqui possent, nonnulli studio & usu ela-  
 borauerunt, cuius te penè principē copię atq; inuento-  
 rem benè de nomine ac dignitate populi Romani meri-  
 tum esse, existimare debemus: hunc facile et quotidianū  
 nouisse sermonem, nunc pro relicto est habendum. Tum  
 Brutus: Amice, herculè, inquit, & magnificè te laudatū  
 puto, quē non solum principē atq; inuentorem copię di-  
 xerit, quā erat magna laus, sed etiā benè meritū de popu-  
 li Rom. nomine et dignitate: quo enim uno uincebamur  
 à uicta Græciā id aut ereptū illis est, aut certè nobis cū  
 illis communicatum. Hanc autē, inquit, gloriā testimo-  
 niumq; Cæsaris tuæ quidem supplicationi nō solum, sed  
 triumphis multorū antepono. Et rectè quidem, inquā,  
 Brute, modò sit hoc Cæsaris iudicij, nō beneuolentiæ testi-  
 monium plus enim certè attulit huic populo dignitatis,



quisquis est ille, si modò est aliquis qui nò illustrauit modò, sed etiam genuit in hac urbe dicendi copiam, quàm illi qui Ligurum castella expugnaverunt, ex quibus multi sunt, ut scitis, triumphi. Verùm quidem si audire uolumus, omìssis illis diuinis consilijs quibus sæpè constituta est imperatorum sapientia, salus ciuitatis, aut belli, aut domi, multò magis orator præstat minutis imperatoribus. At prodest plus imperator: quis negat? sed tamen non metuo, ne mihi acclametis: est autem quòd sentias dicendi liber locus. Malim mihi L. Crassi unam pro M. Curio dictionem, quàm Castellanos triumphos duos. At plus interfuit reip. castellū capi Ligurū, quàm benè defendi causam M. Curij. credo. Sed Atheniensium quoq; (b) plus interfuit firma tecta in domicilijs habere, quàm Mineruæ signū ex ebore pulcherrimum: tamen ego me Phidiam esse mallet, quàm uel optimū fabrum tignarium. quare nò quantum quisq; prosit, sed quanti quisq; sit ponderandum est, præsertim cū pauci pingere egregiè possint, aut fingere: operarij autem aut baiuli deesse non possint. Sed perge Pomponi de Cesare, & redde quæ restant. Solum quidē, inquit ille, & quasi fundamentum oratoris uides locutionem emendatam & Latinam, cuius penes quos laus adhuc fuit, nò fuit rationis aut scientiæ, sed quasi bonæ consuetudinis. Mitto C. Lelium. P. Scipionem: ætatis illius ista fuit laus tanquam innocentie, sic Latinè loquendi: non omnium tamen, nam illorum æquales Cæciliū & Pacuuium malè locutos uidemus. sed omnes tum ferè, qui nec extra urbem hanc uixerant, nec eos aliqua barbaries domestica infuscauerat, rectè loquebantur: sed hanc certè rem deteriore uetustas fecit, & Romæ, & in Græcia. Con=



fluxerunt enim & Athenas, et in hanc urbem multi in-  
 quinatē loquentes ex diuersis locis, quō magis expur-  
 gandus est sermo, & adhibenda quā obtrusa ratio,  
 quæ mutari non potest, nec utendum prauissima consue-  
 tudinis regula. T. Flaminium, qui cum Q. Metello con-  
 sul fuit, pueri uidimus. Existimabatur benē Latine, sed  
 literas nesciebat. Catulus erat ille quidem minime indo-  
 ctus, ut à te paulo est antē dictum: sed tamen suauitas vo-  
 cis et lenis appellatio literarum, benē loquendi famam  
 consecerat. Cotta, quia se ualde dilatandis literis à fini-  
 tudine Græcæ locutionis abstraxerat, sonabatq; con-  
 trarium Catulo subagreste quiddam, planeq; subrusti-  
 cum, alia quidem quasi inculta et syluestri uia ad eandē  
 laudē peruenerat. Sisenna autē quasi emendator sermo-  
 nis usitati cū esse uellet, ne C. Ruscio quidem accusatori  
 deterri potuit quō minus inusitatis uerbis uteretur.  
 Quidnam istuc est, inquit Brutus? aut quis est iste C. Ru-  
 scius? Et ille fuit accusator, inquit, uetus: quo accusante  
 Chirtilium, Sisenna defendens, dixit quædam eius sputa-  
 tilica esse crimina. Tū C. Ruscio: Circumuenior, inquit,  
 iudices, nisi subuenitis. Sisenna quid dicas nescio: metuo  
 insidias. Sputatilica: quid est hoc? sputa quid sit scio, tili-  
 ca nescio. maximi risus: sed ille tamē familiaris meus re-  
 ctē loqui putabat esse, inusitatē loqui. Cæsar autē ratio-  
 nem adhibens, consuetudinē uitiosam et corruptā pura  
 & incorrupta consuetudine emendat. Itaq; cū ad hanc  
 elegantiam uerborum Latinorum, quæ etiamsi orator  
 non sis, & sis ingenuus ciuis Romanus, tamen necessa-  
 ria est, adiungit illa oratoria ornamenta dicendi, tum ui-  
 detur tanquam tabulas benē pictas collocare in bono lu-  
 mine (a) hanc cum habeat præcipuam laudem in com-



munibus, nō uideo cui debeat cedere, splendidam quamdam, minimeq; ueteratoriam rationē dicendi tenet, uoce, motu, forma etiam magnifica, & generosa quodammodo. Tum Brutus: Orationes quidem eius mihi uehementer probantur, complureis autem legi. Atq; etiam commentarios quosdam scripsit rerum suarum, ualde quidem inquam probandos: nudi enim sunt, recti & uenusti, omni ornatu orationis tanquam ueste detracta, sed dum uoluit alios habere parata unde sumerent, qui uelent scribere historiam, ineptis gratum fortasse fecit, qui uolunt illa calamistris inurere, sanos quidem homines a scribendo deterruit. Nihil enim est in historia pura & illustri breuitate dulcius. Sed ad eos, si placet, qui uita excefferunt, reuertamur. C. Sicinius igitur Q. Pompeij illius, qui censor fuit, ex filia nepos, quaestorius mortuus est, probabilis orator: iam uerō etiam probatus ex hac inopia ad ornandum: sed ad inueniendum expedita Hermagorae disciplina. ea dat rationes certas, & praecepta dicendi: quae si minorem habent apparatus (sunt enim exilia) tamen habent ordinem, & quasdam errare in dicendo non patientes uias. has ille tenens, & paratus ad causas ueniens, uerborū non egens, ipsa illa cōparatione, disciplinaq; dicendi iam in patronorum numerum peruenerat. Erat etiam uir doctus in primis C. Vitellius Varro consobrinus meus, qui fuit cum Sici-  
nio aetate coniunctus. is cum post curulem aedilitatem iudex quaestionis esset, est mortuus. in quo fateor uulgi iudicium a iudicio meo dissensisse: nam populo nō erat satis uendibilis, praeceptis quaedā, & cum idcirco obscura, quia peracuta, tum rapida, & celeritate cecata oratio: sed neq; uerbis aptiorem citō alium dixerim, neq; sen-



centijs crebriorē. Præterea perfectus in literis, iurisq; ciuilibus iā à patre Aculeone traditā tenuit disciplinā. Reliqui sunt, qui mortui sint, L. Torquatus, quē tu non tam cito rhetorem dixisses, etsi non deerat oratio, quā ut Græci dicunt πολιτικός. Erāt in eo plurimæ literæ, nec eæ uulgares, sed interiores quædam, et reconditæ: diuina memoria, summa uerborum & grauitas & elegantia: atq; hæc omnia uitæ decorabat grauitas, & integritas. me quidem admodum delectabat etiā Triarij, in illa ætate plena literatæ senectutis oratio: quanta seueritas in uultu, quantū pondus in uerbis, quā nihil non consideratum exibat ex ore? Tum Brutus Torquati & Triarij mentione commotus (utrūq; enim eorum admodum dilexerat) Næ ego, inquit, ut omittam cætera, quæ sunt innumerabilia, de istis duobus cū cogito, doleo nihil tuam perpetuam auctoritatē de pace ualuisse. nā nec istos excellentes uiros, nec multos (b) alios præstanteis ciues resp. perdidisset. Sileamus, inquam, Brute de istis, ne augeamus dolorē. nam et præteritorū recordatio est acerba, & acerbior expectatio reliquorum. Itaq; omittamus lugere, et tantū quid quisq; dicendo potuerit, quoniā id querimus, prædicemus. Sunt etiā ex ijs qui eodem bello occiderunt, M. Bibulus, qui & scriptitauit accuratē, cū præsertim non esset orator, & egit multa constanter. Appius Claudius socer tuus, collega & familiaris meus. hic iam & satis studiosus, & ualde cū doctus, tū etiam exercitatus orator: & cum auguraris, tum omnis publici iuris, antiquitatisq; nostræ benè peritus fuit. L. Domitius nulla ille quidem arte, sed Latine tamen, & multa cum libertate dicebat. Duo præterea Lentuli consulares, quorum Publius ille nostrarum iniuriarum



ultor, author salutis, quicquid habuit, quantumcunque fuit, illud totum habuit è disciplina, instrumenta naturæ deerant: sed tantus animi splendor, et tanta magnitudo, ut sibi omnia quæ clarorum uirorum essent, non dubitaret asciscere, eaq; omni dignitate obtineret. L. autem Lentulus satis erat fortis orator, si modò orator, sed cogitandi non ferebat laborem: uox canora, uerba non horrida sanè, ut plena esset animi & terroris oratio. Quereres in iudicijs fortasse melius: in repub. quod erat, esse iudicares satis. Ne Titus quidè Posthumius contemnendus in dicendo, de repub. uerò nò minus uehemens orator, quàm bellator fuit: effrenatus, & acer nimis, sed benè iuris publici leges atq; instituta cognouerat. Hoc loco Atticus: Putarè te, inquit, ambitiosum esse, si (ut dixisti) ij, quos iamdiu colligis, uiuerèt. Omnes enim cōmemoras, qui ausi aliquando sunt stantes loqui, ut mihi imprudens M. Seruilius præterijisse uideare. Non in quā ego istuc ignoro Pomponi, multos fuisse qui uerbū nunquā in publico fecissent, cū melius aliquāto possent, quā isti oratores, quos colligo, dicere. Sed his cōmemorandis etiam illud assequor, ut intelligatis primū ex omni numero, quā non multi ausi sint dicere: deinde ex ijs ipsis quā pauci fuerint laude digni. Itaq; ne hos quidè equites Romanos amicos nostros, qui nuper mortui sunt, P. Cominiū Spoletinū, quo accusante defendi C. Corneliū, in quo & compositū dicendi genus, & acre, & expeditum fuit: T. Accium Pisauensem, cuius accusationi respondi pro A. Cluentio, qui et accuratè dicebat, & satis copiose: eratq; præterea doctus Hermagoræ præceptis, quibus etsi ornāmēta nō satis optima dicēdi, tamē ut haſte uelutibus amentatæ sic apta quædā et parata singulis



causarum generibus argumenta traduntur. Studio autem  
 neminem nec industria maiore cognoui, quanquā ne in-  
 genio quidem qui praestiterit, facile (a) dixerim C. Pisoni 190  
 genero meo. nullum tempus illi unquā uacabat aut à fo-  
 rensi dictione, aut à cōmentatione domestica, aut à scri-  
 bendo, aut à cogitando. Itaq; tantos processus efficiebat,  
 ut euolare, non excurrere uideretur. Eratq; uerborum  
 & delectus elegans, & apta & quasi rotunda constru-  
 ctio. Cumq; argumenta excogitabantur ab eo multa, &  
 firma ad probandum: tum concinne acutaeq; sententiae.  
 gestusq; natura ita uenustus, ut ars etiam quae non erat,  
 et e disciplina motus quidam uideretur accedere. Vereor  
 ne amore uidear plura, quam fuerint in illo; dicere.  
 quod non ita est: alia enim de illo maiora dici possunt:  
 nam nec continentia, nec pietate, nec ullo genere uirtu-  
 tis, quenquam eiusdem aetatis cum illo conferendum pu-  
 to. Nec uero M. Caelium praetereundum arbitror, quae-  
 cunq; eius in exitu uel fortuna, uel mens fuit: qui quan-  
 diu authoritati meae paruit, talis tribunus plebis fuit;  
 ut nemo contra ciuium perditorum popularem turbu-  
 lentamq; dementia à senatu & à bonorum causa stete-  
 rit constantius: quam eius actionem, multum tamen &  
 splendida, & grandis, & eadem in primis faceta et per-  
 urbana commendabat oratio. Graues eius conciones  
 aliquot fuerunt, acres accusationes tres, eaq; omnes ex  
 Reipub. contentione susceptae: defensiones, etsi illa erant  
 in eo meliora quae dixi, non contemnendae tamen, saneq;  
 tolerabiles. hic cum summa uoluntate bonorum adulis  
 curulis factus esset, nescio quo modo discessu meo disces-  
 sit à sese, ceciditq; postea, cum eos imitari coepit quos  
 ipse peruerterat. Sed de M. Calidio dicamus aliquid, qui



non fuit orator unus è multis, potius inter multos præ singularis fuit. Ita reconditas exquisitasq; sententias mollis & pellucens uestiebat oratio. nihil tam tenerum, quàm illius comprehensio uerborum: nihil tam flexibile, nihil quod magis ipsius arbitrio fingeretur: ut nullius oratoris æquè in potestate fuerit. quæ primū ita pura erat, ut nihil liquidius: ita liberè fluebat, ut nusquam adheresceret: nullum nisi loco positum, & tanquam in uermiculato emblemate, ut ait Lucilius, structum uerbum uideres. nec uerò ullum aut durum, aut insolens, aut humile, aut in longius ductum. ac non propria uerberum, sed pleraq; translata: sic tamen, ut ea non irruisse in alienum locum, sed immigrasse in suum diceres. nec uerba hæc soluta, nec diffuentia, sed astricta numeris, non apertè, nec eodem modo semper, sed uariè distimulanterquè conclusis. Erant autem & uerborum & sententiarum illa lumina, quæ uocant Græci *ῥήματα*, quibus tanquam insignibus in ornatu distinguebatur omnis oratio: qua de re agitur autem, illud quod multis locis in iurisperitorum includitur formulis, & ubi esset, uidebat. Accedebat ordo (b) rerum plenus artis, actio liberalis, totumq; dicendi placidū & sanū genus. Quod si est optimum suauiter dicere, nihil est quod melius hoc querendum putes. Sed cum à nobis paulò ante dictum sit, tria uideri esse, quæ orator efficere deberet, ut doceret, ut delectaret, ut moueret: duo summè tenuit, ut et re illustraret differendo, & animos eorum qui audirent, deuinciret uoluptate. Aberat tertia illa laus, qua permoueret atq; incitaret animos, quam plurimum pollere diximus. nec erat ulla uis atque contentio sine consilio, quòd eos quorum altior oratio, actioq; esset ardentior,



fūrere et bacchari arbitraretur: siue quod natura non esset ita factus: siue quod nō consuesset, siue quod non posset: hoc unū illi, si nihil utilitatis habebat, absuit: si opus erat, defuit. Quinetiam memini, cū in accusatione sua Quinto Gallio crimini dedisset, sibi eū uenenū parauisse, idq; à se esse deprehensum, seseq; chirographa, testificationes, indicia, quæstiones, manifestam rē deferre diceret, deq; eo crimine accuratè & exquisitè disputauisset, me in respondendo, cū essem argumentatus, quantū res ferebat, hoc ipsum etiam posuisse pro argumento, quod ille cū pestem capitis sui, cum indicia mortis se cōperisset manifestò, et manu tenere diceret: tam solutè egisset, tam leniter, tam oscitāter. Tu istuc M. Calidi nisi fingeres, sic ageres? præsertim cū ista eloquentia alienorū hominū pericula defendere acerrimè soleas, tuum negligeres? ubi dolor? ubi ardor animi? qui etiam ex infantium ingenijs elicere uoces & querelas solet, nulla perturbatio animi, nulla corporis, frons non percussa, non femur, pedis (quod minimum est) nulla supplotio. itaq; tantum abfuit, ut inflāmares nostros animos, somnum isto loco uix tenebamus: sic nos summi oratoris uel sanitate, uel uitio, pro argumento ad diluendū crimen usi sumus. Tū Brutus: Atq; dubitamus, inquit, utrū ista sanitas fuerit, an uitium? quis enim non fateatur, cū ex omnibus oratoris laudibus longè ista sit maxima, inflāmare animos audientium: & quocunq; res postulet modo, flectere: qui hac uirtute caruerit, id ei quod maximum fuerit, defuisse? Sit sanè ita, inquam: sed redeamus ad eum, qui iam uanus restat, Hortensium, tū de nobismetipsis: quoniam id etiam Brute postulas, pauca dicemus. quanquam faciēda mentio est, ut quidē mihi uidetur, duorum adole-



scientium, qui si diutius uixissent, magnam essent eloquentiæ laudem consecuti. C. Curionem te, inquit Brutus, & C. Licinium Caluum arbitror dicere. Rectè, inquam, arbitraris: quorum quidem alter quod uerisimile dixisset, ita facillè soluteq; uerbis uoluebat, satis interdum acutas, crebras quidem certè sententias, ut nihil posset  
 191 ornatus esse, nihil expeditius. Atq; hic(a) magistris parum institutus, naturam habuit admirabilem ad dicendum: industriam nõ sum expertus: studiũ certè fuit. qui si me audire uoluisset, ut exceperat, honores quàm opes consequi maluisset. Quidnã est, inquit, istuc? et quemadmodum distinguas? Hoc modo, inquit: Cum honos sit præmiũ uirtutis, iudicio studioq; ciuium delatũ ad aliquem: qui eum sententijs, qui suffragijs adeptus est, is mihi et honestus, et honoratus uidetur. Qui autem occasione aliqua etiam inuitis suis ciuibus nactus est imperium, ut ille cupiebat, hunc nomen honoris adeptum, non honorem puto: quæ si ille audire uoluisset, maxima eum gratia et gloria ad summam amplitudinẽ peruenisset, ascendens gradibus magistratuum, ut pater eius fecerat, ut reliqui clariiores uiri. Quæ quidem etiam cum P. Crasso, M. F. cum initio ætatis ad amicitiam se meam contulisset, sæpè egisse me arbitror, cum eum uehementer hortarer, ut eam laudis uiam rectissimam esse duceret, quam maiores eius ei tritam reliquissent. Erat enim cum institutus optimè, tum etiam perfectè planeq; eruditus: ineratq; & ingenium satis acre, & orationis non inelegans copia: prætereaq; sine arrogantia grauis esse uidebatur, & sine segnitia uerecundus. sed hunc quoque absorbuit æstus quidam insolite adolescentibus gloriæ: qui quia nauarat miles operam imperatori, imperatorem se statim esse



cupiebat, cui muneri mos maiorum etatem certam, sortem incertam reliquit. Ita grauisimo suo casu dum Cyri et Alexandri similis esse uoluit, qui suū cursum transcurrerant, & L. Crassi, et multorum Crassorum inuentus est dissimilimus. Sed ad Caluum, is enim nobis erat propositus, reuertamur: qui orator fuisset, cum literis eruditior quàm Curio, tum etiam accuratius quoddam dicendi et exquisitius afferebat genus: quod quanquam scienter eleganterq; tractabat, nimium tamen inquirens in se, atq; ipse sese obseruans, metuensq; ne uitiosum colligeret, etiam uerum sanguinem perdebat. Itaque eius oratio nimia religione attenuata, doctis & attentè audientibus erat illustris: à multitudine autem & à foro, cui nata eloquentia est, deuorabatur. Tum Brutus: Atticum se, inquit, Caluus noster dici oratorem uolebat, inde erat ista exilitas, quam ille de industria consequebatur. Dicebat, inquam, ita: sed & ipse errabat, et alios etiam errare cogebat. nam si quis eos qui nec ineptè dicunt, nec odiose, nec putide, Atticè putat dicere: is rectè, nisi Atticum, probat neminem. Insulsiatatem enim, & insolentiam, tanquam insaniam quandam orationis odit: fœnitatem autem et integritatem, quasi religionem & uerecundiam oratoris probat. hæc omnium debet oratorum eadem esse sententia. Si autem ieiunitatem (b) et siccitatem, & inopiam, dummodo sit polita, dum urbana, dum elegans in Attico genere ponit: hoc rectè duntaxat: sed quia sunt in Atticis alia meliora, uideat, ne ignoret & gradus & dissimilitudines, & uim & uarietatem Atticorum. Atticos, inquit, uolo imitari. quot? nec enim est unum genus: nam quid est tam dissimile, quàm Demosthenes & Lysias? quàm idem et Hyperides? quàm



omnium horum Aeschines? quem igitur imitaris: si alie quem, ceteri ergo Attice non dicebant. si omnes, qui potes? cum sint ipsi dissimilissimi inter se. In quo illud etiam quero, Phalereus ille Demetrius Attice ne dixerit? Mihi quidem ex illius orationibus redolere ipsa Athenae uidentur. At est floridior, ut ita dicam, quam Hyperides, quam Lysias. natura quaedam aut uoluntas ita dicendi fuit. Et quidem duo fuerunt per idem tempus dissimiles inter se, sed Attici tamen, quorum Charisius multarum orationum quas scribebat alijs, cum cupere uideretur imitari Lysiam. Demochares autem, qui fuit Demosthenis sororis filius, et orationes scripsit aliquot, et earum rerum historiam, quae erat Athenis ipsius etate gesta, non tam historico quam oratorio genere perscripsit. At Charisij uult Hegesias esse similis, isque se ita putat Atticum, ut ueros illos praese penè agresteis putet. At quid est tam fractum, tam minutum, tam in ipsa, quam tamen consequitur, concinnitate puerile? Atticorum similes esse uolumus. optimè. Sunt ne igitur ij Attici oratores? quis negare potest? hos imitamur. quomodo? qui sunt et inter se dissimiles, et aliorum. Thucydidem, inquit, imitamur: optimè. si historiam scribere, non si causas dicere cogitatis. Thucydides enim rerum gestarum pronunciator sincerus, et grandis etiam fuit, hoc forense concertatorium iudiciale non tractauit genus. Orationes autem, quas interposuit (multae enim sunt) eas ego laudare soleo: imitari neque possim, si uelim: nec uelim fortasse, si possim. ut si quis salerno uino delectetur, sed eo nec ita nouo, ut proximis consulibus natum uelit: nec rursus ita uetere, ut Opimium, aut Anitium consulem quærat. At qui ea notae sunt optima, credo, sed



nimia uetustas nec habet eam quam querimus suauita-  
 tem, nec est iam sanè tolerabilis. Num igitur qui hoc sen-  
 tiat, si is potare uelit, de dolio sibi hauriendum putet?  
 minimè, sed quandam sequatur ætatem: sic ego istis cen-  
 fuerim & nouam istam, quasi de musto ac lacu feruidam  
 orationem fugiendam: nec illam præclaram Thucydidis  
 nimis ueterem tanquam Anitianam notam persecuen-  
 dā. Ipse enim Thucydides si posterius fuisset, multo ma-  
 turior fuisset, & mitior. Demosthenem igitur imitemur.  
 O dii boni, quid quasi nos aliud agimus, aut (a) quid a- 192  
 liud optamus? at non assequimur: isti enim uidelicet At-  
 tici nostri, quod uolunt assequuntur, ne illud quidem in-  
 telligunt, non modò ita memoriæ proditum esse, sed ita  
 necesse fuisse, cū Demosthenes dicturus esset, ut concur-  
 sus audiendi causa ex tota Græcia fierent. At cū isti At-  
 tici dicunt, non modò à corona (quod est ipsum misera-  
 bile) sed etiam ab aduocatis relinquuntur. Quare si an-  
 gustè et exiliter dicere est Atticorum, sint sanè Attici, sed  
 in comitium ueniant, ad stantem iudicem dicant: subsel-  
 lia grandiorē & pleniorē uocem desiderant. Volo  
 hoc oratori contingat, ut cū auditum sit eum esse di-  
 cturum, locus in subsellijs occupetur, compleatur tribu-  
 nal, gratiosi scribe sint in dando & cedendo loco, coro-  
 na multiplex, iudex erectus, cū surgit is qui dicturus sit,  
 significetur à corona silentium: deinde crebræ assensio-  
 nes, multæ admirationes, risus cū uelit, cū uelit fle-  
 tus, ut qui hæc procul uideat, etiam si quid agatur, ne-  
 sciat, at placere tamen & in scena esse Roscium intelli-  
 gat. Hæc cui contingant, eum scito Atticè dicere: ut de  
 Pericle audiuius, ut de Hyperide, ut de Aeschime, de  
 ipso quidem Demosthene maximè. Sin autem acutum,



prudens, & idem sincere & solidum, & excitatum genus orationis probant, nec illo grauiore ornatu oratorio utuntur: et hoc proprium esse Atticorum uolunt, recte laudant. Est enim in arte tanta, tamq; uaria, etiam huic minutæ subtilitati locus, ita fiet ut non omnes qui Attice, iidem bene: sed ut omnes qui bene, iidem etiam Attice dicant. Sed redeamus rursus ad Hortensium. Sane quidem, inquit Brutus: quanquam ista mihi tua fuit periuicunda à proposita oratione digressio. Tum Atticus: Aliquoties sum, inquit, conatus, sed interpellare nolui. Nunc quoniam ad perorandum spectare uidetur sermo tuus, dicam opinor quod sentio. Tu uero, inquam, Tite. Tum ille: Ego, inquit, ironiam illam quam in Socrate dicunt fuisse, qua ille in Platonis, & Xenophontis, & Aeschini libris utitur, facietam & elegantem puto. Est enim & minime inepti hominis & eiusdem etiam faceti, cum de sapientia disceptetur, hanc sibi ipsum detrahare: eis tribuere illudentem, qui eam sibi arrogant. ut apud Platonem Socrates in coelum effert laudibus Protagoram, Hippiam, Prodicum, Gorgiam, ceteros: se autem omnium rerum inscium fingit, & rudem. decet hoc nescio quo modo illum. nec Epicuro qui id reprehendit, assentior, sed in historia, qua tu es usus in omni sermone, cum qualis quisque orator fuisset, exponeres: uide quaeso, inquit, ne tam reprehendenda (b) sit ironia, quam in testimonio. Quorsum, inquam, istuc? non enim intelligo. Quia primum, inquit, ita laudauisti quosdā oratores, ut imperitos possis in errorem inducere. Equidē in quibusdam risum uix tenebam, cum Attico Lysia Catonem nostrum comparabas, magnum me hercule hominem, uel potius



summum & singularem uirum, nemo dicet secus, sed  
 oratorem, sed etiam Lysiae similem, quo nihil potest esse  
 pictius, bella ironia si iocaremur: sin asseueramus, uide  
 ne religio nobis tam adhibenda sit, quam si testimonium  
 diceremus. Ego enim Catonem tuum, ut ciuem, ut sena-  
 torem, ut imperatorem, ut uirum deniq; cum prudentia  
 & diligentia, tum omni uirtute excellentem probō: o-  
 rationes autem eius, ut illis temporibus, ualde laudo;  
 significant enim quandam formā ingenij, sed admodum  
 impolitam, & planē rudem. Origines uerō cū omnibus  
 oratoris laudibus refertas dices, et Catonē cū Philisto  
 & Thucydide cōparares: Bruto ne id censebas, an mihi  
 probaturū: quos enim ne ē Gracis quidē quisquā imita-  
 ri potest, ijs tu cōparas hominē Tusculanū, nondū suspi-  
 cantē quale esset copiose et ornate dicere. Galbam lau-  
 das, si ut illius aetatis principem, assentior: sic enim acce-  
 pimus. sin ut oratorē, cedō quæso orationes (sunt enim)  
 & dic hunc, quē tu plus quā te amas, Brutum uelle te  
 illo modo dicere. Probas Lepidi orationes: paulū hīc tibi  
 assentior, modō ita laudes, ut antiquas; quōd item de  
 Africano, de Lælio, cuius tu oratione negas fieri quicquā  
 posse dulcius. addis etiam nescio quid angustius, nomine  
 nos capi summū uiri, ut eq; elegantissimæ uerissimis lau-  
 dibus, remoue hæc, ne ista dulcis oratio ita sit abiecta, ut  
 eam aspicere nemo uelit. Carbonē in summis oratoribus  
 habitum scio, sed cū in cæteris rebus, tum in dicendo  
 semper, quoniam nihil est melius, id laudari, qualecunq;  
 est, solet. Dico idem de Gracchijs: etsi de eis ea sunt à te  
 dicta, quibus ego assentior, omitto cæteros, uenis ad  
 eos in quibus iam perfectam putas esse eloquentiam,  
 quos ego audiui sine controuersia magnos oratores,



Crassum & Antonium. de horum laudibus tibi prorsus assentior: sed tamen non isto modo, ut Polycleti Doryphorum sibi Lysippus aiebat, sic tu suasionem legis Seruiliæ tibi magistram fuisse. hæc germana ironia est. cur ita sentiam, non dicam, ne me tibi assentari putes. Omitto igitur quæ de ijs ipsis, quæ de Cotta, quæ de Sulpitio, quæ modo de Cælio dixeris: ij enim fuerunt certè oratores: quanti autem & quales, tu uideris. nam illud minus curo quod congesisti operarios omnes, ut mihi uideantur mori uoluisse nonnulli, ut à te in oratorum numerum referrentur. Hæc cum ille dixisset, Longi sermonis initium depulisti, inquam, Attice: remq; comouisti noua (a) disputatione dignam, quam in aliud tempus differamus. Voluendi enim sunt libri cum aliorum, tum in primis Catonis: intelliges nihil illius lineamentis, nisi corû pigmentorû quæ inuenta nondum erant, florem & colorem defuisse. Nam de Crassi oratione sic existimo, ipsum fortasse melius potuisse scribere: alium, ut arbitror, neminem. nec in hoc ironiam duxeris esse, quod eam orationem mihi magistram fuisse dixerim. Nam & si tu melius existimare uideris de ea, si quam nunc habemus, facultate: tamen adolescentes quid in Latinis potius imitemur, non habebamus. quod autem plures à nobis nominati sunt, eo pertinuit (ut paulo antè dixi) quod intelligi uolui in eo cuius omnes cupidissimi essent, quâ pauci digni nomine euaderet. Quare æquum me, ne, si Africanus quidem fuit (ut ait in historia sua C. Pannius) existimari uelim. Vt uoles, inquit Atticus. Ego enim nō alienū à te putabam, quod & in Africano fuisset, & in Socrate. Tum Brutus de isto postea: Sed tu, inquit, me intuens orationes nobis ueteres explicabis? Ve-



ro, inquam, Brute, sed in Cumano, aut in Tusculano aliquando, si modò licebit, quoniam utroq; in loco uicini sumus. Sed iam ad id unde digressi sumus reuertamur. Hortensius igitur cum admodum adolescens orsus esset in foro dicere, celeriter ad maiores causas adhiberi coeptus est: quanquam inciderat in Cotta & Sulpitij aetatem, qui annis decem maiores, excellentem tum Crasso & Antonio deinde Philippo, post Iulio: cum ijs ipsis dicendi gloria comparabatur. Primum memoria tanta, quantum in uiro cognouisse me arbitror, ut quæ secum commentatus esset, ea sine scripto uerbis eisdem redderet quibus excogitauisset: hoc adiumento ille tanto sic utebatur, ut sua & commenta & scripta, & nullo referente, omnia aduersariorum dicta meminisset. Ardebat autem cupiditate sic, ut in nullo unquam flagrantius studium uiderim, nullum enim patiebatur esse diem, quin aut in foro diceret, aut meditaretur extra forum. Sapientia autem eodem die utrumq; faciebat, attuleratq; minime uulgare genus dicendi: duas quidem res quas nemo alius, partitiones quibus de rebus dicturus esset, et collectiones: memor et quæ essent dicta contra, quæq; ipse dixisset, Erat in uerborum splendore elegans, compositione aptus, facultate copiosus: eaq; erat cum summo ingenio, tum exercitationibus maximis consecutus. rem complectebatur memoriter, diuidebat acutè, nec prætermittebat ferè quicquam quod esset in causa aut ad confirmandum, aut ad refellendum, uox canora & suauis: motus & gestus etiam plus artis habebat quam erat oratori satis. Hoc igitur florente, Crassus est mortuus, Cotta pulsus, iudicia intermissa bello, nos in forum uenimus. Erat Hortensius (b) in bello primo anno miles, altero tribunus militum, Sulpitius legatus



aberat, etiam M. Antonius, exercebatur una lege iudi-  
 cium Varia, ceteris propter bellum intermissis: qui fre-  
 quentes aderant, quanquā pro se ipsi dicebant, oratores  
 nō illi quidem principes L. Memmius et Q. Pompeius:  
 sed oratores tamen, teste diserto uterq; Philippo, cuius  
 in testimonio contentio et uim accusatoris habebat, et  
 copiam. Reliqui qui tū principes numerabantur, in  
 magistratibus erant, quotidieq; fere à nobis in concioni-  
 bus audiebantur. Erat enim tribunus pleb. tunc C. Cu-  
 rio, quanquam is quidem silebat, ut erat semel à con-  
 cione uniuersa relictus. Q. Metellus Celer non ille qui-  
 dem orator, sed tamen non infans: disertum autem Qu.  
 Varius, C. Carbo, Cn. Pomponius, et ij quidem habi-  
 tabant in rostris. C. etiam Iulius, edilis curulis quoti-  
 die fere accuratas conciones habebat: sed me cupidissi-  
 mum audiendi primus dolor percussit, Cotta cum est ex-  
 pulsus. reliquos frequenter audiens acerrimo studio te-  
 nebar, quotidieq; et scribens et legens et commen-  
 tans, oratorijs tantum exercitationibus contentus non  
 eram. Iam consequente anno Qu. Varius sua lege  
 damnatus excefferat. Ego autem iuris ciuilis studio  
 multum operæ dabam Qu. Scaeuole P. F. qui quan-  
 quam nemini se ad docendum dabat, tamen consulenti-  
 bus respondendo studiosos audiendi docebat. Atq; huic  
 anno proximus Sylla consule et Pompeio fui: tum P.  
 Sulpitij in tribunatu quotidie concionantis totum ge-  
 nus dicendi penitus cognouimus, eodemq; tempore cum  
 princeps Academiæ Philo cum Atheniensium optimati-  
 bus Mithridatico bello domo profugisset, Romanq; ue-  
 nisset, totū ei me tradidi, admirabili quodā ad philoso-  
 phiā studio cōcitatus, in quo etiā cō. nor. bar. a. tentius,



& si rerum ipsarum uarietas & magnitudo summa me  
 delectatione retinebat: sed tamē sublata iam esse in per-  
 petuum ratio iudiciorum uidebatur. Occiderat Sulpi-  
 tius illo anno: tresq; proximi trium etatum oratores  
 erant crudelissimē interfecti, Q. Catulus, M. Antonius,  
 C. Iulius. Eodem anno etiā Moloni Rhodio Romæ dedi-  
 mus operam, & actori summo causarum, & magistro.  
 Hæc etsi uidetur esse à proposita ratione diuersa, tamen  
 idcirco à me proferuntur, ut nostrum cursum perspicere,  
 quoniam uoluisti, Brute, possis: nam Attico hæc nota  
 sunt, & uidere quemadmodū simus in spacio Q. Hor-  
 tensium ipsius uestigijs persecuti. Triennium fere fuit  
 urbs sine armis, sed oratorum aut interitu, aut discessu,  
 aut fuga (nam aberant etiā adolescentes M. Crassus, &  
 Lentuli duo) primas in causis agebat Hortensius, ma-  
 gis magisq; quotidie probabatur Antistius. (a) Piso sæpe dicebat, minus sæpe Pomponius, raro Carbo, semel  
 aut iterum Philippus. At uerò ego hoc tempore omni,  
 noctes & dies, in omnium doctrinarum meditatione uer-  
 sabar. Eram cum Stoico Diodoro, qui cum habitauisset  
 apud me, cumq; uixisset, nuper est domi meæ mortuus,  
 à quo cum in alijs rebus, tū studiosissimē in dialectica ex-  
 xercebar, quæ quasi cōtracta et astricta eloquentia pu-  
 tanda est: sine qua etiam tu, Brute, iudicauisti te illā in-  
 stam eloquentiam, quā dialecticā dilatatam esse putant,  
 consequi nō posse. Huic ego doctori, & eius artibus ua-  
 riijs atq; multis, ita tamen eram deditus, ut ab exercita-  
 tionibus oratorijs nullus dies uacuus esset. Commenta-  
 bar declamitans (sic enim nunc loquuntur) sæpe cū M.  
 Pisone & cum Q. Pompeio, aut cum aliquo quotidie:  
 idq; faciebam multum etiam Latine, sed Græcè sæpius,



uel quòd Græca oratio plura ornamenta suppedians,  
 consuetudinem similiter Latine dicendi afferebat, uel  
 quòd à Græcis summis doctoribus, nisi Græcè dicerem,  
 neq; corrigi possim, neq; doceri. Tumultus interim pro  
 recuperanda repub. & crudelis interitus oratorũ trũ,  
 Scæuola, Carbonis, Antistij: reditus Cottæ, Curionis,  
 Crassi, Lentulorum, Pompeij leges & iudicia constitu-  
 ta, recuperata respublica: ex numero autem oratorum  
 Pomponius, Censorinus, Murena sublati: tum primum  
 nos ad causas & priuatas & publicas adire cœpimus,  
 non ut in foro disceremus, quod pleriq; fecerunt, sed ut  
 quantum nos efficere potuissemus, docti in forũ uenire-  
 mus. Eodem tempore Moloni dedimus operam: dicta-  
 tore enim Sylla legatus ad senatum de Rhodiorũ præ-  
 mijs uenerat. Itaq; prima causa publica pro Sexto Ro-  
 seio dicta, tantũ commendationis habuit, ut non ulla  
 esset quæ non nostro digna patrociniò uideretur: dein-  
 cept inde multæ quas nos diligenter elaboratas, etiam  
 quàm elucubratas afferebamus. nunc quoniam totum  
 me non nauo aliquo aut crepundijs, sed corpore omni  
 uideris uelle cognoscere, complectar nonnulla etiam  
 quæ fortasse uideantur minus necessaria. Erat eo tem-  
 pore in nobis summa gracilitas & infirmitas corporis,  
 procerum & tenue collum, qui habitus & quæ figura  
 non pròcul abesse putatur à uitæ periculo, si accedit la-  
 bor & laterum magna contentio. Eoq; magis hoc eos  
 quibus eram carus, cōmouebat, quòd omnia sine remis-  
 sione, sine uarietate, ui summa uocis & totius corporis  
 contentione dicebam. Itaq; cū me & amici & medi-  
 ci hortarentur ut causas agere desisterem, quoduis po-  
 tius periculum mihi adueniendum quàm à sperata dicendũ



gloria discedendum putauī. Sed cū censerem remissione  
 & moderatione (b)uocis, & commutato genere dicen-  
 di me & periculum uitare posse, & temperatius dice-  
 re, ut consuetudinē dicendi mutarem, ea causa mihi in  
 Asiam proficiscendi fuit. Itaq; cū essem biennium uer-  
 satus in causis, & iam in foro celebratum meum nomen  
 esset, Roma sum profectus. Cū uenissē Athenas, sex  
 menses cum Antiocho ueteris Academiae nobilissimo et  
 prudentissimo philosopho fui: studiumq; philosophiæ  
 nunquam intermissum, à primaq; adolescentia cultum,  
 & semper auctū, hoc rursus summo authore & docto-  
 re renouauī. Eodem tamen tempore Athenis apud De-  
 metriū Syrum ueterē, et non ignobilem dicendi magi-  
 strum, studiose exerceri solebā. post à me Asia tota pera-  
 grata est, cum summis quidem oratoribus, quibus cum  
 exercebar, ipsis lubentibus: quorū erat princeps Menip-  
 pus Stratonicensis, meo iudicio tota Asia illis tempori-  
 bus disertissimus, & si nihil habere molestiarum nec ine-  
 ptiarum Atticorum est: hic orator in illis numerari re-  
 ctē potest. Assiduissimē autē mecum fuit Dionysius Ma-  
 gnes: erat etiā Aeschilus Gnidius, Adramittenus Xeno-  
 cles: hi tū in Asia rhetorum principes numerabantur.  
 quibus non contentus, Rhodum ueni, meq; ad eundem  
 quem Romæ audiueram Molonem applicauī, cū actor-  
 rem in ueris causis scriptoremq; præstantem, tū in no-  
 tandis animaduertendisq; uitijs, & insituendo docen-  
 doq; prudentissimum. Is dedit operam, si modò id conse-  
 qui potuit, ut nimis redundantes nos & superfluentes  
 inuenili quadam dicendi impunitate & licentia reprim-  
 meret, & quasi extra ripas diffluentē coerceret. Ita re-  
 cepi me biennio post, non modò exercitator, sed propē



mutatus. Nam & contentio nimia uocis reciderat, & quasi referbuerat oratio, lateribusq; uires & corporis mediocris habitus accesserat. Duo tū excelebāt oratores qui me imitandi cupiditate incitarent, Cotta et Hortensius, quorum alter remissus & lenis, & proprijs uerbis comprehendens solutē & facile sententiam: alter ornatus, acer, & nō talis qualem tu eum, Brute, iam deflorescentem cognouisti, sed uerborum & actionis genere commotor. Itaque cum Hortensio mihi magis arbitrabar rem esse, quod & dicendi ardore erām propior, & ætate cōiunctior. Etenim uiderā in iisdem causis, ut pro M. Canuleio. pro Cn. Dolabella consulari, cum Cotta princeps adhibitus esset: priores tamē agere parates Hortensium, acrem enim oratorem, incensum, & agentem, & canorum, concursus hominū foriq; strepitus desiderat. Vnum igitur annū cū rediissemus ex Asia causas nobiles egimus, cum quæsturā nos, consulatum

195 Cotta, ædilitatē peteret Hortensius: interim me quæsturam Siciliensis excepit annus. Cotta ex cōsulatu est (a) profectus in Galliam. princeps & erat & habebatur Hortensius. Cū autē anno post ē Sicilia me recepissem, iam uidebatur illud in me, quicquid esset, esse perfectū, & habere maturitatē quandam suam. Nimis multa uideor de me, ipse præsertim: sed omni huic sermoni propositū est, non ut ingenium & eloquentiam meā perspicias, unde longē absūm, sed ut laborem & industriam. Cū igitur essem in plurimis causis & in principibus patronis quinquennium ferē uersatus: tum in patrocínio Siciliensi maximē in certamen ueni designatus ædilis cū designato consule Hortensio. Sed quoniam omnis hic sermo noster non solum enumerationem oratoriam,



uerumetiam præcepta quædã desiderat, quid tanquam  
notandum & animaduertendum sit in Hortensio, bre-  
uiter licet dicere. Nam is post consulatum (credo quod  
uideret ex consularibus neminem esse secum comparan-  
dum, negligeret autem eos qui consules non fuissent)  
summum illud suum studium remisit, quo à puero fuerat  
incensus, atq; in omnium rerum abundantia uoluit bea-  
tius, ut ipse putabat, remissius certè uiuere, primus &  
secundus annus & tertius tantum, quasi de pictura ue-  
teris colore detraxerit, quantum non quiuis unus ex po-  
pulo, sed existimator doctus et intelligens posset cogno-  
scere. Longius autem procedens, & in cæteris eloquen-  
tiæ partibus, tum maximè in celeritate & continuatio-  
ne uerborum adhærescens, sui dissimilior uidebatur fieri  
quotidie. Nos autem non desistebamus, cum omni genere  
exercitationis, tum maximè stylo nostrum illud quod  
erat, augere quantumcunq; erat. Atque (ut multa omit-  
tam) in hoc spacio, & in ijs post ædilitatem annis, &  
prætor primus, & incredibili populari uoluntate sum-  
factus. Nam cum propter assiduitatem in causis, & in-  
dustriam, tum propter exquisitius & minime uulgare  
orationis genus, animos hominum ad me dicendi noui-  
tate conuerteram. Nihil de me dicam: dicam de cæteris  
quorum nemo erat qui uideretur exquisitius quàm uul-  
gus hominum studuisse literis: quibus fons perfectæ elo-  
quentiæ continetur. nemo qui philosophiam complexus  
esset, matrem omnium benefactorum beneq; dictorum:  
nemo qui ius ciuile didicisset, rem ad priuatas causas,  
& ad oratoris prudentiam maximè necessariam. nemo  
qui memoriam rerum Romanarum teneret, ex qua, si  
quando opus esset, ab inferis locupletissimos testes exci-



taret. nemo qui breuiter, arguteq; incluso aduersario, laxare iudicum animos, atq; à seueritate paulisper ad hilaritatem, risumq; traduceret. nemo qui dilatare posset, atque à propria ac definita disputatione hominis ac temporis, ad communem questionem uniuersi generis orationem traduceret. nemo qui (b) delectandi gratia digredi parumper à causa, nemo qui ad iracundiam magnopere iudicem, nemo qui ad fletum posset adducere. nemo qui animum eius (quod unū est oratoris maximè proprium) quocunq; res poslularet, impelleret. Itaq; cū iam penè euanuisset Hortensius, & ego anno meo sexto autem post illum consulem consul factus essem, reuocare se ad industriam cœpit: ne cū pares honore essemus, aliqua re superiores uideremur. Sic duodecim post meū consulatum annos in maximis causis, cū ego mihi illi, sibi me ille anteferebat, coniunctissime uersati sumus: consulatusq; meus, qui illum primò leuiter perstrinxerat, idem nos rerum mearum gestarū, quas ille admirabatur, laude coniunxerat. Maximè uerò perspecta est utriusq; nostrū exercitatio paulò antequam perterritum armis hoc studium, Brute, nostrum conticuit subito, & obmutuit: cum lege Pompeia ternis horis ad dicendū datis ad causas simillimas inter se, uel potius easdem noui ueniebamus quotidie: quibus quidē causis tu etiā, Brute, præfuit, complureisq; & nobiscum et solus egisti: ut qui nō satis diu uixerit Hortensius, tamen hunc cursum cōfecerit, annis ante decem causas agere cœpit, quā tu es natus: idē quartosexagesimo anno per paucis ante mortem diebus unā tecū socerū tuum defendit Appium. Dicendi autē genus quod fuerit in utrōq; orationes utriusq; etiam posteris nostris indicabunt. Sed si querimus, cur



adolefcens magis floruerit dicendo quàm ſenior Hortenſius, cauſas reperiemus ueriſimas duas: primum, quòd genus erat orationis Aſiaticum, adoleſcentiæ magis con- ceſſum quàm ſenectuti. Genera autem Aſiaticæ dictio- nis duo ſunt. Vnum ſententioſum & argutum, ſenten- tijs non tam grauibus & ſeueris quàm concinnis et ue- nuſtis, qualis in hiſtoria Timæus: in dicendo autem pue- ris nobis Hierocles Alabandæus: magis etiam Meneclæſ frater eius fuit, quorū utriuſq; orationes ſunt in primis, ut Aſiatico in genere, laudabiles. Aliud autē genus eſt non tam ſententijs frequentatum, quàm uerbis uolucere atq; incitatu: quali eſt nunc Aſia tota, nec flumine ſolū or- ationis, ſed etiam exornato et faceto genere uerborum: in quo fuit Aefchylus Gnidiuſ, & meus equalis Mileſiuſ Aefchines. In ijs erat admirabilis orationis curſus, orna- ta ſententiarum concinnitas non erat. Hæc autem (ut di- xi) genera dicen- di aptiora ſunt adoleſcentibus, in ſeni- bus grauitatem non habent. Itaq; Hortenſiuſ utrōq; ge- nere florens, clamores faciebat adoleſcens. Habebat enim & Menecliuſ illud ſtudium crebrarum uenularumq; ſententiarum: in quibus, ut in illo Græco, ſic in hoc erant quedā magis uenūſte dulceſq; ſententiæ quàm aut ne- ceſſariæ, aut interdum utiles. Et erat oratio cū incita- ta(a) et uibrans, tū etiam accurata et polita. Non pro- 196  
bantur hæc ſenibus. ſepè uidebam cū irridentem, tū etiam irſcentem & ſtomachantem Philippum: ſed mi- rabantur adoleſcentes, multitudo mouebatur. Erat ex- cellens iudicio uulgi, et facile primas tenebat adoleſcens. Eſi enim genus illud dicēdi authoritatis habebat parū, tamen aptū eſſe ætati uidebatur: et certè quòd et ingeniſ quedā forma lucebat, et exercitatione perfectæ erat, uer-



borumq; astricta comprehensio, summā hominū admirationem excitabat. Sed cū iam honores & illa senior auctoritas grauius quiddā requirerent, remanebat idem, nec decebat idem: quodq; exercitationem, studiumq; dimiserat quod in eo fuerat acerrimum, concinnitas illa, crebritasq; sententiarum pristina manebat: sed ea uestitu illo orationis, quo consueuerat, ornata non erat. Hoc tibi ille, Brute, minus fortasse placuit: quā placuisset, si illū flagrantem studio et florentem facilitate audire potuisses. Tum Brutus: Ego uerò, inquit, & ista quæ dicis uideo qualia sint, & Hortensium magnū oratorem semper putauī, maximeq; probaui pro Messala dicentem, cū tu absuisti. Sic ferūt, inquam: idq; declarat totidem, quot dixit ( ut aiunt ) scripta uerbis oratio. Ergo illo Crasso cōsule, et Scauola, usq; ad Paulum & Marcellum consules floruit: nos in eodē cursu fuimus à Sylla Dictatore ad eosdē ferè consules. Sic Qu. Hortensij uox extincta fato suo est, nostra publico. Melius quæso omnare, inquit Brutus. Sit sanè, ut uis, inquam, & id non tam mea causa quā tua: sed fortunatus illius exitus, qui ea non uidit, cū fierent, quæ prouidit futura. Sæpè enim inter nos impendentes casus defleuimus, cū belli ciuilis causas in priuatorum cupiditatibus inclusas, pacis spem à publico consilio esse exclusam uideremus. sed illū uidetur felicitas ipsius, quæ semper est usus, ab eis miserijs quæ consecutæ sunt, morte uindicasse. Nos autem, Brute, quoniam post Hortensij clarissimi oratoris mortem orbe eloquentiæ quasi tutores relictī sumus, domi teneamus eam septam liberali custodia: & hos ignotos atq; impudentes procos repudiemus: tueamurq; ut adultam uirginē castè, et ab armatorū impetu



quantum possumus prohibeamus. Equidem etsi doleo me in uitam paulò serius tanquam in uiam ingressum, priusquam confectū iter sit, in hanc Reipub. noctem incidisse: tamen ea consolatione sustentor, quam tu mihi, Brute, adhibuisti tuis suauissimis literis, quibus me forti animo esse oportere censebas: quòd ea gessissem quæ de me etiam, me tacente, ipsa loquerentur, mortuòq; utuerent. Quæ si rectæ essent, salutis Reip. sin secus, interitu ipso testimonium meorū de Reipub. consiliorum darent. sed in te intuens, Brute, (b) doleo, cuius in adolescentiam per medias laudes, quasi quadrigis uehentem transuersa incurrit misera fortuna Reipub. hic me dolor tangit, hæc me cura sollicitat, & hunc mecum socium eiusdem & amoris & iudicij. Tibi fauimus, te tua frui uirtute cupimus, tibi optamus eam Rempub. in qua duorū generum amplissimorum renouare memoriam, atq; augere possis. Tuum enim forum, tuum erat illud curriculum, tu illūc ueneras unus qui non linguam modò acuis ses exercitatione dicendi: sed & ipsam eloquentiam locupletauisses grauiorum artium instrumento, & ijsdem artibus decus omne uirtutis cū summa eloquentiæ laude iunxisses. Ex te duplex nos afficit sollicitudo, quòd & ipse Rep. careas, et illa te. Tu tamen etsi cursum ingenij tui, Brute, premit hæc importuna clades ciuitatis: contine te in tuis perennibus studijs, & effice id quod iam propemodum, uel planè potius effeceras: ut te eripias ex ea quam ego congeſsi in hunc sermonem, turba patronorum. Nec enim decet te ornatum uberrimis artibus, quas cum domo haurire non posses, accersiuisti ex urbe ea quæ domus est semper habita doſtrine, numerari in uulgo patronorum. Nam quid te exercuit Pammenes,



uir longè eloquentissimus Græciæ? Quid illa uetus Academia, atque eius hæres Aristus, hospes & familiaris meus: siquidem similes maioris partis oratorum futuri sumus: nonne cernimus uix singulis ætatibus binos oratores laudabileis constituisse? Galba fuit inter tot æquales unus excellens: cui, quemadmodum accepimus, & Cato sedebat senior, & qui temporibus illis ætate inferiores fuerunt, Lepidus postea, deinde Carbo. Nam Græchi in concionibus multo faciliore & liberiore genere dicendi, quorum tamen ipsorum ad ætatem laus eloquentiæ perfecta nondū fuit, Antonius, Crassus: post Cotta, Sulpitius, Hortensius. nihil dico amplius. tantū dico, si mihi accidisset, ut numerarer in multis, & si operosa est concursatio magis opportunorum.

## M. T. CICERONIS

AD M. BRVTVM

Orator.

(a)

197



TRVM difficilius aut maius esset, negare tibi sepius idem roganti, an efficere id quod rogares, diu multumq; Brute, dubitavi. Nam & negare ei quem uniocē diligere, cuiq; me charissimum esse sentirem, præsertim & iusta petenti, & præclara cupienti, durum admodum mihi uidebatur: & suscipere tantam rem, quantam non modò facultate consequi difficile esset, sed etiam cogitatione complecti; uix arbitrabar esse eius qui uereretur reprehensionem doctorum atq; prudentium.



tium. Quid enim est maius quàm cùm tanta sit inter oratores bonos dissimilitudo, iudicare quæ sit optima species, & quasi figura dicendi? Quod quoniam me sapius rogas, aggrediar, non tam perficiendi spe, quàm experiundi uoluntate. Malo enim, cum studio tuo sim obsecutus, desiderari à te prudentiam meam, quàm si id non fecerim, beneuolentiam. Queris igitur, idq; iam sapius, quod eloquentiæ genus probem maxime, & quale mihi uideatur illud cui nihil addi possit, quod ego summum & perfectissimum iudicem. In quo uereor ne si id quod uis effecero, eumq; oratorem quem quæris expressero, tandem studia multorum: qui desperatione debilitati, experiri id uolent quod se assequi posse diffidant. Sed par est omneis omnia experiri, qui res magnas & magnopere expetendas concupiuerunt. Quod si quem aut natura sua, aut illa præstantis ingenij uis, fortè deficiet, aut minus instructus erit magnarum artium disciplinis: teneat tamen eum cursum quem poterit: prima enim sequentem, honestum est in secundis tertijsq; consistere. An in poëtis, non Homero soli locus est (ut de Græcis loquar) aut Archilochi, aut Sophocli, aut Pindaro: sed horum uel secundis, uel etiam infra secundos. Nec uerò Aristotelem in philosophia deterruit à scribendo amplitudo Platonis: nec ipse Aristoteles admirabili quadam scientia & copia, cæterorum studia restinxit. Nec solum ab optimis studijs excellentes uiri deterriti non sunt, sed ne opifices quidem se artibus suis remouerūt, qui aut Hyalisi, quem Rhodi uidimus, non potuerunt, aut Coæ Veneris pulchritudinem imitari. Nec simulachro Iouis Olympij, aut Doriphori statua deterriti, reliqui minus exper-



ti sunt quid efficere, aut quò progredi possent. Quorum tanta multitudo fuit, tanta in suo cuiusq; genere laus, ut cum summa miraremur, (b) inferiora tamen probaremus. In oratoribus uerò Græcis quidem admirabile est, quantum inter omnes unus excellat. Attamen cum esset Demosthenes, multi oratores magni & clari fuerunt, & antea fuerant, nec postea defecerunt. Quare non est cur eorū qui se studio eloquentiæ dederunt, spes infringatur, aut languescat industria. Nam neq; illud ipsum quod est optimum, desperandum est: & in præstantibus rebus magna sunt ea quæ sunt optimis proxima. Atq; ego in summo oratore fingendo talem informabo qualis fortasse nemo fuit. Non enim quero quis fuerit: sed quid illud, quo nihil possit esse præstantius, quod in perpetuitate dicendi non sæpè, atque haud scio an unquam; in aliqua autem parte eluceat aliquando, idem apud alios densius, apud alios fortasse rarius. Sed ego sic statuo, nihil esse in ullo genere tam pulchrum, quo nō pulchrius id sit, unde illud, ut ex ore aliquo quasi imago exprimatur, quod neq; oculis, neque auribus, neq; ullo sensu percipi potest, cogitatione tantū et mente complectimur. Itaque & Phidiæ simulacris, quibus nihil in illo genere perfectius uidemus, & his picturis quas nominavi, cogitare tamen possumus pulchriora. Nec uerò ille artifex cum faceret Iouis formam, aut Minervæ, contemplabatur aliquem è quo similitudinē duceret: sed ipsius in mente insidebat species pulchritudinis eximia quædam, quam intuens, in eaq; defixus, ad illius similitudinem artem & manum dirigebat. Ut igitur in formis & figuris est aliquid perfectum & excellens, cuius ad excogitatam speciem imitando referuntur



ea quæ sub oculis ipsa non cadunt: sic perfectæ eloquentiæ speciem animo uidemus, effigiem auribus querimus. Has rerum formas appollat ideas ille, non intelligendi solum, sed etiam dicendi grauissimus author et magister Plato: easq; gigni negat, & ait semper esse, ac ratione & intelligentia contineri: cetera nasci, occidere, fluere, labi, nec diutius esse uno & eodem statu. Quicquid est igitur de quo ratione & uia disputetur, id est ad ultimam sui generis formam speciemq; redigendum.

Ac uideo hanc primam ingressionem meam non ex oratoris disputationibus ductam, sed è media philosophia repetitam: & eam quidem cum antiquam, tum subobscuram, aut reprehensionis aliquid, aut certe admirationis habituram. Nam aut mirabuntur quid hæc pertineant ad ea quæ querimus, quib. satisfacet res ipsa cognita, ut non sine causa altè repetita uideatur: aut reprehendent quod inusitatas uias indagemus, tritas relinquamus. Ego autè & me sæpè noua uideri dicere intelligo, cum per uetera dicā, sed inaudita plerisq;: & fateor me oratorem, si modò sim, aut etiam quicumq; sim, non ex rhetorū (a) officinis, sed ex Academiæ spacijs ex-  
 titisse. illa enim sunt curricula multipliciū uariorūq; sermonū, in quibus Platonis primum sunt impressa uestigia: sed et huius & aliorum philosophorum disputationibus & exagitatus maximè orator est, & adiutus. Omnis enim ubertas, et quasi sylua dicendi ducta ab illis est, nec satis tamen instructa ad forenses causas, quas, ut illi ipsi dicere solebant, agrestioribus musis reliquerunt: sic eloquentia hæc forensis spreta à philosophis, et repudiata, multis quidem illa adiumentis, magnisq; ca-  
 ruit: sed tamè ornata uerbis atq; sententijs iactationem



habuit in populo, nec paucorum iudicium reprehensionemque pertinuit. Ita et doctis eloquentia popularis, et disertis elegans doctrina defuit. Positum sit igitur in primis, quod post magis intelligatur, sine philosophia non posse effici, quae quærimus, eloquentem. Non ut in ea tamen omnia sint, sed ut sic adiuvet ut palestra histrionem: parua enim magnis sæpe rectissime conferuntur. nam nec latius, nec copiosius de magnis variisque rebus sine philosophia potest quisquam dicere: siquidem etiam in Phædro Platonis hoc Periclem præstitisse cæteris dicit oratoribus Socrates, quod is Anaxagoræ Physici fuerit auditor, à quo censet eum, cum alia præclara quædam et magnifica didicisset, uberè et fecundum fuisse, gnarumque (quod est eloquentiæ maximum) quibus orationis modis, quæque animorum partes pellerentur, quod idem de Demosthene existimari potest, cuius ex epistolis intelligi licet quam frequens fuerit Platonis auditor. Nec uerò sine philosophorum disciplina genus et speciem cuiusque rei cernere, neque eam definiendo explicare, nec tribuere in partes possumus, nec iudicare quæ uera, quæ falsa sint, neque cernere consequentia, repugnantia uidere, ambigua distinguere. Quid dicam de natura rerum? cuius cognitio magnâ orationis suppeditat copiam, de uita, de officiis, de uirtute, de moribus, sine multa earum ipsarum rerum disciplina aut dici, aut intelligi posse: ad has tot tantisque res adhibenda sunt ornamenta innumerabilia, quæ sola tum quidem tradébant ut ab ijs qui dicendi numerabatur magistri. Quo fit ut ueram illam et absolutam eloquentiam nemo consequatur, quod alia intelligendi, alia dicendi disciplina est, et ab alijs rerum, ab alijs uerborum doctrina quæritur.



Itaq; M. Antonius, cui uel primas eloquentie patrum  
 nostrorum tribuebat ætas, uir natura peracutus et pru-  
 dens, in eo libro quem unum reliquit: disertos ait se ui-  
 disse multos, eloquentē omnino neminem. Insidebat ui-  
 delicet in eius mente species eloquentie, quam cernebat  
 animo, re ipsa nō uidebat. Vir autem acerrimo ingenio  
 (sic enim fuit) multa & in se, & in alijs desiderans, ne-  
 minem (b) planē qui rectē appellari eloquens posset, ui-  
 debat. Quod si ille nec se, nec L. Crassum eloquentē pu-  
 tauit, habuit profectō comprehensam animo quandam  
 formam eloquentie: cui quoniam nihil deerat, eos qui-  
 bus aliquid, aut plura deerant, in eam formam non po-  
 terat includere. Inuestigemus hūc igitur, Brute, si possi-  
 mus, quē nunquam uidit Antonius, aut qui omnino nul-  
 lus unquam fuit, quem si imitari atque exprimere non  
 possumus, quod idē ille uix deo concessum esse dice-  
 bat; attamen qualis esse debeat, poterimus fortasse dice-  
 re. Tria sunt omnino genera dicendi, quibus in singulis  
 quidam floruerunt: per æquē autem, id quod uolumus,  
 per pauci in omnibus. Nam & grandiloqui, ut ita di-  
 cam, fuerunt cum ampla & sententiarum gravitate, &  
 maiestate uerborum, uehemētes, uarij, copiosi, graues,  
 ad permouendos & conuertendos animos instructi &  
 parati; quod ipsum alij aspera, tristi, horrida oratione,  
 neq; perfectā, neq; conclusā; alij leui, & instructā, &  
 terminatā. Et contrā, tenues, acuti, omnia docentes, &  
 dilucidiora, non ampliora facientes, subtili quadam &  
 pressa oratione limati. In eodemq; genere alij callidi,  
 sed impoliti, & consultō rudium similes & imperito-  
 rum; alij in eadem ieiunitate concinniores, id est faceti,  
 florentes etiam & leuiter ornati. Est autē quidā inter



iectus intermedius, & quasi temperatus, nec acumine posteriorum, nec fulmine utens superiorum, uicinus am-  
 borum, & in neutro excellens, utriusque particeps, uel  
 utriusq; si uerum quærimus, potius expers. Isq; uno te-  
 nore, ut aiunt, in dicendo fluit, nihil adferens præter fa-  
 cultatem & æqualitatem, aut addit aliquos ut in coro-  
 na toros, omnemq; orationē ornamentis modicis uerbo-  
 rum sententiarumq; distinguit. Horum singulorum ge-  
 nerum quicumq; uim singuli consecuti sunt, magnum in  
 oratoribus nomen habuerunt. Sed quærendum est, sa-  
 tis ne id quod uolumus effecerint. Videmus enim fuisse  
 quosdam qui iisdem ornate ac grauitè, iisdem uersute &  
 subtiliter dicerent. Atq; utinam in Latinis talis oratoris  
 simulachrum reperire possimus: esset egregium non  
 quære externa, domesticis esse cōtentos. Sed ego idem  
 qui in illo sermone nostro, qui est expositus in Bruto,  
 multū tribuerim Latinis, uel ut hortarer alios, uel quod  
 amarem meos: recordor longè omnibus unum anteferre  
 Demosthenem, qui uim accommodarit ad eam quam  
 sentiam eloquentiam, non ad eam quam in aliquo ipse  
 cognouerim. Hoc nec grauior extitit quisquā, nec calli-  
 dior, nec temperatior. Itaq; nobis monendi sunt ij quo-  
 rum sermo imperitus increbuit, qui aut dici se desiderant  
 Atticos, aut ipsi Atticè uolunt dicere, ut mirentur hunc  
 190 maximè, quo Athenas quidē (a) ipsas magis credo fuisse  
 se Atticas. quid enim sit Atticum discant, eloquentiamq;  
 ipsius uiribus, nō imbecillitate sua metiantur. Nūc enim  
 tantum quisq; laudat, quantum se posse sperat imitari:  
 sed tamen eos studio optimo, iudicio minus firmo prædi-  
 tos, docere quæ sit propria laus Atticorum, non alienū  
 puto. Semper oratorum eloquentiæ moderatrix fuit au-



ditorum prudentia. Omnes enim qui probari uolunt, uoluntatem eorum qui audiunt intuentur: ad eamq; & ad eorum arbitrium & nutum totos se fingunt, & accommodant. Itaq; Caria, & Phrygia, & Mysia. quod minime polita minimeq; elegantes sunt, asciuerunt apte suis auribus opimum quoddam, & tanquam adipale dictionis genus: quod eorum uicini, non ita lato interiecto mari, Rhodij nunquam probauerunt, Græci autem multo minus, Athenienses uero funditus repudiauunt: quorum semper fuit prudens sincerumq; iudicium, nihil ut possent, nisi incorruptum audire & elegans. Eorum religioni cum seruiret orator, nullum uerbum insolens, nullum odiosum ponere audebat. Itaq; hic quem praestitisse diximus ceteris, in illa pro Ctesiphonte oratione longe optima summissus à primo: deinde dum de legibus disputat, pressius: post sensim incedens, iudices ut uidit ardentes, in reliquis exultauit audacius. Ac tamen in hoc ipso diligenter examinante uerborum omnium pondera, reprehendit Aeschines quædam, & exagitat: illudensq; dura, odiosa, intolerabilia esse dicit. Quin etiam querit ab ipso, cum quidem eum belluam appellet, utrum illa uerba, an portenta sint: ut Aeschini, ne Demosthenes quidem uideatur Atticæ dicere. Facile est enim uerbum aliquod ardens (ut ita dicam) notare, idq; restinctis iam animorum incendijs irridere. Itaq; se purgans iocatur Demosthenes, negat in eo positas esse fortunas Græciæ in hoc in eum, huc an illuc manum porrexerit. Quonam igitur modo audiretur Mysus aut Phryx Athenis, cum etiam Demosthenes exagitetur ut putidus? Cum uero inclinata ululantiq; uoce more Asiatico canore cœpisset, quis eum ferret? aut quis potius nō



inberet auferri? Ad atticorū igitur aures teretes & re-  
 ligiosas qui se accommodant, ij sunt existimandi Atticē  
 dicere. Quorum genera plura sunt: hi unum modō qua-  
 le sit, suspicantur. Putant enim qui horridē inculte q; di-  
 tat, modō id eleganter enucleate q; faciat, eū solum Atti-  
 cē dicere. Errant, quōd solum: quōd Atticē, non fallun-  
 tur. Istorum enim iudicio si solum illud est Atticum, ne  
 Pericles quidem dixit Atticē, cui primae sine controuer-  
 sia deserebantur: qui si in tenui genere uteretur, nunquā  
 ab Aristophane poēta fulgurare, tonare, permiscere Grae-  
 ciam dictus esset. Dicat igitur Atticē uenustissimus ille  
 scriptor, (b) ac politissimus Lysias. Quis enim id pos-  
 sit negare? dum intelligamus, hoc esse Atticū in Lysia,  
 nō quod tenuis sit atq; inornatus: sed quōd nihil habeat  
 in solens, aut ineptū. Ornate uerō & grauitur, & copio-  
 se dicere, aut Atticorum sit: aut ne sit Aeschines, neue  
 Demosthenes Atticus. Ecce autē aliqui se Thucydidiōs  
 esse profitentur, nouum quoddam imperitorum, & in-  
 auditum genus. Nam qui Lysia sequuntur, causidicum  
 quendā sequuntur: non illum quidē amplum atq; gran-  
 dem: subtile & elegantē tamen, et qui in forensibus cau-  
 sis possit praeclare consistere. Thucydides autē res gestas  
 & bella narrat, & praelia, grauitur sanē, & probe: sed  
 nihil ab eo transferri potest ad forensem usum et publi-  
 cum. Ipsae illae conciones ita multas habent obscuras ab-  
 ditasq; sententias, uix ut intelligantur, quod est in ora-  
 tione ciuili uitium uel maximum. Quae est autem in  
 hominibus tanta perversitas, ut inuentis frugibus, glan-  
 de uescantur? an uictus hominum Atheniensium benefi-  
 cio excoli potuit, oratio non potuit? Quis porro un-  
 quam Graecorum rhetorum à Thucydide quicquā diu-



xit? At laudatus est ab omnibus, fateor: sed ita ut rerum explicator prudens, seuerus, grauis, non ut in iudicijs uersaret causas, sed ut in historijs bella narraret. Itaque nunquā est numeratus orator. Nec uerò si historiam non scripsisset, nomen eius extaret, cum praesertim fuisset honoratus & nobilis. Huius tamen nemo, neque uerborum neque sententiarum grauitatem imitatur: sed cum inutilia quaedam & hiantia locuti sunt, quae uel sine magistro facere potuerunt, germanos se putant esse Thucydidis. Nactus sum etiam qui Xenophontis similem esse se cuperet: cuius sermo est ille quidē melle dulcior, sed à forensi strepitu remotissimus. Referamus nos igitur ad eum quem uolumus inchoandum, & eadem eloquentia informandum, quam in nullo cognouit Antonius. Magnum opus omnino & arduum, Brute, conamur: sed nihil difficile amanti puto. Amo autem, & semper amaui ingenium, studia, mores tuos. Incendor porro quotidie magis: non desidero solum, quo quidem conficior, congressus nostros, consuetudinem uictus, doctissimos sermones requirens tuos: sed etiam admirabili fama uirtutum incredibilium, quae specie dispares prudentia coniunguntur. Quid enim tam distans, quam à seueritate comitas? Quis tamen unquam te aut sanctior est habitus, aut dulcior? Quid tam difficile, quam in plurimorum controuersijs dijudicandis, ab omnibus diligenter consequeris tamen, ut eos ipsos quos contra statuas, & quos, placatosque dimittas. Itaque efficis, ut cum gratia causa nihil facias, omnia tamen sint grata quae facis. Ergo omnibus terris, una Gallia cōmuni (a) non ardet in 200  
 scendio, in qua frueris ipse te, cū in Italiae luce cognosce-  
 ris, uersarisque in optimorum ciuium uel flore, uel robore.



iam quantū illud est, quod in maximis occupationibus nunquam intermittis studia doctrinae, semper aut ipse scribis aliquid, aut me uocas ad scribendum. Itaque hoc sum aggressus statim Catone absoluto, quem ipsum nunquam attigissem, tempora timens inimica uirtuti, nisi tibi hortanti, et illius memoriam mihi charam excitanti, non parere nefas esse duxissem: sed testificor me à te rogatū, & recusantem hæc scribere esse ausum. uolo enim mihi tecum commune esse crimen, ut si sustinere tantam questionem non potuero, iniusti oneris impositi tua culpa sit, mea recepti: in quo tamen iudicij nostri errorem, laus tibi dati muneris compensabit. SED in omnire difficillimum est, formam, quod *ῥηπαιτύη* Græcè dicitur, exponere optimi: quod aliud alijs uidetur optimum. Ennio delector, ait quispiam, quod non discedit à communi more uerborum: Pacuio, inquit alius, omnes apud hunc ornati elaboratiq; sunt uersus, multa apud alterum negligentius. fac alium Accio: uaria enim sunt iudicia, ut in Græcis, nec facilis explicatio, quæ forma maximè excellat. In picturis alios horrida, inculta, abdita & opaca: contrà alios nitida, leta, collustrata delectat. Quid est quo præscriptum aliquod, aut formulam exprimas, cum in suo quodque genere præstet, & genera plura sint? Hac ego religione non sum ab hoc conatu repulsus, existimauiq; in omnibus rebus esse aliquid optimum, etiam si lateret: idq; ab eo posse qui eius rei gnarus esset, iudicari. Sed quoniam plura sunt orationum genera, eaq; diuersa, neq; in unam formam cadunt omnia: Laudationum, scriptio, & historiariū, & talium suasionum qualem Isocrates fecit Panegyricum, multiq; alij qui sunt nominati Sophi-



*stæ, reliquarumq; rerum formam quæ absunt ab forensi*  
*contentione, eiusq; totius generis quod Græcè ἐνιδέα*  
*ἵσινον nominatur, quod quasi ad inspiciendum delecta-*  
*tionis causa comparatum est, non complectar hoc tem-*  
*pore, non quò negligenda sit: est enim illa quasi nutrix*  
*eius oratoris quem informare uolumus, & de quo moli-*  
*mur aliquid exquisitius dicere. Ab hac & uerborum*  
*copia alitur, & eorum constructio & numerus liberio-*  
*re quadam fruitur licentia. Datur etiam uenia concinn-*  
*tati sententiarum: & arguti, certiq; & circumscripti*  
*uerborum ambitus conceduntur: de industriaq; non ex*  
*insidijs, sed aperte ac palàm elaboratur, ut uerba uerbis*  
*quasi demensa & paria respondeant, ut crebrò conse-*  
*rantur (b) pugnancia, comparenturq; contraria: & ut*  
*pariter extrema terminentur, eundemq; referant in ca-*  
*dendo sonum quæ in ueritate causarum & rariùs mul-*  
*to facimus, & certè occultius. In Panathenæico autem*  
*Isocrates ea studiose consecratum fatetur. Non enim ad*  
*iudiciorū certamen, sed ad uoluptatem aurium scripse-*  
*rat. Hæc tractasse Thrasymachum Chalcedonium pri-*  
*mum, & Leontinum ferunt Gorgiam Theodorum in-*  
*de Byzantium, multosq; alios quos Λογολοιδάχους*  
*appellat in Phædro Socrates: quorum satis arguta mul-*  
*ta, sed ut modò primumq; nascentia, minuta & uersicu-*  
*lorum similia quedam, nimiumq; depicta. quò magis*  
*sunt Herodotus Thucydidesq; mirabiles, quorum etas*  
*cùm eorum in tempora quos nominauit incidisset, lon-*  
*gissimè tamen ipsi à talibus delicijs, uel potius ineptijs*  
*abfuerunt. Alter enim sine ullis salebris, quasi sedatus*  
*amnis fluit: alter incitator fertur, & de bellicis rebus*  
*canit etiam quodammodo bellicum, primisq; ab his*



(ut ait Theophrastus) historia commota est, ut auderet  
 uberius quàm superiores, & ornatiùs dicere. Horum æ-  
 tati successit Isocrates, qui præter cæteros eiusdem gene-  
 ris laudatur semper à nobis, nonnunquam, Brute, leui-  
 ter & eruditè repugnante te. Sed credas mihi fortasse,  
 si quid in eo laudem cognoueris. Nam cum concisus ei  
 Thrasymachus minutis numeris uideretur, & Gorgias,  
 qui tamè primi traduntur, arte quadam uerba iunxisse:  
 Thucydides autem præfractor, nec satis (ut ita dicam)  
 rotundus: primus instituit dilatare uerbis, & molliori-  
 bus numeris explere sententias. In quo cum doceret eos  
 qui partim in dicendo, partim in scribendo principes ex-  
 titerunt, domus eius officina habita eloquentiæ est. Ita-  
 que ut ego cum à nostro Catone laudabar, uel reprehèn-  
 di me à cæteris facillè patiebar: sic Isocrates uidetur testimo-  
 nio Platonis aliorum iudicia debere contemnere.  
 Est enim (ut scis) quasi in extrema pagina Phædri his  
 ipsis uerbis loquens Socrates: Adolescens etiam nunc,  
 ô Phædre, Isocrates est. Sed quid de illo augurer, lubet  
 dicere. Quid tandem, inquit ille? Maiore mihi ingenio  
 uidetur esse quàm ut cum orationibus Lysiae cõparetur:  
 præterea ad uirtutem maior in dolens, ut minimè mirum  
 futurum sit, si cum ætate procefferit, aut in hoc oratio-  
 num genere, cui nunc studet, tantum, quantum pueris,  
 reliquis præstet omnibus qui unquam orationes attige-  
 runt: aut si contentus his non fuerit, diuino aliquo animi  
 motu maiora concupiscat: inest enim natura philosophia  
 in huius uiri mente quedam. Hæc de adolescente Isocra-  
 te Socrates auguratur, at ea de seniore scribit Plato, &  
 scribit æqualis, et quidè exagilat or omnium rhetorū hunc  
 201 nurratur unum: me aut qui Isocratem nō (a) diligunt, una

Socrates nunc pa-  
 vers.



cum Socrate & Platone errare patiantur. Dulce igitur orationis genus, et solutum & effluens, sententijs argutum, uerbis sonans est in illo epidictico genere, quod diximus proprium Sophistarum, pompe quam pugne aptius, gymnasijs et palestre dicatum, spretum & pulsum foro. Sed quod educata huius nutrimentis eloquentia est, ipsa se postea colorat & roborat, non alienum fuit de oratoris quasi incunabulis dicere. Verum hæc ludorum atq; pompe: nos autem iam in aciem dimicatio nemq; ueniamus. Quoniam tria uidentia sunt oratori, quid dicat, & quo quicq; loco, & quomodo, dicendum omnino est quid sit optimum in singulis: sed aliquantod secus, atq; in tradenda arte dici solet, nulla præcepta ponemus: neq; enim id suscepimus, sed excellentis eloquentie speciem & formam adumbrabimus: nec quibus rebus ea paretur exponemus, sed qualis nobis esse uideatur. ac duo breuiter prima: sunt enim non tam insignia ad maximam laudem quam necessaria, & tamen cum multis penè communia. Nam & inuenire & iudicare quid dicas, magna illa quidem sunt, & tanquam animi instar in corpore, sed propria magis prudentiæ quam eloquentiæ: quæ tamen in causa est uacua prudentiæ. No uerit igitur hic quidem orator, quem summum esse uolumus, argumentorum et rationum locos. Nam quoniam, quicquid est quod in controuersia, aut in contentione uersetur: in eo aut sit ne, aut quid sit, aut quale sit, quæritur. sit ne? signis. quid sit? definitionibus. quale sit? rebus. Et prauisq; partibus. quibus ut uti possit orator, non illa uulgaris, sed hic excellens, à proprijs personis & temporibus semper, si potest, auocat controuersiam. Latius enim de genere quam de parte disceptare licet, ut quod

h ij

Gen. Epidictico  
nutrimentis elo  
quentiæ

Uidentia Oratorij

Inuentio  
Inuenire & iudi  
care. p. uide  
tia p. p. n. a.  
Locos uerborum

Status tres.

ad q. none m. i. n. i.  
ta uocanda  
finita



in uniuerso sit probatum, id in parte sit probari necesse.  
 Hæc igitur quæstio à proprijs personis & temporibus,  
 ad uniuersi generis orationem traducta, appellatur the=  
 sis. In hac Aristoteles adolescentes, non ad Philosopho=  
 rum morem tenuiter differendi, sed ad copiam rheto=  
 rum in utranq; partem, ut ornatus & uberius dici pos=  
 sit, exercuit. Idemq; locos, sic enim appellat, quasi argu=  
 mentorū notas tradidit, unde omnis in utranq; partem  
 traheretur oratio. Facile igitur hic noster (non enim de=  
 clamatorem aliquem de ludo, aut rabulam de foro, sed  
 doctissimum et perfectissimum quærimus) quoniam lo=  
 ci certi traduntur, percurreret omneis, utetur aptis gene=  
 ratim, discet ex quo emanant etiam qui cōmunes appella=  
 lantur loci: nec uerò utetur imprudenter hac copia, sed  
 omnia expendet, & seliget. Non enim semper, nec in o=  
 mnibus causis, ex iisdem argumentorum momenta sunt.  
 iudicium ergo adhibebit, nec inueniet solum quid dicat,  
 sed etiam expendet. Nihil enim (b) feracius ingenijs, his  
 præsertim quæ disciplinis exculta sunt. Sed ut segetes foe=  
 cundæ & uberes non solum fruges, uerum herbas etiam  
 effundunt inimicissimas frugibus, sic interdum ex illis  
 locis aut leuia quædam, aut causis aliena, aut non utilia  
 gignuntur: quorum ab oratoris iudicio delectus ma=  
 gnus adhibebitur. Quonam modo ille in bonis hærebit  
 & habitabit suis? aut molliet dura? aut occultabit quæ  
 dilui non poterunt, atq; omnino opprimet, si licebit: aut  
 abducet animos: aut aliud afferet quod oppositum pro=  
 babilius sit, quàm illud quod obstabit? Iam uerò ea quæ  
 inuenerit, quæ diligentia collocabit? quoniam id secun=  
 dum erat de tribus. Vestibula nimirum honesta, aditusq;  
 ad causam faciet illustres, cūq; animos prima aggressio=

Delectus in locis  
adhibendus

Collocatio  
sæpius omnino  
Vestibula quædam



ne occupauerit, infirmabit excludetq; contraria: de fir-  
missimis, alia prima ponet, alia postrema, inculcabitq;  
leuiora. Atque in primis duabus dicendi partibus qualis  
esset, summam breuiterq; descripsimus. Sed ut ante di-  
ctum est in his partibus, etsi graues atque magna sunt,  
minus & artis est, & laboris. Cum autem quid, & quo lo-  
co dicat, inuenerit, illud est longè maximū, uidere quo-  
nam modo. Scitum est enim quod Carneades noster dice-  
re solebat, Clitomachum eadem dicere, Carneadem au-  
tem eodem etiam modo dicere. Quod si in philosophia  
tantum interest, quemadmodum dicas, ubi res spectatur,  
non uerba penduntur: quid tandem in causis existiman-  
dum est, quibus totis moderatur oratio? Quod quidem  
ego, Brute, ex tuis literis sentiebam, nō te id scitari qua-  
lem ego in inueniendo, et in collocanda summū esse ora-  
torem uellem: sed id mihi querere uidebare, quod genus  
ipsius orationis optimum iudicārē. Rem difficilem (dij  
immortales) atque omnium difficillimam. Nam cum est  
oratio mollis & tenera, & ita flexibilis, ut sequatur  
quocunq; torqueatur: tum et natura uaria, & uoluntates,  
multum inter se distantia effecerunt genera dicendi. Flu-  
men alijs uerborum, uolubilitasq; cordi est, qui ponunt  
in orationis celeritate eloquentiam. Distincta alios, &  
interpuncta, interualla mora, respirationesq; delectant.  
Quid potest esse tam diuersum? tamen est in utrōq; ali-  
quid excellens. Elaborant alij lenitate, & equabilitate,  
& puro quasi quodam & candido genere dicendi. Ecce  
aliqui durtatem, et seueritatem quandam uerbis, et ora-  
tionis quasi moesticiā sequuntur: quodq; paulo ante diui-  
simus, ut alij graues, alij tenues, alij temperati uellent ui-  
deri, quot orationum genera esse diximus, totidem ora-

Argumentoy

Locutio longē  
excellenior.



torum reperiuntur. Et quoniam cœpi iam cumulatus  
hoc munus augere, quàm à te postulatum est: tibi enim  
tantū de orationis genere quærenti, respondi etiam bre-  
uiter de inueniendo & collocando, ne nunc (a) quidem  
solum de orationis modo dicam, sed etiam de actionis,  
ita prætermissa pars nulla erit, quando quidem de me-  
moria nihil est hoc in loco dicendum, quæ communis est  
multarum artium. Quomodo autē dicatur, id est in duo-  
bus, in agendo & in loquendo. Est enim actio quasi cor-  
poris quædam eloquentia, cū cōstet ē uoce atq; motu.  
Vocis mutationes totidem sunt, quot animorū, qui ma-  
ximè uoce commouentur. Itaq; ille perfectus quem iam  
dudū nostra indicat oratio, utcūq; se affectum uideri,  
et animum audientis moueri uolet, ita certum uocis ad-  
mouebit sonum: de quo plura dicerem si hoc præcipien-  
di tempus esset, aut si tu hoc quæreret. dicerem etiam de  
gestu cū quo iunctus est uultus, quibus omnibus dici uix  
potest quantum intersit, quemadmodum utatur ora-  
tor. Nam & infantes actionis dignitate eloquentiæ sæ-  
pè fructum tulerunt, & diserti de formitate agendi mul-  
ti infantes putati sunt. ut iam non sine causa Demosthe-  
nes tribuerit & primas, & secundas, & tertias actioni.  
Si enim eloquentia nulla sine hac, hæc autē sine eloquen-  
tia tanta est, certè plurimū in dicendo potest. Volet  
igitur ille qui eloquentiæ principatum petet, et contenta  
uoce atrociter dicere, & summissa leniter, & inclinata  
uideri grauis, et inflexa miserabilis. Mira est enim quæ-  
dam natura uocis. cuius quidem ē tribus omnino sonis,  
inflexo, acuto, graui, tanta sit, & tam suauis uarietas  
perfecti in cantibus. Est autem in dicēdo etiam quidam  
cantus obscurior, non hic ē Phrygia & Caria rhetorum

Modus dicendi in  
duobus.  
Actio quid



epilogus penè canticum, sed ille quem significat Demosthenes & Aeschines: cum alter alteri obijcit uocis flexiones. Dicit plura etiam Demosthenes, illumq; sæpe dicit uoce dulci & clara fuisse. In quo etiam illud notandum mihi uidetur ad studium persequende suauitatis in uocibus: ipsa enim natura, quasi modularetur hominum orationem, in omni uerbo posuit acutam uocem, nec una plus, nec à postrema syllaba citra tertiam, quo magis naturam ducem ad aurium uoluptatem sequatur indurtria. Ac uocis quidem bonitas optanda est (non est enim in nobis) sed tractatio atque usus in nobis, ergo ille princeps uariabit, & mutabit, omnis sonorum tum intendens tum remittens persequetur gradus: idemque motu sic utetur, nihil ut supersit in gestu. Status erectus & celsus, rarus incessus, nec ita longus: excursio moderata, eaq; rara, nulla mollitia ceruicum, nulla aragutiae digitorum, non ad numerum articulus cadens, trunco magis toto seipse moderans, & uirili laterum flexione, brachij proiectione in contentionibus, contractione in remis. Vultus uerò qui secundum uocem plurimum potest quantam effert tum dignitatem, tum uenustatem, in quo cum effeceris, neque id ineptum aut uultuosum (b) sit, tum oculorum est quædam magna moderatio. Nam ut imago est animi uultus, sic indices oculi, quorum & hilaritatis & uicissim tristitiæ modû, res ipse de quibus agetur temperabunt. Sed iam illius perfecti oratoris, & summæ eloquentiæ species exprimenda est, quem hoc uno excellere, id est oratione: cætera in eo latere, indicat nomen ipsum. Non enim inuentor aut compositor, aut actor hæc complexus est omnia, sed & Græcè ab eloquendo rhetor, & Latine orator.

Locutio.



loquens dictus est. Ceterarum enim rerum quæ sunt in oratore, partem aliquam sibi quisque uendicat: dicendi autem, id est eloquendi maxima uis soli huic conceditur. Quamquam enim et philosophi quidam ornate locuti sunt: siquidem et Theophrastus diuinitate loquendi nomen inuenit, et Aristoteles Isocratem ipsum lacepsit, et Xenophontis uoce Musas quasi locutas ferunt: et longè omnium quicumque scripserunt, aut locuti sunt, extitit et grauitate princeps Plato: tamen horum oratio neque neruos, neque aculeos oratorios ac forenses habet. Loquuntur cum doctis, quorum sedare animos malunt quàm incitare: sic de rebus placatis ac minime turbulentis docendi causa, non capiendi loquuntur, ut in eo ipso quòd delectationem aliquam dicendo aucupentur, plus nonnullis quàm necesse sit, facere uideantur. Ergo ab hoc genere non difficile est hanc eloquentiam, de qua nunc agitur, secernere. Mollis est enim oratio philosophorum, et umbratilis, nec sententijs, nec uerbis instructa popularibus, nec iuncta numeris, sed soluta liberius: nihil iratum habet, nihil inuidum, nihil atrox, nihil mirabile, nihil astutum: casta, uerecunda, uirgo incorrupta quodammodo: itaque sermo potius quàm oratio dicitur, quamquam enim omnis locutio oratio est: tamen unius oratoris locutio hoc proprio signata nomine est. Sophistarum, de quibus supra dixi, magis distinguenda similitudo uidetur, qui omnes eosdem uolunt flores, quos adhibet orator in causis, persequi. Sed hoc differunt, quòd cum sit his propositum non perturbare animos, sed placare potius, nec tam persuadere quàm delectare: et apertius id faciunt quàm nos, et crebrius, concinnas magis sententias exquirunt quàm probabi-

Oratio Philorum

Sophistarum no Ora-  
tores.



les, à resape discedunt, intexunt fabulas, uerba apertius transferunt, eaq; ita disponunt ut pictores uarietatem colorum, paria paribus referunt, aduersa contrarijs, sepiissimeq; similiter extrema definiunt. Huic generi historia finitima est, in qua et narratur ornatè, et regio sepe aut pugna describitur: interponuntur etiam conciones et hortationes: sed in his tracta quædam et fluens expetitur, non hæc contorta et acris oratio. Ab his non multò secus quàm à poëtis hæc eloquëtia, quàm querimus, (a) seuocanda est. Nam etiam poëtæ quæstionem attulerunt, quid nam esset illud quo ipsi differrent ab oratoribus: numero maximè uidebantur antea et uersu, nunc apud oratores iam ipse numerus increbuit. Quicquid est enim quod sub aurium mensuram aliquam cadit, etiamsi abest à uersu (nam id quidem orationis est uisum) numerus uocatur, qui Græcè πῦδος dicitur. Itaque uideo uisum esse nonnullis, Platonis et Democriti locutionem, etsi absit à uersu: tamen quod incitatus feratur, et clarissimis uerborum luminibus utatur, potius poema putandū quàm comicorum poëtarum: apud quos, nisi quod uersiculi sunt, nihil est aliud quotidiani dissimile sermone: nec tamen id est poëtæ maximum, etsi est eò laudabilior, quòd uirtutes oratoris persequitur, cum uersu sit astrictior. Ego autem etiamsi quorundam grandis et ornata uox est poëtarum, tamen in ea cum licentiam statuo maiorem esse quàm in nobis faciendorum iungendorumq; uerborum, tum etiam nonnullorum uoluptati uocibus magis quàm rebus inseruiunt. Nec uerò si quid unum inter eos simile (id autè est iudicium electioq; uerborum) propterea cæterarum rerum dissimilitudo intelligi non potest, sed id nec dubium est, et si quid habet

H. J. J. J.

Poëtæ.

203



questionis, hoc tamē ipsum ad id quod propositum est, non est necessarium. Seiunctus igitur orator à philosophorum eloquentia, à sophistarum, ab historicorum, à poetarum, explicandus est nobis qualis futurus sit. Erit igitur eloquens (hunc enim, authore Antonio, quærimus) is qui in foro causisq; ciuilibus ita dicet, ut promeretur, ut delectet, ut flectat. probare necessitatis est, delectare suauitatis, flectere uictoriæ. Nam id unum ex omnibus ad obtinēdas causas potest plurimum. Sed quot officia oratoris, tot sunt genera dicendi. Subtile in probando, modicum in delectando, uehemens in flectendo, in quo uno uis omnis oratoris est. Magni igitur iudicii, summae etiam facultatis esse debet moderator ille, et quasi temperator huius tripartitæ uarietatis. Nam et iudicabit quid cuiq; opus sit, et poterit quocunq; modo postulabit causa dicere. Sed est eloquentiæ, sicut reliquarum rerum, fundamentum sapientiæ. Vt enim in uita, sic in oratione nihil est difficilius quàm quid deceat uidere. *ὑπέροχος* appellant hoc Græci: nos dicamus sanè decorum, de quo præclare et multa præcipiuntur, et res est cognitione dignissima. Huius ignorantia non modo in uita, sed sapissimè et in poematis, et in oratione peccatur. Est autem quid deceat oratori uidendum, non in sententijs solum, sed etiam in uerbis. Non enim omnis fortuna, non omnis honos, non omnis authoritas, non omnis ætas, nec uerò locus, aut tempus, aut auditor omnis, eodem (b) aut uerborum genere tractandus est, aut sententiarum. semperq; in omni parte orationis, ut uita, quid deceat est considerandum: quod et in re de qua agitur, positum est, et in personis, et eorum qui dicunt, et eorum qui audiunt. Itaq; hunc locum longè

officiū oratoris

duo gēna.

sapientiæ fundamētum eloquentiæ

considerari oratoris



Et late patentem philosophi solent in officijs tractare, non cum de recto ipso disputant, nam id quidem unum est, Grammatici in poetis, eloquentes in omni & genere & parte causarum. quam enim indecorum est de stulticijs cum apud unum iudicem dicas, amplissimis uerbis & locis uti communibus de maiestate populi Rom. summissè & subtiliter? hic genere toto, at persona alij peccant, aut sua, aut iudicium, aut etiam aduersariorum: nec re solum, sed sæpè etiam uerbo: etsi sinere nulla uis uerbi est, tamen eadem res sæpè aut probatur, aut reicitur, alio atq; alio elata uerbo. In omnibusq; rebus uidentum est, quatenus, etsi enim suus cuiq; modus est, tamen magis offendit nimium quam parum. In quo Appelles pictores quoq; eos peccare dicebat, qui non sentirent quid esset satis. Magnus esset locus hic, Brute, quod te non fugit, et magnum uolumen aliud desiderat: sed ad id quod agitur, illud satis. cum hoc decere quod semper usurpamus in omnibus dictis & factis, minimis & maximis, cum hoc, inquam, decere dicimus, illud non decere: & id usquequaq; quantum sit appareat, in alioq; ponatur, aliudq; totum sit, utrum decere an oportere dicas, oportere enim, perfectione declarat officij, quo et semper utendum est, & omnibus; decere, quasi aptum esse consentaneumq; tempori & personæ: quod cum in factis sapissimè, tum in dictis ualet, in uultu deniq; & gestu, et incessu, contraq; item dedecere. Quod si poeta surgit ut maximum uitium, qui peccat etiam cum probant orationem affingit improbo stulto uè sapientis: si deniq; pictor ille uidit cum immolanda Iphigenta tristis Calchas esset, moeror Vlysses, mœreret Menelaus, obuoluentum caput Agamemnonis esse, quoniam summū il-

Oportere quid  
decere.



lum luctum penicillo non posset imitari: si deniq; histrio quid deceat querit, quid faciendū oratori putemus? sed cum hoc tantū sit, quid in causis, earumq; quasi mebris faciat orator, uiderit. Illud quidem perspicuum est, non modò partes orationis, sed etiam causas totas, alias alia forma dicendi esse tractandas. Sequitur ut cuiusq; generis nota queratur & formula, magnum opus & arduum (ut saepe iam diximus) sed ingredientibus considerandum fuit quid ageremus. Nunc quidem iam quocunq; feremur, danda nimirū uela sunt. Ac primum in-

Summissus Orator.  
considerat.

204

De loquitis.

Vitando

- (a) Itaq; eum qui audiunt, quamuis ipsi infantes sint, tamen illo modo confidunt se posse dicere. Nam orationis subtilitas imitabilis quidē illa uidetur esse existimanti, sed nihil est experiēti minus. Et si enim non plurimi sanguinis est, habeat tamen succum aliquem oportet: ut etiam si illis maximis uiribus careat, sit (ut ita dicam) integra ualetudine. Primum igitur eum tanquam è uinculis numerorū eximamus. Sunt enim quidam (ut scis) oratori numeri, de quibus mox agemus, obseruandi ratione quadam: sed alio in genere orationis, in hoc omnino relinquiendi, solutum quiddam sit, nec uagum tamen, ut ingredi liberè, non ut licenter uideatur errare.
- 2 Verba etiam uerbis quasi coagmentare negligat. habet enim ille tanquam hiatus concursu uocalium molle quiddam, & quod indicet non ingratam negligentiam, de re hominis magis quàm de uerbis laborantis. Sed erit uidendum de reliquis, cum hæc duo ei liberiora fuerint, circuitus conglutinatioq; uerborum, illa enim ipsa con-



tracta & minuta non negligenter tractanda sunt: sed quædam etiam negligentia est diligens. Nam ut mulieres esse dicuntur nonnullæ inornatæ, quas idipsum deceat: sic hæc subtilis oratio etiam incompta delectat. fit enim quiddam in utrôq; quo sit uenustius, sed non ut appareat. tum remouebitur omnis insignis ornatus, quasi margaritarum: ne calamistri quidem adhibebuntur. Fuscæ uerò medicamenta candoris & ruboris, omnia repellentur, elegantia modò & mundicia remanebit. Sermo purus erit, et Latinus: dilucidè planeq; dicitur, quid deceat circumspicietur. Vñ aderit, quod quartum numerat Theophrastus in orationis laudibus: ornatum illud, suauè & affluens, acutæ crebræq; sententiæ ponentur, & nescio unde ex abdito erunt, atq; hoc in oratore dominabitur. Verecundus erit usus oratoriæ quasi suppellectilis: supellex est enim quodammodo nostra, quæ est in ornamentis, alia rerum, alia uerborum. Ornatus autem uerborum duplex: unus simplicium, alter collocatorum. Simplex probatur in proprijs usitatisq; uerbis, quòd aut optimè sonat, aut rem maximè explanat. In alienis aut translaturum, aut factum aliunde, ut mutuum: aut factum ab ipso, aut nouum, aut priscum & inusitatum. Sed etiam inusitata ac prisca sunt in proprijs, nisi quòd rarò utimur. Collocata autem uerba habent ornatum, si aliquid cōcinnitatis efficiunt, quod uerbis mutatis non maneat, manente sententia. Nam sententiarum ornamenta quæ permanent, etiam si uerba mutaueris, sunt illa quidem permulta, sed quæ emineant pauciora. Ergo ille tenuis orator, modò sit elegans, nec in facendis uerbis erit audax, & in transferendis uerecundus & parcus, & in priscis (b) reliquisq; ornamentis &

A

S.

sermone

Ornamenta duplicia

Ornatus uerborum duplex  
Simplex

Collocata

Tenuis orator  
quis



uerborum & sententiarum demissior, translatione fortasse crebrior, quæ frequentissimè sermo omnis utitur, non modò urbanorū, sed etiā rusticorum. Siquidem est eorū gemmare uites, sitire agros, letas esse segetes, luxuriosa frumenta. Nihil horum parum audacter: sed aut simile est illi, unde transferas: aut si res suum nullum habet nomen, docendi causa sumptum, non ludendi uidetur. Hoc ornamento liberius paulo quàm ceteris utitur hic summissus, nec tam licenter tamen quàm si genere dicendi uteretur amplissimo. Itaq; illud indecorum, quod quale sit, ex decoro debet intelligi: hic quoque apparet, cum uerbum aliquod altius transfertur, idq; in oratione humili ponitur, quod idē in alia deceret. Illam autem concinnitatem, quæ uerborum collocationem illuminat ijs luminibus, quæ Græci quasi aliquos gestus orationis *οὐρανοειδῆ* appellant, quod idem uerbum ab his etiam in sententiarum ornamenta transfertur: adhibet quidem hic subtilis, quem, nisi quòd solum, ceteroquin rectè quidem uocant Atticum, sed paulo parcius. Nam si ut in epularum apparatu, à magnificentia recedens, non se parcum solum, sed etiam elegantem uideri uolet, eliget quib. utatur. Sunt enim pleraq; aptæ huius ipsius oratoris, de quo loquor, parsimonie. Nam illæ de quibus antè dixi, huic acuto fugiendæ sunt, paria paribus relata, & similiter conclusa, eodemq; pacto cadentia, & immutatione literæ quasi quæ sita uenustates, ne elaborata concinnitas & quoddam aucupium delectationis manifestò reprehensum appareat. Itemq; si quæ uerborum iterationes contentionem aliquam & clamorem requirent, erunt ab hac summissione orationis alienæ: ceteris permiscuè poterit uti, continuatione uerbo-



rum, modò relaxet & diuidat, utaturq; uerbis quàm u-  
 sitatissimis, translationibus quàm mollißimis: etiam illa  
 sententiarum lumina assumat, quæ non erunt uehemen-  
 ter illustria. Non faciet repletoquentem, nec ab inferis  
 mortuos excitabit: nec accruatim multa frequentans,  
 una complexione deuinciet. Valentiorum hæc laterum  
 sunt, nec ab hoc quem informamus aut expectanda, aut  
 postulanda. Erit enim ut uoce, sic etiam oratione sup-  
 pressior: sed pleraq; ex illis cõuenient etiam huic tenui-  
 tati, quanquam ijsdem ornamentis utetur horridius, ta-  
 lem enim inducimus. Accedit actio non tragica, nec sce-  
 næ, sed modica iactatione corporis: uultu tamen multa  
 conficiens, non hoc quo dicuntur os ducere, sed illo quo  
 significant ingenue quo sensu quidq; pronuncient. Huic  
 generi orationis aspergentur etiam sales, qui in dicen-  
 do nimium quantũ ualent: quorũ duo genera sunt, unũ  
 facetiarum, alterum dicacitatis. utetur utrõq; sed altero  
 in narrando (a) aliquid uenuste, altero in iaciendo mit- 205  
 tendoq; ridiculo, cuius genera plura sunt: sed nunc aliud  
 agimus. illud admonemus tamen, ridiculo sic usurum  
 oratorem, ut nec nimis frequenti, ne scurrile sit: nec sub  
 obsceno, ne inimicum: nec petulanti, ne improbum: nec  
 in calamitatem, ne inhumanum: nec in facinus, ne odij  
 locum risus occupet, neq; aut sua persona, aut iudicum,  
 aut tempore alienum. Hæc enim ad illud indecorum  
 referuntur. Vitabit etiam quæ sita, nec ex tempore fi-  
 cta, sed domo allata, quæ plerunq; sunt frigida. parcet  
 & amicitijs, & dignitatibus: uitabit insanabiles con-  
 tumelias. tantummodò aduersarios figet, nec eosta-  
 men semper, nec omneis, nec omni modo. quibus exce-  
 ptis sic utetur sale & facetijs, ut ego ex istis nouis Atti-

Actio.



cis talem cognouerim neminem, cum id certè sit uel maximè Atticum. Hanc ego iudico formā summissi oratoris, sed magni tamen & germani Attici: quoniam quicquid est falsum, aut salubre in oratione, id propriū Atticorum est: e quibus tamen non omnes faceti, Lysias satis & Hyperides, Demades præter cæteros fertur, Demosthenes minus habetur, quo quidē mihi nihil uidetur urbanius: sed non tam dicax fuit quàm facetus. est autem illud acrioris ingenij, hoc maioris artis.

VERIVS est aliud, aliquantoq; robustius, quàm hoc humile de quo dictum est. Summissius autem quàm illud de quo iam dicitur, amplissimum. Hoc in genere nervorum uel minimum: suauitatis autem est uel plurimum. Est enim plenius quàm hoc enucleatum, quàm autem illud ornatum copiosumq; summissius. Huic omnia dicendi ornamenta conueniunt, plurimumq; est in hac orationis forma suauitatis, in qua multi floruerunt apud Græcos. Sed Phalereus Demetrius meo iudicio præstitit cæteris, cuius oratio cū sedatè placideq; loquitur, tum illustrant eam quasi stellæ quædam translata uerba atq; immutata. Translata ea dico, ut sæpè iam, quæ per similitudinem ab aliare aut suauitatis aut inopiæ causa transferuntur. Mutata, in quibus pro uerbo proprio subijcitur aliud, quod idē significet, sumptum ex re aliqua consequenti: quod quanquam transferendo fit, tamen alio modo transiit, cū dixit Ennius: Arcem, & urbē orbas: alio modo, si pro patria arcem dixisset, & horridā Africam terribili tremere tumultu, cū dicit: pro Afris immutat Africam. Hanc hypallagē rhetores, quia quasi summutantur uerba pro uerbis, metonymiam grammatici uocant, quòd nomina transferuntur.



Aristoteles autem translationi hæc ipsa subiungit, & abusionem, quam catachresim uocant, ut cum minus dicimus animum pro paruo, & abutimur uerbis propinquis, si opus est, uel quod delectat, uel quod licet. Iam cum (b) fluxerunt continuæ plures translationes, alia planè fit oratio. Itaq; genus hoc Græci appellant ἀναλογίαν, nomine rectè: genere melius ille, qui ista omnia translationes uocat. Hæc frequentat Phalaræus maxime, suntq; dulcissima: & quanquã translatio est apud eum multa, tamen immutationes nusquam crebriores, in idem genus orationis (loquor enim de illa modica ac temperata) uerborum cadunt lumina omnia, multa etiam sententiarum, Latine, eruditaq; dissertationes ab eodem explicantur, & loci communes sine contentione dicuntur. Quid multa? è philosophorum scholis tales ferè euadunt, & nisi coràm erit comparatus ille fortior, per se hic quem dico, probabitur. Est quoddam etiam insigne & florens orationis, pictum & expolitum genus, in quo omnes uerborum, omnes sententiarum illigantur lepôres. Hoc totum è Sophistarum fontibus defluxit in forum, sed spretum à subtilibus, repulsum à grauib; in ea de qua loquor mediocritate confedit. Tertius est ille amplius, copiosus, grauis, ornatus, in quo profectò uis maxima est. Hic est enim cuius ornatum dicendi, & copiam admiratæ gentes, eloquentiam inciuitatibus plurimum ualere passæ sunt. Sed hanc eloquentiam quæ cursu magno sonituq; ferretur, quam suspicere omnes, quã admiraretur, quam se assequi posse diffiderent. Huius eloquentiæ est tractare animos, huius omni modo permouere. Hæc modò perfringit, modò irrepiit in sensus, inserit nouas opiniones, euellit insi-



tas. Sed multū interest inter hoc dicendi genus, & superiora. Qui in illo subtili & acuto elaborauit, ut callidē arguteq; diceret, nec quicquam aliū cogitaret, hoc uno profecto magnus orator est, si non maximus, minimeq; in lubrico uersabitur: & si semel consiterit, nunquā cadet. Medius ille autem quem modicum & temperatum uoco, si modō suū illud satis instruxerit, nō extimescit ancipites dicendi, incertosq; casus: etiam si quando minus succedet, ut sepe fit, magnū tamen periculū non adhibet: alit̄ enim cadere non potest. At uerō hic noster quem principem ponimus, grauis, acer, ardens, si ad hoc unum est natus, aut in hoc solo se exercuit, aut huic generi suadet uni, nec suā copiam cū illis duobus generibus tēperauit, maxime est contemnendus. Ille enim summissus, quod acutē & ueteratorie dicit, sapiens iam, medius, suauis: hic autem copiosissimus, si nihil est aliud, uix satis sanus uideri solet. Qui enim nihil potest tranquille, nihil leniter, nihil partitē, definitē, distinctē, facete dicere, praesertim cū causae partim totae sine eo modo, partim aliqua ex parte tractandae, si is non preparatis auribus inflammare rem coepit, furere apud sanos, & quasi inter sobrios bacchari uinolētus uidetur. Tenemus igitur, 206 Brute, quē quaerimus: sed(a) animo, nam manu si cōprehendissem, ne ipse quidē suā tanta eloquentia mihi persuasisset ut se dimitterem. Sed inuentus profecto est ille eloquens, quem nunquam uidit Antonius. Quis est igitur is? complectar breui, disseram pluribus. Is enim est eloquens, qui & humilia subtiliter, & magna grauiter, & mediocria temperatē potest dicere. Nemo is, inquires, unquam fuit, nec fuerit: ego enim quid desiderem, non quid uiderim dīsputo, redeoq; ad illam Platonem



nis, de qua dixeram, rei formam & speciem, quam esse non cernimus, tamen animo tenere possumus. Non enim eloquentem quero, nec quicquam mortale & caducum: sed illud ipsum, cuius qui sit compos, sit eloquens: quod nihil est aliud, nisi eloquentia ipsa, quam nullis nisi mentis oculis uidere possumus. Is erit igitur eloquens (ut illud idem iteremus) qui poterit parua summisse, modica temperate, magna grauitate dicere. Tota mihi causa pro Cecinna de uerbis interdicti fuit, res inuolutas definiendo explicauimus, ius ciuile laudauimus, uerba ambigua distinximus. Fuit ornandus in Manilia lege Pompeius, temperata oratione ornandi copiam persecuti sumus. Ius omne retinenda maiestatis Rabinij causa continebatur. Ergo in omni genere amplificationis exarsimus. At haec interdum temperanda & uarianda sunt. Quod igitur in accusationis septem libris non reperitur genus? quod in Habiti? quod in Cornelij? quod in plurimis nostris defensionibus? quae exempla selegissem, nisi uel nota esse arbitrarer, uel posse eligere qui quaererent. Nulla est enim ullo in genere laus oratoris, cuius in nostris orationibus non sit aliqua si non perfectio, at conatus tamen atque adumbratio. non assequimur, at quid deceat uidemus: nec enim nunc de nobis, sed de re dicimus. in quo tantum adest ut nostra miremur, ut usque eo difficiles ac morosifsimus, ut nobis non satisfaciat ipse Demosthenes: qui quanquam unus eminet inter omnes in omni genere dicendi, tamen non semper implet aures meas, ita sunt auida & capaces, & semper aliquid immensum infinitumque desiderant. Sed tamen quoniam & hunc tu oratorem cum eius studiosissimo Pamphilo, cum esses Athe-



nis, totum diligentissimè cognouisti, neq; eum dimittis è manibus, & tamen nostra etiam lectitas: uides profectò illum multa perficere, nos multa conari: illum posse, nos uelle, quocunq; modo causa poshulet, dicere. sed ille magnus, nam & successit ipse magnis, & maximos oratores habuit æquales: nos magnum fecissemus, siquidem, potuissemus, quò contendimus, peruenire, in ea urbe, in qua (ut ait Antonius) auditus eloquens nemo erat. Atqui, si Antonio Crassus (b) eloquens uisus non est, aut sibi ipse, nunquam Cotta uisus esset, nunquam Sulpitius, nunquam Hortensius. Nihil enim amplè Cotta, nihil leniter Sulpitius, non multa grauitè Hortensius. Superiores magis ad omne genus apti, Crassum dico & Antonium: ieiunas igitur huius multiplicis, & æquabiliter in omni genere fuisse orationis aures ciuitatis accipimus, easq; nos primi, quicunq; eramus, et quantulumcunq; dicebamus, ad huius generis dicendi audiendi incredibilia studia conuertimus. Quantis illa clamoribus adolescentuli diximus, de supplicio parricidarum: quæ nequaquam satis deferbuisse post aliquantò sentire cepimus. Quid enim tam commune quàm spiritus uiuis, terra mortuis, mare fluctuantibus, litus eiectis? Ita uiuunt dum possunt, ut ducere animam de cælo non queant: ita moriuntur, ut eorum ossa terram nò tangant: ita iactantur fluctibus, ut nunquam alluantur: ita postremò eijciuntur, ut ne ad saxa quidem mortui conulescant, et quæ sequuntur. Sunt enim omnia, sicut adolescentis, non tam re & maturitate, quàm spe & expectatione laudati. ab hac indole iam illa matura, Vxor generi, nouerca filij, filia pellex. Nec uerò hic unus erat ardor in nobis, ut hoc modo omnia diceremus: ipsa enim illa pro Ro-



scio iuuenilis redundantia multa habet attenuata, quædam etiam paulo hilariora. At pro Habito, pro Cornelio, compluresq; alie. nemo enim orator tam multa, ne in Græco quidem ocio scripsit, quàm multa sunt nostræ: eaq; hanc ipsam habent, quam probo, uarietatem. An ego Homero, Ennio, reliquis poetis, et maximè tragicis concederem, ut ne omnibus locis eadem contentione uterentur, crebroq; mutarent? nonnunquam etiam ad quotidianum genus sermonis accederent? ipse nunquam ab illa acerrima contentione discederem? Sed quid poetas diuino ingenio profero? Histriones eos uidimus, quibus nihil posset in suo genere esse præstantius, qui non solum in dissimillimis personis satisfaciebant, cum tamen in suis uersarentur: sed et comædum in tragicædijs, et tragicædum in comædijs admodum placere uidimus: ego non elaborem? cum dico me, te, Brute, dico: nam in me quidem iam pridem effectum est, quod futurum fuit. Tu autem eodem modo omnes causas ages? aut aliquod causarum genus repudiabis? aut in iisdem causis perpetuum et eundem spiritum sine ulla commutatione obtinebis? Demosthenes quidem, cuius nuper inter imagines tuas ac tuorum, quod eum credo amares, cum ad te in Tusculanum uenissim, imaginem ex ære uidi: nihil Lysie subtilitate cedit, nihil argutis et acumine Hyperidi, nihil lenitate Aeschini, et splendore uerborum. Multæ sunt eius totæ orationes subtiles, ut contra Leptinem: multæ et totæ graues, ut quædam (a) Philippiæ: multæ uariæ, ut contra Aeschinem falsæ legationis, ut contra eundem pro causa Ctesiphontis. Iam illud medium quoties uult, arripit: et à grauisimo discedens, eo potissimum delabitur. Clamores tamen tum



mouet, & tū in dicendo plurimum efficit, cū graui-  
 tatis locis utitur. Sed ab hoc parumper abeamus, quan-  
 doquidem de genere, non de homine quaerimus: rei po-  
 tius, id est eloquentia uim & naturam explicemus. Il-  
 lud tamen quod iam antē diximus, meminimus nihil  
 nos praeipiendi causa esse dicturos, atq; ita potius actu-  
 ros, ut existimatores uideamur loqui, non magistri in  
 quo tamen longius progredimur, quod uidemus non te  
 haec solum esse lecturum, qui ea multo quā nos, qui qua-  
 si docere uidemur, habes notiora: sed hunc librum et-  
 tiam si minus nostra commendatione, tuo tamen nomine  
 diuulgari necesse est. Esse igitur perfectē eloquentis pu-  
 to, non eam solum facultatem habere, quae sit eius pro-  
 pria suse lateq; dicendi: sed etiam uicinam eius atq; fini-  
 timam dialecticorum scientiam assumere. quanquam al-  
 liud uidetur oratio esse, aliud disputatio, nec idem loqui  
 esse quod dicere: at tamen utrumque in differendo est, di-  
 putandi ratio & loquendi dialecticorum fit: oratorum  
 autem dicendi & ornandi. Zeno quidem ille, à quo di-  
 sciplina Stoicorum est, manu demonstrare solebat, quid  
 inter has artes interesset. Nam cum compresserat digi-  
 tos, pugnumq; fecerat, dialecticam aiebat eiusmodi esse.  
 Cum autem diduxerat, & manum dilatauerat, palmae  
 illius similem eloquentiam esse dicebat. Atque etiam an-  
 te hunc Aristoteles principio artis rhetoricae dicit, il-  
 lam artem quasi ex altera parte respondere dialecticae,  
 ut hoc uidelicet differant inter se, quod haec ratio dicen-  
 di latior sit, illa loquendi contractior. Volo igitur huius  
 summo omnem, quae ad dicendum trahi posset, loquen-  
 di rationem esse notam: quae quidem res (quod te his  
 artibus eruditum minimē fallit) duplicem habuit do-



endi uiam. Nam et ipse Aristoteles tradidit praecepta plurima differendi: et postea qui dialectici dicuntur spinosiora multa pepererunt. Ergo cum censio qui eloquentiae laude ducatur, non esse earum rerum omnino rudem: sed uel illa antiqua, uel hac Chrysippi disciplina institutus nouerit primum uim, naturam, genera uerborum, et simplicium, et copulatum. Deinde quod modis quicque dicatur, qua ratione uerum falsum ne sit iudicetur, quid efficiatur è quodque, quod cuiusque consequens sit, quodque contrarium. Cumque ambigunt multa dicantur, quomodo quicque eorum diuideri explanarique oporteat. haec tenenda sunt oratori: saepe enim occurrunt. sed quia sua sponte squalidiora sunt, adhibendus erit in his explicandis quidam orationis nitor. Et quoniam in (b) omnibus qua ratione docentur, et uia, primum constituendum est quid quidque sit: nisi enim inter eos qui disceptent conuenit, quid sit illud de quo ambigitur, nec recte differi, nec unquam ad exitum perueniri potest, explicanda est saepe uerbis mens nostra de quaque re, atque inuolutae rei noticia definiendo aperienda est. siquidem est definitio oratio, quae quid sit de quo agitur, ostendit quam breuissimè. Tum, ut scis, explicato genere cuiusque rei, uidendum est, quae sint eius generis siue formae, siue partes, ut in eas tribuatur omnis oratio. Erit igitur haec facultas in eo quem uolumus esse eloquentem, ut definire rem possit. neque id faciat tam pressè et angustè, quam in illis eruditissimis disputationibus fieri solet: sed cum explanatiùs, tum etiam uberius, et ad commune iudicium popularemque intelligentiam accommodatiùs, idemque etiam cum rem posulabit, genus uniuersum in species certas, ut nulla neque



prætermittatur neque redundet, partietur ac diuidet. Quando aut, aut quomodo id faciat, nihil ad hoc tēpus: quoniam (ut supra dixi) iudicem me esse, non doctorem uolo. Nec uerò dialecticis modò sit instructus, sed habeat omnes philosophiæ notos & tractatos locos. Nihil enim de religione, nihil de morte, nihil de pietate, nihil de charitate patriæ, nihil de bonis rebus aut malis, nihil de uirtutibus aut uicijs, nihil de officio, nihil de dolore, nihil de uoluptate, nihil de perturbationibus animi & erroribus, quæ sepe cadunt in causas, sed ieiunius aguntur: nihil inquam sine ea scientia, quam dixi, grauitèr, ample, copiose dici & explicari potest. De materia loquor orationis etiam nunc, non ipso de genere dicendi. uolo enim prius habeat orator, rem de qua dicat, dignam auribus eruditis, quàm cogitet quibus uerbis quicquid dicat, aut quomodo. quem etiam, quo grandior sit, & quodammodo excelsior (ut de Pericle dixi supra) ne physiorum quidem esse ignarum uolo. Omnia profectò, cum se à cœlestibus rebus refert ad humanas, excelsius magnificentiusq; & dicet, & sentiet. cumq; illa diuina cognouerit, uolo ne ignoret, ne hæc quidem humana. Ius ciuile teneat, quo egent causæ forenses quotidie. Quid est enim turpius quàm legitimarum & ciuiliū controuersiarum patrocinia suscipere, cum sis legum & ciuilis iuris ignarus? Cognoscat etiam rerum gestarum & memoriæ ueteris ordinem, maxime scilicet nostræ ciuitatis: sed & imperiosorum populorum, & regum illustrium: quem laborem nobis Attici nostri leuauit labor, qui conseruatis notatisq; temporibus, nihil cum illustre prætermitteret, annorum septingentorum memoriam uno libro colligauit. Nescire autē quid



antè quàm natus sis, acciderit, id est semper esse puerum. 208

Quid enim (a) est etas hominis, nisi cùm memoria rerum ueterum cum superiorum etate contextitur? Commemoratio autè antiquitatis, exemplorumq; prolatio, summa cum delectatione et authoritatem orationi affert, et fidè. Sic igitur instructus ueniet ad causas, quarum habebit genera primum ipsa cognita. Erit enim ei perspectum, nihil ambigi posse, in quo non aut res controuersiam faciat, aut uerba. Res aut de uero, aut de re eto, aut de nomine: uerba aut de ambiguo, aut de contrario. Nam si quando aliud in sententia uidetur esse, aliud in uerbis, genus est quoddam ambigui quod ex præterito uerbo fieri solet: in quo, quod est ambiguoꝝ propriū, res duas significari uidemus. Cùm tam pauca sint genera causarum, etiam argumentorū præcepta pauca sunt: traditi sunt, è quibus ea ducatur, duplices loci, uni è rebus ipsis, alteri assumpti. Tractatio igitur rerū efficit admirabiliore oratione: nam ipse quidè res in perspicili cognitione uersantur. quid enim iam sequitur quod quidem artis sit, nisi ordiri orationem, in quo aut concilietur auditor, aut erigatur, aut paret se ad discendum, rem breuiter exponere, et probabiliter, et aperte, ut quid agatur intelligi possit: sua confirmare, aduersaria euertere, eaq; efficere non perturbatè, sed singulis argumentationibus ita concludendis, ut efficiatur quod sit consequens ijs quæ sumentur ad quamq; rem confirmandam: post omnia per orationem inflammantem, res singuentemue concludere. Has partes quemadmodum tractet singulas, difficile dictu est hoc loco: nec enim semper tractantur uno modo. Quoniam autè non quem doceam quaero, sed quem probem: probabo primum eum



qui quid deceat uidebit. Hæc enim sapientia maximè adhibenda eloquenti est, ut sit temporum personarumq; moderator. Nam nec semper, nec apud omnes, nec contra omnes, nec pro omnibus, nec omnibus eo aë modo dicendū arbitror. Is erit ergo eloquens, qui ad id quodcunq; decebit, poterit accommodare orationem. quod cum statuerit, tum ut quicque erit dicendum, ita dicet, nec satura ieiunè, nec grandia minutè, nec item contrà: sed erit rebus ipsis par & equalis oratio. Principia uerecunda, non elatis intensa uerbis, sed acuta sententijs, uel ad offensionem aduersarij, uel ad commendationem sui. Narrationes credibiles, nec historico, sed propè quotidiano sermone explicatæ dilucidè. Dein si tenues causas, tum etiam argumentandi tenue filū, & in docendo, & in refellendo idq; ita tenebitur, ut quanta ad rem, tanta ad orationem fiat accessio. Cum uerò causa ea incidet, in qua uis eloquentiæ possit expromi, tum se latius fundet orator, tum reget & flectet animos, & sic afficiet ut uolet, id est ut causæ natura & ratio temporis postulabit. (b) Sed erit duplex omnis eius ornatus ille admirabilis, propter què ascendit in tantū honorem eloquentia. Nam cum omnis pars orationis esse debet laudabilis, sic ut uerbum nullum, nisi aut graue, aut elegans excidat, tum sunt maximè luminosæ & quasi actuosæ partes duæ. Quarum alteram in uniuersi generis questione pono, quā (ut suprà dixi) Græci appellant *ῥήσις*. Alteram in augendis amplificandisq; rebus, quæ ab eisdem *ἀνεκδοτὰς* est nominata. Quæ etsi æquabiliter toto corpore orationis fusa esse debet, tamè in communibus locis maximè excellet, qui communes appellati, eo quòd uidentur multatū idem esse causarum, sed proprij sin-



gularū esse debebūt. Ac uerò illa pars orationis quæ est de genere uniuerso, totas causas sæpè cōtinet. Quicquid enim est illud in quo quasi certamen est controuersie, quod Græcè *λεωόντιον* dicitur, id ita dici placet, ut traducatur ad perpetuā quæstionem: atq; de uniuerso genere dicatur, nisi cū de uero ambigitur, quod queri coniectura solet. dicitur autē non Peripateticorū more (est enim illorū exercitatio elegans iam inde ab Aristotele cōstituta) sed aliquanto ueruosius, & ita de re cōmunia dicentur, ut & pro rebus multa leniter dicantur, & in aduersarios asperere. Augendis uerò rebus, & contrā abificiendis, nihil est quod non perficere possit oratio: quod & inter media argumenta faciendum est, quotiescunq; dabitur uel amplificādi, uel minuendi locus, et penè insinuit in perorando. Duo sunt etiā quæ benè tractata ab oratore, admirabilē eloquentiam faciant: quorū alterum est quod Græci *ἰσθινόν* uocant, ad naturā, & ad mores, & ad omnem uitæ consuetudinē accommodatū: alterū (quod idem *ταχυρύνον* nominant) quo perturbantur animi & concitantur, in quo uno regnat oratio. Illud superius, come, iucundū, ad beneuolentiam conciliandam paratum: hoc uehemens, incensum, incitatum, quo causæ eripiuntur, quod cū rapidè fertur, suslineri nullo pacto potest. Quo genere nos mediocres, aut multò etiam minus: sed magno semper usi impetu, sæpè aduersarios destitui omni deiecimus. Nobis pro familiari reo summus orator uno respondit Hortensius. A nobis homo audacissimus Catilina in senatu accusatus obmutuit. Nobis priuata in causa magna & graui, cū cœpisset Curius pater respondere, subito assedit, cū sibi ueneni ereptā memoriam diceret. Quid ego de miserationibus



loquar? quibus eo sum usus pluribus, quod etiam si plures dicebamus, perorationē mihi tamen omnes relinquebant: in quo ut uiderer excellere, nō ingenio, sed dolore assequabar. Quae qualiacunq; in me sunt, me enim ipsum nō poenitet quanta sint, sed apparēt in orationibus: etsi  
 209 carent libri spiritu illo, (a) propter quē maiora eadem illa cum aguntur, quā cum legūtur, uideri solent. Nec uerō miseratione solum mens iudicū permouenda est, quā nos ita dolenter uti solemus, ut puerū infantē in manibus perorantes tenuerimus: ut alia in causa exercitato reo nobili, sublato etiā filio paruo, plangore et lamentatione cōpleremus forū. Sed etiam est faciendū, ut irascatur iudex, mitigetur, inuideat, faueat, contemnat, admiretur, oderit, diligat, cupiat, satietate afficiatur, speret, metuat, letetur, doleat: quā in uarietate, duriorum accusatio suppeditabit exempla; mitiorum, defensiones meae. Nullo enim modo animus audientis aut incitari, aut leniri potest, qui modus à me nō tentatus sit: dicerem perfectum, si ita iudicarem, nec in ueritate arrogantiæ extimescerem. Sed (ut suprā dixi) nulla me ingenij, sed magna uis animi inflamat, ut me ipse non teneam: nec unquam is, qui audiret, incenderetur nisi ardens ad eum perueniret oratio. Vterer exemplis domesticis, nisi ealegisses. Vterer alienis, uel Latinis, si ulla reperirem: uel Græcis, si deceret: sed Crassi per pauca sunt, nec ea iudiciorum, nihil Antonij, nihil Cotta, nihil Sulpitij: dicebat melius, quā scripsit, Hortensius. Verum hæc uis, quam querimus, quanta sit suspicemur, quoniam exemplum non habemus: aut si exempla sequimur, à Demosthene sumamus, et quidē perpetuæ dictionis ex eo loco, unde in Ctesiphonis iudicio de suis factis, cōsilijs, meri-



is in Repub. aggressus est dicere. Ea profectio oratio in  
eam formam, quæ est insita in mentibus nostris, includi  
sic potest, ut maior eloquentia non requiratur. Sed iam  
ipsa forma restat & character ille qui dicitur, qui qua-  
lis esse debeat, ex ipsis quæ suprâ dicta sunt, intelligi po-  
test. Nam & singulorum uerborum, & collocatorum  
lumina attigimus, quibus sic abundabit, ut uerbum ex  
ore nullum, nisi aut elegans, aut graue exeat. ex omni-  
que genere frequentissimæ translationes erunt, quod  
eæ propter similitudinem transferunt animos, & refe-  
runt ac mouent huc & illuc, qui motus cogitationis ce-  
leriter agitatus per se ipse delectat. & reliqua ex col-  
locatione uerborum quæ sumuntur quasi lumina, ma-  
gnum afferunt ornatum orationi. Sunt enim similia il-  
lis quæ in amplo ornatu scenæ aut fori appellantur in-  
signia: non quod sola ornent, sed quod excellent. Ea-  
dem ratio est horum quæ sunt orationis lumina, &  
quodammodo insignia, cum aut duplicantur iterantur-  
que uerba, aut breuiter commutata ponuntur, aut ab eo-  
dem uerbo ducitur sæpius oratio, aut in idem conijci-  
tur, aut in utrunque, aut adiungitur idem iteratum, aut  
idem ad extremum refertur, aut continenter unum uerbum  
non in eadem sententia ponitur, aut cum similiter uel ca-  
dunt uerba, uel desinunt, aut multis modis contrarijs re-  
lata contraria, aut cum gradatim (b) sursum uersus reditur:  
aut cum demptis coniunctionibus, dissolutè plura dicun-  
tur: aut cum aliquid prætereuntes, cur id faciamus osten-  
dimus: aut cum corrigimus, nosmet ipsos quasi reprehe-  
dentes: aut si est aliqua exclamatio, uel admirationis, uel  
cōquestionis, aut cum eiusdē nominis casus sæpius comu-  
tantur. Sed sententiarum ornamenta maiora sunt, qui-



bus quia frequentissimè Demosthenes utitur, sunt qui putet idcirco eius eloquentiā maximè esse laudabilē. Et uerò nullus ferè ab eo locus sine quadam cōformatione sententiæ edicitur: nec aliud quicquā est dicere, nisi omnes, aut certè plerasq; aliqua specie illuminare sententias, quas cū tu optimè, Brute, teneas, quid attinet nominibus uti, aut exemplis? tantūmodo notetur locus. Sic igitur dicet ille quem expetimus, ut uerset sēpè multis modis eandē et unam rē, et hæreat in eadem cōmoreturq; sententia. Sēpè etiam ut extenuet aliquid, sēpè ut irrideat, ut declinet à proposito, deflectatq; sententiam, ut proponat quid dicturus sit: ut cū transegerit iam aliquid, desinat: ut se ipse reuocet, ut quod dixit iteret: ut argumentū ratione concludat, ut interrogando urgeat, ut rursus quasi ad interrogata sibi ipse respondeat, ut contra at dicat accipi et sentiri uelit, ut addubitet quid potius, aut quomodo dicat, ut diuidat in partes: ut aliquid relinquat ac negligat, ut antè præmuniat: ut in eo ipso, in quo reprehendatur, culpā in aduersarium conferat: ut sēpè cū ijs qui audiunt, nonnunquā etiā cū aduersario quasi deliberet: ut hominum sermones, moresq; describat, ut muta quædam eloquentia iudicat, ut ab eo quod agitur auertat animos, ut sēpè in hilaritatem risumq; cōuertat, ut antè occupet quod putat opponi, ut cōparet similitudines, ut utatur exemplis, ut aliud alij tribuens differtiat, ut interpellatorem cōerceat, ut aliquid reticere se dicat, ut denunciēt quid caueat, ut liberrius quid audeat, ut irascatur etiā, ut obiurget aliquando, ut deprecetur, ut supplicet, ut medeatur, ut à proposito declinet aliquantulum, ut optet, ut excreetur, ut fiat ijs apud quos dicet familiaris: atq; alias etiam dicendū



quasi uirtutes sequatur: breuitatē, si res petet. Sæpē etiā rem dicendo subiiciet oculis: sæpē suprà feret quā fieri possit: significatio sæpē erit maior quā oratio, sæpē hilaritas, sæpē uite naturarūq; imitatio. Hoc in genere (nā quasi syluā uides) omnis eluceat oportet eloquentiæ magnitudo: sed hæc nisi collocata, & quasi structa, et nexa uerbis, ad eā laudē, quā uolumus, aspirare non possunt. De quo cū muli deinceps uiderem esse dicendū, etsi mouebant etiā me illa quæ suprà dixerā, tamen ijs quæ sequuntur, perturbabar magis. Occurrebat enim posse reperiri (a) non inuidos solum, quib. referta sunt omnia, sed fautores etiā laudum mearum, qui non censurerent eius uiri esse, de cuius meritis tanta senatus iudicia fecisset cōprobante populo R. quanta de nullo, de artificio dicendi literis tā multa mādare. Quibus si nihil aliud responderem, nisi me M. Bruto negare roganti noluisse, iusta esset excusatio, cū & amicissimo, & præstantissimo uiro, & recta & honesta petenti satisfacere uoluissē. Sed si profitear, quod utinam possem, studiosis dicendi præcepta, & quasi uias quæ ad eloquentiam ferrent, traditurum: quis tandem id iustus rerum æstimator reprehenderet? nam quis unquam dubitauit, quin in repub. nostra primas eloquentia tenuerit semper urbanis pacatisq; rebus, secundas iuris scientiæ: cū in altera gratiæ, gloriæ, præsidij plurimum esset: in altera persecutionum, cautionumq; præceptio, quæ quidem ipsa auxilium ab eloquentia sæpē peteret: ea uerò repugnante, uix suas regiones finesq; defenderet. Cur igitur ius ciuile docere semper pulchrum fuit? hominumq; clarissimorum discipulis domus floruerunt: ad dicendum si quis acuat, aut adiunet in eo iuuentur



tem, uituperetur? Nam si uitiosum est dicere ornatè, pel-  
latur omnino è ciuitate eloquentia: sin ea non modò  
eos ornat penes quos est, sed etiam uniuersam Rempub.  
cur aut discere turpe est, quod scire honestum est: aut  
quod nosse pulcherrimum est, id non gloriosum doce-  
re? At alterum facitatum est, alterum nouum: fateor,  
sed utriusque rei causa est. Alteros enim respondentes  
audire sat erat, ut ij qui docerent, nullum sibi ad eam  
rem tempus ipsi seponerent, sed eodem tempore & di-  
centibus satisfacerent, & consulentibus. Alteri, cum  
domesticum tempus in cognoscendis componendisq;  
causis, forense in agendis, reliquum in seipsis rescien-  
dis omne consumerent, quem habebant instituendi aut  
docendi locum? Atque haud scio, an plerique nostro-  
rum oratorum ingenio plus ualuerint quàm doctrina.  
itaque illi dicere melius quàm precipere, nos contrà  
fortasse possumus. At dignitatem docere non habet,  
certè si quasi in ludo: sed si monendo, si cohortando, si  
percunctando, si communicando, si interdum etiam  
unà legendo, audiendo: nescio cur non docendo etiam  
aliquid aliquando, si possis meliores facere, cur nolis?  
An quibus uerbis sacrorum alienatio fiat, docere hone-  
stum est: quibus ipsa sacra retineri defendiq; possint, non  
honestum est? At ius profitentur etiam qui nesciunt: elo-  
quentia autem illi ipsi qui consecuti sunt, tamen se uale-  
re dissimulant: propterea quòd prudentia hominibus  
grata est, lingua suspecta. Num (b) igitur aut latè e-  
loquentia potest, aut id quod dissimulat effugit: aut est  
periculum, ne quis putet in magna arte & gloriosa, tur-  
pe esse docere alios, id quod ipsi fuerit honestissimū di-  
scere? Ac fortasse ceteri tectiores, ego semper me didici-



se præ me tuli. Quid enim possem? cum abfuissem adole-  
scens, et horum studiorum causa mare transissem, et do-  
ctissimis hominibus domus referta esset, et aliquæ fortas-  
se inessent in sermone nostro doctrinarum notæ: cumq;  
uulgò scripta nostra legerentur, dissimulare me didici-  
se? Quid erat cur probare, nisi quod parum fortasse pro-  
feceram? Quod cum ita sit, tamen ea quæ suprâ dicta  
sunt, plus in disputando, quàm ea de quibus dicendum  
est, dignitatis habuerunt. De uerbis enim componendis,  
et de syllabis propemodùm dinumerandis et dimetiendis  
loquemur: quæ etiam si sunt, sicuti uidentur, necessaria,  
tamè sunt magnificentius quàm docentur. Est id omni-  
no uerum, sed propriè in hoc dicitur. nam omnium ma-  
gnarum artium, sicut arborum, altitudo nos delectat:  
radices, stirpesq; nō item: sed esse illa sine his non potest.  
Me autem siue peruagatissimus ille uersus, qui uetat  
Artem pudere proloqui, quam factites:  
dissimulare non sinit, quin delectet, siue tuum studium  
hoc à me uolumen expressit: tamen eis quos aliquid re-  
prehensuros sufficabar, respondendum fuit. Quòd si ea  
quæ dixi non ita essent, quis tamen se tam durum agre-  
stemq; præberet, qui hanc mihi nō daret ueniam, ut cum  
mea forenses artes et actiones publicæ concidissent, non  
me aut desidiæ, quòd facere nō possum, aut moestitiæ, cui  
resisto, potius quàm literis dederem: quæ quidem me an-  
tea in iudicia atq; in curiam deducebant, nunc oblectant  
domi. Nec uerò talibus modò rebus, quales hic liber con-  
tinet, sed multo etiam grauioribus et maioribus: quæ si  
erunt perfectæ, profectò forensibus nostris rebus et do-  
mesticæ literæ respondebunt. Sed ad institutam disputatio-  
nem reuertamur. Collocabuntur igitur uerba, aut ut in-



ter se quàm aptissimè cohæreant extrema cum primis, eaq; sint quàm suauissimis uocibus : aut ut forma ipsa, concinnitasq; uerborū conficiat orbē suum, aut ut comprehensio numeroſe et aptè cadat. Atq; illud primum uideamus quale sit, quod uel maxime desiderat diligentiam, ut fiat quasi structura quadā : nec tamen fiat operoso : nam esset cū infinitis, tum puerilis labor, quod apud Lucilium scitè exagitat in Albutio Scaeuola: Quàm lepidè lexeis compostæ, ut tesserule omnes Arte, pauimento, atq; emblemate uermiculato.

211 Nolo tam minuta hæc constructio appareat, sed tamen stylus exercitatus(a) efficiet facile hanc uiam cōponendi. Nam ut in legendo oculus, sic animus in dicēdo prospiciet quid sequatur, ne extremorum uerborum cum insequentibus primis concursus, aut hiulcas uoces efficiat, aut asperas. Quamuis enim suauēs grauesuē sententiæ, tamen si inconditis uerbis efferuntur, offendunt aures, quarum est iudicium superbissimum. Quod quidem Latina lingua sic obseruat, nemo ut tam rusticus sit, qui uocaleis nolit coniungere. In quo quidam etiam Theopompum reprehendunt, quod eas literas tantopere spongerit : et si id magister eius Isocrates, at non Thucydides, ne ille quidem haud paulo maior scriptor Plato, nec solum in his sermonibus qui dialogi dicuntur (ubi etiam de industria id faciendū fuit.) sed in populari oratione, quam os est Athenis, laudari in concione eos qui sint in præliis interfecti, quæ sic probata est, ut eam quotannis (ut scis) illo die recitari necesse sit, in ea est crebra ista uocū concursio, quam magna ex parte ut uitiosam fugit Demosthenes. sed Græci uiderint : nobis, ne si cupiamus quidem, distrahere uoces conceditur. Indicant orationes



illa ipse horridula Catonis, indicant omnes poëte,  
præter eos qui ut uersum facerent, sæpe hiabant, ut Na-  
uius Vos: qui accolitis Histrum fluuium, atq; Algidam.  
Et ibidem:

Quam nunquam nobis grati, atq; barbari. At En-  
nius semel: Scipio inuicte. — Et quidem nos:  
Hoc motu radiantis eteste in uada ponti.

Hoc idem sæpius nostri non tulissent, quod Græci lau-  
dare etiam solent. Sed quid ego? uocales sine uocalibus  
sæpe breuitatis causa cōtrahebant, ut ita dicerent mult'  
modis, uas' argenteis, palm' et crimibus, tecti fractis.  
Quid uerò licentius quàm quod hominū etiam nomina  
cōtrahebant, quod essent aptiora? nam ut duellū bellum,  
et diuis bis: sic Duellium, eum qui Penos classe denicit,  
Bellium nominauerunt, cū superiores appellati essent  
semper Duellij. Quin etiam uerba sæpe contrahuntur,  
non usus causa, sed aurium. quomodo enim uester Axilla  
Ala factus est, nisi fuga literæ uastioris? quam literans  
etiam ē maxillis, ē taxillis, et uexillo, et paxillo consue-  
tudo elegans Latini sermonis euellit. Libenter etiam  
copulando uerba iungebant: ut sodes pro si audes, sis  
pro si uis. Iam in uno capsis tria uerba sunt. Am' pro  
ais ne: nequire, pro non quire: malle, pro magis uelle:  
nolle pro non uelle. Dein etiam sæpe, et exim, pro dein-  
de et pro exinde dicimus. Quid illud? non oles unde  
sit quod dicitur cum illis: cum autem nobis non dicitur,  
sed nobiscum: quia si ita diceretur, obscœnius concurre-  
rent literæ, ut etiam modò, nisi autem interposuissē,  
concurrissent. Ex eo (b) est mecum, et tecum, non  
cum me, et cum te: ut esset simile illis uobiscum atq; no-  
biscum. Atque etiam à quibusdam serò iam emendatur



antiquitas, qui hæc reprehendunt: nam prob deum atq;  
hominum fidem, deorum aiunt. Ita credo, hoc illi nescie-  
bant. an dabat hanc consuetudo licentiam? Itaque idem  
poëta, qui inusitatus contraxerat,

— Patris mei me factū pudet. pro meorū factorū: &  
Texitur exitiū, examen rapit. — pro exitiorum: non  
dicit liberū, ut plerq; loquimur, cum cupidos liberū,  
aut in liberum loco dicimus sed ut isti uolunt,  
Neq; tuum unquam in gremium extollas liberorum ex  
te genus. & idem:

Nanq; Aesculapij liberorum. At ille aliter in Chryse,  
non solē:

Ciues antiqui amici maiorum meū, quod erat usitatū,  
sed durius etiam,

Consilium socij, augurium, atq; extum interpretes.

Idemq; pergit:

Postquam prodigium horrifera portentum pauor.

quæ non sanè sunt in omnibus neutris usitata. Nec enim  
dixerim tã libenter armū iudicium, etsi est apud eundē:  
Nihil ne ad te de iudicio armum accidit?

quam centuriam, ut censoriæ tabulæ loquuntur, fabrum

& procum audeo dicere, non fabrorum & procorum.

Planeq; duorum uirorum iudicium, aut trium uirorum  
capitalium, aut decem uirorum litibus iudicandis dico  
nunquam. atqui dixit Accius,

Video sepulchra dua duorum corporum. Idemq;:

Mulier una duū uirū.

quid uerum sit intelligo, sed aliàs ita loquor ut conces-  
sum est, ut hoc uel prob deū dico, uel prob deorum.

Aliàs, ut necesse est, cum trium uirū, non uirorum, cum  
sestertium nummū, non nummorū, quod in his cōsue-



tudo uarianō est. Quid quod sic loqui, nosse, iudicasse,  
uetant: nouisse iubent, & iudicauisse? quasi uerō nescia=  
mus in hoc genere & plenum uerbum rectē dici, & im=  
minutum usitatē. Itaq; utrumq; Terentius:

Eho tu cognatum tuum non noras?      Pōst idem:  
-Stilphonem inquam noueras.

Siet, plenum est: sit, imminutum, licet utare utrōq; er=  
go ibidem:

Quām cara sintq; pōst carendo intelligunt,

Quamq; attinendi magni dominatus sient. Nec uerō re=  
prehenderim. Scripsēre alij rem. & Scripserunt esse ue=  
rius, sentio: sed consuetudini auribus indulgenti liben=  
ter obsequor.

Idem campus habet—      inquit Ennius, &:

In templis isdem—      probauit, at eisdem erat uerius,  
nec tamen (a) eisdem, optimus, malē sonabat isdem. 212  
petratum est à consuetudine, ut peccare suauitatis causa  
liceret. & pomeridianas quadrigas, quā postmeridia=  
nas libentius dixerim: & mehercule, quā mehercules.  
Non scire quidem barbarū iam uidetur, nescire dulcius,  
ipsum meridiem, cur non medidiem? credo quod erat in=  
suauius. Vna prappositio est Ab, eaq; nunc tantum in ac=  
cepti tabulis manet: ne his quidē omnium, in reliquo ser=  
mone mutata est. Nā amouit dicimus, et abegit, et abstu=  
lit: ut iam nescias, ab ne uerū sit, an abs. Quid si etiā ab=  
fugit: turpe uisum est. & abster noluerunt, aufer malue=  
rūt, quæ prappositio prater hæc duo uerba, nullo alio in  
uerbo reperitur. Noti erant, et naui, et nari, quibus cūm  
in praponi oporteret, dulcius uisum est, ignoti, ignaui,  
ignari dicere, quā ut ueritas postulabat. Ex usu dicunt, et  
e Rep. quod in altero uocalis excipiebat, in altero esset



asseritas, nisi literam sustulisses, ut exegit, edixit, refecit,  
 retulit, reddidit : adiuncti uerbi primam literam præ-  
 positio commutauit, ut subegit, summutauit, sustulit.  
 Quid in uerbis iunctus? quàm scitè insipientem, non in-  
 sapientem? iniquum, non inæquum? tripitem, non tri-  
 capitem? concisum, nõ cõcæsum? Ex quo quidam parti-  
 titum etiam uolunt, quòd eadem consuetudo non pro-  
 bauit. Quid uerò hoc elegantius: quod non sit natura,  
 sed quodam instituto? inclytus dicimus breui prima li-  
 tera, insanus producta, inhumanus breui, infelix longa.  
 Et ne multis, quibus in uerbis et primæ literæ sunt, quæ  
 in sapiente atq; felice productæ dicuntur: in ceteris omni-  
 bus breuiter. itemq; composuit, consueuit, concepit,  
 confecit, consule ueritatem: reprehendet, refer ad aures,  
 probabunt, quare cur? ita se dicent iuuari uoluptati au-  
 tem aurium morigerari debet oratio. Quin ego ipse cum  
 scirem ita maiores locutos esse, ut nusquam nisi in uo-  
 cali aspiratione uterentur, loquebar sic, ut pulcros, Et  
 Cetejos, triumphos, Cartaginem dicerem: aliquando, idq;  
 sero, conuicio aurium, cum mihi exorta ueritas esset, u-  
 sum loquendi populo concepsi, scientiam mihi reseruauit.  
 Orcinios tamen, Et Matones, Otones, Capiones, sepul-  
 cra, coronas, lacrymas dicimus, quia per aurium iudiciò  
 semper licet. Purru semper Ennius, nusquam Pyrrhum:  
 ui patefecerunt fruges, non phryges: ipsius antiqui de-  
 clarant libri. nec enim Græcam literam adhibebant:  
 nunc autem etiam duas, Et cum Phrygum, et cum Phry-  
 gibus dicendum esset, absurdum erat, aut tantum barba-  
 ris casibus Græcam literam adhibere, aut recto casu so-  
 lum Græcè loquitur: amen et Phryges et Pyrrhum aurium  
 causa dicimus. Quin etiam quod iam subrusticum uide-



tur, olim autem politius: eorum uerborum, quorum eadem erant postremae duae litterae quae sunt in optimus, postremam (b) litteram detrahebant, nisi uocalis insequeretur. Ita non erat ea offensio in uersibus, quam nunc fugiunt poëtae noui. Ita enim loquebamur:

— Qui est omnibus princeps. nō omnibus princeps. ¶

— Vt illa dignus locoq; non dignus.

quod si indocta cōsuetudo tā est artifex suauitatis, quid ab ipsa tandē arte ¶ doctrina postulari putamus? Hec dixi breuius, quā si hac de re una disputarē (est enim hic locus latē patens, de natura usq; uerborū) longius autē, quā in instituta ratio postulabat. Sed quia rerum uerborumq; iudicium prudentiae est, uocum autē ¶ numerorum aures sunt iudices: et quod illa ad intelligentiam referuntur, haec ad uoluptatem, in illis ratio inuenit, in his sensus artem: aut enim negligenda nobis fuit uoluptas eorū quibus probari uolebamus, aut ars eius concilianda reperienda. Duae sunt igitur res quae permulceant aures, sonus ¶ numerus. De numero mox, nunc de sono quaerimus. Verba (ut suprà diximus) legenda sunt potissimum benē sonantia: sed ea non ut poëta, exquisita ad sonum, sed sumpta de medio.

Qua pontus Helles— superat modum. At,  
Auratus aries Colchorum— splendidis nominibus illuminatus est uersus, sed proximus inquinatus in suauissimaliter finitus, Frugifera ¶ ferta arua Asia tenet. quare bonitate potius nostrorum uerborum utimur, quā splendore Graecorum, nisi fortē sic loqui pœnitet:  
Qua tempestate Paris Helenam.— ¶ qua sequuntur: immò uerò ista sequamur, asperitatemq; fugiamus:

Habeo istam ego perterritam.— idemq; — Ver-



sultiloquas malicias. Nec solum componentur uerba  
 ratione, sed etiam finientur: quoniam id iudicium esse  
 aurium alterum diximus, sed finiuntur aut compositio-  
 ne ipsa, et quasi sua sponte: aut quodam genere uerbo-  
 rum, in quibus ipsis concinnitas inest, quæ siue casus habet  
 in exitu similes, siue paribus paria redduntur, siue oppo-  
 nuntur contraria, suapte natura numerosa sunt, etiam si  
 nihil est factum de industria. In huius concinnitatis conse-  
 cratione Gorgiam fuisse principem accepimus, quo de ge-  
 nere illa nostra sunt in Miloniana; Est enim iudices hæc  
 non scripta, sed nata lex: quam non didicimus, accepimus,  
 legimus: uerum ex natura ipsa arripimus, hausimus, ex-  
 pressimus: ad quam non ducti, sed facti: non instituti, sed  
 imbuti sumus. Hæc enim talia sunt, ut quia (a) referuntur  
 ad ea ad quæ debent referri, intelligamus non quæ situm  
 esse numerum, sed secutum, quod sit item in contrarijs  
 referendis: ut illa sunt, quibus non modo numerosa ora-  
 tio, sed etiam uersus efficitur: Eam quam nihil accusas,  
 damnas, condemnas diceret, qui uersum effugere uellet:  
 Bene quam meritam esse autumas, dicis male mereri: Id  
 quod scis, prodest: nihil id quod nescis, obest. Ver-  
 sum efficit ipsa relatio contrariorum. id esset in ora-  
 tione numerosum: Quod scis, nihil prodest: quod ne-  
 scis, multum obest. Semper hæc quæ Græci ἀντίθε-  
 τα nominant, cum contrarijs opponuntur contraria,  
 numerum oratorium necessitate ipsa efficiunt, et eum  
 sine industria. Hoc genere antiqui iam ante Isocratem  
 delectabantur, et maxime Gorgias, cuius in oratione  
 plerumque efficit numerum ipsa concinnitas. Non  
 etiam in hoc genere frequentes, ut illa sunt in quarto  
 accusationis: Conserte hanc pacem cum illo bello: huius



prætoris aduentum, cum illius imperatoris uictoriae  
huius cohortem impuram, cum illius exercitu inuicta:  
huius libidines, cum illius continentia: ab illo qui cepit,  
conditas: ab hoc qui constitutas accepit, captas dicetis  
Syracusas. ergo & hi numeri sint cogniti etiam à Lati-  
nis. Genus illud tertium explicetur, quale sit numerosa  
& apte orationis. quod qui non sentiunt, quas aureis  
habeant, aut quid in his hominis simile sit, nescio. Meae  
quidem perfectò completoq; uerborum ambitu gaudent,  
et curta sentiunt, nec amant redundantiâ: quid dico meas?  
conciones sæpè exclamare uidi, cum apte uerba cecidisse  
sent. id enim expectant aures, ut uerbis colligantur sen-  
tentiae. Non erat hoc apud antiquos, & quidem nihil  
aliud ferè nouerat. nam et uerba eligebant, & sententias  
grauis & suauis reperiiebant, sed eas haud uinciebant,  
haud explebant. parum hoc me ipsum delectat, inquit.  
Quid si antiquissima illa pictura paucorum colorum ma-  
gis quam hæc iam perfecta delectet? illa nobis sit, credo,  
repetenda, hæc scilicet repudianda. nominibus ueterum  
gloriantur. Habet autem ut in ætatibus auctoritatem se-  
nectus, sic in exemplis antiquitas: quæ quidem apud me  
ipsum ualet plurimum; nec ego id quod deest antiqui-  
tati flagito potius, quam laudo quod est: præsertim  
cum ea maiora iudicem quæ sunt, quam illa quæ desunt.  
Plus est enim in uerbis & in sententijs boni, quibus illi  
excellunt, quam in conclusione sententiarum, quam non  
habent. post inuenta conclusio est, qua credo usu-  
ros ueteres illos fuisse, si iam nota atque usurpata  
res esset: qua inuenta, omnis usus magnos oratores uide-  
mus. sed habet nomen, inuidiâ, cum in oratione iudicia  
li & forensi numerus Latine, Græcè, πολὺς ἐν μέσσει δικά-



tur. Nimis enim insidiarum ad capiendas aures adhiberi uidetur: (b) si etiam in dicendo numeri ab oratore queruntur. hoc freti isti, et ipsi infracta et amputata loquuntur, et eos uituperant qui apta et finita pronunciant: si inanibus uerbis leuibusque sententijs, iure, si probares, lecta uerba, quid est cur claudicare aut insistere orationem malint, quam cum sententia pariter excurrere? Hic enim inuidiosus numerus nihil affert aliud, nisi ut apte uerbis comprehensa sententia, quod sit etiam ab antiquis: sed plerumque casu, saepe natura, et quae ualde laudantur apud illos, ea fere, quia sunt conclusa, laudantur: et apud Graecos quidem iam anni prope quadringenti sunt, cum hoc probatur, nos nuper agnouimus. Ergo Ennio licuit uetera contemnenti, dicere:

Versibus quos olim Fauni uatesque canebant. mihi de antiquis eodem modo non licebit, praesertim cum dicturus non sim,

Ante hunc— ut ille, nec quae sequuntur:

Nos ausi referare—

legi enim audiuique nonnullos, quorum propemodum absolute concluderetur oratio. Quod qui non possunt, non est eis satis non contemni, laudari etiam uolunt. Ego autem illos ipsos laudo, idque merito, quorum se isti imitatores esse dicunt: et si in his aliquid desidero, hos uero minime, qui nihil illorum nisi uitium sequuntur, cum a bonis absint longissime. Quod si aures tam inhumanas tamque agrestes habent, ne doctissimorum quidem uirorum eos mouebit autoritas? Omitto Isocratem, discipulosque eius Ephorum et Naucratem: quanquam orationis faciendae et ornandae authores locupletissimi, summi ipsi oratores esse debeant. Sed quis omnium doctior? quis a-



cutior? quis in rebus uel inueniēdis, uel iudicādis acrior  
 Aristotele fuit? quis porro Isocrati est aduersatus infen-  
 sius? Is igitur uersum in oratione uetat esse, numerū iu-  
 bet, eius auditor Theodectes in primis (ut Aristoteles  
 saepe significat) politus scriptor atq; artifex, hoc idem  
 et sentit, et praecipit. Theophrastus uero iisdem de re-  
 bus etiam accuratius. Quis ergo istos ferat? qui hos au-  
 thores non probent, nisi omnino haec esse ab his praece-  
 pta nesciunt. Quod si ita est (nec uero aliter existimo)  
 quid ipsi suis sensibus non mouentur? nihil ne eis inane  
 uidetur, nihil inconditum, nihil curtum, nihil claudi-  
 cans, nihil redundans? In uersu quidem Theatra tota ex-  
 clamant, si fuit una syllaba aut breuior aut longior. Nec  
 uero multitudo pedes nouit, nec ullos numeros tenet:  
 nec illud quod offendit, aut cur, aut in quo offendant in-  
 telligit: et tamen omnium longitudinum et breuitatum  
 in sonis, sicut acutarum grauiumque uocum, iudicium  
 ipsa natura in auribus nostris collocauit. (a) Vis ne  
 igitur, Brute, totum hunc locum accuratius etiam expli-  
 cemus, quam illi ipsi qui et haec, et alia nobis tradi-  
 derunt? An his contenti esse, quae ab illis dicta sunt, pos-  
 sumus? Sed quid quaro, uelis ne? cum literis tuis erudi-  
 tissimè scriptis, te id uel maxime uelle perspexerim. Pri-  
 mum ergo origo, deinde causa, post natura, tum ad ex-  
 tremum usus ipse explicetur orationis apte atq; nume-  
 rose. Nam qui Isocratē maxime mirantur, hoc in eius  
 summis laudibus ferunt, quod uerbis solutis numeros  
 primus adiunxerit. Cum enim uideret oratores cum seue-  
 ritate audiri, poetas autem cum uoluptate: tum dicitur  
 numeros secutus, quibus etiam in oratione uteremur,  
 cum incunditatis causa, tum ut uarietas occurreret sa-



tietati. Quod ab his uerè quadā ex parte, non totū dicitur. nam neminem in eo genere scientius uersatum Iſocrate, conſtitendū eſt. Sed princeps inueniendi fuit Thraſymachus, cuius omnia nimis etiam extant ſcripta numeroſe. Nam (ut paulò ante dixi) paria paribus adiuncta, & ſimiliter definita, itemq; contrarijs relata contraria, quæ ſua ſponte, etiamſi id nō agas, cadunt plerunq; numeroſe, Gorgias primus inuenit: ſed his eſt uſus in-temperantijs. id autem eſt genus (ut ante dictum eſt) ex tribus partibus collocationis alterum. Horum uterq; Iſocratem ætate præcurrit, ut eos ille moderatione, non inuentione uicerit. Eſt enim ut in transferendis, faciendisq; uerbis tranquillior; ſic in ipsis numeris ſedatior. Gorgias autem audior eſt generis eius, & his feſtuitatibus (ſic enim ipſe cenſet) inſolentius abutitur, quas Iſocrates, cū tamen audiuiſſet in Theſſalia adoleſcens ſenem iam Gorgiam, moderatijs temperauit. Quin etiam ſe ipſe tantum, quantum ætate procedebat (propè enim centum conſecit annos) relaxarat à nimia neceſſitate numerorum: quod declarat in eo libro quem ad Philippum Macedonem ſcripſit, cū iam admodum eſſet ſenex, in quo dicit ſeſe iam minus ſeruire numeris quā ſolitus eſſet: ita non modò ſuperiores, ſed etiam ſe ipſe correxerat. Quoniam igitur habemus aptæ orationis eos principes authoresq; quos diximus, & origo inuenta eſt: cauſa quærat. quæ ſic aperta eſt, ut mirer ueteres non eſſe commotos: præſertim cum, ut fit, fortuitò ſepè aliquid conſeque apteq; dicerent. Quod cum animos hominum aureisq; pepuliſſet, ut intelligi poſſet, id quod caſus effudiſſet, cecidiſſe iucundè: notandum certe genus, atq; ipſi ſibi imitandi fuerunt.



Aures enim, uel animus aurium nuncio naturalē quādam in se continet uocum omnium mensionem. Itaq; et longiora & breuiora iudicat, & perfectā ac moderatā semper expectat. Mutila sentit quādam, & quasi de-curtata, quibus (b) tanquam debito fraudetur, offendi-tur. Productiora alia, et quasi immoderatus excurrē-tia, quæ magis etiā aspernantur aures, quod cum in ple-risq; tū in hoc genere nimium quod est, offendit uehemen-tius quā id quod uidetur parum. Vt igitur poetica & uersus inuentus est terminatione aurium, obseruatione prudentium: sic in oratione animaduersum est multo il-lud quidem serius, sed eadem natura admonente, esse quosdā certos cursus, conclusionesq; uerborū. Quoniam igitur causam quoq; ostendimus, naturā nunc (id. n. erat tertium) si placet explicemus: quæ disputatio non huius instituti sermonis est, sed artis intima. Queri enim potest, qui sit orationis numerus, & ubi sit positus, & natus ex quo, & is unus ne sit, an duo, an plures, quaq; ratione componatur, & ad quam rem, & quando, & quo loco, & quemadmodum adhibitus aliquid uolupta-tis afferat. Sed ut in plerisq; rebus, sic in hac duplex est considerandi uia: quarum altera est longior, breuior al-tera, et eadem etiam planior. Est autem longioris pri-ma illa questio, sit ne omnino ulla numerosa oratio: qui-busdam enim non uidetur, quia nihil insit in ea certi, ut in uersibus: et quod illi, qui affirmant eos esse numeros, rationē cur sint, non queant reddere. Deinde, si sit nu-merus in oratione, qualis sit, aut quales: ex poeticeis ne numeris, an ex alio genere quodā: & si ē poeticeis, quis eorum sit, aut qui. namq; alijs unus modō, alijs plures, alijs omnes ijdē uidentur. deinde quicunq; sunt, siue u-



nus, siue plures: communes ne sint omnis generis orationi, quoniam aliud genus est narrandi, aliud persuadendi, aliud docendi, an dispares numeri cuiq; orationis generi accommodentur. si communes, qui si dispares, quid intersit: & cur non aequè in oratione atq; in uersu numerus appareat. deinde quod dicitur in oratione numerosum, id utrum numero solùm efficiatur, an etiam uel compositione quadam, uel genere uerborum: an est suum cuiusq; ut numerus interuallis, compositio uocibus, genus ipsum uerborum quasi quadam forma & lumen orationis appareat: sitq; omnium fons compositio, ex eaq; & numerus efficiatur, & ea quae dicuntur orationis quasi formae & lumina, quae (ut dixi) Graeci uocant *οργανα*. An non est unum, nec idem, quod uoce iucundum est, & quod moderatione absolutum, & quod illuminatum genere uerborum: quanquam id quidem finitimum est numero, quia per se plerumq; perfectum est: compositio autē ab utroq; differt, quae tota seruit grauitati uocum, aut suauitati. Haec igitur ferè sunt, in quibus rei natura quaerenda sit. Esse igitur in oratione numerum quandam, non est difficile cognoscere: iudicat enim sensus, in quo iniquum est, (a) quod accedit non cognoscere, si cur id accadat reperire nequeamus. neq; enim ipse uersus ratione est cognitus, sed natura atq; sensu, quem dimensa ratio docuit, quid acciderit: ita notatio naturae et animaduersio peperit artē. Sed in uersibus res est apertior, quanquam etiā à modis quibusdā cantu remoto soluta esse uideatur oratio, maximeq; id in optimo quoq; eorum poëtarum, qui *λογιοὶ* à Graecis nominantur: quos cum cantu spoliaueris, nuda penè remanet oratio, quorum similia sunt quadam etiam apud



nostros, uelut ille in Thyeste:

Quemnam te esse dicam: qui tarda in senectute,  
et quæ sequuntur: quæ nisi cum tibicen accessit, orationi sunt solutæ simillima. At Comitorum senarij propter similitudinem sermonis sic sæpè sunt abiecti, ut nonnumquam uix in his numerus et uersus intelligi possit. quod est ad inueniendum difficilior in oratione numerus, quàm in uersibus. Omnino duo sunt quæ condiant orationem, uerborum numerorumque iucunditas. In uerbis inest quasi materia quedam, in numero autem expolitio: sed ut ceteris in rebus necessitatis inuenta antiquiora sunt, quàm uoluptatis: ita et in hac re accidit, ut multis seculis antè oratio nuda ac rudis ad solos animorum sensus exprimendos fuerit reperta, quàm ratio numerorum causa delectationis aurium excogitata. Itaque et Herodotus, et eadem superiorque ætas numero caruit, nisi quando temerè ac fortuito: et scriptores perueriores, de numero nihil omnino, de oratione præcepta multa nobis reliquerunt. Nàm quod et facilius est, et magis necessarium, id semper antè cognoscitur. Itaque translata, aut facta, aut iuncta uerba facile sunt cognita, quia sumebantur è consuetudine, quotidianoque sermone. Numerus autem non domo depromebatur, neque habebat aliquam necessitudinem aut cognitionem cum oratione. Itaque serius aliquantò notatus et cognitus, quasi quadam palestram et extrema lineamenta orationi attulit. Quod si et angusta quedam atque concisa, et alia est collatata et diffusa oratio, necesse est id non literarum accidere natura, sed interuallorum longorum et breuium uarietate, quibus implicata atque permixta oratio: quoniam tum stabilis est, tum uolubilis, necesse est eius-



modi naturam numeris contineri. Nam circuitus ille, quem sæpè iam diximus, incitatio numero ipso fertur, & labitur, quoad perueniat ad finem, et infistat. Per spiciuum est igitur, numeris astrictam orationem esse debere, carere uersibus: sed hi numeri poetici ne sint, an ex alio genere quodam, deinceps est uidendum. Nullus est igitur numerus extra poeticos, propterea quod definita sunt genera numerorum. nam omnis talis est, ut unus sit è trib. Pes enim qui adhibetur (b) ad numeros, paratur in tria: ut necesse sit partem pedis aut æqualem esse alteri parti, aut altero tanto, aut sesqui esse maiorem. Ita fit æqualis dactylus, duplex iambus, sesqui pæan: qui pedes in oratione nunc cadere qui possunt? quibus ordine locatis, quod efficitur numerosum sit necesse est. Sed queritur quo numero, aut quibus potissimum sit utendum. Incidere uerò omnes in oratione, etiam ex hoc intelligi potest, quod uersus sæpè in oratione per imprudentiam dicimus, quod uehementer est uitiosum: sed non attendimus, neque exaudimus nosmetipsos: Senarios uerò, et hipponacteos effugere uix possumus. Magnam enim partem ex iambis nostra constat oratio: sed tamen eos uersus facile agnoscit auditor: sunt enim usitatissimi. Inculcamus autem per imprudentiam sæpè etiam minus usitados: sed tamen uersus uitiosum genus, & longa animi prouisione fugiendum. Elegit ex multis Isocratis libris triginta fortasse uersus Hieronymus, Peripateticus in primis nobilis, plerosque senarios, sed etiam anapesticos: quo quid potest esse turpius? etsi in eligendo fecit malitiose: prima enim syllaba dempta ex primo uerbo sententiæ, postremum ad uerbum primam rursus syllabam adiunxit insequentis, ita factus est anapestus, is qui



Aristophaneus nominatur : quod ne accadat, obferuari nec potest, nec neceffe est. Sed tamen hic corrector in eo ipfo loco quo reprehēdit, ut à me animaduēsum est stuidiose inquirenti in eū, immittit imprudēs ipse senarium. Sic igitur hoc cognitū in solutis etiam uerbis inesse numeros, eosdēq; esse oratorios qui sunt poëtici. Sequitur ergo, ut qui maximē cadant in orationem aptam numeri, uidendum fit. Sunt enim qui iambicum putent, quod sit orationi simillimus: qua de causa fieri, ut is potissimum propter similitudinem ueritatis adhibeatur in fabulis, quod ille dactylicus numerus hexametrorum magniloquentiæ sit accommodatior. Ephorus autem leuis ipse orator, sed profectus ex optima disciplina, pæana sequitur, aut dactylum: fugit autem spondeum & trocheum. Quod enim pæan habeat treis breueis, dactylus autem duas, breuitate & celeritate syllabarum labi putat uerba procliuius. contraq; accidere in spondeo & trocheo, quod alter ex longis constaret, alter ē breuibus fieret: alteram nimis incitatam, alteram nimis tardam orationem, neutram temperatam. Sed & illi priores erant, et Ephorus in culpa est. Nam et qui pæana prætereunt, nō uident mollissimum à sese numerum, eundemq; amplissimum præteriri. Quod longē Aristoteli uidetur secus, qui iudicat Heroū numerum grandiorē, quā desideret soluta oratio: iambū aut nimis ē uulgari esse sermone. Ita neq; humilem, nec abiectam orationem, nec nimis altā et exaggeratam probat, plenam tamen (a) eam 216 uult esse grauitatis, ut eos, qui audient, ad maiore admi- rationem possit traducere: trocheum autem, qui est eodem spacio quo choreus, cordacem appellat, quia contractio & breuitas dignitatem non habeat. Ita pæana



probat, eoq; ait uti omnes, sed ipsos non sentire, cum u-  
 tantur: esse autem tertium, ac medium inter illos: sed ita  
 factos eos pedes esse, ut in eis singulis modus insit aut  
 sesquipleus, aut duplex, aut par. Itaq; illi, de quibus antè  
 dixi, tantummodo commoditatis habuerunt rationem,  
 nullam dignitatis. Iambus enim & dactylus in uersum  
 cadunt maxime. itaq; ut uersum fugimus in oratione, sic  
 hi sunt euitandi continuati pedes. Aliud enim quiddam  
 est oratio, nec quicquam inimicitius quam illa uersibus:  
 pæan autem minime est aptus ad uersum, quo libentius  
 eum recepit oratio. Ephorus uerò ne spondeum quidē,  
 quem fugit, intelligit esse æqualem dactylo, quem pro-  
 bat: syllabis enim metiendos pedes, nō interualis existi-  
 mat, quod idem facit in trocheo, qui temporibus & in-  
 terualis est par iambo: sed uitiosius in oratione, si po-  
 natur extremus, quod uerba melius in syllabas longio-  
 res cadunt. Atque hæc quæ sunt apud Aristotelem, ea-  
 dem à Theophrasto Theodecteq; de pæane dicuntur. E-  
 go autem sentio omneis in oratione esse quasi permistos  
 & confusos pedes: nec enim effugere possemus animad-  
 uersionem, si semper iisdem uteremur: quia nec nume-  
 rosa esse, ut poëma, neq; extra numerorum, ut sermo uul-  
 gi est, debet oratio. Alterum nimis est uinctum, ut de  
 industria factum appareat: alterum nimis dissolutum,  
 ut peruagatum ac uulgare uideatur, ut ab altero non  
 delectère, alterum oderis. Sit igitur (ut suprà dixi) per-  
 mista & temperata numeris, nec dissoluta, nec tota  
 numerosa, pæane maxime, quoniam optimus author  
 ita censet: sed reliquis etiam numeris, quos ille præterij,  
 temperata. Quos autem numeros, cum quibus tan-  
 quam purpurarum misceri oporteat, nunc dicendum est:



atq; etiam quibus orationis generibus sint quiq; accom=  
modatissimi. Iambus enim frequentissimus est in ijs quæ  
demisso atq; humili sermone dicuntur, pæan autem in  
amplioribus, in utrôq; dactylus: ita in uaria & perpe=  
tua oratione hi sunt inter se miscendi & temperandi:  
sic minimè animaduertetur delectationis aucupium, &  
quadrantæ orationis industria, quæ latebit eò magis,  
si & uerborum & sententiarum ponderibus utemur.  
Nam qui audiunt, hæc duo animaduertunt, & iucunda  
sibi censent: uerba dico, & sententias, eaq; dum animis  
attentis admirantes excipiunt, fugit eos & præteruo=  
lat numerus: qui tamen si abesset, illa ipsa delectarent.  
Nec nerò nimis is cursus est numerorum, orationis di=  
co: nam est longè aliter in uersibus, nihil ut fiat extra  
(b) modum: nam id quidem esset pœma. Sed omnis nec  
claudicans, nec quasi fluctuans, et æqualiter cōstanterq;  
ingrediens numerosa habetur oratio. Atq; id in dicendo  
numerosum putatur, nō quod totum constat ē numeris,  
sed quod ad numeros proximè accedit. Quo etiā diffici=  
lius est oratione uti quàm uersibus, quòd in illis certa  
quædam & definita lex est, quam sequi sit necesse: in di=  
cendo autem nihil est propositū, nisi aut ne immodera=  
ta, aut angusta, aut dissoluta, aut fluens sit oratio. Itaque  
non sunt in ea tanquam tibicini percussionum modi: sed  
uniuersa comprehensio & species orationis clausa &  
terminata est, quod uoluptate aurium iudicatur. Solet au=  
tem quæri, toto ne in ambitu uerborum numeri tenendū  
sint, an in primis partibus, atque in extremis: plerique e=  
nim censent cadere tantū numerose oportere, termina=  
riq; sententiam. est autē, ut id maxime deceat, nō id solū.  
ponendus est enim ille ambitus, non abijciendus. Quare



cum aures ad extremum semper expectent, in eoq; acquiescant, id uacare numero non oportet: sed ad hunc exitum tamen à principio ferri debet uerborum illa comprehensio, & à toto capite ita fluere, ut ad extremum ueniens ipsa consistat. Id autem bona disciplina exercitatis, qui & multa scripserint, & quaecunq; etiam sine scripto dicerent, similia scriptorum effecerint, non erit difficillimum. antè enim circumscribitur mente sententia, confestimq; uerba concurrunt: quæ mens eadem, qua nihil est celerius, statim dimittit, ut suo quodq; loco respondeat: quorum descriptus ordo, aliàs alia terminatione concluditur. atq; omnia illa & prima & media uerba spectare debent ad ultimum. Interdum enim cursus est in oratione incitator, interdum moderata ingressio, ut iam à principio uidendum sit, quemadmodum uelis uenire ad extremum: nec in numeris magis quam in reliquis ornamentis orationis, eadem cum faciamus quæ poëta, effugimus tamen in oratione poëmatissimilitudinem. est enim in utrôq; & materia, & tractatio: materia in uerbis, tractatio in collocatione uerborum. Ternæ autem sunt utriusque partes uerborum, translatum, nouum, priscum. nam de proprijs nihil hoc loco dicimus. Collocationis autem eæ quas diximus, compositio, concinnitas, numerus: sed in utrôq; frequentiores sunt, & liberiores poëta. nam et transferunt uerba cum crebrius, tum etiam audacius, & priscis libentius utuntur, et liberius nouis: quod idem fit in numeris, in quibus quasi necessitati parere coguntur: sed hæc tamen nec nimis esse diuersa, neq; ullo modo coniuncta intelligi licet. Ita fit, ut nō item in oratione, ut in uersu, numerus extet: idq; quod numerosum in oratione dicitur, non semper



numero fiat: sed nonnunquam aut concinnitate, aut constructione uerborum. Ita si numerus orationis queritur (a) qui sit, omnis est: sed alius alio melior atque aptior. 217 Si locus, in omni parte uerborum: si unde ortus sit, ex aurium uoluptate, si componendorum ratio, dicetur alio loco: quia pertinet ad usum, quæ pars quarta & extrema nobis in diuidendo fuit. si ad quam rem adhibeatur: ad delectationem: si quando, semper: si quo loco, in tota continuatione uerborum: si quæ res efficiat uoluptatem, eadem quæ in uersibus, quorum modum notat ars: sed aures ipsæ tacito eum sensu sine arte definiunt. Satis multa de natura: sequitur usus, de quo est accuratius disputandum. In quo quesitum est, in toto ne circuitu illo orationis, quem Græcis *περίοδος*, nos tum ambitum, tum circuitum, tum comprehensionem, aut continuationem, aut circumscriptionem dicimus, an in principiis solum, an in extremis, an in utraq; parte numerus tenendus sit. Deinde cum aliud uideatur esse numerus, aliud numerosum, quid intersit. tum autem, in omnibus ne numeris æqualiter particulas deceat incidere, an facere alias breuiores, alias longiores. idq; quando, aut cur, quibusq; partibus: pluribus ne an singulis, imparibus an æqualibus: & quando, aut istis aut illis sit utendum. quæq; inter se aptissimè collocentur, & quomodo, an omnino nulla sit in eo genere distinctio. quodq; ad rem maximè pertinet, qua ratione numerosa fiat oratio. Explicandum etiam est, unde orta sit forma uerborum, dicendumq; quantos circuitus facere deceat, deq; eorum particulis, & tanquam incisionibus differendum est. querendumq; utrum una species & longitudo sit earum, an ne plures: & si plures, quo loco, aut quando,



quoque genere uti oporteat. Postremo totius generis utilitas explicanda est, quæ quidem patet latius: non ad unam enim rem aliquam, sed ad plures accommodatur. At licet non ad singulas res respondentem de universo genere sic dicere, ut etiam singulis satis responsum esse uideatur. Remotis igitur reliquis generibus, unum selegimus: hoc quidem quod in causis foreque uersatur, de quo dicemus. Ergo in alijs, id est in historia, et in eo quod appellamus *ἐκείνου*, placet omnia dici socrateo, Theopompeoque more, illa circumscriptione ambitusque, ut tanquam in orbe inclusa currat oratio, quoad insistas in singulis perfectis absolutisque sententijs. Itaque posteaquam est nata hæc uel circumscriptio, uel comprehensio, uel continuatio, uel ambitus, si ita licet dicere, nemo qui aliquo esset in numero, scripsit orationem generis eius, quod esset ad delectationem comparatum, remotumque a iudicijs, forensique certamine, quin redigeret omnes fere in quadrum numerumque sententias. Nam, cum is est auditor, qui non uereatur ne compositæ orationis insidijs sua fides attentetur, (b) gratiam quoque habet oratori uoluptati aurium seruienti. Genus autem hoc orationis, neque totum assumendum est ad causas forenses, neque omnino repudiandum. Si enim semper utare, cum satietatem affert, tum quale sit, etiam ab imperitis agnoscitur. Detrahit præterea actionis dolorem, aufert humanum sensum actoris, tollit funditis ueritatem et fidem. Sed quoniam adhibenda nonnunquam est, primum uidendum est quo loco, deinde quandiu retinenda est, tum quot modis commutanda. Adhibenda est igitur numerosa oratio, si aut laudandum est aliquid ornati, ut nos in accusationis secundo, de Siciliæ laude dixi



mus: aut in senatu de consulatu meo, aut exponenda narratio quæ plus dignitatis desiderat quàm doloris: ut in quarto accusationis de Ennēsi Cerere, de Segeſtana Diana, de Syracusarum situ diximus. Sæpè etiam in amplificanda re concessu omnium funditur numeroſe et uolubiliter oratio, id nos fortasse non perfecimus, conati quidem sæpiſſimè sumus, quod plurimis locis perorationes nostræ uoluiffe nos, atq; animo contendiffe declarant. Id autem tū ualeat, cū is qui audit ab oratore iam obſeſus est ac tenetur. Non enim id agit ut inſidietur et obſeruet: sed iam fauet, processumq; uult, dicendiq; uim admirans, non inquiri quod reprehendat. Hæc autē forma retinenda non diu est: nec dico in peroratione, quam ipse includit, sed in orationis reliquis partibus. Nam cū sis ijs locis usus, quibus ostendi licere, transferenda tota dictio est ad illa, quæ nescio cur cū Græci νόματα et νόμα nominent, nos non rectè incisa et membra dicamus. Neque enim esse possunt rebus ignotis nota nomina, sed cū uerba aut suauitatis, aut inopiæ causa transferre soleamus, in omnibus hoc fit artibus, ut cū id appellandum sit quod propter rerum ignoracionem ipsarum, nullum habuerit antè nomen, necessitas cogit aut nouum facere uerbum, aut à simili mutuari. Quo autem pacto deceat incise membratimue dici, iam uidebimus: nunc quot modis mutantur comprehensiones, conclusionesq; dicendum est. Fluit omnino numerus à primo, tum incitatus breuitate pedum, cū proceritate tardius, cursum contentiones magis requirunt, expositiones rerum tarditatem, insiſtit autem ambitus modis pluribus: è quibus unum est secuta Asia maximè, qui dichoreus uocatur, cū duo extremi chorei sunt, id est è singulis



longis & breuibus. Explanandum est enim quod ab alijs iſdem pedes, alijs nominantur uocabulis. Dichoreus non est ille quidem ſua ſponte uitioſus in clauſulis: ſed in orationis numero nihil eſt tam uitioſum, quàm ſi ſemper eſt idem. Cadit autem ille per ſe præclare, quo etiam ſatietas formidanda eſt magis. me ſtante, C. Carbo

218 (a) C.F.tribunus pleb. in concione dixit hiſ uerbis: O M.Druſe, patrem appello. Hæc quidem duo biniſ pedibus incipiſ, deim membratim. tu dicere ſolebas ſacram eſſe Remp. hæc item mēbra terniſ, poſt ambituſ. quicunq; eam uiolauiffent, ab omnibuſ eſſe ei pœnaſ perſolutaſ. Dichoreuſ, nihil enim ad rem extrema illa longa ſit, an breuiſ: deim de, patriſ dictum ſapienſ, temeritaſ filiſ comprobauit. Hoc dichoreo tantuſ clamor concionis excitatuſ eſt, ut admirabile eſſet. Quæro, nōne id numeruſ effecerit: uerborū ordinem immuta. ſic ſic: Comprobauit filiſ temeritaſ. iam nihil erit: & ſi, temeritaſ ex tribuſ breuibuſ et longa eſt, quē Ariſtoteleſ ut optimū probat, à quo diſſentio. at eadem uerba, eadem ſententia: animo iſtuc ſatiſ eſt, auribuſ non ſatiſ: ſed id crebriuſ fieri non oportet. Primū enim numeruſ agnoſcitur, deim de ſatiat, poſtea cognita facilitate contemnitur. Sed ſunt clauſule plureſ, quæ numeroſe & iucundē cadant. nam & creticuſ, qui eſt è longa, & breui, & longa: & eiuſ æqualiſ pæan, qui ſpacio par eſt, ſyllaba longior, quàm commo-diſſime putatur in ſolutam orationem illigari, cū ſit duplex. nam aut è longa & tribuſ breuibuſ, qui numeruſ in primo uiget, iacet in extremo: aut totidem breuibuſ et longa, in quem optimē cadere cenſent ueteres: ego non planē reiſcio, ſed alioſ antepono. ne ſpondeuſ quidem fundituſ eſt repudiandus: & ſi quod eſt è longiſ



duabus, hebetior uidetur & tardior: habet tamen stabi-  
 lem quendam & non expertem dignitatis gradum. In  
 incisionibus uerò multo magis, & in membris. Paucita-  
 tem enim pedum, grauitatis suæ tarditate compensat:  
 sed hos cum in clausulis pedes nomino, non loquor de  
 uno pede extremo: adiungo quod minimum sit, proxi-  
 mum superiorem, saepe etiam tertium, ne iambus qui-  
 dem, qui est è breui & longa, aut par choreo qui habet  
 treis breueis, sed spacio par, nō syllabis: aut etiam dacty-  
 lus, qui est è longa & duabus breuibus, si est proximus  
 à postremo, parum uolubiliter peruenit ad extremum,  
 si est extremus choreus, aut spondeus: nūquam enim in-  
 terest uter sit eorū in pede extremo. sed ijdem hi tres pe-  
 des male concludunt, si quis eorum in extremo locatus  
 est, nisi cum pro cretico postremus est dactylus: nihil e-  
 nim interest, dactylus sit extremus an creticus: quia po-  
 strema syllaba breuis an longa sit, ne in uersu quidem  
 refert. Quare etiam pæana qui dixit aptiorem, in quo es-  
 set longa postrema, uidit parum: quoniam nihil ad rem  
 est postrema quàm longa sit. Iam pæan quòd plures ha-  
 beat syllabas quàm treis, numerus à quibusdam, non pes  
 habetur. Est quidem, ut inter omneis constat antiquos,  
 Aristotelem, Theophrastum, Theodectem, Ephorum,  
 (b) unus aptissimus orationi uel orienti, uel mediæ: pu-  
 tant illi etiam cadenti, quo loco mihi uidetur aptior cre-  
 ticus. Dochimus autem è quinq; syllabis, breui, duabus  
 longis, breui, longa, ut est hoc, Amicos tenes, quouis lo-  
 co aptus est, dum semel ponatur: iteratus, aut continua-  
 tus, numerum apertum, & nimis insignem facit. His igi-  
 tur tot commentationibus, tamq; uarijs si utemur, nec  
 deprehendetur manifestò quid à nobis de industria fiat.



& occurreretur satietati. Et quia non numero solum nū-  
 merosa oratio, sed & compositione fit & genere, quod  
 antè dictum est, concinnitatis: compositione potest intel-  
 ligi, cum ita structa uerba sunt, ut numerus nō quæsitus,  
 sed ipse secutus esse uideatur, ut apud Crassum. Nam ubi  
 libido dominatur, innocentie leue præsidium est. Ordo  
 enim uerborum efficit numerum, sine ulla aperta ora-  
 toris industria: itaq; si quæ ueteres illi (Herodotū dico  
 & Thucydidem, totamq; eam etatē) aptè numeroseq;  
 dixerunt, ea nō numero quæsita, sed uerborum colloca-  
 tione ceciderunt. Formæ uerò quædam sunt orationis,  
 in quibus ea concinnitas inest, ut sequatur numerus ne-  
 cessariò. Nam cum aut par par refertur, aut contrariū  
 cōtrario opponitur, aut quæ similiter cadūt uerba, uer-  
 bis comparantur, quicquid ita concluditur, plerunq; fit  
 ut numerosè cadat. quo de genere cum exemplis suprà  
 diximus: ut hæc quoq; copia facultatem afferat, non sem-  
 per eodem modo desinendi: nec tamen hæc ita sunt arcta  
 & astricta, ut ea cum uelimus laxare, nequeamus. Mul-  
 tum interest utrum numerosa sit, id est similis numero-  
 rum, an planè è numeris constet oratio. alterum si sit, in-  
 tolerabile uitium est: alterum nisi sit, dissipata & incul-  
 ta, & fluens est oratio. Sed quoniam non modò non fre-  
 quenter, uerum etiam rarò in ueris causis, aut forensibus  
 circumscriptè numeroseq; dicendum est: sequi uidetur,  
 ut uideamus quæ sint illa, quæ suprà dixi, incisa, quæ  
 membra, hæc enim in ueris causis maximam partem  
 orationis obtinent. Constat enim ille ambitus & plena  
 comprehensio è quatuor ferè partibus, quæ membra di-  
 cimus, ut et aures impleat, & ne breuior sit quàm satis sit,  
 neq; longior, quanquam utrunq; nonnunquam, uel poe-



tius sepe accidit, ut aut citius insistendum sit, aut lon-  
 gius procedendum, ne breuitas defraudasse aureis uidea-  
 tur, neue longitudo obtudisse. Sed habeo mediocritatis  
 rationem. nec enim loquor de uersu, & est liberior ali-  
 quanto oratio. E quatuor igitur, quasi hexametrorum  
 in star uersuum quod sit, constat ferè plena comprehen-  
 sio. His igitur singulis uersibus quasi nodi apparent  
 continuationis, quos in ambitu coniungimus. Sin mem-  
 bratim uolumus dicere, insistimus: idq; cum (a) opus 219  
 est, ac isto cursu inuidioso facile nos, & sepe disungi-  
 mus. Sed nihil tam debet esse numerosum, quam hoc  
 quod minime apparet, & ualet plurimum. Ex hoc gene-  
 re illud est Crassi: Missos faciant patronos, ipsi prodeat.  
 nisi interuallo dixisset, ipsi prodeant: sensisset profecto  
 effugisse senarium. omnino melius caderet, Prodeant  
 ipsi sed de genere nunc disputo. cur clandestinis consilijs  
 nos oppugnant? cur de per fugis nostris copias compa-  
 rant contra nos? Prima sunt illa duo, quæ λόγουατα  
 Græci uocant, nos incisa dicimus: deinde tertium, ὁμοιοπα-  
 illi, nos membrum. Sequitur non longa: ex duobus enim  
 uersibus, id est membris, perfecta comprehensio est, &  
 in spondeos cadit. & Crassus quidem sic plerumq; dice-  
 bat, idq; ipse genus dicendi maxime probo. sed quæ inci-  
 sim aut membratim efferuntur, ea uel aptissime cadere  
 debent, ut est apud me: Domus tibi de erat, at habebas:  
 pecunia superabat, at egebas. hæc incisa dicta sunt quar-  
 tuor: at membratim quæ sequuntur, duo: Incurristi a-  
 mens in columnas: in alienas insanus insanisti. deinde  
 omnia tanquam crepidine quadam cōprehensione lon-  
 giore sustinentur: Depressam, cæcam, iacentem domum  
 pluris quam te, & quam fortunas tuas, estimasti. dicto-



reo finitur. at dispondeo proximū illud: nam in ijs qui-  
 bus ut pugiunculis uti oporteat, breuitas facit ipsa libe-  
 riores pedes. Sapē enim singulis utendum est, plerunq;  
 binis: & utrisq; addi pedis pars potest, non ferē ternis  
 amplius. Incisim autem & membratim tractata oratio,  
 in ueris causis plurimū ualeat, maximeq; his locis, cūm  
 aut arguas, aut refellas, ut nostra in Cornelianā secūda:  
 O callidos homines, o rem excogitatā, o ingenia me-  
 tuenda. Membratim adhuc, deinde casim diximus. rur-  
 sus membratim: Testes dare uolumus. Extrema sequitur  
 comprehensio, sed ex duobus membris, qua non potest  
 esse breuior. quem quæso nostrū sefellit, ita uos esse fa-  
 cturos? Nec ullum est genus dicendi aut melius, aut for-  
 tius, binis aut ternis ferire uerbis, nonnunquam singu-  
 lis, paulo aliās pluribus: inter quas uarijs clausulis inter-  
 ponit se raro numerosa comprehensio: quam peruerse  
 fugiens Egeſias, dum ille quoq; imitari Lysiam uult, al-  
 terum penē Demosthenem saltat, incidens particulas: et  
 is quidem non minus sententijs peccat quā uerbis: ut  
 non quærat quem appellet ineptum, qui illum cogno-  
 uerit. Sed ego illa Craſſi & nostra posui, ut qui uellet,  
 auribus ipsis quid numerosum etiam in minimis particu-  
 lis orationis esset, iudicaret. Et quoniam plura de nume-  
 rosa oratione diximus, quā quisquā ante nos: nunc de  
 eius generis utilitate dicemus. Nihil enim est aliud, Bru-  
 te (quod quidem tu minimē omnium ignoras) pulchrē  
 & oratorie dicere, nisi optimis sententijs (b) uerbisq;  
 lectissimē dicere. Et nec sententia ulla est quæ fructum  
 oratori ferat, nisi aptē exposita, atque absolute: nec uer-  
 borum lumen apparet, nisi diligenter collocatorum:  
 & horum utrunque numerus illustrat. Numerus autem



(ſepe enim hoc teſtandū eſt) nō modò non poëticè lun-  
ctus, uerumetiam fugiens illum, eiq; omnium diſſimili-  
mus: non quin ijdem ſint numeri non modò oratorum  
& poëtarum, uerū omnino loquentium, deniq; etiam  
ſonantium omnium, quæ metiri auribus poſſumus: ſed  
ordo pedum facit, ut id quod pronunciat, aut oratio-  
nis, aut poematis ſimile uideatur. Hanc igitur ſiue com-  
poſitionem, ſiue perfectionem, ſiue numerū uocari pla-  
cet, & adhibere neceſſe eſt, ſi ornate uelis dicere: non ſo-  
lum quod ait Ariſtoteles & Theophraſtus: ne infinite  
feratur, ut flumen oratio, quæ non aut ſpiritu pronun-  
ciantis, aut interductu librarij, ſed numero coacta de-  
bet inſiſtere: uerumetiā quod multo maiore habet apta-  
uim, quàm ſoluta. Vt enim athletas, nec multò ſecus gla-  
diatores uidemus nihil nec uitando facere cautè, nec pe-  
tendo uehementer, in quo nō motus hic habeat palæſtrā  
quandā, ut quicquid in his reb. fiat utiliter ad pugnam,  
idem ad aſpectum etiam ſit uenuſtum: ſic oratio nec pla-  
gam grauem facit, niſi petitio fuerit apta: nec ſatis rectè  
declinat impetum, niſi etiam incedendo, quid deceat, in-  
telligit. Itaq; qualis eorum motus, quos ἀπαλαίωσις  
Græci uocant, talis horum mihi uidetur oratio, qui non  
claudunt numeris ſententias: tātumq; abeſt, ut quod ij  
qui hoc aut magiſtrorum inopia, aut ingenij tarditate,  
aut laboris fuga non ſunt aſſecuti, ſolent dicere, enerue-  
tur oratio compoſitione uerborum, ut aliter in ea, nec  
impetus ullus, nec uis eſſe poſſit. Sed magnam exercita-  
tionem res flagitat, ne quid eorum, qui genus hoc ſecu-  
ti non tenuerunt, ſimile faciamus, ut uerba traiciamus  
aperte, quò melius aut cadat aut uoluatur oratio.  
Quod ſe L. Cælius Antipater in procæmio belli Punici,



nisi necessario facturum negat. O uirum simplicem, qui nos nihil celat: sapientem, qui seruendū necessitati putet, sed hic omnino rudis. Nobis autem in scribendo atq; in dicendo necessitatis excusatio non probatur, nihil est enim necesse: & si quid esset, id necesse tamen non erat confiteri. Et hic quidē, qui hanc à Lælio ad quē scripsit, cui se purgat, ueniam petit, & utitur ea traiectione uerborum: & nihilo tamen aptius explet, concluditq; sententias. Apud alios autem, & Asiaticos maxime numero seruientes, inculcata reperias inania quædam uerba, quasi complementa numerorum. Sunt etiam qui illo uitio, quod ab Egesia maxime fluxit, infringendis concidendisq; numeris in quoddam genus abiectum incidant Siculorum simillimum. Tertium est in quo

320 (a) fuerunt fratres illi Asiaticorum rhetorum principes Hierocles, & Menecles, minime mea sententia contemnendi. Et si enim à forma ueritatis, & ab Atticorum regula absunt: tamen hoc uitium compensant uel facultate, uel copia: sed apud eos uarietas non erat, quod omnia ferè concludebantur uno modo. quæ uitia qui fugerit, ut neq; uerbum ita traijciat, ut id de industria factum intel ligatur, neq; inferciens uerba quasi rimas expleat, nec rûnutos numeros sequens concidat, delumbetq; sententias, nec sine ulla commutatione in eodem semper uersetur genere numerorû, is omnia ferè uitia uitauerit. nam de laudibus multa diximus, quibus sunt alia perspicuè uitia contraria. Quantum autem sit aptè dicere, experi ri licet, si aut compositi oratoris benè structam collocationem dissoluas permutatione uerborû: corrumpatur enim tota res, ut hæc nostra in Corneliana, & deinceps omnia: neq; me diuitiæ mouent, quibus omneis Africa



nos et Lelios multi uenality mercatoresq; superarunt. Immuta paulum, ut sit, Multi superarunt mercatores uenalityq; perierit tota res. & quæ sequuntur: Neque uenalis aut calatum aurum & argentum, quo nostros ueteres Marcellos Maximosq; multi eunuchi è Syria Aegyptoq; uicerunt. Verba permuta sic, ut sit: Vicerunt eunuchi è Syria, Aegyptoq;. Adde tertium: Neq; uerò ornamenta ista uillarum, quibus L. Paulum & L. Mummius, qui rebus his urbem Italiamq; omnem refecerunt, ab aliquo uideo perfacile Deliaci aut Syro potuisse se superari. Fac ita: Potuisse superari ab aliquo Syro aut Deliaci. Vides ne, ut ordine uerborum paulum commutato, iisdem uerbis, stante sententia, ad nihilum omnia recidant, cum sint ex aptis dissoluta: aut si alicuius in conditi arripias dissipatam aliquam sententiam, eamq; ordine uerborum paulum commutato in quadrum redigas, efficiatur aptum illud, quod fuerit antea defluens ac absolutum. Age, sume de Gracchi apud censores illud: Abesse non potest, quin eiusdem dominis sit probos improbare, qui improbos probet. quanto aptius, si ita dixisset: Quin eiusdem hominis sit, qui improbos probet, probos improbare. hoc modo dicere nemo unquam uoluit, neque potuit, quin dixerit. Qui autem aliter dixerunt, hoc assequi non potuerunt, ita facti sunt repente Attici: quasi uerò Trallianus fuerit Demosthenes, cuius non tam uibrarent fulmina illa, nisi numeris contorta ferrentur. Sed si quos magis delectat soluta, sequatur ea sanè, modo sic: ut si quis Phidie clypeum dissoluerit, collocationis uniuersam speciem sustulerit, non singulorum operum uenustatem, ut in Thucydide: Orbem modò orationis desidero, ornamenta cõparent. Isti autem cum dissolunt orationem,



in qua nec res, nec uerbum ullum est nisi (b) abiectū, non clypeū, sed ut in prouerbio est, et si humiliter dictū est, tamen consimile est, scopas (ut ita dicam) mihi uidetur dissolvere: atq; ut planē genus hoc, quod ego laudo, contempnissimū uideantur, aut scribant aliquid uel Isocrateo more, uel quo Aeschines aut Demosthenes utitur, tum illos existimabo non desperatione reformidauisse genus hoc, sed iudicio refugisse: aut reperiam ipse eadem conditione qui uti uelit, ut aut dicat, aut scribat, utra uoles lingua eo genere quo illi uolunt. Facilius est enim apta dissolvere, quā dissipata connectere. Res autem se sic habet (ut breuissimē dicam quod sentio) Compositē & aptē sine sententijs dicere, insania est: sententiose autem sine uerborum & ordine & modo, infantia: sed eiusmodi tamen infantia, ut ea qui utantur, non stulti homines haberi possint, etiam plerunq; prudentes, quo qui est contentus, utatur. Eloquens uerō qui non approbationes solum, sed admirationes, clamores, plausus, si liceat, mouere debet: omnibus oportet ita rebus excellat, ut ei turpe sit quicquam aut spectari, aut audiri libentius. Habes meum de oratore, Brute, iudicium, quod aut sequere, si probaueris: aut tuo stabis, si aliud quoddam est tuum. in quo neq; pugnabo tecum, neq; hoc meum de quo tantopere hoc libro asseueraui, unquam affirmabo esse uerius quā tuum. Potest enim nō solum aliud mihi ac tibi, sed mihi ipsi aliud aliā uideri. nec in hac modō re, quā ad uulgi assensum spectat, & ad aurium uoluptatem, quæ duo sunt ad iudicandum leuissima: sed ne in maximis quidem rebus quicquam adhuc inueni firmitus quod tenere, aut quō iudicium meum dirigerem, quā illud quodcunq; mihi quā simillimum



ueri uideretur, cum ipsum illud uerū in occulto lateret. Tu autē uelim si tibi ea quæ disputata sunt, minus probabuntur, ut aut maius opus institutū putes, quā effici potuerit, aut dum tibi roganti uoluerim obsequi, uerecundia negandi, scribendi me impudentiam suscepisse.

## M. T. CICERONIS

AD C. TREBATIVM

Topica.

(4)

221



MAIORES nos res scribere ingressos, C. Trebati, et ips libris, quos breui tempore satis multos edidimus, digniores ē cursu ipso reuocauit uolūtas tua. Cum enim mecum in Tusculano esses, et in Bibliotheca separatim uterq; nostrū ad suum studium libellos quos uellet, euolueret, incidisti in Aristotelis Topica quædam, quæ sunt ab illo pluribus libris explicata. Qua inscriptione commotus, continuō à me eorum librorū sententiam requisisti: quam tibi cum exposuissem disciplinam inueniendorum argumentorum, ut sine ullo errore ad eam rationem, uia perueniremus ab Aristotele inuenta libris illis contineri: uerecundē tu quidem, ut omnia, sed tamen ut facili cernerem te ardere studio mecum, ut tibi illa traderem, egisti. Cum autem ego te non tam uitandi laboris mei causa quā quod interesse tua arbitrarer, uel ut eos per te ipse legeres, uel ut totam rationē à doctissimo quodam rhetore acciperes, hortatus essem, utrunq; ut à te audiebam, es expertus. Sed à libris



te obscuritas reiecit. rhetor autē ille, magnus ut opinor, Aristotelica se ignorare respondit: quod quidem minime sum admiratus, cum philosophū rhetori non esse cognitum, qui ab ipsis philosophis præter admodum paucos, ignoretur, quibus eo minus ignoscendum est, quod non modo rebus ijs quæ ab illo dictæ & inuentæ sunt, alluci debuerunt, sed dicendi quoque incredibili quadam cum copia, tum etiam suauitate. Non potui igitur tibi sepius hoc roganti, & tamen uerenti, ne mihi grauis esses, (facile enim id cernebā) debere diutius, ne ipsi iuris interpreti fieri uideretur iniuria. Et enim cum tu mihi, meisq; multa sæpè cauisses, ueritus sum, ne si ego grauarer, aut ingratum id, aut superbum uideretur. Sed dum sumus unā, tu optimus es testis, quā fuerim occupatus. Ut autē à te disceſsi in Græciam proficiscens, cum opera mea nec Resp. nec amici uterentur, nec honestè inter arma uersari possem, ne si tutò id quidē mihi liceret, ut ueni Veliam, tuāque & tuos uidi: admonitus huius æris alieni, nolui deesse, ne tacitè quidem flagitationi tuæ. Itaque hæc, cum mecum libros non haberem, memoria repetita, in ipsa nauigatione, conscripsi, tibiq; ex itinere misi, ut mea diligentia mandatorum tuorum, te quoque, etsi admonitore non eges, ad memoriam nostrarum rerum excitarem. Sed iam tempus est ad id quod institutus, accedere. (b)

Cum omnis ratio diligens differendi duas habeat partes, unam inueniendi, alteram iudicandi, utriusq; princeps, ut mihi quidem uidetur, Aristoteles fuit: Stoici autē in altera elaborauerunt. Iudicandi enim uis diligenter persecuti sunt, eam scientiam quā dialecticē appellant. Inueniendi uero artē, quæ Topice dicitur, quæ ad usum



potior erat, & ordine naturæ certè prior, totam reliquerunt. Nos autem, quoniam in utraq; summa utilitas est, & utraq; si erit ocium, persequi cogitamus, ab ea quæ prior est ordiemur. Vt igitur earum rerum, quæ absconditæ sunt, demonstrato & notato loco facilis inuentio est: sic cum peruestigare argumentum aliquod uolumus, locos nosse debemus: sic enim appellatæ ab Aristotele sunt hæ quasi sedes, è quibus argumenta promuntur. Itaq; licet definire, locum esse argumenti sedem: argumentum autem rationem, quæ rei dubiæ faciat fidem. Sed ex his locis, in quibus argumenta inclusa sunt, alij in eo ipso de quo agitur, hærent: alij assumuntur extrinsecus. in ipso, tum ex toto, tum ex partibus eius, tum ex nota, tum ex ijs rebus quæ quodammodo affectæ sunt ad id de quo queritur. Extrinsecus autem ea ducuntur quæ absunt, longeq; disiuncta sunt. Sed ad id totum de quo differitur, tum definitio adhibetur, quæ quasi inuolutum euoluit id de quo queritur. Eius argumenti talis est formula: Ius ciuile est æquitas constituta ijs qui eiusdæ ciuitatis sunt, ad res suas obtinendas. Eius autem æquitatis utilis est cognitio, utilis est ergo iuris ciuilis scientia. Tum partium enumeratio, quæ tractatur hoc modo: Si neq; censu, neq; uindicta, nec testamento liber factus est, non est liber. neq; est ulla earum rerum, non est igitur liber. Tum notatio, cum ex ui uerbi argumentū aliquod elicitur, hoc modo: Cum lex Aelia Sentia asiduum uindicem asiduum esse iubeat, locupletē iubet locupletis: locuples enim asiduius, ut ait Aelius, appellatus ab ere dando. Ducuntur etiam argumenta ex ijs rebus quæ quodammodo affectæ sunt ad id de quo queritur: sed hoc genus in pluribus partibus distributum est. nam q

Locus  
Argumenti



*Argumentum  
multiplex ex  
fonte similitudine*

*Coniugata*

lia coniugata appellamus, alia ex genere, alia ex forma, alia ex similitudine, alia ex differentia, alia ex contrario, alia ex adiunctis, alia ex antecedentibus, alia ex consequentibus, alia ex repugnantibus, alia ex causis, alia ex effectis, alia ex comparatione maiorum, aut pariorum, aut minorum. Coniugata dicuntur, quæ sunt ex uerbis generis eiusdem. Eiusdem autem generis uerba sunt, quæ orta ab uno uarie commutantur, ut sapiens, sapienter, sapientia, hæc uerborum coniugatio *συζωγία* dicitur, ex qua huiusmodi est argumentum: Si 222 compascuus ager est, ius est compascere. A genere (a) sic ducitur: Quoniam argentum omne mulieri legatum est, non potest ea pecunia quæ numerata domi relicta est, non esse legata. Forma enim à genere quoad suum nomen retinet, nunquam seiungitur. Numerata autem pecunia nomen argenti retinet, legata igitur uidetur. A forma generis, quam interdum, quò planius accipitur, partem nominare licet, hoc modo: Si ita Fabiæ pecunia legata est à uiro, si ei uiro materfamilias esset, si ea in manum uiri non conuenerat, nihil debetur. Genus est uxor, eius duæ formæ: una matrumfamilias, earum quæ in manum conuenerunt: altera, earum quæ tantummodo uxores habentur. Quæ in parte cum fuerit Fabia, legatum ei non uidetur. A similitudine, hoc modo: Si ædes excelsæ corruerunt, uitium Æ fecerunt, quarum usus fructus legatus est, hæres restituere non debet, nec reficere, nõ magis quàm seruum restituere: si is cuius usus fructus legatus est, deperisset. A differentia. Nõ si uxori uir legauit omne argentum quod suum esset, idcirco quæ in nominibus fuerunt, legata sunt. Multum enim differt in arca ne positum sit argentum, an in tabulis debeatur. Ex con-



trario autem sic: Non debet ea mulier cui uir bonorum suorum usumfructum legauit, cellis uinarijs & olearijs plenis relictis, putare id ad se pertinere. usus enim non abusus legatus est. Ea sunt inter se contraria. Ab adiunctis: Si ea mulier testamentum fecit, quæ se capite nunquam diminuit, nõ uidetur ex edicto prætoris secundum eas tabulas possessio dari: adiungitur enim ut secundum seruorum, secundum exulum, secundum puerulorum tabulas possessio uideatur ex edicto dari. Ab antecedentibus autem, & consequentibus, & repugnantibus, hoc modò. Ab antecedentibus: Si uiri culpa factum est diuortium, etsi mulier nuncium remisit, tamen pro liberis manere nihil oportet. A consequentibus: Si mulier cum fuisset nupta cum eo, cui connubij ius non esset, nuncium remisit: quoniam qui nati sint, patrem non sequuntur, pro liberis manere nihil oportet. A repugnantibus: Si pater familiæ uxori ancillarum usum fructum legauit a filio, neq; à secundo hærede legauit: mortuo filio, mulier usumfructum non amittet. Quod enim semel testamento alicui datum est, id ab eo inuito, cui datum est, auferri nõ potest: repugnat enim rectè accipere, et inuitum reddere. Ab efficientibus causis, hoc modo: Omnibus est ius parietem directum ad parietem communem adiungere, uel solidum, uel fornicatum: at si quis in pariete communi demoliendo damni infecti promiserit, non debet præstare quod fornix uitij fecerit. non enim eius uitio qui demolitus est, damnum factum est, sed eius operis uitio, quod ita ædificatum est, ut suspendi non possit. Ab effectis rebus, hoc modo: Cum mulier uiro in manum conuenit, omnia quæ mulieris fuerunt, uiri sunt dotis nomine. Ex comparatione autem omnia ualent, quæ



sunt eiusmodi: Quod in re maiore ualet, ualeat in minore, ut si in urbe fines non reguntur, neque aqua in urbe arceatur. Item contrā: quod in minore ualet, ualeat in maiore. licet idem exemplum conuertere. Item quod in re pari ualet, ualeat in hac quæ par est: ut quoniam usus autoritas fundi biennium est, sit etiam ædium. At in lege ædes non appellantur, et sunt cæterarum omnium quarum annuus est usus: ualeat æquitas, quæ paribus in causis paria iura desiderat. Quæ autem extrinsecus assumuntur, ea maxime ex autoritate ducuntur, itaque Græci tales argumentationes ἀνέκχυσς uocant, id est artis expertes. ut si ita respondeas: Quoniam P. Scæuola id solum esse ambitus ædium dixerit, quantum parietis communis tegendi causa tectum proijceretur: ex quo in tectum eius ædeis qui protexisset, aqua deflueret, id tibi ius uideri. His igitur locis, qui sunt expositi, ad omne argumentum reperendum tanquam elementis quibusdam significatio et demonstratio datur. Vtrum igitur hactenus satis est? tibi quidem tam acuto et tam occu-  
pato puto. Sed quoniam auidum hominē ad has discendi epulas recepi, sic accipiam, ut reliquiarum sit potius aliquid, quàm te hinc patiar non satiatū discedere. Quando ergo unusquisque eorum locorum, quos exposui, sua quedam membra habet, ea quàm subtilissimè persequamur, et primum de ipsa definitione dicatur. Definitio est oratio, quæ id quod definitur, explicat quid sit. Definitionum autem duo sunt genera prima: unum earum rerum, quæ sunt: alterum earum, quæ intelliguntur. Esse ea dico, quæ cerni tangiue possunt, ut fundum, ædes, parietem, stillicidium, mancipium, pecudem, supellectilem, penus, et cætera: quo ex genere quæ-



dam interdum nobis definienda sunt. non esse rursus ea  
dico quæ tangi, demonstrari uel non possunt: cerni tamen  
animo, atque intelligi possunt: ut si usucapionem, si tu-  
telam, si gentem, si agnationem definias: quarum rerum  
nullum subest quasi corpus: est tamen quedam confor-  
matio insignita et impressa in intelligentia, quam notio-  
nem uoco, ea sæpè in argumentando definitione expli-  
canda est. Atque etiam definitiones aliæ sunt partitionum,  
aliæ diuisionum. Partitionum, cum res ea quæ propo-  
sita est, quasi in membra discerpitur. ut si quis ius ci-  
uile dicat id esse quod in legibus, senatusconsultis, rebus  
iudicatis, iurisperitorum authoritate, edictis magistra-  
tuum, more, æquitate consistat. Diuisionum autem defi-  
nitio formas omnes cõplectitur, quæ sub eo genere sunt,  
quod definitur hoc modo: (a) Abalienatio, est eius rei 223  
quæ mancipi est, aut traditio alteri nexu, aut in iure ces-  
sio, inter quos ea iure ciuili fieri possunt. Sunt et alia ge-  
nera definitionum: sed ad huius libri institutum illa ni-  
hil pertinent. tantum est dicendum, qui sit definitionis  
modus. Sic igitur ueteres præcipiunt. Cum sumpseris ea  
quæ sunt ei rei quam definire uelis, cum alijs commu-  
nia, usque cõ persequi, dum proprium efficiatur, quod  
nullam in aliam rem transferri possit. ut hoc, Hereditas  
est pecunia. cõmune adhuc: multa enim genera sunt pe-  
cunie. adde quod sequitur: Quæ morte alicuius ad quem-  
piam peruenit. nondum est definitio: multis enim mo-  
dis sine hereditate teneri mortuorum pecuniæ possunt.  
Vnum adde uerbum, Iure. iam à communitate res disiun-  
cta uidebitur, ut sit explicata definitio sic: Hereditas est  
pecunia, quæ morte alicuius ad quempiam peruenit iu-  
re. Nondum est satis, adde: Nec ea aut legata testamentis,



aut possessione retenta. confectum est. Itēque ut illud: Gentiles sunt, qui inter se eodem nomine sunt. non est satis. Qui ab ingenuis oriundi sunt. ne id quidem satis est. Quorū maiorum nemo seruitutem seruiuit. abest etiam nunc. Qui capite non sunt diminuti. hoc fortasse satis est: nihil enim uideo Scaeuolam pontificem ad hanc definitionem addidisse. Atque hæc ratio ualet in utrōq; genere definitionum: siue id quod est, siue id quod intelligitur, definiendum est. Partitionum autem, & diuisionum genus quale esset, ostendimus: sed quid inter se differant, planius dicendum est. In partitione quasi membra sunt, ut corporis, caput, humeri, manus, latera, crura, pedes, etc. In diuisione formæ sunt, quas Græci ἰδέας uocant: nostri, si qui hæc fortē tractant, species appellant: non peſimè id quidem, sed inutiliter ad mutandos casus in dicendo, nolim enim, ne si Latine quidem dici possit, specierum & speciebus dicere. & sæpè his casibus utendum est: at formis, & formarum uelim, cum autem utrōque uerbo idem significetur, commoditatem in dicendo non arbitror negligendam. Genus & formam definiunt hoc modo: Genus est notio ad plures differentias pertinens: Forma est notio, cuius differentia ad caput generis, & quasi fontem referri potest. Notionem appello, quod Græci τὸν οὐνοῦ, τὸν πῶλον dicunt. Ea est insita, & antè percepta cuiusq; formæ cognitio, enodationis indigens. Formæ igitur sunt cæ, in quas genus sine ullius prætermissione diuiditur: ut si quis ius in legem, morem, æquitatem diuidat. Formas qui putat idem esse quod partes, confundit artem: & similitudine quadam conturbatus, non satis acutè, quæ sunt secernenda, distinguit. Sæpè etiam definiunt & oratores &



poëta per translationem uerbi ex similitudine cum qua  
dam suauitate. Sed ego à uestris exemplis (b) nisi necessa  
rio non recedam. Solebat igitur Aquilius collega et fami  
liaris meus, cū de littoribus ageretur, quæ omnia publi  
ca esse uultis, querentib. ijs ad quos id pertinebat, quid  
esset littus, ita definire, quæ fluctus eluderet. hoc est, qua  
si qui adolescentiā florem ætatis, senectutē occasum uitæ  
uelit definire. Translatione enim utens, discedebat à uer  
bis proprijs rerum, ac suis. Quod ad definitiones attinet  
hactenus, reliqua uideamus. Partitione autē sic utendū  
est, nullā ut partem relinquas: ut si partiri uelis tutelas,  
inscienter facias, si ulla prætermittas. at si stipulatio  
nem, aut iudiciorum formulas partiare, non est uitiosum  
in re infinita prætermittere aliquid, quod idem in diui  
sione uitiosum est. Formarum enim certus est numerus,  
quæ cuiq; generi subiiciantur. Partium distributio sepe  
est infinitior, tanquam riuorum à fonte deductio. Itaq;  
in oratorijs artibus quæstionis genere proposito, quot  
eius formæ sint, subiungitur absolutē. At cum de orna  
mentis uerborum, sententiarumq; præcipitur, quæ uo  
cantur *οὐκ ἔχοντα*, non sit idem: res enim est infinitior,  
ut ex hoc quoq; intelligatur, quod uelimus inter parti  
tionem & diuisionem interesse. Quanquam enim uoca  
bula propē idem ualere uideantur: tamen quia res diffē  
rebant, nomina rerum distare uoluerunt. Multa etiam  
ex notatione sumuntur. ea est autem, cum ex ui nominis  
argumentum elicitur, quam Græci *ἐτυμολογία* uo  
cant, id est uerbum ex uerbo, ueriloquium. nos autē no  
uitatē uerbi non satis apti fugientes, genus hoc notatio  
nem appellamus: quia sunt uerba rerum notæ. Itaq; hoc  
idē Aristoteles *ἐνυμολογία* appellat, quod Latine est no



ta. Sed cum intelligitur quid significetur, minus laborandum est de nomine. Multa igitur in disputando notatio-  
 ne eliciuntur ex uerbo: ut cum quaeritur postliminiū quid  
 sit, non dico quæ sint postliminij: nam id caderet in diui-  
 sionem, quæ talis est. Postliminio redeunt hæc: homo, na-  
 uis, mulus clitellarius, equus, equa quæ frena recipere  
 solet: sed cum ipsius postliminij uis quaeritur, & uerbū  
 ipsum notatur, in quo Seruius noster (ut opinor) nihil  
 putat esse notandum, nisi post, & liminium illud pro-  
 ductionem esse uerbi uult: ut in finitimo, legitimo, editi-  
 mo, non plus inesse timum, quàm in meditullio tullium.  
 Sexuola autem P. filius iunctum putat esse uerbū, ut sit  
 in eo, & post, & limen. ut quæ à nobis alienata sunt, cū  
 ad hostem peruenerint, & ex suo tanquam limine exie-  
 rint: hinc cum redierint post ad idem limen, postliminio  
 uideantur rediisse. Quo in genere etiam Mancini causa  
 defendi potest, postliminio rediisse, deditū non esse, quo-  
 niam non sit receptus. Nam neq; deditionem, neq; dona-  
 tionem sine acceptione intelligi posse. Sequitur is locus,  
 224 qui constat (a) ex ijs rebus, quæ quodammodo affectæ  
 sunt ad id de quo ambigitur, quem modò dixi in plures  
 partes distributum. cuius primus est locus ex coniuga-  
 tione, quam Græci συζυγία uocant, finitimus notatio-  
 ni, de qua modò dictum est: ut si aquam pluuiam eam  
 modò intelligeremus, quam imbri collectam uideremus:  
 ueniret Mutius, qui, quia cōiugata uerba essent pluuia  
 & pluendo, diceret omnē aquam oportere arceri quæ  
 pluendo creuisset. Cum autē à genere ducetur argumen-  
 tum, non erit necesse id usq; à capite accedere: sepē etiā  
 citrà licet, dum modò suprā sit quod sumitur, quàm id  
 ad quod sumitur: ut aqua pluuia ultimo genere ea est,



quæ de coelo ueniens crescit imbri: sed pro priore loco, in quo quasi ius arcendi continetur, genus est, aqua pluuia nocens, eius generis forma, loci uitio, & manu nocens; quarum altera iubetur ab arbitro coerceri, altera non iubetur. Commodè etiā tractatur hæc argumentatio, quæ ex genere sumitur, cum ex toto persequare partes, hoc modo: Si dolus malus est, cum aliud agitur, aliud simulatur, enumerare licet, quibus id modis fiat: deinde in coram aliquo id quod arguas, dolo malo factum includere, quod genus argumenti in primis firmum uideri solet. Similitudo sequitur, quæ latè patet, sed oratoribus & philosophis magis quam uobis. Etsi enim omnes loci sunt omnium disputationum ad argumenta suppedianda, tamen alijs disputationibus abundantius occurrunt, alijs angustius. Itaque genera tibi nota sint: ubi autem his uita re, quæstiones ipsæ te admonebunt. Sunt enim similitudines, quæ ex pluribus collationibus perueniunt quod uolunt, hoc modo: Si tutor fidem præstare debet, si socius, si cui mandaris, si qui fiduciam acceperit, debet etiam procurator. Hæc ex pluribus perueniens quod uult, appellatur inductio, quæ Græcè *παράγωγος* nominatur, quæ plurimum est usus in sermonibus Socrates. Alterum similitudinis genus collatione sumitur, cum una res uni, par pari comparatur, hoc modo: Quemadmodum si in urbe de finibus controuersia est, quia fines magis agrorum uidentur esse quam urbis, finibus regendis adigere arbitrum non possis. Sic si aqua pluuia in urbe nocet, quoniam niam res tota magis agrorum est, aquæ pluuie arcende adigere non possis arbitrum. Ex eodem similitudinis loco etiam exemplum sumuntur: ut Crassus in Curiana causa exemplis plurimis usus est, agens de eo qui testamento sic



heredem instituisse, ut si filius natus esset in decem mensibus, isq; mortuus prius quam in sua tutelam uenisset, secundus heres hereditatem obtinisset. quæ commemoratio exemplorum ualuit, eaq; uos in respondendo uti multum soletis. Ficta etiam exempla similitudinis habent uim: sed ea oratoria magis sunt, quam uestra. (b) quanquam uti etiam uos soletis, sed hoc modo: Finge mancipio aliquem dedisse id quod mancipio dari non potest: num idcirco id eius factum est qui accepit? aut num is qui mancipio dedit, ob eam rem se ulla re obligauit?

In hoc genere oratoribus et philosophis concessum est, ut muta etiam loquantur, ut mortui ab inferis excitentur: aut aliquid, quod fieri nullo modo possit, augenda rei gratia dicatur, aut minuenda, quæ hyperbole dicitur: et multa mirabilia alia. Sed latior est campus illorum, eis tamen ex locis (ut ante dixi) et in maximis et in minimis questionibus argumenta ducuntur.

Sequitur similitudinem differentiæ rei, maxime contraria superiori: sed est eiusdem dissimile et simile inuenire. eius generis hæc sunt: Non quemadmodum quod mulieri debeas, recte ipsi mulieri sine tutore authore soluas: ita quod aut pupillæ, aut pupillo debeas, recte possis eodem modo soluere. Deinceps locus est qui à contrario dicitur. Contrarium autem genera sunt plura: Vnum eorum quæ in eodem genere plurimum differunt, ut sapientia, stulticia. Eodem autem genere dicuntur, quibus propositis, occurrunt tanquam è regione quadam contraria: ut celeritati tarditas, non debilitas: ex quibus contrarijs argumenta talia existunt. Si stulticiam fugimus, sapientiam sequamur: et bonitatem, si maliciam. hæc quæ ex eodem genere contraria sunt, appellantur aduersa.



Sunt enim alia contraria, quæ priuantia licet appellemus Latine, Græcè appellantur *σπερτινά*. Præpositio enim In, priuat uerbum ea ui, quam haberet, si In præpositum non fuisset: ut dignitas indignitas, humanitas inhumanitas, & cætera generis eiusdem. quorum tractatio est eadem quæ superiorū, quæ aduersa dixi. Nam alia quoque sunt contrariorum genera, uelut ea quæ cum aliquo conferuntur: ut, duplum, simplum, multa, pauca, longum, breue, maius, minus. Sunt etiā ualde contraria alia, quæ appellantur negantia, ea *ἀποσπερτινά* Græci, contraria aientibus: ut, Si hoc est, illud non est. Quid enim opus exemplo est? tantum intelligatur argumento querendo, contrarijs omnibus contraria nō conuenire.

Ab adiunctis autem posui equidē exemplum paulō antè: multa scilicet adiungi, quæ suscipienda essent, si statuissemus ex edicto prætoris secundum eas tabulas possessionē dari, quas is instituisset, cui testamenti factio nulla esset. Sed locus hic magis ad coniecturales causas, quæ uersantur in iudicijs, ualet: cum queritur quid aut sit, aut euenerit, aut futurum sit, aut quid omnino fieri possit: ac loci quidem ipsius forma talis est. Admonet autem hic locus, ut queratur quid ante rem, quid cum re, quid post rem euenerit. Nihil hoc ad ius, ad Ciceronem inquit Gallus noster: si quis ad eū quid tale retulerat, ut de (a) facto quereretur. Tu tamen patiē nullum à me artis instituta locum præteriri, ne si nihil nisi quod ad te pertineat scribendum putaris, nimium te amare uideare. Est igitur magna ex parte locus hic oratorius: non modò non iuriconsultorum, sed ne philosophorum quidem. Antè rem enim queruntur, quæ talia sunt, apparatus, colloquia, locus, constitutum conuiuium. Cum



re autem, pedum crepitus, strepitus hominum, corporum umbra, et si quid eiusmodi. At post rem, rubor, palor, titubatio, si qua alia signa conturbationis et conscientiae. praeterea restinctus ignis, gladius cruentus, caeteraq; quae suspicionem facti possunt mouere. Deinceps est locus dialecticorum proprius ex consequentibus et antecedentibus, et repugnantibus, qui etiam ab adiunctis longè diuersus est. Nam adiuncta, de quibus paulo ante dictum est, non semper eueniunt: consequentia autem semper. Ea enim dico consequentia, quae rem necessariò consequuntur. Itemq; et antecedentia, et repugnantia: quicquid enim antecedit quamq; rem, id cohaeret cum re necessariò: et quicquid repugnat, id eiusmodi est, ut cohaerere nunquam possit. Cum tripartito igitur distribuatur locus hic in consecutionem, antecessionem, repugnantiam, reperiendi argumenti locus simplex est, tractandi triplex. Nam puid interest, cum hoc sumpseris, pecunià numeratam mulieri deberi, cui sit omne argentū legatum, utrum hoc modo cōcludas argumentū? Si pecunia signata argentum est, legata est mulieri: est autem pecunia signata argentum, legata igitur. An illo modo? Si numerata pecunia non est legata, non est numerata pecunia argentum. est autem numerata pecunia argentum, legata igitur est. An illo modo? Non et legatum argentū est, et non legata numerata pecunia: legatum autem argentum est, legata igitur numerata pecunia est. Appellant autem dialectici eam conclusionem argumenti, in qua cum primū assumpseris, consequitur id quod annexum est, primum cōclusionis modum. Cum id quod annexum est, negaris ut id quoq; cui fuerit annexum, negandum sit: secundus appellatur concludendi



modus. Cum autem aliqua coniuncta negaris, & his alia negatio rursus adiungitur, & ex his primum sumpseris, ut quod relinquitur tollendum sit, is tertius appellatur conclusionis modus. Ex hoc illa rhetorum sunt ex contrarijs conclusa, quæ ipsi enthymemata appellant: non quod non omnis sententia proprio nomine enthymema dicatur, sed ut Homerus propter excellentiam commune poetarum nomen effecit apud Græcos suum: sic cum omnis sententia enthymema dicatur, quia uidetur ea quæ ex contrarijs conficiatur acutissima, sola propriè nomen commune possidet. eius generis (b) hæc sunt: Hunc metuere, alterum in metu non ponere: eam quam nihil accusas, damnas: bene quam meritam esse autumas, dicis malè mereri: id quod scis, prodest: nihil id quod nescis, obest. Hoc differendi genus attingit omnino uestras quoque in respondendo disputationes: sed philosophorum magis, quibus est cum oratoribus illa ex repugnantibus sententijs communis conclusio, quæ à dialecticis tertius modus, à rhetoribus enthymema nuncupatur. Reliqui dialecticorum modi plures sunt, qui ex disunctionibus constant: aut hoc, aut illud: hoc autem non, non igitur illud. Itemque, aut hoc aut illud: non autem hoc, illud igitur. Quæ conclusiones idcirco ratione sunt, quod in disunctione plus uno uerum esse non potest. Atque ex ijs conclusionibus quas supra scripsi, prior quartus, posterior quintus à dialecticis modus appellatur. Deinde addunt coniunctionum negantiam, sic: Non & hoc est, & illud: hoc autem, non igitur illud. hic modus est sextus. Septimus autem, Non et hoc, & illud: non autem hoc, illud igitur. Ex his modis conclusiones innumerabiles nascuntur, in quo est fere tota dialectica



ca. Sed ne ea quidem quas exposui, ad hanc institutionem necessaria. Proximus est locus rerum efficientium, quæ causæ appellantur: deinde rerum effectarum ab efficiantibus causis. Harum exempla ut reliquorum locorum, paulò antè posui, & quidem ex iure ciuili: sed hæc patent latius. Causarum igitur genera duo sunt: Vnum, quod ui sua id quod sub ea subiectum est, certè efficit: ut ignis accendit. Alterum, quod naturam efficiendi non habeat, sed sine quo effici non possit. ut, si quis æs causam statuæ uelit dicere, quòd sine eo non possit effici. huius generis causarum sine quo non efficitur. Alia sunt quieta, nihil agentia, stolidi quodammodo: ut locus, tempus, materia, ferramenta, & cetera generis eiusdem. Alia autem præcursionem quandam adhibent ad efficiendum, & quedam asserunt per se adiuuanti, et si non necessaria: ut amorì congregio causam attulerit, amor flagitio. Ex hoc genere causarum ex æternitate pendendum, fatum à Stoicis nectitur. Atque ut earum causarum sine quibus effici non potest, genera diuisi: sic etiam efficientium diuidi possunt. Sunt enim alia causæ quæ planè efficiant, nulla re adiuuante: alia quæ adiuuari uelint, ut sapientia efficit sapientes sola per se: beatos efficiat, nec ne, sola per se, quæstio est. Quare cum in disputationem inciderit causa efficiens aliquid necessariò, sine dubitatione licebit quod efficitur ab ea causa concludere. Cum autem erit talis causa, ut in ea non sit efficiendi necessitas, necessaria conclusio non sequitur. Atq; illud quidem genus causarum, quod habet uim efficiendi (a) necessariam, errorem asserre non ferè solet: hoc autem, sine quo non efficitur, sæpè conturbat. Non enim si sine parentibus filij esse non possunt, propterea



causa fuit in parentibus gignendi necessaria. hoc igitur, sine quo non fit, ab eo in quo certe fit, diligenter est separandum: illud enim est tanquam, Vtinam ne in nemore Pelio securibus Cæsæ cecidissent abiegnæ ad terram trabes. nisi enim cecidissent abiegnæ ad terram trabes, Argo illa facta non esset: nec tamen fuit in his trabibus efficiendi vis necessaria. At cum in Aiæcis nauim crispisulcans igneum fulmen iniectum est, inflammatur nauis necessario. Atque etiam est causarum dissimilitudo, quod aliæ sunt, ut sine ulla appetitione animi, sine uoluntate, sine opinione, suum quasi opus efficiant: uel ut omne intereat quod ortum est. Aliæ autem aut uoluntate efficiuntur, aut perturbatione animi, aut habitu, aut natura, aut arte, aut casu. Voluntate, ut tu cum hunc libellum legis. Perturbatione, ut si quis euentum horum temporum timeat. Habitu, ut facile et citò trascatur. Natura, ut uitium in dies crescat. Arte, ut benè pingat. Casu, ut prospere nauiget. Nihil horum sine causa, nec quicquam omnino: sed huiusmodi causæ non necessariae. Omnium autem causarum in alijs inest constantia, in alijs non inest. In natura et in arte constantia est, in cæteris nulla. Sed tamen earum causarum quæ non sunt constantes, aliæ sunt perspicuæ, aliæ latent. Perspicuæ sunt, quæ appetitionem animi iudiciumque tangunt: latent, quæ subiectæ sunt fortune. Cum enim nihil sine causa fiat, hoc ipsum est fortune: euentus obscura causa, quæ latenter efficitur. Etiam ut ea quæ fiunt, partim sint ignorata, partim uoluntaria. Ignorata, quæ necessitate affecta sunt: uoluntaria, quæ consilio. Quæ autem fortuna, uel ignorata, uel uoluntaria. Nam iacere telum uoluntatis est:



ferire quem nolueris, fortuna. Ex quo aries ille subijci-  
tur in uestris actionibus : Si telum manu fugit, magis  
quàm iecit. Cadunt in ignoracionem atq; imprudentiam  
perturbationes animi, quanquam sint uoluntaria : ob-  
iurgatione enim & admonitione deijciuntur: tamen ha-  
bent tantos motus, ut ea quæ uoluntaria sunt, aut neces-  
saria interdū, aut certè ignorata uideantur. Toto igitur  
loco causarum explicato, ex earum differentia in magnis  
quidē causis uel oratorum, uel philosophorum, magna  
argumentorum suppetit copia. In uestris autem si non  
uberior, at fortasse subtilior, Priuata enim iudicia maxi-  
marum quidē rerum in Iuris consultorum mihi uiden-  
tur esse prudentia. Nam & adsunt multum, & adhi-  
bentur in consilio, & patronis diligentibus (b) ad eo-  
rum prudentiam confugientibus, hastas ministrant. In  
omnibus igitur ijs iudicijs, in quibus, ex fide bona est  
additū: ubi uerò etiam, ut inter bonos bene agi oportet:  
in primisq; in arbitrio rei uxoriæ, in quo est, quid æ-  
quius, melius, parati esse debent. Illi enim dolum malum,  
illi fidem bonam, illi æquum bonum, illi quid socium so-  
cio: quid eum qui negocia aliena curasset, ei cuius ea ne-  
gocia fuissent: quid eam qui mandasset, eum uero cui man-  
datum esset, alterum alteri præstare oporteret: quid ui-  
rum uxori, quid uxorem uiro, tradiderunt. Licebit igi-  
tur, diligenter cognitis argumentorum locis, non modò  
oratoribus & philosophis, sed iuris etiam peritis, copio-  
se de consultationibus suis disputare. Coniunctus huic  
causarum loco locus ille est, qui efficitur ex causis. Ut  
enim causa effectum indicat, sic quod effectum est, quæ  
fuerit causa demonstrat. hic locus suppetitare solet ora-  
toribus & poetis, sæpe etiam philosophis: sed ijs qui



ornatè & copiose loqui possunt, mirabilem copiam dicendi, cum denūciant quid ex quaq; res sit futurū. Causarum enim cognitio, cognitionem euentorum facit. Reliquus est comparationis locus, cuius genus et exemplum suprà positum est, ut cæterorum: nunc explicanda tractatio est. Comparantur igitur ea quæ aut maiora, aut minora, aut paria dicuntur, in quibus spectantur hæc: Numerus, species, uis, quædam etiam ad res aliquas affectio. Numero sic comparabuntur, ut plura bona paucioribus bonis anteponantur: pauciora mala, malis pluribus: diuturniora bona, breuioribus: longè & latè peruagata, angustis, ex quibus plura bona propagentur, quæq; plures imitentur & faciant. Specie autem comparantur, ut anteponantur quæ propter se expetenda sunt, ijs quæ propter aliud: & ut innata atq; instita, assumptis & aduentitijs: integra, contaminatis: iucunda, minus iucundis: honesta, ipsis etiam utilibus: procliuia, laboriosis: necessaria, non necessarijs: sua, alienis: rara, uulgaribus: desiderabilia, ijs quibus facillè carere possis: perfecta, inchoatis: tota, partibus: ratione utentia, rationis expertibus: uoluntaria, necessarijs: animata, inanimatis: naturalia, non naturalibus: artificiosa, non artificiosis. Vis autem in comparatione sic cernitur: efficiens causa grauior quàm non efficiens: quæ se ipsis contenta sunt, meliora quàm quæ egent alijs: quæ in nostra quàm quæ in aliorum potestate sunt: stabilia, incertis: quæ eripi non possunt, ijs quæ possunt. Affectio autem ad res aliquas est huiusmodi: Principum commoda maiora, quàm reliquorum. Itemq; quæ iucundiora, quæ pluribus probata, quæ ab optimo quodq; laudata. Atque ut hæc in comparatione meliora, sic deteriora quæ ijs sunt (a) contraria.



Parium autem comparatio nec elationem habet, nec submissionem: est enim æqualis. Multa autem sunt quæ æqualitate ipsa comparantur, quæ ita ferè cōcluduntur. Si consilio iuuare ciues, & auxilio, æqua in laude ponendum est: pari gloria debent esse ij qui consulunt, & ij qui defendunt. at quod primum est, quod sequitur igitur. Perfecta est omnis argumentorum inueniendorum præceptio, ut cum profectus sis à definitione, à partitione, à notatione, à coniugatis, à genere, à forma, à similitudine, à differentia, à contrarijs, ab adiunctis, à consequentibus, ab antecedentibus, à repugnantibus, à causis, ab affectis, à comparatione maiorum, minorum, parium: nulla præterea sedes argumenti querenda sit. Sed quoniam ita à principio diuissimus, ut alios locos dicemus in eo ipso de quo ambigitur, hæere, de quibus satis est dictum: alios assumi extrinsecus: de ijs pauca dicemus, etsi ea nihil omnino ad uestras disputationes pertinent: sed tamen totam rem perficiamus, quandoquidem coepimus. Neq; enim tu is es, quem nihil nisi ius ciuile delectet. & quoniam ad te hæc ita scribuntur, ut etiam in aliorum manus sint uentura, detur opera, ut quàm plurimum ijs quos recta studia delectant, prodesse possimus. Hæc ergo argumentatio quæ dicitur artis experts, in testimonio posita est. Testimonium autē nunc dicimus, omne quod ab aliqua re externa sumitur ad faciendam fidem. Persona autem non qualiscunq; testimonij pondus habet: ad faciendam enim fidem autoritas queritur. Sed autoritatem aut natura, aut tempus affert. Naturæ autoritas in uirtute inest maxime.

In tempore autem multa sunt quæ afferant autoritatem: ingenium, opes, ætas, fortuna, ars, usus, necessi-



tas, concursio etiam nonnunquam rerum fortuitarum. Nam & ingeniosos, & opulentos, et ætatis spacio probatos, dignos quibus credatur putant, non rectè fortasse, sed uulgi opinio mutari uix potest. ad eamq; omnia dirigunt, et qui iudicant, & qui existimant: qui enim his rebus quas dixi excellūt, ipsa uirtute uidentur excellere. Sed reliquis quoq; rebus quas modò numerauī: quanquā in ijs nulla species uirtutis est, tamen interdum cōfirmatur fides, si aut ars quædam adhibetur: magna enim est uis ad persuadendum scientiæ, aut usus: plerunque enim credi. ur ijs qui experti sunt. Facit etiam necessitas fidē, quæ cūm à corporibus, tūm ab animis nascitur. nam & uerberibus torti, & igni fatigati, quæ dicunt, ea uidetur ueritas ipsa dicere: & quæ à perturbationibus animi sunt, dolore, cupiditate, iracundia, metu, quia necessitatis uim habent, afferunt authoritatem et fidem. Cuius generis etiam illa sunt, ex quibus nonnunquā uerum inuenitur, pueritia, somnus, imprudentia (b) uinolentia, insania. nam & pueri sæpè indicauerunt aliquid, ad quod pertineret ignari: et per somnum, uinum, insaniam, multa sæpè patefacta sunt. Multi etiam in res odiosas imprudentes inciderunt, ut Staleno nuper accidit: qui ea locutus est bonis uiris subauscultantibus pariete interposito, quibus patefactis, in iudiciūq; prolatis, rei capitalis iure damnatus est. Huic simile quiddam de Lacedæmonio Pausania accepimus. Concursio autem fortuitarum talis est, ut si interuentū est casu, cum aut ageretur aliquid, quod proferendū non esset, aut diceretur. In hoc genere etiam illa est in Palamedem coniecta suspicionū proditionis multitudo, quod genus refutare interdum ueritas uix potest. Huius etiam generis est fama uulgi



quoddam multitudinis testimonium. Quæ autē uirtutē fidem faciunt, ea bipartita sunt. Ex quibus alterū natura ualet, alterum industria. deorum enim uirtus natura ex cellit: hominum autem industria. Diuina hæc ferē sunt testimonia. Primum orationis: oracula enim ex eo ipso appellata sunt, quod inest his deorum oratio. Deinde rerum, in quibus insunt quasi opera diuina quædam: primum ipse mundus, eiusq; omnis ordo et ornatus: deinceps ærei uolatus auium atq; cantus: deinde eiusdem æris sonitus et ardores, multarumq; rerum in terra portenta, atq; etiam per exta inuenta præsentio. à dormientibus quoq; multa significata uisis: quibus ex locis sumi interdum solent ad fidem faciendam testimonia deorum. In homine uirtutis opinio ualet plurimum: opinio autem est non modò eos uirtutem habere qui habeant, sed eos etiam qui habere uideantur. Itaq; quos ingenio, quos studio, quos doctrina præditos uident, quorumq; uitam constantem et probatam, ut Catonis, Lælij, Scipionis, aliorumq; plurimum, rentur eos esse, quales se ipsi uelint. Nec solùm censent eos tales esse qui in honoribus populi atq; in Repub. uersantur: sed et oratores, et philosophos, et poëtas, et historicos: ex quorum et dictis et scriptis sæpe authoritas petitur ad faciendam fidem. Expositis omnibus argumentandi locis, illud primum intelligendum est: nec ullam esse disputationem in qua non aliquis locus incurrat: nec ferē omneis locos incidere in omnem quæstionē, et quibusdam quæstionibus alios, quibusdam esse alios aptiores locos. Quæstionum duo sunt genera: alterum infinitum, alterum definitum. Definitum est quod ὁρίσθη Græci, nos causam: Infinitum, quod ἄπειρα illi appellant, nos propositum possumus no-



minare. Causa certis personis, locis, temporibus, actionibus, negocijs cernitur: aut in omnibus, aut in plerisque eorum. Propositū autem in aliquo eorum, aut in pluribus, nec tamen in maximis. Itaq; propositum (a) pars causa est. Sed omnis quæstio earum aliqua de re est, quibus cause cōmentur, aut una, aut pluribus, aut nonnunquam omnibus. Quæstionū autem, quacūq; de re sint, duo sunt genera: unum cognitionis, alterum actionis. 228

Cognitionis sunt ea, quarum finis est scientia: ut si queratur, à natura ne ius profectū sit, an ab aliqua quasi conditione hominum, et passione. Actionis autem huiusmodi exempla sunt: Sit ne sapientis, ad Rempub. accedere. Cognitionis quæstiones tripartitæ sunt, cum an sit, aut quid sit, aut quale sit queritur: horum primum coniectura, secundum definitione, tertium iuris et iniuriæ distinctione explicatur. Coniecturæ ratio in quatuor partes distributa est: quarum una est cum queritur, sitne aliquid: altera, unde ortum sit: tertia, quæ id causa esse fecerit: quarta, in qua de mutatione rei queritur, sit necne: sic, ecquid nam honestum sit, ecquid æquum reuera? an hæc tantum in opinione sint? Vnde autem sit ortum, ut cum queritur, natura an doctrina possit effici uirtus. Causa autem efficiens sic: ut cum queritur, quibus rebus eloquentia efficiatur. De commutatione sic, possit ne eloquentia commutatione aliqua conuerti in infantiam. Cum autem quid sit queritur, notio explicanda est, et proprietates, et diuisio, et partitio: hæc enim sunt definitioni attributa: additur etiam descriptio, quam Græci *ὑποκρίματα* uocant. Notio sic queritur, sit ne id æquum, quod ei qui plus potest, utile est. Proprietates sic, in hominem ne solum cadat, an etiam in bellus ægrit



do. Diuisio, & eodem pacto partitio sic: Triâ ne genera bonorum sint. Descriptio, qualis sit auarus, qualis assentator, ceteraq; eiusdem generis, in quibus natura & uita describitur. Cùm autem quæritur quale quid sit, aut simpliciter quæritur, aut comparatè. Simpliciter, expetenda ne sit gloria. Comparatè, præponenda ne sit diuitijs gloria. Simplicium tria genera sunt, de expetendo fugiendoq; , de æquo & iniquo, de honesto & turpi. Comparisonum autem duo: unum de eodem & alio , alterum de maiore & minore. De expetendo & fugiendo, huiusmodi ; Si expetendæ diuitiæ, si fugienda paupertas. De æquo & iniquo ; Aequum ne sit ulcisci à quocunque iniuriam acceperis. De honesto & turpi, honestum ne sit pro patria mori. Ex altero autem genere quod erat bipartitum , unum est de eodem & alio ; ut si quærat quid intersit inter amicum & assentatorem, regem & tyrannum. Alterum de maiore & minore ; ut si quærat, eloquentia ne pluris sit, an iuris ciuilis scientia. De cognitionis quæstionibus hactenus. Actionis reliquæ sunt, quarum duo sunt genera: unum ad officium, alterum (b) ad motum animi uel gignendum , uel sedandum , plane ue tollendum. Ad officium sic, ut cùm quæritur, suscipiendi ne sint liberi. Ad mouendos animos, cùm sunt cohortationes ad defendendam Rempub. ad gloriam & ad laudem: quæ ex genere sunt querelæ , incitationes, miserationesq; flebiles: rursusq; oratio, tum iracundiam restringens, tum metum eripiens, tum exultantem leticiam comprimens, tum ægritudinem abstergens. Hæc cùm in propositionis quæstionibus genera sint, eadem in causas transferuntur. Loci aut quæ ad quasq; quæstiones accommoda-



ti sunt, deinceps est uidendum. Omnes quidem illi quos  
suprà diximus, ad plerascq; sunt: sed alij ad alias, ut dixi,  
aptiores. Ad coniecturam igitur maxime apta quæ ex  
causis, quæ ex effectis, quæ ex coniunctis sumi possunt.  
Ad definitionem autē pertinet ratio & scientia definiendi.  
atq; huic generi finitimum est illud quod appellari  
de eodem et altero diximus, quod genus forma quædam  
definitionis est. Si enim quærat, idem ne sit pertinacia  
& perseuerantia, definitionibus iudicandum est. Lo-  
ci autem conuenient in eius generis quæstionem, conse-  
quentes, antecedentes, repugnantes: adiunctis etiam  
duobus ijs qui sumuntur ex causis et effectis. Nam si hæc  
rem illa sequitur, hanc autē non sequitur: aut si huic rei  
illa antecedit, huic non antecedit: aut si huic rei repu-  
gnat, illi non repugnat: aut si huic rei hæc, illius alia cau-  
sa est: aut si ex alio hoc, ex alio illud effectum est, ex  
quouis horum, id de quo quæritur, idēne an aliud sit,  
inueniri potest. Ad tertium genus quæstionis, in quo qua-  
le sit quæritur, in comparationem ea cadunt quæ paulò  
antē in comparationis loco enumerata sunt. In id autem  
genus, in quo de expetendo fugiendoq; quæritur, adhi-  
bentur ea quæ sunt aut animi, aut corporis, aut externa  
uel commoda, uel incommoda. Itemq; cum de honesto  
turpiq; quæritur, ad animi bona uel mala omnis dirigen-  
da oratio est. Cum autem de æquo et iniquo differitur,  
æquitatis loci colliguntur. hi cernuntur bipartitò, &  
natura, & instituto. Natura parteis habet duas, tuitio-  
nem sui, & ulciscendi ius. Institutio autem æquitatis tri-  
partita est. Vna pars legitima est, altera conueniens, ter-  
tia moris uetustate confirmata. Atq; etiam rursus æqui-  
tas tripartita dicitur esse, una ad superos deos, altera ad



manes, tertia ad homines pertinere. Prima pietas, secunda sanctitas, tertia iusticia aut æquitas nominatur. De proposito satis multa, deinceps de causa pauciora dicenda sunt. Pleraq; enim sunt ei cum proposito communia. Tria sunt igitur genera causarum, iudicij, deliberationis, laudationis. quarum fines ipsi declarant, quibus utendum locis sit. Nam iudicij finis est ius, ex quo etiam nomen iuris autem partes tum exposte, cum (a) equitatis. Deliberandi finis, utilitas. cuius ea partes quæ modo exposte rerum expetendarum. Laudationis finis honestas, de qua est ante item dictum. Sed definitæ quæstiones à suis quoq; locis quasi proprijs instituuntur, in accusationem defensionemq; partitæ, in quibus existunt hæc genera: ut accusator personam arguat facti: defensor aliquid opponat de tribus, aut non esse factum, aut si sit factum, aliud eius facti nomen esse, aut iure esse factum. Itaq; aut inficialis, aut coniecturalis prima appellatur, definitiua altera: tertia, quamuis molestum nomen hoc sit, iuridicialis uocetur. Harum causarum propria argumenta ex ijs sumpta locis, quos exposuimus, in præceptis oratorijs explicata sunt. Refutatio autem accusationis, in qua est depulso criminis, quæ Græcè *ἀποκρίσις* dicitur, Latine appelletur status, in quo primū insistit quasi ad repugnandum congressa defensio. Atq; etiam in deliberationibus & laudationibus iisdem existunt status. Nam & negantur sæpè ea futura quæ ab aliquo in sententia dicta sunt fore: si aut omnino fieri non possint, aut sine summa difficultate non possint. In qua argumentatione status coniecturalis existit. At cum aliquid de utilitate, honestate, æquitate differitur, deq; ijs rebus quæ his sunt contrariæ, incurrunt status aut in



ris, aut nominis. quod idem contingit in laudationibus. nam aut negari potest id factum esse, quod laudatur: aut non eo nomine afficiendum, quo laudator affecerit: aut omnino non esse laudabile, quod non recte, non iure factum sit. Quibus omnibus generibus usus est nimis impudenter Caesar contra Catonem meum. Sed quæ ex statu contentio efficitur, eam Græci *λεξιωνομα* uocant. mihi placet id, quoniam quidem ad te scribo, quæ de re agitur, uocari. Quibus autem hoc, quæ de re agitur, continetur, hæc continentia uocentur, quasi firmamenta defensionis, quibus sublati defensio nulla sit. Sed quoniam lege firmitus in controuersijs disceptandis esse nihil debet, danda est opera ut legem adiutricem & testem adhibeamus. In quare alij quasi status existunt noui, qui appellantur legitimæ disceptationes. Tum enim defenditur non id legem dicere quod aduersarius uelit, sed aliud. id autem cōtingit, cum scriptum ambiguum sit, ut duæ differentes sententiæ accipi possint. Tum opponitur scripto uoluntas scriptoris, ut queratur uerba ne plus, an sententia ualere debeat. Tum legi lex contraria affertur. Ita sunt tria genera quæ controuersiam in omni scripto facere possunt, ambiguum, discrepantia scripti & uoluntatis, scriptura contraria. Iam hoc perspicuum est, non magis in legibus quàm in testamentis, in stipulationibus, in reliquis rebus quæ ex scripto aguntur, posse controuersias easdem existere. Horum tractationes (b) in alijs libris explicantur. Nec solum perpetuæ actiones, sed etiam partes orationis iisdem locis adiuuantur, partim proprijs, partim communibus, ut in principijs, quibus ut beneuoli, ut dociles, ut attentī sint qui audiant, efficiendum est proprijs locis. Itemq; narrationes, ut ad



suos fines spectent: id est ut plana sint, ut breues, ut euidentēs, ut credibiles, ut morata, ut cum dignitate. Quæ quāquam in tota oratione esse debent, magis tamen sunt propria narrandi. Quæ autē consequitur narrationem fides, ea persuadendo quoniā efficitur: qui ad persuadendū loci maxime ualeant, dictū est in ijs in quibus de omni Ratione dicendi diximus. Peroratio autē et alia quædam habet, & maxime amplificationem: cuius effectus is debet esse, ut aut perturbentur animi, aut tranquillentur. et si ita iam affecti antē sunt, ut augeat eorū motus, aut sedet oratio. Huic generi, in quo & misericordia, & iracundia, & odiū, & inuidia, & ceteræ animi affectiones perturbantur, præcepta suppeditantur alijs in libris, quos poteris mecum legere cū uoles. Ad id autem quod te uelle senseram, cumulātē satisfactum esse debet uoluntati tuæ. Nam ne præterirem aliquid, quod ad argumentum in omni ratione reperendum pertineret, plura quā a te desiderata erant sum complexus. feci; quod sæpē liberales uenditores solent, ut cū eades fundum uendiderint, rutis cæsis receptis: concedant tamen aliquid emptori, quod ornandi causa aptē et loco positum esse uideatur. Sic tibi nos ad id quod quasi mancipio dare debuimus, ornamenta quædam uoluimus, non debita, accedere.



## M. T. CICERONIS

DE PARTITIONE ORA-  
toria. Dialogus.

CICERO FILIVS.



TVDEO, mi pater, Latine ex te audire, ea quæ mihi tu de Ratione dicendi Græcè tradidisti, si modò est tibi ocium, et si uis. CICERO pater. An est, mi Cicero, quod ego malim, quàm te quàm doctissimum esse? Ocium autem primum et summum est: quoniam aliquando Roma exeundi potestas data est. deinde, ista tua studia uel maximis occupationibus meis anteferebam libenter. C. F. Vis ne igitur, ut tu me Græcè soles ordine interrogare, sic ego te uicissim eisdem de rebus Latine interrogem? C. P. Sanè, si placet. Sic enim et ego te meminisse intelligam, quæ accepisti (a) et tu ordine audies quæ requiris. C. F. Quot in partes distribuenda est omnis doctrina dicendi? C. P. In treis. C. F. Cedo quas? C. P. Primum in ipsam uim oratoris, deinde in orationem, tum in quæstionem. C. F. In quo est ipsa uis? C. P. In rebus et uerbis. Sed et res, et uerba inuenienda sunt, et collocanda. Propriè autem in rebus inuenire, in uerbis eloqui dicitur. Collocare autem et si est commune, tamen ad inueniendum refertur. Vox, motus, uultus, atque omnis actio eloquendi comes est, earumque omnium custos est memoria. C. F. Quid? orationis quot sunt partes? C. P. Quatuor. earum due ualent ad rem docendam, narratio et confirmatio. ad impellendos animos due, principium et peroratio. C. F.



Quid questio? quasnam habet partes? C. P. Infinitam, quam consultationem appello: & definitam, quam controuersiam nomino. C. F. Quoniam igitur primum est inuenire oratoris, quid quæret? C. P. Ut inueniat, quemadmodum fidem faciat eis quibus uolet persuadere: & quemadmodum motum eorum animis asserat. C. F. Quibus rebus fides fit? C. P. Argumentis, quæ ducuntur ex locis, aut in re ipsa insitis, aut assumptis. C. F. Quos uocas locos? C. P. Eos, in quibus latent argumenta. C. F. Quid est argumentum? C. P. Probabile inuentum ad faciendam fidem. C. F. Quomodo igitur duo genera ista diuidis? C. P. Quæ sine arte, putantur ea remota appello, ut testimonia. C. F. Quid insita? C. P. Quæ inherant in ipsa re. C. F. Et testimoniorum quæ sunt genera? C. P. Diuinum et humanum. Diuinum, ut oracula, ut auspicia, ut uaticinationes & responsa sacerdotum, aruspicum, coniectorum. Humanum, quod spectatur ex authoritate: & ex uoluntate: & ex oratione aut libera, aut expressa, in quo insunt scripta, pacta, promissa, iurata, quæ sita. C. F. Quæ sunt quæ dicis insita? C. P. Quæ infixæ sunt rebus ipsis, tum ex toto, tum ex partibus, tum ex notatione, tum ex ijs rebus quæ quodammodo affectæ sunt ad id de quo queritur. & ad id totum de quo differitur, tum definitio adhibetur, tum partium enumeratio, tum notatio uerbi. ex ijs autem rebus quæ quodammodo affectæ sunt ad id de quo queritur, alia coniugata appellantur, alia ex genere, alia ex forma, alia ex similitudine, alia ex differentia, alia ex contrario, alia ex coniunctis, alia ex antecedentibus, alia ex consequentibus, alia ex repugnantibus, alia ex causis, alia ex effectibus, alia ex comparatione maiorum, aut parium, aut minorum, ut definitio, ut

*Insuper dicitur  
de uoluntate*

*De uoluntate  
et effectibus*



contrarium, ut ea quæ sunt ipsi contrarioune eius aut similia, aut dissimilia, aut consentanea, aut dissentanea: aut ea quæ sunt quasi cōiuncta, aut ea quæ sunt quasi pugnancia inter se, aut earum rerum de quibus agitur cause, aut causarū euentus. id est, quæ (b) sunt effecta de causis, ut distributiones, ut genera partiū, generumūe partes, ut primordia rerum, & quasi præcurrentia, in quibus inest aliquid argumenti, ut rerum cōtentiones, quid maius, quid par, quid minus sit, in quibus aut natura rerum, aut facultates comparatur. C. F. Omnibūsne igitur ex his locis argumenta sumemus? C. P. Immo uerò scrutabimur, & quæremus ex omnibus: sed adhibebimus iudicium, ut leuia semper reiiciamus, nonnunquam etiam cōmunia prætermittamus, & non necessaria. C. F. Quoniam de fide respondisti, uolo audire de motu. C. P. Locutu quidem quæris, sed planius quod uis explicabitur, cum ad orationis ipsius, quæstionumq; rationem uenero. C. F. Quid sequitur igitur? C. P. Cum inueneris, collocare: cuius in infinita quæstione ordo est idem ferè, quæ exposui locorum. In definita autem adhibenda sunt illa etiam, quæ ad motus animorum pertinent. C. F. Quomodo igitur ista explicas? C. P. Habeo communia præcepta fidem faciendi, et commouendi. Quoniā fides est firma opinio: motus autem animi incitatio, aut ad uoluptatē, aut ad molestiam, aut ad metum, aut ad cupiditatem: tot enim sunt motus genera, partes plures generum singulorum, omnem collocationem ad finem accommodo quæstionis. nam est in proposito finis, fides: in causa, et fides, & motus. Quare cum de causa dixero, in qua est propositum, de utrōque dixero. C. F. Quid habes igitur de causa dicere? C. P. Auditorum eam genere distingui.



Nam aut auscultator est modò qui audit, aut disceptator, id est rei sententiæq; moderator: ita ut delectetur, aut statuatur aliquid. Statuit autem aut de præteritis, ut iudex: aut de futuris, ut senatus: sic tria sunt genera, iudicij, deliberationis, exornationis, quæ quia in laudationes maximè confertur, proprium habet iam ex eo nomen. C. F. Quas res sibi proponet in istis tribus generibus orator? C. P. Delectationem in exornatione: in iudicio aut seuitiam, aut clementiam iudicis: in suasionem autem, aut spem, aut reformidationem deliberantis. C. F. Cur igitur exponis hoc loco genera controuersiarum? C. P. Ut rationem collocandi ad finem cuiusque accomodem. C. F. Quonam tandem modo? C. P. Quia quibus in orationibus delectatio finis est, uarij sunt ordines collocandi. Nam aut temporum seruantur gradus, aut generum distributiones, aut à minoribus ad maiora ascendimus, aut à maioribus ad minora delabimur: aut hæc inæquabili uarietate distinguimus, cum parua magnis, simplicia cōiunctis, obscura dilucidis, læta tristibus, incredibilia probabilibus inteximus, quæ in exornationem cadunt omnia. C. F. Quid? in deliberatione quid spectas? C. P. Principia, uel non longa, uel sæpè nulla: sunt enim ad audiendum (a) qui deliberant sua causa parati, nec multum sanè sæpè narrandum est: est enim narratio præteritarum rerum, aut præsentium: suscitatio autem futurarum. Quare ad fidem, et ad motum adhibenda est omnis oratio. C. F. Quid in iudicijs, quæ est collocatio? C. P. Non eadem accusatoris et rei: quòd accusator rerum ordinem persequitur, et singula argumèta quasi hasta in manu collocata uehementer proponit, concludit acriter, cōfirmat tabu-



lis, decretis, testimonijs, accuratiusq; in singulis commo-  
 ratur, perorationisq; præceptis, quæ ad incitandos ani-  
 mos ualent: & in reliqua oratione paululum digrediens  
 de cursu dicendi, utitur, & uehementius in perorando:  
 est enim propositum, ut iratum efficiat iudicem. C. F.  
 Quid faciendum est contrâ, reo? C. P. Omnia longè se-  
 cus: sumenda principia ad beneuolentiam conciliandam.  
 Narrationes aut amputandæ, quæ ledūt: aut relinquendæ,  
 si totæ sunt molestæ. Firmamenta ad fidē posita, aut  
 per se diluenda, aut obscuranda, aut digressionibus ob-  
 ruenda: perorationes autem ad misericordiam conferen-  
 dæ. C. F. Semp̄r ne igitur ordinem collocandi, quem  
 uolumus, tenere possumus? C. P. Non sanè. nam audi-  
 torum aures moderantur oratori prudenti, & prouido:  
 & quod respuunt, immutandum est. C. F. Expone de in-  
 ceptis quæ ipsius orationis uerborumq; præcepta sunt. C.  
 P. Vnum igitur genus est eloquendi sua sponte fûsum, al-  
 terum uersum atq; mutatum. Prima uis est in simplici-  
 bus uerbis, in coniunctis secunda. Simplicia inuenienda  
 sunt, coniuncta collocanda sunt: & simplicia uerba par-  
 tim natiua sunt, partim reperta. Natiua ea, quæ signifi-  
 cata sunt sensu: Reperta, quæ ex his facta sunt & noua-  
 ta aut similitudine, aut imitatione, aut inflexione, aut  
 adiunctione uerborum. atque etiam est hæc distinctio in  
 uerbis, altera natura, tractatione altera. Natura, ut sint  
 alia consonantiora, grauiora, leniora, & quodammodo  
 nitidiora, alia contrâ. Tractatione autem, cum aut pro-  
 pria sumuntur rerum uocabula, aut addita ad nomen,  
 aut noua, aut prisca, aut ab oratore modificata, & in-  
 flexa quodammodo: qualia sunt ea quæ transferuntur,  
 aut immutantur, aut ea, quibus tanquam abutimur,

*Inueniendæ  
 collocandæ*



aut ea quæ obscuramus, quæ incredibiliter tollimus: quæq; mirabilius, quàm sermonis consuetudo patitur, ornamus. C.F. Habeo de simplicibus uerbis, nunc de coniunctione quaero. C.P. Numeri quidā sunt in coniunctione seruandi, consecutioq; uerborum. Numeros aures ipsæ metiuntur, ne aut non cōpleas uerbis quod proposueris, aut redundes. Cōsecutio autē ne, generibus, numeris, temporibus, personis, casibus perturbetur oratio. Nam ut in simplicibus uerbis, quod (b) nō est Latinum: sic in coniunctis, quod non est consequens, uituperandū est. Cōmunia autē simpliciū coniunctorumq; sunt hæc quinque; quasi lumina: dilucidū, breue, probabile, illustre, suaue. Dilucidum fit usitatis uerbis, proprijs, dispositis aut circumscriptione cōclusa, aut intermissione, aut concisione uerborum. Obscurum autē, aut longitudine, aut cōtractione orationis, aut ambiguitate, aut inflexione, atq; immutatione uerborum. Breuitas autē conficitur simplicibus uerbis, semel unaquaq; re dicenda, nulli rei, nisi ut dilucidè dicas, seruiendo. Probabile autē genus est orationis, si non nimis est comptum atque expolitur, si est autoritas & pondus in uerbis, si sententiæ uel graues uel aptæ opinionibus hominū & moribus. Illustris autē oratio est, si & uerba grauitate delecta ponuntur, ac translata, & superlata, & ad nomen adiuncta, & duplicata, & idem significantia, atq; ab ipsa actione atq; imitatione rerum non abhorrentia. Est enim hæc pars orationis, quæ rem consitiuat penè ante oculos: is enim maxime sensus attingitur. sed ceteri tamen, & maxime mens ipsa moueri potest. Sed quæ dicta sunt de oratione dilucida, cadunt in hanc illustrem omnia: est enim plus aliquanto illustre, quàm illud dilucidum. altero fit, ut intelligamus: altero,



uerbū, ut uidere uideamur. Suaue autem genus erit dicendi: primum elegantia & iucunditate uerborum sonantium, & lenium: deinde coniunctione, quæ neque aspectus habeat concursus, neque disiunctos atque hiantes: & sit circumscripta non longo anfractu, sed ad spiritum uocis apto, habeatque similitudinem æqualitatemque; uerborum, tum ex contrarijs sumpta uerbis, crebra crebris, *in antithesi* paria paribus respondeant, relataque; ad idem uerbum, & *in synonyma* geminata atque duplicata, uel etiam sæpius iterata ponantur: constructioque; uerborum tum coniunctionibus copuletur, tum dissolutionibus relaxetur. Fit etiam suavis oratio, cum aliquid aut inuisum, aut inauditum, aut nouum dicas. Delectat enim quicquid est admirabile, maximeque; mouet ea quæ motum aliquem animi miscet oratio, quæque; significat oratoris ipsius amabiles mores, qui exprimuntur, aut significando iudicio ipsius ex animo humano ac liberali, aut inflexione sermonis, cum aut augendi alterius, aut minuendi sui causa, alia dici ab oratore, alia existimari uidentur: idque; comitate fieri magis quam uanitate. Sed multa sunt suauitatis præcepta, quæ orationem aut magis obscuram, aut minus probabilem faciunt. Itaque; etiam hoc loco nobis est ipsis, quid causa postulet, iudicandum. C. F. Reliquum est igitur, ut dicas de conuersa oratione, atque; mutata. C. P. Est itaque; id genus totum situm in commutatione uerborum, quæ simplicibus in uerbis ita tractatur (a) ut aut ex uerbo dilatetur, aut in uerbum contrahatur oratio. Ex uerbo, cum aut proprium, aut idem significans, aut factum uerbum in plura uerba deducitur. Ex oratione, cum aut definitio ad unum uerbum reuocatur, aut assumpta uerba remouentur, aut in circuitus diriguntur, aut in coniunctione



fit unum uerbum ex duobus. In coniunctis autem uerbis triplex adhiberi potest commutatio, non uerborum, sed ordinis tantummodo: ut cum semel dictum sit directè, sicut natura ipsa tulerit, inuertatur ordo, & idem quasi sursum uersus retroq; dicatur: deinde idem intereise, atque permisceri. Eloquendi autem exercitatio maxime in hoc toto conuertendi genere uersatur. C. F. Aethio igitur sequitur, ut opinor. C. P. Est ita, quæ quidem oratori & cum rerum, & cum uerborum momentis commutanda maxime est. Facit enim & dilucidam orationem, & illustrem, & probabilem, & suauem: non uerbis, sed uarietate uocum, motu corporis, uultu, quæ plurimum ualebunt, si cum orationis genere consentient, eiusq; uim ac uarietatem subsequenter. C. F. Nunquid nam de oratore ipso restat? C. P. Nihil sane præter memoriam, quæ est germana literaturæ quodammodo, & in dissimili genere persimilis. Nam ut illa consistat ex notis literarum, & ex eo in quo imprimuntur illæ notæ: sic constructio memoriæ tanquam cera locis utitur, & in his imagines ut literas collocat. C. F. Quoniam igitur uis oratoris omnis expōita est, quid habes de orationis præceptis dicere? C. P. Quatuor esse eius partes, quarum prima et postrema ad motum animi ualentis enim initijs est & perorationibus concitandus. Secunda narratio, & tertia confirmatio fidem facit orationi. Sed amplificatio quanquam habet proprium locum, sepe etiam primum, postremum quidem serè semper, tamen reliquo in cursu orationis adhibenda est, maximeq; cum aliquid aut confirmatum est, aut reprehensum. Itaque ad fidem quoque uel plurimum ualet. Est enim amplificatio uehemens quædam argumentatio, ut



illa docendi causa sit, hæc commouendi. C. F. Perge igitur ordine quatuor mihi istas partes explicare. C. P. Faciam, & à principiis primum ordiar. Quæ quidem ducuntur aut ex personis, aut ex rebus ipsis. Sumuntur autem trium rerum gratia: ut amicæ, ut intelligenter, ut attentè audiamur. Quorum primus locus est in personis nostris, disceptatorum, aduersariorum, è quibus initia beneuolentiæ conciliandæ comparentur: aut meritis nostris, aut dignitate, aut aliquo genere uirtutis, & maxime liberalitatis, officij, iustitiæ, (b) fidei, contrarijsq; rebus in aduersarios conferendis, & cum ijs qui disceptant, aliqua coniunctionis aut causa, aut spe significanda: & si in nos aliquod odium, offensione collocata sit, tollenda ea, minuenda uè, aut diluendo, aut extenuando, aut compensando, aut deprecando. Intelligenter autem ut audiamur, & attentè, à rebus ipsis ordiendum est. Sed facillimè auditor discit, & quid agatur intelligit, si complectare à principio genus naturamq; causæ: si definias, si diuidas, si neq; prudentiam eius impediās confusione partium, nec memoriam multitudine: quæquæ mox de narratione dilucida dicentur, eadem etiam huc poterunt rectè referri. Ut attentè autem audiamur, trium rerum aliqua consequemur. Nam aut magna quædam proponemus, aut necessaria, aut coniuncta cum ipsis, apud quos res agetur. Sit autem hoc etiam in præceptis, ut si quando tempus ipsum, aut res, aut locus, aut interuentus allicuius, aut interpellatio, aut ab aduersario dictum aliquod, & maxime in perorando dederit occasionem nobis aliquam, ut dicamus aliquid ad tempus aptè, ne derelinquamus: & quæ suo loco de amplificatione



dicemus, multa ex his poterunt ad principiorum præcepta transferri. C. F. Quid in narratione? quæ tandem conseruanda sunt? C. P. Quoniam narratio est rerum explicatio, & quædam quasi sedes ac fundamentum constituendæ fidei, ea sunt in ea seruanda maxime, quæ etiam in reliquis ferè dicendi partibus: quæ partim sunt necessaria, partim sunt assumpta ad ornandū. Nam ut dilucidè probabiliterq; narremus, necessarium est: sed assumimus etiam suauitatem. Ergo ad dilucidè narrandum eadem illa superiora explicandi & illustrandi præcepta repetemus, in quibus est breuitas, eaq; sæpissimè in narratione laudatur, de qua supra dictum est. Probabilis autem erit, si personis, si temporibus, si locis ea quæ narrabuntur consentient: si cuiusq; facti et euenti causa ponetur, si testata dici uidebuntur: si cum hominum opinione, autoritate: si cum lege, cum more, cum religione coniuncta: si probitas narrantis significabitur, si antiquitatis, si memoria, si orationis ueritas, et uite fides. Suauis autem narratio est, quæ habet admirationes, expectationes, exitus inopinatos: si interpositos motus animorum, colloquia personarum, dolores, iracundias, metus, leticias, cupiditates. sed iam ad reliqua pergamus. C. F. Nempe ea sequuntur quæ ad faciendam fidem pertinent. C. P. Ita est, quæ quidem in confirmationem, & in reprehensionem diuiduntur. Nam in confirmando, nostra probare uolumus: in reprehendendo redarguere contraria. Quoniam igitur (a) omne quod in controuersiam uenit, id aut sit, nec ne sit, aut quid sit, aut quale sit, quaeritur: in primo coniectura ualeat, in altero definitio, in tertio ratio. C. F. Teneo istam distributionem. Nunc coniecturae locos quaero.



C. P. In uerisimilibus, & in proprijs rerum notis posita est tota. Sed appellemus docendi gratia uerisimile, quod plerumq; ita fiat: ut, adolescentiam procliuiorem esse ad libidinem. Propriæ autem notæ argumentum, quod nunquam aliter fit, certumq; declarat: ut fumus ignem. Verisimilia reperiuntur ex partibus, & quasi membris narrationis: ea sunt in personis, in locis, in temporibus, in factis, in euentis, in rerum ipsarum, negotiorumq; naturis. In personis, naturæ primùm spectantur, ualitudinis, figuræ, uirium, ætatis, marium, foeminarum: atque hæc quidem in corpore. Animi autem, aut quemadmodum affecti sunt, uirtutibus, uitijs, artibus, meritijs: aut quemadmodum commoti cupiditate, metu, uoluptate, molestia: atque hæc quidem in natura spectantur. In fortuna genus, amicitia, liberi, propinqui, affines, opes, honores, potestas, diuitiæ, libertas, & ea quæ sunt ijs contraria. In locis autem & illa naturalia: maritimi, an remoti à mari: plani, an montuosi: lenes, an asperi: salubres, an pestilentes: opaci, an aprici. & illa fortuita, culti, an inculti: celebres, an deserti: coedificati, an uasti: obscuri, an rerum gestarum uestigijs nobilitati: consecrati, an profani. In temporibus autem, præsentia, & præterita, & futura cernuntur. In his ipsis, uetusta, recentia, instantia paulò post, aut aliquando futura. Insunt etiam in temporibus illa, quæ temporis quasi naturam notat, ut hyems, uer, æstas, autumnus: aut anni tempora, ut mensis, ut dies, ut nox, hora, tempestas, quæ sunt naturalia. Fortuita autem, sacrificia, festi dies, nuptiæ. Iam facta et euentus, aut cõsilijs sunt, aut imprudentiæ, quæ est in casu, aut in quadã animi permotione, Casu, cum aliter accidit, ac putatum sit. Permotione,



*De similitudine  
habetur in illa  
similitudo non est in ipso*

cum aut obliuio, aut error, aut metus, aut aliqua cupiditatis causa permouit. est etiam in imprudentia necessitas ponenda. Rerum aut bonarum et malarum tria sunt genera. nam aut in animis, aut in corporibus, aut extra esse possunt. Huius igitur materiae ad argumentum subiectae, perlustrandae animo partes erunt omnes: et ad id quod agetur, ex singulis coniectura capienda. Est etiam genus argumentorum aliud, quod ex facti uestigijs sumitur, ut telum, cruor, clamor editus, titubatio, permixtio coloris, oratio inconstans, tremor: et eorum aliquid quod sensu percipi possit, etiam si preparatum aliquid, si communicatum cui aliquo, si postea uisum, auditum, indicatum. Verisimilia aut partim singula mouent suo pondere: partim, etiam si uidentur esse exigua per se, multum tamen (b) cum sunt coaceruata, proficiunt. Atque in his uerisimilibus insunt nonnunquam etiam certa rerum et proprie notae: maximam autem facit fidem ad similitudinem ueri, primum exemplum, deinde introducta rei similitudo, fabula etiam nonnunquam: etsi sit incredibilis, tamen homines commouet. C. F. Quid definitionis, quae ratio est, et quae uia? C. P. Non dubium est id quidem, quin definitio genere declaretur, et proprietate quadam: aut etiam communium frequentia, ex quibus proprium quid sit eluceat. Sed quoniam de proprijs oritur plerumque magna dissensio, definiendum est saepe ex contrarijs, saepe etiam ex dissimilibus, saepe ex paribus. Quamobrem descriptiones quoque sunt in hoc genere saepe aptae, et enumeratio consequentium: in primisque commouet explicatio uocabuli ac nominis. C. F. Sunt exposita iam fere ea quae de facto, quaeque de facti appellatione quaeruntur. Nempe igitur ea restant, quae cum factum



constet & nomen, qualia sint, uocatur in dubium. C. P. Est ita ut dicis. C. F. Quæ sunt igitur in eo genere partes? C. P. Aut iure factum depellitur, aut ulciscen-  
*officij & honoris*  
 di doloris gratia, aut pietatis, aut pudicitie, aut religionis, aut patriæ nomine: aut denique necessitate, inscitia, casu. Nam quæ motu animi & perturbatione facta sine ratione sunt, ea defensionem contra crimen in legitimis iudicijs non habent: in liberis disceptationibus habere possunt. hoc in genere, in quo quale sit queritur, ex controversia iure & rectè ne actum sit queri solet: quorum disputatio ex locorum descriptione sumenda est. C. F. Agge sis ergo, quoniam in confirmationem & reprehensionem diuiferas orationis fidem, & dictum de altero est, expone nunc de reprehendendo. C. P. Aut totum est negandum quod in argumentatione aduersarius sumperit, si fictum aut falsum esse possis dicere, aut redarguenda ea quæ pro uerisimilibus sumpta sunt. Primum dubia sumpta esse pro certis: deinde etiam in perspicue falsis eadem posse dici: tum ex ijs quæ sumpserint, non effici quæ uelint. Accedere autem oportet ad singula, sic uniuersa frangentur. Commemoranda sunt etiam exempla, quibus simili in disputatione creditum non sit, conquerenda conditio communis periculi, si ingenijs hominum criminoforum sit exposita uita innocentium. C. F. Quoniam unde inueniuntur quæ ad fidem pertinent, habeo: quemadmodum in dicendo singula tractentur, expecto. C. P. Argumentationem querere uideris, quæ est argumenti explicatio, quæ sumpta ex ijs locis qui sunt expositi, conficienda & distinguenda dilucide est. C. F. Planè istuc ipsum desidero. C. P. Est ergo (ut suprà dictum est) explicatio (a) argumenti argu-



mentatio: sed ea conficitur, cum sumpseris aut non dubia, aut probabilia, ex quibus id efficias quod haud dubium, aut minus probabile per se uidetur. Argumentandi aut duo sunt genera: quorum alterum ad fidem directo spectat, alterum se inflectit ad motum. Dirigitur, cum proposuit aliquid quod probaret, sumpsitque ea quibus uteretur: atque his confirmatis, ad propositum sese retulit, atque conclusit. Illa autem altera argumentatio, quasi retrò et contrà prius sumit quae uult, eaque confirmat: deinde id quod proponendum fuit, per motis animis iacit ad extremum. Est autem illa uarietas in argumentando, et non iniucunda distinctio: ut cum interrogamus nosmet ipsos, aut percunctamur, aut imperamus, aut optamus, quae sunt cum alijs pluribus sententiarum ornamenta. Vitare autem similitudinem poterimus, non semper a proposito ordientes: et si non omnia confirmando disputabimus, breuiterque interdum quae erant satis aperta ponemus, quodque ex his efficietur, si id apertum sit, non habebimus necesse semper concludere. C. F. Quid illa quae sine arte appellantur, quae iam dudum assumpta dixisti, ecquo nam modo, ecquo nam loco artis indigent? C. P. Illa uero indigent: et nec eò dicuntur sine arte, quòd ita sunt: sed quòd ea non parit oratoris ars, sed foris ad se delata: tamen arte tractat, et maxime in testibus. Nam de toto genere testium, quàm id sit infirmum, saepe dicendum est, et argumentarum esse propria, testimonia uoluntatum, utendumque est exemplis quibus testibus creditum non sit: et de singulis testibus, si natura uani, si leues, si cum ignominia, si spe, si metu, si iracundia, si misericordia impuls, si premio, si gratia adducti, comparandi que superiore cum auctoritate tes-



stium, quibus tamen creditum non sit. Sæpè etiam  
questionibus resistendum est, quòd & dolorem su-  
gentes multi in tormentis ementiti persæpe sunt, mori-  
q; maluerunt falsum satendo, quàm inficiando dolere. Mul-  
ti etiam suam uitam neglexerunt, ut eos qui his chario-  
res quàm ipsi sibi essent, liberarent. Alij autem aut na-  
tura corporis, aut consuetudine dolendi, aut metu sup-  
plicij, aut mortis, uim tormentorum pertulerunt. Alij  
ementiti sunt in eos quos oderant. atq; hæc exemplis  
firmanda sunt. Neq; est obscurũ, quin, quoniã in utraq;  
parte sunt exempla, & item ad coniecturam faciendam  
loci, in contrarijs contraria sint sumenda. Atq; etiam in  
currit alia quedam in testibus, & in questionibus ratio.  
Sæpè enim ea quæ dicta sunt, si aut ambigüe, aut incon-  
stanter, aut incredibiliter dicta sunt, aut etiam aliter ab  
alio dicta, subtiliter reprehenduntur. C. F. Extrema  
tibi pars restat orationis, quæ posita in perorando est,  
de qua sanè uelim audire. C. P. Facilius est explicatio  
perorationis. nam est diuisa in duas partes, ampli-  
ficationem & enumerationem. Augendi autem & hic  
est (b) proprius locus in perorando, et in cursu ipso o-  
rationis declamationes ad amplificandum dantur confir-  
matare aliqua, aut reprehensa. Est igitur amplificatio  
grauior quedam affirmatio, quæ motu animorum con-  
ciliat in dicendo fidem. ea & uerborum genere confici-  
tur, & rerũ. Verba ponenda sunt, quæ uim habeant il-  
lustrandi, nec ab usu sint abhorrentia, graui, plena, so-  
nantia, iuncta, facta, cognominata, non uulgata, super-  
lata, in primisq; translata: nec in singulis uerbis, sed in  
continentib; soluta, quæ dicuntur sine cõiunctione, ut plu-  
ra uideantur. Augẽt etiã relata uerba, iterata, duplicata,



Et ea quæ ascendunt gradatim ab humilioribus uerbis  
 ad superiora. omninoq; semper quasi naturalis et non  
 explanata oratio, sed grauibus referta uerbis, ad augen-  
 dum accommodatior. hæc igitur in uerbis, quibus actio  
 uocis, uultus et gestus congruens, et apta ad animos per  
 mouendos accommodata est. Sed et in uerbis, et in  
 actione causa erit tenenda, et pro re agenda. Nam hæc,  
 quia uidentur per absurda, cum grauiora sunt quam cau-  
 sa, diligenter ferè, quid queng; deceat, iudicandum est.  
 Rerum amplificatio sumitur eisdem locis omnibus, qui-  
 bus illa quæ dicta sunt ad fidem, maximeq; definitio-  
 nes ualent conglobatæ: et consequentium frequentati-  
 o, et contrariarum, et dissimilium, et inter se pu-  
 gnantium rerum conflictio: et causæ, et ea quæ sunt de  
 causis orta, maximeq; similitudines et exempla: fictæ  
 etiã personæ, muta deniq; loquantur: omninoq; ea sunt  
 adhibenda, si causa patitur, quæ magna habentur, quo-  
 rum est duplex genus: alia enim magna naturâ uiden-  
 tur, alia usu. Natura, ut cœlestia, ut diuina, ut ea quorū  
 obscuræ causæ, ut in terris mundoq; admirabilia quæ  
 sunt: ex quibus similibusq;, si attendas, ad augendum  
 permulta suppetunt. Usu, quæ uidentur hominibus  
 aut prodesse, aut obesse uehementius: quorum sunt gene-  
 ra ad amplificandum tria. nam aut charitate mouen-  
 tur homines, ut deorum, ut patriæ, ut parentum: aut a-  
 more, ut fratrum, ut coniugum, ut liberorum, ut fami-  
 liarum: aut honestate, ut uirtutum, maximeq; earum  
 quæ ad communionem hominum et liberalitatem ua-  
 lent. Ex ijs et cohortationes sumuntur ad ea retinenda,  
 et in eos à quibus ea uiolata sunt, odia incitantur, et mi-  
 seratio nascitur. Proprius locus augendi in ijs rebus aut



amissis, aut amittendi periculo. Nihil est enim tam miserabile, quàm ex beato miser. Et hoc totum quidem moueat, si bona ex fortuna quis cadat: et à quorū charitate diuellatur, quæ amittat, aut amiserit, in quibus malis sit, futurus ue sit, exprimatur breuiter. Citò enim arefcit lachryma, præsertim in alienis malis. Nec quicquā in amplificatione nimis enucleandum est (a) minuta est enim 235  
 omnis diligentia: hic autē locus grandia requirit. Illud iam est iudicij, quo quaq; in causa genere utamur augendi. In illis enim causis quæ ad delectationem exornantur, ij loci tractandi sunt, qui mouere possunt expectationem, admirationem, uoluptatem. In cohortationibus autem bonorum ac malorum, enumerationes et exempla ualent plurimum. In iudicijs, accusatori ferè quæ ad iracundiam, reo plerunq; quæ ad misericordiam pertinent. Nonnunquam tamen accusator misericordiā mouere debet, et defensor iracundiam. Enumeratio reliqua est, nonnunquam laudatori, suasori non sæpè, accusatori sæpius quàm reo necessaria. Huius ipsa tempora duo sunt: si aut memoriæ diffidas eorum apud quos agas, uel interuallo temporis, uel longitudine orationis, aut frequentatis firmamenti orationis, et breuiter expositis, uim est habitura causa maiorem. Et reo rarius utendum est: quod ponenda sunt contraria, quorū dissolutio in breuitate latebit, aculei pugnent. Sed erit in enumeratione uitandum, ne ostentatio memoriæ suscepta, uideatur esse puerilis. Id effugiet, qui nō omnia minima repetet, sed breuia singula attingens, pondera rerum ipsa comprehendet. C. F. Quoniam et de ipso oratore, et de oratione dixisti: expone eū mihi nunc, quæ ex tribus extremis proposuisti quæstionis locum. C. P. Duo sunt,



ut initio dixi, quæstionum genera: quorum alterum finitum temporibus & personis, controuersiam atq; causam appello: alterum infinitum, nullis neq; personis neq; temporibus notatum, propositum uoco. Sed est consultatio quasi pars causæ quædam, & controuersia. inest enim infinitum in definito: & ad illud tamē referuntur omnia. Quamobrem prius de proposito dicamus, cuius genera sunt duo: Cognitionis alterum, eius scientia est finis, ut ueri ne sint sensus: alterum actionis, quod refertur ad efficiendum quid, ut si quæratür quibus officijs amicitia colenda sit. Rursus superioris genera sunt tria: Sit nec ne, quid sit, quale sit. Sit nec ne, ut ius in natura sit, an in more. Quid autē sit, sit ne ius id quod maiori parti sit utile. Quale autem sit, iuste uiuere sit nec ne utile. Actionis autē duo sunt genera. Vnum ad persequendum aliquid, aut declinandum: ut quibus rebus adipisci gloriam possis, aut quomodo inuidia uitetur. Alterum, quod ad aliquod commodum usumq; refertur: ut quem admodum sit res p. administranda, aut quemadmodum in paupertate uiuendum. Rursus autem ex cognitionis consultatione, ubi sit, nec ne sit, aut fuerit, futurumue sit, quæritur: unum genus est quæstionis, possit ne aliquid effici, ut cum quæritur ecquis nam perfectē sapiens esse possit. alterum, quemadmodum quicq; fiat, ut quo nam (b) p. a. Eto uirtus pariatür, natura ne, an ratione, an usu. Cuius generis sunt omnes, in quibus ut in obscuris naturalibusq; quæstionibus causæ, rationesq; rerū explicantur. Illius autem generis, in quo quid sit id de quo agitur, quæritur, duo sunt genera: quorum in altero disputandum est, aliud an idem sit, ut pertinacia & persequentia. In altero autem descriptio generis alicuius, &



quasi imago exprimenda est, ut qualis sit auarus, aut quid sit superbia. Tertio autem in genere, in quo quale sit queritur, aut de honestate, aut de utilitate, aut de æquitate dicendum est. De honestate sic: ut, honestum ne sit pro amico periculum, aut inuidiam subire. De utilitate autem sic: ut, sit ne utile in rep. administranda uersari. De æquitate uero sic: ut, sit ne æquum amicos cognatis anteferre. Atq; in hoc eodem genere, in quo quale sit queritur, exoritur aliud quoddam disputandi genus. Non enim simpliciter solum queritur, quid honestum sit, quid utile, quid æquum: sed etiam ex comparatione, quid honestius, quid utilius, quid æquius: atq; etiã quid honestissimum, quid utilissimum, quid æquissimum. cuius generis illa sunt: quæ præstantissima sit dignitas uita. atq; ea quidẽ quæ dixi. cognitionis sunt omnia. Restant actionis: cuius alterum est percipiendi genus, quod ad rationem officij pertinet, ut quemadmodum colendi sint parentes: alterum autem ad sedandos animos, & oratione sanandos, ut in cõsolandis mœroribus, ut in iracundia comprimenda, aut in timore tollendo, aut in cupiditate minuenda. cui quidem generi contrarium est disputandi genus ad eosdẽ illos animi motus, quod in amplificanda oratione sepe faciendum est, uel gignendos, uel concitandos. Atque ferè hæc est partitio consultationum. C. F. Cognoui: sed quæ ratio est in his inueniendi, & disponendi, requiro. C. P. Quid tu aliam ne censes, & non eandem esse, quæ est exposita, ut ex eisdem locis ad fidem & ad inueniendum ducantur omnia? Collocandi autem quæ est exposita in alijs ratio, eadem huc transfertur. Cognita igitur omni distributione propositarum consultationum, controuersiarũ &



causarum genera restant omnino. Et earum quidem forma duplex est: quarum altera delectationem sectatur aurium: alterius, ut obtineat, probet, & efficiat quod agit, omnis est suscepta contentio. Itaque illud superius exornatio dicitur, quod cum latum genus esse potest, saneq; uarium, unum ex eo delegimus, quod ad laudandos claros uiros suscepimus, et ad improbos uituperandos. Genus enim nullū est orationis, quod aut uberius ad dicendum, aut utilius ciuitatibus esse possit, aut in quo magis orator in cognitione uirtutum, uitiorumq; uersetur.

236 Reliquum autem genus causarum, (a) aut in prouisione posterī temporis, aut in praeiteriti disceptatione uersatur: quorum alterum deliberationis est, alterum iudicij. Ex qua partitione tria genera causarum extiterunt. unum, quod à meliori parte laudationis est appellatum: deliberationis alterū, tertium iudiciorum. quamobrem de primo primum, si placet, disputemus. C. F. Mihi uerò placet. C. P. Ac laudandi, uituperandiq; rationes, quae non ad bene dicendum solum, sed etiam ad honeste uiuendum ualent, exponam breuiter, atq; à principijs exordiar & laudandi, et uituperandi. Omnia enim sunt profecto laudanda, quae coniuncta cum uirtute sunt: & quae cum uitijs, uituperanda. Quamobrem finis alterius est honestas, alterius turpitudine. Conficitur autem genus hoc dictionis narrandis, exponendisq; factis, sine ullis argumentationibus ad animi motus leniter tractandos magis quam ad fidem faciendam, aut confirmandam accommodatē. Non enim dubia firmitur: sed ea quae certa, aut pro certis posita sunt, augentur. Quamobrem ex ijs quae ante dicta sunt, & narrandi, & augendi praeciparepetentur. Et quoniā in his causis omnis ratio ferē



ad uoluptatem auditoris, & ad delectationem refertur: utendum erit ijs in oratione singulorum uerborum in signibus, quæ habent plurimum suauitatis: id est, ut factis uerbis, aut uetustis, aut translatis frequenter utamur & in ipsa constructione uerborum, ut paria paribus, & similia similibus sæpe referantur: ut contraria, ut geminata, ut circumscripta numerose: nõ ad similitudinem uersuum, sed ad explendum aurium sensum, apto quasi quodam uerborum modo. Adhibendaq; frequentius etiam illa ornamenta rerum sunt, siue quæ mirabilia, nec opinata: siue significata monstris, prodigijs, oculis: siue quæ uidebuntur ei de quo agimus, accidisse diuina, atque fatalia. omnis enim expectatio eius qui audit, & admiratio, & improuisi exitus, habent aliquam in audiendo uoluptatem. Sed quoniam in tribus generibus bona malæ uersantur, externis, corporis, & animi: prima sunt externa, quæ ducuntur à genere, quo breuiter modiceq; laudato, aut si erit infame prætermisso: si humile, uel præterito, uel ad augendum eius quem laudas, gloriam tacto: deinceps si res patiat, de fortunis erit & facultatibus dicendum: postea de corporis bonis, in quibus quidem, quæ uirtutem maximè significat, facillimè forma laudatur. Deinde est ad facta ueniendum, quorum collocatio triplex est. aut enim temporum seruandus est ordo, aut in primis recentissimum quodq; dicendum, aut multa & uaria facta in propria uirtutum genera sunt dirigenda. Sed hic locus uirtutum atque uitiorum (b) latissimè patens, ex multis & uarijs disputationibus nunc in quandam angustam & breuem concludetur. Est igitur uis uirtutis duplex: aut enim scientia cernitur uirtus, aut actione. Nam quæ



prudentia, quæ calliditas, quæq; grauissimo nomine sapientia appellatur, hæc scientia pollet una. quæ uerò moderandis cupiditatibus, regendisq; animi motibus laudatur, eius est munus in agendo, cui temperantia nomen est. Atq; illa prudentia in suis rebus domestica, in publicis civilis appellari solet. Temperantia autem in suas itidem res, & in communes distributa est, duobusq; modis in rebus commodis discernitur: & ea quæ absunt, non expetendo: & ab ijs quæ in potestate sunt, abstinendo. In rebus autem incommodis est itidem duplex. Nam quæ uenientibus malis obstat, fortitudo: quæ quod iam adest, tolerat & perfert, patientia nominatur: quæ autem hæc uno genere complectitur, magnitudo animi dicitur: cuius est liberalitas in usu pecuniæ, simulq; altitudo animi in capiendis incommodis, et maxime iniurijs: & omne quod est eius generis, graue, infedatum, & turbulentum. In communione autem quæ posita pars est, iusticia dicitur: eaq; erga deos religio, erga parentes pietas: uulgo autem bonitas, creditis in rebus fides, in moderatione animaduertendi lenitas, amicitia in beneuolentia nominatur. Atque hæc quidem uirtutes cernuntur in agendo. Sunt autem aliæ quasi ministra comitesq; sapientia: quarum altera, quæ sint in disputando uera atque falsa, quibusq; positis, quid sequatur, distinguit, & indicat: quæ uirtus omnis in ratione scientiaq; disputandi sita est. altera autem oratoria. nihil enim est aliud eloquentia, nisi copiose loquens sapientia: quæ ex eodem hausta genere, quo illa quæ in disputando, uberior est, atque latior, et ad motus animorum uulgiq; sensus accommodatior. Custos uerò uirtutum omnium dedecus fugiens, laudemq; maxime cōsequens uerecundia est: atq; hi sunt



quidem ferè quasi quidam habitus animi sic affecti, & constituti, ut sint singuli inter se proprio uirtutis genere distincti: à quibus, ut quæq; res gesta est, ita sit honesta necesse est, summeq; laudabilis. Sunt autem alij quidam perfecti animi habitus ad uirtutem, quasi præculi & præparati rectis studijs & artibus: ut in suis rebus, studia literarum, ut numerorum ac sonorum, ut mensuræ, ut fiderum, ut equorum, ut uenandi, ut armorum. In communibus propensiora studia in aliquo genere uirtutis colendo, aut diuinis rebus deseruiendo, aut parentibus, amicis, hospitibus, præcipue atq; insigniter diligendis: atq; hæc quidem uirtutum: uitiorum autem sunt genera contraria. Cernenda autem sunt diligenter, ne fallant eos uitia, quæ uirtutem uidentur imitari. Nam & prudentiam malicia, et (a)temperantiam immanitas in uoluptatibus aspernandis, & magnitudinem animi superbiam in animis extollendis, & despicientia in contemnendis honoribus: & liberalitatem effusio, & fortitudinem audacia imitatur, et patientiam duricia immanis, et iusticiam acerbitas, et religionem superstitio, et lenitatem mollicia animi, & uerecundiam timiditas, et illam disputandi prudentiam concertatio, captatioq; uerborum: & hanc oratoriam uim, inanis quædã profluentia loquendi. Studijs autem bonis similia uidentur, ea quæ sunt in eodem genere nimia. Quamobrè omnis uis laudandi, uituperandiq; ex his sumetur, uirtutum, uitiorumq; partibus. Sed in toto quasi contextu orationis hæc erunt illustranda maxime: quemadmodum quisque generatus, quemadmodum educatus, quemadmodum institutus moratusq; fuerit, et si quid cui magnū aut incredibile acciderit, maximeq; si id diuinis accidisse potuerit uideri

237.



tum quod quisque senserit, dixerit, gesserit, ad ea quae proposita sunt, uirtutum genera accommodabuntur: ex illisq; iisdem inueniendi locis causae rerum, & euentus, & consequentia requirentur. neque uero mors eorum, quorum uita laudabitur, silentio praeteriri debebit, si modo quid erit animaduertendum, aut in ipso genere mortis, aut in ijs rebus quae post mortem erunt consecuta. C. F. Accepi ista, dixique breuiter, non solum quemadmodum laudarem alterum: sed etiam quemadmodum eniterer, ut possem ipse iure laudari. Videamus igitur demceps in sententia dicenda, quam uiam & quae praecipua teneamus. C. P. Est igitur in deliberando, finis utilitas, ad quem omnia referuntur in consilio dando sententiaq; dicenda: ut illa prima sint suasori, aut dissuasori uidentia, quid aut possit fieri, aut non possit: & quid aut necesse sit, aut non necesse. Nam & si quid effici non potest, deliberatio tollitur, quamuis utile sit, & si quid necesse est (necesse autem id est, sine quo salui, libere esse non possumus) id est, reliquis & honestatibus in ciuili ratione, & commodis anteponendum. Cum autem quaeritur, quid fieri possit: uidendum etiam est, quam facile possit. Nam quae perdifficilia sunt, perinde habenda sepe sunt, ac si effici non possint. Et cum de necessitate attendemus, & si aliquid non necessarium uidebitur: uidendum tamen erit, quam sit magnum. Quod enim permagni interest, pro necessario sepe habetur. Itaque cum constat hoc genus causarum ex suasio- ne, & dissuasione: suasori proponitur simplex ratio, si & utile est, & fieri potest, fiat. Dissuasori duplex: una, si non utile est, ne fiat: altera, si fieri non potest, ne suscipiatur. Sic suasori utrunq; docendum est, dissuasori



alterum infirmare sat est. Quare quoniam (b) in his uersatur omne consilium duobus, de utilitate antè dicamus, quæ in discernendis bonis malisq; uersatur. Bonorum autem partim necessaria sunt, ut uita, pudicitia, libertas: ut liberi, coniuges, germani, parentes: partim non necessaria, quorum alia sunt per se expetenda, ut ea quæ ita sunt in officijs atq; uirtutibus: alia quod aliquid commodi efficiunt, ut opes et copiæ. Eorum autem quæ propter se expetuntur, partim honestate ipsa, partim cōmoditate aliqua expetuntur. Honestate, ea quæ proficiuntur ab ijs uirtutibus de quibus paulo antè est dictū, quæ sunt laudabilia ipsa per se. Commoditate autem aliqua, quæ sunt in corporis aut fortune bonis expetenda: quorum alia sunt quasi quodammodo cum honestate cōiuncta, ut honos, ut gloria: alia diuersa, ut uires, forma, ualētudo, nobilitas, diuitiæ, clientelæ. Est enim quasi quædam materies subiecta honestati, quæ maximè spectatur in amicitijs: amicitia autem charitate et amore cernuntur. Nam cum decorum, tum parentum patrieq; cultus, eorumq; hominum qui aut sapientia aut opibus excellent, ad charitatem referri solet. Coniuges autem, et liberi, et fratres, et alij quos usus familiaritasq; coniunxit, quanquam etiam charitate ipsa, tamē amore maximè continentur. In his igitur rebus cum bona sint, facile est intellectu quæ sint contraria. Quod si semper optima tenere possemus: haud sanè, quoniam quidem ea perspicua sunt, consilio multum egeremus. Sed quia temporibus, quæ uim habent maximam, per se pe cūenit ut utilitas cum honestate certet: earumq; rerum contentio plerunq; deliberationes efficit, ne aut opportuna propter dignitatem, aut honesta propter utilitatem relinquuntur,



ad hanc difficultatem explicandā praecepta referamus. Et quoniam non ad ueritatem solū, sed etiam ad opinionones eorum qui audiunt, accommodanda est oratio, hoc primū intelligamus, hominum duo esse genera: alterum indoctum, et agreste, quod anteferat semper utilitatem honestati: alterum expolitum, quod rebus omnibus dignitatem anteponat. Itaque huic generi laus, honor, gloria, fides, iusticia, omnisq; uirtus: illi autem alteri quæstus, emolumentum, fructusq; proponitur: atque etiam uoluptas, quæ maxime est inimica uirtuti, boniq; naturam fallaciter imitando adulterat, quam immanissimus quisq; acerrimè sequitur: neque solū honestis rebus, sed etiam necessarijs anteponit, in suadendo, cum ei generi hominum consilium des, sepe sanè laudanda est. Et illud uidendū, quanto magis homines mala fugiant, quàm sequantur bona. Nam neq; honesta tam expetunt, quàm deuitant turpia. Quis enim honorem? quis gloriam? quis laudem? quis ullum decus tam unquam expectat, (a) quàm ut ignominiam, infamiam, contumeliam, dedecus fugiat? quarum rerum dolor grauis est. Est genus hominū ad honestatem natum, malo cultu, prauisq; opinionibus corruptum. Quare in cohortando atque suadendo propositum quidem nobis erit illud, ut doceamus, quæ uel bona consequi, malaq; uitare possimus. Sed apud homines benè institutos plurimum de laude et de honestate dicemus, maximeq; ea uirtutū genera tractabimus, quæ in communi hominum utilitate tuenda, augendaq; uersantur. Sin apud indoctos, imperitosq; dicemus, fructus, emolumenta, uoluptates, uitationesq; dolorum proferantur: addamur etiam contumelie atq; ignominie. Nemo enim est tam agrestis, quem non si ipse

Quid doliis hominibus  
necesse est

238



minus honestas, contumelia tamen, & dedecus magnopere moueat. Quare quod ad utilitatem spectat, ex ijs quæ dicta sunt, reperietur. Quod autem possit effici, nec ne possit: in quo etiam quàm facile possit, quàmque expediat, queri solet: maximè ex causis ijs quæ quàmque rem efficiant, est uidendum. Causarū autem genera sunt plura. nam sunt alia, quæ ipsæ conficiunt: alia, quæ uim aliam quam ad cōficiendum afferunt. Itaque illæ superiores conficientes uocentur: hæ reliquæ ponantur in eo genere, ut sine his confici non possit. Conficiens autem causa alia est absoluta, & perfecta per se: alia aliquid adiuuans, & efficiendi socia quædam, cuius generis uis uaria est, & sæpe aut maior, aut minor, ut & illa quæ maximam uim habet, sola sæpe causa dicatur. Sunt autem alia causæ, quæ aut propter principium, aut propter exitum conficientes uocantur. Cum autē queritur quid sit optimum factu, aut utilitas, aut spes efficiendi ad asserendum impellit animos. Et quoniam de utilitate iam diximus, de efficiendi ratione dicamus. Quo toto genere, quibus cum, & contra quos, quo tempore, aut quo loco, aut quibus facultatibus, armorum, pecuniæ, sociorum, earumue rerum quæ ad quàmque rem efficiendam pertinent, possumus uti, requirendum est. Neque solum ea sunt quæ nobis suppetunt, sed etiam illa quæ aduersantur, uidenda. Etsi ex contentione procliuiora erunt nostra, non solum effici posse quæ suademus, erit persuadendum: sed curandum etiam, ut illa facilia, procliuia, iucunda uideantur. Dissuadentibus autem aut utilitas labefactanda est, aut efficiendi difficultates efferenda: neque alijs ex præceptis, sed ijsdem ex suasionis locis. Vterque uerò ad augendum habeat explorū, aut recentium,



quae notiora sint: aut ueterum, quò plus authoritatis hab-  
 beant, copiam. Maximeq; sit in hoc genere meditatur,  
 ut possit uel utilia ac necessaria saepe honestis, uel haec  
 illis anteferre. Ad cōmouendos autem animos maxime  
 proficient, si incitandi (b) erunt huiusmodi sententiae  
 quae ad explendas cupiditates, aut ad odium satiandum,  
 aut ad ulciscendas iniurias pertinebunt. Sin autem reprimendi,  
 de incerto statu fortunae, dubijsq; euentis rerum  
 futurarum, & retinendis suis fortunis, si erunt secundae:  
 sin autem aduersae, de periculo commonendi. Atque hi  
 quidem sunt perorationis loci. Principia autem in sen-  
 tentijs dicendis breuia esse debebunt. Non enim supplex  
 ut ad iudicem uenit orator, sed hortator, atque author.  
 Quare proponere, qua mente dicat, quid uelit, quibus  
 de rebus dicturus sit, debet, hortariq; ad se breuiter di-  
 centem audiendum. Tota autem oratio simplex, et gra-  
 uis, et sententijs debet ornatiores esse, quàm uerbis. C. P.  
 Cognoui iam laudationis & suasionis locos: nunc quae  
 iudicij accommodata sunt expecto, idq; nobis genus ne-  
 stare unum puto. C. P. Rectè intelligis, atq; eius quidem  
 generis finis est aequitas: quae non simpliciter spectatur,  
 sed comparatione nonnunquam, ut cum de uerissimo  
 accusatore disputatur: aut cum hereditatis sine lege, aut  
 sine testamento petitur possessio: in quibus causis, quid  
 aequius, aequissimumue sit, quaeritur: quas ad causas fa-  
 cultas petitur argumentationū ex ijs de quibus mox dice-  
 tur, aequitatis locis. Atq; etiā ante iudicium de cōstituen-  
 do ipso iudicio solet esse contentio, cū aut sit ne actio illi  
 qui agit, aut iam ne sit, aut num iam esse desierit, aut illa  
 ne lege, ijs ne uerbis sit, quaeritur: quae etiam si antequam  
 res in iudicium uenit, aut concertata, aut dijudicata, aut



confecta non sunt: tamē in ipsis iudicijs permagnum sepe habent pondus, cum ita dicitur: Plus petisti, serō petisti: non fuit tua petitio: non à me: non hac lege: non his uerbis, non hoc iudicio. Quarum causarum genus est positum in iure ciuili, quod est in priuatarum ac publicarum rerum lege aut more positum: cuius scientia neglecta ab oratoribus plerisq; nobis ad dicendum necessaria uidetur. Quare de constituendis actionibus, accipiendis subeundisq; iudicijs, de excipienda iniquitate actionis, de comparanda æquitate, quod ea serē generis eius sunt, ut quanquā in ipsum iudiciū sepe dilabantur, tamē ante iudicium tractanda uideantur, paululū ea separo à iudicijs, tempore magis agendi, quā dissimilitudine generis. Nam omnia quæ de iure ciuili, aut de æquo et bono disceptantur, cadunt in eam formam, in qua quale quid sit ambigitur, de qua dicturi sumus, quæ in æquitate et iure maximè consistit. In omnibus igitur causis tres sunt gradus, ex quib. unus aliquis capiendus est, si plures non queas ad resistendum. Nam aut ita consistendum est, ut quod obijcitur factum neges. aut illud quod factum fateare, neges eam uim habere, atq; id esse quod aduersarius (a) criminetur. Aut si neq; de facto, neq; de facti

239

appellatione ambigi potest, id quod arguere neges tale esse, quale ille dicat: et rectū esse quod feceris, concedendumue defendas. Ita primus ille status, et quasi conflictio cum aduersario, coniectura quadam: secundus autē definitione atq; descriptione, aut informatione uerbi: tertius equi et ueri et recti et humani ad ignoscendum disputatione, tractandus est. Et quoniam semper is qui defendit, non solum resistat oportet aliquo statu, aut inficiando, aut definiendo, aut æquitate opponēda:



sed etiā rationem subiiciat recusationis suae: primus ille status rationē habet iniqui criminis, ipsam negationem, inficiationemq; facti: secundus, quod non sit in re, quod ab aduersario ponitur in uerbo: tertius, quod id resē factum esse defendet, quod sine ulla nominis controuersia factum fatetur. Deinde unicuiq; rationi opponendā est ab accusatore, id quod si nō esset in accusatione, causa omnino esse non posset. Itaq; ea quae sic referuntur, continentia causarum uocentur: quanquam non ea magis quae contra rationem defensionis afferuntur, quam ipsae defensionis rationes cōtinent causas. Sed distinguam di gratia rationē appellamus eā, quae affertur à reo ad recusandum depellendi criminis causa: quae nisi esset, quid defenderet nō haberet. Firmamētum autem, quod contrā ad labefactandam rationem refertur, sine quo accusatio stare non potest. Ex rationis autem et ex firmamenti conflictione, et quasi concursu, quaestio exoritur quaedam, quā disceptationem uocor: in qua quid deueniat in iudicium, et de quo disceptetur, queri solet. Nam prima aduersariorum contentio diffusam habet quaestionem: ut in coniectura, Ceperit ne pecunias Deius. In definitione, Miuerit ne maiestatem Norbanus. In aequitate, Iure ne occiderit Opimius Gracchum. Haec quae primam contentionem habent ex arguendo, et resistendo, lata, ut dixi, et susa sunt. Rationum et firmamentorum contentio adducit in angustam disceptationem ea in coniectura nulla est. Nemo enim eius, quod negat factum, rationem aut potest, aut debet, aut solet reddere. Itaq; in his causis eadem et prima quaestio, et disceptatio est extrema. In illis autem, ubi ita dicitur, non minuit maiestatem, quod egit de Cypione turbulen-



tius. Populi enim Ro. dolor iustus uim illam excitauit, non tribuni actio. Maiestas autem, quoniam est magnitudo quædã populi Ro. in eius potestate ac iure retinendo, aucta est potius, quam diminuta. & ubi ita refertur: Maiestas est in imperij atq; in omni populi Ro. dignitate, quam minuit is qui per uim multitudinis rem ad seditionem uocauit. existit illa disceptatio, minuerit ne maiestatem, qui uoluntate populi Ro. (b) rem gratam & æquã per uim egerit. In his autẽ causis, ubi aliquid rectẽ factũ, aut concedendum, esse factum defenditur, cum est facti subiecta ratio: sicut ab Opimio, iure feci salutis omnium, et cõseruandæ reip. causa: relatumq; est ab Decio, ne sceleratissimum quidem ciuem sine iudicio iure ullo necare potuisti, oritur illa disceptatio, Potuerit ne rectẽ salutis reip. causa ciuem euerforem ciuitatis indemnatum necare. Ita disceptationes eæ quæ in his controuersijs oriuntur, quæ sunt certis personis & temporibus notatæ, fiunt rursus infinitæ, detractisq; temporibus & personis, rursus ad consultationis formam, rationemq; reuocantur. Sed in grauisanis firmamentis & illa ponenda sunt, si qua ex scripto legis, aut testamenti, aut uerborum ipsius iudicij, aut alicuius stipulationis, aut cautionis opponuntur defensione contraria. Ac ne hoc quidẽ genus in eas causas incurrat, quæ coniectura continentur. Quod enim factum negatur, id argui non potest scripto: ne in definitionem quidẽ uenit, genere scripti ipsius. Nam etiã si uerbũ aliquod de scripto definiendũ est, quam uim habeat, ut cum ex testamenti quid sit pernus, aut cũ ex lege prædij queritur quæ sunt ruta casa: nõ scripti genus, sed uerbi interpretatio controuersiam parit. Cum autem plura significantur scripto, propter



uerbi aut uerborum ambiguitatem, ut liceat ei qui contradicat eò trahere significationem scripti, quò expectat, aut uelit: aut etiam si ambigüe scriptum nō sit, uel à uerbis uoluntatem & sententiam scriptoris abducere, uel alio se eadem dere contrariè scripto defendere: tum disceptatio ex scripti contentione existit, ut in ambiguis disceptetur, quid maximè significetur: in scripti sententiaq; contentione, utrum potius sequatur iudex: in contrarijs scriptis, utrum magis sit comprobandum. Disceptatio autem, cum est constituta, proposita esse debet oratori, quò omnes argumentationes repetitæ ex inueniendi locis conijciantur. quod quanquam satis est ei qui uidet quid in quòq; loco lateat, quiq; illos locos tanquã thesauros aliquos argumentorum notatos habet: tamen ea quæ sunt certarum causarum propria, tangemus. In coniectura igitur cum est in insiciando reus, accusatori hæc duo prima sunt (sed accusatorem pro omni actore & petitore appello. possunt enim etiã sine accusatore in causis hæc eadem cōtrouersiarum genera uersari) Sed hæc duo sunt ei prima, causa & euentus. Causam appello, rationem efficiendi: euentum, id quod est effectum. atque ipsa quidem partitio causarum, paulo antiè in suasionis locis distributa est. Quæ enim in consilio capiendi futuri temporis præcipiebantur, quamobrem aut utilitatem uiderentur habitura, aut efficiendi facultatem, (a) eadē, qui de facto argumentabitur, colligere debet. Quamobrem & utilia illi quem arguet, fuisse, & ab eo effici potuisse demonstrat. Utilitatis coniectura mouetur, si illud quod arguitur, aut spe bonorum, aut malorum metu fecisse dicitur: quod fit acrius, quò illa in utròq; genere maiora ponuntur. Spectantur etiã



ad causam facti, motus animorum, si ira recens, si odium uetus, si ulciscendi studium, si iniuriæ dolor, si honoris, si gloriæ, si imperij, si pecuniæ cupiditas, si periculi timor, si æs alienum, si angustia rei familiaris, si audax, si levis, si crudelis, si impotens, si incautus, si insipiens, si amans, si commota mente, si uiolentus, si cum spe efficiendi, si cum opinione celandi: aut si patefactum esset de pelendi criminis, uel perrumpendi periculi, uel in longinquum tempus differendi, aut si iudicij poena leuior, quam facti premium: aut si facinoris uoluptas maior, quam damnationis dolor. His ferè rebus facti suspicio confirmatur, cum et uoluntatis in reo causæ reperiuntur, et facultas. In uoluntate autem utilitas ex adeptione alterius commodi, uitationeq; alicuius incommodi queritur: ut aut spes, aut metus impulsisse uideatur, aut alius repentinus animi motus, qui etiã citius in fraudẽ quam ratio utilitatis impellit: quamobrem sint hæc dicta de causis. C.F. Teneo, et quero qui sint illi euentus, quos ex causis effici dixisti. C.P. Consequentia quædam signa præteriti, et quasi impressa facti uestigia, quæ quidem uel maximè suspicionem mouent, et quasi tacita sunt criminũ testimonia. Atq; hæc quidẽ grauiora, quod causæ communiter uidentur insimulare et arguere omnes posse, quorum non interfuerit aliquid. Hæc proprie attingunt eos ipsos qui arguantur, ut telus, ut uestigium, ut cruor, ut deprehensum aliquid, quod ablatum, ereptum uel uideatur, ut responsum inconstanter, ut hæsitatum, ut titubatum, ut cum aliquo uisus, ex quo suspicio oriatur: ut eo ipso in loco uisus, in quo facinus, ut pallor, ut tremor, ut scriptum, aut obsignatum, aut depositum quippiam. Hæc enim et talia sunt, quæ aut in



re ipsa, aut etiam antè quàm factum est, aut postea, sua  
 spicio sum crimen efficiant. Quæ si nõ erunt, tamen cau-  
 sis ipsis, & efficiendi facultatibus niti oportebit, adiun-  
 cta illa disputatione cõmuni, non fuisse illum tam amen-  
 tem, ut indicia facti aut effugere, aut occultare non pos-  
 set: ut ita apertus esset, ut locum crimini relinqueret.  
 Communis ille contrà locus, audaciam temeritati, non  
 prudentiæ esse coniunctam. Sequitur autem ille locus  
 ad augendum, non esse expectandum, dum fateatur, ar-  
 gumentis peccata convinci. & hic etiam exempla (b)  
 ponentur. Atq; hæc quidem de argumentis. Sin autẽ erit  
 etiam testium facultas, primum genus erit ipsum lau-  
 dandum, dicendumq; ne argumentis teneretur reus,  
 ipsum sua cautione fecisse: testes effugere non potuisse.  
 Deinde singuli laudentur. Quæ autem essent laudabilia,  
 dictum est. Deinde etiam argumento firmo, quia tamen  
 sæpè falsum est, posse rectè non credi: viro bono & fir-  
 mo sine vitio iudicis non posse non credi. Atq; etiam si  
 obscuri testes erunt, aut tenues, dicendum erit, non esse  
 ex fortuna fidem ponderandã: aut eos esse cuiusq; locu-  
 pletissimos testes, qui id de quo agatur, facillimè scire  
 possint. Sin quæstiones habitæ, aut postulatio, ut habe-  
 antur, causam adiuvabunt, confirmandũ genus primum  
 quæstionum erit, dicendũ de vi doloris, de opinione maio-  
 rum, qui eam rem totam nisi probassent, certè repu-  
 diaissent. De institutis Atheniensium, Rhodiorũ, doctissi-  
 morum hominum, apud quos etiam (id quod acerbissi-  
 mum est) liberi ciuesq; torquentur. De nostrorum etiã  
 prudentissimorum hominum institutis, qui, cum de ser-  
 uis in dominos quæri noluisent, de incestu tamen, &  
 coniuratione, quæ facta me consule est, quærendũ puta-



aerunt. Irridenda etiam disputatio est, qua solent uti ad  
 infirmandas quaestiones: et meditata, puerilisq; dicenda:  
 tum facienda fides, diligenter esse, et sine cupiditate qua-  
 situm: dictaq; quaestioni argumentis, et coniectura  
 ponderanda. atq; haec accusationis ferè membra sunt.  
 Defensionis autem primùm infirmatio causarū, aut non  
 fuisse, aut non tantas, aut non sibi soli, aut cōmodius po-  
 tuisse idem consequi: aut non his esse moribus, nō ea ui-  
 ta: aut nullos animi motus, aut nō tam impotentis fuis-  
 se. Facultatum autem infirmatione utetur, si aut uires,  
 aut animum, aut copias, aut opes abfuisse demonstrabit,  
 aut alienum tempus, aut locum non idoneum: aut mul-  
 tos arbitros, quorum crederet nemini: aut non se tam  
 ineptum, ut id susciperet, quod occultare non posset:  
 neq; tam amentem, ut poenas ac iudicia contemneret.  
 Consequentia autem diluet exponendo, non esse illa cer-  
 ta indicia facti, quae etiā nullo admissio consequi possent.  
 consistetq; in singulis: et ea aut eorum quae ipse facta  
 esse dicet, propria esse defendet, potius quàm criminis:  
 aut si sibi cū accusatore cōmunia essent, pro periculo po-  
 tius, quàm cōtra salutē ualere debere. Testiumq; et quaestio-  
 nū genus uniuersum, et quod poterit in singulis, ex rea  
 prehensionis locis, de quibus antè dictū est, refellet. Harū  
 causarum principia suspiciosa ad acerbitatē ab accusa-  
 tore ponentur. Denunciabiturq; insidiarum commune  
 periculum, excitabunturq; animi, ut attendant. A reo  
 autem querela conflati criminis, collectarumq; suspicio-  
 num, et accusatoris insidiae, (a) et item commune peri-  
 culum proferetur. animiq; ad misericordiam allicien-  
 tur, et modicē beneuolentia iudicum colligetur. Nar-  
 ratio autem accusatoris, erit quasi membratim gesti-



negocij suspiciosa explicatio, sparsis omnibus argumentis, obscuratis defensionibus. Defensoris, aut praeferitis aut obscuratis suspicionum argumentis, rerum ipsarum euentus erunt, casusq; narrandi. In confirmandis autem nostris argumentationibus, infirmandisq; contrarijs, sepe erunt accusatori motus animorū incitandi, reo mitigandi: atq; haec quidē utriq; maxime in peroratione facienda, alteri frequentatione argumentorum, et coactione uniuersa: alteri, si planē causam redarguendo explicarit, enumeratione, ut quicq; diluerit, et miseratione ad extremum. C. F. Scire mihi iam uideor, quem admodum coniectura tractanda sit: nunc de Definitione audiamus. C. P. Communia dantur in isto genere accusatori defensoriq; praecepta. Vter enim definiendo, describendoq; uerbo magis ad sensum iudicis, opinionemq; penetrarit: et uter ad communem uerbi uim, et ad eam praeceptionem, quam inchoatam habebunt in animis ij qui audient, magis et propius accefferit, is uincat necesse est. Non enim argumentando hoc genus tractatur, sed tanquā explicando, excutiendoq; uerbo: ut si in reo pecunia absoluto, rursusq; reuocato, praeuaricationem accusator esse definiat, omnem iudicij corruptelam ab reo: defensor autem non omnem, sed tantummodo accusatoris corruptelam ab reo. Sit ergo haec contentio prima uerborum, in qua etiam si propius accedat ad consuetudinem, mentemq; sermonis defensoris definitio, tamen accusator sententia legis nititur. Negat enim probare oportere, eos qui leges scripserunt, ratum habere iudicium, si totum corruptum sit: si unus accusator corruptus sit, rescindere nititur aequitate, ut illa quasi scribenda lex sic esset: quaeq; tamen complecteretur in iudicijs



corruptis, ea uerbo uno præuarcationis cōprehendisse dicitur. Defensor autem testatur consuetudinē sermonis, uerbiq; uim ex contrario reperiet, quasi ex uero accusatore, cui contrarium est nomen præuarcationis: ex consequentibus, quod ea litera de accusatore soleat dari iudici: ex nomine ipso, quod significat eum qui in contrarijs causis, quasi uarie esse positus uideatur. Sed huic tamen ipsi confugiendum est ad æquitatis locos, ad rerum iudicatarum auctoritatem, ad finem aliquem periculi: communeq; sit hoc præceptū, ut cum uterq; definierit, quam maximè potuerit ad communem sensum, uimq; uerbi, tum similibus exemplisq; eorum qui item locuti sunt, suam definitionem, sententiamq; confirmet: atque accusatori in hoc genere causarum locus ille communis: (b) minimè esse concedendum, ut is qui de re confiteatur, uerbi se interpretatione defendat. Defensor autem ad ea quam proposui, æquitatem nitatur, et ea cum secum faciat, non re, sed deprauatione uerbi se urgeri queratur. Quo in genere percensere poterit plerosq; inueniendi locos. Nam & similibus utetur, & contrarijs, & consequentibus: quanquam uterq;, tamen reus, nisi planè erit absurda causa, frequentius. Amplificandi autè causa, quæ aut cum digredientur à causa, dici solent, aut cum perorabunt, hæc uel ad odium, uel ad misericordiam, uel ad omnino animos iudicum mouendos ex ijs quæ sunt anteposita, sumentur: si modò rerum magnitudo, hominum uel inuidia aut dignitas postulabit. C. F. Habeo ista: nunc ea quæ, cum quale sit quippiam disceptatur, queri ex utraq; parte deceat, uelim audire. C. P. Confitentur in isto genere qui arguuntur, se id fecisse ipsum, in quo reprehenduntur. Sed quoniam iure se



fecisse dicunt, iuris est omnis ratio nobis explicanda: quod diuiditur in duas partes primas, naturam atq; legem. & utriusq; generis uis, in diuinum & humanum ius est distributa: quorum aequitatis est unum, alterum religionis. Aequitatis autem uis est duplex, cuius altera directi, & ueri, & iusti, & ut dicitur, equi & boni ratione defenditur. Altera ad uicissitudinem referenda gratiae pertinet, quod in beneficio gratia, in iniuria ultio nominatur. Atque haec communia sunt naturae atque legis: sed propria legis, & ea quae scripta sunt, & ea quae fineliteris, aut gentium iure, aut maiorum more retinentur. Scriptorum autem priuatum aliud est, publicum aliud. Publicum, lex, senatuscons. foedus. Priuatum, tabulae, pactum, conuentum, stipulatio. Quae autem scripta non sunt, ea aut consuetudine, aut conuentis hominum, & quasi consensu obtinentur. Atq; etiam hoc in primis, ut nostros mores legesq; tueamur, quodammodo naturali iure praescriptum est. & quoniam breuiter aperti fontes sunt quasi quidam aequitatis: meditata nobis ad hoc causarum genus esse debebunt, ea quae dicenda erunt in orationibus, de natura, de legibus, de more maiorum, de propulsanda iniuria, de ulciscenda, de omni parte iuris. Si imprudenter, aut necessitate, aut casu quippiam fecerit, quod non concederetur, ijs qui sua sponte & uoluntate fecissent, ad eius facti deprecationem ignoscendi petenda uenia est, quae sumetur ex plerisq; locis aequitatis. Expositum est, ut potui breuissime, de omni controuersiarum genere: nisi praeterea tu quid requiris. C. F. Illud equidem, quod iam unum restare uideo, quale sit, cum disceptatio uersatur in scriptis. C. P. Recte intelligis. eo enim exposito, munus promissi omne conse-



tero. (a) Sunt igitur ambigui duobus aduersarijs præcep-  
pta communia. Vterq; enim hanc significationem, qua  
utetur ipse, dignam scriptoris prudentia esse defendet.  
Vterq; id quod aduersarius ex ambiguo scripto intelli-  
gendum esse dicet, aut absurdū, aut inutile, aut iniquum,  
aut turpe esse defendet: aut etiam discrepare cum ceteris  
scriptis, uel aliorum, ut maximè, si poterit; eiusdem;  
quamq; defendet ipse, eam rem & sententiam quemuis  
prudentem & iustum hominem, si integrum daretur,  
scripturum fuisse, sed planius: eamq; sententiam quam  
significari posse dicet, nihil habere aut captionis, aut  
ultij. Contrariam autem si probarit, fore ut multa uitia,  
stulta, iniqua, contraria consequantur. Cum autem aliud  
scriptor sensisse uidetur, & aliud scripsisse, qui scripto  
nitetur, eum re exposita recitatione uti oportebit: dein-  
de instare aduersario, iterare, renouare, interrogare, num  
aut scriptum neget, aut contra factum inficietur. Post  
iudicem ad uim scripti uocet, hac confirmatione usus:  
amplificet rem lege, laudanda: audaciamq; confutat eius  
qui cum palam contra fecerit, idq; fateatur, adsit tamen,  
factumq; defendat. Deinde infirmet defensionem, cum  
aduersarius aliud uoluisse, aliud sensisse scriptorem,  
aliud scripsisse dicat, non esse ferendum à quoquam po-  
tius latoris sensum, quam à lege explicari. Cur ita scri-  
pserit, si ita non senserit? Cur, cum ea quæ planè scripta  
sint, neglexerit, quæ nunquam scripta sint, proferat?  
Cur prudentissimos in scribendo uiros summæ stulticiæ  
putet esse damnandos? Quid impederit scriptorem,  
quò minus exciperet illud, quod aduersarius tanquam  
si exceptum esset, ita dicit se secutum? Vtetur exem-  
plis ijs, quibus idem scriptor: aut si id non poterit,



quibus alij quod excipiendū putarint, exceperint. Quos  
 renda etiam ratio est, si qua poterit inueniri, quare non  
 sit exceptum: aut iniqua lex, aut inutilis futura dicetur,  
 aut alia causa obtemperandi, alia abrogandi: dissentire  
 aduersarij uocem atq; legis. Deinde amplificandi causa,  
 de conseruandis legibus, de periculo rerum publicarum  
 atq; priuatarum, cum alijs locis, tum in perorando ma-  
 xime, grauiter erit uehementēq; dicendum. Ille autem  
 qui se sententia legis, uoluntateq; defendet, in consilio  
 atq; in mente scriptoris, non in uerbis ac literis uim le-  
 gis positam esse defendet, quodq; nihil exceperit in lege,  
 laudabit, ne diuerticula peccatis darentur: atq; ut ex fa-  
 cto cuiusq; iudex legis mentem interpretaretur. Deinde  
 erit utendum exemplis, in quibus omnis æquitas pertur-  
 betur, si uerbis legum, ac non sententijs pareatur. Dein-  
 de genus eiusmodi calliditatis & calumnie retrahatur  
 in odium (b) iudicis, cum quadam inuidiosa querela. &  
 si incidet imprudentiæ causa, quæ non ad delictum, sed  
 ad casum, necessitatemue pertineat, quod genus paulo  
 ante attigimus, erit iisdem æquitatis sententijs contra  
 acerbiter uerborum deprecandum: sin scripta inter se  
 dissentient, tanta series artis est, & sic inter se sunt ple-  
 raq; connexa et apta, ut quæ paulo ante præcepta dedi-  
 mus ambigui, quæq; proxime sententiæ et scripti, eadem  
 ad hoc genus causæ tertium transferantur. Nam quibus  
 locis in ambiguo defendimus eam significationem quæ  
 nos adiuuat, eisdem in contrarijs legibus nostra lex de-  
 fendenda est. Deinde est efficiendum, ut alterius scripti  
 sententiam, alterius uerba defendamus. Ita quæ modò de  
 scripto, sententiæq; præcepta sunt, eadem huc omnia  
 transferamus. EXPOSITAE sunt tibi omnes ora-



torie partitiones, quæ quidem è media illa nostra Aca-  
 demia floruerunt, neq; sine ea aut inueniri, aut intelligi,  
 aut tractari possunt. Nam & partiri ipsum, & defini-  
 re, & ambigui partitiones diuidere, & argumento-  
 rum locos nosse, & argumentationem ipsam conclu-  
 dere, & uidere quæ sumenda in argumentando sint,  
 quidquæ ex ijs quæ sumpta sunt, efficiatur, & uera à  
 falsis, uerisimilia ab incredibilibus diiudicare & distin-  
 guere, & aut malè sumpta, aut malè conclusa repre-  
 hendere, & eadem uel angustè differere, ut dialectici  
 qui appellantur: uel ut oratorem decet, latè exprimere,  
 illius exercitationis & subtiliter disputandi, & copio-  
 se dicendi artis est. De bonis uerò rebus, & malis:  
 æquis, iniquis: utilibus, inutilibus: honestis, turpibus:  
 quam potest habere orator, sine illis maximarum rerum  
 artibus, facultatem, aut copiam? Quare hæc tibi sint mi  
 Cicero, quæ exposui, quasi indicia fontium illorum: ad  
 quos si nobis eisdem ducibus, alijs uè peruenieris, tum &  
 hæc ipsa melius, & multò maiora alia cognosces. C. F.

Ego uerò, ac magno quidem studio, nū pater,  
 multisq; ex tuis præclarissimis mune-  
 ribus nullum maius ex-  
 pecto.

FINIS.



753  
M. T. CICERONIS  
DE OPTIMO GENERE  
re Oratorum.

(a)

243



RATORVM genera esse dicuntur, tanquam poetarum: id secus est. nam alterum est multiplex. Poëmatís enim Tragici, Comici, Epici, Melici etiam ac Dithyrambici, quod magis est tractatum à Latinis, suum quoduis est diuersum à reliquis. Itaque & in Tragedia Comicum uitiosum est, & in Comœdia turpè Tragicum. Et in cæteris suus est cuiusq; cæritus sonus, & quædam intelligentibus nota uox. Oratorum autè si quis ita numerat plura genera, ut alios grandæis, aut graueis, aut copiosos: alios tenuis, aut subtileis, aut breuēis, alios eis interiectos, et tanquam medios putet: de hominibus dicet aliquid, de re parum. In re enim quod optimum sit, queritur: in homine, dicitur quod est. Itaq; licet dicere, & Ennium summum epicum poetam, si cui ita uidetur: & Pacuuium tragicum, & Cæciliū fortasse comicum. Oratorem genere non diuido: perfectum enim quero. Vnum est autem genus perfecti: à quo qui absunt, non genere differunt, ut ab Accio Terentius: sed in eodem non sunt pares. Optimus est enim orator, qui dicendo animos audientium & docet, & delectat, & permouet. Docere debitum est, delectare honorarium, permouere necessarium: hæc ut alius melius quam alius, concedendum est. uerum id sit non genere, sed gradu. Optimum quidem unum est: & proximum, quod ei simillimum: ex quo perspicuum est, quod



optimo dissimillimū sit, id esse deterrimū. Nam quoniam eloquentia constat ex uerbis & sententijs, perficiendum est, ut purē & emendatē loquentes, quod est Latine: uerborum præterea & propriorum, & translatorum elegantiam persequamur. In proprijs, ut aptissima eligamus: in translatis, ut similitudinem secuti, uerecundē uideamur alienis. Sententiarum autem totidem genera sunt, quot diximus esse laudum. Sunt enim docendi, acutæ: delectandi, quasi argutæ: commouendi, graues. Sed & uerborum est structura quædā duas res efficiens, numerū & lenitatem: & sententiæ suam compositionem habent, ad probandam rem accommodatū ordinem: sed earum omnium rerum, ut adificiorum, memoria est quasi fundamentum, lumen actio. Ea igitur omnia in quo summa, erit orator peritissimus: in quo mediæ, mediocris: in quo minima, deterrimus. Et appellabuntur omnes (b) oratores, ut pictores appellantur, etiam mali: nec generibus inter sese, sed facultatibus different. Itaque nemo est orator, qui se Demosthenis similem esse nolit: at Menander Homeri noluit, genus enim erat aliud. id non est in oratoribus: aut etiam si est, ut alius grauitatem sequens subtilitatem fugiat: contra, alius acutiorē se quā ornatiorem uelit, etiam si est in genere tolerabili, certē non est in optimo: si quidem quod omnes laudes habet, id est optimum. Hæc dixi breuius equidem, quā res petebat: sed ad id quod agimus, non fuit dicendum pluribus. Vnum enim cum sit genus, id quale sit, querimus. Est autem tale, quale floruit Athenis, ex quo Atticorum oratorum ipsa uis ignota est, nota gloria: nam alterum multi uiderunt, uitiosi nihil apud eos: alterum pauci, laudabilia esse multa. Est enim uitiosum in sententijs, si quid



absurdum, aut alienum, aut non acutum, aut subinsulsum est. In uerbis, si inquinatum, si abiectum, si non aptum, si durum, si longè petatum; hæc uitauerunt ferè omnes, qui aut Attici numerantur, aut dicunt Atticè: sed quatenus ualuerunt, sani & sicci duntaxat habeantur: sed ita, ut palestricè spaciari in xysto ut liceat, non ab Olympijs coronam petant: qui cum careant omni uitio, non sunt contenti quasi bona ualitudine: sed uires, lacertos, sanguinem querunt: quandam etiam suauitatem coloris eos imitemur, si possumus: sin minus, illos potius qui incorrupta sanitate sunt: quod est proprium Atticorum, quàm eos, quorum uitiosa abundantia est, quales Asia multos tulit: quod cum faciemus, si modo id ipsum assequemur (est enim permagnum) imitemur, si poterimus, Lysiam, & eius quidem tenuitatem potissimum. Est enim multis in locis grandior: sed quia & priuatus ille plerasq; & eas ipsas alijs, & paruarum rerum causulas scripsit, uidetur esse ieiunior: quoniam seipse consultò ad minutarum genera causarū limauerit. quod qui ita faciet, ut si cupiat uberior esse, non possit: habetur sanè orator, sed de minoribus: magno autem oratori etiam illo modo sæpe dicendum est in tali genere causarum. Ita sit, ut Demosthenes certè possit summisse dicere, elatè Lysias fortasse non possit. Sed si eodem modo putant, exercitu in foro, & in omnibus templis quæ circum forum sunt collocato, dici pro Milone decuisse, ut si de re priuata ad unum iudicem diceremus, uim eloquentiæ suæ facultate, non rei natura metiuntur. Quare quoniam nonnullorum sermo iam increbuit, partim se ipsos Atticè dicere, partim neminem nostrum dicere, alteros negligamus. satis enim his res ipsa respondet,



cum aut non adhibeantur ad causas, aut adhibiti derideantur. nam si arrideantur, esset id ipsum Atticorum. Sed 244 qui dici à nobis Attico more nolunt, ipsi (a) autem se nō oratores esse profitentur, si teretes aures habent, intelligentq; iudicium, tanquam ad picturā probandam adhibentur etiam inscij faciendi, cum aliqua solertia iudicandi. Sin autem intelligentiam ponunt in audiendi fastidio, neq; eos quicquam excelsum magnificumq; delectat, dicant se subtile quiddam & politum uelle, graue ornatumq; contemnere. id uerò desinant dicere, qui subtiliter dicunt, eos solos Atticē dicere: id est, quasi sicce, & integrè, & amplè, et ornate, et copiose, cum eadem integritate Atticorum est: quid dubium est utrum orationem nostram tolerabilem tantum, an etiam admirabilem esse cupiamus? Non enim iam quærimus, quid sit Atticē, sed quid sit optimè dicere: ex quo intelligitur, quoniam Græcorū oratorum præstantissimi sunt ij qui fuerunt Athenis, eorū autem princeps facile Demosthenes: hunc si quis imitetur, eum & Atticē dicturum, & optimè: ut quoniam Attici nobis propositi sunt ad imitandum, benè dicere id sit Atticē dicere. sed cum in eo magnus error esset, quale esset id dicendi genus, putauī mihi suscipiendum laborem, utilem studiosis, mihi quidē ipsi non necessarium. Conuerſi enim ex Atticis duorum eloquentissimorum nobilissimas orationes inter se contrarias, Aeschinis, Demosthenisq;: nec conuerſi ut interpreſes, sed ut orator, sententijs ijsdem, et earum formis tanquam figuris, uerbis ad nostram consuetudinē aptis: in quibus non uerbum pro uerbo necesse habui reddere, sed genus omnium uerborum, uimq; seruauī. non enim ea me annumerare lectori putauī oportere, sed tanquam



appendere. hic labor meus hoc assequetur, ut nostri homines, quid ab illis exigant, qui se Atticos uolunt, & ad quam eos quasi formulam dicendi reuocent, intelligant.

Sed exoritur Thucydides: eius enim quidā eloquentiam admirantur. id quidem rectē: sed nihil ad eum oratorem, quem querimus. Aliud est enim explicare res gestas narrādo, aliud argumentando criminari, crimine dissoluere: aliud narratione tenere auditorem, aliud concitare. At loquitur pulchrē: num melius quā Plato? necesse tamen est oratori quem querimus, controuersias explicare forenses dicendi genere apto ad docendum, ad delectandum, ad permouendum. Quare si quis erit, qui Thucydidio genere causas in foro dicturum esse profiteatur, is abhorreat etiam à suspitione eius quæ uersatur in re ciuili, & forensi. Qui Thucydidem laudabit, ascribat suæ nostræ sententiæ, quin ipsum Isocratem, quem diuinus author Plato suum ferē æqualem admirabiliter in Phædro laudari fecit à Socrate, quemq; omnes docti summum oratorem esse dixerunt, tamē hoc in numero non repono. (b) Non enim in acie uersatur, & ferro: sed quasi rudibus eius eludit oratio. à me autem, ut cum maximis minima conferam, gladiatorum par nobilissimum inducitur. Aeschines tanquam Aeserninus (ut ait Lucilius)

Non spurcus homo, sed doctus, & acer:

Cum Pacidiano hic componitur optimus longē

Post homines natos.

nihil enim illo oratore arbitror cogitari posse diuinius. Huic labori nostro duo genera reprehensorū opponuntur: unū hoc, uerū melius Græci. à quo queratur, ecquid possit ipse melius Latine? alterū, quid istas potius legā,



quàm Græcos? Idem Andriam, & Syntephebos: nec mi-  
nus Terentium et Cæcilium, quàm Menandrum legunt:  
nec Andromacham, aut Antiopam, aut Epigonos La-  
tinos recipiant: sed tamen Ennium, et Pacuuium, & Ac-  
cium, potius quàm Euripidem & Sophoclem legunt.  
Quod igitur est eorum in orationibus e Græco conuer-  
sis fastidium, nullum cum sit in uersibus? Sed aggredia-  
mur iam quod suscepimus, si prius exposuerimus, quæ  
causam iudicium deducta sit. Cum esset lex Athenis,  
ne quis populi scitum faceret, ut quisquam corona do-  
naretur in magistratu prius, quàm rationes retulisset:  
Et altera lex, eos qui à populo donarentur, in concione  
donari debere: quia in senatu Demosthenes curator mu-  
ris reficiendis fuit, eosq; refecit pecunia sua: de hoc igitur  
Ctesiphon scitum fecit, nullis ab ipso rationibus re-  
latis, ut corona aurea donaretur: eaq; donatio fieret in  
theatro populo conuocato, qui locus non est concionis  
legitima: atq; ita prædicaretur, eum donari uirtutis er-  
go, beneuolentiæq; quam erga populum Atheniensem  
haberet. Hunc igitur Ctesiphontē in iudicium adduxit  
Aeschines, quod contra leges scripisset, ut & rationi-  
bus non relatis corona donaretur, & ut in theatro, &  
quod de uirtute eius, & beneuolentia falsa scripisset:  
quoniam Demosthenes nec uir bonus esset, nec bene me-  
ritus de ciuitate, Causa ipsa abhorret illa quidem à for-  
mula consuetudinis nostræ, sed est magna. habet enim et  
legum interpretationem satis acutam in utraq; partē,  
& meritorum in rempub. contentionem sanè grauem.  
Itaq; causa fuit Aeschini, quoniam ipse à Demosthene  
esset capitis accusatus, quod legationem e mentitis esset,  
ut ulciscendi inimici causa nomine Ctesiphontis iudiciū



fieret de factis, famaꝫ Demosthenis. Non enim tam multa dixit de rationibus non relatis, quàm de eo quod ciuis improbus, ut optimus laudatus esset. Hanc multam Aeschines à Ctesiphonte petijt quadriennio ante Philip-  
 245 pi Macedonis mortem: sed iudicium (a) factum est aliquot annis post, Alexandro iam Asiam tenente: ad quod iudicium concursus dicitur è tota Græcia factus esse. Quid enim aut tam uisendum, aut audiendū fuit, quàm summorum oratorum in grauissima causa, accurata et inimicitijs incensa contentio? Quorum ego orationes, si, ut spero, ita expressero, uirtutibus utens illorum omnibus, id est sententijs, et earum figuris, et rerum ordine: uerba persequens eatenus, ut ea non abhorreant à more nostro: quæ si è Græcis omnia cōuersa nō erunt, tamen ut generis eiusdem sint elaborauimus: erit regula, ad quam eorum dirigantur orationes, qui Atticè uolunt dicere. sed de nobis satis. Aliquando enim  
 Aeschinem ipsum Latine dicentem audiamus.

FINIS.



# RERVM ET VERBORVM IN HOC CICERONIS VOLVGINE MEMO- rabilium, Index.

## A

**A** Culeo 586 *Auguris* 645  
Actio particur Axilla 654  
in uocem &  
gestum 547

## C

Actio quasi corporis  
quædam eloquentia Caius Aquilius Gal-  
627 lus 551  
Aeschines Milesius Caius Bilienus 559  
666 Caius Carbo 535 571  
Aeschylus Gnidius Caius Cato 539  
668 C. Cosconius 579  
Antigenidæ dictum C. Curio 539  
561 C. Clodius 555  
Antimachi dictum de C. Fabricius 523  
Platone 562 C. Fimbria 544. 556.  
Antiphon Rhamnu- 576.  
sius pro se dixit in C. Flaminius, qui a-  
causa capitali 522 pud Thrasimenum  
*Antisthenes* 659 interfectus est, elo-  
Appiæci oratio 525 quens fuit 524  
Aphilia 558 C. Galba 544  
Asiatici oratores 522 C. Gorgonius 559  
Athenis primum se ex C. Gracchus 539 543  
tulit orator 516 C. Iulius 558  
Aulus Albinus 530 C. Lælius 531



# INDEX.

C. Licinius Nerua	531	Cethegus	657
C. L. Cæpasi	579	Charisius	587
C. L. Memmij	546	Chirtilius	584
C. Macer	577	Clitarchus historicus	
C. Memmius	580	520	
C. Perlius	536	Cn. Domitius	554
C. Piso	578	Cn. Lentulus	576
C. Popilius	535	Cn. Pomponius	572
C. Rufcius	584	Cn. Sicinius	570
C. Rusticellus	556	νόδαα	554 674
C. Seruilius Glaucia		νόμαααα	674
572			
C. Sextius Caluinus		Corax & Tysia primi	
545		scripserunt de arte	
C. Sicinius	585	521	
C. Sulpitius Gallus	530	Coriolanus	520
C. Stalenus	578	Cornelia mater Grac	
C. Tityus	555	chorum	568
C. Tuditanus	535	Curio	543
C. Iulij dictum de Cui		Curio orator indo	
ritone	570	αυς	568
C. Visellius	585		
Calamides	528	D	
Calui iudicium de ora			
tionone	592	Decius Syllanus	378
Canachus	528	Deiotarus defensu a	
Carthago	657	Bruto	515
Catachresis, id est abu		Demadis nulla extant	
sio	636	scripta	519
Catonis maioris filius		Demetrius Phalereus	
526		587	
Cato senior quando		Demochares fororis	
fit mortuus	525	Demosthenis filius	
Cæsar's laus	582	387	



# INDEX.

Demosthenes facetus	deus	608
635	Hieronymus Peripateticus	667
Demosthenes Platonis auditor	613	Hippias Elæus 517
Diodorus Stoicus	600	Hortensij laus 509
Dionysius Magnes	602	Hyalifis 610
Diophanes Mitilæneus	538	Hyperbolus Atheniensis 573

Doryphorus Polyclæti	597
Duellius	654

## E

Eetion	528
ἔπειτα	537
Eloquens nemo fit uisoria	516
ἐπιδεικνύμενον genus	620

Ephorus discipulus

Isocratis	657
Eupolis	519

## F

Fannij	536
Flamen Albinus	546
Fufidius	540

## H

Haristius	609
Hierocles Alabanus	609

I	
Ideæ	612
Isocratis dictum de Theopompo & Ephoro	566
Isocratis domus quasi officina dicendi habita	518
ἡδυνόν	646
L	
Lacedæmonius nullo orator	522
Lentulus Marcellinus	580
Lepidiorationes	596
Liuius primus fabularum iam docuit	528
Loci apud dialecticos	623
λογολαλία	620
Lucius Accius	538
L. Aelius Stoicus	566



# INDEX.

L. Afranius	555	niorum disciplinam	
L. Apuleius Saturni-		astrinxit	520
nus	572	Lyfiæ tempora	518
L. Bestia	544	Lyfiæ Atticus	526
L. Brutus primus ora-			
tor apud Romanos		M	
523			
L. Cæfidenus	545	Mamercus	558
L. Calsius	535	Marcus Aemilius Leo	
L. Cælius Antipater		pidus Porcina	535
537		M. Antius Briso	536
L. Cotta	547	M. Aquilius	572
L. Domitius	586	M. Aurelius Scaurus	
L. & C. Aurelij Orestæ	546		
535		M. Bibulus	586
L. Fufius	572	M. Canuleius	603
L. Gellius	537 557	M. Cælius	588
L. Lucilius Balbus	551	M. Coponius	563
L. Lucullus	572	M. Cornelius Cethe-	
L. Mummius	535	gus	524
L. Octavius Reatinus		M. Crassus	576
578		M. Curius	524 549
L. Opimius Gracchi		M. Drusus	539
interfeftor	544	M. Fulvius Flaccus	539
L. Papyrius	556	M. Grati dius	555
L. Paulus	530	M. Herennius	555
L. Philippus	555	M. Marcellus	547
L. Pifo	538	M. Octavius	535 572
L. Quintius	572	M. Pennus	539
L. Sabellius	545	M. Pifo	580
L. Torquatus	578, 586	M. Pontidius	576
L. Turius	577	M. Popilius	524
L. Veturius	524	M. Scaurus	539
Lycurgus Lacedæmo		M. Syllanus	546



# I N D E X.

M. Valerius cur Maxi Paxillum	654
mus dictus	523
M. Vergilius	559
Maxilla	654
Merellus Celer & Ne-	lius
pos.	580
Molo legatus Romæ	672
601	Phalereus eruditissi-
Monsacer	mus superiorum or-
523	ratorum
Mutius Augur	519
538	Phalereus primus in-
Myron	flexit orationem
528	ibid.

## N Philo Academiæ prin-

ceps	599
Naucrates Isocratis di-	Pisistrati ætas
scipulus	519
661	Platonis statua
Nestor facundus	516
519	Plautus quando mor-
Næuius quando mor-	tuus
tuus	525
525	Polygnotus
Nicomachus	528
528	629
	Protogenes
	528

## O Publius Africanus

531	P. Antistius
573	P. Cominius Spoleti-
528	nus
587	587
	P. Crassus
	536

## P M. filius

591	P. Dacius
539	P. Lentulus
572	539. 547.
Panathenæicus Isocras	586.
620	P. Magius
559	P. Murena
Panegyricus Isocratis	577
ibid.	P. Orbius
559	559
646	P. Popilius
	535



# INDEX.

P. Rutilius	539	
P. Rutilius Rufus	532	S
P. Sextius	559	
P. Scipio Nasica Cor- culum	530 543	Seruius Fulvius 530.
Pulcer	657	Seruius Galba 536
		Seruius Sulpitius 550
Q		Sextus Titius 573
		Sisenna 584
Quintus Aelius Tu- bero	541	Solonis ætas 516
Quintus Arrius	579	Spurius Albinus 535
Quintus Cæpio	546	Sp. Mummius ibid.
	572	Sp. Torius 546
Q. Catulus	565	Stratocles historicus
Q. Fabius Labeo	531	
Q. Granius	556	Suaui loquentia 524
Q. Lucræti Vespillo	615 665.	527 548 589
	558	
Q. Metellus	524 531	T
Q. Metellus Numidi- cus	546	Tauriscus actor 507
Q. Pompeius	535	Taxilla 654
Q. Pompeius Bithyni- cus	578	Themistocles mores 517
Q. Rubrius Varro	555	Theopompus 527
Q. Sertorius	559	Thelis 623 645
Q. Varius	571	Timæus 526
		Titus Accius Pisau- rensis 587
R		T. Albutius 537 545
Rhetor, id est eloquês		T. Annii Velina 558
626		T. Aufidius 559
pūbūds	628	T. Betutius Barrus 556



# INDEX.

T. Coruncanus	523	
T. Flaminius	530	V
T. Gracchus	530 535	Valerius Soranus 556
T. Iunius	559	Varro 567
T. Iuuentius	558	Vexillum 654
T. Libo tribunus ple-		Viriati bellum 531
bis	533	Vlysses facundus 519
T. Posthumius	587	Volsorum bellum
T. Tinca	556	520
T. Torquatus Molo-		
nis discipulus	579	X
Tria effici dicendo de	Xapantij	619
bere	560	Xenocles Adramiteo
Tria genera dicendi	nus	602
614		
Triarius	586	Z
Τρίωνος	527	Zeusis pictor 529

# FINIS.

ARGENTORATI, PER IOSIAM RI-

belium , Anno Salutis humane


M D LXVIII.

Mense Iunio.


























M. T. CICERONIS

DE ORATORE AD QVINTVM

*Fratrem Libri III.*

POST NAVGERIANAM ET VICTORI-  
anam correctionem emendati à IOAN.

STVRMIO.

*Aldinae paginae in marginibus notatae sunt.*



Cum Gratia & Priuilegio Caesaris  
ad decennium.

M. D. LXVIII.



# TYPOGRAPHVS

LECTORI. S.



DE VNT tandem ad te, lector bene-  
uole, ex ædibus nostris typographicis M.  
T. Ciceronis de Oratore ad Q. fratrem  
libri tres, eodem antehac cum reliquis e-  
iusdem Rhetoricis libris æditi uolumine, seorsim uerò iā  
ab iisdem excusi, idq; in eorum gratiam, quorum studijs  
sumptus exigui nō admodum inseruiunt. Paginæ autem  
Aldinæ in hoc etiam, ut in prioribus, diligenter annota-  
tæ sunt exemplari, nostræ uerò eodem quo & antehac  
solutum est fieri modo, cum Nizolij in Ciceronem Ob-  
seruationibus Basileæ Rauracorum impressis conueni-  
unt, tomī nempe huius numeris cum præcedentibus  
catenæ instar coniunctis. Vale lector bene-  
uole, & his in utilitatem tui utere. Dat.

Argentorati ex ædibus nostris

Anno 1568.



# M. T. CICERONIS

AD QUINTVM FRATREM

Dialogi de Oratore.

Liber I.

(a)

85



COGITANTI mihi saepenumero, et memoria uetera repetenti, perbeati fuisse, Quinte frater, illi uideri solent, qui in optima Republica cum et honoribus, et rerum gestarum gloria florerent, cum uita cursum tenere potuerunt, ut uel in negotio sine periculo, uel in ocio cum dignitate esse possent. Ac fuit tempus illud, cum mihi quoque initium requiescendi, atque animi ad utriusque nostrum praecleara studia referendi fore iustum, et prope ab omnibus concessum esse arbitrarer: si infinitus forensium rerum labor, et ambitionis occupatio decursu honorum, etiam aetatis flexu constitisset. Quam spem cogitationum et consiliorum meorum, cum graues communium temporum, tum uarij nostri casus sefellerrunt. Nam qui locus quietis et tranquillitatis plenissimus fore uidebatur, in eo maxima molestarum et turbulentissimae tempestates extiterunt. Neque uero nobis ciuientibus atque exoptantibus fructus ocij datus est, ad eas artes, quibus a pueris dediti sumus, celebrandas, inter nosque recolendas: nam et prima aetate incidimus in ipsam perturbationem disciplinae ueteris, et consulatu deuenimus in medium rerum omnium certamen atque discrimen: et hoc tempus omne post consulatum obicimus ijs fluctibus, qui per nos a communi peste depulsi, in nosmetipsos redundarunt. Sed tamen in his uel asperitatibus rerum, uel angustijs temporis, obsequar studiis no-

Ad ij



stris: & quantum mihi uel fraus inimicorum, uel causa  
 amicorum, uel Respublica tribuet ocij, ad scribendum  
 potissimum conferam. Tibi uero, frater, neque hortanti  
 deero, neque roganti: nam neque auctoritate quisquam  
 apud me plus te ualere potest, neque uoluntate. Ac mihi  
 repetenda est ueteris cuiusdam memoria non sanè satis  
 explicata recordatio: sed, ut arbitror, apta ad id quod  
 requiris: ut cognoscas, quæ uiri omnium eloquentissi-  
 mi clarissimiq; senserint de omni ratione dicendi. Vis  
 enim (ut mihi sepè dixisti) quontam quæ pueris aut ado-  
 lescantulis nobis ex Commentariolis nostris inchoata  
 atque rudia exciderunt, uix hac etate digna, & hoc usu  
 quem ex causis, quas diximus, tot tantisq; consecuti su-  
 mus, aliquid ipsæ de rebus politius à nobis, perfectiusq;  
 proferri. Solesq; nonnunquam hac de re à me in dispu-  
 tationibus nostris dissentire, quod ego eruditissimorum  
 hominum artibus eloquentiâ contineri statuam: tu au-  
 tem (b) illam ab elegantia doctrinæ segregandam pu-  
 tes, & in quodam ingenij atque exercitationis genere  
 ponendam. Ac mihi quidem sæpenumerò in summos ho-  
 mines, ac summis ingenijs præditos intuenti, quæren-  
 dum esse uisum est, quid esset, cur plures in omnibus ar-  
 tibus quàm in dicèdo admirabiles extitissent. Nam quo-  
 cunque te animo & cogitatione conuerteris, permul-  
 tos excellentes in quòq; genere uidebis, non mediocrium  
 artium, sed propè maximarum. Quis enim est, qui, si  
 clarorum hominum scientiam rerum gestarum uel uti-  
 litate, uel magnitudine metiri uelit, non anteponat ora-  
 tori imperatorem? Quis autem dubitet, quin belli du-  
 ces ex hac una ciuitate præstantissimos penè innume-  
 rabiles: in dicendo autem excellentes uix paucos pro-  
 ferre

*Quædam ex Aristotele*

*Quædam ex Aristotele  
in imperatore*

*Quædam ex Aristotele  
in imperatore*



ferre possumus? Iam uerò consilio ac sapientia qui regere ac gubernare remp. possent, multi nostra, plures patrum memoria, atque etiam maiorum extiterunt: cum boni per diu nulli, uix autem singulis ætatibus singuli tolerabiles oratores inuenirentur. Ac ne quis fortè cum alijs studijs, quæ reconditis in artibus, atque in quadam uarietate literarum uersentur, magis hanc dicendi rationem, quam cum Imperatoris laude, aut cum boni Senatoris prudentia comparandam putet, conuertat animum, & ea ipsa artium genera circumspectat: quique in ijs floruerint, quamque multi sint: sic facillimè quanta oratorum sit, semperque fuerit paucitas, iudicabit. Neque enim te fugit laudatarum artium omnium procreatricem quandam, & quasi parentem, eam, quam philosophi Græci uocant, ab hominibus doctissimis iudicari: in qua difficile est enumerare, quot uiri, quanta scientia quantaque in suis studijs uarietate & copia fuerint, qui non aliqua in re unà separatim elaborarint, sed omnia quæcunque essent, uel scientiæ peruestigatione, uel differendi ratione comprehenderint. Quis ignorat, ij qui mathematici uocantur, quanta in obscuritate rerum, & quam recondita in arte, & multiplici, subtilique uersentur: quo tamen in genere ita multi perfecti homines extiterunt, ut nemo ferè studuisse ei scientiæ uehementius uideatur, quin quod uoluerit, consecutus sit. Quis musicis, quis huic studio literarum quod profitentur ij qui grammatici uocantur, penitus se dedit, quin omnem illarum artium penè infinitam uim & materiam, scientia & cognitione comprehenderit? Verè mihi hoc uideor esse dicturus: ex omnibus ijs qui in harum artium studijs liberalissimis sint doctrinisque uersati, minimam

*Enim hanc artem  
Laus philosophi*



copiam poetarum egregiorum extitisse: atq; in hoc ipso numero in quo perraro exoritur aliquis excellens, si diligenter, & ex nostrorum & Græcorum copia comparare uoles, multo tamen pauciores oratores quàm poetæ boni reperientur. (4) quod hoc etiam mirabilius debet uideri; quia cæterarum artium studia ferè reconditis atq; abditis è fontibus hauriuntur: dicendi autem omnis ratio in medio posita, communi quodam in usu atq; in hominum more & sermone uersatur: ut in cæteris id maximè excellat, quod longissimè sit ab imperitorum intelligentia sensuq; disiectum: in dicendo autè uitium uel maximum sit, a uulgari genere orationis, atq; à consuetudine communis sensus abhorrere. Ac ne illud quidem uerè dici potest: aut plures cæteris artibus inseruire, aut maiore delectatione, aut spe uberiore, aut præmijs ad perdiscendum amplioribus commoueri. atq; ut omittam Græciam, quæ semper eloquentiæ princeps esse uoluit, atq; illas omnium doctrinarum inuentrices Athenas, in quibus summa dicendi uis & inuenta est, & perfecta: in hac ipsa ciuitate profecto nulla unquam uehementius, quàm eloquentiæ studia uiguerunt. Nam posteaquam imperio omnium gentium constituto diuturnitas pacis acium confirmauit, nemo ferè laudis cupidus adolescens nõ sibi ad dicendum studio omni enitendum putauit. Ac primò quidem totius rationis ignari, qui neque exercitationis ullam uia neque aliquod præceptum artis esse arbitrantur: tantum, quātum ingenio & cogitatione poterant, consequabantur. post autem auditis oratoribus Græcis, cognitisq; eorum literis, adhibitisq; doctoribus, incredibili quodam nostri homines dicendi studio flagrauerūt. Excitabat eos magnitudo, & uarietas,

tas,



tas, multitudoq; in omni genere causarum: ut ad eam do-  
 ctinam, quam suo quisq; studio consecutus esset, adiun-  
 geretur usus frequens, qui omnium magistrorum præ-  
 cepta superaret. Erant autem huic studio maxima, quæ *de præmijs quib;*  
 nunc quoq; sunt, proposita præmia: uel ad gratiam, uel *ad laudem & meritum*  
 ad opes, uel ad dignitatem: ingenia uero (ut multis re-  
 bus possumus iudicare) nostrorum hominum multum  
 cæteris hominibus omnium gentium præstiterunt. Qui-  
 bus de causis, quis non iure miretur, ex omni memoria *antiquitas*  
 ætatum, temporum, ciuitatum, tam exiguum oratorum  
 numerum inueniri? Sed nimirum maius est hoc quiddam, *Causa*  
 quam homines opinantur, & pluribus ex artibus stu-  
 dijsq; collectum. Quis enim aliud in maxima discetum *amplificatio*  
 multitudine, summa magistrorum copia, præstantissi-  
 mis hominum ingenijs, infinita causarum uarietate, am-  
 plissimis eloquentiæ propositis præmijs esse causæ pu-  
 tet, nisi rei quandam incredibilem magnitudinē ac diffi-  
 cultatem? Est enim & scientia comprehendenda rerum *profectus perhorum com-*  
 plurimarum, sine qua uerborum uolubilitas inanis atq;  
 irridenda est: & ipsa oratio conformanda non solum  
 electione, sed etiam constructione uerborum: & omnes  
 animorum motus, quos hominum generi rerum natura  
 tribuit, (b) penitus pernoscedi, quod omnis uis ratioq;  
 dicendi in eorum, qui audiunt, mentibus aut sedandis,  
 aut excitandis exprimenda est. Accedat eodem oportet *inueniuntur in dictis*  
 lepos quidam, facetiæq; & eruditio libro digna, cele-  
 ritasq; & breuitas, & respondendi, & laceßendi sub-  
 tili uenustate atq; urbanitate coniuncta. Tenenda præ-  
 terea est omnis antiquitas, exemplorumq; uis: neq; le-  
 gum, aut iuris ciuilis scientia negligenda est. Nam quid  
 ego de actione ipsa plura dicā? quæ motu corporis, quæ



*doctrina**Memoria qd.**2da forma**namq; uari**pauci oratores**labor**namq; si uari  
in oratione ita ui**cuius**namq; oratoris*

gestu, quæ uultu, quæ uocis conformatione ac uarietate moderanda est: quæ sola per se ipsa quanta sit, histrionum leuis ars & scena declarat. in qua cum omnes in oris, & uocis & motus moderatione elaborent: quis ignorat quam pauci sint, fuerintq; quos animo æquo spectare possimus? Quid dicam de thesauro rerum omnium memoria? quæ nisi custos inuentis cogitatisq; rebus & uerbis adhibeatur, intelligimus omnia, etiam si præclarissima fuerint, in oratore peritura. Quamobrem mirari desinamus quæ causa sit eloquentium paucitatis, cum ex illis rebus uniuersis eloquentia conslet, quibus in singulis elaborare permagnum est: hortemurq; potius liberos nostros, ceterosq; quorum gloria nobis & dignitas cara est, ut animo rei magnitudinem complectantur: ne quæ ijs aut præceptis, aut magistris, aut exercitationibus, quibus utuntur omnes, sed alijs quibusdã se id quod expetunt, consequi posse confidant. Ac mea quidem sententia nemo poterit esse omni laude cumulatus orator, nisi erit omnium rerum magnarum atq; artium scientiam consecutus: etenim ex rerum cognitione efflorescat & redundet oportet oratio, quæ nisi subest res ab oratore præcepta & cognita, inanem quandam habet elocutionem, & penè puerilem. Neq; uerò ego hoc tantum oneris imponam, nostris præsertim oratoribus, in hac tanta occupatione urbis ac uitæ, nihil ut ijs putem licere nescire: quanquam uis oratoris professioq; ipsa bene dicendi, hoc suscipere ac polliceri uidetur, ut omni de re quæcunq; sit proposita, ab eo ornate copioseq; dicatur. Sed quæ non dubito quin hoc plerisq; immensum infinitumq; uideatur: et quod Græcos homines non solum ingenio & doctrina, sed etiã ocio studioq; abundantes, partitione quandã artium



artium fecisse uideo: neq; in uniuerso genere singulos elaborasse, sed seposuisse à cæteris dictionibus eã partẽ dicens, quæ in forensibus disceptationibus iudiciorum aut deliberationũ uersaretur, et id unum genus oratori reliquisse: non cõplectar in his libris amplius, quàm quod huic generi, re quesita et multũ disputata, summorũ hominũ propè consensu est tributũ: repetamq; non ab incunabulis nostræ ueteris puerilisq; doctrinæ quẽdam (a) 87 ordinẽ præceptorũ, sed ea quæ quodã accepi in nostrorum hominũ eloquentissimorũ et omni dignitate principum disputatione esse uersata: non quod illa contempta quæ Græci dicendi artifices et doctores reliquerunt, sed cum illa pateat, in promptuq; sint omnibus, neq; ea interpretatione mea aut ornatiùs explicari, aut planius exprimi possint, dabis hæc ueniam, ni frater, ut opinor, ut eorum, quibus summa dicendi laus à nostris hominibus concessa est, auctoritatem Græcis anteponom.

¶ Cum igitur uehemẽtius inueheretur in causam principũ cõsul Philippus, Drusiq; tribũatus pro Senatus auctoritate susceptus, infringi iam ac debilitari uideretur: dici memini ludorũ Romanorũ diebus L. Crassum quasi colligendi sui causã, se in Thusculanum contulisse: uentisse eodem socer eius, qui fuerat Q. Mutius, dicebatur: et M. Antonius, homo et consiliorum in republica socius, et summa cũ Crasso familiaritate cõiunctus, exierat autem cum ipso Crasso duo adolescentes, et Drusi maxime familiares, et in quibus magnã tũ spem maiores natu dignitatis suæ collocarãt: C. Cotta, qui tum tribunatum pl. petebat: et P. Sulpitius, qui deinceps eum magistratũ petiturus putabatur. Hi primo die de temporibus illis, deq; uniuersa republ. quam ob causam uenerãt, multum



inter se usque ad extremum tempus diei collocuti sunt: quo quidē in sermone multa diuinitus à tribus illis consularibus Cotta deplorata & commemorata narrabat: ut nihil incidisset postea ciuitati mali, quod non impendere illi tanto antè uidissent. eo autē omni sermone confecto, tantam in Crasso humanitatem fuisse, ut cum lauti accubuiissent, tolleretur omnis illa superioris tristitia sermonis: eaq; esset in homine iucunditas, et tātus in iocando lepos, ut dies inter eos curiæ fuisse uideretur, conuiuium Tusculani. Postero autem die, cum illi maiores natu satis quiescent, in ambulationem uētum esse dicebat: tum Scaeuolam duobus spacijs tribusue factis dixisse: Cur non imitamur, Crasse, Socratem illum, qui est in Phædro Platonis? nam me hæc tua platanus admonuit: quæ non minus ad opacandum hunc locum patulis est diffusa ramis, quàm illa, cuius umbrā secutus est Socrates: quæ mihi uidetur non tam ipsa aquila, quæ describitur, quàm Platonis oratione creuisse. Sed quod illè durissimis pedibus fecit ut se abijceret in herba, atq; ita quæ philosophi diuinitus ferūt esse dicta, loqueretur: id meis pedibus certè concedi est æquius. Tum Crassum: Immo uerò commodius etiam puluinosq; poposcisse, & omnes in ijs sedibus quæ erant (b) sub platano, confedissee dicebat: tibi ut ex pristino sermone relaxarentur animi omniū, solebat Cotta narrare: Crassum sermonem quendam de studio dicendi intulisse: qui cum ita esset exorsus. Non sibi cohortandum Sulpitium & Cottam, sed magis utrunq; collaudandum uideri: quòd tantam iam essent facultatem adepti, ut non aequalibus suis solum anteponerentur, sed cum maioribus natu compararentur. Neque uerò mihi quicquam, inquit, præstabilius uidetur,

arborum  
mudone  
am an lūg  
ad aquila  
dum pedit in  
fuerit e  
hunc  
non in casu  
Platanus  
Socrates  
cum uoluit  
cum pedit  
non sibi  
tenet



detur, quàm posse dicendo tenere hominum cœtus, mentes allicere, uoluntates impellere quò uelit: unde autem uelit deducere. hæc una res in omni libero populo, maximeq; in pacatis tràquillisq; ciuitatibus præcipuè semper floruit, semperq; dominata est. Quid enim est aut tam admirabile, quàm ex infinita multitudine hominũ existere unũ, qui id quod omnibus natura sit datum, uel solus, uel cum paucis facere possit: aut tam iucundũ cognitu atque auditu, quàm sapientibus sententijs, grauiusq; uerbis ornata oratio et perpolitã: aut tam potens tamq; magnificum, quàm populi motus, iudicum religiones, senatus grauitatem unius oratione cõuertit: quid tam porro regium, tam liberale, tam munificum, quàm opem ferre supplicibus, excitare afflictos, dare salutem, liberare periculis, retinere homines in ciuitate: quid autem tam necessarium, quàm tenere semper arma, quibus uel tectus ipse esse possis, uel prouocare improbos, uel te ulcisci lace situs? Age uerò, ne semper forum, subsellia, rostra, curiãq; mediteris, quid esse potest in ocio aut iucundius, aut magis proprium humanitatis, quàm sermo facetus, ac nulla in re rudis? Hoc enim uno præstamus uel maxime feris, quòd colloquimur inter nos, et quòd exprimere dicendo sensa possumus. Quamobrem quis hoc non iure miretur, summeq; in eo elaborandum esse arbitretur: ut quo uno homines maxime bestijs præstet, in hoc hominibus ipsis antecellat? Vt uerò iã ad illa summa ueniamus: quæ uis alia potuit aut dispersos homines unũ in locum congregare, aut à fera agrestiq; uita ad hunc humanum cultum ciuilemq; deducere, aut iam constitutis ciuitatibus leges, iudicia, iura describere? Ac ne plura, quæ sunt penè innumerabilia, confecer, compe.

*Laus et commendatio  
Diogenis*

*Tamquam si quis  
Vincit hunc diem  
Sua uoce  
Senatus  
populi motus*

*conclusio  
Thygenia hanc*



comprehendam breui. Sicenim statuo, perfecti oratoris moderatione & sapientia non solum ipsius dignitatem, sed & priuatorum plurimorum, & uniuersae Reipublicae salutem maximè contineri. Quamobrem pergite, ut facitis, adolescentes, atque in id studium in quo estis, incumbite: ut & uobis honori, & amicis utilitati, & Reipublicae emolumento esse possitis.

*De uota respiciat* Tum Scæuola comiter, ut solebat: Cætera, inquit, assentior Crasso, ne aut de C. Lælij soceri mei, aut (a) de huius generi aut arte aut gloria detraham: sed illa duo, Crasse, uereor ut tibi possim concedere. Vnum, quod ab oratoribus ciuitates & ab initio constitutas, & sepe conseruatas esse dixisti. Alterum, quod remoto foro, concione, iudicijs, senatu, statuisi oratorem in omni genere sermonis & humanitatis esse perfectum. Quis enim tibi hoc concesserit, aut initio genus hominum in montibus ac siluis dissipatum, non prudentium consilij compulsum potius, quàm disertorum oratione delinitum, se oppidis moenibusq; sepsisse? aut uerò reliquas utilitates aut instituendis, aut conseruandis ciuitatibus, non à sapientibus & fortibus uiris, sed à disertis & ornate dicentibus esse constitutas? An uerò tibi Romulus ille aut pastores & conuenas congregasse, aut Sabiunorum connubia coniunxisse, aut finitimorum uim repressisse eloquentia uidetur, non consilio & sapientia singulari? Quid in Numa Pompilio? quid in Seruio Tullo? quid in cæteris regibus? quorum multa sunt eximia ad constituendam rempublicam, num quod eloquentiae uestigium appareat? Quid exactis regibus: tametsi ipsam exactionem mente, non lingua perfectam L. Bruti se cernimus: sed deinceps omnia, non ne



non ne plena consiliorum, inania uerborum uidemus?  
 Ego uerò si uelim & nostrae ciuitatis exemplis uti, &  
 aliarum, plura proferre possum detrimenta publicis re-  
 bus, quàm aduimenta per homines eloquentissimos im-  
 portata. Sed ut reliqua praeuertam, omnium mihi ui-  
 deor (exceptis, Crasse, uobis duobus) eloquentissimos au-  
 disse, Tiberium & C. Sempronios: quorum pater ho-  
 mo prudens, & grauis, haudquaquam eloquens, & sa-  
 pe alias, & maximè censor salutis Reipublicae fuit. atque  
 is non accurata quadam orationis copia, sed nutu atq;  
 uerbo libertinos in urbanas tribus transfudit: quod nisi  
 fecisset, Rempublicam quam nunc uix tenemus, iam diu  
 nullam haberemus. At uerò eius filij disertij, & omnibus  
 uel naturae uel doctrinae praesidijs ad dicendum parati,  
 cum ciuitatem uel paterno consilio, uel auitis armis flo-  
 rentissimam accepissent, ista praeclara gubernatrice, ut  
 ais, ciuitatem eloquentia rempub. dissipauerunt. Quid  
 leges ueteres, moresq; maiorum? Quid auspicia, quibus  
 & ego, & tu Crasse, cum magna reipublicae salute praes-  
 sumus: quid religiones & caeremoniae? quid haec iura ci-  
 uilia, quae tampridem in nostra familia sine ulla eloquen-  
 tia laude uersantur: num aut inuenta sunt, aut cognita,  
 aut omnino ab oratorum genere tractata? Equidem &  
 Seruium Galbam memoria teneo diuinum hominem in  
 dicendo, & M. Aemilium Porcinam, & Gn. ipsum Car-  
 bonem, quem tu adolescentulus perpulisti, ignarum le-  
 gum, hesitantem (b) in maiorum institutis, rudem in iu-  
 re ciuili: & haec aetas nostra, praeter te Crasse, qui tuo  
 magis studio quam proprio munere aliquo disertorum,  
 ius à nobis ciuile didicisti, quod interdum pudeat, iuris  
 ignara est. Quod uerò in extrema oratione quasi

tuo



tuo iure sumpſisti, oratorem in omnis sermonis disputa-  
 tione copiosissimè posse uersari, id nisi hic in tuo regno  
 essemus, non tulissem: multisq; præessem, qui aut inter-  
 dicto tecum contenderent, aut te ex iure manu conser-  
 uati uocarent, quòd in alienas possessiones tam temerè ir-  
 ruisses. Agerent enim tecum lege primum Pythagorei  
 omnes, atq; Democritici, ceteriq; in suo genere Physici:  
 uindicarentq; ornati homines in dicendo, & graues,  
 quibus cū tibi iusto sacramento contendere non liceret.  
 Vrgerent præterea philosophorum greges, iam ab illo  
 fonte & capite Socrate, nihil te de bonis rebus in uita,  
 nihil de malis, nihil de animi per motionibus, nihil de ho-  
 minum moribus, nihil de ratione uitæ didicisse, nihil o-  
 mnino quæsisse, nihil scire conuincerent. & cū uni-  
 uersi in te impetum fecissent, tum singulæ familiae litem  
 tibi intenderent. Instaret Academia, quæ quicquid dixis-  
 ses, id te ipsum negare cogeret. Stoici uero nostri dispu-  
 tationum suarum atq; interrogationum laqueis te irre-  
 titum tenerent. Peripatetici autem etiam hæc ipsa, quæ  
 propria oratorum putas esse adiumenta atq; ornamen-  
 ta dicendi, ab se peti uincerent oportere: ac non solum  
 meliora, sed etiam multò plura Aristotelem, Theophra-  
 stumq; de his rebus, quàm omnes dicendi magistros scri-  
 pſisse ostenderent. Missos facio Mathematicos, Græma-  
 ticos, Musicos, quorum artibus uestra ista dicendi uis ne  
 minima quidem societate coniungitur. Quamobrem ista  
 tanta, tamq; multa profitenda, Crasse, non cenſeo: satis  
 id est magnum quod potes præstare, ut in iudicijs ea cau-  
 sa quancunque tu dicis, melior & probabilior esse ui-  
 deatur: ut in concionibus, ut in sententijs dicendis ad  
 persuadendum tua plurimum ualeat oratio: deniq; ut  
 pruden-

In aliis uero  
 necesse est  
 Cuius de agri  
 contendebat  
 primum in uero  
 uenerat ali  
 uandem papiam  
 habet agri il  
 uolens benebat  
 et in uolante  
 ponebant

A Stoicis  
 adducit quæ  
 argumentantur  
 Philoſophi



prudentibus disertè, stultis etiam uerè dicere uidearis.  
 hoc amplius si quid poteris, non id mihi uidebitur orator,  
 sed Crassius sua quadam propria, non communi oratorum  
 facultate posse. Tum ille: Non sum, inquit, nescius, *Crassi Sententia*  
 Scauola, ista inter Græcos dici & disceptari solere: au- *na Triandri prole*  
 diu enim summos homines, cum Quæstor ex Macedo-  
 nia uenissem Athenas, florète Academia, ut tēporibus il-  
 lis ferebatur, quòd eam Carneades & Clitomachus &  
 Aeschines obtinebant. erat etiam Metrodorus, qui cum  
 illis unà ipsum illum Carneadem diligentius audierat,  
 hominem omnium in dicendo, ut ferebant, acerrimum  
 & copiosissimum. uigebat auditor Panætij illius tui  
 Mnesarchus, & Peripatetici Critolaus & Diodorus:  
 multi erāt (a) præterea præclari in philosophia & no- 89  
 biles, à quibus omnibus una penè repelli uoce oratorem  
 à gubernaculis ciuitatum, excludi ab omni doctrina re-  
 rumq; maiorum scientia, ac tantum in iudicia & conci-  
 unculas, tanquam in aliquod pistrinum detrudi & com-  
 pingi uidebam. Sed ego neq; illis assentiebar, neq; harū  
 disputationum inuentori, & principi longè omnium in  
 dicendo grauissimo & eloquentissimo Platoni: cuius tū  
 Athenis diligentius legi cum Carneade Gorgiam. quo  
 in libro in hoc maxime admirabar Platonē, quòd mihi  
 in orationibus irridendis ipse esse orator summus uide-  
 batur: uerbi enim controuersia tādū torquet Græculos  
 homines, contentionis cupidiores quàm ueritatis. Nam  
 si quis hunc statuet esse oratorem, qui tantummodò in  
 iure aut in iudicijs possit, aut apud populū, aut in senatu  
 copiose loqui: tamen huic ipsi multa tribuat & conce-  
 dat necesse est. neq; enim sine multa pertractatione om-  
 nium Rerumpub. neq; sine legum, moris, iuris scientia,  
 neq;



neq; natura hominum incognita ac moribus, in his ipsis rebus satis callide uersari & peritè potest. qui autem hæc cognouerit, siue quibus ne illa quidē minima in causis quisquam rectè tueri potest: quid huic abesse poterit de maximarum rerū scientia? Sin oratoris nihil uis esse, nisi compositè, ornatè, copiosè eloqui: quæro id ipsum qui possit assequi sine ea scientia, quam ei non conceditis. Dicendi enim uirtus, nisi ei qui dicit ea de quibus di-

*lena gra* — cit percepta sint, extare non potest. [Quamobrem si or-  
*Crassus dicit* natè locutus est, sicut fertur, & mihi uidetur, physicus  
*in probanda sua* ille Democritus: materies illa fuit physici de qua dixit,  
*philosophi qui* ornatus uerò ipse uerborum oratoris putandus est. Ite-  
*et res* si Plato de rebus à ciuilibus controuersijs remotissimis  
*multa agitur* diuinitus est locutus, quod ego concedo: si item Aristotle  
*Sciencia et illa* es, si Theophrastus, si Carneades, in rebus ijs de quibus  
*quod sed dixit* disputauerunt, eloquentes, & in dicendo suauēs atque  
*philosophi etiam* ornati fuerunt: sint hæc res de quibus disputant, in alijs  
*propterea ad eloquentiam* quibusdam studijs, oratio quidem ipsa propria est hu-  
*in tractatu est* ius unius rationis, de qua loquimur & querimus. Ete-  
*tena philosophi* nim uidemus ijsdem de rebus ieiunè quosdam & exili-  
*est philosophia* ter, ut eum quem acutissimum ferunt, Chrysippum, di-  
 sputauiſſe: neq; ob eam rem philosophiæ nō satisfecisse,  
 quod nō habuerit hanc dicendi ex arte alienā facultatē.  
 Quid ergo interest? aut quid discernes eorum quos no-  
 minauī ubertatem in dicendo & copiam, ab eorū exili-  
 tate, qui hac dicendi uarietate & elegantiā non utun-  
 tur? Vnū erit profectō, quod ij qui bene dicunt, afferunt  
 propriam, cōpositam orationem, & ornatā, et artificio  
 quodam & expolitione distinctā. hæc autem oratio,  
 si res non subest ab oratore percepta & cognita, aut  
 nulla sit necesse est, aut omnium irrisione ludatur. (b)

Quid



Quid est enim tam furiosum, quā uerborū uel optimorum atq; ornatissimorum sonitus inanis, nulla subiecta sententia, nec scientia? Quicquid erit igitur quacunque ex arte, quocunq; de genere, id orator si tanquam clientis causam didicerit, dicat melius & ornatus, quā ille ipse eius rei inuentor atque artifex. Nam si quis erit qui hoc dicat, esse quasdam oratorum proprias sententias atq; causas, & quasi certarum rerum forensibus cancellis circumscriptam scientiam, fatebor equidē in his magis assidue uersari hanc nostram dictionem: sed tamen in ijs ipsis rebus permulta sunt, quæ isti magistri qui Rhetorici uocantur, nec tradunt nec tenēt. Quis enim nescit maximam uim existere oratoris in hominum mentibus uel ad iram, aut ad odium, aut dolorem incitandis, uel ab hisce ijsdem permotionibus ad lenitatem, misericordiamq; reuocandis: quæ nisi qui naturas hominū, uimq; omnem humanitatis, causasq; eas quibus mentes aut incitantur aut reflectuntur, penitus perspexerit, dicendo quod uolet, perficere non poterit. Atqui totus hic locus philosophorum putatur proprius, neque orator ne auctore unquam repugnabit: sed cum illis cognitionem rerum concesserit, quod in ea solum illi uoluerint elaborare, tractationem orationis quæ sine illa scientia nulla est, sibi assumet. Hoc enim est proprium oratoris, quod saepe iam dixi, oratio grauis & ornata, et hominum sensibus ac mentibus accommodata: quibus de rebus Aristotelem & Theophrastum scripsisse fateor. Sed uide ne hoc, Scæuola, totum sit à me: nam ego quæ sunt oratoris cum illis communia, non mutuo ab illis: isti quæ de his rebus disputant, oratorum esse concedunt. itaq; ceteros libros artis isti suæ nomīne, hos Rhetoricos & inscribunt &



appellant. Etenim cum illi in dicendo inciderint loci (quod per sepe euenit) ut de dijs immortalibus, de pietate, de concordia, de amicitia, de communi ciuium, de hominum, de gentium iure, de æquitate, de temperantia, de magnitudine animi, de omni uirtutis genere sit dicendū: clamabunt credo omnia gymnasia, atq; omnes philosophorū scholæ, sua hæc esse omnia propria, nihil omnino ad oratorem pertinere: quibus ego, ut de his rebus omnibus in angulis consumendi ocij causa differant, cum concessero, illud tamen oratori tribuam & dabo, ut eadem de quibus illi tenui quodam & exiguo sermone disputant, hic cum omni grauitate & iucunditate explicet. Hæc ego cum ipsis philosophis tum Athenis differebam: cogebat enim me Marcus Marcellus hic noster, qui nunc ædilis curulis est: & profectò nisi ludos nunc faceret, huic nostro sermoni interesset, ac iam tum erat adolescentulus his studijs mirificè deditus. Iam uerò de (a) legibus instituendis, de bello, de pace, de socijs, de uictis galibus, de iure ciuium generatim in ordines ætatesq; descripto, dicant uel Græci si uolunt, Lycurgum aut Solonem, quanquam illos quidem censemus in numero eloquentium reponendos, scisse melius quàm Hyperidem aut Demosthenem, perfectos iam homines in dicendo, & perpolitos: uel nostros decemuiros, qui XII. Tabulas perscripserunt, quos necesse est fuisse prudentes, antepo-  
 90 nant in hoc genere & Ser. Galba, & socero tuo C. Lælio, quos cõstat dicendi gloria præstitisse. nunquam enim negabo esse quasdam artes proprias eorum, qui in his cognoscendis atq; tractandis studium suum omne posuerunt: sed oratorem plenum atq; perfectum esse eum dicam, qui in omnibus rebus possit uariè copiosq; dicere.

Etenim



Etenim sæpè in ijs causis quas omnes proprias esse oratorum confitentur, est aliquid quod non ex usu forensi, quem solum oratoribus conceditis, sed ex obscuriore aliqua scientia sit promendum et assumendum. Quæro enim num possit aut contra imperatorem, aut pro imperatore dici sine rei militaris usu, aut sæpè etiam sine regionum terrestrium aut maritimarum scientia? num apud populum de legibus iubendis aut uetandis, num in senatu de omni Reipublicæ genere dici sine summa rerum civilium cognitione et prudentia? num ad moueri possit oratio ad sensus animorum, atque motus uel inflammandos, uel etiam extinguendos, quod unum in oratore dominatur, sine diligentissima peruestigatione earum omnium rationum quæ de naturis humani generis ac moribus à philosophis explicantur? Atque haud scio, an minus hoc nobis sim probaturus: equidem non dubito quod sentio dicere, physica ista ipsa quæ paulò antè, et mathematica, et cæterarum artium propria posuisti, scientiæ sunt eorum qui illa profitentur: illustrare autem oratione si quis istas ipsas artes uelit, ad oratoris ei confugiendum est facultatem. Neque enim si Philonem illum architectum, qui Atheniensibus armamentarium fecit, constat perdisertè populo rationem operis sui reddidisse, existimandum est architecti potius artificio disertum quàm oratoris fuisse. Nec si huic M. Antonio pro Hermodoro fuisset de naualium opere dicendum, non cum ab illo causam didicisset, ipse ornate de alieno artificio copiosèq; dixisset. neque uerò Asclepiades is quo nos medico amicoque usi sumus, tum cum eloquentia uincebat cæteros medicos, in eo ipso quod ornate dicebat, medicinæ facultate utebatur, non



Sonia 22x

eloquentie. Atque illud est probabilius, neq; tamen uerum, quod Socrates dicere solebat: omnes in eo quod scirent, satis esse eloquentes. (6) illud ueritus, neq; quoniam in eo disertum esse posse, quod nesciat: neque si id optime sciat, ignarusq; sit faciunde ac poliende orationis, disertè id ipsum posse, de quo sciat, dicere. Quamobrem si quis uniuersam et propriam oratoris uim desinire completq; uult, is orator erit mea sententia, hoc oratore tam graui dignus nomine: qui quaecunque res inciderit, quae sit dictione explicanda, prudenter, et compositè, et ornate, et memoriter dicat, cum quadam etiam actionis dignitate. Sin cuiuspiam nimis infinitum uidetur, quòd ita proposui quaecunque de re, licet hinc quantum cuiq; uidebitur, circuncidat atque amputet, tamen illud tenebo: si quae ceteris in artibus aut studiis sita sunt, orator ignoret, tantuq; ea teneat quae sint in disceptationibus, aut in usu forensi, tamen his de rebus ipsis si sit ei dicendum, cum cognouerit ab ijs qui tenent, quae sint in quaerere, multò oratorem melius quàm ipsos illos quorum ea sunt artes, esse dicturum. Ita si de re militari dicendū huic erit Sulpitio, quaeret à C. Mario affini nostro, et cum acceperit, ita pronuntiabit, ut ipsi C. Mario penè hic melius quàm ipse ille scire uideatur. Sin de iure civili, tecum communicabit, teq; hominem prudentissimum et peritissimum, in ijs ipsis rebus quas abs te didicerit, dicendi arte superabit. Sin quae res inciderit, in qua de natura, de uitijis hominum, de cupiditatibus, de modo, de continentia, de dolore, de morte dicendum sit, forsitan, si et sit uisum (et si haec quidem nosse debet orator) cum Sex. Pompeio erudito homine in philosophia communicabit: hoc profecto efficiet, ut quancunq; rem à quòq;



à quòq; cognouerit, de ea re multo dicat ornatiùs, quàm  
 ille ipse, unde cognorit. Sed si me audierit, quoniam phi-  
 losophia in tres partes est distributa, in naturæ obscu-  
 ritatem, in differendi subtilitatem, in uitam, atque mo-  
 res: duo illa relinquamus, idq; largiamur inercia no-  
 stræ: tertium uerò, quod semper oratoris fuit, nisi tene-  
 bimur, nihil oratori, in quo magnus esse possit, relin-  
 quemus. Quare hic locus de uita & moribus totus est  
 oratori perdiscendus: cætera si non didicerit, tamen po-  
 terit, si quando uolet, ornare dicendo. cùm erunt ad eum  
 delata & tradita. Etenim si constat inter doctos, homi-  
 nem ignarum Astrologiæ, ornatisimis atq; optimis uer-  
 sibus Aratum de coelo, stellisq; dixisse: si de rebus rusti-  
 cis hominem ab agro remotissimum Nicanærum Colo-  
 phonium poëtica quadam facultate, nō rustica, scripsisse  
 præclare: quid est cur non orator de rebus ijs eloquen-  
 tissimè dicat, quas ad certam causam tempusq; cogno-  
 rit? Est enim finitimus oratori poëta, numeris astrictior  
 paulò, uerborum autem licentia liberior, multis uerò  
 ornandi generibus socius, ac penè par, (a) in hoc qui-  
 dem certè propè idem, nullis ut terminis circumscribat  
 aut definiat ius suum, quò minus ei liceat eadem illa fa-  
 cultate & copia uagari, qua uelit. Nanque illud quare-  
 scauola negasti te fuisse laturum, nisi in meo regno esses:  
 quòd in omni genere sermonis, in omni parte humani-  
 tatis dixerim oratorè perfectum esse debere? Nunquam  
 mehercule hoc dicerem, si eum quem fingo, me ipsum esse  
 arbitrarer: sed ut solebat C. Lucilius saepe dicere, homo  
 tibi subtratus, mihi propter eam ipsam causam minus  
 quàm uolebat familiaris, sed tamen & doctus, & per-  
 urbanus: sic sentio, neminem esse in oratorum numero

Bb iij habendum,

*pena ista  
 philosophia  
 127*

*Exemplum*

*comparatio  
 poeta*



habendum, qui nō sit omnibus ijs artibus quæ sunt libero homine dignæ, perpolitus: quibus ipsis si in dicendo non utimur, tamen apparet atq; extat, utrum simus earum rudes, an didicerimus: ut qui pila ludunt, non utuntur in ipsa lusione artificio proprio palestræ: sed indicat ipse motus, didicerint ne palestram, an nesciant. Et qui aliquid fingunt, et si tum pictura nihil utuntur, tamen utrum sciant pingere an nesciant, nō obscurum est: sic in orationibus hisce ipsis iudiciorum, concionum, senatus, etiamsi propriè ceteræ non adhibentur artes, tamen facile declaratur, utrum is qui dicat, tantummodò in hoc declamatorio sit opere iactatus, an ad dicendum omnibus ingenuis artibus instructus accesserit. Tum ridens Scaeuola: Non luctabor, inquit, tecum, Crasse, amplius: id enim ipsum quod contra me locutus es, artificio quodam es consecutus: ut et mihi quæ ego uellem, non esse oratoris cōcederes: et ea ipsa nescio quomodo rursus detorqueres, atq; oratori propria traderes. Hec cum ego prætor Rhodum uenissem, et cum summo illo doctore istius disciplinæ Apollonio ea quæ à Panatio acceperam, contulissem: irrisit ille quidem, ut solebat, philosophiam, atq; contempsit: multaq; non tam grauitè dixit, quàm faceret. tua autem fuit oratio eiusmodi, non ut ullam artem doctrinamue contemneres, sed ut omnes comites ac ministros oratoris esse diceres: quas ego, si quis sit unus complexus omnes, idemq; si ad eas facultatem istam ornatissimæ orationis adiunxerit, non possum dicere eum non egregium quendam hominem, atq; mirandum fore: sed is si quis esset, aut si etiam unquam fuisset: aut uerò si esse posset, tu esses unus profectò, qui et meo iudicio, et omnium, uix ullam ceteris oratoribus

*Scena. Pro-  
sed uolens p-  
p-  
p-*

*Apoll. erat  
oratoris  
li.*

*aliud attestant  
necnon huius eloquentiæ*

*(ausus)*



bus (pace horum dixerim) laudē reliquisti. Verū si tibi ipsi nihil deest, quod in forensibus rebus civilibusq; uer-  
setur, quin scias: neq; eam tamen scientiam quam adiun-  
gis oratori, complexus es: uideamus, ne plus ei tribuas,  
quā res & ueritas ipsa concedat. Hic Crassus: Memen-  
to, inquit, me non de mea, sed de oratoris (b) facultate  
dixisse. Quid enim nos aut didicimus, aut scire potui-  
mus? qui antē ad agendum quā ad cognoscendū ueni-  
mus: quos in foro, quos in ambitione, quos in rep. quos  
in amicorum negocijs res ipsa antē confecit, quā pos-  
semus aliquid de rebus tantis suspicari. Quod si tibi tan-  
tum in nobis uidetur esse, quibus etiā si ingenium, ut tu  
putas, non maxime defuit, doctrina certē, & ocium, &  
hercule etiam studium illud dicendi acerrimum defuit:  
quid censes, si ad alicuius ingenium uel maius, illa quā  
ego non attigi, accesserint: qualem illum & quantum  
oratorem futurum? Tum Antonius: Probas mihi, in-  
quit, ista Crasse, quā dicis: nec dubito, quin multo locu-  
pletior in dicendo futurus sit, si quis omnium rerum  
atq; artium rationem naturamq; comprehenderit. Sed  
primum id difficile factu est, praesertim in hac nostra ui-  
ta, nostrisq; occupationibus: deinde illud etiam uerendū  
est, ne abstrahāmur ab hac exercitatione, & consuetudi-  
ne dicendi populari, & forensi. Aliud enim mihi quod-  
dam genus orationis esse uidetur eorum hominum, de  
quibus paulo antē dixisti: quamuis illi ornate & graui-  
ter aut de natura rerum, aut de humanis rebus loquan-  
tur. Nitidum quoddam genus est uerborum, & latum:  
sed palaestra magis & olei, quā huius ciuilis turbae ac  
fori. Namq; egomet qui sero ac leuiter Græcas lite-  
ras attigissem, tamen cum proconsul in Ciliciam profi-

uel pūdet Crassus

reperio

Fora Antonii  
Antonius Crassus  
us pūdet et  
Cicero et quod Cr.  
perfectus et uir  
et in oratione  
etiam



ciscens Athenas uenissem, complures tum ibi dies sum propter nauigandi difficultatem commoratus: sed cum quotidie mecum haberem homines doctissimos, eos ferè ipsos qui abs te modò sunt nominati, cumq; hoc nescio quo modo apud eos increbuisset, me in causis maioribus, sicuti te, solere uersari: pro se quisq; eorum, quantum quisq; poterat, de officio et ratione oratoris dispu-

*Exemplum* tabat. Horum alij, sicut iste ipse Mnesarchus, hos, quos nos oratores uocaremus, nihil esse dicebat, nisi quosdam operarios lingua celeri et exercitata; oratorem autem, nisi qui sapiens esset, esse neminem: atq; ipsam eloquentiam, quòd ex bene dicendi scientia constaret, unà quamdam esse uirtutem: et qui unam uirtutem haberet, omneis habere, easq; ipsas esse inter se aequales, et pares: ita qui esset eloquens, eum uirtutes omnes habere, atque esse sapientem. Sed hæc erat spinosa quædam et exilis oratio, longeq; à nostris sensibus abhorrebat. Carneades uerò multo uberius iisdem de rebus loquebatur, non quòd aperiret sententiā suam (hic enim mos erat patrius Academiae, aduersari semper omnibus in disputando) sed tum maxime tamen hoc significabat, eos qui Rhetores nominarentur, et qui dicendi præcepta traderent, nihil planè tenere: neq; posse quenquam facultatem as-

sequi (a) dicendi, nisi qui philosophorum inuenta didicisset. Disputabant contrà disertī homines Athenienses, in repub. causisq; uersati: in quibus erat etiam is qui nuper Romæ fuit, Menedemus hospes meus: qui cum diceret esse quandam prudentiam, quæ uersaretur in perspicendis rationibus constituendarum et regendarum rerum publicarum, excitabatur homo promptus ab homine abundanti doctrina, et quadam incredibili uarietate

tate



tate rerum, & copia. Omneis enim partes illius ipsius prudentiæ petendas esse à philosophia docebat: neq; ea quæ statuerentur in repub. de dijs immortalibus, de disciplina iuuentutis, de iusticia, de patientia, de temperantia, de modo rerum omnium, ceteraq; sine quibus ciuitates aut esse aut bene moratæ esse non possent, usquam in eorum libris inueniri. Quod si tantam uim rerum maximarum arte sua Rhetorici illi doctores complecterentur, quærebat, cur de Procerijs, & de Epilogis, et de huiusmodi nugis (sic enim appellabat) referti essent eorum libri: de ciuitatibus instituendis, de scribendis legibus, de æquitate, de iusticia, de fide, de frangendis cupiditatibus, conformandisq; hominum moribus, litera in eorum libris nulla inueniretur. Ipsa uero præcepta sic illudere solebat, ut ostenderet non modò eos illius expertes esse prudentiæ, quam sibi asciscerent: sed ne hanc quidem ipsam dicendi rationem ac uiam nosse. Caput enim esse arbitrabatur oratoris, ut et ipsis apud quos ageret, talis, qualem se ipse optaret, uideretur. id fieri uite dignitate, de qua nihil Rhetorici isti doctores in præceptis suis reliquissent: & uti qui audirent, sic afficerentur animis, ut eos affici uellet orator. quod itè fieri nullo modo posse, nisi cognosceret is qui diceret, quot modis hominum mentes, & quibus rebus, & quo genere orationis in quamque partem mouerentur. hæc autem esse penitus in media philosophia retrusa atque abdita, quæ isti Rhetores ne primoribus quidem labris attigissent. Ea Menedemus exemplis magis quam argumentis conabatur refellere: memoriter enim multa ex orationibus Demosthenis præclarè scripta pronucians, docebat illi in animis uel iudicum, uel populi, in omnem partem dicendo

S. C. R. E. T. A. T. I. O.

hanc de  
exemplis  
qui sunt  
cunctis  
lib



*Quamvis  
non sum  
nec hoc quo  
dixerit*  
 permouendis, non fuisse ignarum quibus ea rebus conse-  
 queretur, quæ negaret ille sine philosophia quenquam  
 scire posse. Huic respondebat, non se negare Demosthe-  
 nem summam prudentiam, summamq; uim habuisse di-  
 cendi: sed siue ille hoc ingenio potuisset, siue id quod cõ-  
 staret, Platonis studiosus audiendi fuisset, non quid ille  
 potuisset, sed quid isti docerent, esse querendum. Sape  
 etiam in eam partem ferebatur oratione, ut omnino di-  
 spularet, nullam artem esse dicendi: idq; cum argumen-  
 tis docuerat, quod ita nati essemus, ut (b) & blandiri,  
 & suppliciter insinuare ijs à quibus esset petendum, &  
 aduersarios minaciter terrere possemus, & rem gestam  
 exponere, & id quod intenderemus confirmare, & id  
 quod contrà diceretur refellere, & ad extremum depre-  
 cari aliquid, & conqueri. quibus in rebus omnis orato-  
 rum uersaretur facultas: & quod consuetudo exercita-  
 tioq; & intelligendi prudentiam acueret, & eloquendi  
 celeritatem incitaret. Tum etiã exemplorum copia ni-  
 tebatur. nam primum quasi dedita opera neminem scri-  
 ptorem artis, ne mediocriter quidem difertum fuisse di-

*Inuentore  
artis Rhetori-  
ca*  
 cebat: cum repeteret usq; à Corace nescio quo, & Thy-  
 sia, quos artis illius inuentores & principes fuisse con-  
 staret: eloquentissimos autem homines, qui ista nec didi-  
 cissent, nec omnino scisse curassent, innumerabiles quos-  
 dam nominabat: in quibus etiam siue ille irridens, siue  
*Exemplum  
prohibet*  
 quod ita putaret, atq; ita audisset, me in illo numero, qui  
 illa non didicissem, et tamen (ut ipse dicebat) possem ali-  
 quid in dicendo, proferebat. quorũ ego illi alterũ facile  
 assentiebar, nihil me didicisse: in altero autẽ me illud ab-  
 eo, aut etiã ipsum errare arbitrabar. Artẽ uerò negabat  
 esse ullam, nisi quæ cognitis, penitusq; perspectis, & in

*Id est  
non est  
conueniens  
Carx cuius  
quid sit ars*  
 unum  
 fuit. de primis uisum  
 Ars est habitus quidam faci-  
 endi uim perual ratione  
 Ars est apud ratio primi uisum  
 quid sit ars  
 quid sit ars  
 quid sit ars



unum exitum spectantibus, et nūquam fallentibus rebus  
 contineretur. Hæc autem omnia quæ tractarentur ab o-  
 ratoribus, dubia esse & incerta: cum & dicerentur ab  
 ijs qui ea omnia non planè tenerent, & audirentur ab  
 ijs quibus non scientia esset tradenda, sed exigui tempo-  
 ris aut falsa, aut certè obscura opinio. Quid multa? sic  
 mihi tum persuadere uidebatur: neq; artificium ullum  
 esse dicendi: neq; quenquam posse, nisi qui illa quæ à do-  
 ctissimis hominibus in philosophia dicerentur, cognosset,  
 aut callidè, aut copiosè dicere. Quibus dicere Carneades  
 solebat, ingenium tuum Crasse uehementer admi- *Antiquis uisum  
est Carneadem*  
 rans: me sibi perfacilem in audiendo, te perpugnacè in  
 disputando esse uisum. Tumq; ego hac eadem opinione  
 adductus, scripsi etiam illud quodam in libello, qui me  
 imprudente & inuito excidit, & peruenit in manus ho-  
 minum: disertos me cognosce nonnullos, eloquentem ad-  
 huc neminem: quòd eum statuebam disertum, qui posset *Deferunt est*  
 satis acutè atq; dilucidè apud mediocres homines ex cõ-  
 muni quadam hominum opinione dicere: eloquentè ue- *Eloquent est*  
 rò, qui mirabilius & magnificentius augere posset, atq;  
 ornare quæ uellet, omneisq; omnium rerum quæ ad di-  
 scendum pertinerent fonteis, animo ac memoria contine-  
 ret. Id si est difficile nobis, qui antè quàm ad discendum  
 ingressi simus, obruimur ambitione & foro, sit tamen  
 in re positum atq; natura. Ego enim quantum auguror  
 coniectura, quantaq; ingenia in nostris hominibus esse  
 uideo, non despero fore aliquem aliquando, qui & stu-  
 dio acriore (a) quàm nos sumus atq; fuimus, & ocio ac  
 facultate discendi maiore ac maturiore, & labore atq;  
 industria superiore cum se ad audiendū, legendum, scri-  
 bendumq; maiore opera dediderit, existat talis orator,  
 qualem







me quidem semper à genere hoc toto sermonis refugisse, & tibi cupienti atque instanti sapissimè negasse, tute paulo antè dixisti: quod ego non superbia neque inhumanitate faciebam, neque quo studio rectissimo atque optimo non obsequi uellem, præsertim cum te unum ex omnibus ad dicendum maxime natum aptumque cognossem: sed mehercule istius disputationis insolentia, atque earum rerum quæ quasi traduntur in arte, in scititia. Tum Cotta: Quoniam id quod difficillimum nobis uidebatur, ut omnino de his rebus, Crasse, loquerere, assensui sumus: de reliquo iam nostra culpa fuerit, si te, nisi omnia quæ percunctati erimus, explicaris, dimiserimus. De his credo rebus, inquit Crassus, ut in conditionibus scribi solet, quibus (b) sciam, poteroque. Tum ille: Namque quod tu non poteris aut nescies, quis nostrum tam impudens est, qui se scire aut posse postulet? Iam uerò ista conditione, dum mihi liceat negare posse quod non potero, & fateri nescire quod nesciam: licet, inquit Crassus, uestro arbitratu percunctemini. Atque, inquit Sulpitius, hoc primum ex te de quo modo Antonius exposuit, quid sentias querimus: existimes ne artem aliamquam esse dicendi? Quid mihi nunc uos, inquit Crassus, tanquam alicui Græculo ocioso & loquaci, & fortasse docto atque erudito, quæstiunculam, de qua meo arbitratu loquar, ponitis? quando enim me ista curasse aut cogitasse arbitramini: non semper irrisisse potius eorum hominum impudentiam, qui cum in schola assedissent, ex magna hominum frequentia dicere iuberent, si quis quid quereretur, quod primum ferunt Leontinum fecisse Gorgiam, qui permagnum quiddam suscipere ac proficere uidebatur, cum se ad omnia de quibus quisque audire uellet,

*Superiora  
de Crasso  
ut in Crasso  
ut in Crasso  
ut in Crasso  
ut in Crasso*

*De Crasso  
ut in Crasso  
ut in Crasso  
ut in Crasso  
ut in Crasso*

*De Crasso*

*De Crasso*



let, esse paratum denunciaret: postea uerò uulgò hoc facere cœperunt, hodieq; faciunt, ut nulla sit res neq; tanta, neq; tam improuisa, neq; tam noua, de qua se non omnia quæ dici possunt, profiteantur esse dicturos. Quòd si te, Cotta, arbitrarer, aut te, Sulpiti, de ijs rebus audire uelle: adduxissem hunc Græcū aliquē, qui nos istiusmodi disputationibus delectaret, quod ne nunc quidem diffi-

*Ex uelut factu est.* est enim apud M. Pisonem adolescentē iam huic studio deditum, summo hominem ingenio, nostriq; cupidissimum, Peripateticus Staseas, homo nobis sanē familiaris, et ut inter homines peritos constare uideo, in illo suo genere omnium princeps. Quem tu, inquit, mihi Mutius, Staseam, quem Peripateticum narras? gerendus est tibi mos adolescentibus, Crasse, qui nō Græci aliquis quotidianam loquacitatem sine usu, neq; ex scholis cantilenam requirunt: sed ex homine omnium sapientissimo atq; eloquentissimo, atq; ex eo qui non in libellis, sed in maximis causis, et in hoc domicilio imperij et gloriæ, sit consilio linguq; princeps, cuius uestigia persequi cupiunt, eius sententiam sciscitantur. Equidem te cū in dicendo semper putauī deum, tū uerò tibi nunquam eloquentiæ maiorē tribui laudem, quā humanitatis: qua nunc te uti uel maximē decet, neq; defugere eam disputationem, ad quam te duo excellentis ingenij adolescentes cupiunt accedere. Ego uerò, inquit, istis obsequi studeo, neque grauabor breuiter meo more, quid quāq; de re sentiam dicere, ac primum illud (quoniam auctoritatem tuam negligere, Scaeuola, fas mihi esse non puto) respondeo, mihi dicendi aut nullam artem, aut pertenuem uideri: sed omnem esse contentionem inter homines doctos in uerbi (a) controuersa

si apo



sia positam. Nam si ars ita definitur, ut paulo ante ex-  
posuit Antonius, ex rebus penitus perspectis planeq; co-  
gnitis, atque ab opinionis arbitrio seiunctis, scientiaq;  
comprehensis: non mihi uidetur ars oratoris esse ulla.  
Sunt enim uaria, & ad uulgarem popularemq; sensum  
accommodata omnia genera huius forensis nostrae di-  
ctionis. Sin autem ea quae obseruata sunt in usu ac tra-  
ctatione dicendi, haec ab hominibus callidis ac peritis a-  
nimaduersa ac notata, uerbis designata, generibus illu-  
strata, partibus distributa sunt (id quod fieri potuisse ui-  
deo) non intelligo, quamobrem non si minus illa subtili  
definitione, at hac uulgari opinione ars esse uideatur.  
Sed siue est ars, siue artis quaedam similitudo, non est qui-  
dem ea negligenda: uerum intelligendum est, alia quae-  
dam ad consequendam eloquentiam esse maiora. Tum  
Antonius uehementer se assentiri Crasso dixit, quod ne-  
que ita amplecteretur artem, ut ij solerent qui omnem  
uim dicendi in arte ponerent: neq; rursus eam totam,  
sicut pleriq; philosophi facerent, repudiaret. Sed existi-  
mo, inquit, gratum te his esse, Crasse, facturum, si ista ex-  
posueris, quae putas ad dicendum plusquam ipsam ar-  
tem posse prodesse. Dicam equidem, quoniam insti-  
tui, petamq; a uobis, inquit, ne has meas ineptias esse  
ratis: quanquam moderabor ipse, ne ut quidam magi-  
ster atq; artifex, sed quasi unus est togatorum numero,  
atq; ex forensi usu homo mediocris, neq; omnino rudis  
uidear, non ipse aliquid a me prompsisse, sed fortuito  
in sermonem uestrum incidisse. Equidem cum pete-  
rem magistratus, solebam in prehensando dimittere a  
me Scaeuolam, cum ei ita dicerem, me uelle esse ineptum,  
id erat petere blandius, quod nisi inepte fieret, bene non  
posset

*Antonius  
scilicet Crasso  
sententiam*

*serua dicit  
promittit se  
dignum sed quod  
ne si alio uerbo  
hinc erant dixerit  
parant*



posset fieri: hunc autē esse unum hominem ex omnibus,  
 quo præsente ego ineptus esse minimè uellem, quē qui-  
 dem nunc mearum ineptiarum testem & spectatorem  
 fortuna constituit. Nam quid est ineptius, quàm de di-  
 cendo dicere: cum id ipsum dicere nunquam sit non ine-  
 ptum, nisi cum est necessarium? Perge uerò Crasse, in-  
 quit Mutius: istam enim culpam quam uereris, ego præ-  
 stabo. Sic igitur sentio, inquit Crassius, naturam primū  
 atq; ingenium ad dicendum uim afferre maximam: neq;  
 uerò istis de quibus paulò antè dixit Antonius, scripto-  
 ribus artis, rationem dicendi & uitam, sed naturam de-  
 fuisse. Nam & animi atq; ingenij celeres quidam motus  
 esse debent, qui ad excogitandum acuti, & ad explican-  
 dum ornandumq; sint uberes, & ad memoriam firmi  
 atq; diuturni: & si quis est qui hæc putet arte accipi  
 posse, quod falsum est (præclare enim se res habeat, si  
 hæc accendi aut cōmoueri arte possint: inseri quidem et  
 donari ab arte nō possunt (b) omnia, sunt enim illa do-  
 nata naturæ) quid de illis dicet quæ certè cū ipso homine  
 nascuntur: linguæ solutio, uocis sonus, latera, uires, con-  
 formatio quædam et figura totius oris et corporis? Neq;  
 hæc ita dico, ut ars aliquid limare non possit. neq; enim  
 ignoro & quæ bona sint, fieri meliora posse doctrinæ et  
 quæ non optima, aliquo modo acui tamen & corrigi  
 posse. sed sunt quidā aut ita lingua hæsitantes, aut ita uo-  
 ce absoni, aut ita uultu motuq; corporis uasti atq; agre-  
 stes: ut etiam si ingenijs atq; arte ualeant, tamen in orato-  
 rū numerum uenire non possint. sunt autem quidam ita  
 naturæ muneribus in iisdem rebus habiles, ita ornati,  
 ut non nati, sed ab aliquo deo ficti esse uideantur. Ma-  
 gnum quiddam est onus atq; munus suscipere atq; pro-  
 fiteri,

*Orator, &  
 spectator in  
 advocat*

*In curia Cras-  
 sius, Mutius  
 et Antonius  
 in curia  
 Cras-  
 sius, Mutius  
 et Antonius*

*Requiritur  
 a Crasse*

*f. m. 216*



fiteri, se esse omnibus silentibus unum maximis de rebus magno in conuentu hominum audiendum. adest enim ferè nemo, quin acutius atq; acrius uitia in dicente quàm rectè uideat: ita quicquid est in quo offenditur, id etiam illa quæ laudanda sunt obruit. Neq; hæc in eam sententiam disputo, ut homines adolescentes, si quid naturale fortè non habeant, omnino à dicendi studio deterream. Quis enim non uideat C. Celio æquali meo magno honori fuisse, homini nouo, illam ipsam, quamcunq; habuit, in dicendo mediocritatem? quis uestrum æqualem Q. Varium, uastum hominem atq; scèdum, nō intelligit illa ipsa facultate, quamcunq; habet, magnam esse in ciuitate gratiam consecutum? Sed quia de oratore querimus, fingendus est nobis oratione nostra detractis omnibus uitiosis orator, atq; omni laude cumulandus: neq; enim si multitudo litium, si uarietas causarum, si hæc turba & barbaria forensis dat locum uel uitiosissimis oratoribus, idcirco nos hoc quod querimus, omitemus. Itaque in ijs artibus, in quibus non utilitas queritur necessaria, sed animi libera quedam oblectatio, quàm diligenter & quàm propè fastidiose iudicamus? Nullæ enim lites neque controuersie sunt, quæ cogant homines sicut in foro non bonos oratores, item in theatro actores malos perpeti. Est igitur oratori diligenter prouidendum, non uti illis satisfaciatur, quibus necesse est: sed ut ijs ipsis admirabilis esse uideatur, quibus libere liceat iudicare. Ac si queritis planè quid sentiam, enunciaro apud homines familiarissimos, quod adhuc semper tacui, & tacendum putauī. Mihi etiam quicq; optimè dicunt, quicq; id facillimè atq; ornatisimè facere possunt, tamen nisi timide ad dicendum ac-

Cc

cedunt,

*ferat qd  
de ut de uidere  
quid cupio utrum  
huc sit esse mi  
his diuis oratio  
ut utra men  
unt*



cedunt, & in exordienda oratione perturbantur, penè impudentes uidentur. tametsi id accidere non potest: ut enim quisq; optime dicit, ita maxime dicendi difficultatem, uariosq; euentus orationis (a) hominumq; pertimescit: qui uero nihil potest dignum re, dignum nomine oratoris, dignum hominum auribus efficere atq; edere, is mihi, etiamsi commouetur in dicendo, tamen impudens uidetur. Non enim pudendo, sed non faciendo id quod non decet, impudentia nomen effugere debemus. Quem uero non pudet (id quod in plerisq; uideo) hunc ego non reprehensione solum, sed etiam poena dignum puto. Equidem & in uobis animaduertere soleo, & me ipso sepius expeior: ut exalbescam in principijs dicendi, et tota mente atq; omnibus artibus cōtremisecam. Adolescentulus uero sic in initio accusationis exanimatus sum, ut hoc summum beneficium Quinto Maximo debuerim, quod continuo consilium dimiserit, simulac me fractum ac debilitatum metu uiderit. Hic omnes assensi, significare inter sese, & colloqui cœperunt. fuit enim mirificus quidam in Crasso pudor, qui tamen non modo non obesset eius orationi, sed etiam probitatis cōmendatione prodesset. Tum Antonius: Sape, ut dicis, inquit, animaduerti, Crasse, & te, et ceteros summos oratores, quanquam tibi par mea sententia nemo unquam fuit, in dicendi exordio permoueri. Cuius quidē rei cum causam quærerem, quid nam esset, cur ut in quoq; oratore plurimum esset, ita maxime is pertimesceret, has causas inueniebam duas: unam, quod intelligerent ij quos usus ac natura docuisset, nonnunquam summis oratoribus nō satis ex sententia euentum dicendi procedere: ita non iniuria quotiescunque dicerent id quod aliquando posset



posset accidere, ne tum accideret timere. Altera est hæc de qua queri sæpe soleo: ceterarū homines artium spe-  
 etati & probati, si quando aliquid minus benè fecerunt  
 quam solent, aut noluisse, aut uoletudine impediti non  
 potuisse consequi id quod scirent putantur. Noluit, in-  
 quiunt, hodie agere Roscius, aut crudior fuit. Oratoris  
 peccatum si quod est animaduersum, stulticia peccatum  
 uidetur: stulticia autem excusationem non habet, quia  
 nemo uidetur aut quia crudus fuerit, aut quod ita ma-  
 luerit stultus fuisse, quod etiam grauius iudicium in dicen-  
 do subimus: quoties enim dicimus, toties de nobis iudi-  
 catur: & qui semel in gestu peccauit, non continuo exi-  
 stimatur nescire gestum: cuius in dicendo aliquid repre-  
 hensum est, aut æterna in eo, aut certè diuturna ualet  
 opinio tarditatis. Illud uerò quod à te dictum est, esse  
 permulta, quæ orator nisi à natura haberet, non mul-  
 tum à magistro adiuuaretur, ualde tibi assentior: inq; eo  
 uel maxime probaui summum illum doctorem Alaban-  
 densem Apollonium, qui cum mercede doceret, tamen  
 non patiebatur eos, quos iudicabat non posse oratores  
 euadere, operam apud sese perdere, (b) dimittebatq;  
 & ad quamcunque artem putabat esse aptum, ad eam  
 impellere atq; hortari solebat. Satis est enim ceteris ar-  
 tificijs percipiendis tantummodò similem esse hominis,  
 & id quod tradatur, uel etiam inculcetur, si quis fortè  
 sit tardior, posse percipere animo, & memoria custodi-  
 re: non queritur mobilitas lingue, non celeritas uerbo-  
 rum, non deniq; ea quæ nobis non possumus fingere, fa-  
 cies, uultus, sonus. In oratore autem acumen Dialecti-  
 corum, sententiæ philosophorum, uerba propè poëta-  
 rum, memoria iurisperitorum, uox tragædorum, ge-

Sententia

Tenè tra  
 Alaband. Al.  
 quidem orat.  
 quædam quæ  
 uerba sunt  
 non uelut  
 Alaband. Al.  
 Alaband.

Alaband. Al.  
 Alaband.



stus penè summorum actorum est requirendus. Quamobrem nihil in hominum genere rarius perfectò oratore inueniri potest. quæ enim singularum rerum artifices singula si mediocriter adepti sunt, probantur: ea nisi omnia summa sunt in oratore, probari non possunt. Tum Crassus: Atqui uide, inquit, in artificio & opera quàm tenui & leui, quanto plus adhibeatur diligentia, quàm in hac re quam constat esse maximam. Sæpè enim soleo audire Roscium, cum ita dicat, se adhuc reperire discipulum, quem quidem probaret, potuisse neminem: non quòd non essent quidam probabiles: sed quia, si aliquid modò esset uitij, id ferre ipse non posset. Nihil est enim tam insigne, nec tam ad diurnitatem memoriae stabile, quàm id in quo aliquid offenderis. Itaq; ut ad hanc similitudinem huius histrionis, oratoriam laudem dirigamus: uidetis ne quàm nihil ab eo nisi perfectè, nihil nisi cum summa uenustate fiat: nisi ita ut deceat, & ut omnes moueat atque delectet? Itaq; hoc iamdiu est consecutus, ut in quo quisq; artificio excelleret, is in suo genere Roscius diceretur. Hanc ego absolutionem, perfectionemq; in oratore desiderans, à qua ipse longè absum, facio impudenter. mihi enim uolo ignosci, ceteris ipse non ignosco. Nam qui non potest, qui uitiose facit, quem deniq; non decet, hunc (ut Apollonius iubebat) ad id quod facere possit, detrudendum puto. Num tu igitur, inquit Sulpitius, me aut hunc Cottam ius ciuile, aut rem militarem iubes discere? nam quis ad ista summa atq; in omni genere perfectà potest peruenire? Tum ille: Ego uero, inquit, quod in uobis egregiam quandam ac præclaram indolem ad dicendum esse cognoui, idcirco hæc exposui omnia: nec magis ad eos deterrendos qui

*Non uide  
de Roscio in  
histrione Roscio  
in suo genere  
de eo quod est pro  
stant*

*fero qd  
eximie iudicet  
des iudicet*



qui non possent, quàm ad uos qui possetis, exacuendos accommodaui orationem meam: & quanquam in utroque uestrum summum esse ingenium studiumq; perspe- xi, tamen hæc quæ sunt in specie posita, de quibus plura fortasse dixi quàm solent Græci dicere, in te Sulpiti di- uina sunt. Ego enim neminem nec motu corporis, neq; ipso habitu (a) atq; forma aptiorem, nec uoce plenio- 96 rem aut suauioremi mihi uideor audisse: quæ quibus à natura minora data sunt, tamen illud assequi possunt, ut ijs quæ habeant modicè & scienter utantur, et ut ne de- deceat. id enim est maxime uitandum, et de hoc uno mi- 100 nimè est facile præcipere, non mihi modò qui sicut unus paterfamiliàs bis de rebus loquor: sed etiam ipsi illi Ro- scio, quæ sepe audio dicere, caput esse artis decere: quod tamen unum id esse, quod tradi arte non possit. Sed, si placet, sermonem aliò transferamus, & nostro more ali- quando, non Rhetorico loquamur. Minimè uerò, inquit Cotta: nunc enim te iam exoremus necesse est, quoniam retines nos in hoc studio, nec ad aliam dimittis artem: ut nobis explices, quicquid est istud quod tu in dicen- do potes; neq; enim sumus nimis auidi, ista tua medio- cri eloquentia contenti sumus: idq; ex te quarimus, ut ne plus nos assequamur, quàm quantulum tu in dicendo assecutus es: quoniam quæ à natura expetenda sunt, ea dicis non nimis deesse nobis: quid præterea esse assu- mendum putes? Tum Crassus aridens: Quid censeres, in- quit, Cotta, nisi studium & ardorem quendam amoris? sine quo cum in uita nihil quicquam egregium, tum cer- tè hoc quod tu expetis, nemo unquam assequetur. ne- que uerò uos ad eam rem uideo esse cohortandos, quos, cū mihi quoq; sitis molesti, nimis etiam flagrare intelli-



go cupiditate. Sed profecto studia profunt perueniendi aliquò, nisi illud quod eò quò intendas ferat deducatq; cognoris. Quare quoniam mihi leuius quoddam onus imponitis, neq; ex me de oratoris arte, sed de hac mea, quantulacunq; est, facultate queritis: exponam uobis nò quandam aut perrecoðitam, aut ualde difficilem aut magnificam, aut grauẽ rationem cõsuetudinis meæ: qua quondam solitus sum uti, cum mihi in isto studio uersari adolescenti licebat. Tum Sulpitius: O diem, Cotta, nobis, inquit, optatum: quod enim neq; precibus unquam, nec insidiando, nec speculando assequi potui, ut quid Crassus ageret meditandi aut dicendi causa, nò modo uidere mihi, sed ex eius scriptore et lectore Diphilo suspicari liceret: id spero nos esse adeptos, omniaq; iam ex ipso quæ diu cupimus, cognituros. Tum Crassus: Atqui arbitror, Sulpiti, cum audieris, non tam te hæc adpiraturum quæ dixerò, quam existimaturum tum, cum ea audire cupiebas, causam cur cuperes non fuisse. nihil enim dicam reconditum, nihil expectatione uestra dignum, nihil aut mauditum uobis, aut cuiquam nouum. Nam principio illud quod est homine ingenuo liberaliterq; educato dignum, non negabo me ista omnium communia et contrita præcepta (b) didicisse. Primum oratoris officium esse, dicere ad persuadendum accommodatè: deinde esse omnem orationem, aut de infinitæ rei quæstione sine designatione personarum et temporum, aut de re certis in personis ac temporibus locata. in utraq; autem re quicquid in controuersiam ueniat, in eo queri solere, aut factum ne sit, aut si est factum, quale sit, aut etiam quo nomine uocetur: aut, quod nonnulli addunt, rectè ne factum esse uideatur. existere autem

feriasta  
vassus duns  
non mirenique  
vultis antea  
exorua sumo  
Ticamq. uel pika

of Han's Gate  
vij

quod. in parte  
finita

Tristatus



controuersias etiam ex scripti interpretatione, in quo aut ambiguit quid sit scriptum, aut contrariè, aut ita ut à sententia scriptum dissideat: his autem omnibus partibus subiecta quædam esse argumenta propria. sed causarum quæ sint à communi quæstione seiunctæ, partim in iudicijs uersari, partim in deliberationibus: esse etiam genus tertium, quod in laudandis aut uituperandis hominibus poneretur: certosq; esse locos, quibus in iudicijs uteremur, in quibus æquitas queritur: alios in deliberationibus, qui omnes ad utilitatem dirigerentur eorum quibus consilium daremus, alios item in laudationibus, in quibus ad personarum dignitatem omnia referrentur. cumq; esset omnis oratoris uis ac facultas in quinque partes distributa, ut deberet reperire primum quid diceret, deinde inuenta non solum ordine, sed etiam momento quodam atque iudicio dispensare atq; disponere, tum ea deniq; uestire atq; ornare oratione, post memoria sepire, ad extremum agere cum dignitate et uenustate: etiam illa cognoram et acceperam antè, quàm de re diceremus, initio conciliandos eorum esse animos qui audirent, deinde rem demonstrandam, postea controuersiam constituendam, tum id quod nos intendere mus, confirmandum: post, quæ contra dicerentur, refellenda. extrema autem oratione, ea quæ pro nobis essent, amplificanda et augenda: quæq; essent pro aduersarijs, infirmenda atque frangenda. Audieram etiam quæ de orationis ipsius ornamentis traderentur, in qua precipitur primum, ut purè et latinè loquamur, deinde ut planè et dilucidè, tum ut ornate, post ad rerum dignitatem aptè, et quasi decorè, singularumq; rerum præcepta cognoram. Quin etiam quæ maximè propria

Tria Causarum  
genera

Æquitas iudicij  
utilitas deliberationis

5. loci prout ad  
orationem pertinet

ad Exordium  
ad tractandum  
in iudicio  
animos docere  
et de re agere  
ut et. Ceterum  
Refutatio et conclusio

6. locutio et  
tractatio et  
elocutio



essent, naturæ tamen his ipsis artem adhiberi uideram:  
nam de actione & de memoria quædam breuia, sed ma-  
gna cum exercitatione præcepta gustaram. in his enim  
ferè rebus omnis istorum artificum doctrina uersatur:  
quam ego si nihil dicam adiuuare, mentiar. habet enim  
quædam quasi ad commonendum oratorem, quò quidq;  
referat: & quò intuens, ab eo quodcumq; sibi proposue-  
rit, minus aberret. Verùm ego hanc uim intelligo esse in  
præceptis omnibus, non ut ea secuti oratores eloquen-  
97 tiæ laudem (a) sint adepti, sed quæ sua sponte homines  
eloquentes facerent: ea quosdam obseruasse, atq; id egis-  
se: sic esse non eloquentiam ex artificio, sed artificium ex  
eloquentia natum. quod tamen, ut antè dixi, non ejicio.  
est enim etiam si minus necessarium ad bene dicendū, ta-  
men ad cognoscendum nō illiberale. Et exercitatio quæ-  
dam suscipienda uobis est, quanquam uos quidem iam-  
pridem estis in cursu: sed ijs qui ingrediuntur ad studiū,  
quiq; ea quæ agenda sunt in foro tanquam in acie, pos-  
sunt etiam nūc exercitatione quasi ludicra prædiscere ac  
meditari. Hanc ipsam, inquit Sulpitius, nosse uolumus:  
attamen ista quæ abs te breuiter de arte decursa sunt, au-  
dire cupimus, quanquam sunt nobis quoq; non inaudi-  
ta: uerum illa mox, nunc de ipsa exercitatione quid sen-  
tias, querimus. Equidem probo ista, Crassus inquit, quæ  
uos facere soletis: ut causa aliqua posita consimili causa-  
rum earum quæ in forū deferuntur, dicatis quam maxi-  
mè ad ueritatem accommodatè: sed pleriq; in hoc uocem  
modò, neq; eam scienter, & uires exercent suas, & lin-  
guæ celeritatem incitant, uerborumq; frequentia dele-  
ctantur. in quo fallit eos quod audierunt dicendo homi-  
nes, ut dicant efficere solere. uerè enim etiam illud dici-  
tur,



tur, peruerſe dicere, homines peruerſe dicendo facillimè  
conſequi. *Quamobrem in iſtis iſtis exercitationibus* *et* *ora* *ta*  
ſi utile eſt etiam ſubitò ſepe dicere: tamen illud utiliſ,  
ſumpto ſpacio ad cogitandum paratiſ atq; accuratiſ  
dicere. Caput autem eſt, quod, ut uerè dicam, minimè fa-  
cimur (eſt enim magni laboris, quem plerique fugimus)  
quàm plurimum ſcribere. Stylus optimus *et* præſantiſ-  
ſimus dicendi effector, ac magiſter. neq; iniuria: nam ſi  
ſubitam et fortuità orationem cōmentatio *et* cogitatio  
facilè uincit, hanc ipſam proſectò aſidua ac diligens ſcri-  
ptura ſuperabit. omnis enim ſiue artis ſunt loci, ſiue in-  
genij cuiuſdā, atq; prudentiæ, qui modò inſunt in ea re  
de qua ſcribimus, inquirentibus nobis, omniq; acie inge-  
nij contemplantibus, oſtendunt ſe et occurrunt: omneſq;  
ſententiæ, uerbaq; omnia quæ ſunt cuiuſq; generis maxi-  
mè illuſtria, ſub acumen ſtyli ſubeant *et* ſuccedant ne-  
ceſſe eſt: tū ipſa collocatio conformatioq; uerborum  
perficitur in ſcribendo, non poëtico, ſed quodam orato-  
rio numero, *et* modo. Hæc ſunt, quæ clamores *et* admi-  
rationes in bonis oratoribus efficiūt: neq; ea quiſquam,  
niſi diu multumq; ſcriptitarit, etiamſi uehementiſſimè  
ſe in hiſ ſubitſ dictionibus exercuerit, conſequetur: *et*  
qui à ſcribendi conſuetudine ad dicendum uenit, hanc af-  
fert facultatem, ut etiam ſubitò ſi dicat, tamen illa quæ  
dicantur, ſimilia ſcriptorum eſſe uideantur. atq; etiam  
ſi quando in dicendo ſcriptum attulerit aliquid, cū ab  
eo diſceſſerit, reliqua ſimiliſ (b) oratio conſequetur. Ut  
concitato nauigio cū remiges inhibuerunt, retinet ta-  
men ipſa nauis motum *et* curſum ſuum, intermiſſo im-  
petu pulſuq; remorum: ſic in oratione perpetua, cū  
ſcripta deficiunt, parem tamen obtinet oratio reliqua



*Luna ita* cursum scriptorum similitudine et ui concitata. In quo  
*Modum* tidianis autem cogitationibus, equidem mihi adolescen-  
*Carbonem* tulus proponere solebam illam exercitationem maxi-  
*lenit qui* mē, qua C. Carbonem nostrum illum inimicum solitum  
*ille addebat* esse uti sciebam: ut aut uersibus propositis quā maxi-  
*buca dicit* mē grauib, aut oratione aliqua lecta ad eum finem  
*uendit* quem memoria possem comprehendere, eam rem ipsam  
 quam legissem, uerbis alijs quammaximē possem lectis  
 pronunciare. sed post animaduerti hoc esse in hoc ui-  
 tij, quod ea uerba quae maximē cuiusq; rei propria, quae  
 quae essent ornatisima atque optima occupasset aut En-  
 nius, si ad eius uersus me exercerē, aut Gracchus, si eius  
 orationem mihi fortē proposuissem: ita si ipsdē uerbis  
 uterer, nihil prodesse, si alijs, etiam obesse, cū minus  
*Secundum* idoneis uti consuecerem. Postea mihi placuit, eoq; sum-  
*modum* usus adolescens, ut summorū oratorū Graecarum orationes  
 explicarem: quibus lectis hoc assequebar, ut cū ea quae  
 legerem Graecē, Latine redderem, non solū optimis  
 uerbis uterer, & tamen usitatis, sed etiam exprimerem  
 quaedam uerba imitando, quae noua nostris essent, dum-  
*Compositio* modo essent idonea. Iam uocis, & spiritus, & totius cor-  
*Corporis* poris, & ipsius linguae motus et exercitationes, nō tam  
 artis indigent, quā laboris: quibus in rebus habenda  
 est ratio diligenter, quos imitemur, quorum similes ue-  
 limus esse. Intuendi nobis sunt non solū oratores, sed  
 etiam actores: ne mala consuetudine ad aliquam defor-  
 mitatem prauitatemq; ueniamus. [Exercenda est etiam  
*Non solum* memoria, ediscendis ad uerbum quamplurimis & no-  
*Memoria* stris scriptis, & alienis. Atque in ea exercitatione non  
*Modo a qua* sanē mihi displicet adhibere, si consueris etiam istam lo-  
 corum simalachyrorumq; rationem, quae in arte tradi-  
 tur.



tur. Educenda deinde dictio est ex hac domestica exercitatione & umbratili medium in agmen, in puluerem, in clamorem, in castra, atque aciem forensam: subeundus usus omnium, & periclitanda uires ingenij, & illa commentatio inclusa in ueritatis lucem proferenda est. Legendi etiam poëtae, cognoscenda historia, omnium bonarum artium scriptores ac doctores & legendi, & peruolutandi, & exercitationis causa laudandi, interpretandi, corrigendi, uituperandi, refellendi: disputandumq; de omni re in contrarias partes, & quicquid erit in quaque re quod probabile uideri possit, eliciendum atq; dicendum. Perdiscendum ius civile, cognoscenda leges, percipienda omnis antiquitas, senatoria consuetudo, (a) disciplina rei publicae, iura sociorum, foedera, pactiones, causa imperij cognoscenda est: libandus est etiam ex omni genere urbanitatis facietiarum quidam lepos, quo tanquam sale perspergatur omnis oratio. Effundi uobis omnia quae sentiebam, quae fortasse, si quemcunque patrem familiarem arripuissetis ex aliquo circulo, eadem uobis percunctantibus respondisset. Haec cum Crassus dixisset, silentium est consecutum: sed quanquam satis ijs qui aderant, ad id quod erat propositum, dictum uidebatur: tamen sentiebant celerius esse multo quam ipsi uellent, ab eo peroratum. Tum Scaeuola: Quid est, Cotta, inquit, quid tacetis? nihil ne uobis in mentem uenit, quod praeterea à Crasso requiratis? Immo id mehercule, inquit, ipsum attendo: tantus enim cursus uerborum fuit, & sic euolauit oratio, ut eius uim & incitationem aspexerim, uestigia ingressumq; non uiderim: & tanquam in aliquam locupletem ac refertam domum uenerim, non explicata ueste, neq; proposito argento, neq; tabulis

*pro uerbo*

*Allegoria*

*Allegoria*

*Dei gra  
requiritur ad  
eloquentia*

98



bulis et signis propalàm collocatis, sed his omnibus multis magnificisq; rebus constructis ac reconditis: sic modo in oratione Crassi diuitias ac ornamenta eius ingenij per quædam inuolucra atq; integumenta perspexi: sed ea cum contemplari cuperem, uix aspiciendi potestas fuit: ita neq; hoc possum dicere, me omnino ignorare quid possideat, neq; planè nosse ac uidisse. Quin tu igitur facis idem, inquit Scaeuola, quod faceres si in aliquâ domum plenam ornamentorum illam uenisses: si ea seposita, ut dicis, essent, tuq; ualdè spectandi cupidus esses, non dubitares rogare dominum, ut proferri iuberet, præsertim si esset familiaris: similiter nunc petes à Crasso, ut eam copiam ornamentorum suorum, quam constructam uno in loco quasi per transennâ prætereuntes strictim aspeximus, in lucem proferat, et suo quidq; loco collocet. Ego uerò, inquit Cotta, à te peto, Scaeuola: me enim et hunc Sulpitium impedit pudor ab homine omnium grauissimo, qui genus huiusmodi disputationis semper contempserit, hæc quæ isti forsitan puerorum elementa uideatur exquirere: sed tu hoc nobis da, Scaeuola, et persice, ut Crassus hæc quæ coarctauit et perangustè referat in oratione sua, dilatet nobis atq; explicet. Ego me hercule, inquit Mutius, antea uestra magis hoc causa uolebam, quam mea: neque enim tantopere hanc à Crasso disputationem desiderabam, quantopere eius in causis oratione delector: nunc uerò, Crasse, mea quoq; etiâ causa rogo, ut quoniam tantum habemus ocij, quantum nobis non contigit, ne grauius exedificare id opus quod instituisti, formam enim totius negocij opinione maiorem melioremq; uideo, quam uehemèter probo. Enim uero, inquit Crassus, mirari satis non queo, etiam te hæc, Scaeuola,



nola, desiderare: quæ neq; ego teneo (b) uti ij qui docent:  
 neq; sunt eius generis, ut si optime tenerem, digna essent  
 ista sapientia, ac tuis auribus. **H**an tu, inquit ille, si des-  
 istis communibus & peruagatis uix huic ætati audien-  
 dū putas: etiam ne illa negligere possumus, quæ tu ora-  
 tori cognoscenda esse dixisti? de naturis hominū, de mo-  
 ribus, de rationibus ijs quibus hominum mentes & in-  
 citarentur & reprimerentur, de historia, de antiquita-  
 te, de administratione rei pub. deniq; de nostro ipso iure  
 ciuili: hanc enim ego omnem scientiam & copiam rerū  
 in tua prudentia sciebam inesse, in oratoris uerò instru-  
 mento tam lautam supellectilem nunquam uideram.  
 Potes igitur, inquit Crassus, (ut alia omittam quæ sunt  
 immensa, & ut ad ipsum tuū ius ciuile ueniam) orato-  
 res putare eos, quos multas horas expectauit, cum in  
 campum properaret & ridens & stomachans Scaeuo-  
 la: cum Hypseus maxima uoce plurimis uerbis à M.  
 Crasso prætore contenderet, ut ei quem defendebat, cau-  
 sa cadere liceret: Cn. autem Octavius, homo consularis,  
 non minus longa oratione recusaret, ne aduersarius cau-  
 sa caderet, ac ne is pro quo ipse diceret, turpi tutelæ iu-  
 dicio atque omni molestia, stulticia aduersarij liberare-  
 tur. Ego uerò istos, inquit (memini enim mihi narrare  
 Mutium) nō modò oratoris nomine, sed ne foro quidem  
 dignos putarem. Atqui non desuit illis patronis, inquit  
 Crassus, eloquentia, neq; dicendi ratio aut copia, sed iu-  
 ris ciuilis prudentia: quòd alter plus lege agendo pete-  
 bat quàm quantum lex in XII. Tabulis permiserat,  
 quod cum impetrasset, causa caderet: alter iniquum pu-  
 tabat, plus secū agi quàm quod esset in actione: neq; in-  
 telligebat si ita esset actum, litem aduersarium perditu-

rum,

*Teria uela  
 Oratores inest  
 qui expectant  
 hunc Crassum  
 de re. Crassum*

*Exempli*

*Exempli  
 his sed in ius  
 perit*



rum. Quid his paucis diebus? non ne nobis in tribunali

*Exempli* Q. Pompeij pratoris urbani familiaris nostri sedenti-  
bus, homo ex numero disertorum postulabat, ut illi, un-  
de peteretur uetus atq; usitata exceptio daretur, cuius  
pecuniæ dies fuisset: quod petitoris causa comparatum  
esse non intelligebat: ut si ille inficiator probasset iudici  
antè petitiã esse pecuniam, quàm esset cœpta deberi, pe-  
titor rursus cùm peteret, ne exceptione excluderetur,  
quòd ea res in iudicium antea non uenisset. Quid ergo  
hoc fieri turpius aut dici potest, quàm eum qui hanc  
personam suscepit, ut amicorum controuersias cau-  
sasq; tueatur, laborantibus succurrat, ægris medeatur,  
afflictos excitet, hunc in minimis tenuissimisq; rebus ita  
labi, ut alijs miserandus, alijs irridendus esse uideatur?

*Exempli* Equidem propinquum nostrum P. Crassum illum diui-  
tem, & multis alijs in rebus elegantem hominem & or-  
natum, præcipuè in hoc ferendum & laudandum puto:  
99 quòd cùm P. Scauolæ frater (a) esset, solitus est ei per-  
sepe dicere, neq; illum in iure ciuili satis illi artè facere  
posse, nisi dicendi copiã assumpsisset, quod quidem hic  
qui necum consul fuit, filius eius est consecutus, neq; se  
antè causas amicorum tractare atq; agere cœpisse, quã  
ius ciuile didicisset. Quid uerò ille M. Cato? non ne &  
eloquentia tanta fuit, quantam illa tempora atque illa  
etas in hac ciuitate ferre maximam potuit, & iuris ci-  
uilis omnium peritissimus? Verecundius hac de re  
iamdudum loquor, quòd adest uir in dicendo summus,  
quem ego unum oratorem maximè admiror: sed tamen  
idem hoc semper ius ciuile contempsit. Verum, quo-  
niam sententiæ atq; opinionis meæ uoluitis esse parti-  
cipes, nihil occultabo: & quoad potero, uobis exponã,  
quid



quid de quaq; re sentiam. Antonij incredibilis quædam, & propè singularis & diuina uis ingenij uidetur, etiam si hac scientia iuris nudata sit, posse faciliè cæteris armis prudentiæ causas tueri atque defendere: quamobrem hic nobis sit exceptus, cæteros uerò non dubitabo primùm inertie condemnare sententia mea, pòtè etiam imprudentiæ. Nam uolitare in foro, hæere in iure ac prætorum tribunalibus, iudicia priuata magnarum rerum obire, in quibus sæpe non de facto, sed de æquitate ac iure certetur: iactare se in causis centumuiralibus, in quibus usucapionum, tutelarum, gentilitatum, agnationum, alluionũ, circumluuionum, nexorum, mancipiorum, parietum, luminum, stillicidiorum, testamentorum ruptorum aut ratorum, cæterarumq; rerum innumera-bilium iura uersentur: cùm omnino quid suum, quid alienum, quare deniq; ciuis an peregrinus, seruus an liber quispiam sit, ignoret, insignis est impudentiæ. Illa uerò deridenda arrogantia est, in minoribus nauigijs rudem esse se confiteri, quinquereemes autem aut etiam maiores gubernare didicisse. Tu mihi, cùm in circulo decipiare aduersarij stipulatiuncula, & cùm obsignes tabellæ clientis tui, quibus in tabellis id sit scriptum quo ille capiatur: ego tibi ullam causam maiorem commitendam putem? citius hercule is qui duorum scalmorum nauiculam in portu euèrterit, in Euxino ponto Argonautarum nauem gubernarit. Quid si ne parue quidem causæ sunt, sed sæpè maximæ, in quibus certatur de iure ciuili? quod tandem os est illius patroni, qui ad eas causas sine ulla scientia iuris audet accedere? Quæ potuit igitur esse causa maior, quàm illius militis? de cuius morte cùm domum falsus ab exercitu nuncius uenisset, & pater eius

*Antonij incredibilis*

*uidetur ingenij*

*En uocatio  
per uocatio  
per uocatio*

*Ternatio  
Allusio ad Oratorem*



eius re credita testamentum mutasset, & quem ei uisum  
 esset fecisset heredem, essetq; ipse mortuus: res delata  
 est ad centumuiros, cum miles domum reuissset, egis-  
 setq; lege in hereditatem paternam, testamento exha-  
 res filius. Nempe in ea causa (b) qua situm est de iu-  
 re ciuili, posset ne paternorum bonorum exhaeres esse  
 filius, quem pater testamento neq; heredem, neque ex-  
 heredem scripsisset nominatim. Quid? qua de re inter  
 Marcellos & Claudios patricos Centumuiroi iudica-  
 runt: cum Marcelli ab liberti filio stirpe, Claudij patri-  
 cij eiusdem hominis hereditatem, gente ad se rediisse di-  
 cerent: non ne in ea causa fuit oratoribus de toto stir-  
 pis ac gentilitatis iure dicendum? Quid quod item in  
 Centumuirali iudicio certatum esse accepimus: qui Ro-  
 mam in exilium uenisset, cui Romae exulare ius esset, si  
 se ad aliquem quasi patronum applicuisset, intestatoq;  
 esset mortuus: non ne in ea causa ius applicationis obscu-  
 rum sanè & ignotum, patefactum in iudicio atque illu-  
 stratum est à patrono? Quid nuper, cum ego C. Sergij  
 Aurata contra hunc nostrum Antonium iudicio priua-  
 to causam defenderem: non ne omnis nostra in iure uer-  
 sata defensio est? cum enim Marius Cratidianus aedes Au-  
 rata uendidisset, neque seruire quandam earum ædium  
 partem in mancipij lege dixisset, defendebamus quic-  
 quid fuisset incommodi in mancipio: id si uenditor scis-  
 set, neque declarasset, prestare debere. Quo quidem  
 in genere, familiaris noster M. Cucculeius, homo ne-  
 que meo iudicio stultus, & suo ualdè sapiens, & à iuris  
 studio non abhorrens, simili in re quodam modo nuper  
 errauit. nam cum aedes L. Fusio uederet, in mancipio lu-  
 mina uti tum essent, ita recepit. Fusius autem, simulatq;  
 edificari



ædificari cœptum est, in quadam parte urbis, quæ mo-  
 dò ex illis ædibus conspici posset, egit statim cum Buc-  
 culeio, quòd cuiusq; particulæ cœli officeretur, quam-  
 uis esset procul, mutari lumina putabat. Quid uerò cla-  
 rissima M. Curij causa, & M. Coponij nuper apud cen-  
 tumuiros, quo concursu hominũ, qua expectatione de-  
 fensa est? cum Q. Scaeuola æqualis & collega meus, ho-  
 mo omnium & disciplina iuris ciuiliis eruditissimus, &  
 ingenio prudentiaq; acutissimus, & oratione maximè  
 limatus atque subtilis, atque ut ego soleo dicere, iurisperi-  
 ritorum eloquentissimus, eloquentium iurisperitissi-  
 mus, ex scripto testamentorũ iura defenderet, negaretq;  
 nisi posthumus et natus, & antè quàm in suam tutelam  
 uenisset, mortuus esset, hæredem eum esse non posse, qui  
 esset secundum posthumum, & natum, et mortuum hæ-  
 res institutus: ego autè defenderem hac eum mente fuisse  
 qui testamentum fecisset, ut si filius non esset qui in tute-  
 lam ueniret, M. Curius esset hæres: num destitit uter-  
 que nostrũ in ea causa, in authoritatibus, in exemplis,  
 in testamentorum formulis, hoc est, in medio iure ciuili  
 uersari? Omitto iam plura exempla causarum amplifi-  
 simarum, (a) quæ sunt innumerabilia. capitis nostri 100  
 sepe potest accidere ut causæ uersentur in iure. Ete-  
 nim si C. Mancinum, nobilissimum atque optimum ui-  
 rum ac consularem, cùm propter inuidiam Numantini  
 fœderis pater patratus ex senatusconsulto Numantinis  
 dedisset, eũque illi non recepissent, posteaque Man-  
 cinus domum reuenisset, neque in senatum introire du-  
 bitasset, Publius Rutilius M. filius Tribunus plebis de  
 senatu iussit educi, quòd eum ciuem negaret esse: quia  
 memoria sic esset proditum, quem pater suus aut po-  
 pulus



pulus uendidisset, aut pater patratu dedidisset, ei nullum esse postliminium. Quam possumus reperire ex omnibus rebus ciuilibus causam contentionemque maiorem, quam de ordine, de ciuitate, de libertate, de capite hominis consularis? praesertim cum haec non in crimine aliquo quod ille posset inficiari, sed in ciuili iure consisteret. Similiq; in genere inferiore ordine, si quis apud nos seruisset ex populo foederato, seseq; liberasset, ac postea domum reuenisset: quaesitum est apud maiores nostros, num is ad suos postliminio rediisset, et amississet hanc ciuitatem. Quid de libertate, quo iudicium grauius esse nullum potest? nonne ex iure ciuili potest esse contentio? cum quaeritur is qui domini uoluntate census sit, si non sit conditum lustrum, sit ne liber? Quid quod usu memoria patrum uenit, ut paterfamilias, qui ex Hispania Romam uenisset, cum uxorem praegnantem in prouincia reliquisset, Romaeq; alteram duxisset, neq; nuncium priori remisisset, mortuusq; esset intestato, et ex utraq; filius natus esset: mediocris ne res in controuersiam adducta est? cum quaeretur de duobus ciuium capitibus, et de puero qui ex posteriore natus erat, et de eius matre, quae si iudicaretur, certis quibusdam uerbis non nouis nuptijs fieri cum superiore diuortium, in concubinae locum duceretur. Haec igitur et horum similia iura suae ciuitatis ignorantem, erectum et celsum, alacri et prompto ore ac uultu, huc atq; illuc intuentem uagari magna cum caterua toto foro, praesidium clientibus atq; opem amicis, et prope cunctis ciuibus lucem ingenij et consilij sui porrigentem atq; tendentem: nonne in primis flagitiosum putandum est? Et quoniam de impudentia dixi, castigemus etiam segnitiem hominum

atq;



atq; inertiam. Nam si esset ista cognitio iuris magna ac difficilis, tamen utilitatis magnitudo deberet homines ad suscipiendum discendi laborem impellere. Sed, o Di immortales, non dicerem hoc audiente Scaeuola, nisi ipse dicere soleret, nullius sibi artis faciliorem cognitionem uideri, quod quidem certis de causis à plerisque aliter existimatur. (b) Primum, quia ueteres illi qui huic scientiæ præfuerunt, obtinendæ atq; augendæ potentiæ suæ causa peruulgari artem suam noluerunt. deinde posteaquam est editum expositis à Gn. Flauio primum actionibus, nulli fuerunt qui illa artificiose digesta generatim cõponerent. nihil est enim quod ad artem redigi possit, nisi ille prius qui illa tenet, quorum artem instituire uult, habet illam scientiam, ut ex ijs rebus quarum ars nondum sit, artem efficere possit. hoc uideo, dum breuiter uoluerim dicere, dictum à me esse paulò obscurius: sed experiar, & dicam si potero planius. Omnia ferè quæ sunt conclusa nunc artibus, dispersa & dissipata quondam fuerunt: ut in Musicis numeri, et uoces, & modi: in Geometria lineamenta, formæ, interualla, magnitudines: in Astrologia cœli conuersio, ortus, obitus, motusq; siderum: in Grammaticis poetarum pertractatio, historiarum cognitio, uerborum interpretatio, pronunciandi quidam sonus. in hac deniq; ipsa ratione dicendi excogitare, ornare, disponere, meminisse, agere, ignota quondam omnibus & diffusa latè uidebantur. adhibita est igitur ars quædam extrinsecus ex alio genere quodam, quod sibi totum philosophi assumunt. quæ rem dissolutam, diuisamq; conglutinet, & ratione quadam constringeret. Sit ergo in iure ciuili finis hic, legitimæ atque usitatæ in rebus causisq; æquum æqualitatis conseruatio. Tum



sunt notanda genera, & ad certum numerum paucitatemq; reuocanda. Genus autem id est, quod sui simileis communionem quadam, specie autem differenteis, duas aut plures complectitur partes. Partes autem sunt, quæ generibus ijs ex quibus emanant, subiiciuntur. Omniaq; quæ sunt uel generum uel partium nomina, definitionibus, quam uim habeant, est exprimendum. Est enim definitio earum rerum, quæ sunt eius rei propriæ, quam definire uolumus, breuis & circumscripta quædam explicatio. Hisce ego rebus exempla adiungerem, nisi apud quos hæc haberetur oratio cernerem. nunc complectar, quod proposui, breui. Si enim aut mihi facere licuerit quod iam diu cogito, aut alius quispiam, aut me impedito occuparit, aut mortuo effecerit: ut primum omne ius ciuile in genera digerat, quæ per pauca sunt: deinde eorum generum quasi quædam membra dispartiat: tum propriam cuiusque uim definitione declaret: perfectam artem iuris ciuilis habebitis, magis magnam atq; uberem, quam difficilem & obscuram. Atq; interea tamen, dum hæc quæ dispersa sunt coguntur, uel passim licet carpentem & colligentem undiq; repleti ista iuris ciuilis scientia. Non ne uidetis equitem Romanum, hominem acutissimo omnium ingenio, sed minime ceteris artibus eruditum, C. Aculeonem, qui mecum uiuit, (a) semperq; uixit, ita tenere ius ciuile, uti cum ab hoc discesseris, nemo de ijs qui peritissimi sunt, anteponatur? Omnia enim sunt posita ante oculos, collocata in usu quotidiano, in congregatione hominum, atq; in foro: neq; ita multis literis, aut uoluminibus magnis continentur. eadem enim sunt elata primum à pluribus, deinde paucis commutatis uerbis etiam ab iisdem scriptoribus scripta sunt sæpius. Accedit



cedit uerò, quòd facilius percipi cognosciq; ius ciuile possit (quod minimè pleriq; arbitrantur) mira quædam in cognoscendo suauitas & delectatio. Nam si quem aliena studia delectant, plurima est in omni iure ciuili, & in pontificum libris, & in duodecim tabulis antiquitatis effigies: quòd & uerborum prisca uetustas cognoscitur, & actionum genera quædam maiorum consuetudinem uitamq; declarant. Siue quis ciuilem scientiam contempletur, quam Scauola non putat oratoris esse propriam, sed cuiusdam ex alio genere prudentiæ: totam hanc descriptis omnibus ciuitatis utilitatibus ac partibus, XII. Tabulis contineri uidebitis. Siue quæ ista præpotens et gloriosa philosophia delectat (dicā audacius) hosce habet fontes omnium disputationum suarum, qui iure ciuili et legibus continentur. ex his enim et dignitatem maximè expetendam uidemus, cum uerus, iustus atq; honestus labor honoribus, præmijs atq; splendore decoratur: uitia autem hominū atq; si audes damnis, ignominijs, uinculis, uerberibus, exilijs, morte multantur: et docemur non infinitis concertationumq; plenīs disputationibus, sed auctoritate nutuq; legum domitas habere libidines, coercere omnes cupiditates, nostra tueri, ab alienis mentes, oculos, manus abstinere. Fremant omnes licet (dicā quod sentio) bibliothecas mehercule omnium philosophorū unus mihi uidetur XII. Tabularum libellus, si quis legū fontes & capita uiderit, et auctoritatis pondere, & utilitatis ubertate superare. Ac si nos, id quod maximè debet, nostra patria delectat, cuius rei tanta est uis ac tanta natura, ut Ithacam illam in asperrimis saxulis tanquam nidulum affixam, sapientissimus uir immortalitati anteponeret: quo amore tandem inflammati



esse debemus in eiusmodi patriam, quæ una in omnibus terris domus est uirtutis, imperij, dignitatis? cuius primum nobis mens, mos, disciplina nota esse debet: uel quia est patria parens omnium nostrum, uel quia tanta sapientia fuisse in iure constituendo putanda est, quanta fuit in his tantis opibus imperij comparandis. Percipietis etiam illam ex cognitione iuris leticiam et uoluptatem, quod quantum præstiterint nostri maiores prudentia cæteris gentibus, tum facillimè intelligetis, si cum illorum Lycurgo, et Dracone, et Solone nostras leges conferre uolueritis. (b) Incredibile est enim, quàm sit omnine ius ciuile præter hoc nostrum inconditum, ac penè ridiculum: de quo multa soleo in sermonibus quotidianis dicere: cum hominum nostrorum prudentiam cæteris hominibus, et maxime Græcis antepono. His ego de causis dixeram, Scauola, ijs qui perfecti oratores esse uelent, iuris ciuilis cognitionem esse necessariam. Iam uerò ipsa per sese quantum asserat ijs qui ei præsent, honoris, gratiæ, dignitatis, quis ignorat? Itaque ut apud Græcos infimi homines mercedula adducti ministros se præbent in iudicijs oratoribus, ij qui apud illos ἀρχαῖοι uocantur: sic in nostra ciuitate cōtrà, amplissimus quisque et clarissimus uir, ut ille qui propter hanc iuris ciuilis scientiam sic appellatus à summo poëta est,

Egregiè cordatus homo Catus Aelius Sextus, multiq; præterea, qui cum ingenio sibi authore dignitatem reperissent, perfecerunt ut in respondendo iure authoritate plus etiam quàm ipso ingenio ualerent. Senectuti uerò celebrandæ et ornandæ quod honestius potest esse perfugium, quàm iuris interpretatio? Equidem mihi hoc subsidium iam inde ab adolescentia comparaui, non



ni, non solum ad causarum usum forensem, sed etiam ad decus atq; ornamentū senectutis: ut cum me uires (quod ferè iam tempus adueniat) deficere cœpissent, ista ab solitudine domum meam uindicarem. Quid est enim præclarius, quàm honoribus & reip. muneribus perfunctiō senē posse suo iure dicere idē, quod apud Ennium dicat ille Pythius Apollo: se esse eum, unde sibi, si non populū & reges, at omnes sui ciues consilium expetant, Suarum rerum incerti: quos ego mea ope ex Incertis certos, compotesq; consili Dimitto, ut ne res temerè tractent turbidus?

Est enim sine dubio domus iuriconsulti, totius oraculū ciuitatis. Testis est huiusce Q. Mutij ianua, & uestibulum: quod in eius infirmissima ualetudine, afflictaq; iam etate, maxima quotidie frequentia ciuium ac summa morum hominū splendore celebratur. Iam illa non longam orationem desiderant, quamobrem existimem publica quoque iura, quæ sunt propria ciuitatis atque imperij: tum monimenta rerum gestarum, & uetustatis exempla oratori nota esse debere. Nam ut in rerum priuatarum causis atque iudicijs depromenda sepe oratio est ex iure ciuili, & idcirco, ut antè diximus, oratori iuris ciuilis scientia necessaria est: sic in causis publicis iudiciorum, concionum senatus, omnis hæc & antiquitatis memoria, et publici iuris authoritas, & regendæ reipub. ratio ac scientia, tanquam aliqua materies ijs oratoribus qui uersantur in repub. subiecta esse debent. Nō enim causidicum nescio quem, neq; (a) proclamatorem, 102 aut rabulam hoc sermone nostro conquirimus: sed eum uirum, qui primū sit eius artis antistes, cuius cum ipsa natura magnam homini facultatem daret, tamen esse



deus putatur, ut et ipsum quod erat hominis proprium, non parit̃ per nos, sed diuinit̃s ad nos delatum uidetur: deinde qui possit non tam caduceo quàm nomine oratoris ornatus, incolumis uel inter hostium tela uersari: tum qui scelus fraudemq; nocentis possit dicendo subijcere odio ciuium, supplicioq; constringere: idemq; in genij præsidio, innocentiam iudiciorum poena liberare: idemq; languentem labentemq; populum aut ad deus excitare, aut ab errore deducere, aut inflammare in improbos, aut incitatum in bonos mitigare: qui denique quemcunq; in animis hominum motum res et causa poshulet, eum dicendo uel excitare possit, uel sedare. Hanc uim si quis existimat aut ab ijs qui de dicendi ratione scripserunt, exposita esse, aut a me posse exponi tam breui, uehementer errat; neq; solum inscitiam meam, sed nererum quidē magnitudinem perspicit. Equidem uobis, quoniam ita uoluistis, fontes, unde hauriretis, atq; itinera ipsa ita putauit esse demonstranda: non ut ipse dux essem, quod et infinitum est, et non necessarium: sed ut commonstrarem tantum uiam, et, ut fieri solet, digitum ad fontes intenderem. Mibi uerò, inquit Mutius, satis superq; abs te uidetur istorum studijs, si modò sunt studiōsi, esse factum. nam ut Socratem illum solitum aiunt dicere, perfectum sibi opus esse, si quis satis esset concitatus cohortatione sua ad studium cognoscendæ percipiendæq; uirtutis: quibus enim id persuasum esset, ut nihil mallent se esse quàm bonos uiros, ijs reliquam faciliẽ esse doctrinam. sic ego intelligo, si in hæc quæ patefecit oratione sua Crassus, intrare uolueritis, facillimè uos ad ea quæ cupitis; peruenturos ab hoc aditu ianuâq; patefacta. Nobis uerò, inquit Sulpitius, ista sunt pergrata,

perq;



perq; iucunda: sed pauca etiam requirimus, in primisq;  
ea quæ ualdè breuiter à te, Crasse, de ipsa arte percur-  
sunt, cum illa te & non contemnere, & didicisse cõfite-  
rere: ea si paulo latius dixeris, expleris omnem expecta-  
tionè diuturni desiderij nostri. nam nunc quibus studen-  
dum rebus esset, accepimus, quod ipsum est tamen ma-  
gnū: sed uias earum rerum, rationemq; cupimus cogno-  
scere. Quid si, inquit Crassus, quoniam ego quò facilius  
uos apud me tenerè, uestre potius obsecutus sum uolun-  
tati, quàm aut consuetudini, aut naturæ meæ, petimus ab  
Antonio, ut ea quæ cõtinet, neq; adhuc protulit, ex qui-  
bus unum libellū sibi excidisse iam dudū questus est, ex-  
plicet nobis, & illa dicendi mysteria enunciet? Vt uide-  
tur, inquit Sulpitius; nam Antonio dicēte, etiam quid tu  
intelligas sentiemus. Peto igitur, inquit Crassus, à te, quo-  
nam in nobis, (b) Antoni, hominibus id ætatis oneris ab  
horū adolescentium studijs imponitur; ut exponas, quid  
ijs de rebus quas à te quæri uides, sentias. Deprehensum  
equidē me, inquit Antonius, planè uideo atq; sentio, non  
solum quòd ea requiruntur à me quorum sum ignarus  
atq; insolens: sed quia quod in causis ualdè fugere soleo,  
ne tibi, Crasse, succedā, id me nunc isti uitare non sinunt.  
uerū hoc ingrediar ad ea quæ uultis audacius, quòd i-  
dem mihi spero usu esse uenturum in hac disputatione,  
quod in dicedo solet, ut nulla expectetur ornata oratio.  
neq; enim sum de arte dicturus, quam nunquā didici, sed  
de mea consuetudine: ipsaq; illa quæ in commentarium  
meū retuli, sunt eiusmodi, nō aliqua mihi doctrina tradi-  
ta, sed in rerum usu causisq; tractata: quæ si uobis homi-  
nibus eruditissimis non probabuntur, uestram iniquita-  
tem accusatote, qui ex me ea quæstieritis quæ ego nescirè:



meam facilitatem Laudatote, cum uobis non meo iudicio, sed uestro studio inductus non grauare respondero. Tum Crassus: Perge modo, inquit, Antoni: nullum est enim periculum, ne quid tu eloquere, nisi ita prudenter, ut neminem nostrum poeniteat ad hunc te sermonem imputisse. Ego uero, inquit, pergam, et id faciam quod in principio fieri in omnibus disputationibus oportere censeo, ut quid illud sit de quo disputetur, explanetur: ne uagari et errare cogatur oratio, si ij qui inter se dissenserint, non idem esse illud de quo agitur, intelliget. Nam si forte quaereretur, quae esset ars imperatoris, constitutum putare principio quis esset imperator: qui cum esset constitutus administrator quidem belli gerendi, tum adiungeremus de exercitu, de castris, de agnibus, de signorum collationibus, de oppidorum oppugnationibus, de commeatu, de insidijs faciendis atque uitandis, de reliquis rebus quae essent propriae belli administrandi: quarum qui essent animo et scientia compotes, eos esse imperatores dicere: utereturque exemplis Africanorum et Maximorum, Epaminundam atque Annibalem atque eius generis homines nominarem. Sin autem quaereremus, quis esset is qui ad remp. moderanda usum, et scientiam, et studium suum contulisset, definirem hoc modo: Qui quibus rebus utilitas reip. pararetur augeturque, teneret, ijsque uteretur: hunc reip. rectorem, et consilij publici auctorem esse habendum. predicaremque Publium Lentulum principem illum, et Tiberium Gracchum patrem, et Quintum Metellum, et Publium Africanum, et C. Laelium, et innumerabiles alios cum ex nostra ciuitate, tum ex ceteris. Sin autem quaereretur, quis nam iurisconsultus uere nominaretur, cum dicerem, qui legum consuetu-



suetudinis eius qua privati in ciuitate uterentur, & ad  
 respondendum, & ad agendum, (a) & ad cauendū pe- 103  
 ritus esset: & ex eo genere Sextum Aelium, M. Mani-  
 lium, P. Mutium nominarem. Atq; ut iam ad leuiora ar-  
 tium studia ueniam, si musicus, si grammaticus, si poeta  
 queratur, possum similiter explicare, quid eorum quisq;  
 profiteatur, & quo non amplius ab quoq; sit postulan-  
 dum. Philosophi deniq; ipsius qui de sua ut ac sapientia  
 unus omnia penē proficitur, est tamen quædam descri-  
 ptio: ut is qui studeat omnium rerū diuinarum atq; hu-  
 manarum uim, naturam, causaq; nosse, et omnem benē  
 uiuendi rationem tenere et persequi, nomine hoc appella-  
 letur. Oratorem autē, quoniam de eo querimus, equidē  
 nō facio eundem quem Crassus, qui mihi uisus est omnē  
 omnium rerum atque artium scientiam comprehendere  
 uno oratoris officio ac nomine: atq; eū puto esse, qui et  
 uerbis ad audiendum iucundis, & sententijs ad proban-  
 dum accommodatis uti possit in causis forēsibus atq; com-  
 munitibus, hunc ego appello oratorem, cumq; esse prate-  
 rea instructum uoce, & actione, & lepore quodam uo-  
 lo. Crassus uerò mihi noster uisus est oratoris facultatem  
 non illius artis terminis, sed ingenij sui finibus immensis  
 penē describere: nam & ciuitatum regendarum oratori  
 gubernacula sentētia sua tradidit. in quo per mihi mirū  
 uisum est, Scauola, te hoc illi concedere: cum sepius imē  
 tibi senatus breuiter impoliteq; dicenti, maximis sit de  
 rebus assensus. M. uerò Scaurus, quem non longē ruri  
 apud se esse audio, uir regende reipub. scientissimus, si  
 audierit hanc authoritatē grauitatis & consilij sui uin-  
 dicari à te, Crasse, quòd eam oratoris propriam esse di-  
 cas, iam credo hūc ueniat, & hanc loquacitatem no-  
 stram



stram uultu ipso aspectuq; conterreat: qui quanquam  
 est in dicendo minimè contemnendus, prudentia tamen  
 rerum magnarum magis quàm dicendi arte nititur. Ne-  
 que uerò si quis utruq; potest, aut ille consilij publici  
 author, ac senator bonus, ob eam ipsam causam orator  
 est: aut hic disertus, aut eloquens, si est idem in procura-  
 tione ciuitatis egregius, aliquam scientiam dicendi copia  
 est consecutus. multū inter se distant istæ facultates, lon-  
 geq; sunt diuersæ atq; seiunctæ: neque eadem ratione ac  
 uia M. Cato, P. Africanus, Q. Metellus, C. Lælius, qui  
 omnes eloquentes fuerunt, orationem suam, & reip. di-  
 gnitatem exornabant. neq; enim est interdictū aut à re-  
 rum natura, aut à lège aliqua atq; more, ut singulis ho-  
 minibus ne amplius quàm singulas artes nosse liceat.  
 Quare nō, etsi eloquentissimus Athenis Pericles, idemq;  
 in ea ciuitate plurimos annos princeps consilij publici  
 fuit, idcirco eiusdem hominis atque artis utraq; facultas  
 existimanda est: nec si Publius Crassus idē fuit eloquens  
 et iuris peritus, ob eam causam inest in facultate dicendi  
 (b) iuris ciuilibus scientia. nam si quisq; ut in aliqua arte  
 & facultate excellens, aliā quoq; artē sibi assumpserit,  
 is perficiet, ut quod prætereā sciet, id eius in quo excel-  
 let, pars quædā esse uideatur. licet ista ratione dicamus,  
 pila bene & duodecim scrupis ludere, proprium esse iu-  
 ris ciuilibus, quoniā utrūq; eorū P. Mutius optimè fecerit:  
 eademq; ratione dicantur, et quos p̄uinciss Græci nomi-  
 nant, idem Poëta, quoniam Empedocles physicus egre-  
 gium poëma fecerit. at hoc ne philosophi quidē ipsi, qui  
 omnia sicut propria sua esse, atq; à se possideri uolunt,  
 dicere audent Geometriā aut Musicam philosophi esse,  
 quia Platonem omnes in illis artibus præstantissimū fu-  
 isse



isse fateantur. Ac si iā placet omnes partes oratori subiungere, tolerabilius est sic potius dicere, ut quoniam dicendi facultas nō debeat esse ieiuna atq; nuda, sed aspersa atq; distincta multarum rerum iucunda quadam uarietate, sit boni oratoris multa auribus accepisse, multa uidisse, multa animo & cogitatione, multa etiam legendo percurrisse: neq; ea ut sua possedisse, sed ut aliena libasse. fateor enim callidum quendam hunc, & nulla in re tyronem ac rudem, nec peregrinum atque hospitem in agendo esse debere. Neq; uerō istis tragædijs tuis, quibus uti philosophi maximè solent, Crasse, perturbor: quòd ita dixisti, neminem posse eorum mentes qui audirent, aut inflammare dicendo, aut inflammatas refingere, cum eo maximè uis oratoris magnitudoq; cernatur, nisi qui rerum omnium naturam, mores hominum atq; rationes penitus perspexerit: in quo philosophia sit oratorinecessariò percipienda. quo in studio hominum ingeniosissimorum ociosissimorumq; totas etates uidemus esse cōtritas, quorum ego copiam magnitudinemq; cognitionis atq; artis non modò non contemno, sed etiam uehementer admiror: nobis tamen qui in hoc populo foroq; uersamur, satis est ea de moribus hominum & scire, & dicere, quæ non abhorrent ab hominum moribus. Quis enim unquam orator magnus & grauis, cum iratū aduersario iudicem facere uellet, hæsitauit ob eam causam, quòd nesciret quid esset iracūdia, feruor ne mentis, an cupiditas puniendi doloris? quis cum ceteros animorum motus aut iudicibus, aut populo dicendo miscere atq; agitare uellet, ea dixit quæ à philosophis dici solēt? qui partim omnino motus negant in animis ullos esse debere, quiq; eos in iudicū mentibus concitent, scelus eos nefariū facere:



facere: partim qui tolerabiliores uolunt esse, & ad ueritatem uitae propius accedere, per mediocres, ac potius leues motus debere esse dicunt. Orator autem omnia haec quae putantur in cōmuni uitae consuetudine mala ac molesta & fugienda, multo maiora & acerbiora uerbis facit: itemque ea quae (a) uulgò expetenda atque optabilia uidentur, dicendo amplificat atque ornat: neque uult ita sapiens inter stultos uideri, uti qui audiant, aut illum ineptum, aut Graeculum putent: aut etiam si ualdè probent ingenium, oratoris sapientiam admirètur, se esse stultos molestè ferant: sed ita peragrat per animos hominū, ita sensus mentesque pertractat, ut non desideret philosophorum descriptiones, neque exquirat oratione, summum illud bonum in animo ne sit, an in corpore, uirtute an uoluptate definiatur: an haec inter se iungi copularique possint: an uerò, ut quibusdam uisum, nihil certum sciri, nihil planè cognosci & percipi possit? quarum rerum fateor magnam multiplicemque esse disciplinam, & multas, copiosas, uariasque rationes. Sed aliud quiddam longe aliud, Crasse, querimus: acuto homine nobis opus est, & natura usuque callido, qui sagaciter peruestiget, quid sui ciues, ipsique homines quibus aliquid dicendo persuadere uelit, cogitent, sentiant, opinentur, expectent. Teneat oportet uenas cuiusque generis, aetatis, ordinis, & eorum apud quos aliquid aget, aut erit acturus, mentes sensusque degustet. Philosophorum autem libros referuet sibi ad huiusmodi Thusculani requiem atque ocium: ne si quando ei dicendum erit de iusticia & fide, mutuetur à Platone, qui cum haec exprimenda uerbis arbitraretur, nonnam quandam finxit in libris ciuitatem, usque eò illa quae dicenda de iusticia putabat, à uitae consuetudine &

à ciui-



à ciuitatum moribus abhorrebant. Quòd si ea probarentur in populis atq; in ciuitatibus, quis tibi, Crasse, concessisset, clarissimo uiro & amplissimo principi ciuitatis, ut illa diceres in maxima concione tuorum ciuium, quæ dixisti? Eripite nos ex miserijs, eripite nos ex faucibus eorum, quorum crudelitas nostro sanguine non potest expleri: nolite sinere nos cuiquam seruire, nisi uobis uniuersis, quibus & possumus & debemus. Omitto miserias, in quibus, ut illi aiunt, uir fortis esse non potest: omitto fauces, ex quibus te eripi uis: ne iudicio iniquo exorbeat sanguis tuus, quod sapienti negant accedere posse: seruire uerò nō modò te, sed uniuersum senatum, cuius tū causam agebas, ausus es dicere? Potest ne uirtus, Crasse, seruire istis authoribus, quorum tu præcepta oratoris facultate complecteris? quæ & semper & sola libera est, quæq; etiam si corpora capta sint armis, aut constricta uinculis, tamen suum ius atque omnium rerum impunitam libertatem tenere debeat. Quæ uerò addidisti, non modò senatū seruire posse populo, sed etiam debere: quis hoc philosophus tam molli, tam languidus, tam enervatus, tam omnia ad uoluptatem corporis doloremq; referens, probare (b) posset? senatum seruire populo, cui populus ipse moderandi & regendi sui potestatem, quasi quasdam habenas tradidisset? Itaque hæc cum à te diuinitus ego dicta arbitrarer, P. Rutilius Rufus, homo doctus & philosophiæ deditus, non parum commodè, sed etiam turpiter et flagitiose dicta esse dicebat. Idem Qu. Sergium Galbam, quem hominem probè cōmeminisse se aiebat pergrauiter, reprehendere solebat: quòd is L. Scribonio quæstionem in eum ferente, populi misericordiam concitasset:

cum



cum M. Cato Galba grauis atq; acer inimicus asperè a-  
 pud populū Ro. & uehementer esset locutus, quam ora-  
 tionem in Originibus suis exposuit ipse. Reprehendebat  
 igitur Galbam Rutilius, quòd is C. Sulpitij Galli pro-  
 pinqui sui Q. Pupillū filium ipse penè in humeros suos  
 extulisset, qui patris clarissimi recordatione & memo-  
 ria fletum populo moueret, & duos filios suos paruos  
 tutela populi commendasset, ac se tanquā in procinctu  
 testamentum faceret sine libra atq; tabulis populū Ro.  
 tutorem instituere dixisset illorum orbitati. Itaq; cum et  
 inuidia & odio populi tū Galba premeretur, his quoq;  
 eum tragœdijs liberatū ferebat: quod idem apud Cato-  
 nem scriptum esse uideo, nisi pueris & lachrymis usus  
 esset, pœnas eum daturum fuisse. Hæc Rutilius ualdè ui-  
 superabat, & huic humilitati dicebat uel exilium fuisse,  
 uel mortem anteponendam. Neq; uerò hoc solum dixit,  
 sed ipse & sensit, et fecit. nam cum esset ille uir exempli,  
 ut scitis, innocētiæ, cumq; illo nemo neq; integrior esset  
 in ciuitate, neq; sanctior: nō modò supplex iudicibus es-  
 se noluit, sed ne ornatus quidem aut liberius causam di-  
 ci suam: quā simplex ratio ueritatis ferebat. paulum  
 huic Cottæ tribuit partium disertissimo adolefcenti, so-  
 roris suæ filio. dixit item causam illam quadam ex parte  
 Q. Mutius more suo, nullo apparatu, purè & dilucidè:  
 quod si tu tūc, Crasse, dixisses, qui subsidium oratori ex  
 illis disputationibus quibus philosophi utuntur, ad di-  
 cendi copiam petendum esse paulo antè dicebas: & si ti-  
 bi pro P. Rutilio non philosophorum more, sed tuoli-  
 cuiisset dicere, quamuis scelerati illi fuissent, sicuti fuerūt  
 pestiferi ciues, supplicioq; digni: tamen omnem eorum  
 importunitatem ex intimis mentibus euellisset uis ora-  
 tionis



tionis tuæ. nunc talis uir amissus est, dum causa ita dicitur, ut si in illa commenticia Platonis ciuitate res ageretur, nemo ingemuit, nemo inelamauit patronum, nihil cuiquam doluit, nemo est questus, nemo remp. implorauit, nemo supplicauit. Quid multa? pedem nemo in illo iudicio supposit: credo, ne Stoicis renunciaretur. Inuitus est homo Romanus & consularis ueterem illum Socratem, qui cum omnium sapientissimus esset, sanctissimèq; uixisset, ita in iudicio capitis pro se (a) ipse dixit, 105 ut non supplex aut reus, sed ut magister aut dominus uideretur esse iudicum: quum etiam cum ei scriptam orationem disertissimus orator Lysias attulisset, quam si ei uideretur edisceret, ut ea pro se in iudicio uteretur, non inuitus legit, & comòdè scriptam esse dixit: sed, inquit, ut si mihi calceos Sicyonios attulisses, non uterer, quamuis essent habiles & apti ad pedem, quia nō essent uiriles: sic illam orationē disertam sibi et oratoriam uideri, fortem & uirilem non uideri. Ergo ille quoq; damnatus est: neq; solū primis sententijs, quibus tantum stantuebant iudices, damnarent an absoluerent, sed etiam illis quas iterum legibus ferre debebant. Erat enim Athenis reo damnato, si fraus capitalis non esset, quasi pœnæ æstimatio: ex sententia cum iudicibus daretur, interrogabatur reus, quam quasi æstimationem commeruisse se maximè cōfiteretur, quod cum interrogatus Socrates esset, respondit sese meruisse, ut amplissimis honoribus & premijs decoraretur, & ut ei uictus quotidianus in Prytaneo publicè præberetur, qui honos apud Græcos maximus haberetur: cuius responsio sic iudices exarsunt, ut capitis hominem innocentissimum condemnarent: qui quidē si absolutus esset, quod mehercule, etiam



si nihil ad nos pertinet, tamen propter eius ingenij magnitudinē, uellem) quo nā modo istos philosophos ferre possemus, qui nunc, cū ille damnatus est nullam aliam ob culpam, nisi propter dicendi inscitiam, tamen à se oportere dicunt peti praecepta dicendi quibuscū ego nō pugno, utrum sit melius, aut uerius: tantum dico & aliud illud esse atq; hoc, & hoc sine illo summum esse posse. Nam quod uis ciuile, Crasse, tam uehementer amplexus es, uideo quid egeris: tūc cū dicebas, uidebam. Primum Scæuolē te dedidisti, quem omnes amare meritiſſimō pro eius eximia suauitate debemus: cuius artem cū indotatam esse atq; in comitatam & incomptam uideres, uerborum eam dote locupletasti & ornasti. Deinde quod in ea tu plus operæ laborisq; consumpseras, cū eius studij tibi & hortator & magister esset domi, ueritus es, nisi istam artem oratione exaggerasses, ne operam perdidisses. Sed ego ne cum ista quidem arte pugno, sit sanē tanta, quantam tu illam esse uis: etenim sine cōtrouersia & magna est, & latē patet, & ad multos pertinet, & summo in honore semper fuit, et clarissimi ciues ei studio etiam hodie præsunt: sed uide, Crasse, ne dū nouo et alieno ornatu uelis ornare iuris ciuilis scientiam, suo quoq; eam concesso & tradito spoliēs atque denudes. Nam si ita dicerēs, qui iurisconsultus esset, esse eum oratorem: itēque qui esset orator, iuris eundem esse consultum: praeclaras duas artes constitueres, (b) atq; inter se pares, & eiusdem socias dignitatis: nunc uerō iurisconsultum sine hac eloquentia de qua quærimus, fateris esse posse, fuisseq; plurimos: oratorem negas nisi illam scientiam assumpserit, esse posse: ita & tibi iurisconsultus ipse per se nihil, nisi leguleius quidam cautus & acutus, præco actionum,



actionum, cantor formularum, auceps syllabarum. Sed quia sepe utitur orator subsidio iuris in causis, idcirco istam iuris scientiam, Eloquentiæ tanquam ancillulam pedisse quamq; adiunxisti. Quod uero impudentiam admiratus es eorum patronorum, qui aut cum parua nescirent, magna profiterentur: aut ea quæ maxima essent in iure ciuili, tractare auderent in causis, cum ea nescirent, nunquamque didicissent: utriusque rei facilis est, et prompta defensio. Nam neque illud est mirandum, qui quibus uerbis coemptio fiat, nesciat, eundem eius mulieris quæ coemptionem fecerit, causam posse defendere. Nec si parui nauigij et magni eadem est in gubernando scientia, idcirco qui quibus uerbis herci sceri oporteat, nesciat, idem herciscundæ familie causam agere non possit. Nam quod maximas centumuirales causas in iure positas protulisti, quæ tandem earum causa fuit, quæ ab homine eloquenti, iuris imperito non ornatissimè potuerit dici? quibus quidem in causis omnibus, sicut in ipsa M. Curiij, quæ abs te nuper est dicta, et in C. Hostilij Mancini controuersia, atq; in eo puero, qui ex altera natus erat uxore, non remisso nuncio superiori, fuit inter peritissimos homines summa de iure dissensio. Quæro igitur, quid adiuerit oratorem in his causis iuris scientia? cum hic iuriscōsultus superior fuerit discessurus, qui esset nō suo artificio, sed alieno, hoc est, non iuris scientia, sed eloquentia sustentatus. Equidem hoc sepe audiui, cum adilitatem P. Crassus peteret, eumq; maior natu, etiam consularis, Sergius Galba affectaretur, quod Crassi filiam Caio filio suo despondisset, accessisse ad Crassum consulendi causa quendam rusticanum, qui cum Crassum seduxisset,



atq; ad eum retulisset, responsumq; ab eo uerum magis quam ad suam rem accommodatum abstulisset: ut eum tristem Galba uidit, nomine appellauit, quæsiuitq; quæ de re ad Crassum retulisset: ex quo ut audiuit, commotumq; ut uidit hominem: Suspenso, inquit, animo & occupato Crassum tibi respondisse uideo. deinde ipsum Crassum manu prehendit, & Heus tu, inquit, quid tibi in mentem uenit ita respondere? tum ille fidenter homo peritissimus confirmare, ita se rem habere ut respondisset, nec dubium esse posse. Galba autem alludens uariè & copiose, multas similitudines asserre, multaq; pro æquitate contra ius dicere, atque (a) illum cum differendo par esse non posset (quanquā fuerit Crassus in numero disertorum, sed par Galbæ nullo modo) ad authores confugisse, & id quod ipse diceret, & in P. Mutij fratris sui libris, & in Sex. Aelii commentarijs scriptum protulisse: ac tamen concessisse Galbæ disputationem sibi probabilem, & propè ueram uideri. Attamen quæ causæ sunt eiusmodi ut de earum iure dubium esse non possit, omnino in iudicium uocari non solent. Num quis eo testamento quod pater familiās ante fecit quàm ei filius natus est, hereditatem petit? nemo, quia constat agnascendo rumpi testamentum. ergo in hoc genere iuris iudicia nulla sunt. Licet igitur impunè oratori omnem hanc partem iuris in controuersijs ignorare, quæ pars sine dubio multò maxima est. In eo aut iure quo de ambigitur inter peritissimos, non esse difficile oratori eius partis quancunque defendet, authorem aliquem inuenire: à quo cum amentatas hastas acceperit, ipse eas oratoris lacertis uiribusq; torquebit. Nisi uerò (bona uenia huius optimi iuri dixerim Scauola) tu libellis aut  
præce-



præceptis soceri tui causam M. Curiij defendisti, nonne arripuisti patrocinium æquitatis, & defensionem testamentorum ac uoluntatis mortuorum? Ac mea quidem sententia (frequens enim te audiui, atq; affui) multò maiorem partem sententiarum sale tuo, & lepore, & politissimis facetijs pellexisti: cum & illud nimium acumen illuderes, & admirarere ingenium Scaeuolæ, qui excogitasset nasci prius oportere, quàm emori: cumq; multa colligeres & ex legibus, & ex senatusconsultis, & ex uita ac sermone communi non modò acutè, sed etiam ridiculè ac facetè: ubi si uerba, non rem sequeremur, confici nihil posset. Itaque hilaritatis plenum iudicium ac leticie fuit: in quo quid tibi iuris ciuilis exercitatio profuerit, non intelligo, dicendi uis egregia summa festiuitate & uenustate coniuncta, profuit. Ipse ille Mutius paterni iuris defensor, & quasi patrimonij propugnator sui, quid in illa causa cum contra te diceret, attulit, quod de iure ciuili depromptum uideretur: quam legem recitauit? quid patefecit dicendo, quod fuisset imperitis occultius? nempe eius omnis oratio uersata est in eo, ut scriptum plurimum ualere oportere defenderet. At in hoc genere pueri apud magistros exercentur omnes, cum in eiusmodi causis aliàs scriptum, aliàs æquitatem defendere docentur. Et credo in illa militis causa si tu aut hæredem, aut militem defendisses, ad Hostilianas te actiones, non ad tuam uim & oratoriam facultatem contulisses: tu uerò uel si testamentum defenderes, sic ageres, ubi omne omnium testamentorum ius in eo iudicio (b) positum uideretur: uel si causam ageres militis, patrem eius, ut soles, dicendo à mortuis excitasses, statuisses ante te oculos: complexus esset filium, flensq; eum centum-



uiris commendasset: lapides mehercule omnes flere ac lamentari cōgisset, ut totum illud, uti lingua nuncupasset, non in XII. Tabulis, quas tu omnibus bibliothecis anteponis, sed in magistri carmine scriptum uideretur. Nam quod inertiam accusas adolescentium, qui istam artem primū facillimam nō ediscant: quæ quā sit facilis, illi uiderint, qui eius artis arrogantia, quasi difficilima sit, ita subnixi ambulant. deinde etiam tu ipse uideris, qui eam artem facilem esse dicis, quam concedis adhuc artem omnino non esse: sed aliquando, si quis aliam artem didicerit, ut hanc artem efficere posset, tum esse illam artem futuram. deinde quod sit plena delectationis, in qua tibi remittunt omnes istam uoluptatem, et ea se carere patiuntur: nec quisquam est eorum, qui, si iam sit ediscendum sibi aliquid, non Teucrum Pacuij malit, quā Manlianus uenaliū uendendorum leges ediscere. Tu autem, quod amore patriæ censes nos nostrorum maiorum inuenta nosse debere, non uides ueteres leges aut ipsas sua uetustate consenuisse, aut nouis legibus esse sublatas. Quod uerō uiros bonos iure ciuili fieri putas, quia legibus et præmia proposita sint uirtutibus, et supplicia uitij: equidem putabam uirtutem hominibus (si modò tradi ratione possit) instituēdo et persuadendo, non minis, et ui, ac metu tradi. nā ipsum quidem illud etiam sine cognitione iuris, quā sit bellum cauere malum, scire possumus. De me autem ipso, cui ueni tu concedis, ut sine ulla iuris scientia, tamen causis satisfacere possem, tibi hoc, Crasse, respondeo: neq; me unquā ius ciuile didicisse, neq; tamē in ijs causis quas in iure possem defendere, unquam istam scientiam desiderasse. Aliud est enim esse artificem cuiusdam generis atque  
artis.



artis, aliud in communi uita & uulgari hominum con-  
 suetudine non hebetem, nec rudem. cui nostrum non li-  
 cet fundos nostros obire, aut res rusticas uel fructus cau-  
 si, uel delectationis inuisere? tamen nemo tam sine ocu-  
 lis, tã sine mente uiuit, ut quid sit semētis ac mēsis, quid  
 arborum putatio ac uitium, quo tempore anni, aut quo  
 modo ea fiant, omnino nesciat. Num igitur si cui fundus  
 inspiciendus, aut si mandandum aliquid procuratori de  
 agricultura, aut imperandum uillico sit, Magonis Car-  
 thaginenſis sunt libri perdiscendi? an hac communi in-  
 telligentia contenti esse possumus? Cur ergo non iidem  
 in iure ciuili, praesertim cum in causis, & in negocijs,  
 & in foro conteramur, satis instructi esse possumus, ad  
 hoc dumtaxat, ne in nostra patria peregrini atque adue-  
 ne esse (a) uideamur? Ac si iam sit causa aliqua ad nos 107  
 delata obscurior, difficile credo sit cū hoc Scaeuola com-  
 municare: quanquam ipsi omnia, quorum negocium est,  
 consulta ad nos & exquisita deferunt. An uerò si de re  
 ipsa, si de finibus, cum in rem praesentem non uenimus,  
 si de Tabulis & praescriptionibus controuersia est: con-  
 tortas res, & saepe difficiles necessario perdiscimus? si  
 leges nobis, aut si hominum peritorum responsa cogno-  
 scenda sunt, ueremur ne ea, si ab adolescentia iuri ciuili  
 minus studuerimus, non queamus cognoscere? Nihil ne  
 igitur prodest oratori iuris ciuilis scientia? non possum  
 negare, prodesse ullam scientiam, ei praesertim, cuius ea  
 loquentia copia rerum debeat esse ornata: sed multa, &  
 magna, & difficilia sunt ea quae sunt oratori necessa-  
 ria, ut eius industriam in plura studia distrahere nolum.  
 Quis neget, opus esse oratori in hoc oratorio motu sta-  
 tuq; Roscij gestum & uenustatem? tamen nemo suasere



studiosis dicendi adoleſcētibus in geſtu diſcendo hiſtrionum more elaborare. Quid eſt oratori tam neceſſarium, quā uox? tamen me authore nemo dicendi ſtudioſus Græcorum more, & tragædorum uoci ſeruiet; qui & annos complures ſedentes declamitant, & quotidie antè quā pronuncient, uocem cubantes ſenſim excitant: eandemq; cū egerunt, ſedentes ab acutiſſimo ſono uſq; ad grauiſſimū ſonum recipiunt, et quaſi quodammodo colligunt: hoc nos ſi facere uelimus, antè condemnentur ij quorum cauſas receperimus, quā toties, quoties præſcribitur, Pæanem, aut Munionē citariſimus. Quòd ſi in geſtu, qui multum oratorem adiuuat, et in uoce, quæ una maxime eloquentiam uel cōmendat, uel ſuſtinet, elaborare nobis nō licet: ac tantum in utroq; aſſequi poſſumus, quantum in hac acie quotidiani muneris ſpaciij nobis datur: quanto minus eſt ad iuris ciuiliſ perdiſcendi occupationē deſcendendū? quod et ſummatim percipi ſine doctrina poteſt, & hanc habet ab illis rebus diſſimilitudinem, quòd uox & geſtus ſubito ſumi & aliunde arripi non poteſt: iuris utilitas ad quāq; cauſam, quamuis repente, uel à peritis, uel de libris depromi poteſt. Itaq; illi diſertiſſimi homines miniſtros habēt in cauſis iuris peritos, cū ipſi ſint peritiſſimi, eos qui, ut abs te paulò antè dictum eſt, pragmatici uocantur: in quo noſtri omnino melius multo, quòd clariſſimorum hominum authoritate leges & iura tecta eſſe uoluerunt: ſed tamen nō fugiſſet hoc Græcos homines, ſi ita neceſſe eſſe arbitrati eſſent, oratorem ipſum erudire in iure ciuili, non ei pragmaticum adiutorem dare. Nam quòd dicis ſenectutem à ſolitudine uim dicari iuris ciuiliſ ſcientia, fortasſe etiam pecuniæ magnitudine: ſed nos non quid nobis utile, uerū quid oratori



tori necessarium (b) sit quarimus. quanquam, quoniam multa ad oratoris similitudinē ab uno artifice sumimus, solet idem Roscius dicere, se quò plus sibi ætatis accederet, eò tardiores tibicinis modos, & cantus remissiores esse facturum. Quòd si ille astrictus certa quadam numerorū moderatione & pedum, tamen aliquid ad requiem senectutis excogitat: quanto facilius nos non laxare modos, sed totos mutare possumus? Neq; enim hoc te, Crasse, fallit, quàm multa sint, et quàm uaria genera dicendi: & quod haud sciam an tu primus ostenderis, qui iam diu multo dicis remissius et lenius quam solebas: neq; minus hæc tamē tua grauissimi sermonis lenitas, quàm illa summa uis & contentio probatur: multiq; oratores fuerunt, ut illum Scipionem audimus & Lelium, qui omnia sermone conficerent paulo intentiore, nunquā ut Sergius Galba lateribus aut clamore cōtenderēt. Quòd si ita hoc facere non poteris, aut noles, uereris ne tua domus talis & uiri & ciuis, si à litigiosis hominibus non colatur, à cæteris deseratur? Equidē tantū absum ab ista sententiā, ut nō modò nō arbitrer subsidium senectutis in eorum qui consultum ueniant, multitudine esse ponendū, sed tanquam portum aliquem expectem istam quam tu times, solitudinem. Subsidium enim bellissimum existimo esse senectuti ocium. Reliqua uerò etiam si adiuuant, historiam dico, & prudentiā iuris publici, & antiquitatis iter, & exemplorum copiam, si quando opus erit, à uiro optimo & istis rebus instructissimo, familiari meo Lōgo mutuabor. Neq; repugnabo, quò minus (id quod modò hortatus es) omnia legant, omnia audiāt, in omni recto studio atque humanitate uersentur: sed mehercule non ita multum spaciij mihi habere uidentur, si modò ea



facere et persequi uolēt quæ à te, Crasse, præcepta sunt, qui mihi propè etiam nimis duras leges imponere uisus es huic ætati, sed tamen ad id quod cupiunt adipiscendâ propè necessarias. Nam & subitæ ad propositas causas exercitationes, & accuratæ, & meditatæ commentationes, ac stylus ille tuus, quem tu uerè dixisti perfectorem dicendi esse ac magistrum, multi sudoris est: & illa orationis suæ cum scriptis alienis comparatio, & de alieno scripto subita uel laudandi, uel uituperandi, uel comprobandi, uel refellendi causa disputatio, non mediocris contentionis est uel ad memoriam, uel ad imitandum. Illud uerò fuit horribile, quod mehercule uereor, ne maiorem uim ad deterrendum habuerit, quàm ad cohortandum. uoluisti enim in suo genere unumquemq; nostrû quasi quendâ esse Roscium: dixistiq; non tam ea quæ recta essent probari, quàm quæ praua sunt fastidijs adhærescere: quod ego non tam fastidioso in nobis, quàm in

108 (a) histrionibus spectari puto. Itaque nos raucos sæpè attentissimè audiri uideo, tenet enim res ipsa atq; causa: at Aesopum si paulum irraucuerit, explodi. A quibus enim nihil præter uoluptatem aurium quaritur, in ijs offenditur, simulatq; imminuitur aliquid de uoluptate. In eloquentia autem multa sunt, quæ teneant: quæ si omnia summa non sunt, & pleraq; tamen magna sunt, necesse est ea ipsa quæ sunt, mirabilia uideri. Ergo ut ad primum illud reuertar, sit orator nobis is, qui ut Crassus descripsit, accommodatè ad persuadendum possit dicere: is autem concludatur in ea, quæ sunt in usu ciuitatum uulgari, ac forensi, remotisq; cæteris studijs, quamuis ea sunt ampla atq; præclara, in hoc uno opere, ut ita dicam, noctes et dies urgeatur: imiteturq; illum, cui sine dubio



dubio summa uis dicendi conceditur, Atheniensem Demosthenem, in quo tantū studium fuisse, tantusq; labor dicitur, ut primum impedimenta naturæ diligentia industriaq; superaret: cumq; ita balbus esset, ut eius ipsius artis cui studeret, primā literam non posset dicere, perfecit meditando, ut nemo planius eo locutus putaretur. deinde cum spiritus eius esset angustior, tantū continenda anima in dicendo est affecutus, ut una continuatione uerborū (id quod eius scripta declarant) binæ ei contentiones uocis & remissiones continerentur: qui etiam (ut memoriae proditum est) coniectis in os calculis, summa uoce uersus multos uno spiritu pronūciare cōsuecebat, neq; is cōsistens in loco, sed inambulans, atq; ascensu ingrediens arduo. Hisce ego cohortationibus, Crasse, ad studiū & ad laborem incitandos iuuenes uehementer assentior: cetera quæ collegisti ex uarijs et diuersis studijs & artibus, tametsi ipse es omnia consecutus, tamē ab oratoris proprio officio atq; munere seiuncta esse arbitror. Hæc cum Antonius dixisset, sanè dubitare uisus est Sulpitius et Cotta, utrius oratio propius ad ueritatē uideretur accedere. Tum Crassus: Operarium nobis quendam, Antoni, oratorem facis, atq; haud scio an aliter sentias et utare tua illa mirifica ad refellendum consuetudine, qua tibi nemo unquam præstitit: cuius quidem ipsius facultatis exercitatio oratorum propria est, sed iam in philosophorum consuetudine uersatur, maximeq; eorū qui de omni re proposita in utranq; partē solent copiosissime dicere. Verū ego nō solum arbitrabar his præsertim audientibus à me informari oportere, qualis esse posset is qui habitaret in subsellijs, neq; quicquā amplius afferret, quā quod causarum necessitas postularet: sed

maius



maius quiddam uidebam, cum censebam oratorem, præsertim in nostra repub. nullius ornamenti expertem esse oportere: tu autē quoniam (b) exiguis quibusdam finibus totū oratoris munus circundedisti, hoc facilius nobis expones ea quæ abs te de officijs præceptisq; oratoris quæsitæ sunt, sed opinor secundū hunc diem: satis enim multa à nobis hodie dicta sunt. Nunc et Scauola, quoniam in Thusculanum ire constituit, paulum requiescet, dum se calor frangat; et nos ipsi, quoniam id temporis est, ualetudini demus operam. Placuit sic omnibus. Tum Scauola: Sanè, inquit, uellem non constituisse in Thusculanum me hodie uenturum esse Lælio: libenter audirem Antonium. et cum exurgeret simul arridens: Neq; enim, inquit, tam mihi molestus fuit, quod ius nostrum ciuile peruellit, quàm iucundus, quod se id nescire cōfessus est.

M. T. CICERONIS DE ORATORE Liber II.



Agnā nobis pueris, Quinte frater, si memoria tenes, opinio fuit, L. Crassum nō plus attigisse doctrine, quā quantū prima illa puerili institutione potuisset: M. autē Antoniū omnino omnis eruditio= nis expertē atque ignarū fuisse. erantq; multi, qui quamquam nō ita se rem habere arbitrarentur, tamen quō facilius nos incensos studio discendi à doctrina deterrerēt, libenter id quod dixi de illis oratoribus prædicarent: ut si homines non eruditi summam essent prudentiam atq; incredibile eloquentiā cōsecuti, inanis omnis noster esse labor, et stultū in nobis erudiēdis patris nostri optimi ac prudentissimi uiri studiū uideretur. Quos tū, ut pueri, refutare domesticis testibus, patre et C. Aculeone propinquo



quo nostro, & L. Cicerone patruo solebamus: quod de Crasso pater, & Aculeo, quo cum erat nostra matertera, quem Crassus dilexit ex omnibus plurimum: & patruus qui cum Antonio in Ciliciam profectus una decesserat, multa nobis de eius studio doctrinaq; sepe narravit. cumq; nos cum consobrinis nostris Aculeonis filijs & ea disceremus quæ Crasso placerent, & ab his doctoribus quibus ille uteretur, erudiremur: etiam illud sepe intelleximus (cū essemus eiusmodi, quod uel pueri sentire poteramus) illum & Græcè sic loqui, nullā ut nosse aliam linguā uideretur: & doctoribus nostris ea ponere in percunctando, eaq; ipsum omni in sermone tractare, ut nihil esse ei nouum, nihil inauditū uideretur. De Antonio (a) uerò, quanquā sepe ex humanissimo homine 109 patruo nostro acceperamus, quemadmodū ille uel Athenis uel Rhodi se doctissimorum hominum sermonibus dedisset: tamen ipse adolescentulus, quantū illius ineuntis ætatis meæ patiebatur pudor, multa ex eo sepe quæfui. Non erit profectò tibi, quod scribo, hoc nouū (nam iam tum ex me audiebas) mihi illum ex multis uarijsq; sermonibus, nullius rei, quæ quidem esset in his artibus de quibus aliquid existimare possem, rudem aut ignarū esse uisum. Sed fuit hoc in utroque eorum, ut Crassus non tam existimari uellet non didicisse, quā illa despicere, & nostrorum hominum in omni genere prudentiā Græcis anteferre. Antonius autem probabiliorem hoc populo orationem fore censebat suam, si omnino didicisse nunquam putaretur: atque ita se uterq; grauiorem fore, si alter contemnere, alter ne nosse quidē Græcos uideretur. Quorum consilium quale fuerit, nihil sanè ad hoc tempus: illud autem est huius institutæ scriptiōis



ac temporis, neminem eloquentia nō modò sine dicendi doctrina, sed ne sine omni quidem sapientia florere unquam, & præstare potuisse. Etenim ceteræ ferè artes se ipse per se tuerentur singulæ: benè dicere autem, quod est scienter, & peritè, & ornate dicere, non habet definitam aliquam regionem, cuius terminis septa teneatur. Omnia quæcunque in hominum disceptationem cadere possunt, benè sunt ei dicenda, qui hoc se posse profiteatur: aut eloquentiæ nomen relinquendum est. Quare equidem & in nostra ciuitate, & in ipsa Græcia, quæ semper hæc summa duxit, multos & ingenijs, & magna laude dicendi, sine summa rerum omnium scientia fuisse fateor: talem uerò existere eloquentiam, qualis fuerit in Crasso, & Antonio, non cognitis rebus omnibus, quæ in tantam prudentiam pertinerent, tantamq; dicendi copiam, quanta in illis fuit, non potuisse confirmo. Quo etiam feci libentius, ut eum sermonem, quem illi quondam inter se de his rebus habuissent, mandarem literis: uel ut illa opinio quæ semper fuisset, tolleretur, alterum non doctissimum, alterum planè indoctum fuisse: uel ut ea quæ existimarem à summis oratoribus de eloquentia diuinitus esse dicta, custodirem literis, si ullo modo assequi completeq; potuissem: uel me hercule etiam, ut laudem eorum iam propè senescentem, quantum ego possem, ab obliuione hominum, atq; à silentio uindicarem. Nam si ex scriptis cognosci ipsi suis potuissent, minus hoc fortasse mihi esse putassem laborandum: sed cum alter non multum, quod quidè extaret, & id ipsum adolescens, alter nihil admodum scripti reliquisset, deberi hoc à me tantis hominum ingenijs putavi, ut cum etiam nunc uia illorum memoriam (b) teneremus, hanc

immor-



immortalem redderem, si possem. Quod hoc etiam spe  
aggredior maiore ad probandum, quia non de Sergij  
Galbae, aut C. Carbonis eloquentia scribo aliquid, in  
quo liceat mihi fingere si quid uellem, nullius memoria  
iam resellente: sed edo haec ijs cognoscenda, qui eos ipsos  
de quibus loquor, saepe audierunt: ut duos summos uiros  
ijs qui neutrum illorum uiderint, eorum quibus ambo  
illi oratores cogniti sint, uiuorum & praesentium me-  
moriam teste comendemus. Nec uero te, charissime frater,  
atque optime, Rhetoricis nunc quibusdam libris, quos tu  
agrestes putas, insequor ut erudiam. Quid enim tua po-  
test oratione aut subtilius, aut ornatius esse? Sed quoniam  
siue iudicio, ut soles dicere, siue, ut ille pater eloquentiae  
de se Isocrates scripsit ipse, pudore a dicendo & timidi-  
tate ingenua quadam refugisti: siue, ut ipse iocari soles,  
unum putasti satis esse non modo in una familia Rheto-  
rem, sed penè in tota ciuitate. Non tamè arbitror tibi hos  
libros in eo fore genere, quod meritò propter eorum  
qui de dicendi ratione disputarunt, ieiunitatem bona-  
rum artium possit illudi. Nihil enim mihi quidem ui-  
detur in Crassi & Antonij sermone esse praeteritum,  
quod quisquam summis ingenijs, acerrimis studijs, opti-  
ma doctrina, maximo usu cognosci ac percipi potuisse  
arbitraretur: quod tu facillimè poteris iudicare, qui pru-  
dentiam, rationemque dicendi per te ipsum, usum autem  
per nos percipere uoluisti. Sed quo citius hoc quod su-  
scipimus, non mediocriter munus conficere possimus, omissa  
nostra adhortatione, ad eorum quos proposuimus, ser-  
monem disputationemque ueniamus. Postero igitur die,  
quam illa erant acta, hora ferè secunda, cum etiam tum  
in lecto Crassus esset, et apud eum Sulpitius sederet, An-  
tonius



tonius autem inambulare cum Cotta in porticu, repente eò Q. Catulus senex cum C. Iulio fratre uenit: quod ubi audiuit commotus Crassus surrexit, omnesq; admirati, maiorem aliquam esse causam eorum aduētus suspicati sunt. Qui cum inter se, ut ipsorum usus ferebat, amicissimè cōsalutassent: Quid uos tandē, Crassus, nunquid nam, inquit, noui? Nihil sanē, inquit Catulus, etenim uides esse ludos: sed uel tu nos ineptos licet, inquit, uel molestos putes: cum ad me in Thusculanum, inquit, heri uesperu uenisset Caesar de Thusculano suo, dixit mihi à se Scaenolam hinc euntem esse conuentum, ex quo mira quædam se audisse dicebat: te, quem ego toties omni ratione tentans ad disputandum elicere non potuissem, permulta de Eloquentia cum Antonio disseruisse, & tanquam in schola propè ad Græcorum consuetudinem disputasse. Ita me frater exorauit, me ipsum non quidem à studio audiendi nimis abhorrentem, sed (a) me=

110 hercule uerentem tamen ne molesti uobis interueniremus, ut hūc secum uenirem. Etenim Scaenolam ita dicere aiebat, bonam partem sermonis in hūc diem esse dilatam. Hoc si tu cupidius factum existimas, Cesari attribues: si familiarius, utriq; nostrū, nos quidem nisi fortè molesti interuenimus, uenisse delectat. Tum Crassus: Equidē quæcunq; causa uos huc attulisset, letarer, cum apud me uidere homines mihi charissimos et amicissimos: sed tamē uerè dicā, quæuis mallet fuisse, quàm ista quæ dicis. ego enim (ut quemadmodum sentio loquar) nunquam mihi minus quàm hesternò die placui: magis adeò in facilitate, quàm alia ulla culpa mea contigit: qui dum obsequor adolescentibus, me senem esse sum oblitus, se=

etq; hoc quod ne adolescens quidem fecerā, ut ijs de re=

bus



bus quæ doctrina aliqua continerentur, disputarem. Sed hoc tamen cecidit mihi peropportune, quod transactis iam meis partibus ad Antonium audiendum uenistis. Tum Caesar: Equidem, inquit, Crasse, ita sum cupidus te in illa longiore ac perpetua disputatione audiendi: ut si id mihi minus contingat, uel hoc sim quotidiano tuo sermone contentus. Itaque experiar equidem illud, ut ne Sulpitius familiaris meus, aut Cotta, plus quam ego apud te ualere uideantur: et te exorabo profecto, ut mihi quoque et Catulo tuæ suauitatis aliquid impertias. Sim tibi id minus libebit, non te urgebo: neque committam, ut dum uerere ne tu sis ineptus, me esse iudices. Tum ille: Ego mehercule, inquit, Caesar, ex omnibus Latinis uerbis huius uerbi uim uel maximam semper putauit: quem enim nos ineptum uocamus, is mihi uidetur ab hoc nomen habere dictum, quod non sit aptus, idque in sermonis nostri consuetudine perlate patet. Nam qui aut tempus quid postulet non uidet, aut plura loquitur, aut se ostentat, aut eorum quibus cum est uel dignitatis uel commodi rationem non habet, aut denique in aliquo genere aut inconcinnus, aut multus est: is ineptus esse dicitur. Hoc uitio cumulata est eruditissima illa Græcorum natio: itaque quod uim huius mali Græci non uident, ne nomen quidē ei uitio imposuerunt: ut enim quæras omnia, quomodo Græci ineptum appellent non reperies. Omnium autem ineptiarum, quæ sunt innumerabiles, haud scio an ulla sit maior, quam illorum qui solent quocunque in loco, quoscunque inter homines uisum est, de rebus aut difficillimis, aut non necessarijs argutissime disputare: hoc nos ab istis adolescentibus facere, inuiti et recusantes heri coacti sumus. Tum Catulus: Ne Græci quidem, inquit,

F f

Crasse,



Crasse, qui in ciuitatibus suis clari & magni fuerunt, sicuti tu es, nosq; omnes in nostra Repub. uolumus esse, horum Græcorum qui se inculcant auribus nostris, similes fuerunt: nec tamen in ocio (b) sermones huiusmodi, disputationesq; fugiebant. Ac si tibi uidentur, qui temporis, qui loci, qui hominum rationem non habent, inepti, sicuti debent uideri: num tandem aut locus hic non idoneus uidetur, in quo porticus hæc ipsa, ubi inambulamus, & palastra, & tot locis sēsiones, gymnastiorum, & Græcarum disputationum memoriam quodammodo commouent? aut importunum tempus in tanto ocio, quod & raro datur, & nunc peroptatō nobis datum est? aut homines ab hoc genere disputationis alieni? qui omnes hi sumus, ut sine his studijs nullam uitam esse ducauius? Omnia ista, inquit Crassus, ego alio modo interpretor, qui primum palastram, & sedes, & porticus, etiam ipsos Catule, Græcos, exercitationis & delectationis causa, non disputationis inuenisse arbitror. Nam & seculis multis antè gymnasia inuenta sunt, quàm in his philosophi garrire cœperunt: & hoc ipso tempore cū omnia gymnasia philosophi teneant, tamen eorū auditores discum audire quàm philosophum malunt: qui simul ut increpuit, in media oratione de maximis rebus & grauissimis disputantem philosophum omnes unctionis causa relinquunt. ita leuissimam delectationē grauissimā, ut ipsi ferunt, utilitati anteponunt. Ocium autem, quod dicis esse, assentior: uerū ocij fructus est nō contentio animi, sed relaxatio. Sæpē ex socero meo audiui, cū is diceret socerum suum Lelium semper serē cum Scipione solitum rusticari, eosq; incredibiliter repuerascere esse solitos: cū rursus ex urbe tanquam

ē uinculis



ē uinculis euoluissent. Non audeo dicere de talibus  
 uiris, sed tamen ita solet narrare Scaeuola, conchas eos  
 et umbilicos ad Caietam et ad Laurentum legere con-  
 sueſſe, et ad omnem animi remissionem ludumque de-  
 scendere. Sic enim se res habet, ut quemadmodum uo-  
 lucres uidemus procreationis atque utilitatis suae causa  
 fingere et construere nidos, easdem autem, cum aliquid  
 effecerint, leuandi laboris sui causa passim de liberē, so-  
 lutas opere, uolitare: sic nostri animi forensibus negocijs  
 atq; urbano opere defēsi, gestiunt, ac uolitare cupiunt,  
 uacui cura atque labore. Itaque illud quod ego in causa  
 Curiana Scaeuola dixi, non dixi secus ac sentiebam.  
 Nam si, inquam, Scaeuola, nullum erit testamentum  
 rectē factum, nisi quod tu scripseris: omnes ad te ciues  
 cum tabulis uenient, omnium testamenta tu scribes u-  
 nus. Quid igitur, inquam, quando ages negocium pu-  
 blicum? quando amicorum? quando tuum? quando de-  
 nique nihil ages? Tum illud addidi: Mihi enim liber esse  
 non uidetur, qui nō aliquando nihil agit: in qua perma-  
 neo, Catule, sententia: meq; cum hūc ueni, hoc ipsum ni-  
 hil agere, et planē cessare delectat. Nam quod addi-  
 disti (a) tertium, uos eos esse qui uitam insuauem sine  
 his studijs putaretis: id me non modō non hortatur ad  
 disputandum, sed etiam deterret. Nam ut C. Lucilius,  
 homo doctus et perurbanus dicere solebat, ea quae scri-  
 beret neq; ab indoctissimis, neq; ab doctissimis legi uellet:  
 quod alteri nihil intelligerent, alteri plus fortasse, quā  
 ipse de se: quo etiam scripsit, Persium non curo legere,  
 hic enim fuit, ut noramus, omnium ferē nostrorum homi-  
 num doctissimus: Lelium Decimum uolo, quem cogno-  
 uit uirū bonum, et non illiteratum, sed nihil ad Per-



sum: sic ego, si iam mihi disputandum sit de his nostris studijs, nolim equidem apud rusticos, sed multò minus apud uos. malo enim non intelligi orationem meam, quam reprehendi. Tum Cæsari: Equidem, inquit, Catule, iam mihi uideor nauasse operā, quòd huc uenerim: nam hæc ipsa recusatio disputationis, disputatio quædam fuit mihi quidem periucunda. Sed cur impedimus Antonium, cuius audio esse partes ut de tota eloquentia differat, quemq; iam dudum Cotta & Sulpitius expectant? Ego uerò, inquit Crassus, neq; Antonium uerbum facere patiar, & ipse obmutescam, nisi prius à uobis impetraro. Quid nam, inquit Catulus? Vt hic sitis hodie. Tum cum ille dubitaret, quòd ad fratrem promiserat: Ego, inquit Iulius, pro utroque respondeo: sic faciemus: atque ista quidem conditione, uel ut uerbum nullum faceres, me teneres. Hic Catulus arrisit, & simul præcisā, inquit, mihi quidem dubitatio est, quoniam neque domi impetraram: & hic apud quem eram futurus, sine mea sententia tam facile promisit. Tum omnes oculos in Antonium coniecerunt. & ille: Audite uerò, audite, inquit: hominem enim audietis de schola, atque à magistro, & Græcis literis eruditum: & eò quidem loquor confidentius, quòd Catulus auditor acceffit: cui non solum nos Latini sermonis, sed etiam Græci ipsi solent suæ lingue subtilitatem elegantiamq; concedere. Sed tamen quoniam hoc totū quicquid est, siue artificium, siue studium dicendi, nisi acceffit os, nullum potest esse, docebo uos discipuli, id quod ipse non didici, quid de omni genere dicendi sentiam. Hic posteaquam arriserunt: Res mihi uidetur esse, inquit, facultate præclara, arte mediocris. Ars enim earum rerum est, quæ sciuntur. Oratoris au-



tem omnis actio opinionibus, non scientia continetur. Nam & apud eos dicimus qui nesciunt, & ea dicimus quæ nescimus ipsi: itaque & illi aliàs aliud ipsdem derebus & sentiunt & iudicant: et nos contrarias sæpè causas dicimus, non modò ut Crassus contra me dicat aliquando, aut ego contra Crassum, cùm alterutri neceßesse sit falsum dicere, sed etiam ut uterque nostrum eadem de (b) re aliàs aliud defendat, cùm plus uno uerum esse non possit. Vt igitur in eiusmodi re quæ mendacio nixa sit, quæ ad scientiam non sæpè perueniat, quæ opinionum hominum & sæpè errores aucupetur, ita dicam, si causam putatis esse, cur audiatis. Nos uerò & ualdè quidem, Catulus inquit, putamus: atq; eo magis, quòd nulla mihi ostentatione uideris esse usurus. exorsus es enim nò gloriose magis, ut tu putas, à ueritate, quàm à nescio qua dignitate. Vt igitur de ipso genere sum confessus, inquit Antonius, artem esse nò maximam: sic illud affirmo, præcepta posse quædam dari peracuta ad pertractandos animos hominum, et ad excipiendas eorum uoluntates. huius rei scientiam si quis uolet magnam quandam artem esse dicere, non repugnabo. Etenim, cùm plerique temerè ac nulla ratione causas in foro dicant, nonnulli autem propter exercitationem aut propter consuetudinem aliquam callidius id faciant: nò est dubium, quin si quis animaduernerit quid sit quare alij melius quàm alij dicant, id possit notare. Ergo id qui toto in genere fecerit, is si non planè artem, at quasi artem quandam inuenerit. Atque utinam ut mihi illa uidere uideor in foro atq; in causis, ita nunc quemadmodum ea reperiarentur, possim uobis exponere. Sed de me uidero: nunc hoc propono quod mihi persuasi, quamuis ars non sit,



tamen nihil esse perfecto oratore præclarius. nam ut u-  
sum dicendi omitam, qui in omni pacata & libera ciui-  
tate dominatur: tanta oblectatio est in ipsa facultate di-  
cendi, ut nihil hominū aut auribus, aut mentibus iucun-  
dius percipi possit. Qui enim cantus moderate oratio-  
nis pronuntiatione dulcior inueniri potest? quod car-  
men artificiosa uerborum conclusione aptius? qui actor  
in imitanda, quàm orator in suscipienda ueritate iucun-  
dior? quid autem subtilius, quàm acute crebreq; senten-  
tiæ? quid admirabilius, quàm res splendore illustrata uer-  
borum? quid plenius, quàm omni rerū genere cumula-  
ta oratio? Neq; enim ulla non propria oratoris est res,  
quæ quidem ornate dici grauiterg; debeat. Huius est in-  
dando consilio de maximis rebus cum dignitate explica-  
ta sententia: eiusdem, & languentis populi incitatio, &  
effrenati moderatio. Eadem facultate fraus hominum  
ad perniciem, & integritas ad salutem uocatur. Quis  
cohortari ad uirtutem ardentius? quis à uitij acris re-  
uocare? quis uituperare improbos asperius? quis lau-  
dare bonos ornatiùs? quis cupiditatē uehementius fran-  
gere accusando potest? quis moerorem leuare mitius con-  
solando? Historia uero, testis temporum, lux ueritatis,  
uita memoria, magistra uitæ, nuncia uetustatis, qua uo-  
ce alia nisi oratoris, immortalitati commendatur? Nam  
si qua est ars alia, quæ uerborum aut (a) faciendorum,  
aut deligendorū scientiam profiteatur: aut si quisquam  
dicitur, nisi orator, formare orationem, eamq; uariare,  
et distinguere quasi quibusdā uerborum sententiarumq;  
insignibus: aut si uia ulla nisi ab hac una arte traditur  
aut argumentorum, aut sententiarum, aut denique de  
scriptionis atque ordinis: fateamur, aut hoc quod hæc  
ars pro-



ars profiteatur alienum esse, aut cum aliqua alia arte esse commune. sed si in hac una est ea ratio atque doctrina, non sit qui aliarum artium bene locuti sunt, eo minus id est huius unius, sed ut orator de ijs rebus quæ cæterarum artium sunt, si modo eas cognorit (ut heri Crassus dicebat) optimè potest dicere: sic cæterarum artium homines ornatiùs illa sua dicunt, si quid ab hac arte didicerunt. Neque enim si de rusticis rebus agricola quispiam, aut etiam, id quod multi, medicus de morbis, aut de pingendo pictor aliquis disertè dixerit aut scripserit, idcirco illius artis putanda sit eloquentia, in qua quia uis magna est in hominù ingenijs, eo multi etiam sine doctrina aliquid omnium generum atq; artium consequuntur: sed quod unius sit proprium, et si ex eo iudicari potest, cum uideris quid quæq; doceant: tamen hoc certius nihil esse potest, quàm quod omnes artes aliæ sine eloquentia sunt minus præstare possunt, orator sine ea nomē suum obtinere non potest. ut ceteri, si disertii sint, aliquid ab hoc habeant: hic nisi domesticis se instruxerit copijs, aliunde dicendi copiam petere non possit. Tum Catulus: Et si, inquit, Antoni, minimè impediendus est interpellatio: ne iste cursus orationis tuæ: patiere tamen, mihiq; ignoscas. non enim possum, quin exclanem, ut ait ille in Trinummio, ita mihi uim oratoris cum exprimere subtiliter uisus es, tum laudare copiosissimè, quod quidè eloquentem uel optimè facere oportet, ut eloquentiam laudet. debet enim ad eam laudandam ipsam illam adhibere, quam laudat. Sed perge porrò. tibi enim assentior, uelutrum esse hoc totum disertè dicere: idq; si quis in alia arte faciat, cum assumpto aliunde uti bono, non proprio, nec suo. Et Crassus: Nox te, inquit, nobis, Antoni, exponit.



liuit, hominemq; reddidit: nam hesternò sermone unius cuiusdam operis, ut ait Cecilius, remigem aliquem, aut baiulum nobis oratorem descriperas, inopem quendam humanitatis atque inurbanum. Tum Antonius: Heri enim, inquit, hoc mihi proposueram, ut si te refellissem, hos à te discipulos abducerem: nunc Catulo audiente, & Cesare, uideor debere non tam pugnare tecum, quam quid ipse sentiam dicere. Sequitur igitur, quoniam nobis est hic de quo loquimur, in foro atq; in oculis ciuium constituendus, ut uideamus quid ei negocij demus, cuiq; eum muneri uelimus esse prepositum. Nam Crassus heri cum (b) uos, Catule & Cesar, non adessetis, posuit breuiter in artis distributione idem quod Græci pleriq; posuerunt: neque sanè quid ipse sentiret, sed quid ab illis diceretur, ostendit: duo prima genera questionum esse, in quibus eloquentia uersaretur: unum infinitum, alterum certum. Infinitum mihi uidetur id dicere, in quo aliquid generatim quaereretur, hoc modo: Expetenda ne esset eloquentia, expetendi ne honores. Certum autem, in quo quid in personis, & in constituta re, & definita quaereretur: cuiusmodi sunt, quæ in foro atq; in ciuium causis disceptationibusq; uersantur. ea mihi uidetur aut in lite ordinanda, aut in consilio dando esse posita. nam illud tertium quod & à Crasso tractum est, & ut audio, ille ipse Aristoteles, qui hæc maxime illustrauit, adiunxit, etiam si opus est, tamen minus est necessarium. Quid nam, inquit Catulus? an laudationes? id enim uideo poni genus tertium. Ita, inquit Antonius, & in eo quidem genere scio & me & omnes qui affuerunt, delectatos esse uehementer: cum abste est Popilia mater uestra laudata, cui primum mulieri hunc honorè in nostra



fra ciuitate tributum puto. sed non omnia quæcunque loquimur, mihi uidentur ad artem & ad præcepta esse reuocanda. Ex his enim fontibus unde omnia ornate dicendi præcepta sumuntur, licebit etiam laudationem ornare: neq; illa elemēta desiderare, quæ ut nemo tradat, quis est qui nesciat, quæ sint in homine laudanda? positis enim ijs rebus, quas Crassus in illius orationis suæ quam contra collegam censor habuit, principio dixit, quæ natura aut fortuna darentur hominibus, in ijs rebus se uinci posse animo æquo pati: quæ ipsi sibi homines parare possent, in ijs rebus se pati uinci non posse. Qui laudabit quempiam, intelliget exponenda sibi esse fortunæ bona. Ea sunt, generis, pecuniæ, propinquorum, amicorum, opum, ualetudinis, formæ, uirium, ingenij, ceterarumq; rerū quæ sunt aut corporis aut extraneæ: si habuerit, bene his usum: si non habuerit, sapienter caruisse: si amiserit, moderate tulisse. deinde quid sapienter is quem laudet, quid liberaliter, quid fortiter, quid iuste, quid magnifice, quid pie, quid grate, quid humaniter, quid denique cum aliqua uirtute aut fecerit, aut tulerit. Hæc et quæ sint eius generis facile uidebit, qui uolet laudare quempiam: & qui uituperare, contrararia. Cur igitur dubitas, inquit Catulus, facere hoc tertium genus, quoniam inest in ratione rerum? non enim si est facilius, eo de numero quoque est excerpendum. Quia nolo, inquit, omnia quæ cadunt aliquando in oratorem, quamuis exigua sint, ea sit tractare, quasi nihil possit dici sine præceptis suis. nam & testimonium sæpè dicendum est, ac nonnunquam etiam accuratius, (a) ut mihi 113 necesse fuit in Sex. Titium seditiosum ciuem & turbulentum: explicauim in eo testimonio dicendo omnia consi-



lia consulatus mei, quibus illi tribuno Pl. pro rep. resti-  
tissim, quæq; ab eo contra remp. facta arbitrarer, expo-  
sui, diu retentus sum, multa audiui, multa respondi. num  
igitur placet cum de eloquētia præcipias, aliquid etiam  
de testimonijs dicendis quasi in arte tradere? Nihil sanè,  
inquit Catulus, necesse est. Quid si (quod sepe summis  
uiris accidit) mandata sint exponenda, aut in senatu ab  
imperatore, aut ad imperatorem, aut ad regem, aut ad  
populum aliquem à senatu? num quia genere orationis  
in huiusmodi causis accuratiores est utendum, idcirco et-  
iam pars hæc causarum numeranda uidetur, aut pro-  
prij præceptis instruenda? Minime uerò, inquit Catu-  
lus: non enim deerit homini diserto in eiusmodi rebus fa-  
cultas ex cæteris rebus & causis comparata. Ergo item,  
inquit, illa quæ sepe diserte agenda sunt, & quæ ego  
paulò antè (cùm eloquentiam laudarem) dixi oratoris  
esse, neque habent suum locum ullum in diuisione par-  
tium, neq; certum præceptorum genus: & agenda sunt  
non minus diserte, quàm quæ in lite dicuntur, obiurga-  
tio, cohortatio, consolatio: quorum nihil est quod non  
summa dicendi ornamenta desideret, sed ex artificio res  
istæ præcepta non querunt. Planè, inquit Catulus, as-  
sentior. Age uerò, inquit Antonius, qualis oratoris, &  
quanti hominis in dicendo putas esse historiam scribe-  
re? Si ut Græci scripserunt, summi, inquit Catulus: si ut  
nostri, nihil opus est oratore. satis est non esse menda-  
cem. Atqui ne nostros contemnas, inquit Antonius: Græ-  
ci ipsi sic initio scriptitarunt, ut noster Cato, ut Pictor,  
ut Piso. erat enim historia nihil aliud nisi annalium con-  
fectio: cuius rei memoriæq; publicæ retinendæ causa, ab  
initio rerum Romanarum usque ad P. Mutium Ponti-  
ficem



ficem Max. res omnes singulorum annorum mandabat  
 literis Pontifex Maximus, efferebatq; in album, & pro-  
 ponebat tabulam domi, potestas ut esset populo cogno-  
 scendi: ij, qui etiam nunc annales maximi nominantur.  
 Hanc similitudinem scribendi multi secuti sunt, qui sine  
 ullis ornamentis monimenta solam temporum, boni-  
 num, locorum, gestarumq; rerum reliquerunt. Itaque  
 qualis apud Græcos Pherecydes, Hellanicus, Accusilas  
 fuit, aliq; permulti: talis noster Cato, & Pictor, & Pi-  
 so, qui neq; tenent, quibus rebus ornatur oratio (modò  
 enim hûc ista sunt importata) & dum intelligatur quid  
 dicant, unam dicendi laudem putant esse breuitatē. Pau-  
 lulum se erexit, & addidit historiæ maiorem sonum uo-  
 cis, uir optimus, Crassi familiaris, Antipater: ceteri non  
 exornatores rerû, sed tantummodo narratores fuerunt.  
 Est, inquit (b) Catulus, ut dicis: sed iste ipse Cælius neq;  
 distinxit historiā uarietate locorum, neque uerborum  
 collocatione, & tractu orationis leni & æquabili per-  
 poliuit illud opus: sed ut homo neq; doctus, neque maxi-  
 mē aptus ad dicendū sicut potuit, dolauit: uicit tamen,  
 ut dicis, superiores. Minimē mirum, inquit Antonius, si  
 istares adhuc nostra lingua illustrata non est. Nemo e-  
 nim studet eloquentiæ nostrorum hominum, nisi ut in  
 causis, atq; in foro eluceat: apud Græcos autem eloquen-  
 tissimi homines remoti à causis forensibus, cum ad cete-  
 ras res illustres, tum ad scribendam historiā maximē se  
 applicauerunt. Nanq; & Herodotum illum, qui prin-  
 ceptis genus hoc ornauit, in causis nihil omnino uersatum  
 esse accepimus: atqui tanta est eloquentia, ut me quidem  
 (quantū ego Græcè scripta intelligere possum) magno-  
 pere delectet, & post illum Thucydides omneis dicendi  
 artificio



artificio mea sententia facile uincit, qui ita creber est rerum frequentia, ut uerborum prope numerum sententiarum numero consequatur: ita porro uerbis aptus et pressus, ut nescias utrum res oratione, an uerba sententijs illustrentur. atqui ne hunc quidem, quanquam est in repub. uersatus, ex numero accepimus eorum qui causas dictitarunt: et hos libros tum scripsisse dicitur, cum à repub. remotus, atq; id quod optimo cuiq; Athenis accidere solitum est, in exilium pulsus esset. Hunc consecutus est Syracusius Phyllistius, qui cum Dionysij tyranni familiarissimus esset, ocium suum consumpsit in historia scribenda: maximeq; Thucydidem est, sicut mihi uidetur, imitatus. Postea uero quasi ex clarissima Rhetoris officina, duo praestantes ingenio Theopompus et Ephorus, ab Isocrate magistro impuls, se ad historiã contulerunt, causas omnino nunquam attigerunt. Deniq; etiam à philosophia profectus princeps Xenophon Socraticus ille, post ab Aristotele Callisthenes comes Alexandri scripsit historiam: et hic quidem Rhetorico penè more, ille autem superior leniore quodam sono est usus, et qui illum impetum oratoris non habeat, uehemens fortasse minus: sed aliquantò tamen est, ut mihi quidem uidetur, dulcior. Minimus natu horum omnium Timæus, quantum autem iudicare possum, longè eruditissimus, et rerum copia, et sententiarum uarietate abundantissimus, et ipsa compositione uerborum non impolitus, magnâ eloquentiam ad scribendum attulit. sed nullum usum sorem. Hæc cum ille dixisset, Quid est, inquit, Catule, Cæsar: ubi sunt, qui Antonium Græcè negant scire? quot historicos nominauit? quàm scienter? quàm propriè de unoquoq; dixit? Id me hercule, inquit Catulus, admirans illud



illud iam mirari desino, quod multò magis antè mirabar, hunc cum hæc nesciret, (a) in dicendo posse tantū. 114.  
 Atqui, Catule, inquit Antonius, non ego utilitatem aliquam ad dicendum aucupans, horum libros, & nonnullos alios, sed delectationis causa, cum est ocium, legere soleo. Quid ergo est? fatebor aliquid tamen, ut cum in sole ambulem, etiamsi aliā ob causam ambulem, fieri natura tamē ut colorer: sic cum istos libros ad Misenum (nā Romæ uix licet) studiosius legerim, sentio orationē meam illorū cantu quasi colorari. Sed ne latius hoc uobis patere uideatur, hæc dūtaxat in Græcis intelligo, quæ ipsi qui scripserunt, uoluerūt à uulgo intelligi. In philosophos uestros si quando incidi, deceptus indicibus librorum, quòd sunt ferè inscripti de rebus notis & illustribus, de uirtute, de iusticia, de honestate, de uoluptate, uerbum prorsus nullum intelligo: ita sunt angustis & concisis disputationibus illigati. Poëtæ omnino quasi alia quadam lingua locutos non conor attingere. cum his me (ut dixi) oblecto, qui res gestas, aut qui orationes scripserunt suas: aut qui ita loquuntur, ut uideantur uoluisse esse nobis, qui non sumus eruditissimi, familiares. Sed illuc redeo: uidetis ne quantum munus sit oratoris historia? haud scio an flumine orationis & uarietate maximum: neq; tamen eam reperio usquam separatim instructā Rhetorū præceptis. sita sunt enim ante oculos. Nam quis nescit primam historiæ legem, ne quid falsi dicere audeat: deinde, ne quid ueri non audeat: ne qua suspicio gratiæ sit in scribendo, ne qua simultatis. Hæc scilicet fundamenta nota sunt omnibus. ipsi autem ex ædificatio posita est in rebus & uerbis. Rerum ratio ordinem temporum desiderat, regionum descriptionē.

uult

Prima Lex  
Historiæ.



uult etiam, quoniam in rebus magnis memoriaq; dignis consilia primum, deinde acta, postea euentus expectantur, et de consilijs significari quid scriptor probet: et in rebus gestis declarari, non solum quid actum aut dictum sit, sed etiam quomodo: et cum de euentu dicatur, ut cause explicentur omnes, uel casus, uel sapientie, uel temeritatis: hominumq; ipsorum non solum res gestae, sed etiam qui fama ac nomine excellent, de cuiusq; uita atq; natura. Verborum autem ratio, et genus orationis fusum atq; tractum, et cum lenitate quadam equabile profluens, sine hac iudiciali asperitate, et sine sententiarum forensium aculeis prosequendum est. Harum tot tantarumq; rerum uidetis ne nulla esse praecepta, quae in artibus Rhetorum reperiantur? In eodem silentio multa alia oratorum officia iacuerunt, cohortationes, consolationes, praecepta, admonita, quae tractanda sunt omnia disertissime: sed locum suum in illis artibus quae traditae sunt, habent nullum. Atque in hoc genere illa quoq; est infinita sylua, quod oratori pleriq; (ut (b) etiam Crassus ostendit) duo genera ad dicendum dederunt. Vnum, de certa definitaq; causa: quales sunt quae in libris, quae in deliberationibus uersantur: addat, si quis uolet, etiam laudationis. Alterum, quod appellant omnes fere scriptores, explicat nemo, infinitam generis sine tempore et sine persona questionem: hoc quid et quantum sit, cum dicunt, intelligere mihi non uidentur. Si enim est oratoris, quaecumq; res infinite posita sit, de ea posse dicere: dicendum erit ei quanta sit solis magnitudo, quae forma terrae. de Mathematicis, de Musicis rebus non poterit quin dicat, hoc onere suscepto, recusare. Denique ei qui profitetur esse suum, non solum de ijs contro-

uersijs



uersijs quæ temporibus & personis notæ sunt, hoc est, de omnibus forensibus, sed etiam de generum in finibus questionibus dicere, nullum potest esse genus orationis, quod sit exceptum. Sed si illam quoque partem quæstionum oratori uolumus adiungere uagam & liberam, & latè patentem, ut de rebus bonis aut malis, expetendis aut fugiendis, honestis aut turpibus, utilibus aut inutilibus, de uirtute, de iusticia, de continentia, de prudentia, de magnitudine animi, de liberalitate, de pietate, de amicitia, de fide, de officio, de cæteris uirtutibus, contrarijsq; uitijs dicendum oratori putemus: itemq; de Republica, de imperio, de re militari, de disciplina ciuitatis, de hominum moribus: assumamus eam quoque partem, sed ita ut sit circumscripta modicis regionibus. Equidem omnia quæ pertinent ad usum ciuium, morem hominum, quæ uersantur in consuetudine uitæ, in ratione reip. in hac societate ciuili, in sensu hominum communi, in natura, in moribus, comprehendenda esse oratori puto: si minus, ut separatim de his rebus philosophorum more respondeat: at certè, ut in causa prudenter possit intexere. Hisce autem ipsis de rebus ut ita loquatur, uti ij qui iura, qui leges, qui ciuitates constituerunt, locuti sunt, simpliciter & splendide, sine ulla serie disputationum, & sine ieuina concertatione uerborum. Hoc loco, ne qua sit admiratio, si tot tantarumque rerum nulla à me præcepta ponentur, sic statuo: ut in cæteris artibus cum tradita sunt cuiusq; artis difficillima, reliqua, quia aut faciliora aut similia sint, tradi non necesse esse: ut in pictura, qui hominis speciem pingere perdidicerit, posse eum cuiusuis uel formæ, uel ætatis, etiam si non didicerit, pingere: neq; esse periculum, qui leo-



nem aut taurum pingat egregiè, ne idem in multis alijs quadrupedibus facere non possit: neque est omnino ars ulla, in qua omnia quæ illa arte effici possunt, à doctore tradantur. sed qui primarum & certarum rerum ge-  
 115 nera ipsa didicerunt, reliqua persequuntur. (a) simili-  
 ter arbitror in hac siue ratione, siue exercitatione di-  
 cendi, qui illam um adeptus sit, ut eorum mentes, qui  
 aut de republica, aut de ipsius rebus, aut de ijs contra  
 quos, aut pro quibus dicat, cum aliqua statuendi pote-  
 state audiant, ad suum arbitrium mouere possit: hunc de  
 toto illo genere reliquarum orationum non plus quæ-  
 siturum esse quid dicat, quàm Polycletum illum, cùm  
 Herculem fingeat, quemadmodum pellem aut hy-  
 dram fingeret, etiamsi hæc nunquam separatim facere  
 didicisset. Tum Catulus: Præclare mihi uideris, An-  
 toni, posuisse ante oculos, quid discere oporteret eum  
 qui orator esset futurus: quid, etiamsi non didicisset, ex  
 eo quod didicisset, assumeret. Deduxisti enim totum ho-  
 minem in duo solum genera causarum, cætera innu-  
 merabilia exercitationi & similitudini reliquisti: sed ui-  
 deto, ne in istis duobus generibus hydra tibi sit, & pel-  
 lis. Hercules autem, & alia opera maiora ne in illis re-  
 bus quas prætermittis, relinquuntur. Non enim mihi  
 minus operis uidetur de uniuersis generibus rerum,  
 quàm de singulorum causis, ac multò etiam maius de na-  
 tura deorum, quàm de hominum litibus dicere. Non  
 est ita, inquit Antonius: dicam enim tibi, Catule, nò tam  
 doctus, quàm (id quod est maius) expertus. Omnium  
 cæterarum rerum oratio, mihi crede, ludus est homini  
 non hebeti, neq; inexercitato, neq; communium litera-  
 rum & politioris humanitatis experti: in causarum con-  
 tentio=



tentionibus magnum est quoddam opus, atque haud sciam an de humanis operibus longè maximum, in quibus uis oratoris plerunq; ab imperitis exitu & uictoria iudicatur, ubi adest armatus aduersarius, qui sit & feriendus, et repellendus. ubi sepè is qui rei dominus futurus est, alienus atq; iratus, aut etiam amicus aduersario, et inimicus tibi est: cum aut docendus is est, aut dedocendus, aut reprimendus, aut incitandus, aut omni ratione ad tempus, ad causam, oratione moderandus. in quo sepè beneuolentia ad odium, odium autem ad beneuolentiam deducendum est. qui tanquam machinatione aliqua tum ad seueritatem, tum ad remissionem animi, tum ad tristitiam, tum ad leticiam est contorquendus: omnium sententiarum grauitate, omnium uerborum ponderibus est utendum. Accedat oportet actio uaria, uehemens, plena animi, plena spiritus, plena doloris, plena ueritatis. In his operibus si quis illam artem comprehenderit, ut tanquam Phidias Minerue signum efficere possit, non sane quemadmodum in clypeo idem ille artifex minora illa opera facere discat, laborabit. Tum Catulus: Quo ista maiora ac mirabilia fecisti, eo me maior expectatio tenet, quibus nam rationibus, quibusue praeceptis ea tanta uis comparetur: non (b) quò mea quidem iam inter sit (neq; enim ætas id mea desiderat, & aliud quoddam genus dicendi nos secuti sumus, qui nunquam sententias de manibus iudicium ui quadam orationis extorsimus: ac potius placatis eorum animis, tantū, quantum ipsi patiebantur, accepimus) sed tamen ista tua, nulli me ad usum meum, tantum cognoscendi studio adductus, requiro. Nec mihi opus est Græco aliquo doctore, qui mihi peruulgata praecepta decantet, cum ipse nunquā forum,



nunquam ullum iudicium aspexerit: ut Peripateticus ille dicitur Phormio, cum Annibal Carthagine expulsus Ephesum ad Antiochum uenisset exul, proq; eo quod eius nomē erat magna apud omnes gloria, inuitatus esset ab hospitibus suis, ut eum quem dixi, si uellet, audiret: cūq; is se non nolle dixisset, locutus esse dicitur homo copiosus aliquot horas de imperatoris officio, & de omni re militari. tū cum ceteri qui illum audierant, uehementer essent delectati, querebāt ab Annibale, quid nam ille ipse de illo philosopho iudicaret? Hic Pœnus nō optimē Græcē sed tamē liberē respondisse fertur: multos se delirios senes sēpē uidisse, sed qui magis quā Phormio deliraret, uidisse neminē. Neq; mehercule iniuria: quid enim aut arrogantiū, aut loquacius fieri potuit, quā Annibali, qui tot annos de imperio cū populo R. omnī gentiū uictore certasset, Græcū hominē, qui nunquā hostem, nunquam castra uidisset, nunquā deniq; minimam partē ullius publici muneris attigisset, præcepta de re militari dare? Hoc mihi facere omnes isti qui de arte dicendi præcipiunt, uidentur: quod enim ipsi experti nō sunt, id docent ceteros. sed hoc minus fortasse errant, quod non te, ut Annibalem, sed pueros aut adolescentulos docere conantur. Erras, Catule, inquit Antonius: nam egomet in multos iam Phormiones incidi. Quis enim est istorum Græcorum, qui quēquam nostrū quicquam intelligere arbitretur? ac mihi quidem non ita molesti sunt, facili omnes perpetior & perfero. nam aut aliquid efferunt quod mihi non displiceat, aut efficiunt ut me nō didicisse minus poeniteat: dimitto autem eos non tam contumeliose, quā philosophum illum Annibal, & eo fortasse plus habeo etiam negotij: sed tamen est eorum doctrina,

quantum



quantum ego iudicare possum, perridicula. Diuidunt enim totam rem in duas partes, in causae controuersiam, & in quaestionis. Causam appellant, rem positam in disceptatione rerum & controuersia. Quaestionem autem, rem positam in infinita dubitatione, de causa praeepta dant, de altera parte dicendi mirum silentium. Deinde quinque faciunt quasi membra eloquentiae: inuenire quid dicas, inuenta disponere, (a) deinde ornare uerbis, post u6 memoriae mandare, tum ad extremum agere, ac pronunciare rem sanè non reconditam. Quis enim hoc non sponte uiderit, neminè posse aptè dicere, nisi & quid diceret, & quibus uerbis, & quo ordine diceret, haberet, & ea meminisset? Atque haec ego non reprehendo, sed ante oculos posita esse dico, ut eas item quatuor, quinque, sexue partes, uel etiam septem ( quoniam aliter ab alijs digeruntur ) in quas est ab his omnis oratio distributa. Iubent enim exordiri, ita ut eum qui audiat, beneuolum nobis faciamus, & docilem, & attentum. Deinde rem narrare, ita ut uerisimilis narratio sit, ut aperta, ut breuis. Post autem diuidere causam, aut proponere: nostra confirmare argumentis ac rationibus, deinde contraria refutare. Tum autem alij conclusionem orationis, & quasi perorationem collocant: alij iubent antè quam peroretur, ornandi aut augendi causa digredi: deinde concludere, ac perorare. Ne haec quidem reprehendo, sunt enim concinnè distributa: sed tamen, id quod necesse fuit hominibus expertibus ueritatis, non peritè. Quae enim praeepta principiorum et narrationum esse uoluerunt, ea in totis orationibus sunt conseruanda. Nam & ego mihi beneuolum iudicem facilius facere possum, cum sum in cursu orationis, quam cum omnia sunt in audita:



docilem autem non cum polliceor me demonstraturum, sed tum cum doceo et explano : attentum uero crebro tota actione excitandis mentibus iudicum, non prima denunciatione efficere possumus. Iam uero narrationem quod iubent uerisimilem esse, et apertam, et breuem, recte nos admonent: quod haec narrationis magis putant esse propria quam totius orationis, ualde mihi uidentur errare: omninoque in hoc omnis est error, quod existimant artificium esse hoc quoddam non dissimile ceterorum, cuiusmodi de ipso iure ciuili hesterno die Crassus componi posse dicebat, ut genera rerum primum exponerentur: in quo uitium est, si genus ullum praetermittatur. deinde singulorum generum partes, in quo et deesse aliquam partem, et superare mendosum est: tum uerborum omnium definitiones, in quibus neque abesse quicquam decet, neque redundare. Sed hoc si in iure ciuili, si etiam in paruis aut mediocribus rebus doctores assequi possunt, non idem sentio tanta hac in re tamque immensa posse fieri. Sin autem qui arbitrantur, deducendi sunt ad eos qui haec docent, omnia iam explicata et perpolita assequuntur: sunt enim innumerabiles de his rebus libri, neque abditae, neque obscurae. Sed uideant quid uelint, ad ludendum ne, an ad pugnandum arma sint sumpturi : aliud enim pugnae et acies, aliud ludus campusque noster desiderat. attamen ars ipsa ludicra armorum et gladiatori (b) et militi prodest aliquid : sed animus acer, et praesens, et acutus idem atque uersutus inuitos uiros efficit, non dissimilius arte coniuncta. Quare ego tibi oratorem sic iam instituiam, si potuero, ut quid efficere possit ante perspicuum. Sic enim mihi tinctus literis, audierit aliquid, legerit, ista ipsa praecepta acceperit : tentabo quid de-

cent,



ceat, quid uoce, quid uiribus, quid spiritu, quid lingua  
 efficere possit. Si intelligam posse ad summos peruenire,  
 non solum hortabor ut elaboret: sed etiam, si uir quoq;  
 mihi bonus uidebitur, obsecrabo. tantum ego in eccellente  
 oratore, & eodem uiro bono, pono esse ornamenti uni-  
 uerse ciuitati. Sin uidebitur, cum omnia summa fece-  
 rit, tamen ad mediocres oratores esse uenturus, permit-  
 tam ipsi quid uelit, molestus magnopere non ero. Sin pla-  
 ne abhorrebit, & crit absurdus, ut se contineat, aut ad  
 aliud studium transferat, admonebo: nam neque is qui o-  
 ptimè potest, deferendus nullo modo est à cohortatione  
 nostra: neq; is qui aliquid potest, deterrendus. quod al-  
 terum diuinitatis mihi cuiusdā uidetur: alterum, uel non  
 facere quod non optimè possis, uel facere quod nō pos-  
 simè facias, humanitatis. tertium uerò illud, clamare con-  
 trā quā debeat, et quā possit, hominis est, ut tu Catu-  
 le de quodā declamatore dixisti, stulticie sue quamplu-  
 rimos testes domestico præconio colligentis. De hoc igitur  
 qui erit talis, ut cohortandus, adiuuandusq; sit, ita  
 loquamur, ut ei tradamus ea duntaxat quæ nos usus do-  
 cuit, ut nobis ducibus ueniat eò quò sine duce ipsi per-  
 uenimus, quoniam meliora docere non possumus. Atque  
 ut à familiari nostro exordiar, hunc ego, Catule, Sulpi-  
 tium primum in causa paruula adolescentulum audiui,  
 uoce & forma & motu corporis, et reliquis rebus aptis  
 ad hoc munus de quo querimus: oratione autem celeri  
 et cōcitata, quod erat ingenij: et uerbis effervescentibus,  
 et paulò nimium redundantibus, quod erat ætatis, nō sum  
 aspernatus. uolo enim se efferrat in adolescēte fecūditas:  
 nā facilius, sicut in uiribus, reuocatur ea quæ sese nimio  
 profuderunt, quā si nihil ualet materies, noua sarmēta



cultura excitantur: ita uolo esse in adolescente, unde alia  
 quid amputem: non enim potest in eo esse succus diutur-  
 nus, quod nimis celeriter est maturitatem assecutus. Vidi  
 statim indolem, neque dimisi tempus: et eum sum cohor-  
 tatus, ut forum sibi ludum putaret esse ad discendum,  
 magistrum autem quem uellet eligeret: me quidem si au-  
 diret, L. Crassum, quod iste arripuit, et ita sese facturum  
 confirmauit: atque etiam addidit, gratie scilicet causa, me  
 quoque sibi magistrum futurum. Vix annus intercesserat  
 ab hoc sermone cohortationis mee, cum iste accusauit  
 C. Norbanum defendente me: non est credibile quid in-  
 117 teresse mihi sit (a) uisum inter eum qui tum erat, et qui  
 anno ante fuerat, omnino in illud genus eum Crassi ma-  
 gnificum atque praeclarum natura ipsa ducebat. sed ea non  
 satis proficere potuisset, nisi eodem studio atque imita-  
 tione incidisset, atque ita dicere consueisset, ut tota mente  
 Crassum atque omni animo intueretur. Ergo hoc sit pri-  
 mum in praeceptis meis, ut demonstremus quem imite-  
 tur: atque ita, ut quae maxime excellent in eo quae imitabi-  
 tur, ea diligentissime persequatur: tum accedat exerci-  
 tatio, qua illum quem ante delegerit, imitando effingat,  
 atque ita exprimat, non ut multos imitatores saepe cogno-  
 ui, qui aut ea quae facilia sunt, aut etiam illa quae insignia  
 ac penè uitiosa, consceduntur imitando. nihil est facilius,  
 quam amictum imitari alicuius, aut statum, aut motum. si  
 uero etiā uitiosi aliquid est, id sumere, et in eo uitiosum  
 esse non magnum est: ut ille qui nunc etiam amissa uoce  
 fuerit in Rep. Fufius, neruos in dicēdo G. Fimbriae, quos  
 tamen habuit ille, non assequitur: oris prauitatem, et  
 uerborum latitudinem imitatur. sed tamen ille nec deli-  
 gere sciuit, cuius potissimum similis esset: et in eo ipso  
 quens



quem delegerat, imitari etiam uitia uoluit. Qui autem ita faciet ut oportet, primum uigilet: necesse est in deligendo: deinde quem probauit, in eo quæ maximè excellent, ea diligentissimè prosequatur. Quid enim causæ censetis esse, cur ætates extulerint singula singula prope genera dicendi? quod non tam facile in nostris oratoribus possumus iudicare (quia scripta ex quibus iudicium fieri posset, non multa sanè reliquerunt) quàm in Græcis, ex quorum scriptis, cuiusque ætatis quæ dicendi ratio uoluntasq; fuerit, intelligi potest. Antiquissimi ferè sunt, quorum quidem scripta consent, Pericles atq; Alcibiades, et eadem ætate Thucydides, subtiles, acuti, breues, sententijs magis quàm uerbis abundantes: non potuisset accidere, ut unum esset omnium genus, nisi aliquem sibi proponerent adimitandū. Consecuti sunt hos Critias, Theramenes, Lysias: multa Lysia scripta sunt, nonnulla Critia, de Theramene audiuius: omnes etiam tum retinebant illum Periclis succū, sed erant paulo uberiore filo. Ecce tibi exortus est isocrates magister istorum omnium, cuius è ludo, tanquam ex equo Troiano, innumeri principes exierunt: sed eorum partim in pompa, partim in acie illustres esse uoluerunt. Itaque et illi, Theopompus, Ephorus, Phylistus, Naucratus, multiq; alij naturis differunt, uoluntate autem similes sunt inter sese: et magistri, et ij qui se ad causas contulerunt, ut Demosthenes, Hyperides, Lycurgus, Aeschines, Dinarchus, alijq; complures, et si inter se pares non fuerunt, tamen sunt omnes in eodem ueritatis imitanda genere uersati: quorū quandiu mansit (b) imitatio, tandiu genus illud dicendi studiumq; uixit: posteaquam extinctis his, omnis eorum memoria sensim obscurata est.



et euauuit, alia quædam dicendi molliora ac remissiora genera uiguerunt. Inde Demochares, quem auunt sororis filium fuisse Demosthenis: tū Phalereus ille Demetrius, omnium istorum mea sententia politissimus, alijq; eorum similes extiterunt: quæ si uolemus usq; ad hoc tempus persequi, intelligemus, ut hodie Alabandensem illum Meneclem, et eius fratrem Hieroclem, quos ego audiui, tota imitetur Asia: sic semper fuisse aliquem, cuius se similes pleriq; esse uellent. Hanc igitur similitudinem qui imitatione assequi uolet, tum exercitationibus crebris atque magnis, tum scribendo maxime persequatur. quod si hic noster Sulpitius faceret, multo eius oratio esset præstior: in qua nunc interdū, ut in herbis rustici solent dicere, in summa ubertate inest luxuries quædam, quæ stylo depascenda est. Hic Sulpitius: Me quidē, inquit, rectē mones, idq; mihi gratum est: sed ne te quidē, Antoni, multū scriptitasse arbitror. Tū ille: Quasi uerō, inquit, nō ea præcipiā alijs quæ mihi ipsi defunt, sed tamē ne tabulas quidem conficere existimor: uerū et in hoc ex re familiaris mea, et in illo ex eo quod dico, quantulum id curque est, quid faciam iudicari potest. Atq; esse tamen multos uidemus qui neminem imitentur, et suapte natura quod uelint sine cuiusquam similitudine cōsequantur. quod et in uobis animaduerti rectē potest, Cæsar et Cotta, quorum alter inusitatum quidē nostris oratoribus leporem quendam et salem, alter acutissimum et subtilissimum dicendi genus est consecutus. Neque uerō uester æqualis Curio, patre mea sententia uel eloquentissimo temporibus illis, quenquā mihi magnopere uidetur imitari, qui tamen uerborum grauitate et elegantia et copia suam quandā expreßit quasi formā figuramq; dicendi: quod



ego maximè potui iudicare in ea causa, quam ille contra me apud Centumuiros pro fratribus Cossis dixit: in qua nihil illi defuit, quod non modò copiosus, sed etiam sapiens orator habere deberet. Verùm ut aliquando ad causas deducamus illum quem constituimus, & eas quidem in quibus plusculum negocij est, iudiciorum atque litium, riserit aliquis fortasse hoc præceptum: est enim non tam acutum quàm necessarium, magisq; monitoris nõ satui, quàm eruditi magistri. Hoc enim primum præcipiemus, quasvncq; causas erit acturus, ut eas diligenter penitusq; cognoscat. Hoc in ludo nõ præcipitur: faciles enim causæ ad pueros deferuntur. Lex peregrinum uetat in murum ascendere: ascendit, hostes repulit, ac cusatur. nihil est negocij, huiusmodi causam cognoscere, (a) rectè igitur nihil de causa discenda præcipiunt: hæc 113 est enim in ludo causarum ferè formula. At uerò in foro, tabulæ, testimonia, pacta, conuenta, stipulationes, cognationes, affinitates, decreta, responsa, uita denique eorum qui in causa uersantur, tota cognoscenda est: quarum rerum negligentia plerasque causas, & maximè priuatas (sunt enim multo sæpè obscuriores) uidemus amitti. Ita nonnulli dum operam suam multi existimari uolunt, ut toto foro uolitare, & à causa ad causam ire uideantur, causas dicunt incognitas. in quo est illa quidem magna offensio, uel negligentia, susceptis rebus, uel perfidia, receptis: sed etiam illa maior opinione mea, quòd nemo potest de ea re quam non nouit, non turpissimè dicere. Ita dum inertia uituperationem, quæ maior est, contemnunt: assequuntur etiam illam quam magis ipsi fugiunt, tarditatis. Equidem soleo dare operam, ut de sua quisq; re me ipse doceat, & ut ne quis



alius ad sit, quo liberius loquatur, & agere aduersarij causam, ut ille agat suam, & quicquid de sua re cogitarit, in medium proferat. itaque cum ille discessit, tres personas unus sustineo summa animi æquitate: meam, aduersarij, iudicis. qui locus est talis, ut plus habeat adiumenti quàm incommodi, hunc iudico esse dicendū: ubi plus mali quàm boni reperio, id totum abiudico atque reijcio. ita assequor, ut alio tempore cogitem quid dicam, & alio dicam: quæ duo plerique ingenio freti simul faciunt: sed certè iidem illi melius aliquantò dicerent, si aliud sumendum sibi tempus ad cogitandum, aliud ad dicendum putarent. Cum rem penitus causamq; cognoui, statim occurrit animo, quæ sit causa ambigui. nihil est enim quod inter homines ambigatur, siue ex crimine causa constet, ut facinoris: siue ex controuersia, ut hæreditatis: siue ex deliberatione, ut belli: siue ex persona, ut laudis: siue ex disputatione, ut de ratione uiuendi: in quo non aut quid factum sit, aut fiat, futurum uel sit queratur, aut quale sit, aut quid uocetur. Ac nostræ ferè causæ, quæ quidem sunt criminum, plerunque inficiatione defenduntur. Nam & de pecunijs repetundis quæ maximæ sunt, neganda ferè sunt omnia: & de ambitu rarò illud datur, ut possis liberalitatem ac benignitatem ab ambitu atque largitione seiungere: de ficiarijs, de ueneficijs, de peculatu inficiari necesse est. Id est igitur genus primum causarum in iudicijs, ex controuersia facti. In deliberationibus plerunque ex futuri, rarò etiã ex instantis, aut facti. Sæpè autem, res nō sit, nec ne, sed qualis sit, queritur: ut cum L. Opimij causam defendebat apud populum audiente me C. Carbo consul, nihil de C. Gracchi nece negabat, sed id iure pro salute pa-



triae factum esse dicebat: (b) ut idem Carboni Tribu-  
no Pl. alia tum mente Remp. capessenti, P. Africanus de  
Tiberio Graccho interroganti responderat, iure casum  
uideri. Iure autem omnia defenduntur, quæ sunt eius ge-  
neris, ut aut oportuerit, aut licuerit, aut necesse fuerit,  
aut imprudentia, aut casu facta esse uideantur. Iam quid  
uocetur queritur, cum quo uerbo quid appellandum sit  
contenditur: ut mihi ipsi cum hoc Sulpitio fuit in Nor-  
bani causa summa contentio. pleraque enim de ijs quæ  
ab isto obijciebantur, cum confiterer, tamen ab illo ma-  
iestatem imminutam negabam: ex quo uerbo lege Apu-  
leia tota illa causa pendebat. Atque in hoc genere cau-  
sarum nonnulli præcipiunt, ut uerbum illud quod cau-  
sam facit, lucidè, breuiter uterque definiat: quod mihi  
quidem perquam puerile uideri solet. alia est enim, cum  
inter doctos homines de ijs ipsis rebus quæ uersantur in  
artibus disputatur, uerborum definitio: ut cum quæri-  
tur quid sit ars, quid sit lex, quid sit ciuitas. In quibus  
hoc præcipit ratio atque doctrina, ut uis eius rei quam  
definias, sic exprimatur, ut neque absit quicquam, ne-  
que supersit, quod quidem in illa causa neque Sulpitius  
fecit, neque ego facere conatus sum: nam quantum u-  
terque nostrum potuit, omni copia dicendi dilatauit,  
quid esset maiestatem minuere. Etenim definitio pri-  
mum reprehensio uerbo uno, aut addito, aut dempto,  
sepè extorquetur è manibus: deinde genere ipso doctri-  
nam redolet, exercitationemq; penè puerilem: tum et  
in sensum, et in mentem iudicis intrare non potest, an-  
tè enim præterlabitur quam percepta est. Sed in eo ge-  
nere, in quo quale sit quid, ambigitur: existit etiam ex  
scripti interpretatione sepè contentio, in quo nulla po-  
test



test esse, nisi ex ambiguo controuersia, nam illud ipsum, cum scriptum à sententia discrepat, genus quoddam habet ambigui: quod tum explicatur, cum ea uerba quæ desunt, suggesta sunt, quibus additis defenditur sententiam scripti perspicuam fuisse. Et ex contrarijs scriptis si quid ambigitur, non nouum genus nascitur, sed superioris generis causa duplicatur. idq; aut nunquam dici dicari poterit: aut ita diiudicabitur, ut referendis præteritis uerbis id scriptum, quodcunq; defendimus, suppleatur. ita fit, ut unum genus in ijs causis quæ propter scriptum ambiguntur, relinquatur, si est scriptum aliquid ambiguum. Ambiguorum autem cum plura genera sunt, quæ mihi uidentur melius nosse qui Dialectici appellantur: ij autem nostri ignorare, qui non minus nosse debeant: tum illud est frequentissimum in omni consuetudine uel sermonis uel scripti, cum idcirco aliquid ambigitur, quod aut uerbum, aut uerba sint prætermissa. Iterum autem peccant, cum genus hoc causarum quod  
 119 in (a) scripti interpretatione uersatur, ab illis causis in quibus qualis quæque res sit disceptatur, seiungunt. nusquam enim tam queritur quale sit genus ipsum rei, quam in scripto: quod totum à facti controuersia separatum est. Ita tria sunt omnino genera, quæ in disceptationem et controuersiam cadere possunt: quid fiat, factum, futurum uel sit, aut quale sit, aut quomodo nominetur. nam et illud quidem quod quidam Græci adiungunt, recte ne factum sit, totum in eo est, quod quale sit, querimus. Sed iam ad institutum reuertar meum. Cum igitur accepto causæ genere et cognito rem tractare ceppi, nihil prius constituo, quam quid sit illud quod mihi referenda sit omnis illa oratio, quæ sit propria questionis et iudicij: de



cij: deinde illa duo diligentissimè considero, quorum alterum commendatione habet nostram, aut eorum quos defendimus: alterum est accommodatum ad eorum animos, apud quos dicimus, ad id quod uolumus commouendos. Ita ratio omnis dicendi tribus ad persuadendū rebus est nixa: ut probemus uera esse ea quæ defendimus, ut conciliemus nobis eos qui audiunt, ut animos eorum ad quemcūq; causa postulabit motum uocemus. Ad probandum autem duplex est oratori subiecta materies. Vna rerum earum quæ non excogitantur ab oratore, sed in re posita ratione tractantur: ut tabule, testimonia, pacta, conuenta, quæstiones, leges, senatusconsulta, res iudicatæ, decreta, responsa sunt: & reliqua, si quæ sunt, quæ non ab oratore pariuntur, sed ad oratorem à causa atq; à reis deferuntur. Altera est, quæ tota in disputatione & argumentatione oratoris collocata est. Ita in superiore genere de tractandis argumentis, in hoc autem etiam de inueniendis cogitandum est. Atque isti quidem qui docent, cum causas in plura genera secuerunt, singulis generibus argumentorum copiam suggerunt: quod etiam si ad instituendos adolescentes magis aptum est, ut simulac posita sit causa, habeant quo se referant, unde statim expedita possint argumenta deponere: tamē & tardi ingenij est riuulos consectari, fontes rerum non uidere. etiam ætatis est ususq; nostri, à capite quod uelimus arcessere, & unde omnia manant uidere. & primum genus illud earum rerum quæ ad oratorem deferuntur, meditatum nobis in perpetuum ad omnem usum similium rerum esse debet: nam pro tabulis & contra tabulas, & pro testibus & contra testes, & pro quæstionibus & contra quæstiones, &



item de cæteris rebus eiusdem generis uel separatim dicere solemus de genere uniuerso, uel definitè de singulis temporibus, hominibus, causis: quos quidem locos (uobis hoc, Cotta & Sulpiti, dico) multa commentatione atq; meditatione paratos atque expeditos habere debetis. Longum (b) est enim nunc me explicare, qua ratione aut confirmare aut infirmare testes, tabulas, questiones oportet. Hæc sunt omnia ingenij uel mediocris, & exercitationis autem maximæ: artem quidem & præcepta duntaxat hæcenus requirunt, ut certis dicendi luminibus ornentur. itemq; illa quæ sunt alterius generis, quæ tota ab oratore pariuntur, excogitationem non habent difficilem, explicationem magis illustrem perpolitamq; desiderant. Itaq; cum hæc duo nobis querenda sint in causis, primum quid, deinde quomodo dicamus: alterum quod totum arte tinctum uidetur, tametsi artem requirit, tamen prudentiæ est penè mediocris, quid dicendum sit uidere: alterum est, in quo oratoris uis illa diuina uirtusq; cernitur, ea quæ dicenda sunt, ornate, copiose, uarièq; dicere. Quare illam partem superiorem, quoniam semel ita uobis placuit, non recusabo, quò minus perpolitam atq; conficiam: quantū consequar, uos iudicabitis. quibus ex locis ad eas tres res, quæ ad fidem faciendam sole ualent, ducatur oratio, ut & concilientur animi, & doceantur, & moueantur: hæc sunt enim tria numero. ea uerò quemadmodum illustrentur, præstò est qui omnes docere possit: qui hoc primus in nostros mores induxit, qui maximè auxit, qui solus effecit. Namq; ego, Catule (dicā enim non reuerens assentādi suspicionem) neminē esse oratorem paulò illustriorem arbitror neq; Gracū neq; Latinū, quæ ætas nostra tulerit, quæ nō

& sæpè



& sæpè & diligenter audierim. Itaq; si quid est in me  
 quod iā sperare uideor, quoniam quidē uos his ingenijs  
 homines tantū operæ mihi ad audiendū datis: ex eo est,  
 quod nihil quisquā unquā me audiēte egit orator, quod  
 non in memoria mea penitus insederit. Atq; ego is qui  
 sum, quātuscunq; sum, adiudicandus omnibus auditis o-  
 ratoribus, sine ulla dubitatione sic statuo et iudico: nemi-  
 nem omniū tot & tanta, quanta sint in Crasso, habuisse  
 ornāmēta dicendi. Quamobrē si uos quoq; hoc idē exi-  
 stimatis, non erit, ut opinor, iniqua partitiō, si cū ego  
 hunc oratorem quem nūc fingo, ut institui, crearo, alu-  
 ero, confirmaro, tradā eum Crasso et uestiendum & or-  
 nandum. Tum Crassus: Tu uerō, inquit, Antoni, perge  
 ut instituisi: neq; enim boni est, neque liberalis parentis,  
 quem procrearit & eduxerit, eum non & uestire et or-  
 nare, præsertim cū te locupletem esse negare non pos-  
 sis. Quod enim ornamentum, quæ uis, qui animus, quæ  
 dignitas illi oratori defuit? qui in causâ peroranda non  
 dubitauit excitare reum consularem, & eius diloricare  
 tunicam, & iudicibus cicatrices aduersas senis impera-  
 toris ostendere? qui idem hoc accusante Sulpitio cū ho-  
 minem seditiosum furiosumq; defenderet, non dubita-  
 uit seditiones ipsas ornare ac demonstrare (a) grauissi- 120  
 mis uerbis: multos sæpè impetus populi nō iniustos esse,  
 quos præstare nemo possit: multas etiam è Rep. seditio-  
 nes sæpè esse sectas, ut cū reges essent exacti, ut cū tri-  
 bunitia potestas esset cōstitutâ: illâ Norbani seditionem  
 ex luctu ciuiū, & ex Cepionis odio, qui exercitiū amise-  
 rat, neq; reprimi potuisse, & iure esse conflatam. Potuit  
 hic locus tam anceps, tam inauditus, tam lubricus, tam  
 nouus, sine quadâ incredibili ui ac facultate dicendi tra-  
 ctari.



Etari? Quid ego de Cn. Manli? quid de Q. Regis com-  
 miseratione dicā? quid de alijs innumerabilibus? in qui-  
 bus hoc non maximè enituit, quod tibi omnes dant, ac-  
 cumen quoddam singulare: sed hæc ipsa quæ nunc ad me  
 delegare uis, ea semper in te eximia et præstantia sue-  
 runt. Tum Catulus: Ego uerò, inquit, in uobis hoc ma-  
 ximè admirari soleo, quòd cum inter uos in dicendo dissi-  
 nullimi sitis, ita tamen uterq; uestrum dicat, ut ei nihil  
 neq; à natura denegatū, neq; à doctrina non delatum es-  
 se uideatur. Quare, Crasse, neq; tu tua suauitate nos pri-  
 uabis, ut, si quid ab Antonio aut prætermisum aut re-  
 lictū sit, non explices: neq; te, Antoni, si quidem nō dix-  
 ris, existimabimus non potuisse potius quàm à Crasso di-  
 ci maluisse. Hic Crassus: Quin tu, inquit, Antoni, omittis  
 ista quæ proposuisti, quæ nemo horū desiderat: quib. ex  
 locis ea quæ dicenda sint in causis reperiātur. quæ quan-  
 quā abs te nouo quodā modo præclareq; dicuntur, sunt ta-  
 mē et res facilliora, et præceptis peruagata: illa deprome  
 nobis, unde afferas quæ sæpius tractas, semperq; diui-  
 nius. Depromā equidē, inquit Antonius, et, quò facilius  
 id à te exigā quod peto, nihil tibi à me postulanti recusa-  
 bo. Meæ totius orationis, et istius ipsius in dicendo facul-  
 tatis, quā modò Crassus in coelū uerbis extulit, tres sunt  
 rationes, ut antè dixi: una conciliandorū hominū, altera  
 docendorū, tertia concitandorū. Harū trium partū pri-  
 ma lenitatē orationis, secunda acumē, tertiā uim deside-  
 rat. nā hoc necesse est, ut is qui nobis causam adiudicatu-  
 rus sit, aut inclinatione uolūtatis propendeat in nos, aut  
 defensionis argumētis adducatur, aut animi permotione  
 cogatur. Sed quoniā illa pars in qua rerū ipsarū expli-  
 catio ac defensio posita est, uidetur omnem huius gene-  
 ris



ris quasi doctrinam continere, de ea primum loquemur,  
 & pauca dicemus. pauca enim sunt, quæ usu iam tracta-  
 ta, & animo quasi habere notata uideamur. Ac tibi sa-  
 pienter monenti, L. Crasse, libenter assentiemur: ut singu-  
 larum causarum defensiones, quas solent magistri pueris  
 tradere, relinquamus: aperiāmus aut̃ ea capita, unde o-  
 mnīs ad omne et causam (b) et orationem disputatio du-  
 citur. Neq; enim quoties uerbū aliquid est scribendū no-  
 bis, toties eius uerbi literæ sunt cogitatione cōquirendæ:  
 nec quoties causa dicēda est, toties ad eius causæ seposita  
 argumenta reuolui nos oportet: sed habere certos locos,  
 qui ut literæ ad uerbū scribendū, sic illi ad causam expli-  
 candā statim occurrant. Sed hi loci ei demū oratori pro-  
 desse possunt, qui est uersatus in rebus, uel usu, quē etas  
 deniq; affert: uel auditione & cogitatione, quæ studio et  
 diligētia præcurrit etatē. Nā si tu mihi quamuis eruditū  
 hominem adduxeris, quamuis acrem et acutum in cogi-  
 tando, quamuis ad pronuntiandum expeditum: si erit  
 idem in consuetudine ciuitatis, in exemplis, in institutis,  
 in moribus ac uoluntatibus ciuium suorum hospes: non  
 multum ei loci proderunt illi, ex quibus argumēta pro-  
 mūtur. subactō mihi ingēnio opus est, ut agro non semel  
 arato, sed nouato & iterato: quō meliores foetus possit  
 & grandiores edere. subactio autem est usus, auditio, le-  
 ctio, literæ. Ac primum naturam causæ uideat, quæ nun-  
 quam latet: factum ne sit quærat, an quale sit, an quōd  
 nomen habeat. quo perspecto, statim occurrit naturali  
 quadam prudētia, non his subductionibus, quas isti do-  
 cent, quid faciat causam, id est, quo sublato, controuersia  
 stare nō possit: deinde quid ueniat in iudicium. quod isti  
 sic tubent quærare. Interfecit Opimius Gracchum, quid

Hb

facit



facit causam? quod Reipub. causa eum ex senatusconsulto ad arma uocasset. hoc tolle, causa non erit. At id ipsum negat contra leges licuisse Decius: ueniet igitur in iudicium, licuerit ne ex senatusconsulto seruandae Reip. causa. Perspicua sunt haec quidem, & in uulgari prudentia sita: sed illa querenda, quae ab accusatore & defensore argumenta, ad id quod in iudicium uenit spectantia, debeant afferri. Atque hic illud uidendum est, in quo summus est error istorum magistrorum ad quos liberos nostros mittimus: non quod hoc quidem ad dicendum magno pere pertineat, sed tamen ut uideatis, quam sit genus hoc eorum qui sibi eruditi uidentur, hebes atque impolitus. Cōstituunt enim in partiendis orationum modis duo genera causarum: unum appellant, in quo sine personis atque temporibus de uniuerso genere queratur: alterum, quod personis certis & temporibus definiatur. ignari omnes controuersias ad uniuersi generis uim & naturam referri. nam in ea ipsa causa de qua antè dixi, nihil pertinet ad oratoris locos Opimij persona, nihil Decij. de ipso enim uniuerso genere infinita quaestio est, num poena uideatur esse efficiendus, qui ciuē ex senatusconsulto patriae cōseruandae causa interfecerit, cum id per leges non liceret. Nulla denique est causa, in qua id (a) quod in iudicium uenit, ex reorum personis, ac non generum ipsorum uniuersa disputatione queratur. Quinetiam in ijs ipsis ubi de facto ambigitur, coeperit ne contra leges pecunias P. Decius, argumenta & criminum & defensionis reuocentur oportet ad genus & ad naturam uniuersam: quod sumptuosus, de luxuria: quod alieni appetens, de auaricia: quod seditiosus, de turbulentis & malis ciuibus: quod à multis arguitur, de genere testium.

haec quaestio.



stium. contraq; quæ pro reo dicuntur, omnia necessario à tempore atque homine ad communes rerum & generum summas reuoluentur. Atque hæc forsitan homini non omnia quæ sunt in natura rerum celeriter animo comprehendenti, permulta uideantur, quæ ueniant in iudicium tum cum de facto queratur: sed tamen criminum est multitudo, non defensionum aut locorum infinita. Quæ uerò, cum de facto non ambigitur, queruntur qualia sint: ea si ex reis numeres, & innumerabilia sunt, & obscura: si ex rebus, ualde & modica & illustria. Nam si Mancini causam in uno Mancino posimus, quotiescunque is quem paterpatratus dediderit, receptus non erit, toties causa noua nascetur. Sin illa controuersia causam facit, uideatur ne ei quem paterpatratus dediderit, si is non sit receptus, postluminum esse: nihil ad artem dicendi, nec ad argumenta defensionis Mancini nomen pertinet. Ac si quid affert præterea hominis aut dignitas, aut indignitas, extra questionem est: & ea tamen ipsa oratio ad uniuersi generis disputationem referatur necesse est. Hæc ego non eo consilio disputo, ut homines eruditos redarguam: quanquam reprehendendi sunt, qui in genere definiendo istas causas describunt in personis & in temporibus positas esse. nam etsi incurrunt tempora & personæ, tamen intelligendum est non ex ijs, sed ex genere questionis pendere causas. Sed hoc nihil ad me: nullum enim nobis certamen cum istis esse debet. tantum satis est intelligi, ne hoc quidem eos consecutos, quod in tanto ocio etiam sine hac forensi exercitatione efficere potuerunt: ut genera rerum discernent, æque paulò subtilius explicarent. Verum hoc (ut dixi) nihil ad me.



Illud ad me, ac multo etiam magis ad uos, Cotta noster,  
 & Sulpiti: quomodo nunc se istorum artes habent, per-  
 timescenda est multitudo causarum: est enim infinita.  
 Si in personis ponitur, quot homines, tot cause: sin ad  
 generum uniuersas quaestiones referuntur, ita modicae  
 & paucae sunt, ut omnes eas diligentes, & memores, &  
 sobrij oratores percuras animo, & propè decantatas  
 habere debeant: nisi fortè existimatis à M. Curio causam  
 didicisse L. Crassum, & ea re multum attulisse, quam-  
 obrem (b) posthumo non nato Curium tamen here-  
 dem Coponij esse oporteret. Nihil ad copiam argumen-  
 torum, neque ad causæ uim ac naturam nomen Copo-  
 nij ac Curij pertinuit: in genere erat uniuerso rei ne-  
 gocij; non in tempore ac nominibus omnis quaestio,  
 cum scriptum ita sit. Si mihi filius gignitur, isq; prius  
 moritur, & cetera: tum ut mihi ille sit hæres. Si natus  
 filius non sit, uideatur ne is qui filio mortuo institu-  
 tus hæres sit, hæres esse. perpetui iuris & uniuersi ge-  
 neris quaestio, non hominum nomina, rationem dicen-  
 di, & argumentorum fontes desiderat. In quo etiam  
 isti nos iurisperiti impediunt, à discendoq; deterrent.  
 Video enim in Catonis & Bruti libris nominatim se-  
 rè referri, quid alicui de iure, uiro, aut mulieri respon-  
 derint: credo ut putaremus in hominibus, non in re,  
 consultationis aut dubitationis causam aliquam fuisse:  
 ut, quòd homines essent innumerabiles, debilitati à  
 iure cognoscendo, uoluntatem discendi simul cum spe  
 perdiscendi abijceremus. Sed hæc Crassus aliquando  
 nobis expediet, & exponet descripta generatim. est ea-  
 nim, ne fortè nescias, heri nobis ille hoc, Catule, pollici-  
 tus: se ius ciuile, quod nunc diffusum & dissipatum est,

in certa



in certa genera coacturum, & ad artem facile redacturum. Et quidem, inquit Catulus, haudquaquam id est difficile Crasso, qui & quod disci potuit de iure didicit: & quod ijs qui eum docuerunt, defuit, ipse afferet: ut quæ sunt in iure, uel acutè describere, uel ornatè illustrare possit. Ergo ista, inquit Antonius, tum à Crasso discemus, cum se de turba & à subsellijs in ocium (ut cogitat) solitudinemq; contulerit. Iam id quidem sæpè, inquit Catulus, ex eo audiui, cum diceret, sibi certum esse à iudicijs causisq; discedere. sed, ut ipsi soleo dicere, non licebit: neque enim ipse auxilium suum sæpè à uiris bonis frustra implorari patietur, neque id æquo animo feret ciuitas: quæ si uoce L. Crassi carebit, ornamento quodam sese spoliata putabit. Nam hercle, inquit Antonius, si hæc uere à Catulo dicta sunt, tibi mecum in eodem est pristino, Crasse, uiuendum, & istam oscitantem & dormitantem sapientiam, Scæuolarum & cæterorum beatorum ocio concedamus. Arrisit hic Crassus leuiter, & pertexè modò, inquit, Antoni, quod exorsus es: me tamen ista oscitans sapientia, simulatq; ad eam confugero, in libertatem uindicabit. Huius quidem loci, quem modò sum exorsus, hic est finis, inquit Antonius, quoniam intelligitur non in hominum innumerabilibus personis, neq; in infinita temporū uarietate, sed in generum causis atque naturis omnia sita esse, quæ in dubium uocarentur. genera autè esse definita non solum numero, sed etiā (a) paucitate, ut eam materiem orationis quæ cuiusq; esset generis, studiosi qui essent dicendi, omnibus locis descriptam, instructam, ornatamq; comprehenderent, rebus dico & sententijs. Ea, ui sua, uerba parient, quæ semper satis ornata mihi quidem uideri



solent, si eiusmodi sunt, ut ea res ipsa peperisse uideatur.  
 Ac si uerum queritis, quod mihi quidem uideatur (nihil enim aliud affirmare possum, nisi sententiam et opinionem meam) hoc instrumentum causarum et generum uersorum in forum deferre debemus, neque ut quæque res delata ad nos erit, tum denique scrutari locos ex quibus argumenta eruamus: quæ quidem omnibus, qui ea mediocriter modo considerarint, studio adhibito et usu, pertractata esse possunt. sed tamen animus referendus est ad ea capita, et ad illos quos sæpè iam appellauimus locos: ex quibus omnia ad omnem orationem inuenta ducuntur. Atque hoc totum est siue artis, siue animaduersionis, siue consuetudinis, nosse regiones, intra quas uenire et peruestiges, quod quæras. Vbi eum locum omnem cogitatione seperseris, si modo usum rerum percallueris, nihil te effugiet, atque omne quod erit in re, occurret atque incidet. et si, cum ad inueniendum in dicendo tria sint, acumen, deinde ratio, quam licet (si uolumus) appellemus artem, tertium diligentia: non possum equidem non ingenio primas concedere, sed tamen ipsum ingenium diligentia etiam ex tarditate incitat. Diligentia inquam, cum omnibus in rebus, tum in causis defendendis plurimum ualeat. hæc præcipuè colenda est nobis, hæc semper adhibenda: hæc nihil est quod non assequatur. Causa ut penitus, quod initio dixi, nota sit, diligentia est: ut aduersarium attentè audiamus, atque ut eius non solum sententias, sed etiam uerba omnia excipiamus, uultus denique perspiciamus, qui omnes sensus animi plerumque indicant, diligentia est. id tamen dissimulanter facere, ne sibi ille aliquid proficere uideatur, prudentia est. Deinde, ut in ijs locis quos proponam paulò post, peruoluatur



uatur animus, ut se penitus insinuet in causam, ut sit cura et cogitatione intentus: diligentia est, ut his rebus adhibeat tanquam lumen aliquod memoriam, ut uocem, ut uires. hæc magna sunt. Inter ingenium quidem et diligentiam perpaululum loci reliquum est arti. ars demonstrat tantum ubi quæras, atque ubi sit illud quod studeas inuenire. reliqua quæ sunt in cura, attentione animi, cogitatione, uigilantia, assiduitate, labore, completur uno uerbo, quo sæpè iam usi sumus, diligentia, quæ una uirtute omnes uirtutes reliquæ continentur. Nam orationis quidem copia uidemus ut abundant (b) philosophi, qui ut opinor, sed tu hæc, Catule, melius) nulla dant præcepta dicendi, nec idcirco minus quacunque res proposita est suscipiunt, de qua copiose et abundanter loquantur. Tum Catulus: Est, inquit, ut dicis, Antoni, ut plerique philosophi nulla tradant præcepta dicendi, et habeant paratum tamen quid de quaque re dicant. Sed Aristoteles, is quem maxime ego admiremur, proposuit quosdam locos, ex quibus omnis argumentatio non modò ad philosophorum disputationem, sed etiam ad hanc quæ in causis utimur, inuenitur. à quo quidem homine iam dudum, Antoni, non aberrat oratio tua, siue tu similitudine illius diuini ingenij in eadem incurris uestigia: siue etiam illa ipsa legisti atque didicisti, quod quidem mihi magis uerisimile uidetur. plus enim te operæ Græcis dedisse rebus uideo, quam putaram. Tum ille: Verum, inquit, ex me audies, Catule: semper ego existimaui incundiores et probabiliorem huic populo oratorem fore, qui primum quam minimam artificij alicuius, deinde nullam Græcarum rerum significationem daret, atque ego idem existimaui pecudis esse.



non hominis, cum tantas res Græci suscipere, profiterentur, agerent, seseq; et uidendi res obscurissimas, et bene uiuendi, et copiose dicendi rationem hominibus daturus pollicerentur, non ad mouere aurem: et si palam audire eos non auderes, ne minueres apud tuos ciues auctoritatem tuam: subauscultando tamen exciperet uoces eorum, et procul quid narrarent attendere. itaq; feci, Catule, et istorum omnium summam causas et genera ipsa gustavi. Valde hercule, inquit Catulus, timide, tanquam ad aliquem libidinis scopulum, sic tuam mentem ad philosophiam appulisti, quam hæc ciuitas aspernata nunquam est. Nam et referta quondam Italia Pythagoreorum fuit, tum cum erat in hac gente magna illa Græcia: ex quo etiam quidam Numam Pompiliū regem nostrum fuisse Pythagoreū ferunt, qui annis permultis antè fuit quàm ipse Pythagoras. quo etiā maior uir habendus est, cum illam sapientiam cōstituentē ciuitatis duobus propè seculis antè cognouit, quā eam Græci natam esse senserunt. et certè non tulit ullos hæc ciuitas aut gloria clariores, aut auctoritate grauiores, aut humanitate politiores P. Africano, C. Lælio, L. Furio, qui secum eruditissimos homines ex Græcia palam semper habuerunt. Atque ego ex istis sæpè audiui, cum dicerent pergratum Athenienses et sibi fecisse, et multis principibus ciuitatis, quod cum ad senatum legatos de suis maximis rebus mitterent, tres illius ætatis nobilissimos philosophos misissent, Carneadem, et Critolaum, et Diogenem: itaque eos dum Romæ essent, et à se, et ab alijs frequenter auditos. quos tu cum haberes authores, (a) Antoni, miror cur philosophiæ, sicut Zethus ille Pacuuianus, propè bellum indixeris. Minime, in-



mē, inquit Antonius: ac sic decreui philosophari potius, ut Neoptolemus apud Ennium, paucis: nā omnino haud placet. Sed tamen hæc est mea sententia, quam uidebar exposuisse: ego ista studia non improbo, moderata modo sint: opinionem istorum studiorum, & suspicionem artificij apud eos qui res iudicent, oratori aduersariam esse arbitror. imminuit enim & oratoris auctoritatem, & orationis fidem. Sed ut eò reuocetur, unde huc declinauit oratio, ex tribus istis clarissimis philosophis, quos Romam uenisse dixisti, uides ne Diogenem fuisse, qui diceret artem se tradere benè differendi, & uera ac falsa dijudicandi, quam uerbo Græco *διακρίναι* appellaret? In hac arte, si modò est hæc ars, nullum est præceptum, quomodo uerum inueniatur: sed tantum est, quomodo iudicetur. Nam & omne quod eloquimur, fit ut id aut esse dicamus, aut non esse: & si simpliciter dictum sit, suscipiunt Dialectici, ut iudicent uerum ne sit an falsum: & si coniunctè sit elatum, & adiuncta sint alia, iudicent rectè ne adiuncta sint, & uera ne summa sit uniuscuiusq; rationis: & ad extremum ipsi se compungunt suis acuminibus, & multa quædò reperiunt non modò ea quæ iam nō possint ipsi dissoluere, sed etiā quibus antè exorsa, et potius detexta propè retexantur. Hic nos igitur Stoicus iste nihil adiuuat, quoniam quem admodum inueniam quid dicam, non docet, atq; idem etiam impedit, quod & multa reperit quæ neget ullo modo posse dissolui: et genus sermonis affert nō liquidum, non fusum ac profluens, sed exile, aridum, concisum, ac minutum. quod si quid probabit, ita probabit, ut oratori tamen aptum non esse fateatur. Hæc enim nostra oratio multitudinis est auribus accommodanda, ad oble-



Etandos animos, ad impellendos, ad ea probanda quæ  
 non aurificis statera, sed quadam populari trutina exa-  
 minantur. Quare istam artem totam dimittamus, quæ  
 in excogitandis argumentis muta nimium est, in iudican-  
 dis nimium loquax. Critolaum istum, quem simul cum  
 Diogene uenisse commemoras, puto plus huic studio no-  
 stro prodesse potuisset: erat enim ab isto Aristotele, à cu-  
 ius inuentis tibi ego uideor non longè aberrare, atq; in-  
 ter hunc Aristotelem, cuius & illum legi librum in quo  
 exposuit dicendi artes omnium superiorum, & illos in  
 quibus ipse sua quædam de eadem arte dixit, & hos ger-  
 manos huius artis magistros, hoc mihi uisum est interes-  
 se, quòd ille eadem acie mentis, qua rerum omnium uim  
 naturamq; uiderat, hæc quoque aspexit, quæ ad dicendi  
 artem, quam ille despiciebat, pertinebant: illi autem qui  
 hoc solum colendum ducebant, habitauerunt in hac una ra-  
 tione (b) tractanda, non eadem prudentia qua ille, sed  
 usu in hoc uno genere, studioq; maiore. Carneadis uerò  
 uis incredibilis illa dicendi, et uarietas per quam esset o-  
 ptanda nobis, qui nullam unquam in illis suis disputatio-  
 nibus rem defendit, quam non probauit: nullam oppu-  
 gnauit, quam non euerterit. Sed hoc maius est quoddam,  
 quam ab ijs qui hæc tradunt & docent, postulandū sit.  
 Ego autem, si quem nunc planè rudem institui ad dicen-  
 dum, uelim his potius tradā assiduus uno opere eandem  
 incudem diem noctemq; tundentibus, qui omnes tenuis-  
 simas particulas, atq; omnia minima mansa, ut aiunt, ni-  
 trices infantibus pueris in os inferant. Sin sit is, qui &  
 doctrina mihi liberaliter institutus, et aliquo iam imbu-  
 tus usu, & satis acri ingenio esse uideatur, illuc eum ra-  
 piam, ubi non seclusa aliqua aquila teneatur: sed unde  
 uniuer-



uniuersum flumen erumpat, qui illi sedes, & tanquam  
 domicilia omnium argumentorum commonstret, & ea  
 breuiter illustret, uerbisq; definiat. Quid enim est, in  
 quo hæreat, qui uiderit omne quod sumatur in oratio-  
 ne, aut ad probandum, aut ad refellendum, aut ex sua  
 sumi ui atq; natura, aut assumi foris? Ex sua ui, cum aut  
 res quæ sit tota queratur, aut pars eius, aut uocabulum  
 quod habeat, aut quippiã rem illam quod attingat. ex-  
 trinsecus autem, cum ea quæ sunt foris, neq; inhaerent in  
 rei natura, colliguntur. Si res tota queritur, definitio-  
 ne uniuersa uis explicanda est, sic: Si maiestas est ampli-  
 tudo ac dignitas ciuitatis, is eam minuit qui exercitum  
 hostibus Pop. Rom. tradidit, non qui eum qui id fecisset,  
 Po. R. Potestati tradidit. Sin pars, partitione, hoc modo:  
 Aut senatui parendum de salute reipub. fuit, aut aliud  
 consilium instituendum, aut sua sponte faciendum: aliud  
 consilium, superbum, suum, arrogans. utendum igitur  
 fuit cõsilio senatus. Sin ex uocabulo, ut Carbo: si consul  
 est qui consulit patriæ, quid aliud fecit Opimius? Sin ab  
 eo quod rem attingat, plures sunt argumentorum sedes  
 ac loci. nam & coniuncta querimus, & genera, et par-  
 tes generibus subiectas, & similitudines, & dissimilitu-  
 dines, & cõtraria, & consequentia, & consentanea, &  
 quasi præcurrentia, & repugnantia, & causarum  
 uestigabimus, & ea quæ ex causis orta sunt: & maio-  
 ra, paria, minora quæremus. Ex coniunctis sic argu-  
 menta ducuntur: Si pietati summa tribuenda laus est, de-  
 betis moueri, cum Quintum Metellum tam piè lugere  
 uideatis. Ex genere autem: Si magistratus in Populi  
 Rom. potestate esse debent, quid Norbanum accusas, ci-  
 uis tribunatus uoluntati paruit ciuitatis? Ex parte au-  
 tem



tem ea quæ est subiecta generi: Si omnes qui reipub. consulant, cari nobis esse debent, certè in primis imperatores. <sup>124</sup> res. quorum consilijs, uirtute, (a) periculis retinemus & nostram salutem, & imperij dignitatem. Ex similitudine autem: Si feræ partus suos diligunt, quæ nos in liberos nostros indulgentia esse debemus? At ex dissimilitudine: Si barbarorum est in diem uiuere, nostra consilia in sempiternũ tempus spectare debent. atq; utroq; in genere & similitudinis & dissimilitudinis exempla sunt ex aliorum factis, aut dictis, aut euentis, & fictæ narrationes sæpè ponendæ. Iam ex contrario: Si Gracchus nefariè, præclare Opimius. Ex consequentibus: Si & ferro interfectus ille, & tu inimicus eius cum gladio cruento cõprehensus es in illo ipso loco, et nemo præter te ibi uisus est, et causa nemini, & tu semper audax: quid est quòd de facinore dubitare possimus? Ex consentaneis, & præcurrentibus, & repugnantibus, ut olim Crassus adolescens: Non si Opimium defendisti, Carbo, idcirco te isti bonum ciuem putabunt: simulasse te, & aliud quid quæsisse perspicuum est, quòd T. Gracchi mortem sæpè in concionibus deplorasti, quòd P. Africani necis socius fuisti, quòd eam legem in tribunatu tulisti, quòd semper à bonis dissensisti. Ex causis autem rerum sic: Auariciam si tollere uultis, mater eius tollenda est luxuries. Ex ijs autem quæ sunt orta de causis: Si ærarij coepts & ad belli adiumenta, & ad ornamenta pacis utimur, uectigalibus seruiamus. Maiora autem, et minora, & paria comparabimus sic. Ex maiore: Si bona existimatio diuitijs præstat, & pecunia tantopere expetitur, quanto gloria magis expetenda? Ex minore sic: Hic paræ consuetudinis

Causa



Causa, huius mortem fert tam familiariter:  
 Quid si ipse amasset? quid mihi hic faciet patri?  
 Ex pari sic: Est eiusdem & eripere contra rempub. &  
 largiri pecunias.

Foris autē assumuntur ea, quæ non suavi, sed extra-  
 nea subleuantur, ut hæc. Hoc uerum est, dixit enim Q.  
 Luctatius: hoc falsum est: habita enim quæstio est: hoc se  
 qui necesse est, recito enim tabulas. de quo genere toto  
 paulò antè dixi. Hæc ut breuissimè dici potuerunt,  
 ita à me dicta sunt. Vt enim si aurum cui, quod esset mul-  
 tifariam defossū, commonstrare uellem, satis esse debe-  
 ret, si signa & notas ostenderem locorum, quibus cogni-  
 tis ille sibi ipse foderet: & id quod uellet paruo labore,  
 nullo errore inueniret: sic has ego argumentorum noui  
 notas, quæ illa mihi quærenti demonstrant ubi sint, re-  
 liqua cura & cogitatione eruuntur. Quòd autem ar-  
 gumentorum genus cuiq; causarum generi maximè con-  
 ueniat, nō est artis exquisitæ præscribere, sed est medio-  
 cris ingenij iudicare. neq; enim nūc id agimus, ut artem  
 aliquā dicendi explicemus, sed ut doctissimis (b) homi-  
 nibus usus nostri quasi quædam monita tradamus. His  
 igitur locis in mente & cogitatione defixis, & in omni  
 re ad dicendū posita excitatis, nihil erit quod oratorem  
 effugere possit, nō modò in forensibus disceptationibus,  
 sed omnino in ullo genere dicendi. Si uerò assequetur, ut  
 talis uideatur, qualem se uideri uelit, & animos eorum  
 ita afficiat apud quos aget, ut eos quocunq; uelit uel tra-  
 here uel rapere possit, nihil profectò præterea ad dicen-  
 dum requiret. Iam illud uidemus nequaquam satis esse,  
 reperire quid dicas, nisi id inuentum tractare possis.  
 Tractatio autem uaria esse debet, ne aut cognoscat ar-  
 tem



tem qui audiat, aut defatigetur similitudinis satietate. Proponi oportet quid afferas, & id quare ita sit ostendere, & ex iisdem illis locis interdum concludere, relinqueret alias, alioque transire: sæpe non proponere, ac ratione ipsa afferenda, quid proponendum fuerit declarare. si cui quid simile dicas, prius ut simile confirmes, deinde quod agitur adiungas: puncta argumentorum plerumque ut occulas, ne quis ea numerare possit, ut re distinguantur, uerbis confusa esse uideantur. Hæc ut et properans, & apud doctos, & semidoctus ipse percurro, ut aliquando ad illa maiora ueniamus. Nihil esse enim in dicendo, Catule, maius, quam ut fauceat oratori is qui audiet, utque ipse sic moueatur, ut impetu quodam animi & perturbatione magis quam iudicio aut consilio regatur. Plura enim multo homines iudicant odio aut amore, aut cupiditate, aut iracundia, aut dolore, aut leticia, aut spe, aut timore, aut errore, aut aliqua permotione mentis, quam ueritate, aut præscripto, aut iuris norma aliqua, aut iudicii formula, aut legibus. quare, nisi quid uobis aliud placet, ad illa pergamus. Paulum, inquit Catulus, etiam nunc deesse uidetur ijs rebus, Antoni, quas exposuisti, quod sit tibi ante explicandum, quam illuc proficiscare, quod te dicis intendere. Quid nam, inquit? Qui ordo tibi placet, inquit Catulus, & quæ dispositio argumentorum, in qua tu mihi semper deus uideri soles. Vide quam sim in isto genere, inquit, Catule, deus: non mehercule mihi nisi admonito uenisset in mentem, ut possis existimare me in ea in quibus nonnunquam aliquid efficere uideor, usu solere in dicendo, uel casu potius incurrere. Ac res quidem ista, quam ego quia non noram, sic tanquam ignotum hominem præteribam, tantum potest in dicendo,



dicendo, ut ad uincendum nulla plus possit. Sed tamen mihi uideris ante tempus à me rationē ordinis, & disponendarū rerum requisisse. Nam si ego omnem uim oratoris in argumentis & in re ipsa per se cōprobanda posuisssem, tempus esset iam de ordine argumentorū, & de collatione aliquid dicere: sed cū tria sint à me proposita, (a) de uno dictum, cū de duobus reliquis dixerō, 125 tū erit deniq; de disponenda tota oratione querendū. Valet igitur multum ad uincendum probari mores, instituta & facta, & uitam, & eorum qui agent causas, & eorum pro quibus: & item improbari aduersariorum, animosq; eorum apud quos agitur, conciliari quā maxime ad beneuolentiam, cū erga oratorem, tū erga illum pro quo dicet orator. Conciliantur autem animi dignitate hominis, rebus gestis, existimatione uitæ: quæ facilius ornari possunt si modò sunt, quā fingi si nulla sunt. Sed hæc adiuant in oratore, lenitas uocis, uultus, pudoris significatio, uerborum comitas: si quid persquare acrius, ut inuitus & coactus facere uideare: facilitatis, liberalitatis, mansuetudinis, pietatis, grati animi, non appetentis, nō auidi signa proferri perutile est: eaq; omnia quæ proborum, demissorum, non acriū, non pertinacium, nō litigiosorum, non acerborū sunt, ualdè beneuolentiam conciliant, abalienantq; ab ijs in quibus hæc non sunt. Itaque eadem sunt in aduersarios ex contrario conferenda. Sed genus hoc totum orationis in ijs causis excellit, in quibus minus potest inflammari animus iudicis acri & uehementi quadam incitatione. Non enim semper fortis oratio queritur: sed sæpè placida, summissa, lenis, quæ maxime commendat reos. reos autē appello, non eos modò qui arguuntur, sed omnes quorū dere



de re disceptatur: sic enim olim loquebantur. Horum igitur exprimere mores oratione, iustos, integros, religiosos, timidos, perferentes iniuriarum, mirum quiddam ualet: & hoc uel in principijs, uel in re narranda, uel in peroranda tantam habet uim, si est suauiter & cum sensu tractatum, ut sæpe plus quam causa ualeat. tantum autem efficitur sensu quodam ac ratione dicendi, ut quasi mores oratoris effingat oratio. genere enim quodam sententiarum & genere uerborum, adhibita etiam actione leni, facultateque significandi, efficitur ut probi, ut benè morati, ut boni uiri esse uideantur. Huic autem est illa dispar adiuncta ratio orationis, quæ alio quodam genere mentes iudicum permouet, impellitque; ut aut oderint, aut diligant, aut inuideant, aut saluum uelint, aut metuant, aut aspernant, aut cupiant, aut abhorreant, aut letentur, aut mœreant, aut misereantur, aut punire uelint, aut ad eos motus adducantur, si qui finitimi sunt & propinqui his ac talibus animi perturbationibus. Atque illud optandum est oratori, ut aliquam permotionem animorum sua sponte ipsi afferant ad causam iudices, ad id quod utilitas oratoris feret accommodatam. facilius est enim currente (ut aiunt) incitare, quam comonere languentem. Sin id aut non erit, aut erit obscurius, sicut medico diligenti priusquam conetur agro adhibere (b) medicinam, non solum morbus eius cui mederi uolet, sed etiam consuetudo ualentis, & natura corporis cognoscenda est: sic equidem cum aggredior ancipitem causam & grauem ad animos iudicum pertractandos, omni mente in ea cogitatione curaque uersor, ut odoror quam sagacissime possim, quid sentiant, quid existiment, quid expectent, quid uelint, quò deduci oratione facillime posse uideantur.



deantur. Si se dant, & ut antè dixi, sua sponte quò im=  
 pellimus inclinant atq; propendent, accipio quod datur,  
 et ad id unde aliquis flatus ostenditur, uela do. sin est in=  
 teger quietusq; iudex, plus est operis : sunt enim omnia  
 dicèdo excitanda, nihil adiuvante natura. Sed tantà uim  
 habet illa quæ rectè à bono poëta dicta est flexanima at=  
 que omnium regina rerū oratio, ut non modò inclinantiē  
 erigere, aut stantem inclinare, sed etiam aduersantē et re=  
 pugnantem, ut imperator, bonus ac fortis capere possit.  
 Hæc sunt illa quæ me ludens Crassus modò flagitabat,  
 quæ à me diuinitus tractari solere diceret: & in causa M.  
 Aquilij, Caij q; Norbani, nonnullisq; alijs, quasi præla=  
 re acta laudaret : quæ mehercule ego, Crasse, cū à te  
 tractātur in causis, horrere soleo. tanta uis animi, tantus  
 impetus, tantus dolor, oculis, uultu, gestu, digito denique  
 isto tuo significari solet. tantum est flumen grauissim=  
 rum optimorumq; uerborum, tam integræ sententiæ,  
 tam ueræ, tam nouæ, tam sine pigmentis fucq; puerilit  
 ut mihi non solum tu incendere iudicem, sed ipse arde=  
 re uidearis. Neque fieri potest, ut doleat is qui audit,  
 ut oderit, ut inuideat, ut pertimescat aliquid, ut ad fle=  
 tū misericordiamq; deducatur: nisi omnes ij motus quos  
 orator adhibere uolet iudici, in ipso oratore impressi  
 esse atq; iniusti uidebuntur. Quòd si fictus aliquis dolor  
 suscipiendus esset, & si in eiusmodi genere orationis ni=  
 hil esset nisi falsum atque imitatione simulatum: maior  
 ars aliqua forsitan esset requirenda. nunc ego quid tibi,  
 Crasse, quid cæteris accidat, nescio : de me autem causa  
 nulla est, cur apud homines prudentissimos atq; amicis=  
 simos mentiar, non mehercule unquam apud iudices aut  
 dolorem, aut misericordiam, aut inuidiam, aut odium



excitare dicendo uolui: quin ipse in commouendis iudicibus ijs ipsis sensibus, ad quos illos adducere uellem, permoueret. Neque enim facile est perficere, ut irascatur cui tu uelis iudex, si tu ipse id lentè ferre uideare: neq; ut oderit eum quem tu uelis, nisi te ipsum flagrantem odio antè uiderit: neque ad misericordiam adducatur, nisi ei tu signa doloris tui uerbis, sententijs, uoce, uultu, collachrymatione deniq; ostenderis. Vt enim nulla materies tam facilis ad exardescendum est, quæ nisi adnoto igni ignem concipere possit: sic nulla mens est  
 126 tam ad comprehendendam (a) uim oratoris parata, quæ possit incendi, nisi inflammatus ipse ad eam et ardens accesseris. Ac ne fortè hoc magnum ac mirabile esse uideatur, hominem toties irasci, toties dolere, toties omni animi motu concitari, præsertim in rebus alienis: magna uis est earum sententiarum, atque eorum locorum quos agas tractesq; dicendo, ut nihil opus sit simulatione et fallacijs. Ipsa enim natura orationis eius quæ suscipitur ad aliorum animos permouendos, oratorem ipsum magis etiam quàm quenguam eorum qui audiunt, permouet. et ne hoc in causis, in iudicijs, in amicorum periculis, in concursu hominum, in ciuitate, in foro accidere miremur: cum agitur non solum ingenij nostri existimatio (nam id esset leuius: quanquam cum professus sis te id posse facere quod pauci, ne id quidem negligendum est) sed alia sunt maiora multò, fides, officiū, diligentia: quibus rebus adducti, etiam cum alienissimos defendimus, tamē eos alienos, si ipsi boni uiri uolumus haberi, existimare non possumus: sed ut dixi, ne hoc in nobis mirum esse uideatur, quid potest esse tam fictum, quàm uersus, quàm scena, quàm fabulæ: tamen in hoc genere sæpè ipse iudi,



uidi, cum ex persona mihi ardere oculi hominis histrio-  
nis uiderentur. spondalia illa dicentis.

Segregare abs te ausus, aut sine illo Salamina ingredi,

Neq; paternum aspectum es ueritus. —

Nunquam illum aspectum dicebat, quoniam mihi Telamon  
iratus furere luctu filij uideretur. Ut idem inflexa ad  
miserabilem sonum uoce,

— Quem etate exacta indigem

Liberum lacerasti, orbasti, extinxisti: neq; fratris necis,  
Neq; gnati eius parui, qui tibi in tutelam est traditus.

flens ac lugens dicere uidebatur: Quare si ille histrio quo-  
tidie cum ageret, tamen recte agere sine dolore non po-  
terat: quid Pacuuium putatis in scribendo leni animo  
ac remisso fuisse? Fieri nullo modo potuit. Sape enim au-  
dini, poetam bonum neminem (id quod à Democrito  
et Platone in scriptis relictum esse dicunt) sine inflam-  
matione animorum existere posse, et sine quodam as-  
tatu quasi furoris. Quare nolite existimare, me ipsum,  
qui non heroum ueteres casus fictosq; luctus uellem imi-  
tari, atque adumbrare dicendo, neque actor essem alie-  
ne personæ, sed author meæ: cum mihi Marcus Aquia-  
lius in ciuitate retinendus esset, quæ in illa causa pero-  
randa fecerim, sine magno dolore fecisse. Quem enim  
ego consulem fuisse, imperatorem ornatum à senatu, or-  
nantem in Capitolium ascendisse meminisse: hunc cum  
afflictum, debilitatum, moerentem, in summum discrimen  
adductum uiderem, non prius sum conatus (b) misericor-  
diam alijs commouere, quam misericordia sum ipse captus.  
Sensi equidem tum magnopere moueri iudices, cum ex-  
citau iustus ac sordidatum senem: et cum ista feci que-  
tu, Crasse, laudas, non arte, de qua quid loquar nescio,



sed motu magno animi ac dolore: ut discinderè tunicam, ut cicatrices ostenderem, cum C. Marius mœrorem orationis meæ præsens ac sedens multum lachrymis suis adiuuaret. cumq; ego illum crebrò appellans, collegam ei suum commendarem, atq; ipsum aduocatam ad communem imperatorem fortunam defendendam inuocarem: non fuit hæc sine meis lachrymis, non sine dolore magno miseratio, omniumq; deorum & hominum, & ciuium & sociorum imploratio: quibus omnibus uerbis quæ à me tùm sunt habita, si dolor absuisset meus, non modò non miserabilis, sed etiam irridenda fuisset oratio mea. Quamobrem hoc uos doceo, Sulpiti, bonus ego uidelicet atq; eruditus magister, ut in dicendo irasci, ut dolere, ut flere possitis: quanquam te quidem quid hoc doceam? qui in accusando sodali & quaestore meo tantum incendium non oratione solùm, sed multò etiam magis ui & dolore & ardore animi concitaras, ut ego ad id restringendum uix conarer accedere. habueras enim tùm omnia in causa superiora: uim, fugam, lapidationem, & crudelitatem tribunitiam in Cepionis graui miserabilisq; casu, in iudicium uocabas. deinde principem & senatus & ciuitatis M. Aemiliũ lapide percussum esse constabat: ui pulsum ex templo L. Cottæ et T. Didium, cum intercedere uellent rogationi, nemo poterat negare. Accedebat, ut hæc tu adolescens pro Repub. queri summa cum dignitate existimare: ego homo censorius uix satis honestè uiderer seditiosum ciuem, & in hominis consularis calamitate crudelem, posse defendere. Erant optimi ciues iudices, bonorum uirorum plenum forum, uix ut nubi tenuis quædam uenia daretur excusationis, quod tamen eum defenderem, qui mihi quaestor fuisset.

Hic



Hic ego quid dicam me artem aliquam adhibuisse? quid fecerim narrabo, si placuerit: uos meam defensionem in aliquo artis loco reponetis. Omnium seditionum genera, uitia, pericula collegi, eamq; orationem ex omni rei pub. nostræ temporum uarietate repetui: cōclusq; ita, ut dicerem, & si omnes molestæ semper seditiones fuissent, iustas tamen fuisse nonnullas, & propè necessarias. Tum illa quæ modò Crassus commemorabat, egi: neque reges ex hac ciuitate exigi, neq; tribunos pleb. creari, neque plebis citis toties consularem potestatem minui, neque prouocationem patronam illam ciuitatis, ac uindictam libertatis populo Ro. dari sine nobilium dissensione potuisse: ac si illæ seditiones saluti huic ciuitati fuissent, non (a) continuò si quis matius populi factus esset, id C. Norbano in nefario crimine, atque in fraude capitali esse ponendum. Quòd si unquam populo Ro. concessum esset, ut iure concitatus uideretur, id quòd docebam sæpè esse concessum, nullam illa causam iustiore fuisse. Tum omnem orationem traduxi, & conuerti in increpandam Cepionis fugam, in deplorandum interitum exercitus: sic & eorum dolorem qui lugebant suos oratione refricabam, & animos equitum Romanorum, apud quos tum iudices causa agebatur: ad Q. Cepionis odium, à quo erant ipsi propter iudicia abalienati, reuocabam atq; reuocabam. Quòd ubi sensi me in possessione iudicij ac defensionis meæ constituisse, quòd & populi benevolentiam mihi conciliaram, cuius ius etiam cum seditionis coniunctione defenderam: & iudicum animos totos uel calamitate ciuitatis, uel luctu ac desiderio propinquorum, uel odio proprio in Cepionem ad causam nostram conuerteram: tunc admiscere huic generi ora-



tionis uehementi atq; atroci genus illud alterum, de quo ante disputauimus, lenitatis et mansuetudinis cecepi. me pro meo sodali, qui mihi in liberum loco more maiorum esse deberet, et pro mea omni fama propè fortunisq; decernere: nihil mihi ad existimationem turpius, nihil ad dolorem acerbius accidere posse, quàm si is qui sepe alienissimis à me, sed meis tamen ciuibus saluti existimarer fuisse, sodali meo auxilium ferre non potuissem. Petebam à iudicibus, ut illud etati meae, ut honoribus, ut rebus gestis, si iusto, si pio dolore me esse affectum uiderent, concederent: praesertim si in alijs causis intellexissent, omnia me semper pro amicorum periculis, nihil unquam pro me ipso deprecatum. Sic in illa omni defensione atq; causa, quod esse in arte positum uidebatur, ut de lege Appuleia dicerem: ut quid esset minuire maiestatem explicarem, per quam breuiter perstrinxi atq; attigi. His duabus partibus orationis, quarum altera cōcitationem habet, altera commendationem, quae minimè praeceptis artium sunt perpolitae, omnis est à me illa causa tractata: ut et acerrimus in Cepionis inuidia renouanda, et in meis meritis erga meos necessarios declarandis mansuetissimus uiderer, ita magis affectis animis iudicum quàm doctis tua, Sulpiti, est à nobis tū accusatio uicta. Hic Sulpitius: Verè herculè, inquit, Antoni, ista commemoras: nam ego nihil unquā uidi, quod tam è manibus elabere tur, quàm mihi tum est elapsa illa causa. cū enim, quem admodum dixisti, tibi ego non iudiciū, sed incendium tradidissem, quod tuū principium, dii immortales, fuit? qui timor? quae dubitatio? quanta haesitatio, tractusq; uerborum? Ut illorum initio, quod tibi unum ad ignoscendum homines dabant, tenuisti: te pro homine (b) pernecessario quae



rio quaestore tuo dicere: quam tibi primum munisti ad te  
 audiendum uiam? Ecce autem cum te nihil aliud profe-  
 cisse arbitrarer, nisi ut homines tibi ciuem improbum de-  
 fendenti ignoscendum propter necessitudinem arbitra-  
 rentur: serpere occulte coepisti, nihil dum alijs suspican-  
 tibus, me uero iam pertimescente: ut illam non Norbani  
 seditionem, sed illam populi R. iracundiam, neq; eam in-  
 iustam, sed meritam, ac debitam fuisse defenderes. Dein-  
 de qui locus abs te praetermissus est in Cepionem? ut tu  
 illa omnia odio, inuidia, misericordia miscuisti? neq; haec  
 solum in defensione, sed etiam in Scauro, ceterisq; meis  
 testibus, quorum tu testimonia non refellendo, sed ad eun-  
 dem impetum populi confuziendo, refutasti? Quae cum  
 abs te modo commemorarentur, equidem nulla praece-  
 pta desiderabam: istam enim ipsam demonstrationem de-  
 fensionum tuarum abs te ipso commemoratam, doctri-  
 nam esse non mediocrem puto. Atqui si ita placet, inquit  
 Antonius, trademus etiam, quae nos sequi in dicendo, quaeq;  
 maxime spectare solemus. docuit enim iam nos longa ui-  
 ta, usq; rerum maximarum: ut quibus rebus animi ho-  
 minum mouerentur, teneremus. Equidem primum consi-  
 derare soleo, postulet ne causa. nam neq; paruis in rebus  
 adhibendae sunt hae dicendi faces, neq; ita animatis homi-  
 nibus, ut nihil ad eorum mentes oratione flectendas profi-  
 cere possimus: ne aut irrisione aut odio digni putemur,  
 si aut tragœdias agamus in iudicijs, aut conuellere adoria-  
 mur ea quae non possint commoveri. Nam quoniam hae  
 ferè maxime sunt in iudicium animis, aut quicunq; illi e-  
 runt apud quos agemus, oratione molienda, amor, odium,  
 iracundia, inuidia, misericordia, spes, leticia, timor, mo-  
 lestia: sentimus amore conciliari, si id uelle uideare, quod



sit utile ipsis apud quos agas, defendere: si aut pro bonis uiris, aut certe pro ijs qui illis boni atque utiles sint, laborare. namq; hæc res amorē magis conciliat, illa uirtutis defensio charitatem; plusq; proficit, si proponitur spes utilitatis futuræ, quàm præteriti beneficii commemoratio. Enitendum est, ut ostendas in eare quam defendas, aut dignitatem inesse, aut utilitatem; eumq; cui concilies hunc amorem, significes nihil ad utilitatem suam retulisse, ac nihil omnino fecisse causa sua. inuidetur enim commodis hominum ipsorum, studijs autem eorum cæteris commodandi fauetur. Videndumq; hoc loco est, ne quos ob benefacta diligi uolemus, eorum laudem atque gloriam, cui maxime inuideri solet, nimis efferre uideamur. Atq; ijsdem his ex locis et odium in alios struere discemus, et à nobis ac nostris dimouere: eademq; hæc genera tractanda sunt in iracundia uel excitanda, uel sedanda. nam si, quod ipsis qui audiunt perniciosum aut inutile sit, id factum (a) augeas, odium creatur: sin quod aut in bonos uiros, aut in eos quos quisq; minime debuerit, aut in remp. tum excitatur, si nō tam acerbū odium, tamen aut inuidiæ, aut odij non dissimilis offensio. Item timor incutitur aut ex ipsorum periculis, aut ex communibus: interior est ille proprius. sed hic quoq; communis ad eandē similitudinē est perducendus. Par atq; una ratio est spei, leticiæ, molestiæ. Sed haud sciā an acerrimus lōgē sit omnium motus inuidiæ: nec minus uirium opus sit in ea comprimenda, quàm in excitanda. inuident autē homines maxime paribus, aut inferioribus: cum se relictos sentiunt, illos autem dolent euolasse. sed etiam superioribus inuidetur sæpe uehementer: et eo magis, si intolerantius se iactant, et æquabilitatem communis iuris, præstan-



prestantia dignitatis aut fortune sue transeunt. quæ si inflammanda sunt, maximè dicendum est, non esse uirtute parta; deinde etiam uitij atque peccatis, tum si erunt honestiora atque grauiora, tamen non esse tanti ulla merita, quanta insolentia hominis, quantumque fastidium. Ad sedandū autem, magno illa labore, magnus periculis esse parta, nec ad suum cōmodum, sed ad aliorum esse collata; scilicetque si quam gloriam peperisse uideatur, tamen si ea nō sit iniqua merces periculi, tamen ea non delectari, totamque abijcere atque deponere. omninoque perficiendum est (quoniam plerique sunt inuidi, maximeque est hoc commune uitium & peruagatum: inuidetur autem prestanti florentique fortune) ut hæc opinio minuat, & illa excellens opinione fortuna, cum laboribus & miserijs permixta esse uideatur. Iam misericordia mouetur, si is qui audit, adduci potest, ut illa quæ de altero deplorentur, ad suas res reuocet, quas aut tulerit acerbas, aut timeat, aut intuens alium crebro ad seipsum reuertatur. ita cum singuli casus humanarum miseriarum grauius accipiuntur, si dicuntur dolenter: tum afflicta & prostrata uirtus maxime luctuosa est. & ut illa altera pars orationis, quæ probitatis commendatione boni uiri debet speciem tueri, lenis (ut sæpe iam dixi) atque summissa: sic hæc quæ suscipitur ab oratore ad cōmutandos animos, atque omniratione flectendos, intenta ac uehemens esse debet. Sed est quedam in his duobus generibus, quorum alterum lenis, alterum uehemens esse uolumus, difficiilis ad distinguendum similitudo. nam ex illa lenitate, qua conciliamur ijs qui audiunt, ad hanc uim acerrimam, qua eosdem excitamus, influat oportet aliquid: & ex hac ui nonnunquam animi aliquid influendū est



illi lenitati. neque est ulla temperatior oratio, quam illa in qua asperitas contentionis orationis ipsius (b) humanitate conditur: remissio autem lenitatis quadam gravitate et contentione firmatur. In utroque autem genere dicendi, et illo in quo vis atque contentio queritur, et hoc quod ad uitam et mores accommodatur: et principia tarda sunt, et exitus tamen spissi et producti esse debent. Nam neque assiliendum statim est ad illud genus orationis (abest enim totum à causa) et homines prius ipsum illud quod proprium sui iudicii est, audire desiderant: nec cum in eam rationem ingressus sis, celeriter discedendum est. Non enim sicut argumentum, simulatque positum est, arripitur, alterumque et tertium poscitur: ita misericordiam, aut inuidiam, aut iracundiam, simulatque intuleris, possis commouere. Argumentum enim ratio ipsa confirmat: quae simulatque emissa est, adherescit. illud autem genus orationis non cognitionem iudicis, sed magis perturbationem requirit: quam consequi nisi multa, et uaria, et copiosa oratione, et simili contentione actionis, nemo potest. Quare qui aut breuiter, aut summis dicunt, docere iudicem possunt, commouere non possunt, in quo sunt omnia. Iam illud perspicuum est, omnium rerum in contrarias partes facultatem ex iisdem suppeditari locis. Sed argumento resistendum est, aut ijs quae comprobandi eius causa sumuntur reprehendendis: aut demonstrando id quod concludere illi uelint, non effici ex propositis, nec esse consequens: aut si ita non refellas, asserendum est in contrariam partem, quod sit aut grauius, aut aequè graue. Illa autem quae aut conciliatio nis causa leuiter, aut per motionis uehementer aguntur, contrarijs commotionibus inferenda sunt: ut odio be-

neuo-



uolentia, ut misericordia inuidia tollatur. Suavis autē  
 est, & uehementer sapē utilis iocus & facietia: quæ etiā  
 si alia omnia tradi arte possunt, naturæ sunt propria cer-  
 tē, neq; ullam artē desiderāt. in quibus tu lōgē alijs mea  
 sententia, Cæsar, excellis: quo magis mihi etiam testis es-  
 se potes, aut nullā esse artem salis: aut si qua est, eam nos  
 tu potissimum docebis. Ego uerō, inquit Cæsar, omni de  
 re facilius puto posse ab homine nō iniurbano, quā de  
 ipsis facetijs disputari. Itaque cū quosdam Græcos in-  
 scriptos libros esse uidissem de ridiculis, nonnullam in-  
 spem ueneram posse me aliquid ex istis discere: inueni  
 autem ridicula, & falsa multa Græcorum. nam et Sici-  
 li in eo genere, & Rhodij & Byzantij, & præter cæte-  
 ros Attici excellunt: sed qui eius rei rationem quandam  
 conati sunt artēq; tradere, sic insulsi extiterunt, ut ni-  
 hil aliud eorū nisi ipsa insulsi tas rideatur. Quare mihi  
 quidem uidetur nullo modo doctrina ista res posse tra-  
 di. Etenim cū duo genera sint facietiarum, alterū aqua-  
 buliter in omni sermone fusum, alterum peracutū & bre-  
 ue: illa à ueteribus superior cauillatio, hæc altera (a) di-  
 cacitas nominata est. leue nomen habet utraq; rest quip-  
 pe leue est totum hoc risum mouere. Veruntamen, ut di-  
 cis, Antoni, multum in causis persapē lepore & facetijs  
 profici uidi. Sed cū in illo genere perpetuæ festiuitatis  
 ars nō desideretur: natura enim fingit homines, & cre-  
 at imitatores, & narratores facetos, & uultu adiuuan-  
 te, & uoce, & ipso genere sermonis: tū uerō in hoc al-  
 tero dicacitatis, quid habet ars loci? cū antē illud face-  
 tē dictum emissum hæere debeat, quā cogitare potuis-  
 se uideatur? Quid enim hic meus frater ab arte adiuuari  
 potuit, cū à Philippo interrogatus quid latraret, su-  
 rem



rem se uidere respondit. quid in omni oratione Crassus,  
 uel apud Centumuiros contra Scauolam, uel contra ac=  
 cusatorem Brutum, cum pro Gn. Plancio diceret: nam id  
 quod tu mihi tribuis, Antoni, Crasso est omniū sententia  
 cōcedendū: nō enim ferē quisquā reperietur prater hunc  
 in utroq; genere leporis excellens, & illo quod in perpe=  
 tuitate sermonis, et hoc quod in celeritate atq; dicto est.  
 Nam hæc perpetua cōtra Scauolā Curiana defensio, to=  
 ta redundauit hilaritate quadā et ioco: dicta illa breuia  
 non habuit. parcebat enim aduersarij dignitati, in quo  
 ipso seruabat suā: quod est hominibus facietis & dicaci=  
 bus difficillimū: habere hominum rationem, & tempo=  
 rum, & ea quæ occurrāt, cum falsissimē dici possint, te=  
 nere. Itaq; nonnulli ridiculi homines hoc ipsum non in=  
 fuisse interpretantur. dicere enim aiunt Ennium, flammā  
 à sapiente facilius ore in ardente opprimi, quā bona  
 dicta teneat. hæc scilicet bona dicta, quæ falsa sint: nam  
 ea dicta appellantur proprio iam nomine. Sed ut in Sca=  
 uolam cōtinquit ea Crassus, atq; illo altero genere, in quo  
 nulli aculei contumeliarū inerant, causam illā disputa=  
 tionemq; lusit: sic in Bruto, quem oderat, & quem di=  
 gnū contumelia iudicabat, utroque genere pugnauit.  
 quā multa de balneis, quas nuper ille uēdiderat: quā  
 multa de amisso patrimonio dixit: atq; illa breuia, cum  
 ille diceret se sine causa sudare. Minimē mirū, inquit, mo=  
 dō enim existi de balneis. Innumerabilia huiusmodi fue=  
 runt, sed nō minus illa iucunda perpetua. cum enim Bru=  
 tus duos lectores excitasset, & alteri de colonia Narbo=  
 nensi Crassi orationem legendam dedisset, alteri de lege  
 Seruilia, & cum contraria inter sese de repub. capita con=  
 tulisset: noster hic facetissimē tres patris Bruti de iure ci=  
 uili



uili libellos tribus legendos dedit. Ex libro primo: For-  
tè euenit, ut in Priuernati essemus. Brute, testificatur pa-  
ter se tibi Priuernatem fundum reliquisse. deinde ex li-  
bro secundo: In Albano eram ego & Marcus filius.  
sapiens uidelicet homo cum primis nostræ ciuitatis, no-  
rat hunc gurgitem, metuebat ne (b) cùm is nihil habe-  
ret, nihil esse ei relictum putaretur. tùm ex libro tertio,  
in quo finem scribendi fecit: tot enim, ut audiui Scæuolā  
dicere, sunt ueri Bruti libri. In Tyburti fortè assedimus  
ego & M. filius. ubi sunt ij fundi, Brute, quos tibi pater  
publicis cōmentarijs consignatos reliquit? quod nisi pro-  
berem te, inquit, iam haberet, quartum librum compo-  
suisset, & se etiam in balneis locutum cum filio scriptū  
reliquisset. Quis est igitur, qui non fateatur hoc le-  
pore, atque ijs facetijs non minus refutatū esse Bru-  
tum, quàm illis tragœdijs quas egit idem? cùm casu in  
eadem causa cum funere efferretur anus Iunia, proh di-  
immortales, quæ fuit illa, quanta uis, quàm inexpecta-  
ta, quàm repentina? cùm coniectis oculis, gestu omni  
imminenti, summa grauitate & celeritate uerborum,  
Brute quid sedes? quid illam anum patri nunciare uis  
tuo? quid illis omnibus quorum imagines duci uides?  
quid maioribus tuis? quid Lucio Bruto, qui hunc po-  
pulum dominatu regio liberauit? quid te facere? cui rei?  
cui gloriæ, cui uirtuti studere? patrimonio ne augendo?  
at id non est nobilitatis: sed fac esse, nihil superest, libi-  
dines totum dissipauerunt. an iuri ciuili? est paternum:  
sed dicet, te cùm edes uenderes, ne in rutis quidem &  
caesis solum tibi paternum recepisse. An rei militaris?  
qui nunquam castra uideris: an eloquentia? quæ nula  
la est in te: & quicquid uocis ac linguae, omne in istum  
turpissi-



turpissimum calumnie questum contulisti. Tu lucem aspiciere audes? tu hos intueris? tu in foro? tu in urbe? tu in ciuium esse conspectu? tu illam mortuam? tu imagines ipsas non perhorrescis? quibus non modò imitandis, sed ne collocandis quidem tibi ullum locum reliquisti. Sed hæc tragica atque diuina: faceta autem et urbana innumerabilia ex una concione mentauisti. nec enim concio maior unquam fuit, nec apud populum grauior oratio, quàm huius contra collegam in censura nuper, neque lepore et festiuitate conditior. Quare tibi, Antoni, utrūque assentior: et multum facetias in dicendo prodesse sepe, et eas arte nullo modo posse tradi. et illud quidem admiror, te nobis in eo genere tribuisse tantum, et non huius rei quoque palmam, ut cæterarum, Crasso detulisse. Tum Antonius: Ego uerò ita fecissem, inquit, nisi interdum in hoc Crasso paulum inuiderem. nam esse quamuis facetum atque falsum, non nimis est per se ipsum inuidendum, sed cum omnibus uenustissimus et urbanissimus, omnium grauissimus et seuerissimus et esse et uideri: quod isti contingit uni, id mihi uix ferendum uidebatur. Hic cum arrisisset ipse Crassus: Attamen, inquit Antonius, cum artem esse facetiarum, Iuli, negares, aperuisti quiddam  
130 (a) quod præciendum uideretur. Haberi enim dicitur rationem oportere hominum, rei, temporis, ne quid iocus de grauitate decerperet: quod quidem in primis à Crasso obseruari solet. Sed hoc præceptum præmittendum est facetiarum, quòd his nihil opus sit, nos autem quomodo utamur, cum opus sit, querimus: ut in aduersarium, et maxime si eius stulticia poterit agitari, in testem stultum, cupidum, leuem, si facile homines au-  
ditur



dituri uidebuntur. Omnino probabiliora sunt, quæ la-  
cessiti dicimus, quam quæ priores, nam & ingenij cele-  
ritas maior est quæ apparet in respondendo, & huma-  
nitatis est responsio: uidemur enim quieturi fuisse, nisi  
essemus lacesiti. ut in ista ipsa concione nihil ferè di-  
ctum est ab hoc, quod quidē facetius dictum uideretur,  
quod non prouocatus responderit: erat autem tanta gra-  
uitas in Domitio, tanta authoritas, ut quod esset ab eo  
obiectum, lepore magis eleuandum, quam contentione  
frangendum uideretur. Tum Sulpitius: Quid igitur, in-  
quit, patiemur Casarem: qui quanquam Crasso facetias  
concedit, tamen multò in eo studio magis ipse elaborat:  
non explicare totum nobis genus hoc iocandi, quale sit,  
& unde deducatur? præsertim cum tantam uim & uti-  
litatem salis & urbanitatis esse fateamur. Quid si, in-  
quit Iulius, assentior Antonio dicenti, nullam esse artem  
salis? Hic cum Sulpitius reticuisset: Quasi uerò, inquit  
Crassus, horum ipsorum de quibus Antonius tamdiu lo-  
quitur, ars ulla sit. obseruatio quedam est, ut ipse dixit,  
earū rerum quæ in dicendo ualent: quæ si eloquentes fa-  
cere possent, quis esset nō eloquens? quis enim hæc uel nō  
facile, uel certè aliquo modo posset ediscere? Sed ego in  
his præceptis hanc uim & hanc utilitatē esse arbitror:  
non ut ad reperiendum quid dicamus, arte ducamur, sed  
ut ea quæ natura, quæ studio, quæ exercitatione conse-  
quimur, aut recta esse confidamus, aut parua intelliga-  
mus, cum quò referenda sint didicerimus. Quare, Caesar,  
ego quoq; à te hoc peto, ut si tibi uidetur, disputes de  
hoc toto iocandi genere, quid sentias: ne qua fortè dicen-  
di pars, quoniam ita uoluisti, in hoc tali coetu, atque in  
eius accurato sermone præterita esse uideatur. Ego ue-  
rò



ro, inquit ille, quoniam collectam à conuiuia, Crasse, exi-  
gis, non committam, ut si defugerim, tibi causam ali-  
quam dem recusandi: quanquam soleo sepè mirari co-  
rum impudentiam, qui agunt in scena gestum spectante  
Roscio, quis enim sese commouere potest, cuius ille ui-  
tia non uideat? sic ego nunc Crasso audiente primum lo-  
quar de facetijs, & docebo sus (ut aiunt) oratorē eum,  
quem cum Catulus nuper audiuisset, scenum alios aiebat  
esse oportere. Tū ille: Iocabatur, inquit, presertim cum  
ita dicat ipse, ut ambrosia alendus esse uideatur. uerū  
te, Caesar, audiamus, aut ad Antonij reliqua redeamus.  
Et Antonius: Per pauca quidem mihi restant, inquit: sed  
tamē defessus iam labore atq; itinere disputationis meae,  
requiescam in Caesaris sermone, quasi in aliquo perop-  
portuno diuersorio. Atqui, inquit Iulius, nō nimium li-  
berale hospitium meū dices: nam te in uiam simulac per  
paululum gustaris, extrudam & eiciam. Ac ne diu-  
tius uos demorer, de omni isto genere quid sentiam per-  
breuiter exponam. De risu quinque sunt, quae quaran-  
tur: unum, quid sit: alterum, unde sit: tertium, sit ne orato-  
ris uelle risum mouere: quartum, quatenus: quintum, quae  
sint genera ridiculi. Atq; illud primū, quid sit ipse risus,  
quo pacto concitetur, ubi sit, quomodo existat, atq; ita  
repente erumpat, ut eum cupientes tenere nequeamus:  
& quomodo simul latera, os, uenas, uultum, oculos oc-  
cupet, uiderit Demoeritus, neque enim ad hunc sermonem  
hoc pertinet, & si pertineret, nescire me tamen id non  
puderet: quod ne ipsi quidē illi scirent, qui pollicentur.  
Locus autem & regio, quasi ridiculi (nam id proximē  
quaeritur) turpitudine et deformitate quadam continen-  
tur. haec enim ridentur uel sola, uel maximē quae notant  
& desi-



Et designant turpitudinem aliquam non turpiter. Est  
 autē, ut ad illud tertium ueniam, est planē oratoris mo-  
 uere risum: uel quod ipsa hilaritas beneuolentiam con-  
 ciliat ei per quē excitata est: uel quod admirantur omnes  
 acumen uno sepe in uerbo positum, maximē respon-  
 dentis, nonnunquam etiam laceffentis: uel quod frangit  
 aduersarium, quod impedit, quod eleuat, quod deterret,  
 quod refutat: uel quod ipsum oratorem politum esse ho-  
 minem significat, quod eruditum, quod urbanum, maxi-  
 meq; quod tristitiam ac seueritatem mitigat et relaxat,  
 odiosasq; res sepe, quas argutis dilui non facile est, io-  
 co risuq; dissoluit. Quatenus autem sint ridicula tra-  
 ctanda oratori, perquam diligenter uidendum est: id  
 quod in quarto loco quærendi posueramus. nam nec in-  
 signis improbitas, et scelere iuncta, nec rursus miseria  
 insignis agitata ridetur. facinorosos enim maiore qua-  
 dam ui quam ridiculi uulnerari uolunt, miseros illud  
 nolunt, nisi si se fortē iactant. Parcendū est autem maxi-  
 mē charitati hominū, ne temerē in eos dicas qui diligun-  
 tur. Hæc igitur adhibendā est primū in iocando modera-  
 tio. Itaq; ea facillimē ludūtur, quæ neq; odio magno, nec  
 misericordia maxima digna sunt. Quamobrem materies  
 omnis ridiculorū est in istis uitij, quæ sunt in uita homi-  
 num neq; charorum, neq; calamitosorum, neq; eorū qui  
 ob facinus ad supplicium rapiendi uidētur: eaq; (a) bellē <sup>132</sup>  
 agitata ridetur. Est etiam deformitatis et corporis ui-  
 tiorum satis bella materies ad iocandum. Sed quærimus  
 idem, quod in cæteris rebus maximē quærendū est, qua-  
 tenus. in quo non modō illud præcipitur, ne quid insul-  
 se, sed etiam si quid perridiculē possis: uitandum est ora-  
 tori utrunq; ne aut scurrilis iocus sit, aut mimicus. Quæ  
 K k cuiusmodi



cuiusmodi sint, facilius iam intelligemus, cum ad ipsarum  
 diculorum genera uenerimus. Duo enim sunt genera fa-  
 cetiarum, quorum alterum re tractatur, alterum dicto.  
 Re, si quando quid tanquam aliqua fabella narratur: ut  
 olim tu, Crasse, in Memmium, comedis eum lacertum  
 Largij, cum esset cum eo Tarracina de annicula rixa-  
 tus: falsa, attamen à te ipso ficta tota narratio. addidisti  
 clausulam: tota Tarracina, tum omnibus in parietibus  
 inscriptas fuisse literas, tria LLL. duo MM. Cum qua-  
 reris id quid esset, senem tibi quendam oppidanum di-  
 xisse: Lacerat lacertum Largij mordax Memmius. Per-  
 spicitis hoc genus quam sit facetum, quam elegans, quam  
 oratorium: siue habeas uerè quod narrare possis, quod  
 tamen est mendaciunculis aspergendum, siue fingas. Est  
 autem hæc huius generis uirtus, ut ita facta demonstres,  
 ut mores eius de quo narres, ut sermo, ut uultus omnes  
 exprimantur, ut ipsi qui audiunt, tum geri illa fierique ui-  
 deantur. In re est item ridiculum, quod ex quadam de-  
 prauata imitatione sumi solet: ut idem Crassus per tuam  
 nobilitatem, per uestram familiam, quid aliud fuit in quo  
 concio rideret, nisi illa uultus et uocis imitatio? per  
 tuas statuas uerò cum dixit, et extento brachio paulu-  
 lum etiam de gestu addidit, uehementius risimus. Ex hoc  
 genere est illa Rosciana imitatio senis.

Tibi ego Antipho assero, inquit, senium est cum audio.  
 Atque ita est totum hoc ipso genere ridiculum, ut cautissi-  
 me tractandum sit. mimorum est enim ethologorum, si ni-  
 mia est imitatio, sicut obscenitas. orator surripiat opor-  
 tet imitationem, ut is qui audiat, cogitet plura quam ui-  
 deat: præstet idem ingenuitatem et ruborè suum uerbo-  
 rum turpitudine, et rerum obscenitate. Vitanda hæc er-



go duo genera sunt eius ridiculi quod in re positum est, quæ sunt propria perpetuarum facietiarum: in quibus describuntur hominum mores, & ita effinguntur, ut aut re narrata aliqua, quales sunt intelligantur, aut imitatione breuiter iniecta in aliquo insigni ad irridendum uitio reperiantur. In dicto autem ridiculo est id, quod uerbi aut sententiæ quodam acumine mouetur, sed ut in illo superiore genere, uel narrationis, uel imitationis, uitanda est mimorum ethologorum similitudo, sic in hoc scurrilis oratori dicacitas magnopere fugienda est. Qui igitur distinguemus à Crasso, à Catulo, à cæteris familiaribus uestrum Granium (b) aut Vargulam amicū meum? nō mehercule in mentem mihi quidem uenit: sunt enim dicaces, Granio quidem nemo dicacior. Hoc opinor, primum, ne quotiescunq; potuerit dictum dici, necesse habeamus dicere. Pusillus testis proceßit, licet inquit rogare Philippus? tum quæsitōr, properans modò breuiter: hic ille, nō accusabis, perpusillum rogabo. ridiculè, sed sedebat iudex L. Aurifex breuior etiam quàm ipse testis: omnis est risus in iudicem conuersus, usum est totum scurrile iudicium. Ergo hæc quæ cadere possunt in quos nolis, quamuis sint bella, sunt tamen ipso genere scurrilia: ut iste qui se uult dicacem, & mehercule est, Appius: sed nonnunquam in hoc uitium scurrile delabitur. Cœnabo, inquit, apud te, huic lusco familiari meo C. Sextio, uni enim locum esse uideo. est hoc scurrile, & quod sine causa laceßiuit, et tamen id dixit quod in omnes luscōs conueniret, ea quia meditata putantur esse, minus ridentur. Illud egregium Sextij, & ex tempore: Manus laua, inquit, & cœna. Temporis igitur ratio, & ipsius dicacitatis moderatio, & temperantia, & raritas dictorum



distinguet oratorem à scurra: & quod nos cum causa dicimus, non ut ridiculi uideamur, sed ut proficiamus aliquid, illi totum diem & sine causa. Quid enim est Var- gula affectus? cum eum candidatus A. Sempronius cum Marco suo fratre complexus esset, Puer abige muscas. risum quæsiuit, qui est mea sententia uel tenuissimus ingenij fructus. Tempus igitur dicendi prudentia & grauitate moderabimur, quarum utinam artem aliquam haberemus: sed domina natura est. Nunc exponamus genera ipsa summam, quærisum maxè moueant: Hæc igitur sit prima partitio, quod facètè dicatur, id alias in re habere, alias in uerbo facetias: maxime autem homines delectari, si quando risus coniunctè re uerboq; moueatur. Sed hoc mementote, quoscunq; locos attingam unde ridicula ducantur, ex ijsdem locis serè etiam graues sententias posse duci. tantum interest quòd grauitas honestis in rebus seuerè, iocus in turpiculis & quasi deformibus ponitur: uelut in ijsdem uerbis & laudare frugè seruum possumus, & si est nequam, iocari. Ridiculum est illud Neronianum uetus in furace seruo: solum esse, cui domi nihil sit nec obsignatum, nec occlusum. quod idem in bono seruo dici solet, sed hoc ijsdè etiam uerbis. ex ijsdem autem locis omnia nascuntur. Nam quod Sp. Caruilio grauitè claudicanti ex uulnere ob Remp. accepto, et ob eam causam uerecundanti in publicum prodire mater dixit: Quin prodis, mi Spuri, ut quotiescunq; gradum facias, toties tibi tuarum uirtutū ueniat in mentem? Præclarū & graue est, quod Caluino Glaucia claudicanti: Vbi est uetus illud? num claudicat? at (a) hic claudicat. Hoc ridiculum est, & utrunq; ex eo quod in claudicatione animaduerti potuit, est ductum. quid hoc Næuio igna-



uio ignauius? Seuerè Scipio. At in malè olentem, Video me à te circumueniri; subridiculè Philippus. At utrumque genus continet uerbi ad literam immutati similitudo. Ex ambiguo dicta uel argutissima putantur, sed non semper in ioco, sæpè etiam in grauitate uersantur. Africano illi maiori coronam sibi in conuiuio ad caput accommodanti, cum ea sæpius rumperetur, P. Licinius Varus: Noli mirari, inquit, si non conuenit, caput enim magnum est. Laudabile, & honestum. At ex eodem genere est. Caluus satis est, quod dicit: Parum ne multas nullum genus est ioci, quo non ex eodem seuera & grauiasumantur. Atque hoc etiam animaduertendum, non esse omnia ridicula faceta. Quid enim potest tam ridiculum, quàm Sannio est? sed ore, uultu, imitandis moribus, uoce, denique corpore ridetur ipso. falsum hunc possum dicere, atque ita non ut eiusmodi oratorem esse uelim, sed ut minimum. Quare primum genus hoc quod risum uel maxime mouet, non est nostrum, morosum, superstitiosum, suspiciosum, gloriosum, stultum. naturæ ridetur ipse quas personas agitare solemus, non sustinere. Alterum genus est imitatione admodum ridiculum, sed nobis tantum licet furtim, si quando, & cursim. Alterum minimè est liberale. Tertium, oris deprauatio, non digna nobis. Quartum, obscœnitas, non solum non foro digna, sed uix conuiuio liberorum. Detractis igitur tot rebus ex hoc oratorio loco, facetiæ reliquæ sunt, quæ aut in re, ut antè diuisi, posita uidentur esse, aut in uerbo. nam quod quibuscumque uerbis dixeris, facetum tamen est, re continetur: quod mutatis uerbis salem amittit, in uerbis habet leporem omnem. Ambigua sunt in primis acuta, atque in uerbo posita, non in re: sed non se-



pè magnum risum mouent, magis ut bellè & literatè dicta laudantur, ut in illum Titium, qui cùm studiose pilaluderet, & idem signa sacra noctu frangere putaretur, gregalesq; eum in campum non uenisse requirerent, excusauit Vesp̃a Terentius, quòd eum brachium fregisse diceret, ut illud Africani, quòd est apud Lucilium:

Quid Decius Nuculam, an confixum uis facere inquit? Vt tuus amicus, Crasse, Granius, non esse sextantis. Et si queritis, is qui appellatur dicax, hoc genere maxime excellit, sed risus mouent alia maiores. Ambiguum per se ipsum, probatur id quidem, ut antè dixi, uel maxime: ingeniosi enim uidetur um uerbi in aliud atq; ceteri accipiant, posse ducere: sed admirationem magis quàm risum (b) mouet, nisi si quando incidit in aliud genus ridiculi. quæ genera percurrā e quidem: sed scitis esse notissimum ridiculi genus, cùm aliud expectamus, aliud dicitur. hic nobis metipsis noster error risum mouet, quòd si admistum est etiam ambiguum, sit falsius. ut apud Næuium uidetur esse misericors ille, qui iudicatum duci uidet, percunctatur ita:

Quanti addictus? mille nummum.

Si addidisset tantummodò, Discas licet: esset illud genus ridiculi præter expectationem, sed quia addidit,

— Nihil addo, ducas licet:

addito ambiguo altero genere ridiculi fuit, ut mihi quidem uidetur, falsissimus. Hoc tū est uenustissimū, cùm in altercatione arripitur ab aduersario uerbū, et ex eo, ut à Catulo in Philippū, in eum ipsum aliquid qui laceßiuit infligitur. Sed cùm plura sint ambigui genera, de quibus est doctrina quedā subtilior, attēdere et aucupari uerba oportebit, in quo, ut ea quæ sint frigidiora uitemus, etc.



nim cauendū est ne arcessitū dictū putetur, permulta tamē acutē dicemus. Alterū genus est, quod habet paruam uerbi immutationem, quod in litera positū Græci uocāt *ωαρονομία*, ut nobiliorem mobiliorem Cato: aut ut idē, cūm cuidā dixisset, Eamus deambulātū: et ille, Quid opus fuit de? Immo uerō, inquit, quid opus fuit te? aut eiusdem responsio illa, Si tu et aduersus et auersus impudicus es. Etiam interpretatio nominis habet acumē, cūm ad ridiculum conuertas, quamobrem ita quis uocetur: ut ego nuper, Nummium diuiforē, ut Neoptolemū ad Troiam, sic illum in campo Martio nomē inuenisse. atq; hæc omnia uerbo continentur. Sæpē etiam uersus faciet interponitur, uel ut est, uel paululū immutatus. aut aliqua pars uersus, ut socius Seauro stomachāti, ex quo sunt nōnulli qui tuam legem de ciuitate natam, Crasse, dicant, St, tacete, quid hoc clamoris est? quibus nec pater, nec mater sit,

Tanta confidentia estis, auferte istam enim superbiam. Nam in Celio sanē etiam ad causam utile fuit tuum illud, Antoni, cūm ille à se pecuniam profectā diceret te stis, et haberet filium delicatiorem, abeunte iam illo, Sentim' senem esse tactum triginta minis?

In hoc genus coniiciuntur proueria, ut illud Scipionis, cum Asellus omnis prouincias stipendia merentē se per agrasse gloriaretur: Agas Asellum, et cetera. Quare ea quoq; quoniā mutatis uerbis non possunt retinere eandē uenustatē, non in re, sed in uerbis posita ducantur. Est etiā in uerbo positū nō insulsum genus ex eo, cūm (a) ad uerbū, non ad sentētiā rē accipere uideare. ex quo uno genere totus est Tutor, minus uetus, oppido ridiculus. Sed ab eo à mimis, tantū g<sup>us</sup> huius ridiculi insigni ali-



qua & notare notari uolo. Est autē ex hoc genere illud quod tu, Crasse, nuper ei qui terogasset, num tibi molestus esset futurus, si ad te benē ante lucē uenisset; tu uerō inquisti: Molestus nō eris. iubebis igitur te, inquit, suscitari? & tu: Certē negaras te molestum futurū. Ex eodem hoc uetus illud est, quod aiunt Maluginensem illum M. Scipionem, cū ex centuria sua renunciaret Accidmum consulem, præcoq; dixisset: Dic de L. Manlio: Virum bonū, inquit, egregiumq; ciuē esse arbitror. Ridiculē etiam illud L. Portius Nasica Censori Catoni, cū ille, Ex tui animi sententia tu uxore habes? nō mehercule, inquit, ex animi tui sententia. Hæc aut frigida sunt, aut tū falsa, cū aliud est expectatum. natura enim nos (ut antē dixi) non ster delectat error, ex quo cū quasi decepti sumus expectatione, ridemus. In uerbis etiam illa sunt, quæ aut ex immutata oratione ducuntur, aut ex unius uerbi translatione, aut ex inuersione uerborum. Ex immutatione, ut olim Rufca, cum legem ferret annalem, dissuasor M. Seruilius: Dic mihi, inquit, M. Pinnari, num, si contra te dixerō, mihi malē dicturus es, ut ceteris fecisti? Vt semētē feceris, ita metes, inquit. Ex translatione autem, ut cū Scipio ille maior Corinthijs statuam pollicentibus eo loco ubi aliorum essent imperatorum, turmales dixit displicere. Inuertuntur autem uerba, ut Crassus apud M. Perpennam iudicem pro Aculeone cū diceret: aderat contra Aculeonem Gratidiano L. Heluius Lamia deformis, ut nostris: qui cum interpellaret odiose: Audiamus, inquit, pulchellum puerum, Crassus. cū esset arrisum, Non potui mihi, inquit, Lamia, formam ipse fingere, ingenium potui. tū hic: Audiamus, inquit, disertum. multo etiam arrisum est uehementius. Sunt etiam illa uenusta, ut



sta, ut in grauibz sententijs, sic in facetijs. Dixi enim dum materiã aliam esse ioci, aliam seueritatis: grauium autem & iocorum unam esse rationem. Ornant igitur in primis orationem uerba relata contrariè, quod idem genus est sæpè etiam facetum: ut Seruius ille Galba, cum iudices L. Scribonio Tribuno Pl. ferret familiares suos, & dixisset Libo: Quando tandè Galba de triclinio tuo exhibis? Cum tu, inquit, de cubiculo alieno. A quo genere ne illud quidem plurimum distat, quod Glaucia Metello: Villã in Tyburte habes, cortem in palatio. Ac uerborum quidem genera quæ essent faceta, dixisse me puto. Rerum plura sunt, eaq; magis (ut dixi antè) ridètur, in quibus est narratio, res sanè difficilis. Exprimenda enim sunt & ponenda antè oculos ea quæ uideantur & (b) uerisimilia, quod est proprium narrationis: & quæ sint, quod ridiculi proprium est, subturpia. cuius exemplum ut breuissimũ sit sanè illud quod antè posui, Crassus de Mëmmino. Et ad hoc genus ascribamus etiam narrationes apologorum. Trahitur etiam aliquid ex historia, ut cum Sex. Titius se Cassandram esse diceret: Multos, inquit Antonius, possum tuos Aiaces Oileos nominare. Est etiam ex similitudine, quæ aut collationem habet, aut tanquam imaginem, collationem, ut ille Gallus olim testis in Pisonem, cum innumerabilem Magio præfecto pecuniam dixisset datam, idq; Scaurus tenuitate Magij redargueret: Erras, inquit, Scaure: ego enim Magium non conseruasse dico, sed tanquam nudus nuces legeret in uentrem abstulisse. Vt illud M. Cicero senex, huius uiri optimi nostri familiaris pater: nostros homines similes esse Syrorum uenaliũ: ut quisque optimè Græcè sciret, ita esse nequissimũ. Valde autem riden-



tur etiam imagines, quæ ferè in deformitatem aut in ali-  
quod uitium corporis ducuntur, cum similitudine tur-  
pioris, ut meum illud in Helmium Manciam: iam osten-  
dam cuiusmodi sis, cum ille, Ostende quæso: demonstraui  
digito pictum Gallû in Mariano scuto Cimbrico sub no-  
dis distortum, eiecta lingua, buccis fluentibus. Risus est  
cômotus, nihil tam Mancie simile uisum est, ut cum Te-  
stio Penario mentum in dicendo intorquenti, tum ut di-  
ceret si quid uellet, si nucem fregisset. Etiam illa, quæ mi-  
nuendi aut augendi causa ad incredibilem admirationem  
efferruntur: uelut tu, Crasse, in cõcione, ita sibi ipsum ma-  
gnum uideri Memmium, ut in forû descendens caput ad  
fornicem Fabij demitteret. Ex quo genere etiã illud est,  
quod Scipio apud Numantiã cum stomacharetur cû C.  
Metello, dixisse dicitur: Si quintum pareret mater eius,  
asinum fuisse parituram. Arguta etiam significatio est,  
cum parua re, & sæpè uerbo, res obscura & latens illu-  
stratur: ut cum C. Fabricio P. Cornelius homo, ut existi-  
mabatur, auarus & furax, sed egregiè fortis et bonus im-  
perator, gratias ageret: quòd se homo inimicus cõsulem  
fecisset, bello præsertim magno & graui: Nihil est, quo  
mihi gratias agas, inquit, si malui compilari, quàm ue-  
nire. ut Asello Africanus obijcienti lustrû illud infelix:  
Noli inquit, mirari. is enim qui te ærarijs exemit, lustrû  
condidit, & taurum immolauit. Tanta suspicio est, ut re-  
ligione ciuitatem obstrinxisse uideatur Mummius, quòd  
Asellum ignominia leuauit. Urbana etiã dissimulatio est,  
cum alia dicuntur ac sentias, non illo genere, de quo an-  
tè dixi, cum contraria dicas, ut Laniæ Crassus: sed cum  
toto genere orationis seuerè ludas, cum aliter sentias ac  
loquare: ut noster Scauola Septumuleio illi Anagnino,  
cui



cui pro C. Gracchi capite (a) erat aurum repensum, roganti, ut se in Asiam praefectum duceret: Quid tibi uis, inquit, insane? tanta malorum est multitudo ciuium, ut tibi ego hoc confirmem, si Romae manseris, te paucis annis ad maximas pecunias esse uenturum. In hoc genere Fannius in annalibus suis Africanū hunc Aemilianū dicit fuisse, & eum Græco uerbo appellat ἐπώρα. Sed uti ferunt, qui melius hæc norunt, Socratem opinor in hac ironia dissimulatiq; longè lepore et humanitate omnibus præstitisse. genus est perelegans, et cū grauitate salsum, cumq; oratorijs dictionibus, tum urbanis sermonibus accommodatū. et herculè omnia hæc quæ à me de facetijs disputantur, non maiora forensium actionū, quàm omnium sermonū condimenta sunt. Nam, quod apud Cætonem est, qui multa retulit, ex quibus à me exempli causa multa ponuntur, per mihi scitū uidetur C. Publicium solitū dicere P. Mummiū, cuius tempore hominem esse. sic profectò res se habet, nullum ut sit uitæ tempus, in quo non deceat leporem humanitatemq; uersari. Sed redeo ad cætera. Est huic finitimū dissimulationi, cū honesto uerbo uitiosares appellatur: ut cū Africanus Censor tribu mouebat eum centurionem, qui in Pauli pugna non affuerat: cū ille se custodiæ causa diceret in castris remansisse, quæreretq; cur ab eo notaretur: Non amo, inquit, nimium diligentes. Acutum etiam illud est, cum ex alterius oratione aliud excipias atque ille uult: ut Salinatori Maximus, cū Tarento amisso arcem tamen Liuius retinuisset, multaq; ex ea prælia præclara fecisset: cū aliquot post annos Maximus id oppidum recepisset, rogaretq; eum Salinator, ut meminisset opera sua se Tarentū recepisse: Quid ni, inquit, meminero?

nunquam



nunquam ego recepissem, nisi tu perdidisses. Sunt etiam illa subabsurda, sed eo ipso nomine sæpè ridicula, non solum nimis perapposita, sed etiam quodammodo nobis: Homo satius postquam rem habere cœpit, est mortuus. Quid est tibi ista mulier? uxor? similis medius fidius. quandiu ad aquas fuit, nunquã est mortuus. Genus hoc lenius, & ut dixi, mimicum: sed habet nonnunquam aliquid etiam apud nos loci, ut uel non stultus quasi stultè cum sale dicat aliquid. ut tibi, Antoni, Mancina, cum audisset te censorem à M. Duronio de ambitu postulatam: Aliquando, inquit, tibi tuum negocium agere licebit. ualdè hæc ridentur, & herculè omnia quæ à prudentibus quasi per dissimulationem non intelligendi subabsurda sæpè dicuntur. Ex quo genere est etiam, non uideri intelligere quod intelligas. ut Pontidius: Qualem existimas qui in adulterio deprehenditur? tardum. Ut ego, qui in delectu Metello, cum excusatione oculorum (b) à me non acciperet, & dixisset, Tu igitur nihil uides? Ego uerò, inquam, à porta Exquilina uideo uillam tuam. ut illud Nasica, qui cum ad poetam Ennium uenisset, eiq; ab ostio quærenti Ennium ancilla dixisset, domi nō esset: Nasica sensit illam domini iussu dixisse, et illū intus esse. paucis post diebus cum ad Nasicam uenisset Ennius, & eū à ianua quæreret, exclamat Nasica se domi nō esse: tū Ennius, Quid? ego non cognosco uocē, inquit, tuam? hinc Nasica: Homo es impudens: ego cum te quærerem, ancillæ tuæ credidi te domi nō esse, tu mihi non credis ipsi? Est bellū illud quoq; ex quo is qui dixit, irridetur in eo ipso genere quod dixit. ut cum Q. Opimius consularis, qui adolescentulus malè audisset, festiuo homini Egilio, qui uideretur mollior, nec esset, dixisset:

Quid



— Quid tu Egilia mea,  
Quando ad me uenis cum tua colu & lana?

— Non pol (inquit) audeo:

Nam me ad famosas uetuit mater accedere.

Salsa sunt etiam, quæ habent suspitionē ridiculi absconditam: quo in genere est illud Siculi, cui cū familiaris quidam quæreretur, quod diceret uxorem suam suspensisse se de ficu: Amabo te, inquit, da mihi ex ista arbore quos feram surculos. In eodem genere est, quod Catulus dixit cuidā oratori malo: qui cū in epilogo misericordiam se mouisse putaret, postquam assedit, rogauit hūc, uideretur ne misericordiā mouisset? Ac magnam quidē, inquit: neminem enim puto esse tam durum, cui nō oratio tua miserāda uisa sit. Me quidē herculē ualde illa mouent stomachosa, et quasi submorosa ridicula: non cū à moroso dicuntur (tū enim non sal, sed natura ridetur) In quo, ut mihi uidetur, persalsum illud est apud Neuū: Quid ploras pater? Mirum, ni cantē, condemnatus sum. Huic generi quasi contrariū est ridiculi genus patientis ac lenti: ut cū Cato percussus esset ab eo qui arcam ferebat, cū ille diceret, Caue: rogauit, nunquid aliud ferebat præter arcam? Etiam stulticiæ salsa reprehensio, ut ille Siculus, cui prætor Scipio patronū causæ dabat hospitium suum, hominem nobilem, sed admodum stultum: Quæso, inquit prætor, aduersario meo da istum patronum, deinde mihi neminem dederis. Mouent illa etiam, quæ coniectura explanantur longē aliter atq; sunt, sed acutē atque concinnē: ut cū Scaurus accusaret Rutiliū ambitus, cū ipse consul esset factus, ille repulsam tulisset, & in eius tabulis ostenderet literas AFP R, idq; diceret esse Achum fide P. Rutilij; Rutilius autem, ante factum



factum postrelatum C. Cannius eques (a) Rom. cum  
 Rufo adesset, exclamat neutrum illis literis declarari.  
 Quid ergo, inquit Scaurus, Aemilius fecit? plectitur Ru-  
 tilius. Ridentur etiam discrepantia: Quid huic abest, ni-  
 si res et uirtus? Bella etiam est familiaris reprehensio=  
 quasi errantis: ut cum obiurgauit Albius Granium,  
 quod cum eius tabulis quiddam Albutio probatum uide-  
 retur, et ualde absoluto Scaeuola gauderet, neq; intelli-  
 geret contra suas tabulas esse iudicatum. Huic similis est  
 etiam admonitio in consilio dando familiaris: ut cum pa-  
 trono malo, cum uocem in dicendo obtudisset, suadebat  
 Granius, ut mulsum frigidum biberet, simulac domum  
 redisset: Perdam, inquit, uocem, si id fecero: Melius est, in-  
 quit, quam reum. Bellum etiam est, cum quid cuiq; sit  
 consentaneum dicitur: ut cum Scaurus nonnullam habe-  
 ret inuidiam ex eo quod Phrygionis Pompeij locuple-  
 tis hominis bona sine testamento possederat, sederetq;  
 aduocatus reo Bestiae, cum finus quoddam duceretur: ac-  
 cusator C. Memmius. Vide, inquit, Scaure, mortuus rapi-  
 tur, si potes esse possessor. Sed ex his omnibus nihil ma-  
 gis ridetur, quam quod est praeter expectationem, cuius  
 innumerabilia sunt exempla: uel Appij maioris illius, qui  
 in senatu, cum ageretur de agris publicis, ei de lege Tho-  
 ria, et premeretur Lucilius ab ijs qui a pecore eius de-  
 pasci agros publicos dicerent: Non est, inquit, Lucilij pe-  
 cus illud, erratis. defendere Luciliū uidebatur. ego liberū  
 puto esse, quā lubet pascitur. Placet etiam mihi illud Sci-  
 pionis illius, qui T. Gracchum perculit, cum ei M. Flac-  
 cus multis probris obiectis P. Mutium iudicem tulisset:  
 Eiero, inquit, iniquus est. cum esset admurmurātū: Ah,  
 inquit, Patres conscripti, nō ego mihi illum iniquū eiero,  
 uerū



uerum omnibus. Ab hoc uerò Crasso nihil facitius, cum  
laxisset testis Silus Pisonem, quod se in eum audisse dixis-  
set: Potest fieri, inquit, Sile, ut is unde te audisse dicis, ira-  
tus dixerit: annuit Silus. potest etiam ut tu non rectè in-  
tellexeris: id quoque toto capite annuit, ut se Crasso da-  
ret. potest etiam fieri, inquit, ut omnino quod te audisse  
dicis, nunquam audieris: hoc ita præter expectationem  
accidit, ut testem omnium risus obrueret. Huius generis  
est plenus Nanius, & iocus est familiaris:

Sapiens, si algebis, tremes.

& alia permulta. Sæpè etiam facetè concedas aduersa-  
rio id ipsum quod tibi ille detrahit. ut C. Lælius, cum ei  
quidam malo genere natus diceret, indignū esse suis ma-  
ioribus: Vt herculè, inquit, ut tuis dignus. Sæpè etiam  
sententiose ridicula dicuntur. ut M. Cincius, quo die le-  
gem de donis et muneribus tulit, cum C. Cento prodiss-  
set, & satis contumeliose, Quid fers Cinciole? quæsisset:  
Vt emas, inquit, Cai, si uti uelis. Sæpè etiā false quæ fieri  
non possunt, optantur. ut M. Lepidius (b) cum cæteris  
in campo exercentibus, in herba ipse recubisset: Vellem  
hoc esset, inquit, laborare. Salsum est etiā, querentibus  
& quasi percunctantibus lentè respondere quod nollent.  
ut censor Lepidus, cum M. Antistio Pirgensi equū ade-  
misset, amiciq; cum uociferarentur, & quererent quid  
ille patri suo responderet. cur ademptum sibi equum di-  
ceret, cum optimus colonus, parcissimus, modestissimus,  
frugalissimus esset? Me istorū, inquit, nihil credere. Col-  
liguntur à Græcis alia nōnulla, execrationes, admiratio-  
nes, minationes. Sed hæc ipsa mihi uideor multa in  
genera descripsisse. nam illa quæ uerbi ratione & ui con-  
tinentur, certa ferè ac definita sunt: quæ plerūq; ut antè  
dixi,



dixi, laudari magis quā rideri solent. hæc autē quæ sunt in re et in ipsa sententia, partibus sunt innumerabilia, generibus pauca. Expectationibus enim decipiendis, et naturis aliorū irridendis, ipsorū ridiculè indicandis et similitudine turpioris, et dissimulatione, et subabsurda dicendo, et stulta reprehendendo, risus mouentur. Itaq; imbuendus est is qui iocose uult dicere, quasi natura quædam apta ad hæc genera, et moribus: ut ad cuiusq; modi genus ridiculi uultus etiam accommodetur. qui quidē quod seuerior est et tristior, ut in te, Crasse: hoc illa quoq; quæ dicuntur, falsiora uideri solent. Sed iam tu, Antoni, qui hoc diuersorio sermonis tui libenter acquieturum te esse dixisti, tanquam in Pontinum diuerteris, neq; amœnū, neq; salubrē locum censeo, ut satis diu putes requiuisse, et iter reliquum conficere pergas. Ego uero, atque hilarē quidem à te acceptus, inquit: et cū doctior per te, tum etiam audacior factus sum ad iocandum. Non enim uereor, ne quis me in isto genere leuiorem iam putet: quoniam quidem tu Fabricios mihi authores, et Africanos, Maximos, Catones, Lepidos protulisti. Sed habetis ea quæ uolulistis ex me audire: de quibus quidem accuratius dicendum et cogitandum fuit. nam cætera faciliora sunt, atq; ex ijs quæ iam dicta sunt, reliqua nascuntur omnia. Ego enim cū ad causam sum aggressus, atq; omnia cogitando, quoad facere potui, persecutus, cū et argumenta cause, et eos locos quibus animi iudicium conciliantur, et illos quibus permouentur, uidi atq; cognoui: tū constituo quid habeat quæq; causa boni, quid mali. nulla enim ferè res potest in dicendi disceptationem aut controuersiam uocari, quæ non habeat utrunq; sed quantum habeat, id refert. mea autem ratio

in di-



in dicendo hæc esse solet, ut boni quod habeat, id ample-  
ctar, uxorem, exaggerem, ibi commorer, ibi habitem,  
ibi hæream. à malo autem uitioq; causæ ita recedam, non  
ut id me defugere appareat, sed ut totū bono illo ornan-  
do & augendo dissimulatum obruatur. et si causa (a) est 136  
in argumentis, firmissima quæq; maxime tueor, siue plu-  
ra sunt, siue aliquod unum. sin autem in conciliatione  
aut in permotione causa est, ad eam me potissimum par-  
tem quæ maxime cōmouere animos hominū potest, con-  
fero. Summa deniq; huius generis hæc est, ut si in resel-  
lendo aduersario firmior esse oratio, quàm in cōfirman-  
dis nostris rebus potest, omnia in illum conseram tela.  
sin nostra facilius probari quàm illa redargui possunt,  
abducere animos à contraria defensione, & ad nostram  
conor traducere. Duo deniq; illa quæ facilima uidentur,  
quoniam quæ difficiliora sunt, nō possum, mihi pro meo  
iure sumo. unum, ut molesto aut difficili argumento aut  
loco nonnunquam omnino nihil respondeam, quod for-  
sit an aliquis iurē irriserit. quis enim est qui id facere non  
possit? sed tamen ego de mea nunc, nō de aliorum facul-  
tate disputo: confiteorq; me, si quæ premat res uehemen-  
tius, ita concedere solere, ut nō modò non abiecto, sed nē  
reiecto quidem scuto fugere uidear: sed adhibere quan-  
dam in dicendo speciem atq; pompam, & pugnae simi-  
lem fugam: consistere uerò in meo præsidio, sic ut nō fu-  
giendi hostis, sed capiendi loci causa cessisse uidear. Alte-  
rum est illud, quod ego oratori maxime cauendum &  
prouidendum puto, quodq; me sollicitare summe solet:  
non tam ut prosim causis elaborare soleo, quàm ut ne  
quid obsim: non quoniam enitendum sit in utroq; sed tamen  
multo est turpius oratori, nocuisse uideri causæ, quàm



non profuisse. Sed quid hoc loco uos inter uos, Catule? an hæc ut sunt contemnenda, contemnitis? Minimè, inquit ille: sed Cæsar de isto ipso quiddam uelle dicere uidebatur. Me uerò lubente, inquit Antonius, dixerit, siue reuellendi causa, siue querendi. Tum Iulius: Ego me hercule, inquit, Antoni, semper is fui, qui de te oratore sic prædicarem, unum te in dicendo mihi uideri cautissimum: propriumq; hoc esse laudis tuæ, nihil à te unquam esse dictum, quod obesset ei pro quo diceres. idq; memoria teneo, cum mihi sermo cum hoc ipso Crasso multis audientibus esset de te institutus, Crassusq; plurimis uerbis eloquentiam laudaret tuam, dixisse me, cum cæteris tuis laudibus hanc esse uel maximam, quod non solum quod opus esset diceres, sed etiam quod non opus esset non diceres. tum illū mihi respondere memini, cætera in te summe esse laudanda: illud uerò improbi esse hominis et perfidiosi, dicere quod alienum esset, & noceret ei pro quo quisq; diceret: quare non sibi eum disertum qui id non faceret uideri, sed improbum qui faceret. Nunc si tibi uidetur, Antoni, demonstres uelim, quare tu hoc ita magnum: putes nihil in causa mali facere, ut nihil tibi in oratore maius esse uideatur. Dicam equidem, Cæsar, inquit, quid intelligam: (b) sed & tu, & uos omnes hoc, inquit, mementote, non me de perfecti oratoris diuinitate quadam loqui, sed de exercitationis & consuetudinis meæ mediocritate. Crassi quidem responsum excellentis cuiusdam est ingenij ac singularis: cui quidem potenti simile esse uisum est, posse aliquem inueniri oratorem, qui aliquid mali faceret dicendo, obessetq; ei quem defenderet. facit enim de se coniecturam, cuius tanta uis ingenij est, ut neminem nisi consulto putet, quod cōtra se ipsam



ipsum sit, dicere: sed ego non de præstanti quadã & exi-  
mia, sed propè de uulgari & cõmuni prudentia dispu-  
to. Vt apud Græcos fertur incredibili quadã magnitudi-  
ne cõsiliij atq; ingenij Atheniẽsis ille fuisse Themistocles:  
ad quem quidã doctus homo atq; in primis eruditus ac-  
cessisse dicitur, eiq; artẽ memoriæ, quæ tũ primũ pro-  
ferebatur, pollicitũ esse se traditurũ. cũ ille quæsisset,  
quid nam illa ars efficere posset? dixisse illũ doctorem, ut  
omnia meminisset: & ei Themistocleẽ respondisse, gratius  
sibi illum esse facturum, si se obliuisci quæ uellet, quàm si  
meminisse docuisset. Vides ne, quæ uis in homine acerr-  
mũ ingenij, quã potens, et quanta mens fuerit? qui ita re-  
sponderit, ut intelligere possemus, nihil ex illius animo  
quod semel esset infusum, unquam effluere potuisse: cũ  
quidem ei fuerit optabilius obliuisci posse potius quod  
meminisse nollet, quàm quod semel audisset, uidisset, &  
meminisse. Sed neq; propter hoc Themistoclis respõsum  
memoriæ nobis opera danda non est, neq; illa mea cautio  
& timiditas in causis propter præstantem prudentiam  
Crasi negligenda est. uterq; enim istorum non mihi at-  
tulit aliquam, sed suam significauit facultatem. Etenim  
per multa sunt in causis, in omni parte orationis circũ-  
spiciunda, ne quid offendas, ne quod irruas. Sæpè aliquis  
testis aut non lædit, aut minus lædit, nisi lacessatur: orat-  
reus, urgent aduocati, ut inuehamur, ut maledicamus,  
deniq; ut interrogemus: non moueor, non obtempero,  
non satisfacio: neq; tamen ullam assequor laudem. homi-  
nes enim imperiti facilius quod stultè dixeris reprehẽ-  
dere, quàm quod sapienter tacueris laudare possunt. Hic  
quantum sit mali, si iratum, si non stultum, si non leuem  
testem læseris? habet enim et uoluntatem nocendi in ira-



cundia, & uim in ingenio, & pondus in uita: nec si hoc Crassus non committit, ideo non multi, & sepe committunt. quo quidem mihi uideri turpius nihil solet, quam cum oratoris dicto aliquo, aut responso, aut rogato, sermo ille sequitur: occidit ille aduersarium ne? immo uero aiunt se, & eum quem defendit. hoc Crassus non putat nisi perfidia accidere posse: ego autem sapissime uideo in causis aliquid mali facere homines minime malos. Quid  
 137 (a) illud quod supra dixi, solere me cedere, & ut planius dicam, fugere ea quae etiam ualde causam meam premerent? cum id non faciunt alij, uersanturque in hostium castris, ac sua perfidia demittunt, mediocriter ne causis nocent? cum aut aduersariorum adiumenta confirmant, aut ea quae sanare nequeunt, exulcerant? Quid cum personarum quas defendunt, rationem non habent? si quae sunt in his inuidiosa, non mitigant extenuando, sed laudando & effereudo inuidiosiora faciunt? quantum est in eo tantum mali? Quid si in homines charos, iudicibusque iucundos, sine ulla praemunitioe orationis acerbius & contumeliosius inuehere, non ne abs te iudices abalienes? Quid si quae uitia aut incommoda sunt in aliquo iudice uno aut pluribus, ea tu in aduersarijs exprobrando non intelligas te in iudices inuehi, mediocre peccatum est? Quid si cum pro altero dicas, litem tuam facias, aut laesus efferrare iracundia, causam relinquas, nihil ne nocuas? In quo ego, non quod libenter male audiam, sed quia ego causam non libenter relinquo, nimium patiens & lentus existimor, ut cum te ipsum Sulpiti obiurgabam, quod ministratorem peteres, non aduersarium. Ex quo etiam illud assequor, ut si quis mihi male dicat, petulans aut plane insanus esse uideatur. In ipsis autem argumentis si quid posueris



posueris aut aperte falsum, aut ei quod dixeris, dicturus es, contrarium, aut genere ipso remotum ab usu iudiciorum ac foro, nihil ne noceas? Quid multa? omnis cura mea solet in hoc uersari semper (dicā enim sepius) si possum, ut boni aliquid efficiam dicendo: sin id minus, ut certē ne quid mali. Itaque nunc illūc redeo, Catule, in quo tu me paulo antē laudabas: ad ordinem collocatio- nemq; rerum ac locorum, cuius ratio est duplex: altera, quam affert natura causerum: altera, quæ oratorum iudicio & prudentia cōparatur. Nam ut aliquid ante rem dicamus, deinde ut rem exponamus, post ut eam probe- mus nostris præsidijs confirmandis, contrarijs refutan- dis: deinde ut concludamus, atq; ita peroremus: hoc di- cendi genus natura ipsa præscribit. Vt uerò statuamus eā quæ probandi, docendi, persuadendi causa dicenda sunt, quemadmodū componamus, id est uel maxime propriū oratoris prudentiæ. Multa enim occurrunt argumenta, multa quæ in dicendo profutura uideantur: sed eorum partim ita leuia sunt, ut cōtemnenda sint: partim etiam, si quid habent adiumenti, sunt nonnunquam eiusmodi, ut in sit in ijs aliquid uitij: neq; tanti sit illud quod pro- desse uideatur, ut cum aliquo malo coniungatur. Quæ autem sunt utilia atque firma, si ea tamen (ut sæpē sit) ualde multa sunt, ea quæ ex ijs aut leuissima sunt, aut alijs grauioribus consimilia, secerni arbitror oportere, atq; ex oratione remoueri. equidem cūm (b) colligo ar- gumenta causerum, non tām ea numerare soleo, quā expendere. Et quoniam, quod sæpē iam dixi, tribus re- bus omnes ad nostram sententiam perducimus, aut do- cendo, aut conciliando, aut permouendo: una ex tribus his rebus res præ nobis est ferenda, ut nihil aliud nisi do-



cere uelle uideamur: reliquæ duæ sicuti sanguis in corporibus, sic illæ in perpetuis orationibus suscipi debent. Nam & principia, & cæteræ partes orationis, de quibus paulò post pauca dicemus, habere hanc uim magnopere debent: ut ad eorum mentes apud quos agetur, mouendæ permanere possint. Sed his partibus orationis, quæ etsi nihil docent argumentando, persuadendo tamen & commouendo perficiunt plurimùm: quanquam maximè proprius est locus & in exoriendo, & in perorando: digreditamen ab eo quod proposueris atque agas, permouendorum animorum causa, sæpè utile est. Itaq; uel narratione exposita sæpè datur ad commouendos animos digrediendi locus, uel argumentis nostris conformatis, uel contrarijs refutatis, uel utroq; loco, uel omnibus, si habet eam causa dignitatē atq; copiam, rectè id fieri potest: hæq; causæ sunt ad agendum et ad ornandum grauissimæ atque plenissimæ, quæ plurimos exitus dant ad eiusmodi digressionē, ut his locis uti liceat, quibus animorum impetus eorum qui audiunt aut impellantur, aut reflectantur. Atque etiam in illo reprehendo eos, qui quæ minimè firma sunt, ea prima collocant: in quo illos quoque errare arbitror, qui si quando (id quod mihi nunquam placuit) pluris adhibent patronos, ut in quòque eorum minimum putant esse, ita cum primum uolunt dicere. Res enim hoc postulat, ut eorum expectationi qui audiunt, quàm celerrimè occurratur: cui si initio satisfactum non sit, multò plus sit in reliqua causa laborandum. malè enim se res habet, quæ non statim ut dici cœpta est, melior fieri uidetur. Ergo ut in oratore optimus quisq; sic & in oratione firmissimum quodq; sit primum: dū illud tamē in utroq; teneatur, ut ea quæ æquè

excell-



excellant, seruentur etiam ad perorandum: si quæ erunt mediocria (nam uitiosis nusquam esse oportet locum) in mediam turbā atq; in gregem conijciantur. Hisce omnibus rebus consideratis, tum denique id quod primum est dicendum, postremo soleo cogitare, quo utar exordio. nam si quando id primum inuenire uolui, nullū mihi occurrit, nisi aut exile, aut nugatorium, aut uulgare, atque cōmune. Principia autem dicendi semper cū accurata, & acuta, & instructa sententijs, apta uerbis, tum uerō causarum propria esse debent. prima est enim quasi cognitio, & cōmendatio orationis in principio, quæ continuo (a) eum qui audit, permulcere atq; allicere debet. 138 In quo admirari soleo non equidē istos qui nullam huic rei operam dederunt, sed hominem in primis disertum atq; eruditū Philippum: qui ita solet ad dicendū surgere, ut quod primum uerbum habiturus sit, nesciat: & ait idem, cū brachium concalefecerit, tū se solere pugnare: neque attendit eos ipsos, unde hoc simile ducat, illas primas hastas ita iactare leniter, ut & uenustati uel maxime seruiant, et reliquis uiribus suis cōsulant. neq; est dubium, quin exordium dicendi uehemens & pugnax non sepē esse debeat: sed si in ipso illo gladiatorio uitæ certamine, quo ferro decernitur, tamen ante congressum multa fiunt, quæ non ad uulnus, sed ad speciem ualere uideantur: quanto hoc magis in oratione expectandū est, in qua non uis potius, sed delectatio postulatur? Nihil est deniq; in natura rerū omnium, quod se uniuersum profundat, et quod totū repente euolet: sic omnia quæ fiunt, quæq; aguntur acerrimē, lenioribus principijs natura ipsa prætexuit. Hæc aut in dicendo nō extrinsecus alicunde querenda, sed ex ipsis uisceribus causæ sumenda sunt.



idcirco tota causa pertentata atq; perspecta, locis omnibus inuentis atq; instructis, considerandū est, quo principio sit utendum: sic & facillē reperietur. sumetur enim ex ijs rebus quæ erunt uberrimæ uel in argumentis, uel in ijs partibus ad quas dixi digredi sæpè oportere. Ita et momenti aliquid afferent, cum erunt penè ex intima defensione depromptæ: & apparebit eas non modò non esse communis, nec in alias causas posse transferri, sed penitus ex ea causa quæ tum agatur, defluxisse. Omne autem principium aut rei totius quæ agetur, significationem habere debet: aut aditum ad causam & munitionem; aut quoddam ornamentum & dignitatem. Sed oportet, ut adibus ac templis uestibula et aditus, sic causis principia pro portione rerum præponere. Itaque in paruis atq; frequentibus causis ab ipsa re est exordiri sæpè cōmodius. Sed cum erit utendū principio (quod plerunque erit) aut ex reo, aut ex aduersario, aut ex re, aut ex eis apud quos agitur, sententias duci decebit. Ex reo (reos appello, quorum res est) quæ significant uirum bonum, quæ liberalem, quæ calamitosum, quæ misericordia dignum, quæ ualeant contra falsam criminationem. Ex aduersario, ijsdem ex locis ferè contraria. Ex re, si crudelis, si infanda, si præter opinionem, si immerito, si misera, si ingrata, si indigna, si noua, si quæ restitui sanariq; non possit. Ex ijs autem apud quos agetur, ut beneuolos, beneq; existimantes efficiamus: quod agendo efficitur melius, quàm rogando. (b) est id quidem in tota orationem confundendū, nec minime in extremam: sed tamen multa principia ex eo genere gignuntur. Nam & attentum cōmonent Græci, ut principio faciamus iudicem, et docilem: quæ sunt utilia, sed non principij magis pro-



gis propria quàm reliquarum partium: faciliora etiam in principijs, quòd et attentius tum maximè sunt cum omnia expectant, et dociles magis initijs esse possunt. illa striora enim sunt quæ in principijs, quàm quæ in medijs causis? dicuntur, aut arguendo, aut refellendo. Maxima autem copia principiorum ad iudicem aut alliciendum, aut incitandum ex ijs locis trahitur, qui ad motus animorum conficiendos inerunt in causa: quot tamen totos in principio explicare non oportebit, sed tantum impelli primò iudicem leuiter, ut iam inclinato reliqua incumbat oratio. Connexum autem ita sit principium consequenti orationis, ut nò tanquam citharoedi proceomit affictum aliquod, sed coherens cum omni corpore membrum esse uideatur. nam nonnulli cum illud meditati ediderunt, sic ad reliqua transeunt, ut audientiam sibi fieri uelle uideantur. Atque eiusmodi illa prolusio debet esse, non ut Samnitum, qui uibrant hastas ante pugnam quibus in pugnando nihil utuntur: sed ut ipsis sententijs, qui proluserunt, uel pugnare possint. Narrare uerò rem quòd breuiter iubent, si breuitas appellata est, cum uerbum nullum reducet, breuis est L. Crassi oratio: si tum est breuitas, cum tantum uerborum est, quantum necesse est, aliquando id opus est, sed sæpè obest, uel maximè in narrando: non solum quod obscuritatem affert, sed etiam quod eam uirtutem quæ narrationis est maxima, ut iucunda et ad persuadendum accommodata sit, tollit, uidelicet illa: Nam is postquam excessit ex ephebis.

Quàm longa est narratio? mores adolescentis ipsius, et seruilis percunctatio, mors Chrysidis, uultus et forma et lamentatio sororis, reliqua, peruariè, iucundèq; narrantur. Quòd si hanc breuitatem quæfissent:



Effertur, imus, ad sepulchrum uenimus,  
 in ignem posita est.  
 in his ferè decem uersiculis totū conficere potuisset. quā  
 quam hoc ipsum Effertur, imus, concisum est: ita ut non  
 breuitati seruitum sit, sed magis uenustati. Quod si nihil  
 fuisset, nisi, in ignem posita est, tamen res tota cogno=  
 sci facile potuisset. Sed et festiuitatem habet narratio di=  
 functa personis, & interpuncta sermonibus: & est pro=  
 babilius quod gestum esse dicas, cū quemadmodum a=  
 ctum sit, exponas: & multo apertius ad intelligendum  
 est, si sic constituitur aliquando, ac nō ista breuitate per=  
 139 curritur. Apertam enim narrationem tam (a) esse oportet,  
 quā ceteras: & hoc magis in hac elaborandū est,  
 quod & difficilius est, non esse obscurum in re narran=  
 da, quā aut in principio, aut in argumento, aut in pur=  
 gando, aut perorando. et maiore periculo hæc pars ora=  
 tionis obscura est quā ceteræ: uel quia, si quo alio in  
 loco est dictum quid obscurius, tantum id perit quod ita  
 dictum est, narratio obscura totū obæcat orationem:  
 uel quod alia possis, semel si obscurius dixeris, dicere a=  
 lio loco planius, narrationis unus est in causa locus. Erit  
 autē perspicua narratio, si uerbis usitatis, si ordine tem=  
 porū conseruato, si non interrupte narrabitur. Sed quan=  
 do utendum sit aut non sit narratione, id est consilij: ne=  
 que enim si nota res est, nec dubium sit quid gestum sit,  
 narrari oportet: nec si aduersarius narrauit, nisi si re=  
 fellamus, at si quando erit narrandum, ne illa quæ suspi=  
 cionem & crimen efficient, contraq; nos erunt, acriter  
 persequamur, et quicquid poterit, detrahamus: ne illud,  
 quod Crassus si quando fiat perfidia nō stulticia fieri pu=  
 tat, ut causæ noceamus, accidat. nam ad summam totius  
 causæ



cause pertinet, cautè, an cōtrā demonstrata res sit, quod  
 omnis orationis reliquæ fons est narratio. Sequitur, ut  
 causa ponatur: in quo uidentum est, quid in controuer=  
 siā ueniat. Tunc suggerenda sunt firmamenta causæ con=  
 iuncte, & infirmandis contrarijs, & tuis confirmandis.  
 namq; una in causis ratio quædā est eius orationis, quæ  
 ad probandam argumentationē ualet: ea autem & con=  
 firmationem, & reprehensionem quaerit. sed quia neq;  
 reprehendi quæ contrā dicuntur possunt, nisi tua con=  
 firmes: neq; hæc confirmari, nisi illa reprehendas: id=  
 circō hæc & natura & utilitate & tractatione coniun=  
 cta sunt. Omnia autem concludenda plerunq; rebus au=  
 gendis, uel inflammando iudice, uel mitigando: omniaq;  
 cum superioribus orationis locis, tum maximè extre=  
 mo, ad mentes iudicum quàm maximè permouendas, et  
 ad utilitatem nostram uocandas, conferenda sunt. Neq;  
 sanè iā causa uidetur esse, cur secernamus ea præcepta,  
 quæ de suasionibus tradēda sunt, aut laudationibus. sunt  
 enim pleraque communia: sed tamē suadere aliquid aut  
 dissuadere, grauissimæ mihi uidetur esse personæ. nam  
 & sapientis est, consiliū explicare suum de maximis re=  
 bus: & honesti, & disertī, ut mente prouidere, authori=  
 tate probare, oratione persuadere possit. Atque hæc in  
 senatu minore apparatu agenda sunt: sapiens enim est  
 consilium, multisq; alijs dicendi relinquendus locus. ui=  
 tanda etiam ingenij ostentationisq; suspicio. Concio ca=  
 pit omnem uim orationis, & grauitatem, uarietatemq;  
 desiderat. Ergo in suadendo nihil est optabilius, quàm  
 dignitas. nam qui utilitatem putat, non quid maximè ue=  
 lit suasor, sed (b) quid interdum magis sequatur uidet.  
 Nemo est enim, præsertim in tam clara ciuitate, quin pu=  
 tet ex=



tet expetendam maximè dignitatem : sed uincit utilitas plerunq; , cum subest ille timor : ea neglecta , ne dignitas quidem posse retineri . Controuersia autem inter hominum sententias aut in illo est , utrum sit utilius : aut etiã , cum id conuenit , certatur , utrum honestati potius an utilitati consulendum sit . Quæ quia pugnare sæpè inter se uidentur , qui utilitatem defendit , enumerabit comoda pacis , opum , potentie , pecunie , uectigalium , præsidij , militum , utilitates cæterarum rerum , quarum fructum utilitate metimur : itemq; incommoda contrariorum . Qui ad dignitatem impellet , maiorum exempla : quæ erunt , uel cum periculo gloriosa colliget , posteritatis immortalem memoriam augebit , utilitatem ex laude nasci defendet , semperq; eam cū dignitate esse cōiunctã . Sed quid fieri possit aut nō possit , quidq; etiã sit necesse , aut non sit , in utraq; re maximè est quærendū , inciditur enim omnis iam deliberatio , si intelligitur nō posse fieri , aut si necessitas affertur : et qui id docuit non uidentibus alijs , is plurimū uidit . Ad consilium autè de repub . dandū caput est , nosse rempublicam : ad dicenđū uerò probabiliter , nosse mores ciuitatis : qui quia crebrò mutantur , genus quoq; orationis est sæpè mutandū . Et quantū una ferè uis est sæpè eloquentie , tamen quia summa dignitas est populi , grauissima causa reipublicæ , maximi motus multitudinis , genus quoq; dicendi grãdus quoddã et illustrius esse adhibendū uidetur : maximaq; pars orationis ad mouenda est ad animorum motus , nonnunquam aut cohortatione , aut commemoratione aliqua , aut in spem , aut in metum , aut ad cupiditatem , aut ad gloriam concitandos ; sæpè etiam à temeritate , iracundia , spe , iniuria , inuidia , crudelitate reuocandos . . Fit autem ,



autē, ut quia maxima quasi oratori scena uideatur concio, natura ipsa ad ornatiū dicendi genus excitetur: habet enim multitudo uim quandam talem, ut quemadmodum tibicen sine tibijs canere, sic orator nisi multitudi-  
 ne audiente eloquens esse non possit. Et cum sint populares multi uarijque lapsus, uitanda est acclamatio aduersa populi: quæ aut orationis peccato aliquo excitetur, si asperè, si arroganter, si turpiter, si sordidè, si quoquo animi uitio dictum esse aliquid uideatur: aut hominum offensione uel inuidia, quæ aut iusta est, aut ex criminatione atque fama, aut res si displicet, aut si est in aliquo motu suæ cupiditatis, aut metus multitudo: hisque quatuor causis totidem medicinæ opponuntur. Tum oburgatio si est autoritas, tum admonitio quasi lenior obiurgatio, tum promissio si audierint probaturos: tum deprecatio, quod est infimū, sed nonnunquā utile. nullo  
 (a) autem loco plus facetiæ profunt, et celeritas, et breue aliquod dictum, nec sine dignitate, et cū lepore. nihil enim tam facile, quàm multitudo, à tristitia, et sepe acerbitate, commodè ac breuiter, et acutè, et hilarè dicto deducitur. Exposui ferè ut potui, uobis in utroque genere causarum, quæ sequi solem, quæ fugere, quæ spectare, quaque omnino in causis ratione uersari. Nec illud tertium laudationum genus est difficile, quod ego initio quasi à præceptis nostris secreueram: sed et quia multa sunt orationum genera et grauiora, et maioris copię, de quibus nemo ferè præciperet, et quod nos laudationibus non ita multū uti solemus, totum hunc segregabam locum. Ipsi enim Græci magis legendi, qui delectationis aut hominis alicuius ornandi, quàm utilitatis huius forensis causa, laudationes scripserunt  
 quorum



quorum sunt libri quibus Themistocles, Aristides, Agesilaus, Epaminondas, Philippus, Alexander, alijq; laudantur. Nostræ laudationes quibus in foro utimur, aut testimonij breuitatem habent nudam atq; inornatam, aut scribuntur ad funebrem concionem, quæ ad orationis laudem minimè accommodata est. Sed tamen, quoniam est utendum aliquando, nonnunquã etiam scribendum, uelut P. Tuberoni Africanum auunculum laudanti scripsit C. Lælius, uel ut nosmetipsi ornandi causa Græcorum more, si quos uelimus laudare possimus, sit à uobis quoq; tractatus etiã is locus. Perspicuum est igitur alia esse in homine optanda, alia laudanda. Genus, forma, uires, opes, diuitiæ, ceteraq; quæ fortuna det aut extrinsecus, aut corpori, non habent in se ueram laudem, quæ deberi uirtuti uni putatur: sed tamen quòd ipsa uirtus in earum rerum usu ac moderatione maximè cernitur, tractanda etiam in laudationibus hæc sunt nature & fortune bonæ: in quibus est summa laus non extulisse se in potestate, non fuisse insolentè in pecunia, non se pretulisse alijs propter abundantiam fortune: ut opes & copię non superbiæ uideantur ac libidini, sed bonitati ac moderationi facultatem & materiam dedisse. Virtus autem quæ est per se ipsa laudabilis, & sine qua nihil laudari potest: tamen habet plures partes, quarum alia est ad laudationem aptior. sunt enim aliæ uirtutes, quæ uidentur in moribus hominum & quadam comitate ac beneficentia positæ: aliæ quæ in ingenij aliqua facultate, aut animi magnitudine ac robore. Nam clementia, iusticia, benignitas, fides, fortitudo in periculis communibus, iucunda est auditu in laudationibus. omnes enim hæc uirtutes non tam ipsis qui eas in se habent, quàm generi



generi hominum fructuosæ putantur. Sapientia & magnitudo animi, qua omnes res humanæ geruntur, tenues & pro nihilo putantur, & in (b) excogitando uis quedam ingenij & ipsa eloquentia, admirationis habet nō minus, iucunditatis minus. ipsos enim magis uidetur quos laudamus, quàm illos apud quos laudamus, ornare ac tueri: sed tamen in laudando iungenda sunt etiam hæc genera uirtutū. feriunt enim aures hominū, cum illa quæ iucunda & grata, tū etiā illa quæ mirabilia sunt in uirtute laudari. Et quoniam singulariū uirtutum sunt certa quedam officia ac munerera, & sua cuique uirtuti laus propria debetur: erit explicandū in laude iusticiæ, quid cum fide, quid cum æquabilitate, quid cum eiusmodi aliquo officio is qui laudabitur, fecerit. item quæ in cæteris res gestæ ad cuiusq; uirtutis genus & uim & nomē accommodabuntur. Grauißima autem laus eorum factorum habetur, quæ suscepta uidentur à uiris fortibus sine emolumento ac præmio. quæ uerò etiam cum labore & periculo ipsorū, hæc habent uberrimam copiam ad laudandum: quòd & dici ornatißimè possunt, et audiri facillimè. ea enim deniq; uirtus esse uidetur præstantis uiri, quæ est fructuosa alijs, ipsi autē laboriosa, aut periculosa, aut certè gratuita. Magna etiā illa laus & admirabilis uideri solet, tulisse casus sapienter aduersos, non fractum esse fortuna, retinuisse in rebus asperis dignitatem. Neq; tamen illa non ornant habiti honores, decreta uirtutis præmia, res gestæ iudicijs hominum comprobate: in quibus etiam felicitatem ipsam deorum immortalium iudicio tribui, laudationis est. Sumendæ autem res erunt aut magnitudine præstabiles, aut nouitate primæ, aut genere ipso singulares, neque enim parue, neque uisitate,



usitate, neque vulgares, admiratione, aut omnino laude  
digne uideri solent. Est etiam cum ceteris praestantibus  
uiris comparatio, in laudatione praecleara. De quo gene-  
re libitum mihi est paulo plura quam ostenderam dice-  
re: non tam propter usum forensem, qui est a me in omni  
hoc sermone tractatus, quam ut hoc uideretis, si lauda-  
tiones essent in oratoris officio, quod nemo negat, ora-  
tori uirtutum omnium cognitionem, sine qua laudatio  
effici non possit, esse necessariam. Iam uituperandi prae-  
cepta contrariis ex uitiis sumenda esse perspicuum est:  
simul est illud ante oculos, nec bonum uirum proprie et  
copiose laudari sine uirtutum, nec improbum notari ac  
uituperari sine uitiorum cognitione, satis insigniter  
atque asperè posse. Atque his locis et laudandi et uitu-  
perandi, saepe nobis est utendum in omni genere causa-  
rum. Habetis de inueniendis rebus, disponendisque quid  
sentiam: adiungam etiam de memoria, ut labore Cras-  
sum leuem, neque ei quicquam aliud de quo differat re-  
linquam, nisi ea quibus rebus haec exornentur. Perge ue-  
ro, inquit Crassus: libenter enim te cognitum (a) iam  
artificem, aliquandoque euolutum illis integumentis dissi-  
mulationis tuae, nudatumque perspicio: et quod mihi ni-  
hil, aut quod non multum relinquis, percommode facis,  
estque mihi gratum. Iam istuc quantum tibi ego relique-  
rim, inquit Antonius, erit in tua potestate. si enim uerè  
agere uolueris, omnia tibi relinquo: sin dissimulare, tu  
quemadmodum his satisfacias, uideris. Sed ut ad rem re-  
deam: Non sum tanto ego, inquit, ingenio, quanto The-  
mistocles fuit, ut obliuionis artem, quam memoriae malim:  
gratiaque habeo Simonidi illi Chio, quae primum ferunt ar-  
tem memoriae protulisse. Dicunt enim, cum coenaret Cra-  
none



nonne in Thessalia Simonides apud Scopam fortunatū  
 hominē & nobilem, cecinissetq; id carmen quod in eum  
 scripsisset, in quo multa ornandi causa poetarū more in  
 Castorem scripta & Pollucem fuissent, nimis illū sordi-  
 dē Simonidi dixisse: Se dimidiū eius rei quod pactus es-  
 set pro illo carmine daturū, reliquum à suis Tyndaridis  
 (quos æquē laudasset) peteret, si ei uideretur. paulò post  
 esse ferunt nunciatū Simonidi ut prodiret, iuvenes stare  
 ad ianuam duos quosdā, qui eum magnopere euocarent:  
 surrexisse illum ipsum, prodisse, uidisse neminem. hoc  
 interim spacio conclaue illud ubi epularetur Scopas, con-  
 cidisse: earuina ipsum oppressum, cum suis interisse.  
 quos cum humare uellent sui, neq; possent obtritō in-  
 ternoscere ullo modo, Simonides dicitur ex eo quod me-  
 minisset quo eorum loco quisq; cubuisset, demonstrator  
 uniuscuiusq; sepeliendi fuisse. hac tum re admonitus in-  
 uenisse fertur, ordinem esse maximē qui memoriæ lumen  
 afferret. Itaque ijs qui hanc partem ingenij exercerent,  
 locos esse capiendos, & ea quæ memoria tenere uellent,  
 effingenda animo, atq; in his locis collocanda: sic fore ut  
 ordinem rerum locorū ordo cōseruaret, res autem ipsas  
 rerum effigies notaret: atq; ut locis prò cera, simulachris  
 pro literis uteremur. Qui sit autem oratori memoriæ  
 fructus, quanta utilitas, quanta uis, quid me attinet di-  
 cere? tenere quæ didiceris in accipiendā causa, quæ ipse  
 cogitaris, omnes fixas esse in animo sententias, omnem  
 descriptum uerborum apparatus: ita audire uel eum  
 unde dicas, uel eum cui respondendum sit, ut illi non in-  
 fundere in aures tuas orationem, sed in animo uideantur  
 inscribere. Itaque soli qui memoria uigent, sciunt quid,  
 & quatenus, & quomodo dicturi sint, cui responderint,



quid supersit: ijdemq; multa ex alijs causis aliquando à se acta, multa ab alijs audita meminerunt. Quare confiteor equidem huius boni naturam esse principem, sicut earum rerum de quibus antè locutus sum omnium: sed hæc ars tota dicendi, siue artis imago quædam est & similitudo, habet hanc uim: non ut totum aliquid (b) cuius in ingenijs nostris pars nulla sit, pariat & procreet: uerum ut ea quæ sunt orta iam in nobis & procreata, educet atq; confirmet. Veruntamen neq; tam acrimonia ferè quisquam est, ut non dispositis notatisq; rebus, ordinem uerborum aut sententiarum complectatur: neque uerò tam hebeti, ut nihil hac consuetudine & exercitatione adiunetur. Vidit enim hoc prudenter siue Simonides, siue alius quis inuenit, ea maxime animis effungi nostris, quæ essent à sensu tradita atq; impressa. acriminum autè ex omnibus nostris sensibus esse sensum uidentendi: quare facillimè animo teneri posse ea quæ perciperentur auribus aut cogitatione, si etiam oculorū commendatione animis traderentur: ut res cæcæ & ab aspectus iudicio remotas, confirmatio quædam & imago & figura ita notaret, ut ea quæ cogitando complecti uix possemus, intueudò quasi teneremus. His autem formis atq; corporibus, sicut omnibus rebus quæ sub aspectum ueniunt, sedes opus est: etenim corpus intelligi sine loco non potest. Quare ne in re nota & peruiulgata multus & insolens sim, locis est utendum multis, illustribus, explicatis, modicis interuallis. Imaginibus autem agentibus, acribus, insignitis, quæ occurrere, celeriterque percutere animum possint. Quam facultatem & exercitatio dabit, ex qua consuetudo: gnitur similium uerborum conseruata & immutata cælibus, aut traducta ex parte



parte ad genus notatio : & unius uerbi imagine totius  
sententiæ informatio , pictoris cuiusdam summi ratione  
& modo, formarum uarietate locos distinguentis. Sed uer-  
borum memoria, quæ minus est nobis necessaria, maio-  
re imaginum uarietate distinguitur. multa enim sunt uer-  
ba, quæ quasi articuli connectunt membra orationis, quæ  
formari similitudine nulla possunt : eorum fingendæ no-  
bis sunt imagines, quibus semper utamur. rerum memo-  
ria propria est oratoris : eam singulis personis bene po-  
ssitis notare possumus, ut sententiæ imaginibus, ordinem  
locis comprehendamus. Neque uerum est quod ab iner-  
tibus dicitur, opprimi memoriam imaginum ponde-  
re, & obscurari etiam id quod per se natura tenere po-  
tuisset. Vidi enim ego summos homines, & diuina pro-  
prie memoria, Athenis Carneadem : in Asia, quem uiuere  
hodie aiunt, Sceptium Metrodorum : quorum uterque  
tanquam literis in cera, sic se aiebat imaginibus in ijs locis  
quos haberet, quæ meminisse uellet, perscribere. Quare  
hac exercitatione non ceruenda memoria est, si est nul-  
la naturalis : sed certè, si latet, euocanda est. Habetis ser-  
monem bene longum hominis utinam non impudentis :  
illud quidem certe, non nimis uerecundi : qui quidè cum  
te, Catule, tunc etiam L. Crasso audiente de (a) dicendi 142  
ratione tam n. xerim : nam istorum etas minus me  
fortasse mouer. buit. sed mihi ignoscetis profectò, si  
modò quæ causa me ad hanc insolitam mihi loquacita-  
tem impulerit, acceperitis. Nos uerò, inquit Catulus (e-  
tenim pro me hoc & pro meo fratre respondeo) non  
modò tibi ignoscimus, sed te diligimus, magnamque ti-  
bi habemus gratiam : & cum humanitatem & facili-  
tatem agnosimus tuam, tum admiramur istam scien-



tiam & copiam. Equidem hoc me affecutum puto, quòd magno sum leuatus errore: & illa admiratione liberatus, quòd multis cum alijs semper admirari solebam, unde esset illa tanta tua in causis diuinitas. nec enim te ista attigisse arbitrabar, quæ diligentissimè cognosse, et undiq; collegisse, usq; doctum partim correxisse uideo, parum comprobasse. Neq; eo minus eloquentiam tuam, & multò magis uirtutem et diligentiam admiror: & simul gaudeo iudicium animi mei probari, quòd semper statui, neminem sapientiæ laudem eloquentiæ, sine summo studio & labore & doctrina consequi posse. Sed tamen quid nam est id quod dixisti, fore ut tibi ignoscemus, si cognossemus quæ te causa in sermonè impulsisset? Quæ est enim alia causa, nisi quòd nobis, & horum adolescentium studio, qui te attentissimè audierunt, morem gerere uoluisti? Tum ille: Adimere, inquit, omnem recitationem Crasso uolui: quem ego paulo sciebam uel pudentius, uel inuitius, nolo enim dicere de tam suauis homine fastidiosius, ad hoc genus sermonis accedere. quid enim poterit dicere? Consularem se esse hominè, & Censorium: eadem nostra causa est. an ætatem afferet? quadriennio minor est. an se nescire? quæ ego serò, quæ cursum arripui, quæ successiuis operis (ut aiunt) istè à puero summo studio, summis doctoribus. Nihil dicam de ingenio, cui par nemo fuit. etenim me dicentem qui audierit, nemo unquam tam sui despiciens fuit, qui desperaret aut melius, aut eodem modo se posse dicere: Crasso dicente nemo tam arrogans, qui similiter se unquam dicturum esse cōsideret. Quamobrem ne frustra hi tales uiri uenerint, te aliquando, Crasse, audianus. Tum ille: Vt ita ista esse concedam, inquit, Antoni, quæ sunt longè secus, quid mihi



mibi tu tandem hodie, aut cuiquam homini, quod dici possit, reliquisti? Dicam enim uerè, amicissimi homines, quod sentio: sæpè ego doctos homines, quid dico sæpè immò nonnunquam: sæpè enim quì potui, qui puer in forum uenerim, neq; inde unquam diutius quàm *Quæstor* abfuerim? sed tamen audiui, ut heri dicebam, & *Athenis* cùm essem, doctissimos uiros, & in *Asia* istum ipsum *Sceptium Metrodorum*, cùm de his ipsis rebus disputaret: neq; uerò mihi quisquā (b) copiosius unquam uisus est, neq; subtilius in hoc genere dicendi, quàm iste hodie, esse uersatus. quod si esset aliter, & aliquid intelligerem ab *Antonio* prætermisum, non essem tam inurbanus ac penè inhumanus, uti eo grauarer, quod uos cupere sentirem. Tum *Sulpitius*: An ergo, inquit, oblitus es, *Crassè*, *Antonium* ita partitum esse tecum, ut ipse instrumentum oratoris exponeret: tibi eius distinctionem, atq; ornatum relinqueret? Hic ille: Primum, quis *Antonio* permisit, inquit, ut & partes faceret, & utram uellet prior ipse sumeret? deinde, si ego rectè intellexi, cùm ualde libenter audirem, mihi coniunctè est uisus de utraq; re dicere. Ille uerò, inquit *Cotta*, ornamenta orationis non attigit. neq; eam laudè, ex qua eloquentia nomen ipsum inuenit. Verba igitur, inquit *Crassus*, mihi reliquit *Antonius*, rem ipse sumpsit. Tū *Cæsar*: Si quod difficilius est, id tibi reliquit: est nobis, inquit, causa, cur te audire cupiamus. sin quod facilius, tibi causa non est cur recuses. Et *Catulus*: Quid quod dixisti, inquit, *Crassè*, si hic hodie apud te maneremus, te morem nobis esse gesturum, nihil ne ad fidem tuam putas pertinere? Tum *Cotta* ridens: Possem tibi, inquit, *Crassè*, concedere: sed uide, ne quid *Catulus* attulerit religionis. opus hoc censoriū est:



id autem committere, uide quàm sit homini turpe censorio. Agite uerò, ille inquit, ut uultis: sed nunc quidem, quoniam id temporis est, surgendum censeo, & requiescendum. post meridiem, si ita uobis est commodum, loquemur aliquid: nisi fortè in crastinũ differre mauultis. Omnes se uel statim, uel si ipse post meridiem mallet, quàm primum tamen audire uelle dixerunt.

M. T. CICERONIS DE ORATORE. Liber III.



INSTITVENTI mihi, Quinte frater, eum sermonem referre, & mandare huic tertio Libro, quem post Antonij disputationem Crassus habuisset: acerbam sanè recordatio ueterè animi curam molestiamq; renouauit. Nam illud immortalitate dignũ ingenium, illa humanitas, illa uirtus L. Crassi morte extincta subita est, uix diebus decẽ post eum diem, qui hoc & superiore libro continetur. Vt enim Romam redijt extremo scenicorum ludorum die, uehementer commotus ea oratione, quæ ferebatur habita esse in concione à Philippo, quem dixisse cõstabat (a) uidendum sibi aliud esse consilium, illo senatu se Remp. gerere non posse: manè idibus Septembris, et ille, & senatus frequens uocatus Drusus in curiam uenit. ibi cum Drusus multa de Philippo questus esset, retulit ad senatum de illo ipso, quòd consilium in eum ordinem tam grauitè in concione esset inuectus. Hic, ut sepe inter homines sapientissimos constare uidi, quanquam hoc Crasso, cum aliquid accuratius dixisset, semper ferè cõtigisset, ut nunquam dixisse melius putaretur: tamen omnium consensu sic esse tum iudicatum, ceteros à Crasso semper omnes, illo autè die etiam ipsam



ipsum à sese superatum. Deplorauit enim casum atq; or-  
 bitatē senatus, cuius ordinis à consule, qui quasi parens  
 bonus aut tutor fidelis esse deberet, tanquā ab aliquo ne-  
 fario prædone diriperetur patrimonium dignitatis. neq;  
 uerò esse mirandum, si cū suis consilijs Remp. profiti-  
 gasset, consilium senatus à Repub. repudiaret. Hic cū  
 homini & uehementi, & disertō, & in primis fortī ad  
 resistendum Philippo, quasi quasdam uerborū faces ad-  
 mouisset: non tulit ille, & grauit̃ exarsit, pignoribusq;  
 ablatis Crassum instituit coërcere. Quo quidem ipso in  
 loco multa à Crasso diuinitus dicta efferebantur, cū sibi  
 illum consulem esse negaret, cui senator ipse nō esset. An  
 tu cū omnem authoritatē uniuersi ordinis pro pigno-  
 re putares, eamq; in cōspectu populi Ro. concideres, me-  
 his pignoribus existimas posse terreri? non tibi illa sunt  
 cedenda, si Crassum uis coërcere: hæc tibi est excidenda  
 lingua, qua uel euulsa spiritu ipso libidinē tuam libertas  
 mea refutabit. Per multa tum uehementissima contentio-  
 ne animi, ingenij, uirium, ab eo dicta esse constabat: sen-  
 tentiamq; eam quam senatus frequens secutus est, orna-  
 tissimis & grauissimis uerbis, ut populo Ro. satisfaceret,  
 nonnunquā senatus, neq; cōsilium Reip. nec fidē defuis-  
 se, ab eo dictam, et eundē id quod in authoritatibus per-  
 scriptis extat, scribendo affuisse. Illa tanquā cygnea fuit  
 diuini hominis uox & oratio, quam quasi expectantes  
 post eius interitū ueniebamus in curiam, ut uestigium il-  
 lud ipsum in quo ille postremū institisset, contueremur.  
 Nanq; tūc latus ei dicenti condoluisset, sudoremq; mul-  
 tum cōsecutum esse audiebamus: ex quo cū cohorrui-  
 set, cum febre domum redijt, dieq; septimo est lateris do-  
 lore consumptus. O fallacem hominum spem, fragilemq;



fortunam, et inanes nostras contentiones: quæ in medio  
 spacio sæpe franguntur, et corruunt: et antè in ipso cur  
 su obruuntur, quàm portum conspiciere potuerūt. Nam  
 quādiu Crassi fuit ambitionis labore uita distracta, tan-  
 diu priuatis magis officijs et ingenij laude floruit, quàm  
 fructu amplitudinis aut Reipub. dignitate. qui autem ei  
 annus primus ab honorum (b) persensione aditum om-  
 nium concessu ad summam auctoritatem dabat, is eius  
 omnem spem atq; omnia uitæ consilia morte peruertit.  
 Fuit hoc luctuosum suis, acerbum patriæ, graue bonis  
 omnibus: sed ij tamē Remp. casus secuti sunt, ut mihi non  
 erepta L. Crasso à dijs immortalibus uita, sed donata  
 mors esse uideatur. non uidit flagrantem bello Italiam,  
 non ardentem inuidia senatum, non sceleris nefarij prin-  
 cipes ciuitatis reos, non luctum filie, non exilium gene-  
 ri, non acerbissimam C. Marij fugam: nō illam post redia-  
 tum eius cadem omnium crudelissimam, nō deniq; in o-  
 mni genere deformatam eam ciuitatem, in qua ipse flo-  
 rentissima multum omnibus gloria præstitisset. Sed quo-  
 niam attigi cogitatione uim uarietatemq; fortuna, non  
 uagabitur oratio mea longius: atq; his frē' ipsis definie-  
 tur uiris, qui hoc sermone quem referre cœpimus, conti-  
 nentur. Quis enim non iure beatam L. Crassi mortem il-  
 lam, quæ est à multis sæpè defleta, dixerit: cum horum  
 ipsorum sit, qui tū cum illo postremum frē' collocuti  
 sunt, euentum recordatus? Tenemus enim memoria Q.  
 Catulum uirum omni laude præstantem, cum sibi nō in-  
 columem fortunam, sed exilium et fugam deprecare-  
 tur, esse coactum, ut uita seipse priuaret. iam M. Antoni-  
 in ijs ipsis rostris, in quibus ille Rempub. constantissi-  
 me Cōsul defenderat, quæq; Censor imperatorijs manu-  
 bijs



bijs ornat, positum caput illud fuit, à quo erant multo-  
 rum ciuium capita seruata. Neq; uerò longè ab eo C. Iu-  
 lij caput hospitii Hetrusci scelere proditum, cum L. Iu-  
 lij fratris capite iacuit: ut ille qui hæc nō uidit, & uixisse  
 cum repub. pariter, & cum illa simul extinctus esse ui-  
 deatur. Neque enim propinquum suum maximi animi  
 uirū P. Crassum suapte interfectum manu, neq; collegæ  
 sui Pontificis Maximi sanguine simulachrum Vestæ re-  
 spersum esse uidit. cui mœrori (qua mente ille in patriā  
 fuit) etiam C. Carbonis inimicissimi hominis eodem illo  
 die mors nefaria fuisset. Non uidit eorum ipsorum qui  
 tum adolēscētes Crasso se dicarant, horribiles miserosq;  
 casus: ex quibus C. Cotta, quem ille florentem relin-  
 quat, paucis diebus post mortem Crassi depulsus per in-  
 uidiam tribunatu, non multis ab eo tempore mensibus  
 electus est è ciuitate. Sulpitius autem, qui in eadem inui-  
 dia flamma fuisset, quibuscum priuatus coniunctissimè  
 uixerat, hos in tribunatu spoliare instituit omni digni-  
 tate: cui quidem ad summam gloriam eloquentiæ flore-  
 scienti ferro erepta uita est, & poena temeritatis non si-  
 ne magno reipub. malo constituta. Ego uerò te, Crasse,  
 cum uita florum, tum mortis opportunitate, diuino consi-  
 lo & ortum & extinctum esse arbitror. nā tibi aut pro  
 uirtute animi constantiaq; tua ciuili ferri subeunda fuit  
 (a) crudelitas, aut si qua te fortuna ab atrocitate mor- 144  
 tis uendicasset, eadem esse te funerum patriæ spectato-  
 ren cōegisset: neq; solum tibi improborum dominatus,  
 sed etiam propter admistam ciuium cædem bonorum ui-  
 ctoria mœrori fuisset. Mihi quidem, Quinte frater, &  
 eori casus de quibus antè dixi, & ea quæ nosmetipsi ob  
 amorem in reipub. incredibilem & singularem pertu-



limus ac sensimus cogitanti, sententia sepè tua uera ac sapiens uideri solet: qui propter tot, tantos, tamq; præcipientes casus clarissimorum hominum atque optimorum uirorum, me semper ab omni contentione ac dimicatione reuocasti. Sed quoniam hæc iam neq; in integro nobis esse possunt, et summi labores nostri magna compensati gloria mitigantur: pergamus ad ea solatia, quæ non modò sedatis molestijs iucunda, sed etiam herentibus salutaria nobis esse possunt: sermonemq; L. Crassi reliquum, ac penè postremum memoriæ prodamus, atq; ei etsi nequaquã parem illius ingenio, at pro nostro tamen studio meritã gratiam debitamq; referamus. Neq; enim quisquam nostrum, cum libros Platonis mirabiliter scriptos legit, in quibus omnibus ferè Socrates exprimitur: non, quanquam illa scripta sunt diuinitus, tamen maius quiddam de illo de quo scripta sunt, suspicatur. quod item nos postulamus non à te quidem qui nobis summa omnia tribuis, sed à cæteris qui hæc in manusunt: ut maius quiddam de L. Crasso quàm quantum à nobis exprimitur, suspicentur. nos enim qui ipsi sermoni non interfuissemus, quibus C. Cotta tantummodi locos ac sententijs huius disputationis tradidisset: quo in genere orationis utrumq; oratorem cognoueramus, illi ipsum sumus in eorū sermone adumbrare conati. Quid si quis erit qui ductus opinione uulgi aut Antonium iuniorem, aut Crassum fuisse pleniorẽ putet, quàm uo modo à nobis uterq; inductus est: is erit ex ijs qui aut illos non audierit, aut iudicare nõ possit. Nam fuit uterq; (ut exposui antea) cum studio atq; ingenio et doctrina præstans omnibus, tum in suo genere perfectus: ut neq; in Antonio deesset hic ornatus orationis, neq; in Crasso

redun-



redundaret. Vt igitur ante meridiem discesserunt, paululumque requierunt, in primis hoc à se Colta animaduersum esse dicebat, omne illud tempus meridianum, Crassum in acerrima atque attentissima cogitatione posuisse seseque, qui uultum eius, cum ei dicendum esset, obtutumque oculorum in cogitando probe nosset, atque in maximis causis sæpè uidisset, cum dedita opera quiescentibus alijs in eam hexedram uenisset, in qua Crassus lectulo posito recubuiisset: cumque eum in cogitatione defixum esse sensisset, statim recessisse, atque in eo silentio duas horas ferè esse consumptas. deinde cum (b) omnes inclinato iam in postmeridianum tempus die uenissent ad Crassum: Quid est, Crasse, inquit Iulius, imus ne sessum? eisi admonitum uenimus te, non flagitatum. Tum Crassus: An me tam impudentem esse existimatis, ut uobis, hoc præsertim munus, putè diutius posse debere? Qui nam igitur, inquit ille, locus? an in media sylua placet? est enim is maximè et opacus et frigidus. Sanè, inquit Crassus: etenim est in eo loco sedes huic nostro non inopportuna sermoni. Cum placuisset idem cæteris, in syluam uenitur, et ibi magna cum audiendi expectatione considitur. Tum Crassus: Cum autoritas atque amicitia uestra, tunc Antonij facilitas eripuit, inquit, mihi in optima mea causa libertatem recusandi: quanquam in partienda disputatione nostra, cum sibi de ijs quæ dici ab oratore oporteret, sumeret: mihi autem relinqueret ut explicarem, quemadmodum illa ornari oporteret: ea diuisit quæ sciuncta esse non possunt. Nam cum omnis ex re atque uerbis constet oratio, neque uerba sedem habere possunt si rem subtraxeris, neque res lumen si uerba semoueris. Ac mihi quidem ueteres illi maius quiddam

ex re et uerbis  
omnis oratio  
constat.

anima



animo complexi, plus multo etiam uidisse uidentur,  
 quàm quantum nostrorum ingeniorum acies intueri po-  
 test, qui omnia hæc quæ supra & subter, unum esse, &  
 una ut atque una consensione naturæ constricta esse di-  
 xerunt. Nullum est enim genus rerum, quod aut auul-  
 sum à cæteris per seipsum constare, aut quo cætera si ca-  
 reant, uim suam atq; eternitatem conseruare possint.  
 Sed hæc maior esse ratio uidetur, quàm ut hominū pos-  
 sit sensu aut cogitatione comprehendere. Est etiam illa  
 Platonis uera, & tibi, Catule, certè non inaudita uox:  
 omnem doctrinam harum ingenuarum & humanarum  
 artium uno quodā societatis uinculo contineri. ubi enim  
 perspecta uis est rationis eius qua causæ rerum atque  
 exitus cognoscuntur, mirus quidam omnium quasi con-  
 sensus doctrinarum concentusq; reperitur. Sed si hoc  
 quoq; uidetur esse altius, quàm ut id nos humi strati su-  
 spicere possimus: illud certè tamē quod amplexi sumus,  
 quod profitemur, quod suscepimus, nosse & tenere de-  
 bemus. Vna est enim, quod & ego hesternæ die dixi, &  
 aliquot locis antemeridiano sermone significauit Anto-  
 nius, eloquentia, quascunq; in oras disputationis, regio-  
 nes uel delata est. nam siue de cœli natura loquitur, siue  
 de terræ, siue de diuina ui, siue de humana, siue ex infē-  
 riore loco, siue ex æquo, siue ex superiore, siue ut impel-  
 lat homines, siue ut doceat, siue ut deterreat, siue ut conci-  
 tet, siue ut reflectat, siue ut incendat, siue ut leniat, siue  
 ad paucos, siue ad multos, siue inter alienos, siue cum  
 suis, siue secum, riuus est diducta oratio, non fontibus: &  
 245 quocunq; ingreditur, eodem est instructus (a) ornatusq;  
 comitata. Sed quoniam oppressi iam sumus opinionibus  
 nō modò uulgi, uerū etiam hominum leuiter cruditorū,  
 quæ



qui quæ complecti tota nequeunt, hæc facilius diuulsa et quasi discerpta contrectant: et qui tanquā ab animo corpus, sic à sententijs uerba seiungunt, quorū sine interitu fieri neutrū potest: nō suscipiā oratione mea plus quā mihi imponitur: tantū significabo breui, neq; uerborū ornātū inueniri posse nō partitis expressisq; sententijs, neq; esse ullam sententiam illustrē sine luce uerborū. Sed priusquā illa conor attingere, quibus orationē ornari atq; illuminari putem: proponā breuiter, quid sentiā de uniuerso genere dicendi. Natura nulla est (ut mihi uideatur) quæ non habeat in suo genere res complureis dissimiles inter se, quæ tamen consimili laude dignentur. Nam & auribus multa percipimus, quæ etsi nos uocibus delectant, tamen ita sunt uaria sæpē, ut id quod proximum audias, iucundissimum esse uideatur: & oculis colliguntur penē innumerabiles uoluptates, quæ nos ita capiunt, ut unum sensum dissimili genere delectent: & reliquos sensus uoluptates oblectant dispares, ut sit difficile iudicium excellentis maximē suauitatis. At hoc idem quod est in naturis rerum, transferri potest etiam ad artes. Vna fingendi est ars, in qua præstantes fuerint Myro, Polycletus, Lysippus: qui omnes inter se dissimiles fuerunt, sed ita tamen, ut neminem sui uelis esse dissimilem. Vna est ars ratioq; picturæ, dissimilimūq; tamen inter se Zeufis, Aglaophon, Apelles: neq; eorum quisquam est, cui quicquam in arte sua deesse uideatur. & si hoc in his quasi mutis artibus est mirandum, & tamen uerum, quanto admirabilius in oratione atq; in lingua: quæ cum in iisdem sententijs uerbisq; uersetur, summas habet dissimilitudines non sic ut alij uitiuperandi sint, sed ut ij quos constet esse laudandos, in dispari ta-



men genere laudentur. Atq; id primum in poëtis cer-  
ni licet, quibus est proxima cognatio cum oratoribus:  
quàm sint inter sese Ennius, Pacuvius, Acciusq; disimi-  
les, quàm apud Græcos Aeschylus, Sophocles, Euripi-  
des: quanquam omnibus par penè laus in dissimili scri-  
bendi genere tribuatur. Aspicite nunc eos homines, atq;  
intuemini, quorum de facultate quærimus, quid intersit  
inter oratorum studia atq; naturas: suauitatem socra-  
tes, subtilitatem Lysias, acumen Hyperides, sonitum  
Aeschines, vim Demosthenes habuit: quis eorū non egre-  
gius: tamē quis cuiusquā nisi sui similis? Gravitatē Afri-  
canus, lenitatē Lælius, asperitatē Galba, profluēs quid-  
dā habuit Carbo et canorū: quis horū nō princeps tem-  
poribus illis fuit? & suo tamē quisq; in genere princeps.  
Sed quid ego uetera conquiram, cum mihi liceat uti (b)  
presentibus exemplis, atque uiuis? Quid iucundius au-  
ribus nostris unquā accidit huius oratione Catuli? quæ  
est pura sic, ut Latine loqui penè solus uideatur: sic au-  
tem grauis, ut in singulari dignitate omnis tamen adsit  
humanitas ac lepos. quid multa? istum audiens equidem  
sic indicare soleo, quicquid aut addideris, aut mutaue-  
ris, aut detraxeris, uitiosius & deterius futurum. Quis  
noster hic Caesar? non ne nouam quandam rationem at-  
tulit orationis, & dicendi genus induxit propè singu-  
lare? quis unquam res præter hunc tragicas penè coni-  
cè, tristes remissè, seueras hilarè, forenses scenica propè  
uenustate tractauit? atq; ita ut neq; iocus magnitudine  
rerum excluderetur, nec grauitas facetijs minueretur.  
Ecce presentes duo propè æquales, Sulpitius & Cotta.  
quid tam inter se dissimile, quid tam in suo genere præ-  
stans? limatus alter & subtilis, rem explicans proprijs  
aptisq;

*Grassius.*



aptisq; uerbis, haeret in causa semper: et quid iudici probandum sit cum acutissime uidit, omnis ceteris argumentis in eo mentem orationemq; defigat. Sulpitius autem fortissimo quodam animi impetu, plenissima & maxima uoce, summa contentione corporis, & dignitate motus: uerborum quoque ea grauitate & copia est, ut unus ad dicendum instructissimus a natura esse uideatur. Ad nosmetipsos iam reuertor (quoniam sic sumus semper comparati, ut hominum sermonibus quasi in aliquod contentionis iudicium uocemur:) quid tam dissimile, quam ego in dicendo et Antonius? cum ille is sit orator, ut nihil eo possit esse praestitius: ego autem, quanquam memet mei poenitet, cum hoc maxime tamen in comparatione coniungar. Videtis ne genus hoc quod sit Antonij, forte, uehemens, commotum in agendo, praemunitum, et ex omni parte cause scriptum, acre, acutum, enucleatum, in unaquaque re commorans, honeste cedens, acriter insequens, supplicans, summa orationis uarietate, nulla nostrarum aurium satietate. Nos autem, quicumque in dicendo sumus (quonia esse aliquo in numero uobis uidemur) certe tamen ab huius multum genere distamus. quod quale sit, non est meum dicere, propterea quod minime sibi quisque notus est, & difficillime de se quisque sentit: sed tamen dissimilitudo intelligi potest & ex motus mei mediocritate: & ex eo, quod quibus uestigijs primum institi, in ijs ferè soleo perorare: & quod aliquanto me maior in uerbis & sententijs eligendis quam eum labor & cura torquet, uerentem, ne si paulo obsoletior fuerit oratio, non digna expectatione & silentio fuisse uideatur. Quod si in nobis qui adsumus, tantae dissimilitudines, tam certae res cuiusque propriae, & in ea uarietate ferè melius a deteriore facultate magis quam genere



146 nere distinguitur, atq; omne laudatur quod in suo genere (a) perfectum est: quid censetis, si omnes qui ubique sunt aut fuerunt oratores amplecti uoluerimus, num ne fore, ut quot oratores, totidem penè reperiantur genera dicendi? Ex qua mea disputatione forsitan occurrat illud, si penè innumerabiles sint quasi formæ figuræq; dicendi, specie dispares, genere laudabiles: non posse ea quæ inter se discrepant, iisdem præceptis, atq; in una institutione formari. Quod non est ita, diligentissimeq; hoc est eis qui instituunt aliquos atq; erudiunt, uidentum, quò sua quenque natura maximè ferre uideatur. Etenim uidemus ex eodem quasi ludo summorum in suo cuiusque genere artificum & magistrorum exisse discipulos dissimiles inter se, attamen laudandos: cum ad cuiusque naturam institutio doctoris accommodaretur. Cuius est uel maximè insigne illud exemplum ( ut cæteras artes omittamus ) quod dicebat Isocrates doctor singularis, se calcaribus in Ephoro, contra autem in Theopompo frenis uti solere. alterum enim exultantem uerborum audacia reprimebat, alterum cunctantem & quasi uerecundantem incitabat. Neq; eos similes effecit inter se, sed tantum alteri affinxit, de altero limauit: ut id confirmaret in utroque, quod utriusque naturæ pateretur. Hæc eo mihi prædicenda fuerunt, ut si non omnia quæ proponerentur à me ad omnium uestrum studium, & ad genus id quod quisque uestrum in dicendo probaret, adhærescerent: id à me genus exprimi sentiretis, quod maximè mihi ipsi probaretur. Ergo hæc & agenda sunt ab oratore quæ explicauit Antonius, & dicenda quodammodo. Qui nam igitur dicendi est modus melior? (nam de actione post uidero) quam



quàm ut Latine, ut planè, ut ornatè, ut ad id quodcum-  
que agetur, aptè congruenterq; dicamus? Atque eorum  
quidem quæ duo prima dixi, rationem non arbitror ex-  
pectari à me puri dilucidique sermonis. neque enim co-  
namur docere eum dicere qui loqui nesciat: nec sperare  
qui Latine non possit, hunc ornatè esse dicturum: neque  
uerò, qui non dicat quod intelligamus, hunc posse quod  
admiremur dicere. Linqvamus igitur hæc quæ cog-  
nitionem habent facilem, usum necessarium: nam alterum  
traditur literis doctrinæque puerili, alterum adhibetur  
ob eam causam; ut intelligatur quid quisque dicat:  
quod uidemus ita esse necessarium, ut tamen eo minus  
nihil esse posset. Sed omnis loquendi elegantia quan-  
quam expolitur scientia literarum, tamen augetur le-  
gendis oratoribus & poetis. sunt enim illi ueteres, qui  
ornare nondum poterant ea quæ dicebant, omnes pro-  
pè præclare locuti: quorum sermone assuefacti qui e-  
runt, ne cupientes quidem (b) poterunt loqui nisi La-  
tinè. Neque tamen erit utendum uerbis ijs quibus iam  
consuetudo nostra non utitur, nisi quando ornandi cau-  
sa parçè, quod ostendam: sed usitatis ita poterit uti, le-  
tissimis ut utatur ijs, qui in ueteribus erit scriptis stu-  
diosè & multum uolutatus. Atque ut Latine loqua-  
mur, non solùm uidendum est, ut & uerba efferamus ea  
quæ nemo iure reprehendat: & ea sic & casibus, &  
temporibus, & genere, & numero conseruemus, ut nè  
quid perturbatum ac discrepans aut præposterum sit:  
sed etiam lingua, et spiritus, & uocis sonus est ipse mo-  
derandus. Nolo exprimi literas putidius, nolo obscurari  
negligentius: nolo uerba exiliter examinata exire, nolo  
inflata & anhelata grauius. nam de uoce nondum ed



dico quæ sunt actionis, sed hoc quod mihi cum sermone quasi coniunctum uidetur. Sunt enim certa uitia, quæ nemo est quin effugere cupiat: mollis uox, ut muliebris, aut quasi extra modum absona atque absurda: est autem uitium, quod nonnulli de industria consecretantur. Rustica uox et agrestis quosdam delectat, quò magis antiquitatem, si ita sonet, eorum sermo retinere uideatur: ut tuus, Catule, sodalis L. Cotta gaudere mihi uidetur gravitate linguæ, sonoque uocis agresti: et illud quod loquitur, priscum uisum iri putat, si planè fuerit rusticanum. Me autem tuus sonus et suauitas ista delectat, omitto uerborum, quanquam est caput: uerum id affert ratio, docent literæ, confirmat consuetudo et legendi et loquendi. sed hanc dico suauitatem quæ exit ex ore, quæ quidem ut apud Græcos Atticorum, sic in Latino sermone huius est urbis maxime propria. Athenis iam diu doctrina ipsorum Atheniensium interijt: domicilium tantum in illa urbe remanet studiorum, quibus uacant ciues, peregrini fruuntur, capti quodamodò nomine urbis et authoritate: tamen eruditissimos homines Asiaticos quiuis Atheniensis indoctus, non uerbis, sed sono uocis, nec tam bene quam suauiter loquendo facile superabit. Nostri minus student literis quam Latini: tamen ex istis quos nostis urbanis, in quibus minimum est literarum, nemo est quin literatissimum togatorum omnium Q. Valerium Soranum lenitate uocis, atque ipso oris pressu et sono facile uincat. Quare cum sit quædam certa uox Romani generis urbisque propria, in qua nihil offendi, nihil displicere, nihil animaduerti possit, nihil sonare aut olere peregrinum, hanc sequamur: neque solum rusticam asperitatem, sed etiam peregrinam insolentiam



insolentiam fugere discamus. Equidem cum audio sonum meam Leliam (facilius enim mulieres incorruptam antiquitatem conseruant, quod multorum sermonis expertes, ea tenent semper quæ prima didicerunt) sed eam sic audio, ut Plautum mihi (a) aut Neuium uidear audire. sono ipso uocis ita recto & simplici est, ut nihil ostentationis aut imitationis asserre uideatur: ex qua sic locutum esse eius patrem iudico, sic maiores, non asserere, ut ille quem dixi, non uastè, non rusticè, non biulcè, sed presse & æquabiliter, & leniter. Quare Cotta noster, cuius tu illa lata, Sulpiti, nonnunquã imitaris, ut totam literam tollas, et ut e plenissimum dicas: nõ mihi oratores antiquos, sed mēssores uideris imitari. Hic cum arrisisset ipse Sulpitius: Sic agam uobiscum, inquit Crassus, ut quoniam me loqui uoluistis, aliquid de uestris uitijs audiatis. Utinam quidẽ, inquit illerid enim ipsum uolumus. idq; si feceris, multa (ut arbitror) hinc hodie uitia ponemus. At enim non sine meo periculo, Crassus inquit, possum, Sulpiti, te reprehendere: quoniam Antonius mihi te simillimum dixit sibi uideri. Tum ille: Tum quum monuit idem, ut ea quæ in quõq; maxima essent, imitaremur. ex quo uereor, ne nihil sim tui nisi suppletionem pedis imitatus, & pauca quædam uerba, & aliquem si fortè motum. Ergo ista, inquit Crassus, quæ habes à me, non reprehendo, ne me ipsum irrideam: sunt autem mea multo & plura & maiora quàm dicis. quæ autem sunt aut tua planè, aut imitatione ex aliquo expressa, de ijs te, si qui me fortè locus admonuerit, commonebo. Prætereamus igitur præcepta Latine loquendi, quæ puerilis doctrina tradit, & subtilior cognitio ac ratio literarum alit: aut consuetudo sermonis



quotidiani ac domestici libri confirmant, & lectio ueterum oratorum & poetarum. Neque uerò in illo altero diutius commoremur, ut disputemus quibus rebus assequi possimus, ut ea quæ dicamus, intelligantur. Latine scilicet dicendo, uerbis usitatis, ac propriè demonstrantibus ea quæ significari ac declarari uolumus, sine ambiguo uerbo aut sermone, non nimis longa continuatione uerborum, non ualde productis ijs quæ similitudinis causa ex alijs rebus transferuntur, non discerptis sententijs, non præposteris temporibus, non confusis personis, non perturbato ordine. quid multa? tam facilis est tota res, ut mihi permirum sæpè uideatur, cum difficilius intelligatur quid patronus uelit dicere, quàm si ipse ille qui patronum adhibet, de re sua diceret. Isti enim qui ad nos causas deferunt, ita nos plerunque ipsi docent, ut non desideres planius dici. Easdem res autem simulac Fufius aut uester æqualis Pomponius agere cœpit, non æquè quid dicant, nisi admodum attendi, intelligo. ita confusa est oratio, ita perturbata, nihil ut sit primum, nihil ut secundum: tantaq; insolentia ac turba uerborum, ut oratio quæ lumen adhibere rebus debet, ea obscuritatem & tenebras asserat, atq; ut quodammodo ipsi sibi in dicendo obfrepere uideantur. Verum si (b) placet, quoniam hæc satis spero uobis quidem, certè maioribus molesta & putida uideri: ad reliqua aliquanto odiosiora pergamus. At qui uidet, inquit Antonius, cum alias res agamus, quã te inuiri audiamus, qui adduci possumus: de me enim cōiicio, relictis ut rebus omnibus te sectemur, te audiamus: ita de horridis rebus nitida, de ieiunis plena, de peruulgatis noua quædam est oratio tua. Faciles enim, inquit, Antoni, partes eæ fuerunt duæ, quas modò percurrere, uel potius



tius penè præterij, Latine loquendi, planeq; dicendi. reliquæ sunt magnæ, implicata, uariæ, graues, quibus omnis admiratio ingenij, omnis laus eloquentiæ continetur. Nemo enim unquam est oratorem, quod Latine loqueretur, admiratus. si est aliter, irrident: neq; eum oratorem tantummodo, sed hominem non putant. nemo extulit eum uerbis, qui ita dixisset, ut qui adessent intelligerent quid diceret: sed contempsit eum, qui minus id facere potuisset. In quo igitur homines exhorrescunt? quem stupefacti dicentem intuentur? in quo exclamant? quem deum, ut ita dicam, inter homines putant? qui distinctè, qui explicatè, qui abundanter, qui illuminatè & rebus et uerbis dicunt: & in ipsa oratione quasi quendam numerum uersumq; consciunt, id est quod dico ornate, qui idem ita moderantur, ut rerum, ut personarum dignitates ferunt: ij sunt in eo genere laudandi laudis, quod ego aptum & congruens nomen. qui ita dicerent, eos negauit adhuc se uidisse Antonius, & ijs hoc nomen dixit eloquentiæ solis esse tribuendum. Quare omnes istos me authore deridete atq; contemnite, qui se horum, qui nunc ita appellantur, Rhetorum præceptis omnem oratorum uim complexos esse arbitrantur: neque adhuc quam personam teneant, aut quid profiteantur, intelligere potuerunt. Verum enim oratori quæ sunt in hominum uita, quandoquidem in ea uersatur orator, atque ea est ei subiecta materies, omnia quæsita, audita, lecta, disputata, tractata, agitata esse debent. Est enim eloquentia una quædam de summis uirtutibus, quanquam sunt omnes uirtutes æquales & pares: sed tamen est species alia magis alia formosa & illustris, sicut hæc uis quæ scientiam complexa rerum, sensa mentis & consi-



lia sic uerbis explicat, ut eos qui audiunt, quocunq; incubuerit, possit impellere: quæ quo maior est uis, hoc est magis probitate iungenda, summaq; prudentia: quarum uirtutum expertibus, si dicendi copiam tradiderimus, non eos quidē oratores effecerimus, sed furentibus quædam arma dederimus. Hanc inquam, cogitandi pronuntiandiq; rationem, uimq; dicendi ueteres Græci sapientiam nominabant. hinc illi Lycurgi, hinc Pittaci, hinc Solones, atq; ab hac similitudine Coruncani nostri, Fabricij, (a) Catones, Scipiones fuerunt: non tam fortasse docti, sed impetu mentis simili, & uoluntate. Eadem autem alij prudentia, sed consilio ad uitæ studia dispari, quietem atq; ocium secuti, ut Pythagoras, Democritus, Anaxagoras, à regendis ciuitatibus totos se ad cognitionem rerum transtulerunt: quæ uita propter tranquillitatem, & propter ipsius scientiæ suauitatem, quæ nihil est hominibus incundius, plures quàm utile fuit rebus publicis, delectauit. Itaque ut ei studio se excellentissimis ingenijs homines dediderunt, ex ea summa facultate uacui ac liberi temporis, multò plura quàm erat necesse, doctissimi homines octo nimio & ingenijs uerimis affluentes, curanda sibi esse, ac quærenda, & inuestiganda duxerunt. Nā uetus quidem illa doctrina eadem uidetur & rectè faciendi, et benè dicendi magistrat: neq; distincti doctores, sed ijdem erant uiuendi præceptores, atque dicendi, ut ille apud Homerum Phoenix, qui se à Peleo patre Achilli iuueni comitem esse datum dicit ad bellum, ut illum efficeret oratorem uerborum, actoremq; rerū. Sed ut homines labore assiduo & quotidiano assueti, cū tempestatis causa opere prohibentur, ad pilam se, aut ad talos, aut ad tesseras conferunt,

aut



aut etiam nouum sibi ipsi aliquem excogitant in ocio ludum: sic illi à negocijs publicis, tanquam ab opere aut temporibus exclusi, aut uoluntate sua feriat, totos se alij ad Poëtas, alij ad Geometras, alij ad Musicos contulerunt: alij etiam, ut Dialectici, nouum sibi ipsi studium ludumq; pepererunt: atque in ijs artibus quæ repertæ sunt ut puerorum mentes ad humanitatem fingerentur atque uirtutem, omne tempus atque ætates suas consumpserunt. Sed quòd erant quidam, ijsq; multi, qui aut in Republica propter ancipitem, quæ non potest esse seiuncta, faciendi dicendiq; sapientiam florerent: ut Themistocles, aut Pericles, ut Theramenes: aut qui minus ipsi in Repub. uersarentur, sed ut huius tamen eiusdem sapientiæ doctores essent: ut Gorgias, Thrasimachus, Isocrates, inuenti sunt: qui cum ipsi doctrina & ingenijs abundarent, à re autem ciuili & à negocijs animi quodam iudicio abhorrent: hanc dicendi exercitacionem exagitarent, atque contemnerent: quorum princeps Socrates fuit is, qui omnium eruditorum testimonio, totiusq; iudicio Græciæ, cum prudentia, & acumine, & uenustate, & subtilitate, tum uerò eloquentia, uarietate, copia, quam se cunque in partem dedisset, omnium fuit facile princeps: ijs qui hæc quæ nos nunc quærimus, tractarent, agerent, docerent, cum nomine appellarentur uno: quòd omnis rerum optimarum cognitio, atque in ijs exercitatio, philosophia nominaretur: hoc commune nomen eripuit, (b) sapienterq; sentiendi & ornatè dicendi scientiam re coherentes, disputationibus suis separauit: cuius ingenium, uariosq; sermones immortalitati scriptis suis Plato tradidit, cum ipse literam Socrates nullam reliquisset. Hinc disidium illud



exititit quasi linguæ atq; cordis, absurdum sanè, & inutile, & reprehendendum: ut alij nos sapere, alij dicere docerent. Nam cum essent plures orti ferè à Socrate, quòd ex illius uarijs et diuersis et in omnem partem diffusis disputationibus alius aliud apprehenderat, profeminatæ sunt quasi familiæ dissentientes inter se, & multum disunctæ, & dispares: cum tamen omnes se philosophi Socraticos & dici uellent, & esse arbitrantur. Ac primò ab ipso Platone Aristoteles & Xenocrates, quorum alter Peripateticorum, alter Academia nomen obtinuit. deinde ab Antisthene, qui patientiam & duriciam in Socratico sermone maximè adamarat: Cynici primùm, deinde Stoici, tum ab Aristippo, quem ille magis uoluptariæ disputationes delectant, Cyrenaica philosophia manauit, quam ille & eius posterì simpliciter defenderant: ij qui nunc uoluptate omnia metiuntur, dū uerecundius id agunt, nec dignitati satisfaciunt quā non assernantur, nec uoluptatem tuentur quam amplexari uolunt. Fuerunt etiam alia genera philosophorum, qui se omnes ferè Socraticos esse dicebant, Ereticorum, Erilliorum, Megaricorum, Pyrrhoneorum: sed ea horum ui et disputationibus sunt iamdiu fracta et extincta. Ex illis autem quæ remanent, ea philosophia, quæ suscepit patrocinium uoluptatis; & si cui uera uideatur, procul abest tamen ab eo uiro quem quærimus, et quem auctoritatem publici consilij & regendæ ciuitatis ducem, & sententiæ atque eloquentiæ principem in senatu, in populo, in causis publicis esse uolumus. nec ulla tamen ei philosophia fiet iniuria à nobis: non enim repelletur inde quò aggredi cupiet, sed in hortulis quiescet suis, ubi uult: ubi etiam recubans molliter, & delicate, nos auo-



cat à rostris, à iudicijs, à curia, fortasse sapienter, ac præsertim à republica. Verum ego non quero nunc, quæ sit philosophia uerissima, sed quæ oratori coniuncta maxime. Quare istos sine ulla contumelia dimittamus: sunt enim et boni uiri, & quoniam sibi ita uidentur, beati: tantumq; eos admoneamus, ut illud etiam si est uerissimum, tacitum tamen tanquam mysterium teneant, quod negant uersari in rep. esse sapientis. nam si hoc nobis atque optimo cuique persuasierint, non poterunt ipsi esse, id quod maxime cupiunt, ociosi. Stoicos autem, quos minime improbo, dimitto tamē, nec eos iratos uereor, quoniam omnino irasci nesciunt: atq; hanc ab ijs habeo gratiam, quod soli ex omnibus, eloquentiam, uirtutē ac sapientiam (a) esse dixerunt. sed utrumq; est in his, quod 149 ab hoc quem instruimus, oratore ualde abhorreat: uel quod omnes qui sapientes non sint, seruos, latrones, hostes, insanos esse dicunt: neque tamen quenquam esse sapientem, ualde autem est absurdum, ei concionem, aut senatum, aut ullum coetum hominum committere, cui nemo illorum qui adsint, sanus, nemo ciuis, nemo liber esse uideatur. Accidit, quod orationis etiam genus habent fortasse subtile, & certē acutum: sed ut in oratore exile, inusitatum, abhorrens ab auribus uulgi, obscurum, inane, ieiunum, attamen eiusmodi, quo uti ad uulgus nullo modo possit. Alia enim & bona & mala uidentur Stoicis, & ceteris ciuibz, uel potius gentibus: alia uis honoris, ignominie, præmij, supplicij. uerē an secus, nihil ad hoc tempus: sed ea si sequamur, nullam unquam rem dicendo expedire possumus. Reliqui sunt Peripatetici et Academici, quanquam Academicorum nomen est unum, sententie duæ. nam Speusippus Platonis sororis filius,



& Xenocrates, qui Platonem audierat, & qui Xenocratem Polemo, & Crantor, nihil ab Aristotele, qui unum audierat Platonem, magnopere dissensit: copia fortasse, & uarietate dicendi pares non fuerunt. Arcefilas primus qui Polemonem audierat, ex uarijs Platonis libris sermonibusq; Socraticis hoc maxime arripuit: nihil esse certi, quod aut sensibus, aut animo percipi possit. quem ferunt eximio quodam usum lepore dicendi, aspernatum esse omne animi sensusq; iudicium: primumq; insituisse (quanquam id fuit Socraticum maxime) non quid ipse sentiret ostendere, sed contra id quod quisq; se sentire dixisset, disputare. Hinc hæc recentior Academia emanauit, in qua extitit diuina quadam celeritate ingenij dicendiq; copia Carneades: cuius ego etsi multos auditores cognoui Athenis, tamen authores certissimos laudare possum, & socerum meum Scauolam qui eum Rome audiuit adolescens, & Qu. Metellum L. F. familiarum meum clarissimum uirum, qui illum à se adolescentem Athenis, iam affectum senectute, multos dies auditum esse dicebat. Hæc autem ut ex Apennino fluminum, sic ex communi sapientium iugo sunt doctrinarum facta diuortia. ut philosophi tanquam in superum mare Ionium defluerent, Græcum quiddam & portuosum: oratores autem in inferum hoc Thuscum, barbarum, scopulosum atque infestum laberentur, in quo etiam ipse Vlysses errasset. Quare si hac eloquentia atque hoc oratore contenti sumus, qui sciat aut negare oportere quod arguere: aut si id non possis, tum ostendere quod is fecerit qui insimuletur, aut recte factum, aut alterius culpa, aut iniuria, aut ex lege, aut non contra legem, aut imprudentia, (b) aut necessario, aut non eo nomine usurpandum quo



quo arguatur, aut non ita agit ut debuerit ac licuerit: & si satis esse putatis ea quæ isti scriptores artis docent discere, quæ multò tamè ornatiùs quàm ab illis dicuntur, et uberius explicauit Antonius: sed si his contenti estis, atque ijs etiam quæ dici uoluistis à me, ex ingenti quodam oratorem immensoq; campo in exiguum sanè gyrum compellit is. Sin ueterem illum Periclem, aut hunc etiam qui familiarior nobis propter scriptorum multitudinem est, Demosthenem sequi uultis: & si illam præclaram & eximiam speciem oratoris perfecti & pulchritudinem adamastis: aut uobis hæc Carneadia, aut illa Aristotelia uis comprehendenda est. Namque (ut antè dixi) ueteres illi usque ad Isocratem omnem omnium rerum, quæ ad mores hominum, quæ ad uitam, quæ ad uirtutem, quæ ad remp. pertinebant, cognitionem & scientiam, cum dicendi ratione iungebant. postea dissociati (ut exposui) à Socrate, diserti à doctis, & deinceps à Socraticis item omnibus, philosophi eloquentiam despexerunt, oratores sapientiam: neq; quicquam ex alterius parte tetigerunt, nisi quod illi ab his, aut ab illis hi mutuarentur, ex quo promiscuè haurirent, si manere in pristina communione uoluissent. sed ut pontifices ueteres propter sacrificiorum multitudinem tres uiros epulones esse uoluerunt, cum essent ipsi à Numa, ut etiam illud ludorum epulare sacrificium facerent, instituti: sic Socratici à se causarū actores à communi philosophiæ nomine separauerunt, cum ueteres dicendi & intelligendi mirificam societatem esse uoluissent. Quæ cum ita sint, paululum equidem de me deprecabor, & petam à uobis, ut ea quæ dicam, non de memetipso, sed de oratore dicere putetis. Ego enim sum is, qui cum summo studio pa-



dio patris in puericia doctus essem, & in forum ingenij  
 tantum quantum ipse sentio, non tantum quantum ipse  
 forsitan uobis uidear, detulissim: non possim dicere me  
 hæc quæ nunc complector, perinde ut dicam discenda  
 esse didicisse: quippe qui omnium maturrimè ad publi-  
 cas causas accesserim, annosq; natus unum & uiginti  
 nobilissimum hominem et eloquentissimum in iudicijs  
 uocarim: cui disciplina fuerit forum, magister usus, & le-  
 ges, & instituta populi Rom. mosq; maiorum. paulum,  
 sitiens istarum artium de quibus loquor, gustavi Quæ-  
 stor in Asia, cum essem æqualem ferè meū ex Academia  
 Rhetorum nactus Metrodorum illum, de cuius memoria  
 commemorauit Antonius: & inde decedens Athenis, u-  
 bi ego diutius essem moratus, nisi Atheniensibus, quod  
 mysteria non referrent, ad quæ biduo serius ueneram,  
 succensuissem. Quare hoc, quod complector tantam  
 150 scientiam uimq; doctrinæ (a) non modo nō pro me, sed  
 contra me est potius (nō enim quid ego, sed quid orator  
 possit disputo) atq; hos omnes qui artes Rhetoricas ex-  
 ponunt, perridiculos. Scribūt enim de litium genere, &  
 de principijs, & de narrationibus. Illa uis autē eloquen-  
 tiæ tanta est, ut omnium rerum, uirtutum, officiorum,  
 omnisq; naturæ, quæ mores hominum, quæ animos, quæ  
 uitam continet, originem, uim, mutationesq; teneat. ea-  
 dem mores, leges, iura describat, rempub. regat, omnia  
 quæ ad quamque rem pertineant, ornatè copioseq; di-  
 cat. In quo genere nos quidem uersamur tantum, quan-  
 tum possumus, quantum ingenio, quantum mediocri do-  
 ctrina, quantum usu ualemus: neq; tamen istis qui in una  
 philosophia quasi tabernaculum uitæ suæ collocarunt,  
 multum sanè in disputatione concedimus. Quid enim



meus familiaris C. Velleius afferre potest, quamobrem uoluptas sit summum bonum: quod ego non copiosius possum uel tutari si uelim, uel refellere ex illis locis quos exposuit Antonius, hac dicendi exercitatione, in qua Velleius est rudis, uniusquisque nostrum uersatus? Quid est, quod aut Sex. Pompeius, aut duo Balbi, aut meus amicus qui cum Panætio uixit, M. Visellius, de uirtute homines Stoici possint dicere: qua in disputatione ego his debeam, aut uestrum quisquam concedere? Non est enim philosophia similis artium reliquarum. nam quid faciet in Geometria qui non didicerit? quid in Musicis? aut taceat oportebit, aut ne sanus quidem iudicetur. hæc uero quæ sunt in philosophia, ingenijs eruuntur, ad id quod in quodque uerisimile est eliciendum, acutis atque acribus, eaque exercitata oratione poliuntur. Hic hic noster uulgaris orator, si minus erit doctus, attamen in dicendo exercitatus, hac ipsa exercitatione communi, istos quidem nostros uerberabit, neque se ab ijs contemni ac despici sinet. Sin aliquis extiterit aliquando, qui Aristotelico more de omnibus rebus in utramque sententiam possit dicere, et in omni causa duas contrarias orationes præceptis illius cognitis, explicare: aut hoc Arcefilæ modo, et Carneadis, contra omne quod propositum sit, disserat: quique ad eam rationem adiungat hunc Rhetoricum usum, moremque, exercitationemque dicendi: is sit uerus, is perfectus, is solus orator. Nam neque sine forensibus neruis satis uehemens et grauis, nec sine uarietate doctrinæ satis politus et sapiens esse orator potest. Quare Coracem istum uestrum patiamur nos quidem pullos suos excludere in nido, qui euolent clamatores odiosi ac molesti: Pamphilumque nescio quem si-

namus



namus in infulis tantam rem, tanquam pueriles delicias aliquas depingere. nosq; ipsi hanc tam exigua disputatione hesterni et hodierni (b) dici totum oratoris munus explicemus: dummodò illa res tanta sit, ut omnibus philosophorum libris, quos nemo oratorum istorum unquam attigit, comprehensa esse uideatur. Tum Catulus: Haudquaquam hercle, inquit, Crasse, mirandum est, esse in te tantam dicendi uel uim, uel suauitatem, uel copiam: quem quidem antea natura rebar ita dicere, ut mihi non solum orator summus, sed etiam sapientissimus homo uiderere. nunc intelligo illa te semper etiam potentiora duxisse, quæ ad sapientiam spectarent, atq; ex his hanc dicendi copiam fluxisse: sed tamē, cum omneis gradus etatis recordor tuæ, cumq; uitam tuam ac studia considero: neque quo tempore ista didiceris uideo, nec magnopere te istis studijs, hominibus, libris intelligo editum. neque tamen possum statuere, utrum magis mirer, te illa, quæ mihi persuades maxima esse adiumenta, potuisse in tuis tantis occupationibus perdiscere: an, si non potueris, posse isto modo dicere. Hic Crassus: Hoc tibi, inquit, Catule, primum persuadeas uelim, me non multo secus facere cum de oratore disputem, ac facerem si esset mihi de histrione dicendum. negarem enim posse eum satisfacere in gestu, nisi palestram, nisi saltum didicisset: neque ea cum dicerem, me esse histrionem necesse esset: sed fortasse non stultum alieni artificij estimatorem. similiter nunc de oratore uestro impulsu loquor, summo scilicet. Semper enim quacunque de arte aut facultate queritur, de absoluta et perfecta queri solet. Quare si iam me uultis esse oratorem, si etiam sat bonum, si bonum denique, non repugnabo

(quid



(quid enim nunc sim ineptus? ita me existimari scio) quod si ita est, summus tamen certe non sum. neque enim apud homines res est ulla difficilior, neque maior, neque quæ plura adiumenta doctrinæ desideret. At tamen quoniam de oratore nobis disputandum est, de summo oratore dicam necesse est. uis enim & natura rei, nisi perfecta ante oculos ponitur, qualis & quanta sit, intelligi non potest. Me autem, Catule, fateor neque hodie in istis libris, & cū istis hominibus uiuere, nec uero id quod tu rectè commemorasti, ullum unquam habuisse sepositum tempus ad discendum: ac tantum tribuisse doctrinæ temporis, quantum mihi puerilis ætas, forenses feriæ concesserint. At si queris, Catule, de doctrina ista quid ego sentiam: non tantum ingenioso homini, et ei qui forum, qui curiam, qui causas, qui rempub. spectet, opus esse arbitror temporis, quantum sibi ij sumpserunt, quos discentes uita defecit, omnes enim artes aliter ab ijs tractantur qui eas ad usum transferunt, aliter ab ijs qui ipsarum artium tractatu delectati, nihil in uita sunt aliud acturi. Magister hic Samnitium summa iam senectute est, & quotidie cōmentatur, (a) nihil enim cu- 158 rat aliud, atque uelocius puer addidicerat. sed quod erat aptus ad illud, totūque cognorat, fuit, ut est apud Luciliū:

— Quamuis bonus ipse

Samnis in ludo, ac rudibus cuius satis asper:  
sed plus operæ foro tribuebat, amicis, rei familiari. Valerius quotidie cantabat: erat enim scenicus. quid faceret aliud? at Numerius Furius noster familiaris, cum est cōmodum, cantat. est enim paterfamiliās, est eques Romanus: puer didicit, quod discendum. Eadem ratio est harum artium maximarum, dies & noctes uirum sum-

ma uir-



ma uirtute & prudentia uidebamus philosopho cum operam daret Qu. Tuberone: at eius auunculum uix intelligeres id agere, cum ageret tamen, Africanum. Ista dicuntur facile, si & tantum sumas, quantum opus sit, & habeas qui docere fideliter possit, & scias etiam ipse discere. Sed si tota uita nihil uelis aliud agere, ipsa tractatio & questio quotidie ex se gignit aliquid, quod cum desidiosa delectatione uestiges. ita fit, ut agitatione rerum sit infinita cognitio: facilis usus doctrinam confirmet, mediocris opera tribuatur, memoria studiumque permaneat. Libet autem semper discere. Vt si uelim ego talis optime ludere, aut pile studio teneam, etiam fortasse si assequi non possim. At alij quia praeclare faciunt, uehementius quam causa postulat delectantur, ut Tityrus pila, Brulla talis. Quare nihil est quod quisquam magnitudinem artium ex eo quod senes discunt, pertimescat: namque aut senes ad eas acceperunt, aut usque ad senectutem in studijs detinentur, aut sunt tardissimi. Res quidem se mea sententia sic habet, ut nisi quod quisque citò potuerit, nunquam omnino possit perdiscere. Iam iam, inquit Catulus, intelligo, Crasse, quid dicas, & hercule assentior. satis uideo tibi homini ad perdiscendum acerrimo, ad ea cognoscenda quae dicis, fuisse temporis. Pergis ne, inquit Crassus, me, quae dicam, de me, non de re putare dicere? Sed iam, si placet, ad instituta redeamus. Mihi uerò, Catulus inquit, placet. Tum Crassus: Quorsum igitur haec spectat, inquit, tam longa & tam altè repetita oratio? haec duae partes quae mihi supersunt, illustrandae orationis, ac totius eloquentiae cummulandae: quarum altera dici postulat ornate, altera aptè: hanc habent uim, ut sit quā maxime iucunda, quā maxime



maximè in sensus eorum qui audiunt influat, & quàm plurimis sit rebus instructa. Instrumentum autem hoc forense, litigiosum, acre, tractum ex uulgi opinionibus, exiguum sanè atque mendicium est: illud rursus ipsum quod tradunt isti qui profitentur se dicendi magistros, non multum est maius quàm illud uulgare ac forense. Apparatus nobis opus (b) est, & rebus exquisitis undique, & collectis, arcesitis, comportatis, ut tibi, Cæsar, faciendum est ad annum, ut ego in ædilitate laboraui: quod quotidianis & uernaculis rebus satisfacere me posse huic populo non putabam. Verborum eligendorum & collocandorum & concludendorum facilis est uel ratio, uel sineratione ipsa exercitacio. Rerum est sylua magna, quam cùm Græci iam non tenerent, ob eam quæ causam iuuentus nostra dediceret penè discendo: etiam Latini, si dijs placet, hoc biennio magistri dicendi extiterunt: quos ego censor edicto meo sustuleram, non quò (ut nescio quos dicere aiebant) acui ingenia adolescentium nollem, sed contrà ingenia obtundi nolui, corroborationi impudentiam. Nā apud Græcos, qui cuiusmodi essent uidebam: tamen esse præter hanc exercitationem linguæ doctrinam aliquam, & humanitatem dignam scientia: hos uerò nouos magistros nihil intelligebam posse docere, nisi ut auderent, quod etiam cum bonis rebus coniunctum per se ipsum est magnopere fugiendum. Hoc cùm unum traderetur, & cùm impudentiæ ludus esset, putavi esse Censoris, ne longius id serperet, prouidere. Quanquam non hæc ita statuo atq; decerno, ut desperem Latine ea de quibus disputauimus, tradi ac perpoliari. patitur enim & lingua nostra, et natura rerum ueterem illam excellentemq; prudentiam Græcorum, ad nouam



strum usum moremque transferri: sed hominibus opus est eruditis, qui adhuc in hoc quidam genere nostri nulli fuerunt: sin quando extiterint, etiam Græcis erunt anteposendi. Ornatur igitur oratio genere primum, et quasi colore quodam, et succo suo. nam ut gravis, ut suavis, ut erudita sit, ut liberalis, ut admirabilis, ut polita, ut sensus, ut dolores habeat, quantum opus sit, non est singulorum articulorum, in toto spectantur hæc corpore. Ut porro conspersa sit quasi uerborum sententiarumque floribus, id non debet esse fusum æquabiliter per omnem orationem: sed ita distinctum, ut sint quasi in ornatu disposita quedam insignia et lumina. Genus igitur dicendi est eligendum, quod maxime teneat eos qui audiunt: et quod non solum delectet, sed etiam sine satietate delectet. non enim à me iam expectari puto, ut moneam, ut caueatis ne exilis, ne inculta sit uestra oratio, ne uulgis, ne obsoleta: aliud quiddam maius et ingenia me hortantur uestra, et ætates. Difficile enim dictum est, quæ nam causa sit, cur ea quæ maxime sensus nostros impellunt, uoluptate et specie prima acerrime commouent, ab ijs celerrime fastidio quodam et satietate abalienemur. Quanto colorum pulchritudine et uarietate stolidiora sunt in pictaris nouis pleraque, quam in ueteribus: quæ tamen, etiam si (a) primo aspectu nos ceperunt, diutius non delectant, cum ijdem nos in antiquis tabulis illo ipso horrido obsoletoque teneamur. Quanto molliores sunt et delicatiores in cantu flexiones et falsæ uoculæ, quam certæ et seueræ quibus tamē non modò austeri, sed, si sæpius fiunt, multitudo ipsa reclamat. Licet hoc uidere in reliquis sensibus, unguentis minus diu nos delectari summa et acerrima suauitate conditis, quam his

modis



moderatis: & magis laudari quod terram, quàm quod  
 croci olere uideatur. in ipso tactu esse modum et molli-  
 tudinis, & leuitatis. Quin etiam gustatus, qui est sen-  
 sus ex omnibus maximè uoluptarius, quiq; dulcitudine  
 præter ceteros sensus commouetur, quàm citò id quod  
 ualde dulce est, aspernatur ac respuit? quis potione uti,  
 aut cibo dulci diutius potest? Quum utroq; in genere  
 ea quæ leuiter sensum uoluptate moueant, facillimè fu-  
 giant satietatem: sic omnibus in rebus uoluptatibus ma-  
 ximis fastidium finitimū est. Quo hoc minus in oratio-  
 ne miremur, in qua uel ex poëtis, uel ex oratoribus pos-  
 sumus iudicare concinnam, distinctam, ornatam, festi-  
 uam, sine intermissione, sine reprehensione, sine uarieta-  
 te, quamuis claris sit coloribus picta uel poësis, uel ora-  
 tio, nō posse in delectatione esse diuturna. atq; eò citius  
 in oratoris aut in poëtæ cincinnis ac fūco offenditur,  
 quod sensus in nimia uoluptate natura non mente satian-  
 tur, in scriptis & in dictis non aurium solum, sed animi  
 iudicio etiam magis, insuata uitia noscuntur. Quare,  
 benè & præclare (quamuis nobis sæpè dicatur) bellè &  
 festiue. nimium sæpe nolo. quanquam illa ipsa exclama-  
 tio, Non potest melius, sit uelim crebra: sed habeat tamē  
 illa in dicendo admiratio ac summa laus, umbram ali-  
 quam & recessum: quò magis id quod erit illuminatū,  
 extare atq; eminere uideatur. Nunquam agit hunc uer-  
 sum Roscius eo gestū quo potest:  
 Nam sapiens uirtuti honorè præmiū, haud prædā petit.  
 sed abijcit prorsus, ut in proximo:  
 Sed quid uideo? ferro septus possidet sedes sacras.  
 incidat afficiat, admiretur, stupe scat. Quid ille alter  
 Quid petam præsidij?



quàm leniter, quàm remissè, quàm non actiuosè instat enim  
O pater, ô patria, ô Priami domus.

in quo tanta commoueri actio non posset, si esset con=  
sumpta superiore motu, et exhausta. neq; id actores pri=  
us uiderūt quàm ipsi poëta, quàm deniq; illi etiā qui se=  
cerūt modos, à quibus utrisq; summittitur aliquid, dein=  
de augetur, extenuatur, inflatur, uariatur, distinguitur.  
Ita sit nobis igitur ornatus & suauis orator, nec tamen  
potest aliter esse (b) ut srauitatem habeat austeram &  
solidam, non dulcem atq; decoctam: nam ipsa ad ornan=  
dum præcepta quæ dantur, eiusmodi sunt, ut ea quam=  
uis uitiosissimus orator explicare possit. Quare, ut antè  
dixi, primum syluarum rerum ac sententiarum comparan=  
da est, qua de parte dixit Antonius: hæc formanda filo  
ipso & genere orationis, illuminanda uerbis, uarianda  
sententijs. Summa autem laus eloquentiæ est amplifica=  
rerem ornando: quod ualet non solum ad augendum ali=  
quid & tollendū altius dicendo, sed etiam ad extenuan=  
dum atque abijciendum. Id desideratur omnibus ijs in  
locis, quos ad fidem orationis faciendam adhiberi dixit  
Antonius: uel cum explanamus aliquid, uel cum conci=  
liamus animos, uel cum concitamus. Sed in hoc quod po=  
stremum dixi, amplificatio potest plurimum, eaq; una  
laus oratoris est, & propria maxime: etiam maior est  
illa exercitatio, quam extremo sermone instruxit Anto=  
nius, primo reijciebat, laudandi & uituperandi. Nihil  
est enim ad exaggerandam & amplificandam oratio=  
nem accommodatius, quàm utrunq; horū cumulatisi=  
mè facere posse. Consequentur etiam illi loci, qui quan=  
quam proprij causarum, & inherentes in eorum neruis  
esse debent: tantè quia de uniuersa re tractari solent, com=  
munes



munes à ueteribus nominati sunt, quorum partim habent uitiorum & peccatorum acrem quandam cum amplificatione incusationem aut querelam, contra quam dici nihil solet: nec potest, ut in depeculatore, in proditore, in parricidam, quibus uti confirmatis criminibus oportet: aliter enim ieiuni sunt, atq; inanes. Alij autem habent deprecationem aut miserationem, alij uero ancipites disputationes: in quibus de uniuerso genere in utranque partem differi copiose licet. Quæ exercitatio nunc propria duarum philosophiarum, de quibus antè dixi, putatur. Apud antiquos erat eorū, à quibus omnis de rebus forensibus dicendi ratio & copia petebatur. de uirtute enim, de officio, de æquo & bono, de dignitate, honore, ignominia, præmio, pœna, similibusq; de rebus in utranque partem dicendi, animos, & uim, & artem habere debemus. Sed quoniam de nostra possessione depulsi in paruo, et eo litigioso prædiolo relictī sumus, & aliorum patroni nostra tenere tueriq; non potuimus: ab ijs (quod indignissimum est) qui in nostrum patrimonium irruerunt, quod opus est nobis, mutuemur. Dicunt igitur nunc quidem illi qui ex particula parua urbis ac loci nomen habent, & Peripatetici philosophi aut Academici nominantur: olim autē propter eximiam rerum maximarum scientiam à Græcis politici philosophi appellati, uniuersarum rerum publicarum nomine uocabantur: omnem diuilem (a) orationem in horum al-

153



illud genus, causam, aut controuersiam appellant: eamq; tribus, lite, aut deliberatione, aut laudatione definiunt. hæc autē altera questio infinita, & quasi proposita, consultatio nominatur. atque hæcenus loquuntur. Etiam hac instituendo diuisione utuntur, sed ita non ut iure aut iudicio, ut deniq; recuperare amissam possessionem, sed ut ex iure ciuili surculo defringendo usurpare uideantur. Nam illud alterum genus, quod est temporibus, locis, reis definitum obtinent, atq; id ipsum lacinia. Nunc enim apud Philonem, quem in Academia maxime uigere audio, etiam harum iam causarum cognitio exercitatioq; celebratur. Alterum uero tantummodò in prima arte tradenda nominant, & oratoris esse dicunt: sed neq; uim, neq; naturam eius, nec partes, nec genera proponunt, ut præteriri omnino fuerit satius, quam attemptatum deferi. nūc enim inopia reticere intelliguntur, tum iudicio uiderentur. Omnis igitur res eandem habet naturam ambigendi, de qua queri & disceptari potest, siue infinitis consultationibus disceptatur, siue in ijs causis quæ in ciuili atq; in forensi disceptatione uersantur: neque est ulla quæ non aut ad cognoscendi, aut ad agendi uim rationemq; referatur. nam aut ipsa cognitio rei scientiaq; perquiritur, ut: Virtus suam ne propter dignitatem, an propter fructus aliquos expetatur? aut agendi consiliū exquiritur, ut: Sit ne sapienti capeffenda res publica? Cognitionis autem tres modi, coniectura, definitio, & (ut ita dicam) consecutio. Nam quid in re sit, coniectura queritur: ut illud, Sit ne in humano genere sapientia? Quam autem uim quæq; res habeat, definitio explicat: ut si queratur, quid sit sapientia. Cōsecutio autem tractatur, cum quid quamq; rem sequatur, inquiri-  
tur. ut



tur. ut illud: Sit ne aliquando mentiri boni uiri? Redcū  
 rursus ad coniecturam, egmq; in quatuor genera disper-  
 tiunt. nam aut quid sit queritur, hoc modo: Natura ne  
 sit ius inter homines an opinionibus? aut quæ sit origo  
 cuiusq; rei, aut quod sit initium legum, aut rerumpub-  
 licarum? aut causa & ratio: ut si queratur, Cur doctissi-  
 mi homines de maximis rebus dissentiant? aut de immu-  
 tatione: ut si disputetur, Num interire uirtus in homine,  
 aut, num in uitium possit conuerti. Definitionis autem  
 sunt disceptationes: ut cū queritur, quid in communi  
 mente quasi impressum sit. ut si differatur, id ne sit ius  
 quod maxime parti sit utile? aut cū quid cuiusque sit  
 proprium (b) exquiritur, ut ornatè dicere proprium ne  
 sit oratoris? an id etiam aliquis præterea possit? aut cū  
 res distribuitur in partes: ut si queratur, quot sint gene-  
 ra rerum expetendarum: ut, sint ne tria, corporis, ani-  
 mi, externarumq; rerum? aut cū quæ forma, & quasi  
 naturalis nota cuiusq; sit, describitur: ut si queratur a-  
 uari species, seditiosi, gloriosi. Consecutionis autem duo  
 prima questionum genera ponuntur. Nam aut simplex  
 est disceptatio, ut si differatur, expetenda ne sit gloria?  
 aut ex comparatione, laus an diuitiæ magis expetendæ  
 sint? Simplicium autem sunt tres modi, de expetendis  
 fugiendisue rebus, ut expetendi ne honores sint? num  
 fugienda paupertas? de æquo aut iniquo: æquum ne sit  
 ulcisci iniurias etiam propinquorum? de honesto aut tur-  
 pi, ut hoc, Sit ne honestum gloriæ causa mortem obire?  
 Comparationis autem duo sunt modi: unus, cū idē ne  
 sit, an aliquid intersit queritur, ut metuere & uereri,  
 ut rex & tyrannus, ut assentator & amicus: alter, cū  
 quid præstet aliud alij queritur, ut illud, Optimi ne cuius



que sapientes, an populari laude ducantur? Atque ea quidem disceptationes, quae ad cognitionem referuntur, sic ferè à doctissimis hominibus describuntur. Quae uerò referuntur ad agendum, aut in officij disceptatione uersantur, quo in genere quid rectum faciendumque sit queritur, cui loco omnis uirtutum et uitiorum est sylua subiecta; aut in animorum aliqua permotione, aut gignenda, aut sedanda tollendaue tractantur. huic generi subiectae sunt cohortationes, obiurgationes, consolationes, miserationes, omnisque ad omnem animi motum et impulsio, et si ita res feret, mitigatio. Explicatis igitur his generibus ac modis disceptationum omnium, nihil sanè ad rem pertinet, si qua in re discrepauit ab Antonij diuisione nostra partitio. eadem enim sunt membra in utrisque disputationibus, sed paulò secus à me atque ab illo partita ac distributa. Nunc ad reliqua progrediar, meque ad meum munus pensumque reuocabo. Nam ex illis locis quos exposuit Antonius, omnia sunt ad quaeque genera questionum argumenta sumenda, sed alijs generibus alij loci magis erunt apti. de quo non tam quia longum est, quam quia perspicuum, dici nihil est necesse. Ornatisimae sunt igitur orationes ea quae latissime uagantur, et à priuata ac singulari controuersia se ad uniuersum generis uim explicandam conferunt et conuertunt: ut ij qui audiant, natura, et genere, et uniuersa re cognita, de singulis reis, et criminibus, et libet statuerè possint. Hanc ad consuetudinem exercitationis, uos adolescentes est cohortatus Antonius, atque à minutis angustisque concertationibus ad omnem uim uarietatemque; uos disserendi traducendos putauit. Quare (a) non est paucorum libellorum hoc munus, ut ij qui scripserunt de di-

cendi



cendiratione, arbitrati sunt: neq; Thusculani, atq; huius  
ambulationis antemeridiane, aut nostrae pomeridiane  
sessionis. Nō enim solūm acuenda nobis neq; procuden=  
da lingua est, sed onerandum complendumq; pectus ma=  
ximarum rerum & plurimarum suauitate, copia, uarie=  
tate. Nostra est enim (si modō nos oratores sumus, si in  
ciuium disceptationibus, si in periculis, si in deliberatio=  
nibus publicis adhibendi authores & principes sumus)  
nostra est inquā omnis ista prudentie doctrinēq; pos=  
sessio: in quam homines quasi caducam atq; uacuum a=  
bundantes ocio nobis occupatis inuolauerunt, atq; etiā  
aut iridentes oratorē, ut ille in Gorgia Socrates, cauil=  
lantur, aut aliquid de oratoris arte paucis præcipiunt li=  
bellis, eosq; Rhetoricos inscribunt: quasi nō illa sint pro=  
pria rhetorum, quæ ab iisdem de iusticia, de officio, de ci=  
uitatibus instituendis & regendis, de omni uiuendi, de=  
nique etiam de naturæ ratione dicuntur. Quæ quoniam  
iā aliunde non possumus, sumenda sunt nobis ab ijs ipsis  
à quibus expilati sumus, dummodō illa ad hanc ciuilem  
scientiam, quō pertinent, & quam intuentur, transfera=  
mus: neq; (ut antē dixi) omnem teramus in his discen=  
dis rebus ætatē. sed cū fontes uiderimus, quos nisi qui  
celeriter cognorit, nunquā cognoscet omnino, tūm quo=  
tiescunq; opus erit, ex ijs tantum quantū res petet, haur=  
riemus. Nam neque tam est acris acies in naturis homi=  
num & ingenijs, uires tantas quisquam, nisi monstra=  
tas, possit uidere: neq; tanta tamen in rebus obscuritas,  
ut eas non penitus acri uir ingenio cernat, si modō aspe=  
xerit. In hoc igitur tanto tamq; immenso campo, cū li=  
ceat oratori uagari liberē, atque ubicunque constiterit,  
consistere in suo, facile suppeditat omnis apparatus or=  
natusq;



natusq; dicendi. Rerum enim copia, uerborum copiam  
 gignit: & si est honestas in rebus ipsis de quibus dici-  
 tur, existit ex rei natura quidam splendor in uerbis. sit  
 modò is qui dicet aut scribet, institutus liberaliter edu-  
 catione doctrinaq; puerili, & flagret studio, & à natu-  
 ra adiungetur, & in uniuersorum generum infinitis di-  
 scriptionibus exercitatus, ornatissimos scriptores ora-  
 toresq; ad cognoscendum imitandumq; cognorit, ne il-  
 le baud sanè, quemadmodum uerba struat & illuminet,  
 à magistris istis requiret. Ita facile in rerum abundan-  
 tia ad orationis ornamenta sine duce natura ipsa, si mo-  
 dò est exercitata, labetur. Hic Catulus: *Dij immorta-  
 les*, inquit, quantam rerum uarietatem, quantam uim,  
 quantam copiam, Crasse, complexus es: quantisq; ex an-  
 gustijs oratorem educere ausus es, & in maiorum suo-  
 rum regno collocare? (b) Nanque illos ueteres docto-  
 res authoresq; dicendi nullum genus disputationis à se  
 alienum putasse accepimus, semperq; esse in omni ora-  
 tionis ratione uersatos. ex quibus Heleus Hippias, cum  
 Olympiam uenisset, maxima illa quinquennali celebri-  
 tate ludorum, gloriatus est cuncta pene audiente Græ-  
 cia, nihil esse ulla in arte rerum omnium, quod ipse non  
 sciret: nec solùm has artes quibus liberales doctrina at-  
 que ingenue continerentur, Geometriam, Musicam, li-  
 terarum cognitionem, & poetarum, atque illa quæ de  
 naturis rerum, quæ de hominum moribus, quæ de re-  
 bus pub. dicerentur: sed annulum quem haberet, pallium  
 quo amictus, soccos quibus indutus esset, se sua manu cõ-  
 fecisse, scilicet nimis hic quidem est progressus: sed ex eo  
 ipso est coniectura facilis, quantum sibi illi ipsi orato-  
 res de præclarissimis artibus appetierint, qui ne sordi-  
 diores



diores quidem repudiarint. Quid de Prodicto? quid de Thrasimacho Chalcedonio? de Protagora Abderita loquar? quorum unusquisq; plurimum temporibus illis etiam de natura rerum & differuit, & scripsit. Ipse ille Leontinus Gorgias, quo patrono (ut Plato uoluit) philosopho succubuit orator, qui aut non est uictus unquā à Socrate, neq; sermo ille Platonis uerus est: aut si est uictus, eloquentior uidelicet fuit & disertior Socrates, & (ut tu appellas) copiosior et melior orator. Sed hic in illo ipso Platonis libro de omni re quacūq; in disceptationem questionemq; uocaretur, se copiosissimè dicturū esse profiteitur: isq; princeps ex omnibus ausus est in cōuentu poscere, qua de re quisq; uellet audire: cui tantus honos habitus est à Græcia soli, ut ex omnibus, Delphis non inaurata statua, sed aurea statueretur. Atque ij quos nominaui, multiq; præterea summi dicendi doctores uno tempore fuerunt: ex quibus intelligi potest, ita se rem habere, ut tu Crasse dicis, oratorisq; nomen apud antiquos in Græcia maiore quadam uel copia uel gloria floruisse. Quo quidem magis dubito, tibi ne plus laudis, an Græcis uituperationis esse tribuendū statuam? cum tu in alia lingua ac moribus natus, occupatissima in ciuitate, uel priuatorum negocijs penè omnibus, uel orbis terre procuratione, ac summi imperij gubernatione distractus, tantam uim rerū cognitionemq; comprehenderis: eamq; omnē cum eiuſ qui consilio & oratione in ciuitate ualeat, scientia atq; exercitatione sociaris. Illi nati in literis, ardentesq; his studijs, ocio uerò diffuētes, nō modò nihil acquisierint, sed ne relictum quidem, & traditum et suum conseruauerint. Tum Crassus: Non in hac, inquit, una, Catule, re, sed in alijs etiam compluribus, distribuis



155 distributione partium ac separatione, magnitudines sunt  
 artium diminutæ. An tu existimas, cum esset Hippocra-  
 tes ille Cous, fuisse tū (a) alios medicos qui morbis, alios  
 qui uulneribus, alios qui oculis mederentur? num Geo-  
 metriā Euclide aut Archimede, nū Musicā Damone aut  
 Aristoxeno, num ipsas literas Aristophane aut Callima-  
 cho tractante tā discerptas fuisse, ut nemo genus uniuersum  
 cōplecteretur; atq; ut alius aliam sibi partē, in qua  
 elaboraret, seponeret? Equidem sæpè hoc audiui de pa-  
 tre, & de socero meo: nostros quoq; homines, qui excel-  
 lere sapientiæ gloria uellent, omnia quæ quidem tūm  
 hæc ciuitas nosset, solitos esse complecti: meminerant  
 illi Sex. Aelium. M. uerò Manlium nos etiam uidimus  
 transverso ambulanti foro: quod erat insigne, eum  
 qui id faceret, facere ciuib; omnibus consilij sui copiā:  
 ad quos olim & ita ambulantes, & in solio seden-  
 tes domi sic adibatur, non solum ut de iure ciuili ad eos,  
 uerum etiam de filia collocanda, de fundo emendo, de  
 agro colendo, de omni denique aut officio aut negotio  
 referretur. Hæc fuit P. Craßi illius ueteris, hæc T. Cor-  
 runcani, hæc proau generi mei Scipionis prudentissimi  
 hominis sapientiæ: qui omnes pontifices maximi fuerūt,  
 ut ad eos de omnibus diuinis atq; humanis rebus refer-  
 retur. ijdemq; et in senatu, & apud populū, et in causis  
 amicorum, & domi & militiæ consilium suum fidemq;  
 præstabant. Quid enim M. Catoni præter hanc politi-  
 simam doctrinam transmarinam etq; aduenticiam defuit?  
 num quia ius ciuile didicerat, causas nō dicebat? aut quia  
 poterat dicere, iuris scientiam negligebat? at utroq; in  
 genere & laborauit, & præstitit. num propter hanc ex  
 primatorum negocijs collectam gratiam tardior in rep.



capessenda fuit? nemo apud populum fortior, nemo melior senator, idem facile optimus imperator: denique nihil in hac ciuitate temporibus illis sciri disciue potuit, quod ille non cum inuestigarit & scierit, tum etiam conscripserit. Nunc contra plerique ad honores adipiscendos, & ad rempub. gerendam nudi ueniunt, atque inermes: nulla cognitione rerum, nulla scientia ornat. Sin aliquis excellit unus è multis, effert se: si unum aliquid affert, ut bellicam uirtutem, aut usum aliquem militarem, quæ sanè nunc quidem obsoleuerunt: aut iuris scientiã, ne eius quidem uniuersi: nam pontificium, quod est cõiunctum, nemo discit: aut eloquentiam, quam in clamore & in uerborum cursu positam putant. omnium uerò bonarum artium, denique uirtutum ipsarum societatem, cognationemque non norunt. Sed ut ad Græcos referam orationem, quibus carere in hoc quidem sermonis genere nõ possumus (nã ut uirtutis à nostris, sic doctrinæ sunt ab illis exempla repetenda) septem fuisse dicuntur uno tempore, qui sapientes & haberentur, & uocarentur: hi omnes præter Milesium (b) Thalem ciuitatibus suis præfuerunt. Quis doctior iisdem illis temporibus, aut cuius eloquentia literis instructior fuisse traditur, quàm Pisistrati? qui primus Homeri libros, confusos antea, sic disposuisse dicitur, ut nunc habemus. Nõ fuit ille quidẽ ciuibus suis utilis, sed ita eloquẽtia floruit, ut literis doctrinæque præstaret. Quid Pericles? de cuius dicendi copia sic accepimus: ut cum contra uoluntatẽ Atheniensium loqueretur pro salute patriæ, seuerius tamen id ipsum, quod ille contra populares homines diceret, populare omnibus & iucundũ uideretur: cuius in labris ueteres Comici, etiam cum illi maledicerent (quod tunc Athenis fieri



fieri licebat) lepore habitasse dixerunt: tantamq; in eo uim fuisse, ut in eorum mentibus, qui audissent, quasi aculeos quosdam relinqueret. At hunc non declamator aliquis ad clepsydram latrare docuerat: sed ut accepimus, Clazomenius ille Anaxagoras, uir summus in maximarum rerum scientia. Itaq; hic doctrina, consilio, eloquentia excellens, quadraginta annos præsuit Athenis, & urbanis eodem tempore, & bellicis rebus. Quid Critias? Quid Alcibiades? ciuitatibus suis quidem non boni, sed certe docti, atq; eloquentes, nonne Socraticis erant disputationibus eruditi? Quis Dionem Syracusensium doctrinis omnibus expoliuit? non Plato? atq; eum idem ille non linguae solum, uerum etiam animi ac uirtutis magister ad liberandam patriam impulit, instruxit, armauit. alijs ne igitur artibus hunc Dionem instituit Plato? alijs Isocrates clarissimum uirum Timotheum, Cononem praestantissimi imperatoris filium, summum ipsum imperatorem, hominemq; doctissimum? aut alijs Pythagoreus ille Lysias Thebanum Epaminundam, haud scio an summum uirum unum omnis Graeciae? aut Xenophon Agesilaum? aut Philolaum Architas Tarentinus? aut ipse Pythagoras totam illam ueterem Italiae Graeciam, quae quondam magna uocitata est? equidem non arbitror. Sic enim uideo, unam quandam omnium rerum, quae essent homine erudito dignae, atq; eo qui in re publica uellet excellere, fuisse doctrinam: quam qui acceperant, si idem ingenio ad pronunciandum uoluissent, & se ad dicendum quoq; non repugnante natura dedissent, eloquentia praestitisse. Itaq; ipse Aristoteles, cum florere Isocratem nobilitate discipulorum uideret: quod ipse suas disputationes à causis forensibus & civilibus ad inanem sermonis



sermonis elegantiam transfulisset: mutauit repente totam formam prope disciplinae suae, uersumque quendam de Philocteta paulo secus dixit. ille enim turpe sibi ait esse tacere cum barbaris: hic autem, cum Isocratem pateretur dicere. Itaque ornauit et illustrauit doctrinam illam omnem rerumque cognitionem cum orationis exercitatione (a) coniunxit. Neque uero hoc fugit sapientissimum regem Philippum, qui hunc Alexandro filio doctorem accierit: a quo eodem ille et agendi acciperet precepta, et eloquendi. Nunc siue qui uolet eum philosophum, qui copiam nobis rerum orationisque tradat, per me appellet oratorem licet: siue hunc oratorem, quem ego dico sapientiam iunctam habere eloquentiae, philosophum appellare malit, non impediam: dummodo hoc constet, neque infantiam eius qui rem norit, sed eam explicare dicendo non queat: neque inscitiam illius cui res non suppetit, uerba non desint, esse laudandam. quorum si alter sit optandum, malim equidem indiseratam prudentiam, quam stulticiam loquacem. sin quaerimus quid unum excellat ex omnibus, docto oratori palma danda est: quem si patiuntur eundem esse philosophum, sublata contra uersa est: sin eos disiungent, hoc erunt inferiores, quod in oratore perfecto inest illorum omnis scientia, in philosophorum autem cognitione non continuo inest eloquentia: quae quamuis contemnatur ab eis, necesse est tamen aliquem cumulum illorum artibus asferre uideatur. Haec cum Crassus dixisset, praeumper et ipse conticuit, et ceteris silentium fuit. Tum Cotta: Equidem, inquit, Crasse non possum queri, quod mihi uideare aliud quiddam, et non id quod susceperis, disputasse. plus enim aliquanto attulisti, quam tibi esset tributum a nobis, ac denunciatum.



nunciatum. Sed certè hæ partes fuerunt tuæ, de illustranda oratione ut diceres: & eras ipse iam ingressus, atq; in quatuor partes omnem orationis laudem descripseras: cumq; de duabus primis nobis quidem satis, sed ut ipse dicebas, celeriter, exigueq; dixisses, duas tibi reliquas feceras: quemadmodum primum ornatè, deinde etiam aptè diceremus. quò cum ingressus esses, repente te quasi quidam æstus ingenij tui procul à terra adripuit, atque in altum à conspectu penè omnium abstraxit. omnemq; rerum scientiam complexus, non tu quidem eam nobis tradidisti: neq; enim fuit tam exigui temporis. sed apud hos quid profeceris nescio, me quidem in Academiam totū compulisti, in qua uelim sit illud, quod sæpe posuisti, ut non necesse sit consumere ætatem: atq; ut possit is illa omnia cernere, qui tantummodò aspexerit: sed etiam, si est aliquantò spissius, aut si ego sum tardior, profectò nunquam cōquiescam, neq; defatigabor, antequàm illorum ancipites uias, rationesq; & pro omnibus, & contra omnia disputandi percepero.

Tum Caesar: Vnum, inquit, me ex tuo sermone maxime Crasse cōmouit, quòd eum negasti, qui non citò quid didicisset, unquā omnino posse perdiscere: ut mihi nō sit difficile periclitari, & aut statim percipere ista quæ (b) tu uerbis ad cœlum extulisti: aut si non potuerim, tempus non perdere, cum tamen his nostris possim esse contentus. Hinc Sulpitius: Ego uerò, inquit, Crasse, neq; Aristotelem istum, neq; Carneadem, nec philosophorum quenquam desidero, uel me licet existimes desperare posse ista perdiscere: uel id quod facio, contemnere. mihi rerum forensium & communiū uulgaris hæc cognitio satis magna est ad eam, quam specto, eloquentiam:  
ex qua



ex qua ipsa tamen permulta nescio, quæ tū denique, cum causa aliqua quæ à me dicenda est, desiderat, quæ ro. Quamobrem nisi fortè es iam defessus, & si tibi non graues sumus, refer ad illa te, quæ ad ipsius orationis laudem, splendoremq; pertinent, quæ ego ex te audire uolui: non ut desperarem me eloquentiam consequi posse, sed ut aliquid addiscerem. Tum Crassus: Peruulgatas res requiris, inquit, & tibi non incognitas, Sulpiti. quis enim de isto genere non docuit, non instituit, non etiam scriptum reliquit? sed geram morem, & ea duntaxat quæ mihi nota sunt, breuiter exponam tibi: censebo tamen ad eos, qui authores & inuentores sunt harum sanè minutarum rerum, reuertendum. Omnis igitur oratio conficitur ex uerbis: quorum primum nobis ratio simpliciter uidenda est, deinde coniunctè. Nam est quidam ornatus orationis, qui ex singulis uerbis est: alius, qui ex continuatis, coniunctisq; constat. Ergo utemur uerbis aut ijs quæ propria sunt, & certa quasi uocabuli rerum penè unà nata cū rebus ipsis: aut ijs quæ transferuntur, & quasi alieno in loco collocantur: aut ijs quæ nouamus, & facimus ipsi. In proprijs est igitur uerbis illa laus oratoris, ut abiecta atque obsoleta fugiat, lectis atq; illustribus utatur, in quibus plenum quiddam & sonans melle uideatur. Sed in hoc uerborum genere priorum delectus est quidam habendus: atq; is aurium quodam iudicio ponderandus, in quo consuetudo etiam benè loquendi ualeat plurimum. Etiam hoc, quod uulgò de oratoribus ab imperitis dici solet (bonis is uerbis, aut aliquis nō bonis utitur) non arte aliqua perpenditur, sed quodam quasi naturali sensu iudicatur. in quo non magna laus est uitare uitium, quanquam id est ma-



gnum: uerum hoc quasi solum quoddam, atq; fundamē-  
tum est, uerborum usus & copia bonorum. Sed quid  
ipse edificet orator, & in quo adiungat artem, id esse à  
nobis querendum atq; explicandum uidetur. Tria sunt  
igitur in uerbo simplici, quæ orator afferat ad illustran-  
dam atq; exornandam orationem, aut inusitatum uer-  
bum, aut nouatum, aut translatum. Inusitata sunt prisca  
ferè, ac uetusta, et ab usu quotidiani sermonis iam diu in-  
ternissa: quæ sunt poetarum licentie liberiora, quàm  
157 nostra: sed tamen raro habet (a) etiam in oratione poë-  
ticum aliquod uerbum dignitatem. neq; enim illud fuge-  
rim dicere, ut Cælius, qua tempestate Pœnus in Italiam  
uenit, nec prole, aut sobolem, aut effari, aut nuncupari:  
aut, ut tu soles Catule, non rebar, aut opinabar, & alia  
multa, quibus loco positis grādiior atq; antiquior oratio  
sæpè uideri solet. Nouātur aut uerba, quæ ab eo qui dicit,  
ipso gignuntur ac fiunt, uel coniungendis uerbis, ut hæc:  
Tū pauor sapientiam mihi omnē ex animo expectorat,  
Num non uis huius me uersutiloquas malicias:  
Vidētis enim & uersutiloquas, et expectorat, ex cōiun-  
ctione facta esse uerba, nō nata. Vel sæpè sine cōiunctio-  
ne uerba nouātur, ut ille sēsus disertus indigenitalis: ut,  
—— Baccarum ubertate incuruescere.

Tertius ille modus transferendi uerbi latē patet, quem  
necessitas genuit inopia coacta, & angustijs, post autem  
delectatio uicunditasq; celebravit. Nā ut uestis frigoris  
depellendi causa reperta primò, post adhiberi coepta est  
ad ornatum etiam corporis, & dignitatem: sic uerbi  
translatio instituta est inopie causa, frequētata delecta-  
tionis. nam gemmari uites, luxuriam esse in herbis, le-  
tas segetes etiam rustici dicunt, quod enim declarari uix  
uerbo



uerbo proprio potest, id translato cum est dictum, illustrat id quod intelligi uolumus eius rei, quam alieno uerbo posuimus, similitudo. Ergo hæ translationes quasi mutuaciones sunt, cum quod non habeas, aliunde sumas. Illæ paulo audaciores, quæ non inopiam indicant, sed orationi splendoris aliquid accersunt: quarum ego quid uobis aut inueniendi rationē, aut genera ponam? Similitudinis est ad uerbū unū contracta breuitas, quod uerbū in alieno loco tanquā in suo positū, si agnosceatur, deletat: si simile nihil habet, repudiatur. Sed ea transferri oportet quæ aut clariorem faciunt rem, ut illa omnia:

— Inhorrescit mare, (gror,  
Tenebræ conduplicantur, noctisq; et nimbū occæcat ni=  
Flamma inter nubes coruscat, cœlum tonitu contremitt,  
Grando mista imbri largifluo subita præcipitans cadit,  
Vndiq; omnes uenti erumpunt, seui existunt turbines,  
Fruet æstu pelagus. —

Omnia ferè quò essent clariora, translatis per similitudinem uerbis dicta sunt. Aut quò significetur magis res tota siue facti alicuius, siue consilij: ut ille, qui occultantem consultò, ne id quod ageretur intelligi posset, duobus translatis uerbis similitudine ipsa indicat:

(b) Quandoquidem iste circumuestit dictis, sepiù sedulò. Nonnunquam etiam breuitas translatione conficitur, ut illud: Si telum magu fugit, imprudētia teli emissi breuius proprijs uerbis exponi non potuit, quàm est uno significata translato. Atque hoc in genere persèpè mihi admirandum uidetur, quid sit quò omnes translatis et alienis magis delectantur uerbis, quàm proprijs et suis: nam si res suum nomen et proprium uocabulum nō habet, ut pes in nauī, ut nexum quod per libram agitur,



ut in uxore diuortium, necessitas cogit, quod non habear aliunde sumere, sed in sudorum uerborum maxima copia: tamē homines aliena multo magis, si sunt ratione translata, delectant. Id accidere credo, uel quod ingenij specimen est quoddam transilire ante pedes posita, & alia longē repetita sumere: quod is qui audit, alio ducitur cogitatione, neque tamen aberrat, quae maxima est delectatio: uel quod singulis uerbis res, ac totum simile conficitur: uel quod omnis translatio, quae quidem sumptu ratione est, ad sensus ipsos admoetur, maxime oculorū, qui est sensus acerrimus. Nam & odor urbanitatis, & mollitudo humanitatis, et murmur maris, et dulcedo orationis, sunt ducta à ceteris sensibus: illa uerò oculorum multo acriora, quae ponunt penē in conspectu animi, quae cernere & uidere non possumus. Nihil est enim in rerū natura, cuius nos non in alijs rebus possumus uti uocabulo & nomine. unde enim simile duci potest (potest autem ex omnibus) indidem uerbum unum, quod similitudinem continet translatum, lumen affert orationi. Quo in genere primum fugienda est dissimilitudo: — Coeli ingentes fornices.

Quamuis sphaerā in scenam (ut dicitur) attulerit Ennius, tamen in sphaera fornicis similitudo nō potest inesse.

— Viue Vlysses, dum licet,

Oculis postremum lumen radiatum rape.

Non dixit cape, non pete: haberet enim moram sperantis diutius esse sese uicturum. sed rape: hoc uerbum est ad id aptatum quod ante dixerat, dum licet. Deinde uidendum est, ne longē simile sit ductum: Syrtim patrimonij scopulum libentius dixerim: Charybdim bonorum, uoraginem potius. facilius enim ad ea quae uisa, quam ad illa



ad illa quæ audita sunt, mentis oculi feruntur. Et quoniã hæc uel summa laus est uerbi transferendi, ut sensum feriat id quod translaturum sit: fugienda est omnis turpitudinis eorum rerum, ad quas eorum animos qui audiunt, trahet similitudo. Nolo morte dici Africani castratam esse Remp. nolo stercus curiæ dici Glauciam, quamuis sit simile: tamen est (a) in utroq; deformis cogitatio similitudinis. 158 Nolo esse aut maius quàm res postulet, tempestas comessationis: aut minus, comessatio tempestatis. nolo esse uerbum angustius id quod translaturum sit, quàm fuisset illud proprium ac suum.

Quid nam est obsecro? quid te adiri abnutas? melius esse, uetas, prohibes, absterres: quoniam ille dixerat illico istuc:

Ne contagio mea bonis, umbræue obsit.

Atq; etiamsi uereare ne paulo durior translatio esse uideatur, mollienda est præpositio sæpè uerbo: ut si olim M. Catone mortuo pupillum senatum quis relictum diceret, paulo durius: sin, ut ita dicā, pupillum, aliquantò mitius est. Etenim uerecunda debet esse translatio, ut deducta esse in alienum locum, non irruisse: atq; ut precario, non ui uenisse uideatur. Modus autem nullus est florentior in singulis uerbis, nec qui plus luminis afferat orationi. Nam illud quod ex hoc genere profluit, non est in uno uerbo translato, sed ex pluribus continuatis connectitur, ut aliud dicatur, aliud intelligendum sit:

—Neq; me patior.

Iterum ad unum scopulum & telum classē Achium offendere.

Atq; illud:

Erras, erras. nam exultantem te & præsentem tibi Reprimēt ualidæ legum habenæ, atq; imperij insistent



iugo. Sumpta re simili, uerba eius rei propria deinceps in rem aliam (ut dixi) transferuntur. est hoc magnū ornamētū orationis, in quo obscuritas fugienda est: etenim ex hoc genere sunt ea quæ dicuntur ænigmata. nō est autē in uerbo modus hic, sed in oratione: id est, in cōtinuatione uerborū. Ne illa quidem traductio atq; immutatio in uerbo quandam fabricationem habet, sed in oratione: Africa terribili tremit horrida terra tumultu.

Pro Afris, est sumpta Africa. neq; factum uerbum est: ut, Mare saxifragis undis. neq; translatum: ut, Mollitur mare. sed ornandi causa proprium propria commutatum:

Desine Roma tuos hostis. —

Testes sunt campi magni. —

Gravius est modus in ornatu orationis, et sæpē sumēdus, ex quo genere hæc sunt: Martē belli esse cōmunem, Cererem pro frugibus, Liberū appellare pro uino, Neptunum pro mari, curiam pro senatu, campū pro comitijs, togam pro pace, arma ac tela pro bello. Quo item in (b) genere et uirtutes et uitia, pro ipsis in quibus illa sunt, appellantur. Luxuries quam in domum irrupit: et, Quō auaritia penetrauit, aut fides ualuit, iusticia confecit. Videtis profectō genus hoc totum, cū inflexo commutatoq; uerbo res eadem enunciatu ornatiu: cui sunt finitima illa minus ornata, sed tamen non ignoranda, cū intelligi uolumus aliquid aut ex parte totum, ut pro ædificijs cū parietes aut tectū dicimus: aut ex toto partem, ut cū unam turmam equitatum populi Romæ dicimus. aut ex uno plures:

At Romanus homo, tamen, et si res bene gesta est, Corde suo trepidat. — aut cū ex pluribus intelligitur unum:

Nos



Nos sumus Romani, qui fuimus Rutuli.

aut quocumq; modo nō ut dictum est, in eo genere intelligitur, sed ut sensum est. Abutimur sapē etiam uerbo, nō tam eleganter, quā in transferendo: sed etiam si licentius, tamen interdum non impudenter. ut cū grandem orationem pro magna, minutum animum pro paruo dicimus. Verū illa uidetis ne esse non uerbi, sed orationis, quæ ex pluribus, ut exposui, translationibus connexa sunt? hæc autem quæ aut immutata esse dixi, aut aliter intelligenda ac dicerentur, sunt translata quodammodo. Ita fit, ut omnis singulorum uerborum uirtus atq; laus tribus existat ex rebus: si aut uetustum uerbum sit, quod tamen consuetudo ferre possit: aut factum uel conjunctione uel nouitate, in quo item est auribus consuetudiniq; parcendum: aut translatum, quod maximē tanquam stellis quibusdam notat & illuminat orationem. Sequitur continuatio uerborum, quæ duas res maximē, collocationem primū, deinde modum quandam formamq; desiderat. Collocationis est componere & seruire uerba sic, ut neue asper eorum concursus, neue hiulus sit: sed quodam modo coagmentatus & leuis, in quo lepidē foceri mei persona lusit is qui elegantissimē id facere potuit, Lucilius:

Quā lepidē lexeis composæ, ut tesserule omnes

Arte pauimento, atq; e. lemante uermiculato.

quæ cū dixisset in Albutium illudens, ne à me quidem abstinuit:

Crassum habeo generum, ne rhetorico tero tu sis.

Quid ergo iste Crassus, quoniam eius abuteris nomine, quid efficit? Idem illud scilicet, ut ille uoluit, & ego uellem, melius aliquanto quā Albutius. uerū in me qui-



dem lufit ille, ut folet. Sed eſt tamen collocatio conſer-  
uanda uerborum, de qua loquor, quæ iunctam orationē  
efficit, quæ coherentem, quæ lenem, quæ æquabiliter  
fluentem. id aſſequimini, ſi uerba extrema cum conſe-  
159 quentibus primis ita iungetis, ut (a) neue aſperè concur-  
rant, neue uafius deducantur. Hanc diligentiam ſubſe-  
quitur modus etiam et forma uerborū: quod iam uereor,  
ne huic Catulo uideatur eſſe puerile. Verſus enim æteteres  
illi in hac ſoluta oratione propemodū, hoc eſt, numeros  
quosdam nobis eſſe adhibendos putauerunt. interſpira-  
tionis enim, non defatigationis noſtræ, neq; librariorum  
notis, ſed uerborum & ſententiarum modo, interpun-  
ctas clauſulas in orationibus eſſe uoluerunt. idq; prin-  
ceps Iſocrates inſtituiſſe fertur, ut inconditam antiquo-  
rum dicendi conſuetudinem delectationis atque aurium  
cauſa (quemadmodum ſcribit diſcipulus eius Naucrates)  
numeris aſtringeret. Nanque hæc duo Muſici, qui  
erant quondam ijdem poëtæ, machinati ad uoluptatem  
ſunt, uerſum atq; cantum: ut & uerborum numero, &  
uocum modo, delectatione uincerent aurium ſatietatem.  
Hæc igitur duo, uocis dico moderationē, & uerborum  
concluſionem, quoad orationis ſeueritas pati poſſit, à  
poëtica ad eloquentiam traducenda duxerunt: in quo  
illud eſt uel maximum, quod uerſus in oratione ſi effici-  
tur coniunctione uerborum, uitiū eſt: & tamen eam  
coniunctionem, ſicuti uerſum numero ſe cadere, & qua-  
drare, & perfici uolumus. neque eſt ex multis res una,  
quæ magis oratorem ab imperito dicendi, ab ignarōque  
diſtinguat: quàm quod ille rudis inconditè fundit, quan-  
tum poteſt: & id quod dicit, ſpiritu, non arte determi-  
nat. orator autem ſic illigat ſententiam uerbis, ut eam  
numero



numero quodam complectatur, & astricto & soluto. nam cum uinxit modis, forma: & relaxat, et liberat immutatione ordinis: ut uerba neq; alligata sint quasi certa aliqua lege uersus, neq; ita soluta ut uagentur. Quo nam igitur modo tantum munus insissemus, ut arbitremur nos hanc uim numero se dicendi cōsequi posse? Non est res tam difficilis, quàm necessaria. nihil est enim tam tenerū, neq; tā flexibile, neq; quod tam facile sequatur quōcūq; ducas, quàm oratio. ex hac uersus, ex eadem dispares numeri conficiuntur: ex hac hāc etiam soluta uarijs modis, multorumq; generum oratio. non enim sunt alia sermonis, alia contentionis uerba: neq; ex alio genere ad usum quotidianum, alio ad scenā pompamq; sumuntur. Sed ea nos cum iacentia sustulimus ē medio, sicut molliſsimam ceram ad nostrum arbitrium formamus & fingimus: itaq; tum graues sumus, tum subtiles, tum medium quiddam tenemus. sic institutam nostram sententiam sequitur orationis genus, idq; ad omnem rationem, & aurium uoluptatem, & animorum motum mutatur & uertitur. Sed ut in plerisq; rebus incredibiliter hoc natura est ipsa fabricata: sic in oratione, ut ea quæ maximam utilitatem in se continerent, eadē haberent (b) plurimū uel dignitatis, uel sæpē etiam uenustatis. Incolumitatis ac salutis omnium causa uidemus hunc statum esse huius totius mundi atq; nature rotundum, ut cœlum: terraq; ut media sit, eaq; sua uinutūq; teneatur, sol ut circumferatur, ut accedat ad brumale signum, & inde sensim ascendat in diuersam partem: ut luna accessu & recessu suo solis lumen accipiat: ut eadem spacia quinque stellæ dispares motu cursuq; conficiant. hæc tantam habent uim, ut paulum



immutata coherere nū possint: tantā pulchritudinē, ut nulla species ne excogitari quidē possit ornatior. Referte nunc animū ad hominū uel etiā ceterarū animantium formā & figurā: nullam partem corporis sine aliqua necessitate affictam, totamq; formā quasi perfectam reperietis arte, non casu. Quid in arboribus? in quibus non truncus, nō rami, nō folia sunt deniq; , nisi ad suam retinendā conseruandāq; naturā: nusquā tamen est ulla pars, nisi uenusta. Linquamus naturā, artesq; uideamus: quid tam in nauigio necessarium, quā latera, quā carinae, quā prora, quā puppis, quā antennae, quā uela, quā mali, quā reliqua? quae tamen hanc habent in specie uenustatē, ut non solū salutis, sed etiā uoluptatis causa inuenta esse uideantur. Columnae et tēpla & porticus sustinent, tamen habent nō plus utilitatis quā dignitatis. Capitoliū fastigiū illud & ceterarum aedium non uenustas, sed necessitas ipsa fabricata est. nam cū esset habitata ratio, quemadmodum ex utraque parte tecti aqua delaberetur, utilitatem templi fastigij dignitas consecuta est: ut etiamsi in coelo Capitolium statueretur, ubi imber esse non posset, nullam sine fastigio dignitatem habiturum fuisse uideatur. Hoc in omnibus item partibus orationis euenit, ut utilitatē ac propē necessitatem, suauitas quādam & lepos consequatur. clausulas enim atq; interpuncta uerborum, animae interclusio atq; angustiae spiritus attulerunt. id inuentum est ita suaue, ut si cui sit insuitus spiritus datus, tamen eum perpetuare uerba nolumus. id enim auribus nostris gratum est inuentum, quod hominum lateribus non tolerabile solū, sed etiam facile esse possit. Longissima est igitur complexio uerborum, quae uolui uno spiritu



spiritu potest: sed hic natura et modus est, artis alius. nam  
 cum sint numeri plures, Iambum & Trocheum frequen-  
 tem segregat ab oratore Aristoteles, Catule, uester: qui  
 natura tamen incurrunt ipsi in orationem, sermonemq;  
 nostrum: sed sunt insignes percussiones eorum numero-  
 rum, & minuti pedes. Quare primum ad heroum nos  
 Dactyli, & Anapesti, et Spondei pedem inuitat, in quo  
 impune progredi licet duos duntaxat pedes, aut paulo  
 plus: ne planè in uersum aut similitudinè (a) uersuum 160  
 incidamus. aliæ sunt geminæ, quibus hi tres heroi pedes  
 in principia continuandorum uerborum satis decorè  
 cadunt. Probatur autem ab eodem illo maxime pæan,  
 qui est duplex. nam aut à longa oritur, quam tres bre-  
 ues consequuntur, ut hæc uerba: Definite, incipite, com-  
 primite. aut à breuibus deinceps tribus extrema produ-  
 cta, atq; longa, sicut illa sunt: Domuerant, sonipedes.  
 Atq; illi philosopho ordiri placet à superiore pæane, po-  
 steriore finire. est autem pæan hic posterior non sylla-  
 barum numero, sed aurium mensura, quod est acrius iudi-  
 cium, & certius, par ferè Cretico, qui est ex longa &  
 breui & longa. ut: Quid petam præsidij, aut exequarè  
 quouè nunc. A quo numero exorsus est Fannius: Si Qui-  
 rites minas illius. hunc ille clausulis aptiorè putat, quas  
 uult longa plerunq; syllaba terminari. Neq; uerò hæc tã  
 acrem curã diligentiaq; desiderant, quàm est illa poëta-  
 rum, quos necessitas cogit, & ipsi numeri ac modi: sic  
 uerba uersu includere, ut nihil sit ne spiritu quidem mi-  
 nimo breuius, aut longius, quàm necesse est. Liberior  
 est oratio, et planè ut dicitur, sic & est uerè soluta: non  
 ut fugiat tamen aut erret, sed ut sine uinculis sibi ipsa  
 moderetur. Namq; ego illud assentior Theophrasto, qui  
 putat



putat orationem, quæ quidē sit polita, atq; facta quodā modo, non astrictē, sed remissius numerosam esse oportere. Etenim sicut ille suspicatur ex illis modis, quibus hic usitatus uersus efficitur, post anapæstus procerior quidā numerus effloruit: inde ille licentior & diuitior fluxit dithyrambus, cuius mēbra et pedes, ut ait idē, sunt in omni locupleti oratione diffusa: etsi numerosum est id in omnibus sonis atq; uocibus, quod habet quasdam impressiones, & quod metri possumus interuallis æqualibus, rectē genus hoc numerorū, dummodō ne continuū sit, in orationis laude ponetur. Nam si rudis & indocta putanda est illa sine interuallis loquacitas perennis & profluēs, quid est aliud causæ cur repudietur? nisi quod hominū aures uocē naturæ modulantur ipsæ, quod fieri nisi inest numerus in uoce nō potest: numerus autē in continuatione nullus est: distinctio et æqualiū, & sepē ueriorū interuallorū percussio, numerū conficit: quem in cadentibus guttis, quod interuallis distinguuntur, notare possumus, in amni præcipitante nō possumus. Quod si continuatio uerborū hæc soluta multo est aptior, atq; iucundior, si est articulis membrisque distincta, quàm si continuata ac producta, uerba illa modificata esse debent: quæ si in extremo breuiora sunt, infringitur ille quasi uerborum ambitus. sic enim has orationis conuersiones Græci nominant.

Quare aut paria esse debent posteriora superioribus, extrema primis: aut, quod etiam est melius, & iucundius (b) longiora. Atq; hæc quidem ab ijs philosophis, quos tu maxime diligis Catule, dicta sunt: quod eo sæpius testificor, ut authoribus laudandis ineptiarum crimen effugiam. Quarum tandem, inquit Catulus? aut quid



quid disputatione ista afferri potest elegantius? aut omnino dici subtilius? At enim uereor, inquit Crassus, ne hæc aut difficiliora istis ad persequendū esse uideantur: aut quia non traduntur in uulgari ista disciplina, nos ea maiora ac difficiliora uideri uelle uideamur. Tum Cætilus: Erras, inquit, Crasse, si aut me, aut horū quenkū putas, à te hæc opera quotidiana, & peruagata expectare. Ista, quæ dicis, dici uolumus: neq; tam dici, quàm isto dici modo: neq; tibi hoc pro me solū, sed pro his omnibus sine ulla dubitatione respondeo. Ego uerò, inquit Antonius, inueni tandē, quem negarā in eo, quem scripsi, libello me inuenisse eloquentem: sed eò te ne laudandi quidē causa interpellauī, ne quid de hoc tam exiguo sermonis tui tempore uerbo uno meo diminueretur. Hanc igitur, Crassus inquit, ad legē cūm exercitatione, tūm stylo, qui et alia, et hoc maximē ornat ac limat, formanda uobis oratio est: neq; tamē hoc tanti laboris est, quanti uidetur: nec sunt hæc rhythmicorū ac musicorū acerrima norma dirigenda: sed efficiendum est illud modo uobis, ne fluat oratio, ne uagetur, ne insistat interius, ne excurrat longius: ut mēbris distinguatur, ut cōuersiones habeat absolutas. neq; semper utendum est perpetuitate, & quasi conuersione uerborum: sed sæpē capienda membris minutiorib. oratio est, quæ tamen ipsa mēbra sunt numeris uincienda. Neq; uos pæan aut herous ille conturbet: ipsi occurrent orationi, in quā se offerent, & respondebūt nō uocati: consuetudo modò illa sit scribendi, atq; dicendi, ut sententiæ uerbis finiantur: eorūq; uerborum iunctio nascatur à proceris numeris, ac liberis, maximē heroo, & pæane priore, aut cretico, sed uariè distincteq; considat. Notatur enim maximē similiter  
do in



do in conquiescendo : & si primi & postremi illi pedes sunt hac ratione seruati, medijs possunt latere : modò ne circuitus ipse uerborum sit aut breuior, quàm aures expectent : aut longior, quàm uires atq; anima patiatur. Clausulas autè diligentius etiam seruandas esse arbitror, quàm superiora, quod in his maxime perfectio atq; absolutio iudicatur. nam uersus æquè prima, & media, & extrema pars attenditur, qui debilitatur in quacunq; sit parte titubatum. in oratione autè prima pauci cernunt, postrema pleriq; : quæ quoniã apparent, & intelliguntur, uarianda sunt, ne aut animorum iudicijs repudientur, aut aurium satietate. Duo enim aut tres sunt ferè extremi (a) seruandi & notandi pedes, si modò non breuiora, & præcisa erunt superiora, quos aut chorios, aut heròos, aut alternos esse oportebit, aut in peane illo posteriore, quem Aristoteles probat, aut ei pari cretico. Horum uicissitudines efficient, ut neq; ij satientur, qui audient, fastidio similitudinis : nec nos id, quod faciemus, opera dedita facere uideamur. Quòd si Antipater ille Sidonius, ille quem tu probè Catule meministi, solitus est uersus hexametros, aliosq; uarijs modis atq; numeris fundere ex tēpore : tantumq; hominis ingeniosi ac memoris ualuit exercitatio, ut cum se mente ac uoluntate cōiecisset in uersum, uerba sequerentur : quanto id facilius in oratione, exercitatione & consuetudine adhibita cōsequemur ? illud autè nequis admiretur, quo nā modo hæc uulgus imperitorū in audiendo notet : cum in omni genere, tū in hoc ipso magna quædā est uis, incredibilisq; naturæ. omnes enim tacito quodam sensu, sine ulla arte aut ratione, quæ sint in artibus ac rationibus recta ac praua dijudicant : idq; cum faciūt in picturis & in signis,



in signis, & in alijs operibus, ad quorū intelligentiam à natura minus habent instrumentis: tum multo ostendunt magis in uerborū, numerorū, uocumq; iudicio, quod ea sunt in cōmunibus infixa sensibus, neq; earū rerū quēquā funditus natura noluit esse expertem. Itaq; non solō uerbis arte positis mouentur omnes, uerū etiam numeris ac uocibus. Quotus enim quisq; est qui teneat artem numerorum, ac odorū? at in his si paulū modō offensum est, ut aut contractione breuius fieret, aut productione longius, theatra tota reclamant. Quid hoc, non idem sit in uocibus? ut à multitudine & populo, non modō ceterae atq; conuentus, sed etiam ipsi sibi singuli dispertantes eijciantur. Mirabile est, cum plurimum in faciendo intersit inter doctum & rudem, quā non multum differat in iudicando. Ars enim, cum à natura profecta sit, nisi naturam moueat ac deleat, nihil sanē egisse uideatur. nihil est autē tam cognatum mentibus nostris, quā numeri atq; uoces: quibus & excitamur, et incendimur, & lenimur, & languescimus, & ad hilaritatem & ad tristitiam sepe deducimur. quorū illa summa uis carminibus est aptior, & cantibus: nō neglecta, ut mihi uidetur, à Numarege doctissimo, maioribusq; nostris, ut epularum solennium fides, ac tibiae, saltorumq; uersus indicant: maximē autem à Graecia uetere celebrata, quibus utinam similibusq; de rebus disputari: quā de puerilibus his uerborū translationibus maluissetis. Verū ut in uersu uulgus, si est peccatum: uidet: sic si quid in nostra oratione claudicat, sentit: sed poëta non ignoscit, nobis concedit, (b) tacitē tamen omnes nō esse illud quod diximus, aptū perfectumq; cernunt. Itaq; illi ueteres, sicut hodie etiam nonnullos uidemus, cum circuitum

& quasi



et quasi orbem uerborum conficere non possent (nam id quidem nuper uel posse, uel audere cœpimus) terna, aut bina, aut nonnulli singula etiam uerba dicebant: qui in illa infantia naturali illud, quod aures hominum flagitabant, tenebant tamen, ut et illa essent paria quæ dicerent, et aequalibus interpirationibus uterentur. Exposui ferè, ut potui, quæ maximè ad ornatum orationis pertinere arbitrabar. dixi enim de singulorum laude uerborum: dixi de coniunctione eorum: dixi de numero atq; forma. Sed si habitū etiam orationis, et quasi colorem aliquem requiritis, est plena quædam, et tamen teres, et tenuis, et non sine neruis ac uiribus, et ea quæ particeps utriusq; generis quadam mediocritate laudatur. His tribus figuris insidere quidam uenustatis non suco illitus, sed sanguine diffusus debet color.

Tum deniq; nobis hic orator ita conformandus est et uerbis, et sententijs, ut quemadmodum qui utuntur armis, aut palestra, non solum sibi uitandi, aut ferendi rationem esse habendam putant, sed etiam ut cum uenustate moueantur: sic uerbis quidem ad aptam compositionem, et condecentiam, sententijs uerò ad grauitatem orationis utatur, ut ij qui in armorum tractatione uersantur. Formantur autem et uerba, et sententiæ penè innumerabiles, quod satis scio notum esse uobis. Sed inter conformationem uerborum et sententiarum hoc interest, quod uerborum tollitur, si uerba mutaris: sententiarum permanet, quibuscumq; uobis uti uelis. Quod quidē uos etsi facitis, tamen admonendos puto, ne quid esse aliud oratoris putetis, quod quidem sit egregium atq; mirabile, nisi in singulis uerbis illa tria tenere: ut translatis utamur frequenter, interdumq; factis, raro autem



autem etiam peruetustis. In perpetua autē oratione, cum  
 et coniunctionis lenitate, et numerorum quam dixi ra-  
 tionē tenuerimus, tū est quasi luminibus distinguenda et  
 frequentanda omnis oratio sententiarū atq; uerborum.  
 Nam et commoratio una in re permultū mouet, et illu-  
 stris explanatio rerumq; quasi gerantur, sub aspectum  
 penē subiectio, quæ et in exponenda re plurimum ualeat,  
 et ad illustrandum id quod exponitur, et ad amplifican-  
 dum: ut ijs, qui audient, illud quod augebimus, quantum  
 efficere oratio poterit, tantum esse uideatur. et huic con-  
 traria sæpè præcisio est, et plus ad intelligendum quàm  
 dixeris significatio, et distinctè concisa breuitas, et ex-  
 tenuatio, et huic adiuncta illusio, à præceptis Cæsaris  
 non abhorrens: et ab re non longa digressio, in qua cum  
 fuerit delectatio, tum reditus ad rem (a) aptus, et con- 162  
 cinnus esse debet: propositioq; quid sis dicturus, et  
 ab eo quod est dictum seiunctio, et reditus ad proposi-  
 tum, et iteratio, et rationis apta conclusio: tum augen-  
 di, minuendi uē causa ueritatis superlatio atq; traictio,  
 et rogatio, atq; huic finitima quasi percunctatio expo-  
 sitioq; sententiæ suæ tum illa, quæ maximè quasi irrepsit  
 in hominum mentes alia dicentis ac significantis dissi-  
 mulatio, quæ est periucunda, cum in oratione, non con-  
 tentione, sed sermone tractatur: deinde dubitatio, tum di-  
 stributio, tum correctio, uel ante uel post quàm dixeris,  
 uel cum aliquid à te ipso reicias: præmunio est etiam  
 ad id quod aggrediar, et reiectio in alium: communi-  
 catio, quæ est quasi cum ijs ipsis apud quos dicas deli-  
 beratio: morum ac uitæ imitatio uel in personis, uel sine  
 illis, magnum quoddam ornamentum orationis, et aptū  
 ad animos conciliandos uel maximè, sæpè autem etiam



ad commouendos : personarum ficta inductio, uel grauissimum lumen augendi, descriptio : erroris inductio, & in hilaritatem impulsio, anteoccupatio: tum duo illa quæ maxime mouent, similitudo & exemplum: digestio, interpellatio, contentio, reticentia, commendatio, uox quædã libera, atq; etiam effrenatior augendi causa iracundia, obiurgatio, promissio, deprecatio, obsecratio, declinatio breuis à proposito : non ut superior illa digressio, purgatio, conciliatio, lesio, optatio atq; execratio. His ferè luminibus illustrant orationem sententiæ. Orationis autem ipsius tanquam armorum est, uel ad usum comminatio, & quasi petitio, uel ad uenustatem ipsa tractatio. Nam & geminatio uerborum habet interdum uim, leporem aliàs, & paulum immutatum uerbum atq; deflexum, & eiusdem uerbi crebra tum à primo repetitio, tum in extremum conuersio, & in eadem uerba impetus, & concursio, & adiunctio, & progressio, & eiusdem uerbi crebrius positi quædam distinctio, & reuocatio uerbi : & illa quæ similiter desinunt, aut quæ cadunt similiter, aut quæ paribus paria referuntur, aut quæ sunt inter se similia. Est etiã gradatio quædam, & conuersio, & uerborum concinna transgressio, & contrarium, & dissolutum, & declinatio, & reprehensio, & exclamatio, & imminutio, & quod in multis casibus ponitur, et quod de singulis rebus propositis ductum refertur ad singula, & ad propositum subiecta ratio, & item in distributis supposita ratio, & permissio : & rursum alia dubitatio, & improbitum quiddam, & dinumeratio, & alia correctio, & disputatio, & quod continuatum, & interruptum: & imago, & sibi ipsi responsio, & immutatio, & distinctio,



etio, & ordo, & relatio, & digressio, et (b) circumscrip-  
 ptio. Hæc enim sunt forè, atq; horum similia uel plu-  
 ra etiam esse possunt, quæ sententijs orationem, uerbo-  
 rumque conformationibus illuminent. Quæ quidem te  
 Crasse uideo, inquit Cotta, quod nota esse nobis putes,  
 sine definitionibus, & sine exemplis effudisse, Ego in-  
 quit Crassus, ne illa quidem quæ supra dixi, noua uobis  
 esse arbitrabar: sed uoluntati uestrum omnium parui. His  
 autem de rebus sol me ille admonuit, ut breuior essem,  
 qui ipse iam precipitans, me quoq; hæc precipitè penè  
 euoluere coëgit. Sed tamen huius generis demonstratio  
 est & doctrina ipsa uulgaris, usus autem grauiusculus,  
 & in hoc toto dicendi studio difficillimus. Quamob-  
 rem, quoniam de ornatu omni orationis, si non sunt o-  
 mnes patefacti, at certè commonstrati loci: nunc quid  
 aptum sit, hoc est, quid maximè deceat in oratione, ui-  
 deamus. quanquam id quidem perspicuum est, nō omni  
 causæ, nec auditori, neq; personæ, neq; tempori cōgrue-  
 re orationis unum genus. Nam et causæ capitis alium  
 quendam uerborum sonum requirunt, alium rerum pri-  
 uatarum atq; paruarum: & aliud dicendi genus delibe-  
 rationes, aliud laudationes, aliud iudicia, aliud sermo-  
 nes, aliud consolatio, aliud obiurgatio, aliud disputatio,  
 aliud historia desiderat. Refert etiam qui audiant, se-  
 natus, an populus, an iudices: frequentes, an pauci, an  
 singuli: & quales ipsi quoq; oratores, quæ sint ætate,  
 honore, auctoritate, debent uideri, tempus pacis an bel-  
 li, festinationis an ocij. Itaq; hoc loco nihil sanè est quod  
 præcipi posse uideatur, nisi ut figuram orationis ple-  
 nioris & tenuioris, & item illius mediocris, ad id quod  
 agimus accommodatam deligamus, ornamentis ipsædem uti



ferè licebit, alias contentius, alias summissius: omniq; in re posse quod deceat facere, artis & naturæ est: scire quid quandoq; deceat, prudentiæ. Sed hæc ipsa omnia perinde sunt, ut aguntur: actio inquam in dicendo una dominatur, sine hac summus orator esse in numero nullo potest, mediocri hac instructus summus sæpè superare. Huic primas dedisse Demosthenes dicitur, cum rogaretur, quid in dicendo esset primum: huic secundas, huic tertias. Quo mihi melius etiam illud ab Aeschine dictum uideri solet, qui, cum propter ignominiam tudicij cessisset Athenis, & se Rhodum contulisset, rogatus à Rhodijs, legisse fertur orationē illam egregiam, quam in Ctesiphontem contra Demosthenē dixerat, qua perlecta, petitū est ab eo postridie, ut legeret illam etiam quæ erat contra à Demosthene pro Ctesiphonte edita: quam cum suauissima & maxima uoce legisset, admirantibus omnibus. Quāto, inquit, magis admiraremini, si audissetis ipsum: ex quo satis significauit, quantū esset in actione: (a) qui orationē eandem, aliam esse putaret, authorem mutato. Quid fuit in Græcho? quem tu Catule melius meministi, quod me puero tantopere ferretur? Quod me miser consera? quod uertam? in Capitolium nee at fratris sanguine redundat, an domū? matrē ne ut miserā, lamentantemq; uideam, et abiectā? Quæ sic ab illo acta esse cōstabat oculis, uoce, gestu, inimici ut lachrymas tenere non possent. Hæc eo dico pluribus, quod genus hoc totum oratores, qui sunt ueritatis ipsius actores, reliquerunt: imitatores autē ueritatis histriones occupauerunt. Ac sine dubio in omni re uincit imitationem ueritas, sed ea si satis in actione efficeret ipsa per sese, arte profectō non egeremus. Verū quia animi permotio, quæ maxi-



mè aut declaranda, aut imitanda est actione, perturbata  
 sepe ita est, ut obscuratur, atq; penè obruatur discutienda  
 sunt ea quæ obscurant, & ea quæ sunt eminentia &  
 præopta sumenda. Omnis enim motus animi, suum quenda-  
 m à naturâ habet uultum et sonum et gestum, totumq;  
 corpus hominis: & eius omnis uultus, omnesq; uoces,  
 ut nerui in fidibus ita sonant, ut à motu animi quoque  
 sunt pulsa. Nam uoces ut chordæ sunt intentæ, quæ ad  
 quemq; tactû, respondeant; acuta, grauis: cita, tarda: ma-  
 gna, parua: quas tamen inter omnes est suo quoq; in ge-  
 nere mediocris. Atq; etiam illa sunt ab his delapsa plura  
 genera, leue, asperum, contractû, diffusum, contenti spi-  
 ritu, intermisso, fractû, scissum, flexo sono, attenuatum,  
 inflatum. Nullû est enim horû similium generû, quod nò  
 arte ac moderatione tractetur: hi sunt actori, ut pictori,  
 expositi ad uariandum colores. Aliud enim uocis genus  
 iracundia sibi sumat, acutum, incitatu, crebrò incidens:  
 Impius hortatur me frater, ut meos malis miser  
 Manderem natos. & ea, quæ tu dudum Antoni pro-  
 tulisti:

Segregare abs te ausus, &

Ecquis hos animaduertit? euincit?

& Atreus ferè totus. Aliud miseratio, ac mœror, flexi-  
 bile, plenum, interruptum, flebili uoce:

Quò nunc me uertam? quod iter incipiam ingredi?

Domum paternam: an ne ad Pelie filias? & illæ:

O pater, ô patria, ô Priami domus. & quæ sequuntur:

Hæc omnia uidi inflammari,

Priamo ui uitam euitari.

Aliud metus, demissum, & hæsitans, & abiectum.

Multis modis sum circumuentus, morbo, exilio atque  
 inopia,



(b) Tum pavor sapientiam mihi omnem ex animo ex-  
pectorat.

Alter terribilem minitatur uita cruciatum, et necem,  
Quæ nemo est tam firmo ingenio, et tanta confidentia,  
Quin refugiat timido sanguine, atq; exalbescat metu.

Aliud uis, contentum, uehemens, imminens, quadam  
incitatione grauitatis:

Iterum Thyestes Atreum attractum aduenit,

Iterum iam aggreditur me, et quietum exsuscitat,

Maior mihi moles, maius miscendum est malum,

Qui illius acerbum cor contundam, et comprimam.

Aliud uoluptas, effusum, lenè, tenerum, hilaratum ac  
remissum:

Sed mihi cum detulit coronam ob collocandas nuptias,

Tibi ferebat: cum simulabat sese alteri dare,

Tum ad te ludibunda doctè et delicatè detulit.

Aliud molestia, sine commiseratione graue quiddam,  
et uno pressu ac sono obductum:

Qua tempestate Paris Helenā innuptis iunxit nuptiis,

Ego tū grauida expletis iam ferè ad pariendū mensibus,

Per idem tempus Polydorum Hecuba partu postremo  
parit.

Omneis autem hos motus subsequi debet gestus, non  
hic uerba exprimens scenicus, sed uniuersam rem et sen-  
tentiam, nō demonstratione, sed significatione declarās:  
alterum inflexione, hac forti ac uili, non ab scena et  
histrionibus, sed ab armis, aut etiam à palestra. Manus  
autem minus arguta, digitis subsequens, uerba nō expri-  
mens, brachium procerius proiectū quasi quoddam te-  
lum orationis, supplotio pedis in contentionibus aut in-  
cipiendis aut finiendis. Sed in ore sunt omnia. In eo au-

tene



tem ipso dominatus est omnis oculorum. quo melius nostri illi senes, qui personatum ne Roscium quidem magnopere laudabant. Animi est enim omnis actio: & imago animi uultus est, indices oculi. nam hæc est una pars corporis, quæ quot animi motus sunt, tot significationes, & commutationes possit efficere. neque uerò est quisquam, qui eadem contuens efficiat. Theophrastus quidem Thauriscum quendam dixit actorem, auersum solitum esse dicere, qui in agendo contuens aliquid, pronuntiaret. Quare oculorum est magna moderatio. nam oris non est nimium mutanda species, ne aut ad ineptias, aut ad prauitatem aliquam deferamur. Oculi sunt, quorum tum intentione, tum remissione, tum coniectu, tum hilaritate, motus animorum significemus aptè cum genere ipso orationis. est enim actio quasi sermo corporis, quo magis menti congruens esse debet. Oculos autem (a) natura nobis, ut equo & leoni setas, caudam, aures, ad motus animorum declarandos dedit. Quare in hac nostra actione secundum uocem uultus ualet: is autem oculis gubernatur. Atque in ijs omnibus quæ sunt actionis, inest quedam uis à natura data: quare etiam hac imperiti, hac uulgi, hac denique barbari maxime commouentur. uerba enim neminem mouent, nisi eum qui eiusdem lingue societate coniunctus est: sententiæque sæpè acute, non acutorum hominum sensus præteruolant: actio, quæ præ se motum animi fert, omnis mouet. Iisdem enim omnium animi motibus concitantur, & eos iisdem notis & in alijs agnoscunt, & in se ipsi iudicant. Ad actionis autem uisum atque laudem, maximam sine dubio partem uox obtinet, quæ primum est optanda nobis: deinde, quæcunq; erit, ea tuenda, de quo illud iam nihil ad hoc præcipiendi

164



genus, quemadmodū uoci seruiatur: equidē magnopere cenſeo ſeruiendum. Sed illud uidetur ab huius noſtri ſermonis officio non abhorrere: quod, ut dixi paulo antē, plurimis in rebus, quod maximē eſt utile, id neſcio quo pacto etiam decet maximē. nam ad uocē in dicendo obtinendam nihil eſt utiliſ, quā crebra mutatio: nihil pernicioſius, quā effuſa ſine intermiſſione contentio. Quid ad aures noſtras, & actionis ſuauiſſimam, quid eſt uiciſſitudine, et uarietate, & commutatione aptius? Itaq; idem Gracchus, quod potes audire Catule ex Licinio cliente tuo, literato homine, quem ſeruum ſibi ille habuit ad manum, cum eburneola ſolitus eſt habere fiſtula, qui ſtareſ occultē poſt ipſum, cum concionaretur, peritum hominem, qui inſlaret celeriter eum ſonum, quo illum aut reſmiſſum excitaret, aut à contentione reuocaret. Audiui me hercule, inquit Catulus, et ſepē ſum admiratūſ hominis cum diligentiam, tum etiam doctrinam et ſcientiam.

Ego uerō, inquit Cratſſus, ac doleo quidem illos uiros in eam fraudem in Repub. eſſe delapſos. quanquam ea tela textitur, & ea incitatur in ciuitate ratio uiuendi, ac poſteritatis oſtenditur, ut eorum ciuium quos noſtri patres non tulerunt, iam ſimiles habere cupiamus. Mitte obſecro, inquit, Cratſſe, Iulius ſermonem iſtum, & te ad Gracchi fiſtulam refer, cuius ego nōdum planē rationem intelligo. In omni uoce, inquit Cratſſus, eſt quiddam medium: ſed ſuum cuiq; uoci. hinc gratatim aſcendere uocem, utile et ſuaue eſt. Nam à principio clamare, agreſte quiddam eſt: & illud idem ad firmandum eſt uocem ſalutare. Deinde eſt quiddā contentioſis extremum, quod tamen inferius eſt quā acutiſſimus clamor, quo te fiſtula progredi non ſinet, & tamen ab ipſa contentione reuocabit.



uocabit. Est idem contrā quiddam in remissione graui-  
 simum, quoq; tanquam sonorum gradibus descenditur.  
 Hæc uarietas, & hic per omnes sonos uocis cursus (b)et  
 se tuebitur, & actioni asferet suauitate: sed fistulatores  
 domi relinquetis, sensum huius consuetudinis uobiscum  
 ad forum deferetis. Edidi quæ potui, non ut uolui, sed ut  
 me temporis angustia coegerunt. scitum est enim, cau-  
 sam conferre in tempus: cum asferre plura si cupias, non  
 queas. Tu uerò, inquit Catulus, collegisti omnia, quantum  
 ego possum iudicare, ita diuinitus, ut non à Græcis didi-  
 cisse, sed eos ipsos hæc docere posse uideare. Me quidem  
 istius sermonis participem factum esse gaudeo: ac uelle  
 ut meus gener sodalis tuus Hortensius affuisset: quem  
 quidem ego confido omnibus istis laudibus, quas tu ora-  
 tione complexus es, excellentem fore. Et Crassus, fore  
 dicis inquit? ego uerò esse iam iudico: & tunc iudicaui,  
 cum me consule in senatu causam defendit Africa: nu-  
 perq; etiā magis, cum pro Bithyniæ rege dixit. Quam-  
 obrem rectè uides, Catule, nihil enim isti adolescenti neq;  
 à natura, neq; à doctrina deesse sentio. quo magis est ti-  
 bi Cotta, & tibi Sulpiti, uigilandum ac laborandū. non  
 enim ille mediocris orator uestre quasi succrescit ætati:  
 sed & ingenio peracri, & studio flagranti, & doctrina  
 eximia, & memoria singulari. cui quanquā faueo, ta-  
 men illū ætati suæ præstare cupio: uobis uerò illū tanto  
 minorem præcurrere, uix honestum est. Sed iam sur-  
 gamus, inquit, nosq; curemus, & aliquando  
 ab hac contentione disputationis  
 animos nostros, curamq;  
 laxemus.

FINIS.

RERV.



# RERVM ET VERBORVM IN HOC CICERONIS VOLV MINE ME- morabilium, Index.

<b>A</b>		Cademia 288	<b>B</b>	
	Aelius sextus	Bestia	418	
314		Byzantiꝝ faceti	399	
Aenigmata	490	<b>C</b>		
Aeschines	275.363	Caius Carbo	366	
A.F.P.R.	417	C.Cento	419	
Aglaophon pictor		C.Caelius	293	
449		C.Hostilius Mancinus		
Alcibiades	363	327		
Ambiguorum plura		C.Lucilius	282	
genera	368	C.Mancinus	309	
Antipater Sidonius		C.Marius	280	
uerfus hexametros		C.Norbanus	362	
fundebat ex tempo		C.Sergius Aurata	308	
re	498	C.Velleius Epicureus		
Apollonius Rhodius	456			
282		Calcei Sicyonei	325	
Apollonius Alaban		Callidius	401	
densis	294	Callisthenes historicus		
Arcefilas	462	352		
Aristoteles æmulus		Carneades	275	
Isocratis	282	Carneades legatus ab		
Asclepiades medicus		Atheniensibus mis-		
279		sus Romam	380	
Attici præter cæteros		Cato	351	
faceti	399	Cæsar falsus	364	
		Cli-		



# INDEX.

Clitomachus	275	Granius	406.418
Cn. Carbo	273	Granon Thessaliae	
Comparisonis duo		urbs	437
modi	475	Gymnasia	342
Consecutionis duo		H	651
prima genera	475	Hellanicus historicus	
Corax	288	Hermodorus	279
Corra subtilis	364	Herodorus	352
Crassus ex lateris do-		Herodes Alabandens	
lorem mortuus	443.	sis	364
ἡπίωνος	325	Historia quid	346
Chrysippus	276	Hortensii laus	509
Critias	363	Hyperides	362
Critolaus	275	Hypseus	305
Critolaus ab Atheo		I	(450)
niensibus legatus		In Aeschine sonitus	
missus Romam	380	In Africano grauitas	
D		450.	
Dulcedo orationis		In Carbone profluens	
488		quiddam	ibid.
Duodecim tabularum		In Demosthenes	
libellus	313	450	
E		In Galba asperitas	450
ἑπὶ	415	In Hyperide acumen	
Eloquentiae laus	271	ibid.	
Empedoclis poema		In Isocrate sauitas	ibid.
320		In Laelio lenitas	ibid.
Ephorus	363	In Lysia subtilitas	ibid.
Ephorus indigebat cal-		In risu quinq; quærun-	
caribus	452	tur	406
F		Isocrates eloquentiae	
Flexanima oratio	389	pater	339
G		L	
Gorgias	275	Laelius Decimus	343
		Luci-	



# INDEX.

Lucilius	418	O	
L. Aurifex	407	Odor urbanitatis	488
M		P	
Magonis Carthagi-		Palæstra	342
nenſis Georgica	331	παρονομασία	411
Marcus Aemilius Le-		Partes facere	441
pidus Porcina	272	Pedes duo extremi	no
M. Antiftius Pirgenſis		tandi	498
419		πειθω	425
M. Bucculeius	308	Pericles	320. 363.
M. Cincius	418	Perſius omnium	hae
M. Coponius	309	tinorum doctiſſi-	
M. Curius	327	mus	343
M. Duronius	416	Pes in naui	487
M. Marcellus ædilis		Pherecydes historicus	
curulis	278	351	
M. Pinnarius	412	Phidias	357
M. Scipio Maluginen-		Philippi oratoris di-	
ſis	412	ſum	427
M. Seruilius	ibid.	Philiftus historicus	352
M. Vigellius	465	Philo	476
Mare inferum	462	Philo armamentariū	
Meneclæ Alabanden		Athenienſium fecit	
ſis	364	278	
Menedemus	284	Phormio deriſus ab	
Mneſarchus	284	Annibale apud An-	
Murmur maris	488	tiochum	358
Myrion pictor	449	Phrygio Pomponius	
N		418	
Naucrates Iſocratis di		πρῶτος	320
ſcipulus	492	Pictor	350
Numa Pompilius an-		Piſiſtratus Homerili-	
te Pythagoram	380	bros diſpoſuit	481
		Piſo	351
		Poeta	



# INDEX.

Poeta nemo bonus si Rusca 41  
ne inflammatione S  
animorum 391 Sceptius Metrodorus

Poetae quasi alia lin 439  
gualoquuntur 353 Scopas 437

Poetica verba usurpan Sedes 342  
da ab oratore 486 Septimuleius Anagni

Polydectus 449 nus 414  
Porticus 342 Seruius Galba 273

Præcepta laudandi 434 Sex. Pompeius Philor  
sophus 380

Præcepta inuiperandi 436 Sex. Titius 349  
Siculi faceti 399

Probatōnis duplex 314 Simonides, primus ar  
tis memorie autor

materia 369 436  
Prytaneum 325 Socratis laus 459

P. Antronius 455 Solon 278  
P. Mummus 414 Speusippus Platonis

P. Mutius pontif. nepos 461  
Max. 350 Staseas peripateticus

P. Rutilius Rufus 325 290  
Stylus 301

Q. Maximus 405 Syriuenales 413  
Syriuenales 413

Q. Val. Soranus togatorum literatissio Teucer Pacuui 310  
mus 454 Themistoclis facetum

Q. Varius 293 dictum 423  
Theodectes 461

Rhodij faceti 399 Theopompus 363  
Roscius 296 452

Roscius Comædus Theramenes 363  
414 Thrasymachus nume  
rorum



# INDEX.

rorum inuentor	Verborum proprio
463	rum delectus haben
Thucydides	351 363 dus 485
Thyſias	286
Tiſyrus Brulla	468
Translatio uerecunda	Xenophon Socraticus
elle debet	489 352
Tres uiripulones	463
Trinummus	347 Zechus Pacuiuanus
V	380.
Vargula	407 Zeusſpictor 449.

FINIS.

ARGENTORATI, PER IOſIAM  
 Ribelum, Anno Salutis humane  
 M D LXVIII  
 Menſe Iunio.











# INDE

rorum inuentor Ve  
 463  
 Thucydides 351 363  
 Thyſias 286  
 Tityrus Brulla 468  
 Translatio uerecunda Xer  
 eſſe debet 489  
 Tres uiri epulones  
 463  
 Trinummus 347 Ze  
 V  
 Vargula 407 Ze

# FINIS

ARGENTORATI, P  
 Ribelum, Anno Salu  
 M D LXV  
 Menſe Iun



